

GEOGRAPHIA.
N. 8. 10.




t. 10




00056
11 l

Geogr. ~~1157~~

49. 1. 10







3 Atley
V.
t.10

I M P E R I V M T V R C I C V M.



Turcarum meminit Pomponius Mela lib. primo, ubi ait: *Fæcundos pabulo juxta Maotim, ad alia steriles nudosque campos tenent Budini. Geloni urbem ligneam habitant. Iuxta Thyr-*

sageta Turcaque vastas sylvas occupant, alunturque venando. Eodem agnoscit Plinius lib. VI, cap. VII. Neque est dubium, quin ab his nominis & gentis originem traxerint illi qui longe lateque hodie imperant. Turcia ipsa omnis ab Italia, Germania, Polonia, Moscovitis, Persis, Indis, Abyssinis, ac per universam Africæ oram ad Gades ferè, à Lybia interius, & ab Hispania, Galliave exterius: Hadriatico mari, Alpibus, magnis fluminibus, Borysthene scilicet ac Tanai: sylvis, paludibus, continuis montibus, Hyrcano mari, vastis plagis, patentibus arenarum campis, inviis desertis, mediterraneoque iterum separatur. Cetera Rubrum mare & Oceanus ambit, Arabicos sinus & immensa terrarum spatia complectens, iis contermina gentibus, in quas Lusitanorum superioris seculi felix audacia aditum sibi & imperium aperuit. Ad octies mille passuum millia à Venetis usque ad Gades ejus imperii littora per Adriaticum Ægæum ab Europa: Euxinum, & rursus Ægæum ab Asia: Ionium ac reliqua mediterranei sese effundunt. Nec minor terrestris per supradictas regiones est ambitus. Medium quod jacet omne, continuo indiscretoque cursu, dominos solum agnoscit Turcas. Tanta est ejus amplitudo, ut excepta Italia, Gallia, Hispania, Germania, & Sarmatia, cum exigua Hungariæ, Græciæque parte, terrarum omne Romanis olim subiectum, hodie à Turcis teneatur, aliquibus provinciis, populisque adjectis, qui Romanorum quidem arma, imperium vero non noverunt.

origo & successus imperii Turcici.

Primus apud Turcas rerum potitus est *Osman*, qui *Ottomannus* dicitur, Tartarus natione, miles magni Chami, homo audax, corporis viribus præ ceteris eximius. Hic prætextu injuriarum quarundam secedens à Tartaris, cœpit in Cappadocia montes atque aditus insidere. Habebat initio apud se equites XL. Accessere tum prædæ spe, tum scelerum suorum conscientia permoti alii multi, quorum opera, quod clam ante instituerat, palam ag-

Asia.

gredi cœpit. Occupavit Cappadociam, Pontum, Bithyniam, Pamphyliam, & Ciliciam, regiones opulentissimas. Initium principatus hujus referunt ad annum Christi 1300. Imperavit annos XXVIII.

Successit ei *Orchanes*, qui patrium imperium iisdem artibus, sed majore opum vi servavit, auxitque, usus imprimis oportunitate Christianorum, animis inter se dissidentium: quo factum est, ut *Mysiam, Lycaoniam, Phrygiam, Cariam* domuerit, *Niceam* obsederit ceperitque, & regnum ad Hellespontum usque protulerit. Contendebant eo tempore inter se Palæologi Constantinopolitani cum Cantacuzeno. Ratus autem *Orchanes*, quod res erat, fore ut si huic faveret, in Europam accerferetur, trajecit, & viam posteris stravit Europam divexandi. Sub finem vitæ infelicitè cum Tartaris decertans, occubuit, postquam regnasset annos XXXVI.

Secutus est hunc filius *Amurathes*, magnus simulandi & dissimulandi artifex, robore animi, laborum tolerantia, disciplina rei militaris majoribus suis par. Anno 1363 *Callipolin* in Chersoneso Thracica occupavit: quam statim magna pars Thraciæ sequuta est. Postea devicit *Mysiam, Bessas, Triballos*. Denique quum expugnata *Adrianopoli*, Servia, Bulgariæque inhiaret, à Lazaro Servia Despotæ victus occisusque est, anno imperii XXXI. Liberos reliquit *Solimannum*, & *Bajazetum*.

Bajazetus fratre interemto, rerum potitus, Thraciam omnem sibi subjugare instituit, qua superata animum ad Constantinopolin adjecerat: sed primum *Thessaliam, Macedoniam, Phocidem, Atticam* occupare visum est. *Mylas* quoque, qui hodie Servii, *Illyricos*, qui hodie Bosnenfes, & *Triballorum*, qui Bulgari dicuntur, partem reliquam, Principe Bulgariæ interfecto, subegit. Iamque Constantinopoleos suburbia spoliaverat, urbemque ipsam octo annos obsederat, quum Hungarorum, Gallorumque, quos Imperator eo nomine in Italiam profectus accersiverat, adventantium copias reformidans, relicta obsidione ad Nicopolim iis occurrit, congressus victor evasit, cæsis captisque magna ex parte Gallorum ducibus. Occubuit eo prælio *Ioannes Burgundiæ Dux*. evasit *Sigismundus Hungariæ & Bohemiæ Rex*. Elatus rerum successu *Bajazetus*, rursus Constantinopolin contendit, eamque longa triennii obsidione fatigavit: jamque actum erat de obsessis, quum

B

Tamer-



Tamerlanes magnus Tartarorum Cham, igni & ferro Asiam totam depopulari, urbes vastare, prædas agere instituit: cujus ille subito terrore evocatus, in Galatiæ & Bithyniæ finibus aciem instruxit. Pugnatum est adversis signis multam in noctem. Bajazetus superatus, captus, aureisque compedibus vinctus in cavea per Asiam à Tamerlane traductus fuit. Periere Turcarum ducenta millia. Incidit hæc clades in annum Christi 1397. Bajazetus cum post triennium desperata liberatione audisset in Tartaros se abducendum, caput validis iteratisque ictibus cavæ ferreæ incussit, & indignantem animam sic emisit, postquam regnasset annos XII, menses VI. Filios reliquit Calapinum, Mahumetem, & Mustapham.

Calapinus, qui & *Alpin*, subito extinctus est; filius ejus Orchanes à Moyse patruo occisus: ipse etiam Moyse à fratre Mahumete I. Hic Valachiam Macedoniamque omnem devicit, signaque Turcica ad Ionium usque pelagus protulit. Regiam constituit Adrianopoli, & postquam imperasset annos XVII, vita functus est anno Domini CIOCCCCXXII.

Ei successit *Amurates II*, qui *Mozatbeg* fuis. Hic Genuensium opera in Thraciam delatus, patruum suum Mustapham, cui Græci addictiores erant, bello vicit. *Thessalonicam* urbem antiquam, & tum temporis amplitudine, amœnitate, opibus, situque illustrem, quam tunc Veneti tenebant, evertit; *Cyprum*, *Epirum*, *Ætoliæ* subegit. Quumque intelligeret, rebus suis stabiliendis, Christianorum vero debilitandis, magnopere sibi Georgii Despotæ, Serviæ domini, amicitiam prodesse posse, eam omnibus modis ambiit, ducta insuper ejus filia in uxorem. Fretus itaque tum suis viribus, tum perfidi Despotæ fide, Belgradum ad Savi & Danubii confluentem sitam urbem, quam paulo ante Despotæ Sigismundo Imperatori dono dederat, oppugnare aggreditur. Periere in ea obsidione septem Turcarum millia. Hac victoria confirmati Christianorum animi majora sperare incipiunt. Vladislaus Poloniæ & Hungariæ rex, Ioannem Hunniadem ob res bene gestas Vaivodam sive Ducem Transilvaniæ fecerat. Hic Serviam ingressus, Turcas expulit; eos denique postea, Transilvaniæ fines ingressos, longe lateque stravit. Posthæc in Bulgaria sexies uno die cum Turcis justo prælio decertans, semper victor evasit. Capta ibi hostium millia quatuor, signa novem, duces tredecim. Ad extremum Amurathes tot malis amens; indignansque induciarum fœdera sancte concepta, Eugenii Pontificis suasu ab Vladislao temere rupta esse; copiis suis omnibus collectis, extrema experiri statuit. Erant tunc forte castra Christianorum ad lacum

Varnensem. Turca corruptis speculatoribus, infra Callipolim ex Asia in Europam repente transmisit exercitum; solvitque Genuensibus, penes quos faucium illarum potestas erat, centum millia aureorum. Pugnatum est utrinque magnis animis tres dies perpetuos. Tandem victoria penes Amurathem fuit, merito Christianos fractæ fidei incusantem. Rex Vladislaus eo prælio confectus interiit. Hunniades ægre salvus evasit. Iulianus Cardinalis, auctor, ut quidam volunt, rupti fœderis, equo delapsus, miserè animam in devio saltu exhalavit. Quibus rebus elatus Amurathes, murum Hexamilum in Isthmo Corinthiaco exstructum diruit: ac tandem in Prusia Bithyniæ urbe, in qua sedes tunc erat Imperatorum, vitam finiit, anno imperii sui xxx.

Suscepit ei fuit in imperio *Mahumetes II*. Hic cum tyrannidem suam fratris nece stabilivisset, Constantinopolim expugnavit, anno 1453, penultima die mensis Maji. Postea Bulgariam occupavit, & arcem Rasciæ ad Danubii ripam, quam vocant *Smideron*; tum Dalmatiam & Croatiam, cum Rascia omni. Trapezuntem etiam vicit, & Mitylenem, cum aliis quibusdam Ægæi maris insulis. *Eubæam* cepit & *Theodosiam*, quæ nunc Caffa dicitur, Genuensium urbem, in Taurica Chersoneso. Tandem frustra oppugnata Rhodo obiit Cal. Maji, an. 1481. Regnavit annos xxxi, vixit LVIII. Filios reliquit Bajazetum, & Zyzymum.

Bajazetus II rerum potitus, fratrem, frustra Sultani Ægyptii auxiliis adjutum Prusia, Asiaque omni expellit, qui cum ad Christianos defecisset, & Rhodum venisset, inde missus est in Galliam, postea anno 1488 Romam ad Innocentium VIII, neque multo post ab Alexandro Papa veneno porrecto extinctus est. Bajazetus interea *Ciliciam* & *Album Castrum* in Moldavia expugnavit: *Modon* insulam & urbem Venetis eripuit: cum Sophi rege Persarum diu infelicitè bellum gessit. Imperavit annos xxxii.

Zelymus I filius, vitæ patris pertæsus, eum veneno interfecit. Idem fratres nepotesque strangulari iussit. Primus in Africam trajecit, & ejecto Sultano magnam partem Ægypti occupavit. Constantinopolim reversus, cancro renes depascente extinctus est, anno MDXX, postquam regnasset annos 8, vixissetque XLVI.

Successit ei Solymanus, qui *Belgradum* cepit, *Rhodum*, *Strigonium*, *Budam*, aliasque Hungariæ urbes. Obiit anno imperii sui XLVII.

Sequitur *Zelymus II*, qui *Cyprum* Venetis ademitt, *Tunetum* & *Goulettam* occupavit. Hoc imperante classis Turcica ad Naupactum memorabili victoria à Christianis profligata est.

Eum

I M P E R I V M T V R C I C V M.

Eum *Amurathes* III excepit.

Hunc *Mahumetes* III, qui parricidio interemptis fratribus duodeviginti, imperium auspicatus est.

Post hunc *Achmetes*, & *Mustapha* frater *Achmetæ*, & *Osmannus* imperavit, quo, ob res infelicitè gestas adversus Polonum, aliæque interfecto, successit iterum

Mustapha, eductus è carcere, & mortem, non Imperium cogitans. Quem in solio ita collocatum, tantâ, qualis quidem apparebat, felicitate diu frui Fatum noluit. anno quippe sequenti, eâdem, quâ ad Imperium evectus, temeritate dejectus, carcerique iterum mancipatus est.

Achmetes II, *Osmanni* frater, in ejus successit locum, ætatis suæ anno decimo quarto.

Amurathes IV, *Moscovitis* in Polonos bella moventibus, fuit auxilio: qui ætat. 33. Constantinopoli obiit, anno 1640.

Ibrahim ejus nominis I, *Amurathi* fratri successit. Qui Princeps, anno 1645 Venetis, & Melitensibus Equitibus acre indixit bellum; insulamque Candiam primum adortus, Castrumque à S. Theodoro denominatum, cepit, urbemque Caneam, celebre utique munimentum, terrâ marique cinxit obsidio; & tandem altero obsidionis mense ad deditionem coëgit. His ita gestis, armatos in Dalmatiam mittit exercitus, qui provinciam istam vastarent, plurimisque inde ditati spoliis, incolas quamplurimos, mancipia catenatis destinata laboribus, abducerent. Anno 1646 Novigradiam, munitissimam licet urbem, in suam Turcæ potestatem rede gere. Versâ tamen fortunæ paginâ, maximas aliquoties strages cladesque à Venetis iidemet perpeffi sunt. Verum enimvero insensissimi Christiano nomini hostes, navali classe multo ingentiori reversi, Caneam à Venetis obsessam propugnant, quos obsidionem cogunt solvere; Rhetymumque, septem à Caneâ distantem milliaribus civitatem, vi occupant. Tandem hic idem Princeps, anno 1648 seditiosorum subditorum armis interfectus est; Magno, quem vocant, Visirio, sive Imperii Turcici supremo moderatore, ab iisdem paulo ante occiso.

Mahomet IV, Patri successor datus ætat. suæ anno tantum 16, Bellum in Venetos, sedecim jam, & quod excurrit, annos perdurans, continuat: cujus compositio ulla necdum apparet.

Ex his omnibus constat, Turcarum Imperatorem latas admodum amplasque regiones tenere. In *Europa* Hungariæ magnam partem, & Thraciam, cum Græcia, hoc est, Macedonia, Epiro, Achaia, Peloponneso, & insulis maris *Ægæi* possidet: præterea *Illyridis* sive *Slavoniæ* partem: tum *Bosnam*, *Serviam*,

Asia.

Rasciam, & *Bulgariam*. In *Africa* habet *Algerium*, *Tripolim*, totam *Ægyptum*, ab *Alexandria* usque ad *Asnum* urbem, quæ *Syene* est. In *Asia* vero habet *Natoliam*, quæ est *Asia minor*, *Cyprum*, *Palæstinam*, *Cælesyriam*, *Babyloniam*, *Arabiam* omnem cum *Armenia*.

1. *Anatoli beglerbeg*. Ejus sedes est in civitate *Cutaige Phrygiæ* majoris, quam olim *Cotyaium* Græci nominabant. *Sangiacos* habet sub se duodecim.

2. *Caramam beglerbeg*. domicilium habet ad *Caesariam Ciliciæ*, de qua suo dictum loco. Septem sub hoc sangiacatus sunt.

3. *Sivas beglerbeg*. ad *Sebastiam*.

4. *Tocatum beglerbeg*. Residet ad urbem *Amasiam*. Sub eo sunt quinque sangiacatus. Idem alibi scribit, *Carachissar*, (veteribus *Corycum*,) id est, *Arx nigra*, quæ in *beglerbegatibus* ponitur in *Amassæ Tocatique* provincia, complectente *Paphlagoniam*, *Galatiam* & *Cappadociam*: ubi *Sangiacatus* hi conjunguntur, *Carachissar*, *Sasum* (priscis *Sasima*) *Tarabosan* sive *Trapezus*.

5. *Dulgadir beglerbeg*. Quatuor sub se sangiacatus habet.

6. *Halep beglerbeg*. ad *Helepum* sive *Berrhoeam Syriæ*.

7. *Scham beglerbeg*. ad *Damascum Syriæ*.

8. *Tarapolos vel Trapolos beglerbeg*. ad *Tripolim Syriæ*.

9. *Maras beglerbeg*. ad *Marassum*, propter *Euphratem* situm, inter *Halepum* & *Mesopotamiam*.

10. *Diarbekir beglerbeg*. in *Mesopotamia*, ad urbem *Amidam*, quam *Turci* nunc *Carahemid* nominant. *Sangiaci* parent huic duodecim.

11. *Bagdat beglerbeg*. ad *Bagdatim* sive novam *Babylonem*.

12. *Ballara beglerbeg*. ad sinum *Persicum*, non procul à *Bagdat* sive *Babylone*.

13. *Laxa beglerbeg*. Antiquitus *Carmania*. tendit ad limites *Ormuz*, & *Persis* est finitima.

14. *Gemen, Aden beglerbeg*. in *Arabia Felici*, ad litus *Rubri Maris*. Diversa loca sunt, uno tamen *beglerbegatu* comprehensa.

15. *Chebetz, Hussio Zebet beglerbeg*. Locus situs in littore sinus *Arabici*, finitimus est imperio regis *Æthiopum Præteiani*.

16. *Missir beglerbeg*. *Cairo* præest, & toti *Ægypto*. *Sangiaci* sub eo sexdecim.

17. *Cypri beglerbeg*. *Nicosiæ* vel *Famagustæ* degit.

18. *Scheherezul beglerbeg*. in *Assyria*, *Persis* finitimus.

19. *Wan beglerbeg* respicit *Perfarum* fines, versus *Siruanum* sive *Mediam*, & *Armeniam* majorem.

C

10. Ar.

Regiones
subdita
Turcis.

20. Arzerum vel Erzrum beglerbeg. in Armenia majori, ad limites Siruani five Mediae, & Georgianorum. Distat à Tarabo sane five Trapezunte sex dierum itinere.

21. Tiphlis beglerbeg. finitimus Georgianis five Cúrgginis, ut nunc appellantur. Institutus fuit à Mustapha bassa Serdare anno Christiano 1578, mense Septembri. Locus etiam priscis notus; apud Cedrinum reperitur in Constantino Monomacho; verbis huiusmodi: Asan (is erat è Tangrolipicis fratre natus) à Sultano Tangrolipice missus contra Romanos, quum Taurezium, & oppidum nominatum Tephlis, præterisset: Vaaspracania ingressus est, id est, Mediam.

22. Siruan beglerbeg. Hoc nomine Media nunc appellatur, à metropoli Siruan, quam eodem anno Mustaphas idem cepit, & primum istic beglerbegum constituit Osmanem bassam famosum: sed à Persis non multo post ejectus fuit. Nihilo tamen minus hic beglerbegatus Osmanidarum inscriptus est libro, qui nisi restituatur, numquam se pacem facturos cum Persis profitentur.

23. Temircapi beglerbeg. Locus est ad mare Caspium, Porta ferrea dictus & Capi derbent, Porta faucium vel angustiarum. Cepit hunc Osman bassa eodem anno 1578, & in formam beglerbegatus, necato Schemhali Chane, socero suo, redegit.

24. Cars beglerbeg. Cedrinus Carse nominat, & in Persamenia collocat, quæ nunc Armenia major est. Distat Cars ab Arzerum quatuor dierum itinere. Beglerbegatus coepit anno Christiano 1579, auctore Mustapha bassa.

25. Tschildir aut Tzildir beglerbeg. ad fines Georgianorum, ab eodem Mustapha bassa institutus, anno 1579. Porcius Tschaldung perperam scripsit.

26. Fassa beglerbeg. in Mengrelia. Munio structa per Vluzalim Capitan bassam fuit anno 1579, & ibidem institutus beglerbegatus. Sed paullo post discessum ejus captam vicissim Georgiani diruerunt. Civitatis Phasianæ mentionem facit Leonis Augusti novella de thronis, & episcopum ejus refert sub metropolim Trapezuntis. Hæc eadem cum hodierna scilicet Phassa fuerit.

27. Sochum beglerbeg. in Georgianorum finibus, à Sinane bassa Verizazeme institutus, anno Christiano 1580.

28. Batin beglerbeg. ibidem à Sinane tunc institutus.

29. Revan beglerbeg. Hunc locum Ferhates bassa cepit & munivit anno Christiano 1582, ereptum Tocmaci Sultano, Persicarum partium principi. Beglerbegus istic primus fuit Cigaloglis bassa. Genuas.

30. Somakie beglerbeg. Somakia Chal-

cocondyli Samachia nominatur. Beglerbegatus auctor fuit Osman bassa, anno Christiano 1583.

Posteriores autem beglerbegatus hi, bello decennali Persico, instituti; quemadmodum novi sunt, ita potius nomine tenus sic adpellandi veniunt, nec cum antiquis comparandi. Nunc ordinem naturæ sequendo, provincias Asiæ recensitis, meridiem versus ab oriente progrediamur.

1. Cefair beglerbeg. Sedem habet in Al-^{Beglerbegatus Africa,} gefair, quæ nostris est Algerium.

2. Tunisi beglerbeg. residet ibidem.

3. Tripoli beglerbeg. domicilium ibidem habet.

Sunt autem Africæ duo præterea regna, libro Turcorum vel Osmanidarum (ut ipsi loquuntur) inscripta; quæ tamen necdum inter beglerbegatus referuntur, sed potius tributariorum seu feudorum nomine veniunt; Fessa nimirum, cum Maroco.

Nunc ad occidentem, & aquilonem, quæ restent provinciæ, videamus.

1. Rumelli beglerbeg, quem Græciæ vocant. Sedes ejus est Sophia. Sub ejusdem ^{Euro-} vexillo sangiacatus infra scripti continentur.

1. Sophia Servia.

2. Nigeboli five Nicopolis. cis Danubium sita est qui muros ejus alluit.

3. Kircklisse, id oppidum est Thraciæ quod à Græcis Saranta Ecclesies appellatur, prisci dixissent *παραρχοντα Εκκλησίας*.

4. Vyza, Thraciæ.

5. Kirmen, Macedoniæ. Scribit alibi Leonclavius: Kermen seu Chermen situm est in Moldaviæ Tartariæque finibus versus Pontum Euxinum, ubi scilicet Danubius se in hunc effundit. Est Sangiacatus hodieque Beglerbego Romanæ five Græciæ subiectus.

6. Silistra, ibidem. Bulgariæ oppidum.

7. Giustandil, ibidem. Priscis (inquit Leonclavius) vocatam puto Iustinianam primam, Macedoniæ quidem illam, sed versus Illyricum, vel in ipso potius Illyrico sitam.

8. Bender, versus Euxinum Keraïosque Tartaros.

9. Acherman, five Chermen, in Moldaviæ Tartariæque finibus versus pontum Euxinum, ubi scilicet Danubius se in hunc effundit.

10. Vscopia.

11. Pristrem, Thessaliæ.

12. Salonichi, Thessaliæ.

13. Trichala, ibidem: priscis *Tricca*.

14. Mistra, quondam Sparta, Moreæ.

15. Palæopatra, ibidem.

16. Iagnia, Ioannina Ætoliæ.

17. Delvina } Achaïæ.

18. Elbassan }

19. Avelona.

20. Du-

20. Ducaggin.

21. Iscodar, in Albania: Scutarium Græcis *Scodra*.

II. Denizi beglerbeg. qui & Capitan bassa vulgo, pro maris capitaneo five prætor: Sedes ipsius est Gallipoli. Sangiacatus ei subiecti sunt:

1. Gallipolis.
2. Galata.
3. Nicomedia.
4. Lemnos.
5. Mitylene: est insula Lesbos.
6. Chios.
7. Nexia, ibidem. Nexus.

8. Negroponto. Egripos insula Turcis dicitur, quam vulgo jam Negropontum appellant, sicut & primariam insulæ civitatem: quæ ponte, cui castellum adjunctum est, cum Achaïæ continenti adhæret. Vrbi nomen apud priscos erat Chalcis, Insulæ vero Eubœa.

9. Rhodi.
10. Cavala.
11. Napolidi Romania.
12. Lepanto.
13. S. Maura.
14. Alexandria.

III. Budum beglerbeg. Sedes ejus ibidem. Subiecti sunt ipsius jurisdictioni sangiacatus hi fere:

1. Novigrad: quæ Turcis & Croatis *Novigrad* dicitur, arcis novæ significationem habet, in Servia finibus sita. Primus hanc Murates cepit, sed Christiani recuperarunt & sub Muchmete II rursus eam amiserunt.

2. Filek: arx Sepusio adjacens.
3. Zetschen, five Zetzen.
4. Zolnok.
5. Gran: Strigonium ad confluentem Grani in Danubium.
6. Segedin.
7. Alba regalis.
8. Sexard: vel Sexfart inter Budam & Nanderalbam.
9. Simontorna.
10. Copan.
11. Muhatz.

12. Ziget, five Safwat. Arx est & arte & natura loci munitissima, undiquaque enim paludibus est circumdata & veluti immersa in finibus Sclavoniæ, haud procul à Quinque Ecclesiis.

13. Perscheu, vel Quinque Ecclesiæ.
14. Syrmium.

15. Semendria, oppidum Servia, non procul à Belgrado ad ripam Danubii situm: Vngari vocant Zendrea, corrupto nomine pro S. Andrea.

IV. Temeswar beglerbeg. residet ibidem. Subiecti sunt ejus administrationi sangiacatus hi:

1. Temeswar: castellum & oppidum in inferiori Panonia situm, opere, natura & præsidio imprimis munitum, à flumine Temesa præterlabente sic dictum.

2. Mudava.
3. Vilaoswar.
4. Tschianad.
5. Vutschitirni.
6. Giula.
7. Vidin.

8. Lipa. Hanc Sigismundus princeps Transilvaniæ Turcis eripuit anno 1595.

V. Bozna beglerbeg. Sedes ipsius in Bagnialuca. Sangiacatus hi subditi sunt:

1. Bagnialuca.
2. Polchega.
3. Clissa.
4. Herzegovina. Regia Bozinæ superioris versus Iadram five Zaram & Epidaurum, nunc Ragusam se porrigentis, *Herzec* à Turcis appellatur, à Castaldo, Chersec, ab aliis Orzega, à Bozinacis & Croatis *Herzegovina*: quod Ducis five Principis sedes esset, quem *Bozinaci*, Croatique cum Vngaris, Germanico vocabulo nominant *Herzog*.
5. Lika.
6. Sazefchna.
7. Iswornik.
8. Brisrem.
9. Allatschia chissar.

VI. Coffe beglerbeg. Ejus sedes est ad urbem Capham in Taurica Chersoneso trans mare nigrum sita, Genuensium quondam colonia; olim Theodosia: Sangiacatus duntaxat erat initio. Beglerbego Græciæ subiectus. Præter Capham, & ei vicina loca, sangiacatus omnes ditione sua complectitur, ad Tanaim paludemque Mæotidem sitos. Sed verum si fateri volumus, beglerbegi nomen potius titulo, quam potestatis amplitudine tuetur.

Forma Imperii Turcici plane est despotica *Forma re- & Monarchica*. Adeo enim absolute rerum *giminiis* omnium intra fines sui domini contentarum Dominus est, ut incolæ se mancipia ejus, non subditos nuncupent. Nec sui quisquam juris est, multoque minus domus, quam inhabitat, aut terræ, quam colit, dominus est, exceptis aliquot familiis Constantinopoli, quibus præmii loco & privilegio id concessum à Mahomete secundo fuit. Onera Imperii penes Vizirium supremum, cetera per Divan, hoc est, per Senatum administrantur. *Ianizzerorum* turba ingens. Hi veluti Prætoriani olim milites Dominum custodiunt; præfectum, & stationes, castrorum instar, sortiti. Ipsi Imperatori ob multitudinem & robur sæpe graves sunt, ideoque eorum libitu munera dare, aliaque multa facere cogitur. Sed cum sit potestatis illius fulcimen unicum, reliqua ut minutiora tolerantur. *Spay* equites prisco

prisco Romanorum equitatu similes sunt. *Bassa, Sangiaki, & Beghi* Senatores & Nobiles æmulantur. *Chiausii, Capigii*que velut Tribunorum ac Centurionum sunt manus. *Subassii, Azamoglanique*, ut lictorum apparitorumque latera constipans multitudo, priscam Imperatorum Romanorum majestatem æquare videtur. *Ianizeri* stationes suas habent in Imperatoris domus vestibulo, ubi perpetuæ, alternæque militum excubiæ aguntur. Horum multitudo xl ferè millium est. mensua sex aureorum singuli stipendia merentur. Ad xxii millia Byzantii tantum reperiuntur, ceteris per arces aut Imperii limites dispositis. *Spayorum*, hoc est, equitum numerus minor, dignitas tamen major; cum enim Ianizari raro ad honores dignitatumque gradus promoveantur, Spay veluti proprio jure dignitatum majorum capaces sunt. Aureos merentur quindecim pro stipendiis. *Azomaglani*, hoc est, tributii filii, sunt, qui è parentum ulnis teneri adhuc avulsi, ad vigesimum secundum annum inter labores & inopiam, ignari parentum, in Imperatoris tutelam & obsequium educantur. Horum xxvi millia sunt, omnesque Byzantii commorantur, nec ultra duos aureos quolibet mense ad victum habent, ac singulis annis vestem. *Vezirii Bassa* provincias ac cetera imperii administrant. Horum indefinitus est numerus, prout etiam Bassarum. Nam qui semel eo munere sunt functi, semper nomen ac dignitatem retinent. Byzantii sex commorantur; è quibus constat supremus Senatus, cui Vezirius Primus (eorum vocabulo *Vezir Azem*) ingenti præsidet autoritate: eoque ad bellum proficiscente, Vezirius alter, *Caimeham*, hoc est, locum tenentis nomine surrogatur. Ægyptum, Arabiam Felicem, Babylona, Græciam, Hungariamque regere non licet, nisi Veziriis. Nec Vezirius fit quisquam, quin prius fuerit Bassa, unde Vezirii Bassæ nuncupantur. *Bassarum* numerus, qui sibi non constat, quintuplo major est, quam Veziriorum. Horum dignitas etsi Veziriorum est minor, ubique tamen & semper est conspicua. Ob id filii sororum vel filiarum Imperatorum, quæ Veziriis plerunque nubunt, ad hæc duo dignitatum genera nunquam admittuntur, ne affinitati ad occupandam tyrannidem à dignitate subsidium ac potentia ministretur. *Testardarorum* haud facile numerum inire; regii namque census, ut sunt infiniti, ita & multos procuratores requirunt, qui supremo uni ærarii præfecto Byzantii semper degenti, rationes reddere, pecuniamque omnem emitte coguntur. Sic & *Sangiaki* permulti, hoc est urbium ampliorum præfecti, quibus minores aliæ urbes, pagique subsunt. A *Beghis* in hoc differunt, quod Sangiaki statuta militiæ præsumunt, Imperatorioque flamine utuntur, quod eodem vocabulo Sangiak dicitur: Beghis autem nulla in Imperatoriam militiam potestas, aut usus insigniorum, nisi in proprios milites privatos. Opulentioris tamen conditionis sunt aliqui Beghi quam Sangiaki, quorum dignitas parvo proventu ditata est. *Chiausii* sunt, qui per provincias ad Præsides Imperatoris mandata perferunt, ac exequi curant. Estque hoc munus honorificum inprimis apud illos. Similiter & *Capigii*; sed atrocioribus de rebus, ut si quando Præfectis Gubernatoribusque decernenda mors. Ambo tamen pars sunt Imperatoris aulae. Hi custodiendæ interiori januæ, quorum nomen Ianitores sonat; illi curandis externis ad aulam & Imperatorem pertinentibus. *Capigii* numero sunt quadringenti, octonis in stipem aureis quolibet mense donati. *Chiausii* quingenti, & triginta aureis. *Subassii*, velut lictores, aut magis proprie satellitum, vel apparitorum præfecti; cum hi ordinariæ militiæ proprii sint ministri. Horum incertus est numerus, incertaque stipendia, nec tam Imperatori, quam ministris ejus famulantur, cum in supradictos omnes alios, excepto Imperatore, fas jusque sit nemini. Qui Imperatoris aulae inserviunt, alii ad exterius, alii ad interius servitium spectant. Ad exterius pertinent *Solaki, & Mutesar Aga*. Illi pedites sunt sagittarii, ambidextri ad utrumque Imperatoris latus ambulantes, ne qui à dextris eunt, si jaculari contingat, Imperatori terga vertant. *Mutesar Aga* ex omnibus partibus ac religionibus homines sunt, vel insigni corporis fortitudine, vel alia quavis virtute bellica insignes, quos honoris tantum gratia Imperator emeritorum militum instar penes se habet. suntque quingenti, singulis mensibus aureos sexaginta in stipendium ducentes. Ad interius servitium pertinent mulieres, & qui earum famulatio inserviunt Eunuchi. Horum, quia ad solam Imperatoris voluntatem augentur ac minuuntur, certus numerus non est. Quicumque tamen sunt, ab Eunuchosene Capikenia, hoc est, Portæ locum tenente, reguntur, nec non pueri ad Imperatoris cubiculi curam & servitium destinati, quos *Ichoglan* vocant. Hortos *Azamoglan* curant, sub Præfecto, cui nomen *Bostangi bassi*, hoc est, Hortulanus major: cui delectorum è Christianorum liberis *Bostangi Bassi*. Azamoglanorum supra quatuor millia parent. Prout etiam iidem in culinæ ac ædium usum ligna vehunt ac scindunt. Culinæ architriclini rationem habent. Stabulorum magistri aulae magnitudini respondent. Nam equi plus quam quingenti, muli ducenti fere, cameli quingenti, quorum gubernatores *Gevegi*, hoc est, Camelarii vocantur. Sunt & mu-

muliones, quos *Katergos* vocant: & equorum strigilatores plus quam quingenti, & totidem illi, quibus ephippiorum habenarumque cura. *Sarah* appellantur. Parent hi omnes Præfecto stabuli supremo, vel ejus locum tenenti. Præfectus *Himbrakor bassi*, hoc est, Stabularius major, & locum tenens, *Himbrakorkheia* dicitur.

Officia
Portæ Of-
manicæ
præcipua.
Intra Sa-
raium qui
Sultano
serviunt.

Portæ Osmanicæ ministri, alii intra Saraïum, alii extra, munia sua obeunt.

Capi Aga, vel Capi Agasi, Præfectus aut Capitaneus Portæ.

Oda Bassi, cubicularius maximus, & præfectus Itzoglanis Saraïi. Adolescentes sunt, qui ab ætatis octavo, ad vigesimum annum usque, pro Sultano aluntur & educantur intra saraïum, varieque pro indole sua instituuntur, præsertim ut legere discant, & scribere, & jaculari, & equitare: legemque Mahumetanarum summam percipiant.

Chasnadar bassi. Thesaurarius maximus.

Kiletzi bassi. Dispensator maximus.

Seraï Dar Agasi, vel Seraï bassi. Supremus saraïi præfectus, absente Sultano.

Et hi quidem omnes spadones vel castrati sunt, ac singuli sub se plures alios, itidem castratos vel eunuchos, habent.

Secundum hos, tres inprimis adolescentes sunt, ipsius Sultani ministeriis inservientes, quorum hæc nomina:

Silichtar, qui arcum, sagittas, arma cetera Sultani portat.

Tzohadar, qui vestium Sultani curam gerit, ejusque sacramangium portat, ad arcendam pluviam factum.

Kiuptar, cui potus Sultani commendatus est, & qui semper eques etiam pro Sultano fert aquam secum in lagena.

Sunt autem his omnibus sui tam vicarii, quam alii officiales attributi, qui pro antiquo more gradatim ad dignitates supremas ascendunt. Inserviunt autem recensiti hactenus ipsi Sultano intra saraïum, ac siquidem eques è saraïo prodit, omnes eum comitantur: sin aliquò se mari confert, ipse Bostangis bassa clavum caicæ, sive navigii, quo Sultanus vehitur, tenet ac gubernat.

Ad saraïum quoque pertinent hi, quorum nomina sequuntur:

Zelchnegir bassi, prægustator maximus, & prægustatoribus ceteris, plus minus centum, præfectus.

Mutpac Emini, præfectus culinæ, vel rei coquinariæ.

Achsi bassi, coquus maximus.

Extra sa-
raïum
quæ offi-
cia nume-
rentur.

Primus omnium locus est Muphti, qui supremus est Alcorani sive Mahumetanæ legis interpres: & auctoritatem apud Turcos eam obtinet, quam Papa sive Pontifex maximus apud Latinos; apud Græcos, Patriarcha.

Asia.

Huic proximi sunt Cadilefcheri vel Cadilefcheri, supremi & ordinarii militarium civiliumque causarum judices: unus per Græciam vel Europam, dictus Rumeli Cadilefcher: alter per Asiam, Anatoli Cadilefcher: quibus tertium Selimes Primus adjunxit, post subactos Armenios quosdam, Dulgadirenses, Ægyptios, Syros, Arabes: ideoque majus est hujus officium, propter multitudinem populorum, & ipsarum regionum amplitudinem.

Sequuntur Vezir bassi, capita scilicet Consilii Sultanini. Quondam non nisi tres aut quatuor Vezires erant, uti paullo post exponemus. Sed nunc vel plures, vel pauciores, prout visum fuerit Sultano, deliguntur. Supremus, qui Vezir Azem Turcis adpellatur, solus universum maxima cum potestate administrat Imperium, nec nisi gravissimis de causis aliò solet ablegari: ceteris in Divano sic adfidentibus, nihil ut ipsi proloquantur. Ex his etiam deligitur judicio Sultani, qui Ser Asker, & Ser Dar adpellatur, explicandis paullo post vocabulis. Legimus aliquando Constantinopoli Vezirum dignitatem à Sultano Murate, novo ceteroqui exemplo, novem bassis fuisse tributam, quorum subjicere nomina libet:

1. Osman bassa, Vezirazem, & Ser Dar contra Persas.

2. Messich bassa.

3. Mechemet bassa.

4. Ali Capitan bassa, beglerbegus maris: nostris Vluz Ali, hoc est, Ali apostata.

5. Ibrahim bassa, beglerbegus Cairi vel Ægypti.

6. Ferhat bassa, belli dux contra Persas.

7. Giaffer bassa.

8. Ali bassa, sororis Sultani maritus.

9. Cigalogli bassa, beglerbegus Revani.

Post Vezires, auctoritate maxima sunt tres beglerbegi, quorum hic ordo:

Rumeli beglerbeg, hoc est, Romanicæ sive Græciæ.

Anatoli beglerbeg, hoc est, Anatoliæ vel Asiæ.

Denizi beglerbeg, hoc est, maris: qui vulgo Turcis nunc recepto vocabulo Capitan bassa quoque nominatur.

Hi tres parem in sedendo locum & honorem obtinent cum ipsis bassis veziribus, quoties in Divanum publicum veniunt.

Sequitur Nischanzi vel Nissanci bassa, qui litteras omnes, omniaque mandata, & instrumenta, quotquot apud Portam expediuntur, obsignat: veluti supremus Portæ Cancellarius.

Tres Dephterdari, quorum primus, nostro more loquendo, Præses Cameræ, vel præfectus est ærarii maximus: duo reliqui, velut collegæ ipsius & consilarii fiscales.

D

Rais

Rais Kiutap, cujus in manibus sunt omnes libri, commentarii, res ad Archiva pertinentes. Ideoque gradum Vicecancellarii tenet, aut primi vel maximi Secretarii.

Omnes autem, hactenus enumerati, suo in Divano publico sessionem habent.

In eodem Divano sedent etiam xl plus minus Iasitschi, sive Secretarii, vel actuarii: qui scripturas absque mora perficiunt & expediunt. Ac tanta quidem sedulitate geruntur omnia, ut ipsa negotia propemodum eodem tempore proponantur, consultationi subjiciantur, & exsequutioni mandentur.

Sequuntur Agæ, Turcis Agalari dicti, numero multitudinis, vel Officiales, sive Tribuni, qui non habent sessionem in divano, vel Synedrio, sive consilii publici loco: nihiloque minus obligati sunt, uti cottidie compareant in Saraio, sibi que deputatis in locis aliis sedeant.

Principem vero inter hos Agalarios locum obtinet Genizarorum Aga sive Tribunus, qui Kihaiam sive vicarium suum, & Capitaneos, & cohortium duces, & alios officiis præfectos habet. Adeoque sub ejus vexillo tam Genizarorum, quam Solacchorum, viginti circiter hominum millia militant.

Proximus huic Emir Halem, qui supremus est vexillifer, & in expeditionibus vexillum Sultaninum gestat, & alioqui vexilla beglerbegis, in mortuorum loca substitutus; itidemque Sangiacbegis, offert. Quippe quum quis horum à bassis in defuncti locum electus est, mox Emir Halem symbolum ei dignitatis, vexillum tradit: simul tympanistas & tibicines ad domum vel tentorium electi sub vesperam mittit, & istic pulsare tympana, tibias ac fistulas inflare jubet. Officium fructuosum est, & primi, secundum Genizarorum Agam, nominis ac loci.

Capitzi bassæ, modo quatuor, modo sex pro arbitrio Sultani creantur. Et præfecti sunt Capitulariis, id est, Ianitoribus: habentque singuli sub se trecentos aut quadringentos Capitularios. quorum est inservire ipsius personæ Sultani, eumque circumstare, quoties publice facultatem adeundi se præbet, quod audientiam dare dicunt: & belli tempore, quando Sultanus in castris est, circum ipsum excubias instar cubiculariorum agunt.

Duo præfecti stabulo, major & minor. Primus ipsis Buiuc Emir Ahor, vel Achur, vel Achur: alter, Gutzug Emir Achur, appellatur. Vulgo uterque dicitur Imbrahor bassi. Apud Græciæ Prætores nostrum vox est *Ἀμυράχης*, ex Emir & Achur itidem facta. Habent hi suos etiam Kihaias, id est, vicarios, & alios præfectos officiis: eorumque parent imperiis hominum ad duo millia.

Tzaus bassi, capitaneus sive præfectus

Tzausiorum, qui numero plus minus sunt septingenti, cum nobilibus aulicis comparari possunt, quorum scilicet opera variis principes in commissionibus & mandatis expediendis, & deducendis exterorum Principum Legatis, utuntur.

Capitulariorum Kihaias, maximus vicarius, quasque suppræfectus omnium Capitulariorum sive Ianitorum. Ejus officium poscit, ut una cum Tzausiorum bassa pedes in divano coram Bassis adsitet, argenteum manu baculum tenens, quem Græci dixerunt *σκήπτρον*, sive sceptrum, ut introducat eos qui audiri postulant: ut scripturas è divano, quum usus exigit, ad Sultanum ferat: ejusque vicissim sententias (resolutiones vulgo dicunt) Vezi-razemi referat.

Mutapheraki bassi, capitaneus Baronum ac præcipuorum begorum aulæ, qui non tenentur in militiam proficisci, nisi aliquam in expeditionem Sultanus ipse prodeat. Ideoque nostrorum ad Baronum similitudinem, liberi esse volunt. Majori etiam ex parte filii sunt Bassarum, procerum, beneque meritum virorum de Osmanidis.

Sex Agalari sive Tribuni Spachiorum, id est, equitatus immediate deputati custodiæ Sultani. Horum hæc nomina sunt:

1. Spahoglan Aga, vel Agasi.
2. Silichtar Agasi.
3. Sag Vlesferzi bassi.
4. Sol Vlesferzi bassi.
5. Sag Garib Agasi.
6. Sol Garib Agasi.

Horum vero Tribunorum unusquisque duobus aut tribus equitum millibus præest.

Sequuntur non pauci, quorum adpellationes simpliciter heic ponemus, in commodiorem dilaturi locum tam prolixiorum de his, quam de plurimis præterea nunc silentio prætereundis explicationem.

Topzi bassi, præfectus Artilliarie, sive rebus ad tormenta bellica spectantibus.

Tzegetbetzi bassi, præfectus armis, vel armaturæ.

Tzader Mechter bassi, præfectus tentoriis.

Tzalitzi Mechter bassi, præfectus tubicini- bus, & musicæ Sultaninæ castrensi.

Autzi bassi, supremus rei venatoriæ præfectus.

Doganzi bassi, præfectus accipitrariis, sive Falconariis.

Tzagerfchi bassi, præfectus nisis, quos sparaveros vocamus.

Samsontzi bassi, præfectus canibus venaticis. Hoc officium intra præcipua numeratur. Et quondam ex iis, qui huic præerant, deligi Genizarorum Agalarii, sive Tribuni, solebant.

Seguan bassi, præfectus jumentis sagmata- riis

riis in exercitu, vel in comitatu Sultani. Iumenta vero sagmataria, vel sagmaria, vel famaria, (pro quibus summaria non recte scribitur apud Belvacensem,) Græci vocare solent, quæ nostri clitellaria. Sunt in his equi, muli, cameli: rariores tamen apud Turcos ad hunc usum equi, plures muli & cameli. Quapropter à Seguanæ recensendi veniunt.

Devetzi bassi, præfectus iis, qui camelos agunt.

Catertzi bassi, præfectus agasonibus, vel mulos agentibus.

Harpa Emini, præfectus equorum pabulo.

Præter hos, non exigui nominis ad portam sunt:

Dephter Emini, præfectus libris, quibus Timaria continentur. Et Emini generaliter alioqui significat eum, qui proventus sive redditus aliquos recipit & administrat.

Kihat Emini, superintendens Cancellariæ, veluti Taxator quispiam, nostro more: qui regalia Cancellariæ, quæ vocant, exigit: eorumque curam necessariam gerit. Hoc officium comparari pretio decem, vel etiam quindecim millium ducatorum singulos in annos solet: quo potiri qui potest, maximas opes colligit.

Terfane Emini, superintendens Arsenalis: id est, qui *ναυική φρονιότης* est, sive *παρανομήτης*, ut Græci dicunt, sive qui navalis curam gerit.

Classes
maritima.

Turcarum Imperatori duæ sunt classes, apparatusque maritimi: una Bosporana, altera Africana, quibus unicum caput ab Imperatore constituitur. Africana ut plurimum variis in locis dispersa manet; ad supremi Ducis nutum obtemperare, ac convenire cogitur. Bosporana itidem est divisa, sed id intra spacium, ut brevi admodum tempore in unum cogi possit. Præfectus Generalis *Capitan Bassa*, locum tenens *Vice Capitan Bassa* vocatur.

Triremium numerus in trecentas definitus, non tamen plus, quam octuaginta vel centum circiter educi consuevere. Hominum plus quatuor millia, captivis, damnatisve, ac militibus exceptis, in ejusdem classis gratiam aluntur. Semel ea extrahitur in anno mense Martio, reduciturque in hyberna Decembri. Magis terrestribus quam maritimis bellis gaudent Turcæ. Ideoque classes ad pompam magis & ad coercendas ditionis propriæ maritimas regiones & insulas, earumque defensionem, quam acquirendæ gloriæ propagandique Imperii causa, apparantur. Auxilia ex subditis, maxime vero è Christianis conscribuntur, ac præcipue ex Hungaria, Dalmatia, Illyrico, Mæsia, Epiro, Thracia, Macedonia, & aliquando ex ipsa Græcia, atque ex omni fere Asia. Bella impigre obeunt, nec eorum tædio unquam afficiuntur. Plus equitatu, quam peditatu valent. Nec aliud in peditate

robore, quam virtus Ianizerorum, quos nullis adhuc præliis, quamvis adversa multa sint experti, fusos memorant. Pedites arcu, sagittis vel sclopeto & framea, præliantur. Equites arcu & sagittis & sclopeto. Ad bellum raro Imperator proficiscitur. In tam vasto enim Imperio non conducit omittere caput rerum, & urbem Imperii sedem, aditu facilem, annona fecundam, ubi transitus ultro citroque ab Asia in Europam modica vi facile prohiberi possunt: sed Vezirius Primus his partibus cum plena potestate defungitur.

Gens ipsa non astuta, nec callida, nisi quantum ex perfugis didicerint. Habitus corporum truces, ac pro regionibus, in quibus nati sunt, fortes aut imbecilli: candidi aut nigricantes: ut plurimum tamen sunt fortes, magno satis corpore, & ad impetum valido, laborum, inedia, sitis, æstus, frigorisque juxta patientes: unde plerisque viridis & cruda senectus. Caput radunt, relicta in capitis summitate crinium particula. Barbam alunt promissam & latam. Rara domi utensilia. In cubiculis tapete ac stragulo contenti, absque mensa & scamnis. Quibus non est uxor, super centones velut in bellis cubant, quibus autem est, super strata humi stragula, nostrum in morem, jacent. Corporis fordes instar piaculi detestantur, ideoque quicquid hujusmodi est, defodiunt, aut à conspectu amoveant. In victu gens parca, unico ferculo, eoque simplici, plerumque saturantur. Hospitales sunt. Vbique fœni sumere cuique licet è plenis campis, quantum velit. Minus vino, quam sue abstinent, quamvis utrumque lex veter. Vestes ipsis nitidæ & preciosæ. Caput nunquam aperiunt, sed manu pectori apposita capitis inclinatione salutant. Sinistra euntibus honori datur.


Religionis locum apud Turcas obtinet superstitio. Hæc à Mahumete conficta est circa annum Domini 622, imperante Heraclio. Quædam ridiculæ hujus religionis, nec colore ullo veri tinctæ lubet recensere ex Lipsio: Primum est, Deum unum solidumque, (*ἑλὸςφύρον* Græci exprimunt) eundemque incorporeum esse: Christum non Deum, sed magnum vatem & prophetam; se tamen majorem, & proxime à Deo missum. Præmia qui ipsum audient, Paradisum, qui post aliquot annorum millia referabitur: ibi quatuor flumina, lacte, vino, melle, aqua fluere: ibi palatia & ædificia gemmata atque aurea esse: carnes avium suavissimarum, fructus omne genus, quos sparsi jacentesque sub umbra arborum edent. Solem & Lunam facit in equis vehi: illum autem in aquam calidam vesperi mergi, & bene lotum ascendere atque oriri. Stellas in aëre è catenis aureis pendere: terram in bovini cornu cuspide stabilitam,

tam, & agitante se bove ac succutiente fieri terræ motum. Hominem autem ex hirudine aut sanguifuga nasci. Idem Turcæ ad Ægyptiorum morem, feles, canes, pisces, aves, si non adorant, colunt tamen & pascunt: & his se velut largitionibus demereri divinum Numen censent. Itaque videre Bizantii statis horis est, cibos apponi dictis animalibus: nec viles quosdam, aut mensarum analecta, sed orizam coctam, carnes assas recens, & hoc sine ex opopolio emptas, quas & perticis longis imponere solent, & sic fugacibus aut vitabundis eorum dare. Quid, quod aves etiam captas redimunt, & aëri ac libertati deinde, per pietatem restituunt? Iam in re inanima, id est charta, quas nugas edunt? Ne-fas eam abjici, aut calcari: sicubi vel fragmen vident, tollunt religiose, & parieti adfigunt,

aut imponunt. Refert Augerius Busbequius, in legatione sua ad Solimannum, cum ductores tutoresque viæ Genitzaros haberet, graviter aliquando apud se questos, quod famulatio ejus charta ad obscœnos usus esset. Causa autem quam justa? quia *Coranus* in ea scriptus. Pudet, piget, miseret, inquit Lipsius, humani generis, cujus magna aut maxima pars his non vanitatibus, sed stuporibus est oppressa. Nam Asia fere tota, plurimum Africa, multum Europæ, jura sceptri, & sacra Turcici accepit. Quin & multi extra Turcarum jura, ut Magnus Tartarorum Chamus, ut Persa, ut alii in India, & extremo Oriente, deliria hæc delirant. Plura qui de rebus Turcarum scire volet, legat Ioan. Baptist. Montalbanum, Honorium, Leunclavium, aliosque.



N A T O L I A , S I V E A S I A M I N O R .



*Asia ma-
jor & mi-
nor.*

ASIÆ terrarum omnium ab initio nobilissima, ut quæ prima genus mortalium intra se conspexit, & in alias mundi partes emisit. Prima gentium ritus, sacra, mores, rationemque vendi alias docuit. Divisa fuit olim in Majorem & Minorem. Major Asiæ regiones plurimas amplissimasque complectitur, nempe Tartariam, Chinam, Indiam, Persarum imperium, & Turcici imperii partem. Minor, ita dicta quod minoris sit quantitatis, sive longitudinem sive latitudinem spectes, hodie à Turcis Natolia, aut Anatolia appellatur, à Græco vocabulo *ανατολή*, quod Orientem significat, nam respectu Europæ ad Orientem mundi plagam jacet. Interdum *Turciam majorem* vocant, aut *Turciam novam*.

Termini.

Terminos habet ab ortu Euphratem, à meridie mare mediterraneum; ab occasu Ægæum, seu Archipelagum Græciæ: à Septentrione Pontum Euxinum, hodie *Mar Maggior*, sive mare majus. Complectitur itaque totam istam Peninsulam, quæ inter Euxinum, Cilicium, Pamphiliūque pelagus protensa est. Latitudinem ejus definit Plinius 200 circiter mill. passuum, ab Issico scilicet sinu, nunc *Golfo de Lajazzo*, & Amanicis portis, usque ad Trapezuntē, quæ est in ora Ponti. His consentit Herodotus, qui ait Isthmum Asiæ minoris esse iter quinque dierum expedito viatori.

*Cælum &
Solum.*

Tanta est soli coelique hic benignitas, ut nulli terrarum parti cedat. Prata habet viridantia, pascua luxuriantia, amnesque toto orbe celebratissimos. Vina præbet oleumque copiosissime. Sibi sufficit, alieni soli non indiga, omnibus quippe rebus ad humanam vitam necessariis est, instructissima, cunctaque suis habitatoribus usque ad delicias affatim supeditat; attamen suos etiam patitur manes, ut dicemus inferius.

*Impe-
rium.*

Primus eam tenuit Cyrus Persarum rex, deinde à Macedonibus, & Alexandri Magni ducibus occupata fuit, post Romanis cessit in spoliū, ac postremo à Turcis direpta & vastata iisdem etiamnum paret.

Asia.

Flumina sunt Iris, qui nunc *Casalmach*: *Flumina.* Halis, qui nunc *Ottomangiach*: Parthenius, nunc *Dolap*: Sangaris, hodie *Sangri*, qui se omnes in Euxinum exonerant. In Propontidem fluunt *Ascanius*, *Rhyndajus*, *Æsopus*, & *Granicus*. In Hellespontum *Simois*, & *Scamander*, qui & *Xantus*. In Ægæum, *Caicus*, *Hermus*, *Caistrus*, *Meandrus* miris flexibus sinuosus. In mediterraneum *Calbis*, *Xanthus*, *Limirus*, *Cataractes*, aliique.

Maria Asiæ minoris sunt *Pontus Euxinus*, *Maria*, *mare Ægæum*, & *Pamphiliū*, *Propontis*, *Hellespontus*, *Icarium*, *Myrtoum* & *Rhodien-
se pelagus*. Hæc incolis undiquaque inferviunt ad commercia & reciprocas navigationes, nec non ad piscationem uberem & perutilem.

Montes celebriores sunt, *Horminius* in *Montes.* *Ponto*, & *Misus* qui & *Olympus*, *Ida* insuper in Phrygia Paridis judicio clarus, *Imolus* aurifer in Lydia, *Argæus* in Cappadocia: *Amanus*, nunc *Monte nigro* in Cilicia, in quo altissimæ cedri crescunt, & Juniperus major, & mons *Sabina*, plantis luxurians. Sunt & hic *Dindyma*, & *Chimæra*, & *Taurus*, montes. Etiam *Antitarium* & *Scordiscum* reperias. Nulla vero in iis provinciis, quæ Turcæ Imperio subsunt diversoria occurrunt, aut loca quæ viatores excipiant, præterquam publica quædam ædificia; ab opulentioribus Satrapis Turcicis in gratiam peregrinantium exstructa. Nec enim Turcæ consanguineos norunt, quibus benefacere velint.

Natoliæ autem istæ regiones assignantur, *Regiones.* *Aldinellia* scilicet, *Sarchiana*, *Bursia*, *Bersangilia*, *Chiutaya*, *Germiana*, *Chiangara*, *Mentesia*, *Caramania*, *Amasia*, *Anadolia*, *Subasia*, *Cenechia*, *Peciana*, *Borochia*, *Bollia*, & *Ronia*; quæ quidem nomina, utpote hodierna, relictis vetustioribus, usurpavimus; etsi alii, alia etiam nomina iis regionibus imposuerunt, nimirum, quæ hic subsequuntur: *Pontus*, *Bitthynia*, *Asia propria*, *magna* & *parva Phrygia*, utraque *Mytia*, *Æolis*, *Ionis*, *Caria*, *Doris*, *Lydia*, *Lycia*, *Galatia*, *Paphlagonia*, *Pamphylia*, *Pisidia*, *Lycaonia*, *Cappadocia*, *Cilicia*, *Armenia parva*.

Amplissimus iste tractus maxima fruitur *Quali-* coeli salubritate, multis etiam fluminibus irri- *ta.* gatur, quæ agros quoscunque pertranseunt, *E* *mira*



mira fertilitate foecundant; pascua ibidem passim inveniuntur, quæ armenta plurima, numerososque alunt ovium greges; sunt & amnes non pauci arenas aureas secum vehentes. Verum frequentibus adeo terræmotibus conquassatur, ut Tiberii Cæsaris temporibus, duodecim una nocte civitates suis ruinis fuerint conspultæ.

Indoles.

Turcæ, qui totam ferè Natoliam occupant, moribus sunt mitioribus, imo minus barbaris quàm Christiani Apostatæ seu desertores; olim quidem ab hominibus omni urbanitate excultis hic tractus incolebatur; at hodie quamquam illius habitatores acuto sint ingenio præditi, tamen ob Turcarum contubernium, à quacunque industria & humanitate videntur alieni; aut saltem si penes nonnullos residua sit aliqua morum gratia & honestas, nullibi nisi in locis maritimis, ubi vigent commercia, perspicitur; politiores enim sunt negotiantium mores, quam cætorum. Porro qui ruri degunt, ignavi sunt prorsus & inertia dediti, & vix ullam agriculturæ operam navant, ii præsertim, qui re familiari copiosiore fruuntur, illi enim omnem fere agrorum culturam negligenter, ni mancipiorum operis uterentur; unde & ob eorum incuriam, agri, non tantos, ut olim, proventus afferunt.

Opes.

Neque illa jam est rerum affluentia, quæ Romanorum erat temporibus, qui opes hujus Asiæ, Romanam frugalitatem labefactasse luxumque introduxisse querebantur, in causa est incolarum servitus, & vectigalia Turcarum exactoribus quotannis persolvenda. Extant nonnullæ merces, quæ ex Natolia in alias exportantur regiones; cujusmodi sunt, lana, corium, aulæa, gossypium, stragula, &c.

Vires.

Rarissima admodum propugnacula, aut arces in Natolia conspiciuntur, præterquam inter convalles Armeniæ minoris; imo & urbes ut plurimum mœnibus sunt destitutæ. De bellatorum autem multitudine conjici potest ex numerofo milite per Amurathen adversus Persarum regem conscripto, an. 1577. in isto quippe exercitu quatuordecim hominum millia ex Natolia collectorum numerabantur, è Sivasia nempe, Amasia, Marasia, Bursia, Angouria, locisque aliis Natoliæ attributis; ubi olim egerunt Magnesii, Bithynii, Phryges, Lydii, & qui Pontum incolunt, ex quibus armatorum decem millia, omnes audacissimi, maximamque partem Equites Sagittarii, & ex Cilicia quatuor millia viro- rum acinacibus, clavis atque arcubus decer- tantium exierunt.

Regimen.

Quatuor in hac regione Bassas habet Tur- carum Imperator, qui Natoliæ, Caramaniæ, Amasiæ, & Anadauliæ Beglerbegi nominan- tur. Natoliæ autem Sanjaci Cotalicæ, Aidi-

ni, Sarahani, Mentefæ, Enguræ, Hodanendi- cari, Teciæ, Hadini, Carehisari, Cocailii, Be- liæ, Castamonæ, Chetoliæ, Alanuci, Cudi, Peigæ, atque Sultavingiæ attribuuntur.

Incolæ ut plurimum Mahometani sunt, & *Religio.* ex Turcis oriundi, bonæ utcunque indolis: Iudaismum nonnulli profitentur, alii autem Christianismum, sed Græcorum Armenorum- que more; propriis singuli ritibus additi.

Pontus & Bithynia, duæ olim distinctæ *PONTVS,* provinciæ fuerunt, quarum una vergebat ad *& BITHYNIA.* ortum, ad occasum verò alia, interfuso inter utramque Sangaris fluvio; tandem in unam duntaxat provinciam coaluerunt, quæ Pon- tus & Bithyniæ nomine fuit insignita.

Limites habet hic Tractus ab Oriente Ga- *Fines.* latiam & Paphlagoniam; ab Occidente au- tem, ostio maris Pontici, fretoque Constan- tinopolitano, necnon aliqua Propontidis por- tione terminatur; à Septentrione, Ponto Eu- xino clauditur; ac tandem à Meridie, eâ pro- vincia, quæ Asia propria indigetatur, quæ & ex eadem parte Rhyndaco seu Lepadio flu- mine eam circumscribit.

Quà Palatium supremi Turcarum Impe- *Scutari.* ratoris in acumen definit, adjacet è regione oppidum à Græcis Scutari, à Turcis Ilcodar nominatum, quod inde sola alvei latitudine, uno nimirum circiter milliari, sejungitur.

Chalcedonia verò exiguum est, & nullius *Chalce-* pene momenti oppidum; attamen ædiculâ *donia.* sacrâ, Græcis addictâ sacerdotibus, exornatur.

Occurrit deinde Nicopolis, quæ hodie *Nicopolis.* Calipoli nominatur; cui succedit Geivisium, *Geivi-* olim Astacus dictum, quod ad Nicomediæ si- *sium.* num insidet juxta viam, quæ Constantinopo- li, emenso bidui itinere Nicomediam ducit, mari jam transmissio. Porro Nicomedia di- *Nicome-* stat à Geivisio unius diei itinere, Nichorque à *dia.* Turcis hodie, relicto priori nomine, vocatur, à Nautis autem illuc adventantibus, Comida, uti à nonnullis memoratur. Non procul abest

lacus Ascanius, in quem etiam fluvius cogno- *Lacus &* minis, nunc Londar aut Aclu dictus, imo la- *fluvius* cus Ilnicus, sive Nicænus illabatur, indeque *Ascanius.* in Oceanum exoneratur: sese postmodum ostentat Diasquilo civitas, olim Dascilæum; *Diasqui-* Olympus quoque mons celeberrimus in lit- *lo.* tore conspicitur; inde Rhyndacus amnis sive *Rhynda-* Lycus, cui moderni Lartacho nomen impo- *cus.* fuerunt; à nonnullis tamen Lupidi seu Lepa- dio, à Turcis tandem Vlubad vocitatur. Atque illa sunt notiora, quæ per 120 milliaria in Pro- pontide reperiuntur loca. At juxta lictus Ponti Euxini pergentibus occurrit urbs Acaparama, Carpi antiquitus dicebatur; cui succedit San- garis vel Sangari, quam sequitur Elata, modi- coque intervallo, in rupis acumine, Cio, pri- scis Diospolis dicta, apparet; exinde Hera- *Heraclea.* clea cognomento Pontica, civitas Maryandi- *Pontica.* norum,

norum, Penderachia inpraesentiarum à suis habitatoribus appellata. Nec procul inde *Acheron.* Acheron visitur, antrumque Acherusium, cuius extrema ad Inferos usque pertingunt, ut Poëta fabulantur; Parthenius etiam fluvius, qui Dolap nunc appellatur, originemque ducit ex Paphlagonia; Samastro quoque urbs paulò post invenitur, priscis Amastrum seu Amastris dicta; dein Cytorum, quæ nunc Castella; huic adjacet mons Cytorius, qui versus Paphlagoniam porrigitur, estque buxo passim confusus. Ultra progressus priscam offendens Claudiopolim, quæ Castamena, aut *Castamona.* Castamona jam nuncupatur, civitas amplissima etiamnum atque potentissima; deinde Nicæam, quæ est hodierna Nichia, olim Bithyniæ caput, jacet hæc urbs in amoena planitie ad radices montium & juxta silvas posita, non procul ab Ascanio lacu, qui ab Occidente eam alluit, indeque totam circumfluit civitatem; quatuor habet portas, quas ex lapide intra Lycæi medium constituto conspiciere, sublato omni obice, poteris, tanta est platearum rectitudo! Verùm hodie Bursa est Bithyniæ caput, quæ olim Prusa dicebatur, primitus quidem regum Bithyniensium, postea vero Turcicorum Cæsarum fuit sedes & Palatium; qui tandem Constantinopolim abeuntes, illam omnino deseruerunt; attamen opibus & populorum frequentia non ideo est Constantinopoli inferior, imo de utraque hac prærogativa præ Constantinopoli gloriatur. Hæc porro civitas Olympo monti proximè adjacet, duasque in partes dividitur, quarum suprema cincta mœnibus, arce quoque firmissima exornatur, in quâ Turcarum Imperatores aliàs secesserunt: Pistrinum regium ante fores arcis cernitur; intus autem est vivarium, piscina, thermæ, regisque Palatium, sed dirutum, atque omni prorsus elegantia ac venustate destitutum. In eadem etiam urbis regione, apud D. Ioannis Asceterium superba Ottomanæ necnon & Orcanis Mausolæa pario extructa marmore conspiciuntur. Civitas inferior cum hortis ac viridariis, subjectam Olympo convallem, ejusdemque montis radices occupat; ubi & præcellens Mosquéea exædificata est, sepulchris Amurathi I. & Mustaphæ à Solymanno patre laqueo suffocati nobilis; est & princeps basilica sanctorum Apostolorum nominibus consecrata; ædificia quoque splendidissima ac sumptuosissima ibidem visuntur. Porro extra urbem aliquantulum spatianti occurrunt Mosquéea Bajazeti, Mehumeti I, & Amurathi I sepulchris dicata, thermæque itidem marmoreæ ad montis ima projectæ.

Olympus. Insignis ille mons, qui passim fere ab omnibus Olympus dicitur, à Turcis *Geshis Dage*, seu mons Monachorum, à Græcis vero *Asia.*

Calogeron oros passim nominatur; nomen autem illud fortitum est, eò quod multis olim monasteriis esset inclytum, quæ etiamnum extant. Mons ille cellissimus est, nivibusque in vertice nunquam non refertissimus, & à summitate usque ad medietatem omnino infœcundus; at à medietate & deorsum, malogranatis, castaneis nucibus, aliisque id genus fructibus feracissimus est, multaque exinde aquas velut ex unica scaturigine profundit.

Hujusce regionis ager fertilissimus est, præcipue circa Nicæam, at is tractus cœli gravitate vehementer laborat.

Asia Propria, Sabrunum sive Sarcum vulgo jam nominatur; à Septentrione, Ponto, Bithynia atque Propontide quadantenus terminatur; à Meridie autem Rhodensi Oceano necnon littore sexcentis miliaribus sive leucis ducentis procurrente, ac parte Lyciæ, Pamphyliæ, & Galatiæ; ab ortu ipsâ Lyciâ, Galatiâ & Paphlagoniâ; ab Occasu denique, residuo Propontidis, Hellesponto, Archipelago, binisque fretis, Icario nimirum atque Myrtoo, quod nunc mare Nicariæ, atque Mandriæ dicitur.

Provincia hæc, Phrygiam, Cariam, utramque Mysiam, Æolidem, Ioniam, Doridem, & Lydiam complectitur.

Ager hujus provinciæ omnium rerum fertilissimus est, pascuis abundat, multisque etiam auriferis fluminibus interluitur. Incolæ modestissimi sunt, & optima indole præditi; neque adeo in libidinem proclives, ut cæteri Asiæ populi, ad res præclaras prompti, & ad regimen Reipublicæ, omnesque scientias ac disciplinas idonei.

Magna Phrygia, modò *Sarchum*, & *Turguth* appellata Tekiæ, regionem, prout illa versus Cappadociam porrigitur, atque Armeniam & Ciliciam continet; terminis ab Oriente Cappadocia; ab Occidente, minori Phrygia; ab Aquilone Galatia; tandemque à Meridie Lydia circumscribitur.

Phrygiæ majoris caput est Cutahiga, quæ olim Cotyajum vocitabatur, Beglerbegorum Natoliensium sedes; alia etiam identidem fortitur nomina; quandoque enim Cuta, aliàs verò Cutia, & Cuteya nominatur; à nonnullis, sed perperam, inter Galatiæ civitates constituta. Illa autem quæ à Græcis Hierapolis, & à Turcis Sedischehera dicitur, hujus regionis urbibus accensetur. Midaium quoque Midæ famosissimi secessus, hîc etiamnum conspicitur; cui & castrum Pessinuntium, Berecynthiæ Deorum matri consecratum, asidet; ut & mons Dyndinus, qui Paphlagoniam usque procurrit.

Phrygia minor, quæ & Troas, etiam hodie passim ab omnibus hoc nomine insignitur; minorem comprehendit Mysiam, hæc

que ratione fines habet à Septentrione Bithyniam; ab Occasu Propontidem, atque Archipelagum; ab ortu Bithyniam, Galatiam, & Paphlagoniam. Provincia hæc à Caicio Æolidis flumine, quod Lydiam à Mysia majori, minoremque Mysiam à Bithynia dirimit, ad Lartachium usque amnem protenditur.

Troja.

Troja olim hujus provinciæ caput extitit, quæ à Græcis vastata, posteaque restituta, ac demum iterum diruta, tandemque penitus fuit everfa; in declivi posita est, Abydo unius diei abest itinere; multæ ibidem sacræ ædes non ex toto deformatæ, imo & cruces quamplurimæ lapidibus insculptæ, etiamnum conspiciuntur; extant & pervetustæ illius portæ propemodum integræ; multisque in locis stant mœnia quadratis lapidibus, fuscis quidem, sed durissimis, extructa, appositis etiam ad illa fulcienda quibusdam prominentiis. Tantus est hujus civitatis ambitus, ut vix horis quatuor totam quis possit in circuitu percurrere. Binis arcibus munitissimis defenditur; quarum una in superiori urbis regione, altera in inferiori condita est; utraque ex marmore, tantoque artificio elaborata, ut nulla ratione possit dirui. Superfunt in urbe antiqua splendidissimorum ædificiorum vestigia, & cisternæ non paucæ. Plateas quod attinet, illæ confusæ sunt & impeditæ ob aggesta hinc inde ædium everfarum rudera. Jacent humi quoque ingentes colossi, inscriptionesque antiquis marmoribus aliisque lapidibus incisæ. Xantus & Simois nobiles olim fluvii, sunt jam admodum tenues, ut nequidem hyeme in iis anates innatare queant; æstivis autem caloribus penitus arefiant. Porro Troja Beloni tempore deserta, atque incolis erat destituta; sed Christi æseclæ illius restorationi postmodum studuerunt.

Pergamum.

Pergamum quoque sive Ilium oppidum est Troadis vetustissimum, Galenique Medicorum Principis ortu quondam nobilissimum; Sedes fuit Attali regis omnium mortalium opulentissimi, qui cum liberos non haberet, populum Romanum conscripsit hæredem: Hic chartæ usus primum inventus est, quæ inde nomen mutuavit. Hæc demum civitas Bargamo, & Turcico idiomate, Bargama, etiamnum hodie nominatur.

Qualitas.

In omni circa Trojam regione maxima est aquarum penuria, solumque sterile & arenosum, res fere nullas ad vitæ usum necessarias suppeditat; paucissimas quoque arbores nutrit; attamen quercus ibi reperiuntur, è quibus excussa glande, quemdam illius accolæ proventum faciunt.

MYSIA MINOR.

Mysia minor, atque ipsa Troas, Propontidis olim Hellepontique finitimæ, Priami temporibus Scamandro amne divisæ fuerunt; sic ut ea regio quæ vergebat ad Aquilonem

Mysia nomen acceperit, quæ autem ad Meridiem, Phrygiæ, Dardaniæ, & Troadis nomina sunt sortitæ; jamque in postrema, fines utriusque satis superque delineavimus.

Mysia loca quod attinet, ducto à Propontidis littore initio, statim occurrit Cyficum in Insula cognomine, oppidum pervetustum; hanc autem Insulam Alexander duplici ponte Continenti annexuit; illius vero ambitus 65 milliaria colligit; urbs quoque ad hosce pontes in montis crepidine posita, duobus erat instructa navalibus ducentarum simul triremium capacissimis: Illam autem ex vetustis, quæ supersunt, ruderibus, ex Pario fuisse ædificatam marmore suspicari licet; indeque maxima copia, quæ etiam ex fundamentis eruitur, ad extruendas Turcicorum Cæsarium Mosquæas frequentissime exportatur.

Non procul à Cyfico Propontis paulatim in angustum definit, Hellepontique fretum efformat, quod non ultra duo stadia, seu quartam milliariis partem porrigitur. Hic Xerxes Europam Asiæ constructo inter utramque ponte copulavit. Apud Metonem verò pagum, ubi Xerxes pontem ædificari curavit, visitur Bedona arx munitissima; juxta quam Turcæ primum ex Europa in Asiam transmiserunt. Dardanum deinde oppidulum invenitur Trapezo promontorio adjacens, quod vix ullas in præsentiarum urbis reliquias servat; attamen locus ipse Dardanello etiamnum à Turcis vocatur, ibi enim Castrum habent quo Freti ostium, sicut & ab altero versus Europam propugnaculo impense tueantur; utrumque autem Dardanellum, à Turcis *Dandeleq* communiter nominatur. Ipsi etiam anno 1660 nova ibidem fortalitia excitaverunt, quò Venetarum classium impetus exinde tutius, certiusque repellere queant.

Cyficum solum pinguisimum est, ac fertilissimum, illudque quod Lampfaco circumjacet, vitibus undiquaque consitum est, quemadmodum & in Atraciæ regione.

Mysia major, ad Troadis sedet meridiem, Bithyniæ ultra Idam montem altissimum contermina; illa autem, Antandros, hodie *S. Dimitri*, Pergamum, & juxta nonnullos, Landermitium seu Atramitium civitates complectitur.

Æolis, ab Æolibus sui habitatoribus hoc nomen adepta est, cum illa prius Mysia vocaretur, & qua parte Hellepontum respicit, Trojanorum sæculo Troas fuit appellata; Ioniæ finitima est, nec procul à littore in Continentem porrigitur. Myrinam habet civitatem, quæ Sebastopolis hodie nominatur, commercioque est notissima; habet & Phocæam, quæ nunc Foja seu Foglia Vecchia, Fogaque nova dicitur, tenuis quidem urbecula;

IONIA.

Mile-

Smyrna.

Ephesus.

Qualitas.

CARIA.

Magne-

cula; in qua tamen Turcæ casamata in munimentum muri maritimi construxerunt. A Turcis, piratis fere omnibus, inhabitatur; verum ob montem illi prædominantem, fortificari, firmioremque reddi impossibile est.

Fuit olim hic ager fertilissimus, at impræsentiarum non sic excolitur, ut Imperatorum Orientis temporibus; nec nisi exiguos Turcarum vicos possidet.

IONIA. Ionia, prius à Turcis Aidinella vocabatur, nunc verò Chisco seu Quisco nomen sortita est.

Hæc regio ab Æolide, Hermo flumine, quod hodie Sarabasto, dirimitur, ipsamque Æolidem, & mare Ægeum atque Archipelagum ad Occasum habet; Cariam autem ad Meridiem.

Miletum. Quod ad præcipua illius loca spectat; ipse Herodotus Miletum primariam Ioniæ vocat civitatem, quæ decem stadiis à Mæandro flumine distat. **Smyrna.** Smyrna, quæ modò Lamira seu Ismyra dicitur, urbs fuit olim potentissima æque ac opulentissima, hodieque opibus satis floret & potentia; sed non eodem, quo vetus olim civitas loco posita, sed 2500 ab illa passibus remota est. Exinde ad Chio Insulam brevissimum admodum trajectus interjacet, sicut & ad Mytilenen quoque Insulam. Illius habitatores, Homeri Poëtarum omnium celebratissimi sepulchro gloriantur, eumque suum fuisse popularem prædicant. **Ephesus.** Ephesus, jam Figena, Fiena, atque etiamnum Epheso, non multum abest à Cheisaro amne, urbs toto orbe ob Dianæ templum celebris; & Christiano sæculo ob œcumenicum Concilium ibidem celebratum. Antiquitus Ephesum pulsabant Oceani fluctus, at nunc longissime ab ipsa urbe sejunctus est. Porro cæteræ Ioniæ civitates sunt, Clazomenæ, jam Crina; Colophon, quam Belvederam dicunt moderni; Teos nunc Susor; Lebedus, quæ Lebeditzi-Chisar; Priene, Biantæ alumno nobilis, quæ hodie Palathia nominatur.

Qualitas. Ionia omnium minoris Asiæ regionum est foecundissima, ideo Constantinopolitani Imperatores ad levandum à publicis curis animum exhilarandumque illuc secedere consueverant.

CARIA. Germanum regio minoris Asiæ, Cariæ veteris jam sedem occupat, partemque Lydiæ, quantum ad Continentem versusque Phrygiam hæc plagæ nunc extenduntur.

Hic tractus, Ioniæ finitimus est ad Aquilonem; à Meridie verò & Occasu Caria clauditur, Mendesium autem suo sinu includit.

Magnesia. Primaria Cariæ civitas Magnesia est, Ducum secessu insignis; sedet illa urbs ad Mæandri fluentia. Myndus quoque, Mendos hodie vel Mendéz dictus, urbibus etiam Cariensibus accensetur. Est & Taufalus juxta Mæan-

drum, à Niceta Tantali nomine indigetatus. Occurrit deinde Cybira, hodie Buruza, non procul ab eodem fluvio; postmodum civitas D. Petri, Sinusque cognominis, urbs quidem olim Iassus, Sinus autem Iazius dicebatur; Alabanda quoque 25 à pelago milliaribus remota, cui & bini montes, Caunus nimirum sive Gonus, nunc Magri; & Physco, olim Phisca, circumquaque minantur; succedit demum Antiochia, mediocre oppidum, Mæandrum inter & Mossinam amnes insidens, à quo non longe abest Laodicæa.

Aër his oris insaluberrimus est, quod evincit lividus incolarum color, sed præcipue Cannensium; Solum autem optimum est, maximosque affert omnis generis fructuum proventus; attamen ager Manissæus præ cæteris Asiæ, frumenti feracissimus est.

Porro plurimi sunt in Caria portus sua opportunitate commendatissimi, tum quod illius littus mare Occidentis Austrique respiciat, tum vel maximè quod pluribus Insulis, Rhodensi præsertim, finitima sit.

Doris, quædam Cariæ portio, adinstar Peninsulæ in mare porrigitur, cuius aditus ne 200 quidem passus in latitudine colligit. In hac Chersoneso fuere antiquitus quinque civitates, quarum caput erat Halicarnassus, Dionysii Halicarnassensis atque Herodoti ortu nobilis, & nonnunquam Regum Cariensium folio exornata, quæ hodie Cacavo nominatur. Huic civitati superbissimum, quod Artemisia marito Mausolo fecit extrui sepulchrum, maximam apud omnes celebritatem conciliavit; ab illius enim nomine moles illa Mausolæum dicta est, cujus etiamnum antiquæ supersunt reliquiæ. Fuit & olim Cnidus, urbs insignis, in extremo cornu peninsulæ adhærens, æde Veneris, illiusque statua à Praxitele efficta celebris, hodie *Cabo Crio*, quibusdam autem *Chio* nominatur.

Non procul ab Halicarnasso fons Salmaeis videbatur; cujus aquæ etsi limpidissimæ, eo nomine olim male audierunt, quod lavantium in iis, aut ex iis bibentium corpora effœminarentur.

Lydia, quæ prius Mæonia vocabatur, usque ad Mysiam obtigit Calamisso Carasioque illius filio in divisione à Turcis peracta; unde & Carasia postmodum appellata est; Æolidis Ioniæque à tergo jacet.

Hæ autem civitates in Lydia numerantur, Thebe nimirum & Antyris nunc omnino desertæ; Lynessus, & Cilla Apollinis fano insignis, utraque jam funditus eversa; & Sardes Cræsi regia, totiusque regionis caput, quæ ad Tmoli montis latus sita est, binasque in partes à Pactolo dividitur. Fuit sæpius illa civitas à Græcis expugnata, accensisque per eosdem ignibus conflagravit, tandemque horri-

horribili terræmotu everfa, à Tiberio Imperatore pristino splendori restituta est. Accendi potest inter urbes Lydiæ Mastaura, hodie Mastareba; dein Laodicea Lydiæ, quæ Lyco amni insidet.

Qui Hermo Caystroque fluminibus adjacent agri, fertilissimi sunt, mons quoque Tmolus omni ex parte fœcundissimus est, quippe vineis & croco undiquaque confitus.

LYCIA. *Lycia*, nunc Bricquia nominatur; ab Aquilone & Occasu Cariâ clauditur; ab Ortu Pamphylia juxta montem Maficytum, qui ad mare extenditur; ab Austro denique Lyciæ pelago per 200 circiter navigationis miliaria terminatur.

Vrbes. Lyciæ tractus multas habet civitates, verum si Pataram exceperis, residuæ nullius pæne sunt momenti. In ipso littore Dædala urbs conspicitur, in summitate rupis posita, quæ ab incolis Macri vocitatur, ab hac non procul abest oppidum nomine Telmessus, Aruspicum disciplina olim clarum.

Patara civitas natalibus S. Nicolai, Myrhæ Episcopi, nobilis, antiquitus autem Apollinis oraculo celebris; adhuc priscum nomen retinet.

GALATIA. *Galatia* nomen accepit à Gallis, qui relicta patria sedes in illa fixerunt; Galli enim à Græcis Galatæ fuere nuncupati; Gallogræcia etiam vocabatur; hodièque sub Amasiæ, Toccata, Gelasiæ & Gelasilæ nominibus intelligitur.

Galatiæ regio ab Oriente Cappadociam; ab Occidente Bithyniam & Phrygiam; à Septentrione Pontum Euxinum; à Meridie Pamphylia limites habet. Porro illius littus 250 circiter miliaria colligit.

Ancyra olim, nunc Angouria hujus provinciæ caput, omnium Galatiæ urbium tum ob suam amplitudinem, tum ob commercia & opes, famosissima, non procul ab Haly, nunc Laly, flumine distat. Huic civitati Ancaræ nomen Turcæ imposuerunt; quandoque etiam Enguriam, sive Agouriam illam vocitant. Moson etiam quæ hodie Aricanda, Galatiæ urbibus annumeratur, sicut & Germaestia, quæ olim Germa dicebatur.

Ager Galatiæ feracissimus est, maximamque triticorum omnis generis copiam producit: hordeum etiam in equorum pabulum quibusdam ex illius partibus colligitur, immensaque fructuum, præcipuè ficuum ibidem est abundantia.

Porro Ancyra ob frequentissimum inibi commercium opulentissima est; quippe in ea duntaxat civitate ex subtilissimis caprarum Ciliciæ pilis cymatilia splendidissima texuntur, qui postea per omnes mundi plagas venum exportantur.

PAPHLAGONIA. *Paphlagonia*, nonnullis Henetorum seu

Venetorum regio nuncupata, unde & Veneti prodiisse circumferuntur, sub novissimis etiam Græciæ Imperatoribus, Paphlagonum Thematidis nomen sortita est: Penderachiam Turcæ illam vulgò nominant, quasi Spenderachiam diceret, tractus omnes versus Pontum Euxinum cum Paphlagonia continentem.

Paphlagoniæ limites ii assignantur; Leucosyria nimirum, parsque Cappadociæ ad Halym fluvium ab Oriente; à Meridie verò Galatia; ab Occasu Bithynia necnon & Maryandini; Pontus denique Euxinus à Septentrione.

Civitates Paphlagoniæ sunt, Sinope, ad Pontum Euxinum in colle peninsulae cujusdam sita, omniumque illius littoris urbium primaria, quæ & portu commodissimo exornata est; modicoque ab ea intervallo Gangra, quæ & Pompejopolis, conspicitur, atque Amisa urbs maritima, quæ hoc tempore Simiso appellatur. Est & Bollis, quam Turcici Annales Bolim nominant, à Ptolemæo autem Aboni Teichos sive murus Galatiæ indigetatur; hanc excipit Tios oppidum, hodie Tio dictum; occurrit deinde Cromna & Cimolis, dicta nunc Cinopolis, quæ & ipsa est Quinopolis.

Halys autem fluvius, qui regionem hanc à Cappadocia dividit, Lali nomen impræsentiarum obtinuit: ille verò à Tauro monte ducit originem, multisque per Armeniam procurrens peractis ambagibus, ad Occidentem properat ducentis ab Ajazzenfi Sinu milliariibus, Continenti indefinenter adhærens; postmodum reflexo ad Aquilonem cursu, Galatiæ, Paphlagoniæ, ac Leucosyriæ tractus interluit, quos ab aliis regionibus determinat.

Amœna est hujus agri planities, & fœcundissima; & quamvis Amisæ solum quadantenus sterile appareat, attamen pascuis est uberrimum, atque nonnulla sui parte, tritico opportunissimum; tota denique Halys fluvii ora tot herbis tantaque viriditate est confita, ut Paradisum imitari videatur.

Pamphylia, cui Mapsopiæ nomen Plinius indidit, à modernis Setilia, quin & Zina ob antiquam illius Metropolim in mari conditam à nonnullis vocatur; ab Occasu Lyciam, ab Ortu Ciliciam partemque Cappadociæ; à Meridie Mediterraneum mare, quod illic Pamphylum nuncupatur, demum à Septentrione Galatiam habet.

Vrbes Pamphylia sunt, vetus Attalia, hodie Satalia, quæ & à Turcis Antalia nominatur; est & Sinus illi proximus cognominis; porro civitas est omnium sui tractus fortissima. Inde progredienti se offert Eurymedon fluvius, nunc Zacuth dictus, qui in pelagus exoneratur. Quæ autem in Pamphylia gremio urbes jacent, sunt: Perga, modò Pirgi, oppidum pervetustum, quod ad Cataracten fluvium

fluvium infidet; Seleucia, hodie Charazafa; Candelor, olim Sida; Cebira, prisco ævo celeberrima, nunc autem vix ullum antiqui splendoris retinet vestigium; ipsa vero in prærupto montis posita est, videturque omni ex parte inexpugnabilis.

Qualitas. Regio hæc quantumvis aspera sit & montibus obsita, attamen ubique fere luxuriat, ipsaque etiam Seleucia vitibus circumsepta est, etsi illius ager desertis arena scatentibus finitimus sit; quod autem ager in tantam evaserit ubertatem, inde proficiscitur, quod depressa convallium à montis summitate defluentem accipiant pinguedinem, aquisque salutaribus perfundantur. Porro apud Santaliam maximum viget commercium, atque Cypri habitatores præ omnibus, ibidem summo opere negotiantur.

Pisidia, & Isauria. Pisidia, & Isauria, quæ & à Turcis Sauria vocitatur, maxima sui parte in extremis Tauri montis affident, nonnullaque regionis portio ipsum montem occupat, & quidquid superest, ad radices montium versus Pamphyliam excurrit, pertingitque ad Phrygiam, Lydiam & Cariam, & ab Aquilone & Ortu ad montes Ciliciæ.

Selga. Pisidiæ caput Selga, nunc Philadelphia, civitas olim potentissima; accensetur quoque Antiochia, nunc Tachia, nonnullæque aliæ momenti minoris.

Urbes. Isauriæ civitates quod attinet, extant etiamnum antiquæ Isauriæ quædam vestigia, quæ olim hujusce regionis civitas princeps; vetus etiam hic jacet Saurata, à suis habitatoribus nunc Souraseria dicta.

Ager. Selgensis ager etsi montanis aliqua sui parte horridus, attamen frumenti fertilissimus est, maximæque hominum multitudini annonam affatim suppeditare potest; olivetisque, vineis, & pascuis ad alendos cujuscunque generis greges idoneis, refertissimus est.

Lycaonia. Lycaoniam Strabo & ipse Cappadox, à Cappadocia dividit; ut ergo regiones melius ab invicem discernantur, bifariam Lycaonia dividetur, in Occidentalem videlicet, & Orientalem; hæc ad Cappadociam, illa autem ad Galatiam pertinet.

Fines. Terminos habet Lycaonia, à Septentrione quidem Cappadociam, & ab Austro Caramaniam; ab Occidente verò Sataliam & Sauriam. Tandem à Cilicia Trachæa, sive Aspera, Tauro monte dirimitur.

Iconium. Civitas hujus plagæ notissima est Iconium, nunc Cogno, Cogny, Cogna, Cognia, & Conia, variis quidem nominibus, sed vix ab invicem dissitis, appellata, nec procul abest à Tauri jugis, multisque fluminibus irrigatur.

Qualitas. Frigidi sunt colles Lycaoniæ, plantisque & arboribus destituti; ibique magna est aquarum penuria; nec nisi in puteis profundissi-

Asia.

mis reperiuntur. Ager verò Cogniacensis præcellit cæteris; vitibus enim cultissimis optimisque abundat.

Cappadocia. Cappadocia mediterranea portio, olim Leucosyria, à nonnullis hodie Amasia nominatur; verum id nominis Galatiæ quoque & Paphlagoniæ commune est.

Fines hujus provinciæ, quæ ad Pontum usque Euxinum porrigitur, sunt ab Occidente Paphlagonia, Galatia, & aliqua Pamphyliæ portio; à Meridie Caramania; ab Oriente autem Anti-Taurus minori Armeniæ adjacens, mons quoque Moschius, & ex quadam sui parte Euphrates; à Borea denique Pontus ipse Euxinus, qui & Mare Majus vocatur.

Patet illius lictus 450 miliaribus, seu 150 leucis Francicis in longitudinem.

Porro Cappadociæ loca, lictus legenti, hæc *Urbes.* sese offerunt, principiò quidem Lycastum, nunc Docastelli, quod quidem Mela ad Halym amnem collocat; Iris deinde fluvius, jam Lirio seu Casalman dictus; qui & ingenti aquarum mole tumidus, longisque ductis flexibus, è monte Scordiacò sese præcipitat, atque Themiscyræ irrigata planitie in Pelagus evolvitur. Porro Themiscyra Amazonum sedibus, regumque secessu nobilissima est; nec silentio sepeliendus amnis Thermodon, qui hodie Pormon nominatur, is quippe celsis è montibus irruens, multisque auctus rivulis, ubi cognominem sibi regionem Iri conjunctus interluit, in mare tandem immergitur. Ad Thermodontem verò urbs Vatiza conspicitur; hæc olim Polemonium vocabatur; ibi & Thermodon sese ostentat oppidum pervetustum, quod Hermonazza novo nomine nunc indigetatur.

Invenitur in hoc quoque tractu Neocæsarea, nunc Nisan aut Tocata, Lyco amni insi-
Neocæsarea. dens; necnon & civitas, Cerasus nomine, quæ tamen à Colonis Omidia, aut potius Hemidia vel Emidia vocitatur; nec procul Gelvazia, aut Giulvaza; postmodum Chirifonda, olim Sida; Trapezus denique seu Trebizonda Imperii caput, veluti in angulo, aut montis angustis conclusa, Tarabossana à Turcis hodie nominatur, quandoque etiam Trabossana. Demum in plaga Trebizondæ sedet oppidum Rhifus appellatum, impræsentiarum autem Eriffo sive Erisa.

In ea autem quæ Propria dicitur Cappadocia, extat urbs Cæsarea, nunc Tisaria, sub monte Argæo posita, quæ primò Mazacæ & Moza nomen sortita fuerat; quæ autem supersunt civitates, hoc ordine recensentur: Derbe, nunc Dervasa; Tabachzama, olim Comana Pontica ad Irim; Nazianzus Cæsareæ proxima, Gregorii Nazianzeni summi Theologi ortu nobilis; Cucufa, aliàs Maganopolis, juxta Pontum Euxinum sita; Sasum, olim

olim Safima; & Chadifa, quæ hodie Phadifa dicitur. Ita etiam regione Seutina, Quiffo, & Gonca civitates non procul à Pelago conspiciuntur, necnon & in Mideliensi & Anarsuranensi tractibus. Cæterum Arealoga & Suvasia Cappadociæ, à Sivasia Armeniæ, quæ olim Sebastopolis, atque à Ianico & Chiormo, quæ maximi momenti civitates sunt, diversæ omnino censentur.

Tyana. In provinciola quoque Cappadociæ, nomine Tyana, jacet urbs cognominis, patria Apollonii Tyanei, Magici celebris, cujus vitam scripto etiam volumine exequitur Philostratus. Sedet autem illa urbs ad radices Tauri montis, hodieque Tiagna vocatur.

At Cappadociæ metropolis est Amasia, antiquo adhuc nomine insignita; Sita est in vallis profundo ad Irim fluvium, Strabonisque natalibus gloriatur.

Montes. Montes habet Cappadocia Anti-Taurum, Scordiscum & Argæum; quorum postremus, omnium editissimus est, atque ex ipsius vertice, ubi cælum serenum est, Pontus Euxinus Mediterraneumque Caramaniæ pelagus facile prospiciuntur.

Qualitas. Tractus hic, etsi plus vergat ad Austrum, quam ipse Pontus; attamen frigidior est, montisque Argæi fastigium assiduis fere nivibus operitur; tritici ferax est, præsertim vero frumenti; pars autem, quæ magis accedit ad meridiem, radicesque Tauri montis occupat, vix ullis arboribus frugiferis confita est.

CILICIA. Cilicia, secundum nonnullos, Turcomaniæ nomen hodie sortitur; Caramaniam alii vocant, quod à Caramano Turca, à quo Armeni ex ea pulsi, id nominis acceperit.

Fines. Ab Occidente, Pamphyliæ collimitanea est; à Septentrione, Tauro monte clauditur; ab Ortum autem habet montem Amanum, qui nunc Monte Negro ab Italis, seu mons Niger dicitur; demum à Meridie, Mare Mediterraneum, sive tractum illum, qui censetur Ciliciæ pelagus, quod per trecenta navigationis milliaria in longitudine porrigitur. Porro in Trachéam seu Asperam, & Campestrum concinne dividitur.

Loca. E Pamphylia proficiscenti, prima se offert in Ciliciæ littore Arx Iotapa, nunc Lombardo, in colle constituta; mox Antiochia Ciliciæ, impræsentiarum autem Antiochetta, mari adjacens, ad exigui fluminis ostium; dein Lalasis fluvius, qui & ab hujus plagæ incolis Calendes appellatur; nec procul eminet promontorium Stalemula nomine, priscis Anemurium. Cornachietto seu Crommyo Cypri Insulæ promontorio è regione positum; quo superato, Melas fluvius, qui nunc Crionera, conspicitur; denique Celenderis ornata portu civitas, quæ hodie Panopolis, seu potius Crionero nominatur.

Occurrit postmodum Campestris Cilicia, quæ Tauro monte circumscribitur, qui è mari juxta Trachéam assurgens, reflexis ad Septentrionem jugis, altero sui fastigio extenditur ad littus, à quo Campestris Cilicia terminatur.

Loca. Inter loca hujus Ciliciæ maritima censetur Corycus, quæ nunc Curco, aut Curcho, vel Corucha & Chura, ac demum à Turcis Charachisar nuncupatur. Hoc autem insigne de Coryco monte memoratur, quod in quodam illius antro Sibylla Herophila primam hujus lucis usuram acceperit.

Cydnus amnis. Notissimus quoque est Cydnus Ciliciæ fluvius, cujus aquas podagra laborantibus salubres esse testatur Cassius Parmensis Poëta, ut lib. 13. Plinius annotavit; attamen eadem Cydni aquæ aliis de causis male audierunt; nimirum tum quod Alexandro in iis se lavanti, fere ad mortem exitiales fuerint, tum & ex eo quod Fridericus Barbarossa præ nimio illarum frigore expiravit. Cæterum, qui aliàs Cydnus amnis vocabatur, nunc ab accolis Tarsu, à Turcis verò Corasu vocitatur, suamque habet in Tauro monte scaturiginem, atque ad Tarsu promontorium, olim Zephyriæ, in mari sepelitur.

Tarsus. Tarsus Ciliciæ urbs clarissima, olim totius regionis caput, in campis sita est, Cydnoque amne irrigatur; quinque tantum à pelago distat milliariis; antiquo adhuc nomine insignitur; à quibusdam tamen Hama & Hamfa, Malmistras, Tersis & Terasa, adinventis recens nominibus, vocitatur.

Sarus fl. Nec longe à Cydni faucibus Sarus amnis occurrit, nunc Adena dictus; deinde Pyramus, hodie Malmistra, qui ex amœna ultra Taurum planitie profluit; Ajazzus quoque civitas, quæ olim Issus, & Sinus illi cognominis, apud quem Alexander Darii exercitum expugnavit.

Sinus iste ducenta circiter milliaria in ambitu colligit, amphitheatricque figuram exhibet, quin & Pamphyliam, Ciliciam, & Syriam ad invicem conjungit.

Philadelphu. Tandem ut ad Asperam veniamus Ciliciam; Philadelphiam etiamnum hic conspicias, antiquam suo etiam nomine civitatem, necnon & Seleuciam Trachéæ, quæ nunc Salefica, Silefica, & Suida dicitur, Calycadneoque fluvio insidet.

Cætera quod attinet Ciliciæ loca, hac serie recensentur; Adena scilicet, olim Adana, urbs amplissima, frequentissimaque, unius diei itinere à Tarso remota; quæ & exornatur castro quatuor quidem turribus, sed non adeo firmis, instructo. Invenitur & in Cilicia, Anazarbus sive Cæsarea, nunc Azar civitas ad Pyramum fluvium sita, Oppiani Poëtæ, & Dioscoridis rei herbariæ peritissimi

ortu nobilis ; & juxta Castabalam Portæ Amadides seu Ciliciæ visuntur , à Græcis Py-læ vocabulo indigetata.

Anchia-
ta.

Superfunt & in Cilicia veteres Anchialæ civitatis reliquæ , in qua Sardanapalus omni libidinis mollitiæque genere effœminatissimus , ab Assyriis victus in regiam se recepit , & extructâ pyrâ, rebusque omnibus pretiosissimis eò congestis , seipsum unâ cum regia combussit ; est quoque oppidum S. Theodoræ nomine insignitum , quod olim Aphrodisias Augusta dicebatur ; hanc Ramusius Sevestæ M. Pauli subrogat ; iis accensetur & Marata, olim Maronias, urbs maxima , ut relicta ejus vestigia non obscure testantur. Heraclea etiam Ciliciæ in planitie jacet , non procul à Tauro monte.

Qualitas.

Regio illa plane est amœnissima , variis enim intersecatur fluminibus ; verum amœnitas fertilitatem vincit ; illius planities agro Lodumensi Galliæ venit comparanda ; vix enim fodi potest , quin ex ea silices eruantur.

ARME-
NIA
MINOR.

Ultima Natoliæ, seu Minoris Asiæ provincia, vergendo ad ortum , *Minor est Armenia*, olim Leucosyria, quo etiam vocabulo Cappadocia censebatur. Nonnulli tamen existimant eam nunc Anaduolam, Pegianam alii, & Accojonlu nominari , qua parte Colchidi finitima est.

Fines.

Armenia minor ab Ortu terminatur Euphrate , qui eam à Majori dirimit Armenia ; ab Occasu Cappadociâ ; à Meridie autem , Ciliciâ , quâ Taurum montem superat , necnon & angulo Syriæ , ultra Amanum montem , qui Tauri montis quædam portio est ; tandem ab Aquilone, cornu illo, in quo Anti-Taurus & Euphrates coalescunt.

Urbes.

Civitates habet hæc regio, Sivasiâ , quæ antiquitus Sebaste , nunc à Turcis Sivasscheher , ab aliis Sebastos dicitur ; cui proxima est Kemachus , priscis Camachus. In eadem etiam plaga sese offert Erzinga, aliàs Erzinga, vel Ertzica, olim Aziris dicta , quæ & à quibusdam Arzingama , aut Erzingana nuncupatur. Invenitur quoque in Armenia Minore urbs Melitina , quæ à Turcis Melatiga vocatur , in confluenti Melæ atque Euphratis amnium posita ; eo loci ponte fabricato Euphrates transvadatur ; demum si curiosius aspexeris , ipsam adhuc Cybistram in ipso montium recessu reperies.

Amnes.

Multis hæc regio fluminibus est irrigua , sed imprimis Melas fluvius, nunc Genefici, per eam decurrit , qui postmodum in Euphratem infunditur ; ideoque illius ager agrum Cappadociæ, sibi conterminum, vincit bonitate ; attamen ora Suarea frugiferis omni ex parte confita est arboribus , quin & oleum producit, vinumque Monariticum quod Græcanici meri refert suavitatem.

Enumeratæ hucusque regiones Turcarum parent imperio , unde & Mahometismum impense profitentur ; Christiani nihilominus Græci , imo & Catholici in omnibus passim locis inveniuntur illis permixti.

I N S V L Æ

ad Natoliâ pertinentes.

QUæ magis in Ponto Euxino solem Orientem respicit Insula , Ptolemæo *Thynias* nominatur & Daphnusia ; à Plinio autem Thynnias & Apollonia, à Continenti uno dumtaxat milliari sejuncta , triaque in circuitu milliaria colligens. Farnasiam vocant moderni ; nec procul abest à Cio Bithyniæ civitate, quæ olim Diospolis , priscisque temporibus quadam urbe exornata est.

Cyaneas sive Symplegades Insulas silentio forte mitteremus , nisi ob celebrem illam Argonautarum expeditionem tantam sibi famam conciliaissent ; Planetarum seu erraticarum aut Symplegadum nomen retulerunt , quasi invicem repercutientium ; Paronaræ autem hodie vocitantur. Cæterum binæ sunt Insulæ, imo rupes ultra Bosphorum seu fretum Constantinopolitanum , ad Ponti fauces positæ ; distat una à Continenti Europæ mille quingentis passibus , altera vero pari spatio à Continenti Asiæ dirimitur.

Principiò quidem in Propontide se offert Insula nomine *Demonnesa* , Nicomediæ obiacens ; at à nonnullis novem aliæ recensentur ; à quibusdam tamen quinque dumtaxat, quæ hisce nominibus indigentantur, *Prota*, nimirum , *Antigona*, *Chalcea*, *Printzapos*, sive *Principis Insula*, & *Charia*. Apud Chalceam, insignia duo visuntur Asceteria ; in Insula autem Principis , quæ erat amœnissima , liberi Cæsarum educabantur.

Tenedos Insula , quæ Tenedo etiamnum vocatur , etsi à Turcis Bouchadda barbaro nomine indigetata , ipsa est, in quam Græci Trojam directuri sese abdiderunt ; Iannizari promontorio è regione posita , adeoque proxima , ut nonnisi exiguus admodum, scilicet quinque milliarium , alveus transmittendus sit. Iacet in Hellesponti introitu à meridie , habetque triginta in circuitu milliaria. Duobus ab Oriente navalibus exornatur , inter quæ ipsamet civitas fuit olim constituta.

Archipelagum ingredienti , *Lesbos* Insula mox occurrit , sedet è regione Æolidis , & Grynæi civitatis antiquæ , in qua templum Apollinis , & locus vaticinandi pervetustus , unde & Apollo Grynæus appellabatur ; ipsa autem Insula nunc Mitylene vocatur , extenditque se à Lette promontorio usque ad Canum ; à Chio versus Aquilonem quinquaginta

ginta miliaribus est remota; à Stalimene verò seu Lemnos, octuaginta, ex ea parte qua Euroaquilonem respicit; à Delos autem Insula, centum & septuaginta miliaribus distat. Ambitus ejus est centum triginta, aut potius ducentorum sexaginta miliarium. Patet ab Oriente in Occidentem illius longitudo septuaginta miliaribus Italicis, duobusque portibus, aut potius Sinubus est instructa.

CHIO. *Chio* Insula, una ex quinque Sporadibus, *Scio* ab Italis, à Turcis vero Saqua seu Saquezada, id est, Mastyches insula, hodie nominatur. Sedet in Archipelago, in ipso scilicet Icariano mari, juxta Cherlonesum Ioniæ, Clazomenæ obversa, habetque à Septentrione Lesbos Insulam, quinquaginta distantem miliaribus; abest autem à Delos Insula nonaginta, à Ko seu Lango octuaginta dumtaxat miliarium intercapedine.

Ab Apanomerea, quæ quidem Græca vox partem superiorem significat; & à Catomerea, quæ partem inferiorem, sibi hinc inde adjacentibus, dirimitur.

Scio. Nec procul à Delphinio portu, *Scio* seu Sio provinciæ metropolis invenitur; quæ cum principiò in montis cacumine fuisset condita, postmodum in littore, attentis incolarum commodis, ædificata est.

In hac Insula plurimæ sunt aquarum limpissimarum scaturigines, necnon & à quibusdam fluminibus eam irrigantibus ad omnimodam fecunditatem impinguatur.

PSYRA. Exigua quoque apparet Insula, nomine *Psara*, seu *Psyra*, *Chio* Insulæ ad Occidentem obversa, non longe à Mastyches promontorio ejusdem *Chio* Insulæ. Illa olim *Phanea* dicebatur; multos nutrit onagrorum greges Ayriensibus omnino dissimiles; qui quidem sub alieno coelo laborant ægritudine, moxque ut alibi transmiserint, protinus emoriuntur.

SAMOS. Tres recensentur Insulæ, eodem *Samos* vocabulo insignitæ; *Samos* nimirum *Thraciæ*, quæ *Samothracia* uno verbo, nunc autem *Samandrachi* appellatur; sedet in Archipelago prope *Thraciam*; secunda *Epiro* obversa est, atque hoc ævo *Cephalonia* vocatur; ea autem qua de impræsentiarum agimus, *Samos* est *Ionica*, Iunoni olim sacra, quam & *Pythagoras*, & *Sibylla Samia* ortu suo nobilitarunt; hinc vasa illa fictilia, *Samia* etiam dicta, à veteribus tantopere celebrata. Hoc etiam tempore à finitimis *Samo*, à *Turcis* verò *Samos* nominata, Insulis Sporadibus annumeratur.

Hæc Insula in *Icario* mari, è regione promontorii *Trogylii*, necnon & *Ephesi*, posita est inter *Icariam* Insulam cornuque *Ioniæ*, quinque ab illa miliaribus; à *Pathmos* autem quadraginta mil. Italicis.

Samos orbicularis potius est figuræ, quam longæ aut latæ; editissimum ab Aquilone montem habet, cujus etiam inaccessæ prope modum sunt rupes. Totam hanc Insulam vastaverant pyratæ, adeò ut habitatoribus esset deserta; verum postea rursus cœpit habitari, atque à populis magno numero sedes ibi ponentibus frequentari; ad Ortum atque Occasum pontibus exornatur; ad meridiem verò superbas ostendit amplissimæ olim civitatis ruinas.

Vlterius ad Meridiem procedenti sese ostendat *Icaris* Insula, *Icari* lapsu celebris; qui & *Icariano* pelago nomen de suo nomine communicavit. Sedet ad Occidentem *Samos* insulæ, exiguamque habet latitudinem; sed in longitudinem ipsa plurimum se extendit; ejus ambitus septem miliaria complectitur.

Insula *Pathmos*, ad quam *Ioannes Evangelista* abs *Domitiano* deportatus, hodieque nomen servat; attamen à quibusdam *Palmosa* nominatur, à nonnullis quoque *Pactino*, atque *Patino*. Iacet sub *Samos* & *Icari* versus Meridiem, magisque sedet ad Occasum in *Icariano* mari, quam ipsamet *Icaris* Insula; octodecim in ambitu numerat miliaria. Commodum habet portum ab Ortu, urbemque sibi cognominem. Ibi non procul à pelago conspicitur specus, in qua *D. Ioannes* *Apocalypsin* suam scripsisse circumfertur.

Nec longè à *Caria* *Myrto* Insula, nunc *Myr-Mandria*, reperitur, quæ *Myrto* mari nomen de suo nomine imposuit, quod & *Mandrianum* mare hodie quoque nominatur.

Cœptum prosequendo iter à Septentrione ad Meridiem, invenitur *Pharmaco* Insula, olim *Pharmacusa*, in *Ægeo* mari juxta *Cariam*. Hic *Cæsar Rhodam* proficiscens, celeberrimi *Molonis* doctrinam excepturus, in *Pyratarum* manus incidit; deserta est impræsentiarum hæc insula.

Lero Insula, olim *Leros* dicta, *Cariæ* è regione posita est. Octodecim in ambitu colligit miliaria. In ea vetustissimæ arces collibus impositæ conspiciuntur. Montana hujus insulæ, montes *Samos* altitudine superant. Colitur incoliturque à *Turcis* hæc Insula, qui in ea sedulam navant operam, sicut & *Christiani*; ex ea quippe copiosissimum aloës faciunt proventum.

Inde ad amplissimam pervenitur insulam, *Calimno* nempe, *Patmo* & *Co* insulis, in *Ægeo* mari, interpositam; postea verò in *Psermo* quoque Insulam, ubi duæ aut tres civitates pagique plurimi visuntur; Porro utraque hæc Insula à Græcis *Christi* asseclis inhabitatur.

Asiæ *Propriæ* Insulis accenset *Ptolemæus* *Astypaleam*, quam moderni *Stampaliam* vocant.

citant. Iacet in Myrtoo pelago ad Euro-austrium Co Insulæ. Nonaginta complectitur in ambitu milliaria, urbe & pagis plurimis exornatur, multisque commodissimis navalibus.

CLAROS Insula, nunc *Calamo*, jacet in Myrtoo mari, quod maris Ægei quædam portio est, non longe ab Asiæ Propriæ promontorio; quadraginta numerat milliaria in circuitum; nil autem nisi vetusta dirutorum ædificiorum rudera ostentat. Ibi montes præcelsi, è quibus Ephesum civitatem, etsi octuaginta distantem milliariis, prospicere facilissimum est.

Co sive **LANGO** Quæ à Ptolemæo Insula Co nominatur, à Strabone *Cos*, ab aliis verò *Coos*, nunc autem Lango dicitur, at à Turcis *Stancon*, vel *Stanko*; insidet mari Carpathio, quod pars est maris Ægei, Halicarnassoque Cariæ civitati è regione posita est; septuaginta quinque milliaria ambitu suo colligit; panditurque ab Oriente in Occidentem, quadraginta in longitudinem milliariis. Hanc insulam Hippocrates Medicus toto orbe celeberrimus, hanc & Apelles celebratissimus pictor suo ortu nobilitarunt.

Urbes. Belonius civitatem in ea ponit atque castellum, *Stancon* utrumque nomine, quæ à Turcis tantum inhabitantur. Porro quindecim abhinc milliariis *Harranges*, aliàs *Atangea* oppidum invenitur, ubi per vetustæ ædes marmoreæ, nec procul inde superba Hippocratis ædificia conspiciuntur.

COSTILE *Costile* tenuis Insula, proxime ad Lango insulam accedit; validissimo olim castro ante captam Rhodum defendebatur, necnon & turre editissima, unde & triremes in mari, quinquaginta inde navigantes milliariis, prospiciebantur; & si quæ illuc appellerent, hujus Insulæ incolæ, dato signo, fumi quidem per diem excitati; ignis verò per noctem accensi, Rhodenses faciebant certiores, ut hac demum ratione ab hostibus sibi caverent.

CASOS. *Casos* Insula, nunc *Cassio* vel *Casso*, ad Occidentem Scarpanto Insulæ sita, novem milliariis ab eadem sejuncta est, à Salamone verò, seu Salamo Cretæ promontorio triginta distat milliariis; novemque tantum in ambitu milliaria complectitur.

SCARPANTO. Insulæ, Græcis olim *Carpathos*, Latinis *Carpathus* dictæ, hodie *Scarpanto* nomen inditum est. Sedet in Carpathio sibi cognomine pelago; ab Aquilone Icariano mari; ab Occidente, Ægyptiaco, Cretensique & Africano clauditur. A Cretæ promontorio, Salamo nempe, quod Orienti vicinior est, quinquaginta milliariis dirimitur; Ambitus ad septuaginta excurrit milliaria; ab Ortum verò in Occasum, sese porrigit in longitudinem;

Asia.

est autem angustissima. Ternis portibus iisque tutissimis, multarumque navium capacissimis gloriatur.

Nec procul apparet amplissima Scarpanto civitas, quæ vetustum existimatur esse Possidium; accensentur & alia duo oppida, Tristhanum scilicet, quod hodie *Faria* scopuli cujusdam nomine insignitur; & Corezi: hoc quidem ad Occidentem non longè à Gomello monte; Tristhanum autem in Oriente, posita sunt.

In Græciæ delineatione, quæ nostri Atlantis portio est, duas inveniet Lector Insularum Archipelagi Tabulas, quæ plurimas inspiciet Insulas nuper hoc volumine descriptas, Lesbos nimirum seu Mytilene, Chio seu Scio, Tenedos, Samos, Psyra, Icaris, seu Nicaria, Astipalea seu Stampalia, Pathmos, Leria seu Lero, Claros seu Calamo, Carpathus seu Scarpanto; quæ omnes & singulæ juxta Natoliam, seu Asiam Minorem, sitæ sunt.

Rhodus, Insula nobilissima, præ cæteris olim nominibus, *Telchinis* quoque vocabatur, eò quod Telchines, homines malefici, qui solo aspectu cuncta effascinant, sedes ibi collocassent; hodie autem à Turcis *Rodofta* dicitur. In mari Carpathio sita est, Lyciæ objacens, quam habet ab Occidente, quemadmodum & ab Oriente Cypri Insulam. Abest à Scarpanto quinque & viginti milliariis; à Continenti octodecim; à Stanco autem seu Co centum, à Cypro centum sexaginta; ab Alexandria demum Ægyptiaca quingentis & septuaginta circiter milliariis distat. Ejus juxta nonnullos ambitus triginta supra centum milliaria continet, secundum alios verò aut 140, aut 125, at in longitudine 40, in latitudine viginti duntaxat milliaria protenditur.

Tres olim habuit civitates Ilissum scilicet, seu Ialyzum, Camurum, & Lyndum Cleobuli ortu celeberrimam, qui septem Græciæ sapientibus annumeratur; verum hæc urbibus hodie viduata est, sola Lyndo superstiti, & cognomine cum Insulâ ipsâ civitate. Binis exornatur navalibus, uno communibus navigiis commodissimo, altero triremibus opportuno; Hujus ostio incumbbat ingens ille Colossus 70 cubitis fursum eminens, ab unaque parte in oppositam crura dividens, cujus moles ex ære solido tota coaluerat; at triginta duntaxat annis stetit incolumis, ac terræmotu concussa humi prostrata est. Porro ipsi Rhodenses ab eodem Colosso inter orbis miracula recensito Colossensium nomen acceperunt; ii sunt ad quos D. Paulus Epistolam sub hoc ipso nomine exaravit.

In cornu Insulæ, in montisque prærupto sedet civitas, quæ figura constat ferè orbiculari,

H

culari,

culari, tribus hinc inde fossis vallata, totidemque mœnibus, adjectis quoque propugnaculis ac turribus exiguis, munita. At quantumvis elegans sit hæc civitas, minor tamen in illa visitur nunc populi frequentia; è regione Marmocæ urbis Lyciæ posita est; nec alia magis quam hujus arce civitatis Turcicum gloriatur imperium. Vnicus irrigat totam hanc insulam amniculus, Gadura aut Candura dictus, qui ne quidem navigabilis est; Attabyris ibi mons, nunc Filerno; præ cæteris eminet; is olim Iovi Attabyriano sacer: alter autem, qui in medio insulæ, Arthemita nominatur.

Qualitas. Aër hujus regionis clementissimus est; cœlum quoque adeo serenum, ut raris admodum nebulis temeretur, Solque nec unum diem faciat, quin benignis eam radiis exhilaret; quamquam autem desint amnes maximi, at in collibus & planitie limpidissimis ubique fontibus referta est. Solum arenosum est, campi quoque angusti, & lapidibus obfiti. Ab aquilone in planitiem expanditur; à meridie autem in montes assurgit. Porro ubi defecit natura, emendavit supplevitque in-

dustria, adeo ut hæc insula nunc tandem feracissimis accenseatur, quæ & viridantibus nonnullo tempore consita sit arboribus, quasi verna tempestate nusquam interrupta gaudet. Omni generis frugiferarum arborum copia exundat, vinetis nimirum, olivis, malis citriis, aurantiis, & ficibus exquisitissimis; triticum parce quidem gignit, sed ferri ærisque fodinis fœcundissima est.

Tandem ab Equitibus Hospitalariis S. Ioannis Hierosolymitani conquifita, Ioanne X X I I summo Pontifice, Neapolitanoque rege, opem ferentibus; illam postmodum adversus Mahometanorum impetum strenue defenderunt; verum anno 1522 Solymanno cum ducentis bellatorum millibus, ingentique trecentarum navium classe obsidenti, eam dediderunt, prima Ianuarii die, an. 1523; à quo etiam tempore Turcæ illam possederunt, quemadmodum & omnes hucusque enumeratas Insulas, quæ passim à Mahometanis, & Græco-Christianis; nonnullæ autem à Iudæis, quibusdamque Catholicis hodie incoluntur.



C Y P R V S I N S V L A.

Nomina.



CYPRVS *Insula*, ab Hebraeis *Chetim*, vel *Cethim*, & à nonnullis veterum, *Ophiusa*, *Acamantis*, *Amathusia*, *Macaria*, seu *Fortunata*, multisque aliis nominibus indigeta-

ta, apud Europæos priscum nomen etiamnum retinet; ii quoque, qui ex illa oriundi sunt, lingua gentis vernacula *Chipro* eam nominant; Turcæ verò, atque etiam Mauri, *Korbos* ei nomen imposuerunt: unde & Croifas seu Crusados aurei, in eadem Insula Kobrosi vocitantur.

Situs.

Fines.

Sedet Cyprus in mediterraneis, à Septentrione sinui Ajazzo adjacens, nec non & Caramaniæ, à qua sexaginta dumtaxat milliariis distat. Habet ab Ortum Syriam, quæ tantum ab ea centum abest milliariis, quæ ut plurimum unica nocte peraguntur; ab Occasu autem Rhodum Insulam, ad quam usque, tres navigationis dies circiter numerantur; à meridie verò Ægyptum, quo, trium aut quatuor dierum spatio solventibus è Cypro, Alexandriam pertingere facillimum est; vel ut clarius id explicetur; è Cypro Alexandriam usque, 550 milliaria computantur, in Candiam verò 400; in Iassam Iudææ portum, 200; ad Tripolim Syriæ, 100; adusque tandem Sataliam maritimum Pamphiliæ & Caramaniæ portum, 60. Longior illi per æstatem dies ad horas quatuordecim, tertiamque horæ partem extenditur. Illa porro Insula 700 in ambitu milliaria Cypria colligit.

Extensio.

Patet verò in longitudinem, 220 milliariis juxta modernorum calculum, si illa parte emensus fueris, qua Acamanti, seu sancti Epiphanis, ac Dinaretho seu Clidibus, nunc S. Andreæ promontoriis interjacent; maxima autem latitudo, à Gattæ, olim Curias, promontorio, ad Cormachitium quoque promontorium expanditur, habetque sexaginta milliaria. In undecim hodie districtus dividitur, qui hoc ordine hisque nominibus recensentur; Baffo, olim Paphus, agmen ducit ab Occidente; succedunt deinde Audino, Limisso, Masoto, Salinarum districtus, atque Suvoriensis, omnes ad meridiem juxta mare positi, ab aliisque longo montium ductu sejuncti; patent ab Aquilone alii, hisce no-

Asia.

minibus insigniti, Crusoco nimirum, Penda-
lia, Cerinesa, olim Ceraunia, & Carpaffo, olim Carpasia; postrema demum Vicecomitatus nominatur, jacetque inter Salinarum Cerinarumque regiones.

Porro Cerinensis regio à cæteris quoque dirimitur, interjectis quibusdam aliis montibus uno milliari & dimidio diffitis, tribus autem à littore versus septentrionem milliariis; si autem aliis Insulæ lateribus, eodem montes ordine collocarentur, quamplura in Cypri regno, quibus hodie ad securitatem indiget, minime desiderarentur; hæc quippe regio initium ducit à Cormachiti promontorio, & continuo veluti montium sepimento cingitur, qui usque ad D. Andreæ promontorium indefinenter excurrunt, ne tantillo quidem spatio in illa plagula relicto, quo montes inter & pelagus, vel exiguus ad centrum insulæ pateat aditus. Illorum autem montium quidquid residuum est, Insulam interfecat, initio quidem factò à Solia veteri, octodecim à Cormachiti milliariis remota; per ipsius verò medium Insulæ transeundo, usque ad Crucis montem Masotto promontorio objacentem, Baffo tenus in ipso maris littore expanduntur; unde ad latus aliud defleunt, litusque occupant usque ad Soliam supra memoratam. Attamen non adeo proceri sunt ii montes aut asperi; qui autem cæteris præminet, Trochodos à Græcis vocatur, qui Olympus priscis dictus est, qui & quatuor milliariis surgit in altitudinem, quinquaginta verò milliaria, seu leucas octodecim Francicas ambitu complectitur. Exornatur etiam mons iste D. Michaëlis appellatione, est quippe ipsimet Archangelo sacer, quemadmodum & sacellum in ejus cacumine positum. In hac porro Insula unicum est monasterium, quod S. Annæ vocatur; verum antiquitus octodecim monachorum cœnobium ibidem viscebantur.

Plurima incumbunt huic Insulæ promontoria; Acanias scilicet, seu Acamantis, hodie S. Epiphanis promontorium, ab Occidente; deinde Malotu, olim Zephyrium; Abium quoque promontorium, quod à priscis Phrurium dicebatur, primumque est à meridie; Chata, seu Gata, antiquitus Cutias; Cormachitti, olim Crommium; Limnito, prius Callinusa; Alexandrena, alias Delenum; Dades, nunc Chiti; Throni, hodie Pila; Pedasum,

Promontoria.



sum, quod impræsentiarum Griego, seu Græcum; ac demum S. Andreæ, quod olim Clides, habet Cyprus promontoria.

Portus. Nullo autem nunc portu exornatur, nisi Famagustano; plurimos quidem olim habuit, verum ipsi incolarum incuria opleti fuerunt. Sunt tamen eximie per hujus Insulæ circuitum plagæ, naviumque stationes, apud Salinas nimirum, Limisso, Baffo, Grufoco, ac tandem in Tractu Cerinensi.

Urbes. Multis quoque splendidissimis urbibus olim Cyprus honestabatur, quas inter Paphos, Palepaphos, Cytherea, Curias, Cithium, Ceraunia, Salamis, Amathus, Lapi-the, Soloë, Tamafus, Arfinoë, Carpassium, aliæque magno numero civitates recensebantur; at illæ prorsus jam dirutæ, aut in pagos ignobiles sunt redactæ.

Paphos. Antiqua Paphos, seu Palepaphos, sedens in parte littoris meridionali, nil nisi vetustas ostendit ruinas; nova autem, quæ nunc Baffo dicitur, à vetere, sexaginta stadiis distans, pagi specimen, nilque præterea, præ se ferre videtur.

Cytherea. Cytherea, Veneris civitas, à qua & ipsa Venus cognomen accepit, non procul à Paphos, eodemque in littore sita, pagus est hodie, Convelia dictus. Curias autem pro Limisso à nonnullis usurpatur, ab aliis pro vico Piscopia vocitatus, qui à Limisso novem distat miliaribus.

Amathus. Amathus sexto à Limisso lapide, antiqua duntaxat ostendit rudera. Cithium, à Cethum Noë pronepote, ut creditur, conditum, hodie Chiti nominatur; sedet à parte Australi, octo à Salinis miliaribus, nihil præter veteres semirutæ turris reliquias, tenuesque aliquot ædículas habet.

Salamis. Salamis, secundo à Famagusta lapide, desertum fere nunc oppidulum, vetus nunc Famagusta vocatur. Carpassium pagi nomine fere indignum, nunc Carpasso nomine indigetatur. Ceraunium in prærupta rupe positum, nunc Cerines, pagus est non ignobilis, ut pote populo frequens, & arce conspicuus. Lapi-the civitas, regum olim sede nobilis, ob commodam navium stationem, maximasque quas habet triremes celeberrima, duodenis à Cerines remota miliaribus, priscum nomen etiamnum retinet.

Soloë. Soloë, urbis honore spoliata, in viculum hodie Solia nomine redacta est; affidet autem Aquiloni, Corchitique promontorio & cornu Alexandræ interfusa est.

Arfinoë. Arfinoë quoque civitatis viduata titulo, pagus nunc appellatur, à nonnullis quidem Grufoco, ab aliis verò Lescara; Famagustam tamen Arfinoës locum occupare, quidam suspicantur.

Tamafus. Tamafus etiam pro Tamasia juxta Nicosiam viculo, à plerisque sumitur. Idalium porro, sedes Veneris, ut Poëtæ fabulantur, abs Lusignano Dalim oppidum, ab aliis autem no-

mine Dali vocitatur. Insigniora tandem hujus Insulæ loca sunt Nicosia, & Famagusta.

Nicosia, Græcis Leucosia, in ipso fere hujus Insulæ umbilico sita, quadragesimo à Famagusta lapide, trigesimo autem, ac decimo quinto abs pelago milliari. Civitas hæc, olim quadraginta mille resplendebat ædibus, Lusignanorum etiam regum Curia, sedeque Archiepiscopi totam Insulam moderantis inclita, quæ anno quoque 1567 novem adhuc miliaria suo ambitu complectebatur; at cum Venetorum Dominatus vellet efficere munitiorem, ad tria dumtaxat miliaria, amplissimum, quem habebat, ambitum redegit. Multi passim per hanc urbem procurunt rivuli. Sedet autem in maxima Mestareæ planitie, 78 in longitudinem miliaribus excurrens, 30 verò in latitudinem, feracissimis undique collibus circumsepta, plurimisque amnibus irrigua. Visitur etiamnum Sanctæ Sophiæ Cathedralis ædes in Turcicam Mesquitam conversa. Cæterum hæc urbs figura constat orbiculari, undecim propugnaculis, fossisque latissimis munita. Equidem mœnia nec debita sedulitate restaurantur, nec ad propulsandos hostium impetus videntur sufficienter idonea. Pedus amnis, seu torrens potius, civitatis medio præterlabitur. Tandem urbs illa sedes est hodie Beglerbegi seu Bassæ Cyprensis.

Altera autem civitas, Famagusta nimirum, quasi Latine dixeris *Fama Augusti*, quondam Arfinoë vocitabatur, una ex tribus in littore collocatis, eodemque prorsus nomine insignitis, quarum hæc Pedaliam inter & Salaminam; alia verò, quæ nunc Aphdima, veteri novæque Paphos interjecta; tertia denique juxta Callinufam sedet, Lescaraque impræsentiarum nominatur.

Hæc autem posterius recensita, fuit olim Episcopali sede egregioque portu nobilis; sita verò est in extremis Insulæ, quæ Orientem aspicit. Nec modica est hæc civitas, figura pæne triangulari, unicumque Cypri Præsidium; quæ enim Continenti obversa est, propugnacula habet arte ingenioque singulari extructa, atque à Venetis, dum in ditione haberent, exædificata; præterquam quod in rupe posita est, cui nec cuniculis, nec everfioni ullus omnino sit locus. At Turcæ tanta laborant incuria, ut muri illius pessum ituri citissime videantur.

In tota verò quaquaversum Insula, præter assignatas modo duas civitates, nullum prorsus oppidum videre est mœnibus circumcinctum.

Celebriora hujus Insulæ oppida sunt, Lapi-tho, Siluri, Carpassi, Lescara, Constantino, Limnati, Silica, Arnica, Pellendria, Chilani, Colosso, Piscopia, Salinæ, Conuclia, Otima, Cerines,

Cerines, Arzos, Omodos, Crufoco, Solia, Limisso, Morphu & Lephca.

Urbes. Comercio oppidulum, pro veteri usurpatum Cypria, quæ suum nomen huic Insulæ communicavit, etiamnum mercatoribus admodum est frequens, sed minus, quam olim dum à Christi cultoribus habitabatur. Arnica, quondam Piscopia, milliari circiter à littore sejuncta, suis hodie ruderibus maximum priscae amplitudinis ostentat documentum; residuas nunc habet humiles unius duntaxat contignationis casas.

Duobus ab Arnica milliariibus; maxima Salinarum vallis conspicitur, quæ præcipitem ex Olympo monte torrentem excipit, ut & pluviales aquas è vicinis montibus atque præruptis defluentes; quæque hybernis temporibus lacum quaternis aut quinque pedibus altum summâ suâ affluentia conficiunt.

Amnes. Cæterum nullo Insula hæc amne navigabili potitur; sed quibusdam solum rivulis atque torrentibus, quorum præcipui sunt, Pedeus, qui Nicosiam præterfluit; Lycus ex Olympo monte ortum ducens, ac tandem fluvius nomine Tena.

Qualitas. Aër ut plurimum quadam corruptione laborat; unde & venenata magno numero insectilia ibidem enascuntur; præsertim vero notæ cujusdam peioris locustæ.

Anni tempestates. Videntur quoque hujusce Insulæ tempestates nostris adversæ; æstivis enim mensibus omnia quaquaversum præ solis ardore, aërisque siccitate in tantum arescunt, ut ne tenuis quidem planta, nisi à cultoribus irrigata, virescat; Vernant autem hyeme campi autumnalibus longo tempore pluviis perfusi; diceres commutari adinvicem hæc duas, æstatem nimirum atque hyemem, tempestates. Et me hercule, in hac Insula, æstati præcellit hyems sua commoditate, seu agriculturalum labores respicias, seu infirmorum valetudinem; nusquam enim hyems hic molesta est, nisi cum regionem hanc sævus aquilo perflarit.

Cum sit ergo hæc Insula fluminibus destituta, & certis solum torrentibus gaudeat, limpidissimæ quorundam fontium aquæ subterraneis huc cuniculis adducuntur, quæ rotis aliisque id genus instrumentis sublevantur: cum autem vehemens imber ingruerit, vasis in hunc usum preparatis decedentes è cælo pluvias diligenter excipiunt, atque asservant. Porro si defecerit pluvia, ut & hîc rarissima est, tunc demum plurimi hujus Insulæ tractus siccitate laborant.

Vnico à Chiti oppidulo milliari, non procul à pelago lacus reperitur tribus circiter in circuitum extensus milliariibus, venisque velut sale imbutis scatens; qui circa medium

Asia.

Iunii mensis incumbantibus illi solis radiis incipit inspissari, circa medium vero Augusti totus in sal convertitur, marmoreamque duritiem imitatur.

Hanc Strabo Insulam à summa quam habet fertilitate laudavit, adeo ut nec ullam priorem habeat; hancque etiam feracissimam existimant moderni, quæ nec opus habeat res necessarias sibi aliunde suppeditari; verum irrigatione indiget, qua deficiente, terra quantumvis uber, vix ullam tamen profert annonam. Porro hoc quoque Cyprus infortunio laborat, quod frequentibus terræmotibus obnoxia sit.

Regio hæc maximam frumenti copiam *Fruges.* profert, quod quidem ab incolis mense Octobri seminatur; Aprili vero per totam Insulam peracta messe colligitur. Varii quoque generis habent legumina, ut & vinum præstantissimum, quod & stomacho saluberrimum sit, & in multos annos possit asservari, adeo ut à nonnullis ad octo nonnumquam annos intemerata suavitate fuerit custoditum.

Hic etiam abundant malopepones, cucurbitæ, musæ, cappares, quibus & amplissima interdum plagæ sunt refertæ. Ingens ibidem est olei copia, nec non & ficuum, limonum, malorum, citreorum, aurantiorum, fusiman, & sumach, coriandri atque lentisci; nullæ tamen ibi castaneæ nascuntur, neque corna, aut cerasa; saccharum autem, crocus, daëtyli, brassicæ, gossypium, rubia tinctorum, herba quoque nomine Soda, ex cujus cineribus sapo efformatur, cypressi, therebintus, thus, rhabarbarum, storax, cæteraque gummi, passim in hac insula reperiuntur.

Sunt & aluminis fodinæ, sulphuris, auri, *Metalla.* æris & argenti, iaspidis, crystalli, corallii, multorumque aliorum magni nominis lapillorum, qui etiam à Plinio huic Insulæ attribuantur.

Cypri incolæ magna pollent fortitudine, nervosi sunt, ad armaque supra modum idonei existimantur; cæteris quoque Turcæ subditis præcellunt mansuetudine, atque in externos comitate. Ingenium habent versatile & acutum, lingua manuque promptissimi, sed in libidinem supramodum proclives. Hæc illorum multis ab annis indoles; etenim cum Venetorum ditioni subjacerent, eo etiam tempore nobiles bene in alienigenas erant affecti; & quamquam ex iis nonnulli Latinarum, Græcorum alii, mores imitarentur, iracundi tamen, alacres, magnifici, in libidineque erant effusi. Neque Cyprenses feminae adeo de castitate laudantur, sed trita prisca insulæ feminarum vestigia prosequuntur.

K

Quin-

Lingua.

Quintuplex obtinuit lingua apud Cypri habitatores; qui enim Turcicæ sunt ditionis, Turcico etiam idiomate loquuntur; linguam alii Græcam usurpant, quæ cæteris frequentior, à Græcis ipsis Romaica dicitur; tertia est Armenorum; quarta Albanorum; quinta denique Itala lingua numeratur. Cæterum Græci Cretensem fere dialectum in omnibus æmulantur.

Commercia.

Distrahunt è Cyprio negotiatores, undulata aliûsque generis cymatilia, pulverem Cyprium, volucres etiam indigetes, sericum, frumenta, cannabim, & gossypium.

Vires.

Tanto sunt in pretio Nicosiæ, ac Famagustæ munitiones, ut in illis Turcæ spem fere omnem confidentiamque reponant; est & Cevinense fortalicium quibuscumque hostibus inaccessum, Turcicoque præfidiario milite, nullo non tempore munitissimum.

Magistratus.

Tota hæc Insula unius Beglerbegi seu Basæ paret imperio, qui Nicosiæ commoratur, qui non Insulæ duntaxat civibus, verum & Turcicis quibuscumque Magistratibus, Sanjacis nimirum, Cadis, Soubassis, Emin, Turcis quoque militibus, Pedites sint aut Equites, jus dicit, omnisque Cyprus Turcarum legibus gubernatur.

Religio.

Non omnes, qui Cyprum incolunt, Turcæ sunt, Mahometani, aut forsitan Iudæi; at Græci etiam Christiani illic inveniuntur, Græcanæ Ecclesiæ fidei ceremoniisque addicti; sunt & aliqui Maronitæ, Nestoriani, Iacobitæ, quin & Coptitæ, qui captis à Saladino Ierosolymis è Palestina secesserunt, priscis ritibus usque nunc observatis. Sedes in

Cyprio habent & Armeni, Indi, Georgiani, atque Catholici. Porro unaquæque Religio suis Antistitibus exornatur.

Iacobus Ioannis Cypri regis spurius, è stirpe Regum Lusignianorum, hocce regnum occupavit, Carolamque sororem, ejusdem Regis filiam legitimo exortam thalamo, ejus gloria spoliavit; Famagustam quoque abs Genuensium extorsit manibus; & ut securius suis rebus provideret, uxorem duxit Catharinam, Marci Cornaro Nobilis Veneti filiam, quæ veluti è Senatu genita, illi in matrimonium assignata est, eximia etiam constituta dote. Iacobus ergo diem claudens supremum, utero gravidam reliquit Catharinam, quæ filium peperit Iacobum nomine, postea Cypri regem inauguratum, sed biennio tantum superstitem; unde & Cypri diadema ad Venetam remisit Catharina Dominationem; ad quam & ipsa transfretavit, solennique excepta apparatu, Asolo Trevisanum à Veneti. neta Republica dono accepit. Hac itaque ratione Venetorum Senatus Cypri Dominatum adeptus est anno 1470, aut 1473.

Anno autem 1570, die 24 mensis Iunii, Turca. numerosum transmisit exercitum Selim ad Nicosiam, illamque octava Septembris expugnavit; postea vero Cerineum fortalicium inito cum Præfidiariis pacto obtinuit; Famagustam deinde ad mensem usque Iulium anni 1571 perpetua cinxit obsidione, ducentis armatorum millibus in statione collocatis; qua capta civitate, reliquam illico Insulam suæ subjecit ditioni; quæ Turcico etiamnum imperio subdita est.

TERRA SANCTA,

Sive

PALÆSTINA.

Nomina.



Terra, quæ nunc multis nominibus *Sancta* nominatur, olim terra *Canaan*, sive *Cananea* vocabatur, accepto scilicet nomine à *Canaam* filio *Cham* illius possessore; eadem quoque *Terra*

Promissa, seu *Palaestina* dicta, sed degenerate à *Philisthinorum* nomine vocabulo, qui illam quidem possederunt, non tamen totam, at illa solum loca, quæ *Tribubus* *Juda*, *Dan* & *Simeon* sorte ceciderunt.

Fines.

Expanditur felicissima illa regio, ab *Ortu* quidem, ad *Desertam* usque *Arabiam*, hodie *Beriarum*; ab *Occasu* verò ad *Mediterraneum* pelagus; à *Septentrione* usque in *Phœniciam* ad præcella *Libani*, ad *Syriam*que & *Damascum*; à *Meridie* tandem ad *Petræam* excurrit *Arabiam*, quæ *impræsentiarum* *Barraab*, & *Bengancal* etiam nuncupatur.

Divisa.

Terra hæc olim *Israëliticas* inter *Tribus*, utpote illius triumphatores, sorte fuit divisa. Et quidem pars una *cis Iordanem*; ultra verò eundem fluvium pars altera, sedes sibi proprias acceperunt; fuere autem qui ultra *Iordanem* incoluerunt, *Gad* & *Ruben*, dimidiaque *tribus* *Manasse*; cæteræ verò *cis amnem* *Tribus* sedes posuere, ut *Oracula* sacra testantur.

Longitudo.

Vt autem certius *Terræ Sanctæ* longitudo percipiatur; Ad *Aquilonem* illa incipit sub monte *Libano*, ubi *Dan* seu *Lachis* civitas insidet, quæ postmodum *Cæsarea Philippi*, à *Ptolemæo* autem *Cæsarea Parias*, atque à modernis *Velenas* dicitur; extenditurque à *Meridie* usque ad *Bersabeam* *Iudææ*, nunc *Gybelim*, juxta regionem *Deserti*. Cæterum hæc variis *Scripturæ* locis longitudo designatur, ubicunque *Israëlitæ* à *Dan* usque *Bersabée* congregatos memorat. Porro quæ inter utramque est intercapedo, 240 complectitur milliaria, seu leucas octoginta Gallicas. Quæ demum ultra *Iordanem* est regio, in longum porrigitur à mari *Galilææ* usque ad torrentem *Arnon* 54 milliariibus.

Latitudo.

Illius vero, *Terræ*, inquam, *Sanctæ* latitudo, ducto à *Iordane* initio usque ad medi-

Asia.

terraneum pelagus, 54 colligit milliaria, aut si lubet, leucas octodecim; sin emetiaris ab *Sirbonitide* lacu, qui nunc *Stragnone*, olim vero torrens *Ægypti* *Gazæ* vicinus à *Meridie*, perque vastam *Deserti* solitudinem usque ad montem *Seir*, & mare *Mortuum* perrexeris, 103 Italicis milliariibus constat.

Regionis hujusce provinciæ sunt, *Iudæa*, *Galilæa*, *Samaria*, *Idumæa*, *Ituræa*, & *Trachonitis*, quibus nonnullæ etiam provinciæ includuntur.

Montes autem celebriores sunt, principio ipse qui à *Brocardo* mons *Christi* appellatur, tribus à *Sephet*, seu *Saphet* milliariibus, nec procul à *Galilææ* pelago. Is quippe frequentissimo *Christi* adscensu nobilissimus est; nec perperam, in eo enim panibus quinque totidemque piscibus, tot quoque hominum milia *Christus* satiavit; ex eo profugit, ne rex inauguraretur; in hoc, perfectissimam orandi rationem discipulos edocuit; hic & *Centurio* filii *paralytici* sanitatem exoravit; ibi denique *leprosum* solo manus contactu sanavit. Ex hujusce montis vertice *Galilæum* pelagus, *Ituræa*, *Trachonitis* ad montem usque *Libanum* prospiciuntur.

Sedet quoque *Thabor* mons insignis in mediis *Galilææ* campestribus, mira sublimis rotunditate; nam ejus altitudo per leucam assurgit & quadrantem; ascensu prorsus difficilis est; vertex autem ipse campestris, plus uno milliari in planitiem panditur. Mons hic coelo gaudet temperatissimo, vinetis ubique & olivetis frugiferisque arboribus exornatur, vernat & floribus, ac perpetuo rore perfusus numerosis volucrum ferarumque turmis pabulum subministrat. Tandem ipsius *Servatoris* *Transfiguratione* celeberrimus est.

Ad hujus radices montis, qua spectat ad meridiem, sacer ille conspicitur locus, in quo *Melchisedech*, obviam profectus *Abrahæ* à quatuor regum cæde reduci, Panem illi Vinumque ministravit.

Cæterum *Thabor*, de quo nunc mentionem injecimus, *Carmeli*, seu *Carmeni* montis duntaxat portio est, qui usque ad pelagus excurrit, editissimusque est; vinetis, olivetisque olim & arboribus floruit feracissimis, nunc autem senticetum est, nullis humanæ vitæ usibus idoneum.

L

Montes



Montes quoque plurimi ultra Iordanem
conspiciuntur, Seir nempe, Hermon, Libanus
atque Galaad. Hi omnes unicum montem efficiunt, etsi pro varietate locorum varia quoque nomina sortiantur. Horum omnium caput est Galaad, quem Hippos Ptolemæus indigetat; is quippe cæteris altitudine præcellit. Mons Seir, Hebræis Schir, aliàs Sanir, Terræ Hus ad Orientem affidet, Hermonque monti ab Aquilone jungitur; Galaad à Meridie; abest autem à Capharnaum & Chorozaïm, ex una quidem parte sex, ex alia verò quatuor milliariibus. Invenitur & alius mons cognominis, non procul à Pharan solitudine, in quo Chodolahomor, cum aliis regibus, Horræos expugnavit habitatores Seir, montis; inquam, illius quem & Esau ejusque posterius coluerunt. Porro mons Seir, quem prius recensuimus, sub ditione regis Basan olim ponebatur.

Mons Hermon monti etiam Seir annexus est, universamque ambit Trachonitidem, & excurrens usque Damascum, ipsi Libano aggregatur Velenasum inter & Damascum; ultra Iordanem eminet è regione Velenasici, quæ illi ad Orientem, monti vero Seir ad Meridiem objacet. Est & Hermon modicus binis tantum à Nazareth milliariibus, cujus ad Aquilonem sedet Naim Galilææ civitas, ubi unigenitum viduæ filium, fatis jam functum, Christus hominum Servator ad lucis usuram revocavit.

Montes Gelboe à Bethsan incipiunt, longaque duorum milliarium serie sua juga perducunt usque ad Iezraël, nunc Zarazin, quæ olim fuit regum sede nobilis, at hodie in tenuem redacta viculum ad radices Gelboe sedet à latere Occidentali, ubi & Nabothi olim visebatur.

In valle Hermon & Gelboe montibus interposita plurimis, teste Scriptura, præliis dimicatum est; ibi Gedeon Madianitas expugnavit; Saul quoque contra Philisthæos, Achab contra Syros, ac nuper Tartari adversus Sarracenos acerrime decertarunt.

Proficiscentibus ex Hierusalem in Iericho mons sese offert Quadragesimalis, sesqui à Galgala milliari; is plane jejunio Christi Servatoris, quod ad quadraginta dies noctesque totidem protelavit, ab ejusdemque tentatione notissimus est. Mons iste celsus est & præceps, illique adjacet fons iste, cujus aquas prius amaras Propheta Elisæus immisso ligno dulces effecit.

Cæteros minoris extensionis montes quod attinet, propriis regionum locis illos inferemus; id quippe ad seriem nostræ narrationis maximi omnino momenti est.

Solus Iordanis ex cunctis hujus plagæ fluminibus est insignis, cui fontem Panium pro

scaturigine Iosephus assignat, aut Phialæ lacum, ex quo emergens, per subterraneos cuniculos in hunc fontem influit; alii vero binos fontes constituunt, Ior & Dan nominibus, qui non procul à Velenas seu Cæsarea Philippi scaturiunt, ad radicesque Libani commiscuntur, ex quibus unicus ipse Iordanis fluvius coalescit. Cæterum amnis hic è Velenas oris progrediens, multis peractis ambagibus in Galilæum pelagus, Capharnaum inter & Chorozaïm immergitur; unde & postmodum emergens pergit ad Meridiem, multisque auctus torrentibus, quos inter, Iaboc & ipse torrens ab Ortu affluit; Carith autem ab Occasu, in Mare Mortuum se suumque nomen sepelit. Attamen, si quæ Mahometanis fides, testantur ipsi, Iordanis aquas undis Mortui pelagi nullatenus immisceri, sed levissimo eas cursu percurrere, moxque novo velut alveo reviviscens, aliquo adhuc procurrare terrarum spatio, tandemque occultis sub terra cuniculis influere, Maratouque ad fretum Mequitianum evolvi.

Exiguus quidem est Torrens Cison, sed rebus apud eum gestis nobilis; ex undis pluviae à Thabor & Hermon defluentibus coalescit, alluitque ab Ortu radices Thabor, ubi Barac strenuus Sisaram debellavit. Variis dividitur brachiis, quorum unum in Orientem porrigitur, Galilæoque pelago immittitur; alterum verò, quod ad Occidentem vergit, multas è monte Ephraim vicinisque Samariæ locis, ac Esdrelon campestribus undas excipit; quatuorque ab Acrâ milliariibus procurrens, ubi Elias sacerdotes Baal è medio sustulit, in mediterraneum pelagus ingreditur, tribus à prædicta civitate Acrâ milliariibus.

Palæstina duos habet Lacus celeberrimos, maris etiam nomine insignitos, Genezareth nimirum seu mare Galilææ; & lacum Asphaltiten seu Mare Mortuum.

Lacus Genezareth à vicina sibi regione nomen mutuatur; vocatur quoque Tiberiades ab urbe illius margini insidente; imo & Cinereth pelagus atque Galilææ. Hodie verò Tabaria nominatur, quod itidem nomen Tiberiadi inditum est civitati. Porro lacus hic Tiberiade, Capharnaum, Bethsaida, Bethsan, Gadara, Tarichæa, Chorozaïm, aliis civitatibus in ripa sitis exornatur. Illius aquæ limpidissimæ sunt, potuque salubres & gratæ; quod cæteris lacubus insolitum est. Variis etiam abundat piscibus, specie saporeque non vulgaribus.

Lacus Asphaltites ab innato sibi asphalti seu bitumine nomen accepit; Mare quoque Mortuum dicitur, eò quod ne unus quidem piscis in illo possit vivere, imo in eum projectus statim emoriatur; nonnunquam etiam

Mare salis, Hebraice Haijammelech, quod aquis falsissimis refertum sit, ac tandem Mare deserti, quod propius ad Arabia accedat solitudinem. Iacet ipse lacus in valle, quæ præclaris olim civitatibus Sodoma, Gomorrha, Adama & Seboim gloriabatur; sed eæ postmodum igne cœlitus emisso in vindictam scelerum in iis patratum consumptæ sunt.

Extensio.

Huiusce lacus longitudo ab Aquilone ad Meridiem viginti supra centum censetur miliaribus; latitudo verò ab Oriente in Occidentem, septuaginta. Quæcunque gravia in hunc lacum projeceris, mox in sublime repellit; neque ullus in illius fundo consistat ullatenus; quod quidem Vespasianus Imperator expertus est, homines enim natandi imperitos, alligatis etiam manibus in eum mergi imperavit, sed perperam. Producit nonnullibi gazas bituminis, quod nonnisi menstruo feminarum sanguine potest dissolvi, aut emisso ab eisdem urinæ excremento. Cæterum bitumen illud non inutile est, imo ad picandas naves aptissimum, ulceraque & plagas impense sanat. Arbores juxta hunc lacum consistæ, non oculis quidem ingratae sunt, at nullum edunt fructum gustui accommodatum; præcellunt certe poma si exterius tantum aspexeris, si autem contrectaveris, fatiscunt, in cineremque & favillam prorsus abeunt. Stat aqua hujus lacus velut immobilis, picisque in modum tenax densum nonnullo tempore fumum exhalat, Inferni caminum dices; adeo ut vallis illa, quæ Illustris olim dicebatur ob singularem amoenitatem, inpraesentiarum male audiat, infamis omnino, nulliusque rei circumquaque ferax, nec ullam gignens herbam quinozum spatio milliarium, donec ad campestria Iericho pertigeris, cujus viridaria Elisæi fons irrorat. Augetur quandoque lacus Asphaltites decidentibus è Libano aquis nivalibus, aut ubi in Galilæa pluerit, aut in monte Galaad, vel in regione Moab, Ammon & Seir; has enim omnes pluvias excipiens Iordanis crescit, easque tumidior factus in Mare Mortuum ducit. Demum lacus hic tetram exhalat omni tempore Mephitim, instarque sulphuris pessime olet; & si forte Iordanis magna auctus aquarum congerie nonnullos pisces eò perduxerit, ipsi nulla interjecta mora fatiscunt.

Qualitas.

Summa est aëris hac in regione temperies, adeo ut nec calore uratur, nec vexetur unquam frigore; lacte & melle, prout sacra refert Scriptura, omni ex parte perfunditur, quod maximam indiget rerum omnium ubertatem; ager quippe illius feracissimus est, maximosque, excultus modice, proventus facit; unico enim boum jugo illius arvum

Asia.

subigitur, neque marga aut fimo indiget, ut sit foecundius, est quippe suoapte genio pinguisimum, & frumento ferendo maxime idoneum. Vernat & rosis sponte nascentibus, floribusque aliis & plantis suaveolentibus.

Frumentum vero, quod hac in regione nascitur, tanta comedentis palato suavitate arridet, ut illuc peregrinationem obeuntes extollant sapissime præ omnibus Ierosolymitici panis bonitatem. Abundat & Terra Sancta cujusvis generis leguminibus; vix tamen poma, pyra & fructus hujusmodi in ea reperiuntur, verum hi asportantur Damasco, quin ob nimium caloris æstum nec diu possunt asservari. Solatur horum fructuum penuriam ubertas aliorum toto etiam anno ex arboribus dependentium absque corruptione, ita ut rem gratissimam spectent habitatores, in eadem scilicet arbore, iisdemque ramis fructus anni jam exacti, ac flores novi & jam adolescentis, quibus cibos, pisces, & alia quævis edulia condiunt. Habent & mala citrea, quæ saccharo imbuunt, ex iisque liquida faciunt bellaria; nec tacenda sunt stupenda illa Paradisi poma, quæ apud illos enascuntur, crescuntque in modum racemi, at tantæ evadunt magnitudinis, ut corbem modicum sua mole adæquent, adeo ut centena sæpe poma videas ovi magnitudine, uno veluti in racemo, sese invicem contingentia, quæ & cute subflava spissaque operiuntur, verum ubi eam detraxeris, suavissimum illico ac sapidissimum perceperis fructum. Arbor, quæ non vulgare hoc pomum gignit, bienio solum perdurat, quo exacto marcescit, novos nihilominus è radice surculos proferens. Porro illius folia ad hominis pertingunt magnitudinem, tantæque sunt latitudinis, ut bina totum hominem possint amicare. Sane non alia videtur hæc arbor à Mauza seu Musæa, licet non adeo perspicue loquantur auctores.

Terra Sancta plurimis est vineis confita, quibus multo magis abundaret, ni Mahometani illius essent possessores; interdictus quippe est illis vini usus lege Mahometis; quapropter illius asseclæ variis è partibus vites avulserunt. Quod in ea regione vinum cæteris præcellit, apud Bethlehemum nascitur, in valle Raphaim, & Nebeleschol, è qua missi ad contemplandam terram exploratores, præclaros adeo racemos extulerunt. Triplici fere tempestate ex eadem vinea, eodemque anno racemi colliguntur.

Maxima quoque hac in regione est ficuum copia, ut & malorum granatorum, aurantiorum, melonum, cucurbitarum, cucumerum, limonum, olivarum, dactylorum, aliorumque id genus fructuum.

M

Arbusta

Arbusta etiam hic videas, gossypium magna vi proferentia; ut & cannas saccharo fecundas. Præclara triumphansque regio palmas ubique prætendit, therebinthos quoque, cedros & cupressos, arboreque alias mero balsamo diffuentes; manna & mel ibi passim reperitur; montes amœnitate incredibili perpetuo virescunt, prataque visuntur lætissima. Multis tamen in locis nullos habet habitatores, aut qui ejus culturæ navent operam.

Numerosos alit Palæstina camelorum greges, ut & dromedatorum, asinorum, mulorum, equorum, urforum, leonum, Pardoleonum, aprorum, cervorum, damarum, caprearum, leporum, cuniculorum, perdicum, turdorum, coturnicum, phasianorum, columbarum, ac denique turturum.

Incola. Præter Iudæos Terræ Sanctæ habitatores, qui exiguo sunt numero, sunt & Turcæ, quorum mores notissimi; nonnulli quoque Christiani reperiuntur; cæteri vero aut Mauri sunt ruri agentes, aut Arabes sub tentoriis. Illi quidem agriculturæ student aut negotiationi; hi vero, scilicet Arabes, more vivunt nobilium, soli duntaxat militiæ addicti.

Opes. Summus Turcarum Imperator ingens omnino tributum accipit à Principibus in quosdam hujus regionis tractus hereditario jure succedentibus; etenim ab Emiro Fracardino trecenta illi & quadraginta librarum millia quotannis persolvuntur; abs Bassa vero Gazeensi sexaginta millia; atque ab Emiro Tharabæo quatuor supra viginti millia. Mauri præterea, qui terras hujus regionis occupant, Turcico subditas imperio, vectigal quoque exsolvunt reale potius, quam personale. Quin & Gubernatores præter commune tributum, ingens aliud à Christianis extorquent, duos nempe aureos nummos ab unoquoque peregrinorum illuc adventantium, pro Ierusalem ingressu; præterquam quod nullus Sepulchrum ingreditur Christi Servatoris, nisi persolutis itidem aureis novem nummis. Plurima etiam aliis in locis constituta vectigalia, brevitati consulens impræsentiarum omitto. Cæterum si calumnias perpenderimus Christianis Turcarum malignitate affictas, ut sic eorum pecunias exhauriant; hac demum viâ plura Turcas emolumenta percipere, quam quâcunque aliâ, facile comperiemus.

Adepto jam Palæstinæ Dominatu, agnovit Sultanus Selimus plurimas Arabum familias, nonnullis Terræ Sanctæ provinciis jure à majoribus accepto præsidere, quæ idcirco Soldanis Ægypti tributum solverent, cumque non posset nisi ægre admodum eas labefactare, funditusque evertere, neve molestas atque infensas sibi nullo non tempore patere-

tur, quam tenebant possessionem non abstuliti, sed denuo permisit, extorto hac de possessione tributo; quod in maximum Ottomanis cessit emolumentum; perpendentes quippe Arabum Principes, quanti regionis hujusce protectio sua interesset, tanto lubentius populos eo adegerunt, ut eandem cum illis obedientiam & fidem amplecterentur, itidemque Principes sibi successores obstrinxerunt; quod & facilius ipsis Turcæ Ministris aut Gubernatoribus præstiteret. Sed ad provincias Terræ Sanctæ seorsim exhibendas sermonem convertamus.

I V D Æ A.

Ivdæa, præcipua Terræ Sanctæ portio, *Fines.* ab Ortu Iordane clauditur, ac Mari Mortuo; ab Occasu mediterraneum habet pelagus; ab Austro montes Seir; à Septentrione demum montes Ephraim, atque Samariam. Excurrit illius longitudo à Iordane ad Iaffam, & à Ptolemaïde juxta maris littus sese porrigit.

Primaria Iudææ civitas est Ierusalem, *Hebraice* Ierusalaim, *Græci* autem Hierosolymam vocaverunt, hoc est, sacram Solymam, à Solymitanis scilicet populis illius habitatoribus; quin & à Ptolemæo Capitolia dicitur. Hodierni autem incolæ, Coz, Godz, aut Chutz vocitant; Turcæ vero Cudzimubarek, id est, locum religiosissimum, exundantisque à Deo benedictionis, & Elkoudech, id est, Terram Sanctam; ipsi quoque Arabes Beyt Almocadas, id est, domicilium Sanctorum. Postremum etiam Turcæ Hirslin, id est, civitatem Sanctam & Sacram nominant.

Civitas hæc multos inter montes posita *Situs.* est, præcæque olim civitatis partem obtinet, plurimaque hodie suo ambitu complectitur loca, quæ pridem mœnibus non erant inclusa, aliis, quæ intus erant, vice commutata extrorsum positis; mons etenim Sion ipso urbis ambitu continebatur; at nunc quædam illius portio extra muros projecta est; ipseque mons Calvariæ, extra urbem aliàs positus, nunc in eadem omnino constitutus est, murisque validissimis obseptus.

Habet ab Ortu Ierosolyma Vallem Iosaphat, quæ muros illius cingit in longitudinem; à Meridie Offensionis Montem, Vallemque Gehennon, & partem Montis Sion; ab Occasu verò Gion montem ex parte, & Vallem seu Piscinam Bersabæ; ab Aquilone tandem Acræ montis portionem.

Longitudo hujusce civitatis à Porta S. Stephani, quæ ad Orientem est, ad nova usque *Magnitudo.* mœnia, qua protenduntur ad Occasum, mille ducentorum circiter passuum colligit, in ambitu

ambitu autem integrum milliare; nullis vero moenibus instructa est.

Porta.

Portis duodecim antiquitus exornabatur, quarum prima à figlina nomen acceperat; 2 Aquaria dicebatur; 3 Equorum; 4 Gregis; 5 Benjamin; 6 Piscium; 7 Vetusta; 8 Ephraim; 9 Anguli; 10 Vallis; 11 Colluviei; 12 Fontis: hodie vero sex præcipuæ numerantur, laminis ferreis, seu vestibulis solidissimis undique munitæ; Aurea nempe; Gregis sive Sancti Stephani; Ephraim sive Damasci; Iaffæ seu Hebron; Sion; ac denique Colluviei.

Templum Salomonis.

Templum Salomonis omnibus, quæ in Hierusalem sunt, ædificiis præcellit; vocatur autem à Turcarum Gente Cubi-Sahara; eminet in monte Moria, qui maximo circumquaque expanditur ambitu, multaque præclara, tum nova, tum vetera continet: juxta portam auream templum illud positum est, quæ majori objacet illius areæ, quæque ducentis sexaginta passibus patet in longitudinem; in latitudinem vero centum quinquaginta. Ab uno illius angulo ad meridiem sedet Præsentationis Templum, quod etiam hodie venustum est, atque augustum, tribusque contignationibus plumbo opertis conspicuum; præfert quoque in summitate navis amplioris duo Domata, unum ad Meridiem, ad Aquilonem alterum. Hic, hic, inquam, Simeon ille Sanctissimus Servatorem in ulnis gestans exultabundus cecinit solenne illud Canticum *Nunc dimittis*. Impræsentiarum autem in Mosquéam Turcicam redactum est. Conspicitur & asceterium ad Meridiem, tecto etiam plumbeo olim exornatum, quod hodie urbis murus & munitum est. Porro ad Occasum porta Speciosa est, juxta quam Claudio mendicanti, Petrus stupendo miraculo gressum solidavit; nec procul inde visuntur fornices præclaræ admodum, artificioque non vulgari conspicuæ; ibidemque in parte Aquilonari Prætorium Pilati situm est. In centro propemodum amplissimæ hujus areæ assurgit Templum illud Salomonicum, figura octogonali, seu octo faciebus eximium, & à pavimento ad denum pedum altitudinem pario marmore incrustatum, superius vero opere tessellato exstructum. Templi illius ambitus ducentorum est & quinquaginta passuum: quatuor exornatur partibus è regione invicem positis, totidemque januis. Habet facies quælibet fenestras quatuor, prominetque sursum appendicula, ad tecti elegantiam, quod totum plumbo coopertum est, ut & Doma medio è tecto assurgens fenestris quoque sedecim conspicuum. Totum fere templum niveo candore nitet, si musivi operis tantillum, veteris scilicet templi reliquias, excipias. Iacet in Templi medio lapis triangularis passibus

Templum Præsentationis.

decem longus, bina ex parte rupi adhærens, specumque hoc pacto subter efformans. Isto Iacob decubuisse lapide, Turcarum opinio est, nec non & hocce loco Scalam vidisse, quæ terræ innixa cælum pertingeret, ascendentisque per eam Angelos, atque descendentes. Templum hoc intus duplici columnarum marmorarum serie fulcitur; neque ulla in eo cathedra, scamnumve conspiciuntur; accessus quoque Templi illius Christianis interdictus est; attamen facilis & absque periculo est illius è Pilati palatio conspectus, in eo jamque residet urbis Gubernator.

Inde progressus excitatum ab Helena muliere sanctissima Xenodochium invises, quod & fecit in gratiam Christianorum illuc peregrinationis causa adventantium; verum hodie excipiendis peregre proficiscentibus in Ierusalem Mahometanis prorsus additum est. Fit dein obviam carcer ille cui Petrus jussu Herodis mancipatus est, qui quidem adhuc fere integer perseverat, mancipandis etiamnum reis inserviens; nec inde Palatium Equitum S. Sepulchri longe distitum est.

S. Helena. Xenodochium.

Porro Ecclesiam Sancti Sepulchri quod attinet, principio quidem angustissimus est illius introitus, adeoque depressus, ut ingredienti collum inflectere necesse sit; progrediendo deinde subter fornicem triginta passus protensam, ad aream inhærentem Ecclesiæ pervenitur. Circa autem hujus areæ medium Crux conspicitur eidem insculpta loco, quo Christus Servator Crucem humeris gestans, sub tanto onere pæne exanimis cecidit. Cæterum locus hic impræsentiarum crate ferrea est munitus. At Ecclesiæ jam memoratæ vestibulum, quod spectat ad meridiem, quadrato lapide exædificatum est, multis etiam nitet hinc inde columnis marmoreis, fasciis, aliisque pulcherrimis operibus mira prorsus arte elaboratis.

Ecclesia S. Sepulchri.

Templi janua nullo non tempore clausa est, Sanjacque sigillo munita, atque iis duntaxat aperitur, qui *Maidin* (sic tributum appellant) capitatim solverint. Ecclesiam ingredienti se offert in limine lapis Vnctionis, hoc nomine insignitus, quod in eo Christus Servator unctus perhibeatur; converso deinde ad Aquilonem, à læva conspicitur sacellum S. Sepulchri; à dextris autem Templum Golgotha; iis porro transmissis ad Sacellum Apparitionis Virginis devenitur, quod vetustis quidem, at sericeis aulæis exornatum est, eoque utuntur Sacello Franciscani vice Chori & Ecclesiæ; ibique tria versus Orientem spectantur altaria, quorum medium nomine Virginis inauguratum, altare princeps appellatur; quod vero in dextra positum, Crucis; quod in læva, Flagellationis, nomina

fortiun-

fortiuntur; etenim in hoc postremo columnæ portio visitur, juxta quam Christus flagellis fuit immanissime cæsus, quæ ferreis cancellis circumsepta est, ut & portio ejusdem columnæ altera, quæ Romæ asservatur in sacello Ecclesiæ S. Praxedis. Cætera columnæ fragmenta, à Mahometanis disrupta, partim Paulo I V, summo Pontifici tradita, partim ad Ferdinandum Imperatorem, Philippum Hispaniarum regem, ad Vene- tamque ac Ragusianam Rempublicam transmissa fuerunt. Illa porrò columna rubicundo ex marmore, albicantibus resperso maculis efformata est.

*Christi
carcer.*

Visitur specus à parte sinistra chori Golgothenfis Ecclesiæ, quæ à Christianis Orientalibus, carcer Christi dicitur; credunt enim illo inclusum carcere Servatorem, cum ad Golgotha montem pergeret Crucem bajulans, donec foramen excavaretur in rupe, quò Crucis truncus immitteretur.

*Crucis
Sacellum.*

Deinde suo ordine sequitur sacellum, in quo titulus Crucis olim fuit depositus, impræsentiarum autem Romæ in basilica Cruci dicata honorificentissime custoditur; eadem quoque serie occurrit Sacellum Armenorum, eadem in regione, qua milites super Christi tunicam sortem posuerunt.

*Specus in
qua tres
Crucis
inventæ.*

Paulò ulterius, sacellum aliud, sanctissimæ scilicet Helenæ situm est, ad quod triginta descenditur gradibus; indeque undecim etiam gradibus in rupe incisis ad specum illam Calvariæ pertransitur, ubi Helena, Constantini mater, Crucem Servatoris, clavos, spineamque Coronam, cum latronum quoque crucibus reperit. Specus hæc 23 pedibus patet in longitudinem, 16 in latitudinem, formaque pæne triangulari constat. Ingens etiam ille rupis hiatus visitur, quæ, dum Deus naturæ pateretur, concussis horribiliter omnibus mundi elementis, ipsa quoque velut accepto vulnere ea saltem ex parte ad- aperta est.

*Columna
imprope-
rii.*

Inde postmodum ad superiorem ascenditur Ecclesiam, ubi à sinistris sacellum stat Abissinorum, cujus insigne summumque ornamentum est columna illa, ad quam milites purpureum Christo vestimentum, dextræ arundinem, spineamque capiti imposuere coronam, deturpata etiam sputis facie, colaphisque ad livorem prorsus & ignominiam percussa, unde & columna improperii Latine nominatur, hoc est, illusionis & injuriæ; duos illa pedes attingit altitudine, candida est, nigris hinc inde radiantibus maculis dif- feminata; illaque sub altari conspicitur, ac- censa diu noctuque lampade.

*Mons
Calva-
ria.*

Postea reflectendo ad Altaris dexteram, octoque circiter ab illo passibus progredien- do, novemdecim occurrunt montis Calva-

riæ gradus, tres quidem inferiores lignei, cæ- teri autem lapidei; hos omnes, nudis inscen- dunt pedibus Christiani, aut positos ut mini- mum calceamentis. Adeptus jam montis summitatem, locum illum aspiciens, in quo Christus duos inter sceleratos Cruci confixus est, obversa ad Occidentem facie. Visitur quoque in medio sacerrimum illud foramen, in quod implantata Crux fuit, rotundæ figu- ræ, pedis dimidii profunditate, argenteaque obductum lamina cum Græca inscriptione, quæ hujusmodi sensum præfert: *Hic Deus Rex noster ante sæcula operatus est salutem in medio terra.* Bractea quoque argentea circa illius oram imminet, ubi varia Passionis Chri- sti mysteria, ipsius veluti pietatis scalpro de- lineata proponuntur. Ex sacratissimi hujusce loci testudine dependent triginta duæ lampa- des, per diem noctemque accensæ. Stant ab utraque foraminis parte duæ cruces marmo- reæ, utriusque latronis crucibus substitutæ: crucis locus latronis in dextera patibulati spectat ad Aquilonem, quatuor à foramine Crucis Christi pedibus, duabusque palmis; alterius vero crucis locus est ad Meridiem, sexque circiter pedibus distat ob stupendam illam Christo moriente factam rupis apertu- ram. Istud non accedunt altare Latini Sa- cerdotes Sacris operaturi, illis etenim nequa- quam licitum est; in Georgianorum quippe illud est potestate; at fas est cuilibet ante il- lud exorare.

Huic sacello assidet aliud versus Meridiem, in quo Servator in Cruce extensus, clavisque fuit atrocissime confixus. Illud vero triginta tribus accensis omni tempore lampadibus ex- ornatur, maxima, jugique in curam luminis Franciscanorum sedulitate; qui eò loci bina quoque altaria extruxerunt, ad Orientem sci- licet & ad Aquilonem, in eisque Sacra pera- gunt nullo non die. Tessellato varii coloris lapide nitet hujus ædiculæ pavementum, ni- tidoque linteo jugiter operitur, nec quisquam incedit nisi aut nudis pedibus, aut genibus incurvatis, in summam scilicet pretiosissimi Christi Sanguinis ibidem copiosissime effusi venerationem.

Protoplasten Adamum in Golgotha seu Calvariæ monte olim fuisse sepultum non- nulli existimarunt, eodem nimirum loco, quo Christus crucifixus est. Ipsi etiam Co- ptitæ accensam perpetuo servant lampadem, litantes velut Adami memoriæ in sacello sub foramine Crucis posito, circa maximum ip- sius rupis hiatus; credunt nempe Calva- riam protoparentis Adami eodem in loco fuisse repertam.

Descendenti è Calvariæ monte, obeun- dum tibi est iter ad Petram Vnctionis, versus Occidentem; circumfertur quippe Iose- phum

*Lapis
Vnctio-
nis.*

phum ab Arimathia atque Nicodemum, in ea Christum jam mortuum aromatibus perfudisse priusquam linteis involveretur.

Ementis deinde triginta ab Vnctionis Lapidibus ad Occidentale progrediendo latus, Sanctissimum Christi Sepulchrum reperitur; positis igitur in janua calceamentis, prævia S. Sepulchri Capella subintratur, quæ proxime affidet, tum humiliter deosculato pavimento illius operimento, specum ingrederis omni reverentia dignissimam; antequam autem illius ideam tibi præ oculis afferamus, ipsam convenienti ordine Ecclesiam tibi quoque exhibere operæ pretium duximus.

*Ecclesia
S. Sepulchri.*

Vna hæc S. Sepulchri Ecclesia ob formæ varietatem duplex quadantenus esse apparet, utpote diversis secundum varias partes extructa temporibus; cum enim figuræ sit orbicularis, Ionicique operis, Sacra autem ædes Golgotha rustici, suspicari licet, Christianos Palæstinæ reges illam, prout etiam nunc conspicitur, olim exædificasse; posterior autem appendix, huic, quam Sanctissima extruxerat Helena, novissime fuit adjecta.

Porro amplissima illa S. Sepulchri Basilica tota intus rotunda est, ingentibus per circuitum columnis innixa primam ad usque porticum, cui incumbunt etiam aliæ pari numero columnæ marmoreæ, at nequaquam ejusdem magnitudinis. Complectitur in diametro ipsius templi circulus passus sexaginta & duodecim, unde ipsa etiam hujus basilicæ amplitudo quanta sit, facile admodum conjici potest, diametro scilicet per circumulum multiplicata. Pars infima ad mediam usque contignationem tabulis erat marmoreis incrustata, quas inde Mahometani sustulerunt, ut templum ex iis Salomonicum exornarent: Suprema autem pars musivo est opere circumvestita, ubi etiamnum Constantini Helenæque illius matris effigies pæne intemeratæ conspiciuntur: ex cedro concamerata est magnifici hujus templi testudo, relicto circa medium orbiculari foramine, æqualis cum S. Sepulchri sacello extensionis; illo quippe sacellum lucem accipit. Sacellum itaque, in quo positum est Christi Sepulchrum, in Ecclesiæ meditullio sub hoc foramine conspicuum, formam habet oblongam atque pentagonam, tabulis quoque marmoreis exterius vestitum, decemque columnis hexagonis splendescit. Tota demum ædificii moles duas communiter dividitur in partes, quarum prior, quæ Orientem aspicit, Anticapella nominatur, seu prævia ad S. Sepulchrum capella; quæ verò ad Occidentem est, specus propriissime dicitur, sive sepulchrum Christi Servatoris. Locus uterque discooperto connectus est pavimento, maxima è basilica ad

*Sacellum
S. Sepulchri.*

Asia.

pedes quatuordecim assurgente, cui ad majorem elegantiam doma superstructum est, duodecim fultum columnulis ex lapide porphyrite, opere Corinthio dispositis. In pavimento autem discooperto, ne forte pluvia per foramen superius decidens, aut inibi consistens, Sanctum deformaret sepulchrum, effecti sunt canaliculi, quæ inferius imber efflueret.

Intus pario nitet marmore S. Sepulchri specus aut sacellum, quo quidem saxum incrustatur; at testudo adeo nigricans est ex accensis perpetuò quinquaginta lampadibus, ut qua constet ex materia discerni nullatenus possit. Protenditur octo pedes in longitudinem, septem verò in latitudinem, totidemque in altitudinem confurgit, maximamque illius partem obtinet marmoreum altare, complectens illum Sepulchri locum, in quo positus fuit Servator capite ad Occidentem obverso; qui ingredienti occurrit ad dexteram, in parte Capellæ Aquilonari, quatuor habens pedes in latitudine, tres in altitudine, parique cum sacello longitudinis.

Hujusce sacelli janua Orienti objacet, totaque Pario marmore exculta, tres alta pedes, septem palmos lata, ita ut hanc ingredientem Ianuam incurvari necesse sit. Ex his facile quis conjiciat, cujus sit formæ Sepulchrum, non enim quadratæ tumbæ, superius excavatæ, itidemque apertæ, quemadmodum vulgò pingitur, figuram præfert; sed in parte specus Aquilonari excisum est, apertumque à Meridie, quæ etiam pretiosissimum Christi corpus intromissum est; ita ut è minori specus janua locus, in quo positus fuerat Servator, facile conspiceretur, atque etiam linteæ fasciæque sepulchrales; at si nostrorum more sepulchrorum fuisset excisum, nequaquam è janua prospici potuisset.

E regione sacelli hujus visitur super ipso præviæ Capellæ pavimento saxum illud, cui insedit Angelus Christo jam à mortuis excitato; quod dimidium in quadro pedem colligit. Fulciebat saxum hoc, ingens aliud in quo sepulchrum erat excisum, hodieque in Caiphæ domo, quæ est S. Salvatoris basilica, in principe asservatur altari, sexque est pedes longum, tres latum, quatuor habens palmos in crassitie; ista verò Ecclesia Armenorum est.

*Angeli
lapis.*

Quod autem ad Capellam attinet, quæ capella atrii vice Sancto subservit sepulchro, Anticapellaque vulgo nominatur, quadratam illa exterius figuram habet, rotundam interius, stratumque marmore pavimento, quo & tota circumvestitur, duabus in utroque latere fenestris instructa, quæ luce illustratur. Quæ ad Orientem est illius janua, aliquanto altior latiorque est Ianua S. Sepulchri.

N

Eccle-

*Ecclesia
Golgotha.*

Ecclesia vero Golgothenfis ad Ortum posita, majori Basilicæ allidet, & veluti sub uno eodemque tecto constituta; unicam cum illa componit Ecclesiam; quadrato hæc elegantique ex lapide extructa est, pluribus quoque quibus innititur columnis, exornatur. Illius medium chorus obtinet; ipsaque ab Oriente ad Occidentem centum cubitos protenditur in longitudinem, in latitudinem vero ab Aquilone ad Meridiem sexaginta sex; amplectiturque ista latitudo eam Ecclesiæ partem, qui utrumque ambit Chori latus, habetque à Septentrione sacellum carceris Christi, à Meridie vero nonnulla Regum Hierusalem mausolæa.

*Sepulchra
Regum
Hierusalem.*

Iuxta D. Ioannis capellam, subter eadem rupe Golgothenfi è regione Lapidis Vnctionis, conspicuus est locus septus mœnibus, viginti circiter pedes in quadro colligens, introitu præangusto; eo loci, si intus perrexeris, duo reperies mausolæa, quatuor marmoreis innixa columnis, quæ formæ sunt triangularis; & superiori ex parte in acumen desinunt in modum sepulchralium loculorum. Primum quidem fuisse Godefridi Bullionii testatur vetus inscriptio, fugientibus Lombardicis characteribus, quos nos Gothicos appellamus, exarata, hoc tenore:

*Hic jacet inclytus Godefridus de Bouillon,
qui totam istam terram acquisivit cultui
Christiano, cujus anima requiescat in
pace.*

Alterum à lava versus Septentrionem est Balduini Secundi, adjectis hisce Leoninis verbis impolitis:

*Rex Balduinus Iudas alter Machabeus,
Spes patriæ, vigor Ecclesiæ, virtus utriusque;
Quem formidabant, cui dona tributa ferebant*

*Cedar, & Ægyptus, Dan, ac homicida
Damascus;*

Proh dolor! in modico clauditur hoc tumulo.

Ab his tumulis abeunti occurrunt à dextris quatuor alia Regum mausolæa Chori muro inhærentia, mediam partem disrupta, quemadmodum & inscripta iis Epitaphia exesa sunt, aut mutilata; attamen apparent etiam hodie sequentia verba:

*Septimus in tumulo puer hic regum tumu-
latus*

*Est Balduinus regum de sanguine natus,
Quem tulit & mundo fors prima condi-
tionis,*

Vt Paradisiaca loca possideat regionis.

Aliud est uxoris Balduini; verum exesi sunt adeo characteres, ut nulla prorsus ratione percipi possint.

In Navis extremitate sunt Iosephi ab Arimathia atque Nicodemi Sepulturæ, sedecim à Sepulchro Domini passibus sejunctæ, in

petra etiam excisæ; eæ autem ad Suros pertinent.

Hactenus de sanctissimis spectatissimisque Hierusalem locis; cætera deinceps, sed non ejusdem momenti loca percurramus.

Via Hierusalem præangustæ sunt & tortuosæ; ædes ut plurimum concameratæ, quo sibi quisque temperet à Solis ardoribus; domorum tecta tumulos imitantur, binis tantum contignationibus, ex lapide, ligno, aut lateribus, verum opere tumultuario & ineleganti extructæ.

Cœnobium F. F. Minorum quod attinet, quod nomine S. Salvatoris exornatur, eminet in monte Gihon juxta muros urbis conspicuum, cui & sacra assidet ædícula. Du duntaxat hodie supersunt conclavia excipendis peregrinis, quibus mox ut advenerint, pedes abluuntur, quod humanitatis charitatisque officium sedulo peragunt Franciscani. Hi verò, si quinque in Bethlehem agentes, tresque alios sanctissimo clausos Sepulchro, computaris, quaternum supra viginti numerum implent. Ceterum vix aliquam Sanctorum locorum portionem, nisi quis Franciscanorum ope fretus conspiciat; illi quippe deducunt peregrinos, loca indigetant, atque à Turcarum infestationibus tutantur; & si opus fuerit, noxios atque injurios Magistratibus sistunt. Verentur etiam Turcæ Cœnobitas ipsos quadantenus offendere, à quibus ut & Mauri plurimi quot diebus annonam accipiunt; ipsi quoque Religiosi Turcarum benevolentiam sollicitius exquirunt, quatenus illos Christianis efficiant mitiores.

Inter nobiliora Hierusalem ædificia, censentur, principiò quidem palatium Herodis, Pilati deinde prætorium, quod hodie Sanjaci sedes, ut antea dictum est; mox Xenodochium, superbaque olim Divitis Epulonis ædificia. Ex Mosquéis autem, secundum à Templo Salomonis locum sibi vendicat ædes Præsentationis, de qua superius; Ioachimi quoque & Annæ domus visitur, quæ olim à Christianis in Basilicam fuit consecrata, ad ædificato etiam juxta illam cœnobio; verum eximia illa elegantique admodum Ecclesia à Turcis tandem in Mosquéam conversa est, quæ nec procul abest à porta Gregis, è regione Templi Salomonis. Tres sunt subter illius chorum subterraneæ specus, quæ Ioachimi Annæque uxoris olim fuisse conclavia existimantur, quæ & in rupe excisa sunt; postremum vero in quo concepta nataque creditur Virgo immaculata, sub altari principe positum est.

Iuxta S. Sepulchri aream, capella videtur Abyssinorum, quæ à Christianis Orientalibus censetur locus, in quo Abraham ad uni-
geniti sui Isaac immolationem se accinxit;
tessela-

*Cœno-
bium F. F.
Minorum.*

*Loca in-
signiora.*

Mosquée.

*Locus
sacrificii
Abraha.*

Via doloris.

S. Maria del Spasmo.

refelatus quippe in pavimento lapis conspicitur, verus sacrificii locus. Affidet huic proxime sacellum aliud habens altare lapideum, in quo & Melchisedec sacrificasse perhibetur; nec procul visitur olea, illo nempe loco, ubi arietem cornibus inter vepres hærentem Abraham reperit.

Prope Templum quoque Salomonis extant superstities fortalitii Antoniani reliquæ, quod maxima ex parte dirutum est; amplum tamen & magnificum id quod superest, ex marmoreoque miræ prorsus magnitudinis lapide extructum.

Fornix autem ubi Christus fuit ad populum productus cum hac indigitatione, *Ecce Homo*, est in Prætorio Pilati, formamque habet conclavis, duodecim pedes in longitudine, sex vero in latitudine continentis; at recto caret, nihilque impræsentiarum ex eo præter muros invenias.

Via doloris.

Vt autem insigniora alia Hierusalem loca perlustres, ducens initum à Via Doloris, quam pertransivit Christus ligno Crucis humeris superposito, ad portam venies Iudiciariam, quæ nunc urbis ambitu clauditur; per illam autem januam Servator etiam Crucem tulit.

Ducit & alia ad portam Damasci via, in cuius angulo ad dexteram, cecidit Christus sub Crucis onere contra columnam humi jacentem; Iudæi verò, ne illico ipse animam exhalaret, Simonem Cyrenæum supportando Crucis oneri addixerunt. Arrepto deinde ad dexteram itinere versus Pilati prætorium, contemplabere domum, in qua Virgo ipsa Ioannesque præstolabantur donec pertransirent Iesum viderent; ibi quoque Iesus Materque mœstissima in mutuos ruerunt amplexus: hoc eodem loco Basilicam excitavit Helena, quæ vernacula Italarum Lingua *Sancta Maria del Spasmo* nominatur, in monumentum Spasmi Virginis Filium toto corpore deformatum conspicientis.

S. Maria del Spasmo.

Paulo ultra progressus, locum Christi ad populum ostensionis, *Ecce Homo*, scilicet, de quo mox locuti sumus, videas; altero vero ex latere binos candidissimo ex marmore lapides formæ quadrangularis, quibus insistebat Christus dum ostentaretur plagis omni ex parte lividus; utque nemo deinceps vestigio attingeret, aut prophanaret, exoravit Franciscanorum Custos abs Sanjaco, utrumque hunc lapidem muro compaginari: porro in horum altero, inscripta hæc verba recensentur: *Tolle, tolle, crucifige eum.*

Invisenda deinde Probatica Piscina, in qua Paralyticum Christus perfanavit, quæ centum quinquaginta passus ad minimum complectitur in longitudine, & quadraginta in latitudine; ibique proximè porta

visitur, quæ ducebat à Templo Salomonis.

Hoc peracto, ad aliud spectandum vocaris; Cœnobio etenim FF. Minorum egresus, ad Sion montem contendes; obviam autem habebis trium ædem Mariarum, quam Christus ipsa Resurrectionis die sua luce illustravit; exinde vero ad illam venit Ecclesiam, ubi D. Iacobo Majori cervix amputata est; quæ ad Armenos pertinet, illaque non ignobilis, augustoque domate insignita circa medium; ædes postea se offerunt Annæ Pontificis; quodque inibi singulare est, extat olea septem radicibus terræ affixa, cui lugubri illa passionis nocte Christus fuit alligatus, donec de ejus detentione Annas certior fieret, quæ etiamnum viridissima est. Nec longe est Armenorum Ecclesia, ubi Christus examen subiit; præterlapso dein Sion janua, adeundum Caiphæ domicilium; in quo gradibus undecim descenditur ad locum, ubi Petrus Christum ter negavit, ubi etiam accensus erat ignis, cui affidebant Iudæi seipsos calefacturi. Columna etiam candido ex marmore conspicitur ad lævam, ubi & fragmentum illius columnæ, in qua Gallus cecinit post Petri negationem; cui vicina est circa medium Ecclesia, ubi Christus fuit interrogatus, visiturque in ejus altari lapis, quo munitum erat Domini Sepulchrum. Si autem domus tumultum conscenderis, tum demum locum perspicias, qui asceterio pridem exornabatur; hodie vero in Mosquéam à Turcis redactus est; porro ibi sunt Davidis, Salomonisque & plurimorum aliorum regum sepulchra; neque illuc accedere Christianis licet, ut nec pleraque alia montis Sion loca sanctitate religioneque plenissima. Extant & in viridarii extremitate residua vetustæ Ecclesiæ rudera, ternæque in ea columnæ visuntur eodem loco positæ, ubi Christus cum Apostolis Cœnam celebravit, Spiritus S. descendit, Thomas in vulnus lateris manum immisit; Apostoli sejuncti ab invicem, toto terrarum orbe dispersi sunt; ibique deinceps Beatissima Virgo commorata est. Eadem regressus porta superstities videbis Ecclesiæ S. Thomæ reliquias; aliquantulum vero ulterius Marthæ domus occurrit; cujus fores Petrus carcere emancipatus pulsavit, cum introrsum congregati Apostoli ardentibus ad Deum preces funderent pro ejus liberatione.

Templum D. Iacobi Majoris.

Ædes Caiphæ.

Regum Iudæorum Mausolea.

Canaculum.

Ecclesia S. Thomæ.

Domus Marthæ.

Situs urbium, quæ sunt extra Hierusalem.

Perlustratis ergo præcipuis circa Hierusalem locis, delineatoque eorum circa varias hujus urbis partes situ; ea quæ foris sunt postmodum perspiciamus. Distat abs Hierusalem Acra civitas triginta sex milliaribus; Samaria sedecim; Sichem octo; Nazareth septem supra viginti; suntque cuncta hæc oppida in parte septentrionali. Iassa autem octo

octo circiter milliaribus sejuncta est Occidentem inter & Aquilonem; Iericho septem in parte Orientali; duabus leucis Bethlehem; Hebron denique octo ad Meridiem. Iam à principio montium Hierusalem circumjacentium positionem lustravimus; si quid demum animadversione dignum in iis fuerit, quanta potuerimus deinceps sedulitate annotemus.

*Mons
Sion.*

Mons Sion vere locus civitatis David, in quo etiam insignis illius regia tanto splendore emicuit, nihil hodie præter vetustas ostendat ruinas, & quædam præaltæ turris rudera, quæ Turris David fuisse creditur; de cujus rei veritate à multis disceptatur; illam enim penitus conflagrassè scribit Iosephus, testis locupletissimus.

Facies hujusce montis adeo immutata est, ut ne vestigium quidem ullius urbis in eo conspicuum sit; atque si domus Caiphæ turrim exceperis, sanctumque Cœnaculum, sive venerandum illud conclave, in quo Christus cum Apostolis in Cœna recubuit, cujus nuper mentionem injecimus, & Turcici Santonis domicilium, nihil præter ingentem lapidum congeriem videas.

Mons Offensionis.

Mons Mashit, sive Offensionis, urbi è regione objacet, spectantque ejus muri ad Septentrionem; habet verò ab Occasu montem Sion; & ab Ortum montem Olivarum. Illud autem nomen sortitum est, eò quod Salomon in eo templa altariaque diis alienigenis concubinarum in gratiam excitavit. Conspiciuntur etiamnum antiqua vetustorum ædificiorum rudera. In declivitate montis istius, Ager Figuli visitur, aliàs Acheldama dictus, seu ager sanguinis, communi Itolorum idiomate, *Campo Santo*. Ad illum mortui efferuntur; nam quotusquisque in Hierusalem diem claudit supremum, exceptis Francis Latinisque, in agro isto sepeliuntur.

Ager figuli.

Ad radices Moriah montis, qui Hierusalem ab Ortum adjacet, quique Romanorum temporibus cum superbis quæ in illo erant ædificiis, planitiei fuit adæquatus, fontis Siloah seu Siloë scaturigo conspicitur; fons ille celeberrimus est ob inauditam à sæculo Cœci nati oculorum apertionem, à Christo Domino obstupentibus etiam inimicis peractam; quin Turcæ ac Mauri maximo habent fontis hujusce aquas in pretio, censentque oculorum ægritudinibus apprimè salutare.

Fons Siloë.

Vallis Iosaphat.

Montem Olivarum quod attinet, ubi eam pertransieris portam, quæ à S. Stephano sortita est appellationem, quæ & Porta Vallis olim nominata est, eò quod duceret ad Vallem Iosaphat, vallem, inquam, tanti nominis, aliàs Vallem Cedron, Vallem Regis

atque Iudicii dictam, quæ modicæ quidem est latitudinis, oppleta enim fuit urbis rudibus; at longitudine duobus extenditur milliaribus; tum ad radices accedas montis Oliveti, eum nempe ad locum ubi lapidatus est Stephanus, ibi enim eximiam conspicias Ecclesiam insigni testudine exornatam; in qua & Sanctissimum Virginis Sepulchrum visitur, quod eam omni veneratione dignissimam Christianis commendat; ibi quoque sepulchrum Iosephi Mariæ Sponsi subtus altare reperitur; sepulchrum autem ipsius Virginis in medio templi est, totum marmore intus circumvestitum.

*Sepulchrum
Virginis.*

Huic verò Ecclesiæ hortus assidet, nec procul ad radices montis Oliveti Specus reperitur sudore Christi sanguineo simul & aqueo nobilis, atque ob assistentiam Angeli Christum in agone positum confortantis. Specus autem illa ad figuram accedit fere orbicularem; in rupe quoque excavata est, quatuor rupis ejusdem columnis suffulta.

*Christi
Oratorium.*

Tribus autem assurgit cacuminibus mons Olivarum; illud vero quod in medio est, cæteris præeminet; porro ipsum est è quo Discipulis intuentibus ad Cœlum elevatus est Christus; estque cacumen istud duobus à Hierusalem distitum milliaribus, celsum adeò, ut & Mare Mortuum, Iordanis, Mons Quadragesimæ, ipsaque Arabia, imo & plurima alia exinde loca prospici possint.

Ad Occasum postea conversus, ad ima Montis descende, ibique Bethaniam reperies in parte Meridionali. In hac autem civitate Sepulchrum Lazari visitur, super quo Helena Constantini mater Basilicam ædificari mandavit; quæ hodie in Mosquéam conversa est. Illa vero Ecclesia viam præbebat ad sepulchrum, quæ hodie Christianis prohibita est.

*Sepulchrum
Lazari.*

Montis quoque Olivarum acclivitati insistit Zachariæ filii Barachizæ sepulchrum figuræ quadrangularis, in rupe excisum, quatuor insigne columnis, atque superiori ex parte in formam pyramidis assurgens; modicoque inde spatio sepulchrum Absalonis, nonnullis etiam columnis ac pyramide exornatum; denique sepulchrum ipsiusmet Iosaphat, à cujus nomine subjecta vallis tantopere celebrata est.

*Sepulchrum
Zachariæ.*

Ad radices montis Oliveti, è regione Portæ Aureæ locus ostenditur, in quo olim vicus Gethsemani erat constitutus, ubi Christus post Cœnam cum Discipulis peractam, illos dimisit, assumpto dumtaxat Petro, Ioanne, & Iacobo, ad hortum Olivarum profecturus; sed vici hujus nec tenue quidem apparet vestigium.

Gethsemane.

Hortus autem ipse Olivarum, ad ima montis ejusdem positus est, non ille quidem circum-

*Hortus
Olivarum.*

cumquaque muris septus, sed pluribus semitis pervius est, multisque etiamnum vetustis confitus oleis; quæ inibi à Christi tempore perennarunt.

Iam verò accedens ad Bethlehem, non modico à publica via intervallo, sepulchrum Rachel visitur, domate quatuor innixo columnis opertum; ubi impræsentiarum Turcæ Mosquéam extruxerunt; propius autem Bethlehemiticæ civitati adjacet cisterna David juxta portam Hierosolymæ obversam. Hæc est cisterna illa, cujus lymphas David nec libare voluit, considerans, quantum in iis perquirendis periculum incurrisset Tres Viri, inter strenuissimos sui exercitus computati.

*Sepulchrum
SS. Paulæ,
Eustochii,
& Hieronymi,
ejusdemque
specus.*

Porro ut ad eum proficiscaris locum in quo nasci dignatus est Christus hominum Servator, viginti duobus descendens gradibus ad specum, in qua sepulchrum Paulæ Eustochiumque ejus filiæ visitur; inde tu aliam specum ingredi, illam nimirum, in qua sepultus est maximus Ecclesiæ Doctor Hieronymus, ubi etiam ejusdem cucullus precumque liber studiosissime asservantur; ex hac quoque tertiam aliam specum subibis, ubi nempe multos Hieronymus annos commoratus, sacrorum traductioni Bibliorum egregiam navavit operam; ibique lectulus quadrato ex lapide cernitur, cui decumbebat tantisper quieturus; est autem is è regione fenestræ, qua specus lucem accipit. Postea Innocentium transgredieris specus, aliamque subintrabis, in qua secessit Iosephus dum Maria pareret; secutus deinceps viam in rupe excisam, novem longam passibus, unoque duntaxat latam, ad felicissimam illam specum, seu capellam devenis, in qua Christus nasci dignatus est; habet autem illa quindecim passus in longitudine, in latitudine quatuor; patet vero in altitudine usque ad concamerationem passibus duodecim; fuitque olim opere tessellato depicta. Obsignatus est locus Nativitatis serpentino lapide orbiculari, qui subjacet altari è regione januæ ad dexteram; tum tribus descendens gradibus in capellulam tribus columnis subnixam, in qua præsepe Domini religiosissime fuit asservatum, priusquam asportaretur Romam, atque in capella Sixti Pontificis Maximi apud S. Mariam Majorem deponeretur; cujus loco lapis marmoreus impræsentiarum suffectus est.

*Locus
præsepis.*

*Bethle-
hem.*

Ceterum urbs ipsa Bethlehem, quæ Bethlehem Iuda, & Bethlehem Ephrata dicitur, in colle posita est, paucis exulta ædibus, sed pluribus cavernis, quibus Christiani Græci Maurique commorantur; qui quidem summa omnino industria cruces atque insignia Hierusalem, brachiis imprimunt peregrino-

Asia.

rum, absque ulla fere ipsorum læsione; quod Turcomaniæ Arabiæque Deserta porro penetrantibus apprime conducit; his nempe perspectis caracteribus in cutis superficie exaratis, neque Arabes, neque Turcæ aut Mauri captivos detinent, sed liberos abire permittunt. Hujus civitatis ne quicquam videas præter rudera, quæ priscam illius amplitudinem loquuntur.

Perge nunc curiosus ad agrum Damasce- *Ager Da-
num seu Damasceni, ubi generis humani ri-
masci, in
quo Adam
plasma-
tus.* meris exordia, incunabula perscruteris. Distinctus est is ager ab eo qui ad Syriam pertinet; nomen autem hujusmodi sortitus est à terra qua scatet rubea; ibi Deus protoparentem Adamum condidit, indeque illum ad terrestres transtulit delicias Paradisi, ex quo ob culpam ejectus, eo tandem reversus est. Ad jactum inde lapidis Hebron visitur Davidis regia, antequam ipse sibi Hierusalem subjecisset. Hæc olim quatuor virorum civitas appellata est, Adam scilicet, Abraham, Isaac & Jacob, qui in ea contumulati sunt; Chalil hodie à Mauris nominatur. Nec procul mons *Mons
Prophe-
tarum.* Prophetarum conspicitur, Amos nimirum & Habacuc secessu celebris.

Egressus Bethlehem, deflece ad Occasum, vallemque illam contemplare, in qua Sennacherib ab Angelo interfectus est; sed & vallem Raphaim, in qua David fudit fregitque Philisthæos. Paulo ulterius fons ille *Fons
S. Philip-
pi.* scaturit, cujus ex aquis Philippus Eunuchum reginæ Candacis salutari Baptismate tinxit.

Ascendes postmodum ad montana Iudææ, *Ioannis
Bapt. so-
litud.* ut tantisper quiescas in ipsa Baptistæ Ioannis solitudine. Hic egit ad decimum septimum ætatis annum ab omni hominum frequentia puer intemeratus; postea verò ad Iordanem accessit Iudæis prædicaturus. Visitur autem illius specus in rupe excavata supra montis acclivitatem.

Proficiscere modò ad Templum Cœnobiumque dirutum, ubi olim extructa Zachariæ Ioannis Baptistæ parentis domus. Perseverat etiamnum integra inferior concameratio, estque Maurorum hodie domicilium. Modico inde intervallo fons Nephtoa conspicitur, qui impræsentiarum fons Virginis, aut D. Ioannis vocitatur; huic elegans affidet Ecclesia Ioannis nomine inaugurata, eodemque in loco ubi Ioannes ipse natus est abditusque dum Herodes parvulos ad mortem perquireret, ibique Zacharias loquelæ usum recuperavit.

Vt autem descendas de Hierusalem in Iericho, recto contende itinere in Bethaniam, *Via Hie-
rusalem
in Ieri-
cho.* obviam tum habebis Sycomorum, quam Zachæus inscendit, ut Christi frueretur aspectu: nec inde procul, eum videbis locum, in quo clamantur cæci, *Fili David miserere nostri.*

O

Sub-

Subsequitur Adomin, ubi Samaritanus hominem curavit à latronibus vulneratum; illa vero plaga etiam hodie latrociniis, ut olim, infamis est; conspicitur deinde Iericho in amœna planitie, & fertili, sed habitatoribus destituta.

Emmaus.

Exoptans vero Emmaus perlustrare, egressus Hierusalem per portam Iasse, primo torrentem invenies, qui ad vallem Terebinthi properat. Iuxta illum David gigantem Goliath debellavit; duobusque exin milliaribus visitur locus, ubi Christus Lucæ Cleophæque discipulis comitem viæ se præbuit proficiscentibus in Emaus; transmissio igitur Iussæ vico, qui vinetis ac olivetis undecunque obseptus est, contemplabere Emmaus.

Emmaus, inquam, ubi Christus ex fractione panis Discipulis innotuit; à Romanis, post cladem Ierosolymæ in urbem pulcherrimam evecta est, à quibus etiam Nicopolis nomine fuit insignita, seu Victoriæ civitas, ob partam nuper ex inimicis victoriam; at deserta est hodie, suisque sepulta rudibus.

Soba.

Prospicitur postmodum Mons Soba, seu Ramatha Sophim, ubi natus sepultusque fuit Samuel. Posita fuit olim ad illius Sepulchrum Ecclesia, quæ nunc à Mahometanis in Mosquéam redacta est.

Atque ut cetera plenius innotescant loca, ab ora pelagi incipiemus, à Phœnicia ad perlustrandam Iudæam profecti; relicto deinde pelago, in Continentem absque errore & periculo te deducemus.

Cæsarea
Palestina.
Iassa.

Vetus Cæsarea Palæstinæ principio se offert, alias Pyrgos dicta; quæ quantæ olim amplitudinis fuerit, vetusta rudera testantur. Succedit Iassæ portus, binis turribus insignis. Hæc est Ioppe, de qua Ptolemæus & veteres alii; quæque ab Italis Iasso seu Zaffo, à Mauris vero Arsufo nominatur.

Lydda.

Subsequitur Lydda, prisco ævo Diospolis, clara civitas & notissima ob Dorcæ à mortuis revocationem, nec non & Aenæ curationem: paucis inde diffitus Arimathææ vicus, Iosephi ortu nobilis, illius, inquam, Iosephi, qui Christum Dominum sepulturæ mandavit. Non parum deformata est impræsentiarum Lydda, à Christianisque maximam partem inhabitata.

Rama.

Quantum ad Rama, plures hujus nominis in Terra Sancta extant civitates; una est in via Hebron juxta Thecuam; altera, in tribu Nephthalim, non longe ab oppidulo Sephet; tertia, in Silo; quarta, ad Sephorum; quinta, prope Gabaa; omnes montium jugis inædificatæ. Porro urbs Rama, de qua impræsentiarum agimus, illa est, quam Evangelium, Ieremiasque memorant horum tenore verborum, *Vox in Rama audita est*. Fuit & Ramathaim Sophim appellata, in monte

Ephraim conspicua, apud quam Samuel primam hujus lucis usuram accepit: vocitatur nunc à Turcis Remla & Ramcola, quod utrumque nomen tractum arenosum indigetat. Hic Innocentium cædes ex parte patrata est.

Volens è Rama Gazam adire, urbes Accaron, & Geth, Goliath natalibus infamis, atque Asotum habebis obviam. Arbitrantur autem Mauri Ionam è cetus utero, portuque Iassæ egressum, primam Asotum civitatem subiisse. Sed vix ulla hodie horum locorum vestigia; paulo post sequitur Ascalon, nunc Scalona, quæ adhuc inteimerata est, murisque cincta: deinde maximus ille vicus Gne-pna, Samsonis ortu celebris.

Urbs Gaza, alias Gazer, Gazaris, Gazara, *Gaza*, vel Gazera; Hebraice, Asa; à modernis Cazerà; ac tandem à Suris, Ayan, inter amplissimas olim Philisthæorum civitates censebatur, Cananitidisque regionis terminus.

At è Hierusalem pergens versus Syriam, *Gabaa*, quinto ab urbe lapide, vicum reperis Gabaa, antiquitus urbem Levitarum, Saulque ortu, domicilio, ac sepultura nobilem. Hæc est, in qua uxor Levitæ trucidata est nequitia Gabaouitarum ex tribu Benjamin; modicoque à Gabaa spatio mons assurgit, in quo septem filii Saul cruci confixi fuere à Gabao-nitis, David etiam consentiente.

Incumbit juxta fines Samariæ mons Silo, *Mons Silo*, omnium Iudææ montium celsissimus, in cuius vertice posita olim civitas, ubi Israëlitarum usque ad Samuelis tempora sacrificarunt, conventusque suos celebrarunt, Arca etiam Fœderis ibi deposita, usque dum à Philistæis capta est.

Et si Iudææ regio calidissima sit, attamen tantillo frigore Gaza refrigeratur; unde fruges fructusque tardius ibi maturescunt. Intensissimi autem sunt in Hierusalem calores. Quod si de aquis agitur, unicus fons est in Hierusalem, quem è monte Hebron in urbis commodum deducunt, præter cisternas & puteos, variis in locis & domibus effossos. Extat & in valle Iosaphat fons Siloe, ex quo etiam aqua perquiritur. Cæterum ibi raro admodum pluvia decidit, & circa annum 1598, totis viginti mensibus omnis regio sine pluvia permansit.

Ager quidem fœcundus est, sed maximam partem incultus, atque desertus.

Vt autem melius omnis undique Iudæa perspiciatur, opus est quisque advertat, illam partim esse maritimam, partim montuosam, & ex aliqua sui parte planam; pars maritima ad Iassam usque se diffundit; quæ autem montuosa est & plana, Ramam quadantenus complectitur, ac Lyddæ planitiem, eamque regionem, quæ ad Meridiem, versus Bersabee porrigitur; quicquid superest, excepta valle Iericho,

Iericho, id omne montuosum est & asperum, nec nisi paucis in medio vallibus iisque angustissimis distinctum. Et quanquam sacrae litterae terram hanc passim exhibeant lacte & melle manantem, in eaque bonorum omnium affluentiam; istud specialissimae benedictioni Divinae referendum est; plaga etenim hæc suoapte genio saxosa est & infœcunda. Proficiscentibus è Rama in Hierusalem per ardua montium, densissimæ occurrunt sylvæ lentischorum, terebinthorum, palmarum, aliarumque id genus arborum fructiferarum.

Mores. Quotquot Infidelès Hierusalem incolunt, è facie pessimorum cujuscunque nationis virorum congregati sunt, nihil fere aliud præ se ferentes, quam ut molestiis Christi asclas afficiant, injuriis nimirum & opprobriis, verberibus falsisque delationibus seu criminationibus, ut hac tandem ratione eorum pecunias emungant, & omnino, si potuerint, exhaustiant. Gazenses culturæ vinearum sedulam navant operam; quod itidem & alii aliis in partibus præstant.

Lingua. Obtinuit in hac regione lingua Turcarum, Maurorumque; sed & quælibet natio proprium habet idioma; at in Bethlehem Christiani Græci vernacula Italarum lingua, quam Frankam vocant, perite loquuntur, eamque ab incunabulis addiscunt; quemadmodum & Mauri, qui postmodum Christianos inter & Franciscanos interpretum vice perfunguntur.

Regimen. Ternis gubernatur Hierusalem supremis magistratibus, qui in omnes illic agentes jus habent vitæ ac necis. Primus est Sanjacobey, qui Basche titulo honoratur, summaque auctoritate potitur, ac cæteris præcellit. Secundus, Moulacadi, sive in civilibus & criminalibus Iudex supremus. Tertius denique Soubassi dicitur seu Præfectus Iusticiarius, cujus partes sunt, adversus sceleratos inquirere, carceri mancipare, sententiasque à Cadi latas ad exitum perducere.

Religio. Præter Turcas, quorum exiguus in Hierusalem est numerus; Mauros, quorum multitudo major; Arabes atque Iudæos, Christiani etiam cujuscunque generis, atque nationis eadem in urbe reperiuntur.

Anno 1621 Rex Christianissimus abs Sultano Osmano potestatem accepit S. Sepulchri Basilicam, aliaque Terræ Sanctæ loca restaurandi, quod nemini unquam concessum fuerat; misit itaque Rex Christo addictissimus sacrum apparatus, vestes sacerdotales, pretiosissima Ecclesiarum altariumque ornamenta; ac opulentissima quæque munera apud ædem S. Sepulchri deposita ad quadringenta librarum millia & amplius.

S A M A R I A .

S Amaria Iudæam inter & Galilæam posita est, habetque Iudæam à Meridie; ab Aquilone Galilæam; Iordanem ab Ortu; ab Occasu denique Phœniciam. Initium ducit à loco Ginum nominato; quod radicibus montis Ephraim adjacet.

Regni totius Israëliti Samaria caput (olim Marron, Seaste, ab Hebæis Somrah, & Somer vocitata, ac unius diei ab Hierusalem itinere distita) in vertice Somer, aut Semeron montis insidet. Verum nulla priscae magnificentiae vestigia supersunt hodie, præter ingentes columnas marmoreas sustentandis regum palatiis, superbisque aliis ædibus additas. Quin & in montis ambitu, hujusmodi etiam columnæ visuntur, quæ fulciendis platearum fornicibus erant appositæ. Illius situs inprimis amœnissimus est; inde enim mare Mediterraneum, Jaffa, atque Cæsarea Palæstinæ prospiciuntur. Olim gloriabatur Ecclesiâ Ioanni Baptistæ dicatâ; at Mahometani Mosquæ nomine profanarunt. Visuntur etiamnum sepulchra Ioannis Baptistæ, Elisæi, & Abdiæ, nonnullæque Maurorum ædes seu potius cavernæ in declivi montis positæ, sicco lapide, nulla prorsus calce aut cæmento ædificatæ.

Sichem, aut Sichmi, & Ephron, quæ Christi sæculo Sichar corrupto vocabulo dicebatur, deinde Neapolis; à propriis vero colonis Mabortha & Marmortha; hodie autem Napolosa, Naplos, & Naplosa, aut Nebilas & Neapols, Iustini Philosophi Martyrisque clara natalibus, situm Garizin inter & Hebal montes sortita est, orbiculari ferme figura, duobusque in ambitum milliaribus constat. Primaria impræsentiarum est Samariæ civitas.

Thirsah seu Therfa, tribus à Samaria leucis distita, præcelso montis sedet in apice, perantiquus Regum Israel secessus ante Samariam conditam.

Ginum postrema Samariæ civitas, à Iosepho Gennaya, aut Genea indigetatur, in radicibus montis Ephraim posita est, quatuor à Samaria milliaribus. Hic, Christus leprosos decem sanitati restituit. Hac etiam in urbe est domus publica, validis septa mœnibus, in morem urbium.

Hucusque igitur insigniora Terræ Sanctæ loca perspeximus; at deinceps totam ipsam regionem percurramus. Tandem ergo Iudæa egredere, ad vallemque accedas cui publica domus semiruta insidet, ad radices montium; atque in Occidentali hujus vallis parte reperies oppidulum Lebna dictum, aut Lemna, quatuor à Sichem milliaribus, eidemque à Septentrione obversum. Postea ad amplam amœ-

Vallis Iacob. amœnamque pertransi planitiem, quæ vulgo campus Iacob nominatur; quod illam ipse Patriarcha speciali munere & velut in singularis pignus amoris dilectissimo filio suo Ioseph assignavit. Excurrit vallis hæc ad millaria quatuor in longitudine, duobusque dilatatur itidem milliaribus, atque à meridie ad Aquilonem expanditur, suosque ostentat colles fructiferis arboribus confitos ac fertiles. In vallis huiusce extremis, quæ Septentriones aspiciunt, positus est puteus Samaritanæ, figuram habens orbicularem, ex vivo lapide, sed absque ulla margine, lapidibusque impræsentiarum obstructus adeo, ut nullum prorsus aquæ vestigium appareat.

Sepulchra duodecim Patriarcharum. Credunt plurimi, sepultos inibi juxta puteum duodecim Patriarchas Iacob filios; huncque ipsissimum esse campum, quem Iacob à filiis Hemor, patre Sichem, pretio comparavit; ubi & ossa Ioseph contumulata fuere. Verum ab isto antiquioris notæ monumento Maurorum malignitas arcet, prohibetque Christianos.

Vallis Sichem. Dein vallis reperitur, cujus in gremio sedet Sichem. Vallis longitudo ab Oriente in Occidentem tribus leucis protenditur; at unius ad summum leucæ est illius latitudo.

Garizim. Garizim, mons olim celebratissimus, non procul erat à Sichem; quod evincitur ex eo, quod Jonathan diutius cum Sichimitis fuerit ex illius vertice collocutus, qui quidem sub illius consistebant quercu.

Mons Ghebal. Mons vero Ghebal, seu Hebal, cavernis scatet undique, ea præsertim parte, qua urbem respicit; hisce autem in antris Turcæ Maurique sepeliuntur.

Qualitas. Regio hæc temperatissima est, neque enim sævus eam Boreas perflat, & vix ulla eam aëris infestat inclementia, unde & plantarum omnium benignissima est nutrix. Valles attamen atque planities æstus maximos experiuntur, quod videlicet sint omnino montibus circumseptæ, aut potius inclusæ, unde & plurimi varias ægitudines perpetiuntur.

Vallis Sichem plurimas habet aquarum limpidissimarum scaturigines, passimque tota quaquaversum civitate fontes erumpunt; at regio maximam partem montuosa est & aspera, & quemadmodum Iudæa, in colles vallesque dispertita est.

Fructus. In circuitu Samariæ nonnisi colles amœnissimi fertilissimique visuntur, & valles ejusdem prorsus ubertatis. Sunt silvæ oleis confectæ ac lentiscis, viæ myrtis, prata floribus. Vallis ipsa Sichemensis habet omni tempore præta vernantia, oleas, vineta, moros, frugiferaque alias varii generis arbores. Producit & malopepones, cucurbitas, cucumeres, lactucas, raphanos, brassicas, herbasque alias majori copia, quam quævis alia Terræ Sanctæ

regio; numerosum etiam pecus lac inibi abundantia incredibili subministrat.

Ius hîc dicunt Turcici Magistratus, qui in Sichem seu Neapols commorantur; Sanjaci, Cadi, Soubassique titulos præ se ferunt. Est autem in Ginenfi civitate, Cadi alius, qui lites civium Turcico jure componit.

Religio. Mauris Turcisque Sichem inhabitatur, sicut & Ginum; ubi tamen exiguus est Turcorum numerus; quibus quidem locis inveniuntur etiam Christiani Iacobitæ, maximâ quidem apud Sichimitas, sed minimâ inter Ginenfes frequentia.

G A L I L Æ A.

Fines. Galilææ regio cingitur ab Ortu, Gaulanitide, & Trachonitide; ab Occasu Phœniciâ, qua parte Ptolemaidi, Carmeloque monti objacet; à Meridie verò, Samariâ; & ab Aquilone Tyri tractu, qui & Phœniciæ est, monteque Libano.

Divisio. Dividitur in Superiorem & Inferiorem Galilæam. Superior quasi per ludibrium contemptumque Galilæa Gentium appellata, procurrit in longitudinem à Baca viculo, qui Tyriorum determinat regionem, usque Bersabee; quod & alia quit ratione delineari, nimirum: Incipit à Sephet Galilæa Superior, atque inde ad Libanum Iordanisque scatebras protenditur; expanditur autem in latitudinem à Thella, juxta Iordanem, usque Meroth; sive à Phœnicia ad Iordanem & aquas Meron; uniusque tantum diei & dimidiæ iter habet tum in longitudine, tum in latitudine. Hæc olim fuit fors Tribuum Aser & Nephthalim, si Emath, Cedès, Nephthalim, Capharnaum, & Cepheth civitates adjunxeris.

Sedet Inferior Galilæa circum Tiberiadem, lacumque Genezareth, excurritque à Tiberiade usque Zabulon, non procul à Ptolemaide; patet autem latitudo ab Oalot oppido, ad Bersabee. Viginti complectitur millaria longitudine, latitudine quindecim. Tribus olim Isachar, Zabulon, urbesque Nazareth, Naim, Salem, Bethuliam, Tiberiadem, Cana Galilææ, Sephoris, Bethsaidam, Bethsam, Iezrahel, montesque Gelboe, Hermon, & Thabor suo claudebat gremio. Ex tot autem civitatibus pauca admodum hodie conspiciuntur.

Decapolis. Assignabatur & Decapolis huic regioni, inquam, illa cui decem insidebant civitates, scilicet Cæsareâ Philippi, Asor, Cedès, Nephthalim, Sephet, Chorozaïm, Capharnaum, Bethsaidam, Iotopata, Tiberiadis, & Bethsan sive Schythopolis.

Loca. Urbes præcipuæ sunt Salem, regia Melchisedech nobilis; qua non potest Hierusalem gloriari, licet multi perperam id sentiant; at jacet Salem hodie suis sepulta ruinis; illiusque

que sedem occupat despectus omnino viculus. Porro ultra vallem Iezrahel, præliis Ge-deon, Saul & Achab insignem, occurrit Naim civitas, in qua Christus filium viduæ unicum luci restituit jam vita functum; nunc ignobile contemptumque est oppidulum, paucis Mauris inhabitatum, quod & in latere montis Hermon Aquilonari, duabus à Thabor leucis, positum est.

Vallis Esdrelon.

Torrents etiam Cifon, Vallisque Esdrelon in Galilæa reperiuntur in parte Occidentali, ac deinde præcella montium Nazarenorum.

Nazareth.

Nazareth olim in pulcerrimo amœnissimoque colle sedem sortita, ne residuum quidem habet urbis vestigium, imo tenuis tantum est viculus; nam præter ædificia diruta, arcus vetustaque antiquorum mœnium rudera, triginta duntaxat supersunt domus vivo ex lapide, necnon & in tumulum extructæ.

Annunciationis Ecclesia.

Ad radices montis, in ipso introitu Nazareth, eadem regione, qua Virgo ab Angelo salutata est, visuntur superstites Ecclesiæ Annunciationis reliquæ, ac nonnullæ ingentes columnæ marmoreæ, partim in fragmenta disruptæ, partim etiam ruinis ipsis insepultæ.

Transfigurationis locus.

In monte Thabor, cujus jam mentionem iniecimus, conspicuus est locus ipse, in quo Christus transfiguratus, cum Elia ac Moyse colloquebatur. Extant & præclaræ olim Ecclesiæ ibidem ædificatæ rudera.

Bethulia.

Nec prætermittenda est Cana seu Chana Galilææ, quatuor à Ptolemaide sive Acra miliaribus, locus utpote celebris ob aquæ in vinum à Christo factam mutationem: quaternis inde leucis distat Bethulia, ubi cervicem Holophernis Iudith amputavit; plena est hodie rudibus, habitatoribus autem vacua. Bethsaida SS. Petri & Andreæ clara natalibus, olim optima Galilææ civitas, atque in margine Galilæi lacus insidens; vicus jam infrequens, ac paucis quibusdam Mauris excultus, oram Septentrionalem huiusce lacus obtinet. Cedes Nephthalin, tribus à Bethsaida miliaribus, parietinas solum ostendat, ut & Tiberias, seu Cenereth, eidem lacui imminens, quæ cum antiquitus fuerit præclara civitas, exiguus est impræsentiarum locus, muris quidem cinctus, at octo aut decem tantum habet tuguria, Arabibus atque Iudæis inhabitata.

Capharnaum. Chorozaim.

In Occidentali Iordanis ripa, juxta lacum Tiberiadis, quatuor aut quinque Maurorum domus, aggestis velut arenis tumulatæ cernuntur, eo prorsus loco, ubi olim Capharnaum; Chorozaim verò è regione Capharnaum in tractu Iordanis Orientali, ejusdemque lacus incumbens margini, macerias solum habet omni ex parte desertas. Tandem Gadera, olim tantopere suis thermis post Baryas celebrata, solo nunc adæquata est.

Dothaim.

Quod in hoc tractu singulare est, & insi-

Asia.

gne, ipsa est Dothaim civitas, ac vallis; hic quippe cisterna conspicitur, in quam Ioseph à fratribus fuit immissus. Ipsa etiamnum capitello marmoreo exornata est, tribusque exiguis sustentatur columnis.

Hæc regio plurimis irrigatur aquis, fontibus nimirum, & torrentibus è montium vertice deciduis. Ager autem tanta est fecunditate præditus, ut Iudææ atque Samariæ præstet bonitate. Frumentum, vinum atque oleum magna vi suppeditat, plurimosque alios fructus gignit, ficus scilicet, musæas, dactylos & nuces, & quidem absque humana sollicitudine, nam ibi cultores defuncti, locusque maximam partem desertus; attamen lætissimis quoque pratis commendatissimus est.

Incolæ plerique omnes Mauri sunt ac Mahometani, nam anno 1600 duo tantum Christiani in Nazareth inventi sunt; verum anno 1621, duæ à Christianis domus; cæteræ autem à Mauris occupabantur. Administrant nunc demum Franciscani Annunciationis Ecclesiam, quæ est in Nazareth, ibique comorantur.

I D V M Æ A.

I Dumæa, quæ ab Hebræis Edom, Adomith, & Adoma, quod terram denotat rubeam, alias etiam Seir, Duma, & Gobolitis, Divique Hieronymi ætate, Gabalena, & Gebalena vocitata est; Bosra quoque, & postmodum Nabathea, illiusque cultores Nabatheï dicti sunt. Hisce demum temporibus Idumæi, Biduini seu Beduini appellantur.

Binas constituit Iosephus Idumæas, Superiorem scilicet, quam sibi Iudæ Tribus assumpsit, cujus longitudo in Hierusalem, latitudo ad Mare Mortuum porrigebatur, comprehensis quin etiam Ascalone & Gaza civitatibus: & Inferiorem, quæ sorte cecidit in Tribu Simeon, de qua nobis impræsentiarum sermo est.

In circuitu Ægypti sedet Inferior Idumæa, circumque montes Arabiæ, quæ illi ad Austrum obversa est; ab Occasu Iordane fluvio terminatur; ab Ortu verò usque in Iudæam extenditur.

Computantur inter urbes Carmellus, nunc Carmel, ubi militare est præsidium; deinde Duma, aliàs Idumæ ac regionis caput; & Marissa seu Adissa, urbium Idumæarum potentissima; accensetur & Theman, quæ Tribus erat Manasse, in montibus Seir posita, quinis à Petra Arabiæ Petreæ metropoli miliaribus; eam tamen Trachonitidi quidam auctores assignant.

Videtur quidem hæc regio aquarum indiga; attamen pluribus abditis gaudet fontibus, qui solis illius cultoribus innotescunt.

P

Solum

Solum ibi optimum est, atque feracissimum, præterque palmas, quibus triumphat, fere infinitas, arborem etiam balsamo exudantem profert.

Regimen. Quacunque obversus fueris, undique videas præcellsa montium, quibus inexpugnabilis præcingitur regio; quem ergo hisce in locis progressum faciat miles extraneus, ubi tot vastæ solitudines, illæque velut aquarum indigæ? Vnde & Arabes hujus regionis, quæ Arabiæ ab Austro collimitanea est, cultores invicti, inconcussa libertate degunt, atque gloriantur.

I T V R Æ A.

Nomina. **I** Turæam confundunt nonnulli cum Trachonitide; eam autem Brocardus discernit; illam enim, quæ ultra Iordanem ab Ortu est regio, dicit appellari Trachonitidem, & Bosfram, planitiemque Libani, usque dum ad ipsum Libani montem pertingas; at littus Occidentale, vocari Galilæam gentium, Ituræam, Zabal, Decapolim & viam maris; ita ut Ituræa, in Occidentali Iordanis latere posita sit. Vocatur & Saltus Libani; ipseque Euangelista Lucas binas in provincias dispergit; dum Tetrarcham Iturææ & Trachonitidis assignat. Iacet ad ima montis Libani, initiumque abs Iordane ducens fluvio, eundem juxta montem porrigitur versus Occidentem ad montes usque Tyriorum atque Sydoniorum. In partem tamen Aquilonarem montis Libani eam procurrare, quorundam opinio est.

Qualitas. Regio hæc montuosa est, & nemoribus obsita; ipsi autem Ituræi ob sortilegia priscis temporibus male audierunt.

T R A C H O N I T I S, E T T E R R A H V S.

Nomina. **T** Rachonitis, si Postello fides, Hutz in Sacris Litteris nominatur; verum alii, id solum dicunt, terram nempe Huz, sive Vz, ultra Iordanem collocatam, sinu contineri Trachonitidis.

Fines. Trachonitis non mediocris est regio, sed provincia in modum regni amplissima, Palæstinam inter ac Syriam. Quæ illius pars Septentrioni objacet, respicitque Damascum, contermina est deserti Arabiæ, quod attingit Bosfram Petrææ Arabiæ. Incipit à Monte Li-

bano, ad Iordanisque scaturigines, expanditurque in longitudinem ad lacum proximum Tiberiadis; in latitudinem vero ab Arphas viculo ad Iulias usque civitatem.


Terra Huz, Ausitis nomine à 70 Interpretibus indigetatur. Plures olim inibi fuere civitates; cujus argumentum est id quod dicitur, omnes Ausitidis reges, variis obstrictos esse suppliciis. Collocatur in hoc tractu Tzue-ta civitas, Iobi Pyramide exornata, quæ & ævo Brocardi ostentabatur, quam suis quoque temporibus ibidem fuisse Postellus asleverat. Sed & Adrichomius Theman adjicit, Eliphas amici Iob claram natalibus, ut & Baldad Sui-the. Est autem Brocardi sententia Terram Huz Trachonitide comprehensam, ipsum fuisse Iobi Principatum; Suetamque quatuor à Iordane milliaribus, parique à Chorozaïm intervallo constituit in parte Aquilonari. Accensetur quoque Naamath, secundum id quod in libro Iob exaratum est. Porro urbes aliæ sunt Gaulon, quæ ad Gaulanitidem pertinet; Seleucia, quæ quadantenus vergit ad Aquilonem; Cedarque civitas, quam Iosephus Carmel appellat; hæc præalto insidet monti, ubi vasta sese diffundit planities, tabernaculorum seu tentoriorum Cedar nomine insignita. Gaulanitis autem, eique similes, modicæ sunt regiunculæ, quæ à suis civitatibus nomen acceperunt; ipsæ verò in Trachonitide sæpenumero confunduntur.

Qualitas. Aër hujus provinciæ saluberrimus est; agerque frumenti, vini, nec non & olei foecundissimus. Solum equidem petrosum est & asperum, necnon antris passim excavatum & cuniculis, quos Græci Τερχάνας vocitant, suntque ii subterranei, quibus & ipsi incolæ aquas è cælo decedentes colligunt, quo terras sitientes irrigent; hac itaque ratione foecundas efficiunt; pratis etiam & pascuis abundant, quæis numerosissimos ovium aliorumque animalium greges nutriunt; at viventium scaturigines aquarum hac in regione penitus deficiunt.

Opes. Profecti olim è Syria, Mesopotamia, aliisque provinciis Mahometani, in planitiem adventabant Suetæ proximam, atque ibi sua peragebant commercia, campestrium amœnitate allekti; impræsentiarum autem iisdem in campestribus, quæ sunt tabernacula Cedar, frequentissimæ adhuc nundinæ celebrantur, sub tentoriis vario colore distinctis, præclaroque adeo ordine dispositis, ut aciem potius dixeris ad congregandum ordinatissimam.

A R A B I A.

Nomina.



Rabia generatim sumpta, *Harab*, & *Hereb* sive *Ereb* Hebræis appellatur, Ammonitasque, Moabitas & alios comprehendit populos in sacris memoratos litteris, Arabes quoque Scenitas, de quibus frequens

est apud Historiographos mentio; Minæos etiam, Sabæos, itidemque alios Strabone, Plinio atque Ptolemæo huic regioni assignatos. Verum præcipui inter Arabes Agareni sunt & Saraceni; illi quidem à priscis Arabibus El-Hegarim, aut El-Magherin vocantur, Petræque sunt habitatores; hi vero ab iisdem Arabibus El-Sarak nomen acceperunt. Ipsi etiam hujus regionis incolæ, Arab illam nominant, Arabistan autem finitimi.

Figuram habet Arabia quadrangularem, & veluti peninsulam efformat, aut Cherfonefum, pelagoque terno ex latere verberatur; etenim ab Ortur, Persico sinu clauditur, seu Harmutz freto, quod à Perside illam dirimit; ab Occasu autem Mari Rubro, sive sinu Arabico, aut freto Mequitano, quod eam dividit ab Africa; à Meridie Indiarum mari, seu Oceano Indico; ab Aquilone denique nonnullis fluminibus determinatur, quæ inter præcellit Euphrates, Syriæque & Chaldææ contermina est.

Divisa.

Tres in partes dividitur Arabia, in Petræam nimirum, Felicem, & Desertam, de quibus seorsim dicetur inferius. Amnes quod attinet, quorum in suis cujusque provinciis distincta erit delineatio, illud non temere prætereundum est, præmittere nimirum Arabes fluviorum insigniorum nominibus Xat vocabulum; Kor autem aut Wed addunt appellationibus minorum amnium; qui quidem mos & apud Hispanos invaluit, dicunt enim Wedelquebir & Vedyana; corrupte vero Guadalquebir, & Guadina enunciant.

Qualitas.

Illæ tres Arabiæ tantis caloribus exuruntur, ubi sol propius imminet, ut nisi rore noctu decedente refrigerarentur, vix possent habitari, præterquam certis in margine fluviorum lacuumque positis sedibus, eoque rarius, quo amplius imber decedit, in iis præsertim plagis, quæ mari adjacent; qui autem procul à mari incolunt, tempestivis quibusdam pluviis perfruuntur. Qua Persidem respicit Arabia, stupendus supramodum perflat ventus æstiva tempestate; vocatur ille

Asia.

ab indigenis Gurim, qui obvia quæque urit nimio calore atque siccitate, coria & pelles contrahit, faciemque & manus exsiccat, & si quando corpus afflaverit, in modum ignis persentitur; attamen quanto vehementior extiterit, tanto & aqua frigidior, quam alia quavis tempestate.

Scatet Arabia fontibus, multisque fluminibus irrigatur, ex parte præsertim sinus Persici; sunt & scaturigines calidarum aquarum, quæ plurimis ægritudinibus sanandis saluberrimæ sunt. Licet autem multæ illius plagæ infœcundæ sint & steriles; aliæ tamen sunt feraces, necessariamque annonam affatim suppeditant; imo Tigrim inter & Euphratem, agro gaudet adeo pingui, ut & à pabulo grex abstrahendus sit, ne nimia repletionemoriatur. Aliqua etiam ex parte palustris est hæc regio, excipiendoque sementi inidonea; unde & principium ducit parœmia, ut qui laborent perperam, Desertam Arabiam infeminare dicantur. Tot etiam nonnullibi scatet arenis, ut qui Mekam proficiscuntur peregrini, pixide nautica indigeant, quo certius iter dirigant, ne quemadmodum ii qui mare navigant, ipsi quoque de vita periclitentur; si quando enim ventus vehementior excitatus fuerit, arenis illico sepeliuntur; quin & plurimi, ut à volitantibus arenulis sese tueantur, arculis ipsi ligneis gradiuntur inclusi, exiguisque spiraculis aërem attrahunt. Pascuis abundat hæc regio alendis quibuscunque animalibus, præsertim vero camelis. Daëtylos profert & limones aliosque suavissimos fructus. Thus in sola colligitur Arabia; præstantissimum autem apud Dosar invenitur; certa est gummi species, ex arborum truncis defluens, ut & storax; ibi & electrum invenitur, quod à Medicis Karabe, ab Arabibus vero Karobah nominatur. Myrrham quoque producit Arabia, quamvis ut plurimum ex adverso Rubri Maris latere, Æthiopia nimirum, proveniat, ex Melindæque promontorio.

Suppeditat etiam illa maximam mannæ copiam, exportaturque Basoram quædam illius species spissiori melli simillima. Imo & totâ passim Arabiâ reperitur nobilissimum illud aroma, quod à Medicis *Schem Anthos*, ab Hispanis *Paja de Camello*, seu *de Meka*, Stramen Cameli, aut Mekæ vocatur; & quidem utrumque illi nomen convenientissimum est; Meka quippe jacet in Arabia, herbaque apud illam excrescens, camelis in pabulum subministratur. Præ cæteris autem

Q

balsa-



balsamum, nardus & cinamomum assignantur.

Nutrit quoque hæc regio numerosos equorum, camelorum, aliorumque animalium greges, de quibus suis in locis verba faciemus. Illud porro insigne est, quod & prisci annotarunt, vyperas scilicet Arabiæ balsami contubernio in tantum delectari, ut si quem forte momorderint, nullo tamen inflatum ab illis vulnus veneno inficiatur.

*Lapis
Lunaris.*

Invenitur & hic lapis Selenites, aliàs Lunaris dictus; qui non perperam hoc nomine insignitur, suâ enim Lunam figurâ refert, illâque crescente crescit, decrescendo decrescit.

*Corporis
habitus,
& Indoles.*

Arabes, ut plurimum deformes sunt & macilenti, exsuccique, strigosi, ac fusci, voce potius sequiorem sexum referente, quam masculum; oculos habent nigerrimos, truci quodammodo ac immani aspectu; nonnulli etiam Æthiopum nigredinem præ se ferunt; ad latrocinium proclives sunt, neque furari ullatenus erubescunt, aut gratis efflagitare, quæ alias adipisci non possunt; quodque deterius est, suas petitiones, favorem aut beneficium aliis collatum reputant; quôque amplius petierint, plus etiam postmodum expectunt. Superstitionibus sunt addicti, ut & vindictæ, perturbatores Reipublicæ, & usque ad nefandum Sodomix scelus in omnem libidinem effusi.

Studia.

Qui incertis pererrant sedibus, pascendis deducendisque gregibus invigilant, nec ideo à latrociniiis abstinere; alii autem negotiationi inhiant; plurimi vero cervorum, damarum, aliarumque id genus ferarum venationi indulgent. Cæterum adeo inertes sunt & otio dediti, ut & agriculturam prorsus negligant, omnemque artem mechanicam; neque honesta ulla ratione, necessaria vitæ compendia exequantur. Attamen qui in civitatibus agunt, laudabilius vivendi institutum prosequuntur.

Connubia.

Tot in matrimonium uxores ducunt, quot libido suggererit, nec ullam earum, quod faciunt Turcæ, repudio donant; verum numerato etiam pretio illas sibi comparant, atque alia ex familia nequaquam assumunt.

Lingua.

Arabum lingua toto propemodum orbe diffusa, usque adeo nunc invaluit, ut in sacris etiam adhibeatur, præsertim in Africa, apudque Mahometanos omnes; qui nec aliam suis in gymnasiis edocent erudiuntque juventutem; quin & in Europa viget, tota quaquaversum Græcia, Macedonia, Thracia, partibusque variis Transylvaniæ, Valachiæ, & Moldaviæ, Hungariæ, Serviæ, Bulgariæ, Bosnia, Sclavoniæ, & Dalmatiæ. Sua quoque lingua nobis dederunt Arabes Astrologiam, Medicinamque suis omnibus numeris absolutam.

Sunt autem nonnulli Arabes, Beduini-
Beduini. rum nomine ab aliis distincti, incertis palambundi sedibus, vagique una cum familiis per Arabiæ solitudines. Illi sane miserrimi sunt, inopes, nudi, aut saltem non alio amictu, quam pellibus animalium ab ipsis occisorum contexti.

Visuntur quoque passim per Arabiam Turkimani, seu Turkomani, Turcæ ipsissimi, è Turkeстано primum oriundi; qui & ruri agunt, agresti more, easdemque sedes, quas pridem Arabes occupabant, ipsi nunc possident eorumque familiæ ac greges per turmas dispersiti, quas Tayffes appellant; Arabes vero, Cabiley; Tartari, Hordas; quæ voces variæ, idem omnino ac Tribus seu stirpes denotant.

Census Arabiæ ex equorum multitudine amplissimus evadit, quos in Indiam venum ducunt negotiatores; habet illa quoque regio numerosos camelorum & caprarum greges, maximamque aromatum cæterarumque id genus mercium copiam.

Multis pollent armis reges Arabes, & quidem machinis igniariis quibuscunque, magnis nimirum & minoribus. Porro vagabundi, de quibus nuper, contos habent ex arundine Indica, ferro præacuto utraque ex parte instructos, decemque aut duodecim oblongos ulnis, quos quidem ipsi equo vehentes aut camelo, humeris gestant nostrorum more contorum; iis vero summa omnino dextertate utuntur, quemadmodum & arcibus atque sagittis, ensibus, scutis, ac denique acinacibus latis ac quodammodo recurvis.

Vagabundi Arabes secundum distinctas inter se stirpes, Tribus, aut familias, ab invicem discernuntur. Dominis, quos Xequorum nomine exornant, semper tamen inter se dissidentibus, ipsi gubernantur. Turcicæ sunt jurisdictionis cæteri; aut Persarum parent Monarchis, vel regibus aliis specialibusve Dynastis; aut demum sui sunt juris, quamdamque Reipublicæ formam præ se ferunt.

Cæterum suos Reges appellant ipsi Arabes, Sultanos & Maleck; quod postremum nomen vernacula eorum lingua Angelum notat; quandoque usitatori etiam vocabulo Xequos vocitant, quasi diceret Seniore, aut Casilæ Caput; nos autem Regulum diceremus. Bassa Cairi in Petream quaquaversum Arabiam, pro Turca gerit imperium, atque in nonnullam Arabiæ Desertæ portionem, quæ & Beglerbegi subjacet potestati; Illa autem quæ Felicis titulo gloria-
Regimen. tur, ab Aden & Zibit Beglerbegis regitur ea parte, qua Turcicæ est ditionis.

Arabia Mahometanos maxima sui parte
Religio. habet habitatores; attamen nonnullos etiam alicubi Christianos, imo & Cœnobitas Arabes in

bes in monasteriis Sinai montis atque Tor civitatis degentes, nec non & in iis, quæ secundum oram Rubri maris, inque solitudinibus ac Desertis posita sunt. Illi porro monachi Græcanæ ritibus Ecclesiæ sunt addicti.

A R A B I A P E T R Æ A.

Nomina.

Arabia Petræa, hoc à Petra urbe primaria cognomentum accepit; alias autem Nabathæa; in sacris vero litteris *Syria Sobah* vocatur: complectitur illa Cedar, Amalecitarumque & Madianitarum regiones. Hodie tandem Barraab, & Bengauca aut Rathal-alhaga nominatur.

Fines.

Limites, ab Ortu quidem Desertam habet Arabiam; ab Occasu, Ægypti solitudinem, Rubrum inter Mediterraneumque Mare insidentem; Ab Aquilone Palæstinam & Syriam; ac demum à Meridie, Rubro Mari ac montibus Felicis Arabiæ terminatur.

Paucis admodum locis regio hæc inhabitatur; extant enim ibi vastæ illæ solitudines, quibus commorati Israëlitarum annis fere quadraginta. Non procul ab Ægypto visitur in tractu Geocalensi, Caras ejusque desertum, ab aliis Charac dicta, olim ampla civitas, nunc urbecula, à Petra civitate itinere unius diei distans; cui assidet Mons Hor nominatus, juxta quem Deus in populum iratus ignitos serpentes horribiliter effudit, adversusque illos immisit, quod propter manna tædio affecti obmurmurassent; succedit Eliagar, monsque Oreb, sive Choreb, pars montis Sinai, ubi Moses percussio filice limpidissimarum rivus eduxit aquarum; in quo & Elias aliquandiu secessit. Conspicitur etiam in valle montis cacumini subiecta templum eo loco extructum quo creditur Elias habitasse; exiguumque Saranda Pateres coenobiolum ad montis radices situm. Nec procul est Marat, ubi amaræ prius aquæ, injecto in eas ligno dulces evasere; quod ipse Moses miraculose præstitit. Posthæc eminet mons Sinai, *Mons Melanes* seu Niger, à priscis appellatus, quem admodum & Tur ab Arabibus, à Iudæis Sur, à Turcis denique Turla; quibus etiam nominibus tota ipsius regio insignitur. Cæterum plagam occupat Madianitidem mons Sinai. Visitur in eo monasterium non ignobile sub auspiciis D. Catharinæ, quo & hospites peregrini excipiuntur. Illud vero ad ima montis Oreb assidet, præaltis obseptum moenibus, ne latrones irrumpant; ibique S. Catharinæ corpus asservatur, cujus etiam intactæ à putredine manus conspiciuntur.

Mons Hor.

Oreb.

Aqua Marat.

Desertum Pharan, & Sinai.

Desertum Pharan nullis prorsus aquis irriguum, à monte Sinai usque ad Cadesbarne, undecim itinere dierum protenditur. In eo 38 annis commorati sunt Israëlitarum, ubi nec

Asia.

aqua illis defecit, nec manna, imo nec vestes aut eorum calceamenta ullatenus sunt attrita; ibi etiam plusquam sexcenta hominum millia morte consumpta sunt, nedum computatis mulieribus & parvulis.

Montes deinde Out, Magara & Sadmor *Montes. Petra.* reperiuntur; Petra quoque civitas, quam Iosephus Arcem, & Arcen appellat; impræfentiarum verò Arach, vel Herach nominatur. Iacet in valle montibus obsita, estque quodammodo inaccessa.

Bosra, quam moderni Bussereh, & Bur-feth vocant, huic etiam regioni à Ptolemæo assignatur, qui eam Bosra indigetat; civitas ortu Philippi Imperatoris nobilis.

In ipsis hujus provinciæ finibus, superstites quædam Rabbath Moab, seu Rhabmathon reliquæ visuntur adhuc ab habitatoribus. Tor vero, olim Hermopolis, locus totius regionis celebratissimus est, ad quem iter ducit e monte Sinai per vastam planitiem, quæ ad mare rubrum porrigitur, cujus littori Tor incumbit. Exornatur autem urbis nomine, cum exiguus tantum sit viculus, quia frequentissimus est illuc pertranseuntium appulsus. Eo loci mare Rubrum transfretarunt Israelitæ, quod hac in parte ad novem milliaria protenditur.

Laborat hæc regio aquarum penuria, præterquam iis in locis, quæ ab Arabibus incoluntur. *Qualitas.* Plurimæ in ea sunt solitudines infœcundæ, steriles, asperæ, totque arenis oppletæ, ut perflante Borea in montis veluti ascendant congeriem, necessumque sit per hæc deserta invia proficiscentibus pixide nautica duci, ne aberrent ab intento itineris scopo. Nullus hîc tritici proventus; in vallibus solum Sina monti adjacentibus, quædam legumina colliguntur; brassicæ etiam, lactucæ, allia, porri, cepe, cæteræque id genus herbæ communes ibi reperiuntur, atque absinthium.

Est autem illis summopere proficuum *Vinum.* vinum illud generosissimum; quod ex Arabum, Christianorum, Armenorum, Græcorumque cultura exoritur. Alabastrum quoque albedinis eximiæ profert Arabia, littus *Alabastrum.* quoque maris corallium producit, quod ab ipsis Arabibus Chavein nominatur, estque intus variis in locis concavum.

Copiosissima est in urbe Tor piscatura, *Pisces.* sed præsertim ingentium maris testudinum; quarum testa, domorum januas magnitudine adæquat.

Numerosos alunt gazelarum greges, per montem Sinai discurrentium; ipsa autem *Animalia.* quaquaversum regio camelis abundat, aliisque animalibus.

Hujusce tractus Arabes prolixa sunt capillatura horridi; uni duntaxat latrocinio vacant.

R

Illorum

Illorum procures in urbibus commorantur, plebecula vero sub tentoriis, cum maxima camelorum copia promiscue.

Opes. Consistunt in urbe Tor Casilæ, seu Turmæ Caravanicæ, asportantes ex Meka, Felici Arabia atque ex India, pipër, zingiber, nuces myristicas, caryophylla, laccam, sanguinem draconis, & macer.

Parent hujusce regionis incolæ, Cairani Bassæ imperio, cui itidem pars Desertæ Arabiæ subdita est.

Religio. Arach seu Petra civitas, & pleraque alia hujus regionis oppida à Mahometanis Arabibus incoluntur; ipsi autem à Iudæis Gug, à Turcis Magug vocitantur; Superfunt & nonnulli in Arach Christiani, à Zona cognominati. Inhabitantes etiam montem Sinai Calogeri Græci atque Arabes. Porro Christiani Græci, Arabes, & Armeni in urbe Tor reperiuntur.

A R A B I A F E L I X.

Nomina. **F**elix Arabia, olim Sabæa, & Saba, ab Hebræis Seba dicta, sumpto à Saba filio Chus nomine, à modernis vero Latinis auctoribus Arabia Secunda, hodie tandem ab Arabibus Mamatto nominatur.

Fines. Habet à Septentrione regio hæc utramque Arabiam, Petram nimirum & Desertam, quarum juga fere per medium eam dispartunt binis veluti brachiis, quorum unum ad ostia seu fretum Babel-mandel, aliud vero ad Rasalgatense promontorium pertingit; cæteris vero ex lateribus mari clauditur; ab Occasu nempe Arabico æstuario; ab Ortu, Ormuz seu Persico sinu; à Meridie demum, maximo mari Rubro, ipsisque Fartach & regni Aden promontoriis. Porro littoris illius ambitus ad 3500 miliaria protenditur.

Regna. Varia complectitur regna felix hæc regio; horum celebriora sunt Aden, Fartach, Zibith, & nonnulla regni Ormuz portio.

Flumina. Multis quoque felicitatur fluminibus, quorum ea censentur præcipua quæ originem ducunt è montibus Anna, Balcath, Elon, Zimas, Bendecar, atque aliis. His vero nominibus vocitantur, Caybar, Lantrecath, Cozerath, Nazeran, & Zibith, qui regni ipsius, quod præterfluit, nomine insignitur.

Oppida. Nobiliores Felicis Arabiæ civitates, juxta oram positæ in ipso Petrææ Arabiæ egressu, sunt Imbo mercatorum frequentia celebris, deinde Zezzan oppidum non procul à Camarana Insula dissitum; in ipso autem regionis gremio, exigua ab Imbo intercapedine sedet Azzelan, & Medina, Talnabi, id est

Medina. Prophetæ civitas. Communis vero est ratio nominis Mediænæ, omnemque denotat locum, in quo populi frequentia reperitur; ideo-

que solent Arabes, cum additamento ponere, quatenus unus ab altero discernatur; quemadmodum & apud Hispanos Medina Celi dicitur, Medina Cidoni quæ & Sidonia, & Medina del Campo, ad majorem harum urbium distinctionem: at Persæ, atque Arabes Medinam vocant per antonomasiam, urbem istam, quandoque etiam Mediænæ el Naby titulo exornant, quod significat Prophetæ civitatem; quæ quidem trecentas numerat ædes lapide extructas; muri quoque illius lapidei sunt. Urbis hujusce Mosquée, in qua locus est Mahometi, figura constat quadrangulari, centum habens passus in longitudine, octuaginta vero in latitudine, duobus admittit introeuntes ostiis, navique exornatur egregie concamerata, 400 lateritiis, quæ dealbatæ sunt columnis subnixæ, quibus & 3000 lampades appensæ sunt.

Visuntur in hoc templo locus tumbæ Mahometi, etsi Mekæ civitati à nonnullis assignetur; attamen quia loculum hunc ferreum esse plurimi existimarent, magneque lapide ad testudinem suspensum; eam ob causam, ut vulgarem hunc errorem tollet Radzivillus Princeps, scripsit se pluribus à Turcis ad Mahometi tumulum peregrè profectis certo didicisse, pheretrum nequaquam stitum in aëre, sed præcellis, exilibus tamen, columnis impositum, in loco angusto atque obscuro, accensarum splendore lampadum duntaxat illustrato; unde qui eminus prospiciunt, suspensum credunt, qui si propius accesserint, columnas percipiunt, quibus locus sustentatur.

Mekæ, five Mokah, olim Mochura, quaternorum à Medina dierum itinere sejuncta, aut quantum diebus decem posset Caravana progredi, sexaginta scilicet ad summum leucis, urbs est egregia populisque frequentissima, sex ædium millibus iisque elegantissimis, ac bene materiatis, exculta; attamen moenibus nequaquam circumsepta est, sed montium jugis undique circumvallata; quaternoque tantum ex latere introeuntes admittit.

Conspicitur urbis in medio Templum eximium; nonaginta, aut centum in circuitu januis insigne, præclaraque testudine undelibet exornatum. Eminent autem circa templi medium turris, ubi primam sibi ædem extruxisse Abraham circumfertur; seu potius, ut narrat Ioannes Andreas Alphaqui, ubi primam Ismael Beitallam, id est, Dei domum ædificavit. Turris verò ipsa quinque aut sex passus in quadro complectitur.

Urbis Mekæ portus est Ziden, quæ olim neque fossis, neque moenibus ullis cingebatur, sed nitentes tantum ædes juxta pelagus ostentabat; par eam cum Mekæ Medinæque sanctitudinis censent Mauri, coeptaque est moeni-

Zibith
gnumAden
gnum

Urbes

moenibus obsepri à quo tempore Lusitani appulerunt. Circumferunt etiamnum incolæ protoparentem Evam in una Mosquéarum juxta urbem sepultam.

Zibit regnum.

Occurrit deinde Zibit, regni, cujus est metropolis, nomine insignita. Duodecim leucis distat à pelago; opulentissima est, pulchra, singularique opere exculta.

Aden regnum.

Aden, primaria quoque regni cognominis civitas, Madocea olim dicta, & veluti ad ostium Rubri maris posita, in convalle validissimis ex uno latere muris; ex altero autem præruptis montium cincta jugis, quibus castella quinque insident in excubias inde solventium, atque illuc appellentium navigiorum. Urbs illa sex mille resplendet ædibus; prisco quidem ævo in Continenti condita; hodie vero artis industriâ in formam velut Insulæ est redacta.

Urbes.

Habet regnum Aden eadem in ora civitates Hodeidam & Maham, à Turcis expugnatas; habet quoque Cubit & Zazer oppida. Quindecim autem ab Aden miliaribus conspicitur Lagi in amœna planitie, populosa civitas; indeque unius itinere diei urbs Ajas dissita, duos jacet inter colles, in quorum medio lætissima vallis excurrit, in qua mercatus celebratur. Decurso postea duorum itinere dierum, Dantia munitissimum oppidum, quod in monte positum est, invenitur; peractâque rursus viâ simili, cernitur Almacharana civitas in cacumine montis ad septem miliaria assurgentis; quam duo duntaxat eodem tempore possunt adire, quod via ad illam deducens nimium angusta sit; emicat autem urbs in planitie gratissima, multisque ædificiis apprime exornata; emenso postmodum unius diei spatium apparet Reama, bis mille frequens ædibus, monte ad latus adjacenti, castroque insuper extructo munitissima. Producto deinde dierum tredecim itinere Sana visitur, in monte constituta, quæ quidem quaterna circiter domorum millia numerat; ad decem ulnas ascendunt illius mœnia, habent autem spissitudinem ulnarum viginti, ac possunt desuper equi octo, una veluti acie incedere. Illius ædes elegantissimæ sunt, tantusque est urbis ambitus, ut vites plurimas, & prata, nec non & viridaria includat amplissima nostroque more exculta. Porro Taëso tribus à Sana diebus dissita sedet in montis vertice; à Damera uno tantum abest die; plurimis illa mercatoribus, iisque opulentissimis gloriatur. Tandem reversus ad oram, quæ Aden & Sartach promontorio interjacet, non ignobilia invenies loca, Abiam scilicet, Ar, Canacam, Brum, Argel, Xaël regni Herit caput, Cayem quoque seu Caxem civitatem, quæ septem leucis Occidentalior est Fartach promontorio.

Ceterum Fartach regnum, quod & Fartas, cujusque habitatores dicti sunt Fartachini, olim urbes habuit Xesequi, Diuphar, & Pecher juxta oram maritimam, vocabaturque illius metropolis Fartach, seu Fartas; verum hodie Diuphar seu Dophar Turcicæ ditionis est.

Norbanta post enumeratas jam urbes succedit, fere ex adverso Curia Muria; hocque loci, si vera prisorum opinio, infederunt Sabæi. Saba vero seu Sabah quod attinet, in editissimo monte, passimque arboribus confito conspicua est, distatque abs Hierusalem leucis Francicis amplius 600. A Curia autem Muria usque ad Rasalgate promontorium, quod à Barbosa Facalpath indigetatur, olim Siagria, plaga est leucarum 120 sterilissima; ibique ager regni Ormusensis incipit qua ducit in Arabiam; indeque ad Mocandan promontorium ad 87 leucas ora se extendit, cui imminent varia hujusce regni loca, Calayata scilicet, olim Metacum, Curiata, Mascata, Soar, Calaya, Orfacan, Doba, & Limma, quæ leucis octo cis Mocandan promontorium reperitur; quæ autem duo hæc inter promontoria expanditur regio, Hyaman Arabice vocatur; hæc est ipsissima Felix Arabia, potiorque & feracior totius Arabiæ portio.

Penetranti interiora hujusce regionis loca, sese offerunt Gilbilis, Gublelchama, sedes regna, & Loca, deinde Herbaliam, Corfa, Negrama, & Amaniphilirina suo etiam rege nobilis; adest & Casimurta, Maraina, Elachaier, & Alibinalli suæ quoque regionis caput; succedit Magiaraba, Haim, Hafta, & Moffa regia civitas, Curiaque secessus.

Nec silentio prætereunda sunt Miga, Mirigata, Sira, Dephina, Carut, Marimata, & Apola.

Sunt & vastis in campestribus aliæ civitates atque Respublicæ, Mantila nimirum, Nazzua, Balia & Zacchi, adeo contiguæ, ut ab una alterius gallorum cantus vociferationesque percipiantur.

Vbi vero Mocredam promontorium attigeris, in ora perspicies Corscan, Dadenam, Raccolimam, Calbam, & Bochablam, Berouam, olim Bilenen, Puzzam, Mociam, Macin, & Liman, in ipsiusque regionis visceribus, Tiagorzatam, Cantam, Zochar, & Ormagadam. Coeptum jam iter proseguere oram legens, & ecce tibi Martimoz, Feid, Carburia, atque Mascalata ipsa regni caput; Tomussa quoque, Imen seu Imin; qua transmissa apparet tum demum Lassacha, urbs clarissima caputque provinciæ Bahaem insulæ adjacentis; quam & hodie Turcicum sibi vendicat imperium. Ad hanc etiam regionem pertinet portus Katifensis seu Elkatifæus, à quo Sinus Persicus nomen assumpsit, Lassacha.

Lassachæque ditioni ac regimini subiectus est, utpote Turcicæ possessionis. Persico autem portus iste adjacet æstuario, è regione Baharem. Inventâ postmodum Alazâ, Desertam Arabiam ingrederis.

Qualitas. Felix Arabia, Petræam Desertamque cœli bonitatē superat. Almachara, si quæ alia regio, aëre saluberrimo potitur; attamen illi præcellit Reama, plurimi enim inibi vitam ad centum & viginti annos protelarunt. Nihilominus apud Ziden multi sæpius infirmitate laborant ob aëris malignitatem.

Pluribus quoque refrigeratur fontibus Felix Arabia, est quibusdam in partibus fontium penuria, qui defectus in Almachara reperitur; sed fontis vice, aquas affatim suppeditat cisterna, potui centum mille hominum sufficientissima.

Solum. Ager etiam feracissimus est, iis præsertim in locis quæ nonnullis amnibus irrigantur, hordeumque & triticum ac fructus suavissimos magna copia gignit, mala nempe aurea, citrea, persica gratissimi saporis, ac denique maximam alliorum, cepe ac cucurbitarum abundantiam.

Aromata. Profert & palmas ingenti multitudine, myrrham, thus, cassiam; sed juxta Dualfar, seu Diufar, thus & præstantius, & copiosius quam totâ quaquaversum Arabiâ invenitur.

Animalia. Nutrit autem Felix Arabia leones plurimos, tygres, leopardos, nec non & numerosos ovium, boum, mulorum, equorumque greges. Sunt & in eadem regione camelorum velut agmina; ovesque inibi caudam habent oblongam.

Corporis habitus. Littoris accolæ olivæstrum vultu colorem præferunt, Abissinis similes; qui vero ipsam regionem incolunt, Almacharenses nempe, maximam partem candidi sunt; at Beamenfes coloris sunt ut plurimum subnigricantis. Porro jam pridem observatum est, quod hujusce regionis incolæ, staturæ elegantia cæteris præcellunt Arabibus.

Indoles. Cæterum hi Arabes venationi summopere student, laboribus addicti, arrogantes, tumidi, ad bella idonei; maximo pollent ingenio, ingentesque foveant animo conceptus, solo rationis ductu præclare ratiocinantur, simplicium medicamentorum cognitioni impense vacant, imo & Poëtici incredibiliter afficiuntur. Tandem negotiationi, rei que familiari amplificandæ nullo non tempore invigilant.

Opes. Maximum faciunt ex aromatibus, equis & monilibus proventum; præcipua verò Aden negotiatio est rubiæ tinctorum, quæ quotannis viginti millium onere equorum ad regiones exteras exportatur; aqua etiam rosacea, uvis passis & opio quæstum augent. Maximum etiam in Cairo, passimque apud

omnes Indos Orientales commercium extat. Aden mercatus noctu celebratur propter intolerabilem, qui viget per diu, caloris æstus; illucque ex India, Æthiopia, & Persia ob frequens commercium naves appellant.

Turcæ paret quædam hujus regionis portio; ipse enim ab anno 1538 regna Aden, Zibit, & Zidem suo subegit imperio; ex quo tempore Turcarum Imperator Beglerbegum suffecit in Aden, qui hisce in oris jus diceret. Califa quoque non procul ab Ormuz finibus, & Mascata, ab anno 1642 Turcicæ sunt ditionis; sed plurimum abest Turca ab integra Felicis Arabiæ possessione.

Cultum profitentur Mahometanum hi Arabes, in varias divisi sectas; qui enim montem incolunt urbi Ajaz Occidentalem, Mahometem sectantur, & Homar, aliosque illius sodales; qui autem altero degunt in monte, Ali doctrinæ addicti sunt, Persarumque affectantur opinionem, atque dictitant, alios hæresi esse attaminatos; hacque demum ratione violentas invicem manus inferunt.

Quæ vero Mediæ exercetur devotio, hujusmodi est; ante ingressum Mediæ, uno die consistit Caravana juxta puteum, quo quisque abluitur, nitidissimisque efficitur; postea in urbem admissi, ad sepulturam Mahometi unanimes proficiscuntur, ibique vota peragunt, perlustrantque sepulturam; at neque locus ferreus, neque chalybeus, neque magnes perspiciuntur: inde vero Mekam iter instituunt, quam solita etiam devotione venerantur. Ceterum Mahometani omnes, illud veluti exploratum, certissimumque existimant; quod quicumque Medinam peregre proficiscuntur, maximæque interfunt solennitati, quæ Septembri peragitur, sanctificati sunt, suæque salutis securi; neque aliud quicquam ad Paradisi introitum postulari, adeo ut eos Agi vocitent, hoc est Sanctificatos.

ARABIA DESERTA.

Nomina. Arabia Deserta, ab Hebræis Cedar appellata, à modernis vero Prima seu Inferior Arabia, ab ipsis autem Barbaris, Arabia Sam aut Xam, id est, Syriæ, quod sit illi contermina, Beriari etiam nominatur.

Hæc regio ab Orientali parte oram attingit Babylonicam secundum textum montium, qui ab Euphrate ad sinum Persicum extenduntur; ab Occidente in Trachonitidem, Petræam, ac Syriam sese porrigit; habet autem ab Aquilone Mesopotamiam; & à Meridie, montes Felicis Arabiæ, partemque Sinus Persici.

Quamvis hæc Arabia, Desertæ nomen præferat, suos tamen sortitur incolæ nonnullis in locis, præsertim juxta Euphratem. Ad Sinum

Sinum Persicum hæc cernuntur loca, Car-
modibara, Cuës, Costacha, Conga, Mona-
hon, Ratama, Toron, Carazzarique fluminis
ostium, atque Euphratem, cui Ana, illiusque
Desertum imminet.

Ana. Ana civitas, quæ Arabicæ pœnam seu mo-
lestiam denotat, amni Phorat sive Euphrati,
ab utraque fluminis parte insidet. Inde exeun-
ti, atque in Alep tendenti se offert vicus no-
Sukana. mine Sukanus, à voce Arabica Sukan, quæ
ebullientem significat; jacet ille binos inter
montes, militari præsidio circa medium mu-
nitus. Postmodum ad Taybah devenitur,
locus ducentis frequens ædibus, habens ex
cæspite fortalitium, ruinis alterius lapidei su-
perextructum.

Mexat Ali. Mexat Ali, seu Mam Ali; id est, Mesqui-
ta, aut Domus Orationis Ali, regionis hujus-
ce urbibus etiam accensetur, à millibus fere
annis condita, ad lacum ab Euphrate effor-
matum, aut alteri ipsius amnis brachio impo-
sita, duodecim à Bagadad miliaribus.

Mexat Ocem. Mexat Ocem, aut Ocem Mesquita eadem
in regione visitur. Discinctum quidem est
oppidum, sed quater mille domibus excul-
tum. Huic etiam tractui assignantur Chrau
& Beriana, proximumque illi desertum co-
gnomine; ubi sæpenumero è Damasci fini-
bus ad plagam Bagadad transmittentes, stu-
pendos per aëra fragores percipiunt, quasi
turmarum in medio obequitantium, aliasve
hujusmodi illusiones, quæ summum Carava-
nis terrorem incutiunt.

Saba. Saba, hodie Simiscasac, Arabiæ Desertæ
civitas; è qua processisse feruntur tres Magi
sive Sapientes, qui à stirpe Balaam, ac Zaba-
istarum genus deducebant, firmissimisque
probabant argumentis mortuorum resurre-
ctionem; perperam autem è Felici Arabia
exisse circumferuntur.

Qualitas. Hic tractus aërem habet temperatissimum,
excepta duntaxat eâ regione, quæ Bagadad
respicit, illa enim aëris perpetuo fere nebulosi
gravitate laborat; ex paludibus quippe, quas
gignit per campestria diffusus Euphrates,
exoriuntur pruina ac nebulæ; qua eadem ex
causa, Sukana etiam civitas male audit.

Ager. Amplissima est hæc provincia, sed tota fe-
re montuosa, sterilis & arenosa, nec non in
vasta diffunditur campestria juxta Babylo-
nem, quæ quidem deserta sunt; ab Ortu quo-
que palustris est; attamen nec aëris gravitas,
nec æstus aut pluvix, quicquam officiant,
quominus præstantissimos gignat fructus, iis
in locis, quæ debita sedulitate coluntur.
Quin & vineæ corbis terra oppletis insitæ,
usque adeo propagantur, ut ad palmitem

alendum fovendumque sufficiant; ac non-
numquam terra ipsa, aquis illuc affluentibus
aggeritur. Qui plus ad Occidentem tractus
proclinat, pluribus scatet arenis, illoque pro-
ficiscentibus, Cynosuram, velut in mari navi-
gantibus aspicere necesse est.

Copiosissimus est hordei, dactylorumque *Fruges.*
proventus in adjacentibus ad Euphratem lo-
cis; & juxta Mexat-Ocem, frumentum mā-
gna vi nascitur, hordeum, legumina, fructus-
que alii nostris persimiles; attamen arbores
paucæ admodum inveniuntur.

Oves & capras aliaque id genus pecora, *Animalia.*
quorum in vepretis senticetisque deliciæ, mā-
ximo Deserta Arabia numero nutrit; fovet
& camelos, qui inibi ob amplissima lætissi-
maque pascua atque ob aëris salubritatem
summopere delectantur.

Eleganti statura præditi sunt hujus Arabiæ *Mores.*
habitatores; vivuntque ævo longiori. Pleri-
que omnes Mexat-Alyenses lacteo colore
nitent; iis etiam Ana incolæ sunt persi-
miles; quam sint autem formosæ mulieres
Sucanæ, narratio fidem superat.

Pessimæ sunt indolis Mexat-Aly cultores; *Indoles.*
unde & viæ regionis istius frequentissimis ex
latrocinii diffamata sunt. Hoc tamen inter
illos laudabile reperitur, quod quibuscunque
illac iter habentibus, aut inibi consistenti-
bus, eundem quo vescuntur panem liberalis-
sime præbeant. In quo quam multis præcel-
lunt populis Arabes.

Qui deserta incolunt, vitam ducunt pasto- *Studia.*
ralem degentes sub tentoriis, unde à Græcis
Scemitæ seu Nomades appellantur. Cæteri
commerciis & agriculturæ vacant.

Turcæ paret hæc regio, exceptis Agiaz- *Regimen.*
Rach & Tif provinciis, quæ Persarum regem
Dominum agnoscunt; in quibus tamen &
ipse Turcarum Imperator rerum ex parte po-
titur ob cultum & religionem; quicunque
enim Aly dogmata sectantur, ipso Turca
Protectore utuntur. Verum licet summus
Turcarum Cæsar Præfectos huic provinciæ
sufficiat Ianissarios, quin & Timarios; attamen
Regibus Dynastisque Arabibus subja-
cent hi tractus, qui jura vestigaliaque colli-
gunt, pro quibus exiguum Turcæ solventes
tributum, in recognitionem supremi illius
dominii, ab omni debito absoluti recedunt.

Cives Mexat-Ocem ritus sectantur Maho- *Religio.*
meranos, ut & cæteri hujusce regionis acco-
læ; sed sunt Raphazis, vel Xyahis, id est se-
ctam Aly profitentur, civium ritu Mexat-
Alyensium; unde & quamcumque aliam
abominantur sectam Maurorum, Iudæorum,
atque etiam Christianorum.

Insulæ ad Arabiam pertinentes.

SORIDAN, five ZOBETH.

Nomina.

Situs.

Prima Arabiæ Insula, qua vergit à Septentrione ad Meridiem, Soridana est, ab Arabibus Zobeth appellitata. Illa non procul abest à Continenti; à Tor urbe, quæ illi è regione objacet, triginta sex à monte Marfovan leucis, quæ etiam ad Orientem respicit Arabiæ promontorium, quod sese in pelagus decem aut duodecim circiter leucis porrigit; Æthiopia clauditur à Meridie; ab Occasu Troglodytide; ipsa denique à Septentrione Palæstinâ. Habitatoribus satis frequens est Insula, multisque locis eleganter conditis exculata.

Qualitas.

Nullum aliud frumentum habent Insulani, quam quod illis terra firma suppeditat; nonnullis tamen in locis hordeum, avena, milium disseminantur, præsertim in collibus, ubi regio temperatissima est. Ibi etiam fabæ & pisæ nascuntur, quæ quidem legumina in locum panis adhibent.

Indoles.

Insulæ istius incolæ deliciis summopere dediti sunt; & in libidinem carnisque lasciviam ruptis omnibus repagulis effusi.

Arma.

Sagittas lanceasque, quas ex canis conficiunt, veneno etiam intingunt, adeo ut quicumque iis confixus fuerit, nusquam mortem effugiat. Turcarum dominio subjacent; Mahometani sunt; quibus Christiani quidam permixti reperiuntur, qui tamen nec honestiorem cæteris vitam profitentur.

Z E I B A N.

Zeiban, maxima Sinus Arabici Insula, ad Felicem quoque pertinet Arabiam, sedecim ab Alepeni ora milliaribus. Porrigitur ab Aquilone ad Meridiem triginta leucis in longitudinem; in latitudinem vero paulo plus duodecim.

C A N A R A N.

Nomina.

Quam Arabes Insulam Cademoth vocitant, Canaram hodie nomen sortita est, sedetque juxta Arabiam, centum & septuaginta abs Zinden milliaribus, quinquaginta autem à Dalaccia seu Dalacca Africæ Insula, eodem in mari posita, proxime ad Zezzan, Felicis Arabiæ, quatuor ab ora Arabiæ milliaribus, tribus à Zazer regni Aden civitate, atque à Bebel-mandel 44, in medio fere Sinus Arabici.

Ambitus.

Hispanicas quatuor leucas seu quinque Gallicas colligit ambitu; portuque satis com-

modo est instructa. Ipsa quidem Insula duos habet portus; verum is, qui Beccanic nomen obtinet, in ipso ingressu periculosissimus est; vocatur alter Kalvacal, cujus ad lævam est fortalitiolum in terra pingui extructum, ubi diu noctuque vigiles excubiæ inopinatum præcavent hostium appulsum. Quæ juxta portum urbs affidet, trecenta tantum ædificia continet.

Hujus Insulæ habitatores coloris sunt subfusi, staturaque pusilli aut saltem mediocres; tanta pollent probitate, quanta ceteri Arabes; piscationi indulgent: nudi incedunt masculi, nulloque capitis aut reliqui corporis amictu, præterquam simplici circa verenda linteo. Dactylorum, jujubarum, sui-que tritici, ac zingiberis vim maximam ad littus Continentis deferunt.

Insula hæc Turcicæ ditionis est. Anno 1593 quidam Italus Ecclesiastica dignitate insignitus, cum ad partes vellet transire Abyssinorum, à Turcis in ea interfectus est. Isti porro Insulani Mahumetani sunt.

C V R I A M V R I A.

Curia Muria, pro unica solùm Insula à quibusdam computatur, quamvis duæ sint Insulæ justo divortio ab invicem distinctæ.

Modico à Bebel-mandel spatio dirimuntur, quatuor aut quinque à continenti leucis, totidemque à regno Fartach, nec procul à Guardafu promontorio versus Aquilonem, atque ex adverso Norbatæ Felicis Arabiæ civitatis.

Copiosissima est eò loci piscium exquisitissimorum, ut & candidarum testudinum captura, quarum testa singulari nitet pulchritudine. Habitatores agriculturæ insulant, bella abominantur, pacis amantissimi.

Laudatissimas, pretiosissimasque testudinum de quibus jam diximus, testas commutant aliis mercibus negotiatores; ex iis enim elegantissimæ arculæ, aliaque sumptuosissimæ supellectilis miracula conficiuntur. Permutantes autem, orizam, frumentum, textiliaque accipiunt Indica, quibus omnibus insula maxime locupletatur. Anno 1503, Insulani contagio Mahumetismi erant infecti, nec credam postmodum ab hac peste convaluisse, præsertim cum omnes in circuitu regiones, hoc & verbis & ritibus venenum illis indefinenter afflaverint.

P E R-

P E R S I A.



Erſarum regnum antiquitus occupabat, quicquid in Aſia inter Hellespontum ad ultra Indi oſtia, & à Ponto ad ſinus Arabici fauces continebatur. Hodie vero Perſarum ſive Sophorum

Termini. imperium clauditur à Septentrione Hyrcano ſive Caſpio mari, & Oxo flumine Caucaſoque monte; ab Oriente Indo; à Meridie mari ac ſinu Perſico: ab Occaſu Euphrate amne & Tigri, qui in illum immergitur, Niphatices jugis, & Araxe fluvio, qui in Hyrcanum mare evolvitur.

Imperium majorum. Initio rerum penes Aſſyrios Aſiæ, id eſt, terrarum, quæ nunc ſub Turca & Sopho, imperium ſtetit. Poſtea ad Medos devolutum. Ab his ad Perſas per Cyrum tranſlatum. Dein Macedones, Alexandro Darium debellante, occuparunt. Mox cum pars Romanorum imperio cederet, Parthi, vilis antea atque ignava gens, potentiſſimum in Aſia regnum condiderunt. Magnis exinde cladibus Romanos afficientes, donec ipſi à Turcis & Saracenis adſiſti fuerunt, regnumque eorum divexatum. Tandem Perſarum virtus atque nomen in Sophis iterum emerſit, Iſmaële rege potentiam imperii ſui maxime ſtabiliente. Regiones hîc olim fuere, *Regiones veteres.* Gedroſia, Carmania, Drangiana, Arachofia, Paropamiſis, Baſtriana, Margiana, Hyrcania, Aria, Parthia, Perſis, Suſiana, Aſſyria, Media.

Gedroſia. Gedroſum, quæ nunc Xheſimur & Guzarare, à magno Mogoli Imperatore deviſtam, in illius regni deſcriptione videre eſt.

Regiones hodiernæ. Hodie Perſarum ſive Sophorum univerſum Imperium in regiones diviſum eſt, quorum nomina:

- I Hyrack.
- II Parc ſive Fares & Farc.
- III Aderbajon ſive Adarbigian.
- IV Gueylon ſive Guylan.
- V Coraſan ſive Korafon.
- VI Kermon ſive Kerman.
- VII Regnum Harmuz & Inſula in Sinu Perſico, vulgo Ormuz.
- VIII Siſton, ſive Sagiſtan.
- IX Macron ſive Getche-Maquerona.
- X Regnum Candabar.
- XI Macaurenabar & Turqueſtan.
- XII Vſbec Tatarorum provincia.
- XIII Kurbefſtan provincia.

Aſia.

XIV Cuſiſtan ſive Chureſtan.

XV Irach altera.

Arabes & Perſæ duas regiones inſigniunt *Hyrack.* nomine *Hyrack*, quarum uni tribuunt pro limite Bagdad, quæ ſucceſſit in locum antiquæ Babylonis, & haud longe diſtat ab ejus ruderibus: altera citra hanc verſus Perſiam, includit multa regna & principatus, præter provinciam *Hyrack* poprie dictam. Poſteriore vocant *Hyrack Agemy*, id eſt Perſiæ: alteram *Hyrack Araby*, quæ & Ægyptum aliasque provincias complectitur, à Bagdad verſus Occidentem. Porro *Hyrack* Perſiæ magna & nobiliſſima provincia eſt, cujus hodie metropolis eſt *Hiſſahan*, vulgo *Spahan*, regis Perſarum ut plurimum aula, commerciis *Spahan, metropo-* & annonæ copia longe præſtantiſſima. Am-
lis. bitus cum ſuburbis creditur eſſe x i i milliar. Alii x i v eſſe ajunt.

Iſpahan hodie Perſarum Imperatoris regia; ſita eſt ad ripam fluminis, duobus ſupra triginta gradibus ab Æquatore verſus Arctum & viginti quinque ſcrupulis: (eandem quoque latitudinem prodit Vlugbeeckius & alii Arabes; longitudinem autem numerant ab extremo Africæ littore ſex gradus ſupra octuaginta & quadraginta minuta.) Cinſta eſt terreno vallo, modicæ altitudinis undiquaque: foſſa minus lata & æſtivis menſibus fere ſicca: continet intra vallum octodecim aut plura ædium millia, eleganter & magnifice ſubſtructarum; quæ deſuper planæ ſunt; & amœniſſimos hortos, qui perpulchra ſtagna habent adjuncta.

Regis palatium, principali rerum venalium foro imminens, longe ſumptuoſiſſimum eſt, parietibus intus & extus eleganter pictis & deauratis: forum autem patet in longitudinem quidem ſeptingentos paſſus, in latitudinem vero ducentos quinquaginta: ante palatium jacent triginta machinæ bellicæ ab Harmuzio adveſtæ, ſed hæcenus indigeſtæ.

Ambiunt forum hoc undiquaque proceræ arbores, & domicilia æqualiter edita ex coctilibus lateribus ſubſtructa, cum ſuis concamerationibus ſive cellis, in quibus auri atque argenti fabri, gemmarii, aromatarii degunt: quemadmodum & ad alterum latus ex oppoſito horum, viſuntur officinæ mercatorum, qui varias merces præſertim ſericas venales habent: & variæ cauponæ, in quibus varia edulia parata inveniuntur: ambit item forum torrens inter duos muros è vivo ſaxo eduſtos conſtruſus, qui ad utrumque fori cornu inſluit in octangulas cifternas: à quibus

T

deni-



denique sub plateis, quæ concavæ sunt ad varias ædes & hortos derivatur.

Ad unum fori latus visitur sumptuosissima Mesquita, marmoreis parietibus, ad quam tredecim gradibus ascenditur ex uno marmore excisis. Ad alterum Moneta sita est, ad quam transitur per porticus, sub quibus quoque plures visuntur officinæ, in quibus profant varii panni serici, lanei atque gossypini: etiam vestes omnis generis, calcei atque ocreæ & similia. Sunt & aliæ præterea plateæ desuper tectæ, in quibus variorum artificum mechanicorum officinæ visuntur.

Ædes autem plurimæ reperiuntur in oppido, quadratæ formæ & diversæ molis, quas vocant Caravanferas, in quibus mercatores tam peregrini quam indigenæ diversantur, certo pretio in singulos menses. Quales & in cæteris urbibus & pagis, atque agris offendentur, insigni itinerantium solatio & oportunitate.

Arx sita est ad partem urbis quæ Eurum adspicit, imprimis ampla, duplici muro & fossa clausa; cum turribus quadraginta; adhæc aliquot machinis bellicis munita; in hac habitat Vezirius Regis, cui custodia Arcis & Thesauri Regii qui ibidem asservantur, est demandata.

Tolerantur quoque in urbe duo monachorum conventus, Carmelitarum nimirum & Augustinianorum.

Habet urbs duodecim portas, quarum prima appellatur *Dalwaât*, à qua via ducit ad aliquot Armeniorum pagos, quos vocant Gendemân.

Secunda *Hassenabad*, à qua via pertinet ad Persiæ metropolim Schiras, iter est sex dierum.

Tertia *Kherroen* ducens ad Gowereftan & Yeld, quinque dierum itinere.

Quarta *Seydach* & *Mcadeyan*, à qua via ducit ad *Candaharam*, *Lahoram*, & reliquas partes Indiæ.

Quinta *Toubara*, quam egrediuntur versus Thermas seu calidas scaturigines, quæ tridui itinere distant ab oppido, & *Rowdest* ab ipsis vocantur.

Sexta *Tochzii*, à qua via pertinet ad Casbian trium dierum itinere & semis; ad Casbin octo; ad Taurisium viginti; Gilan tredecim; Ferrabad novem, aut decem, & Kom sex. Extra hanc solent Mahumetani dominicis nostris diebus, festum celebrare, quod Tammachiam vocant, & meretrices atque omnis generis suaviludii & scurræ convenire.

Septima *Decridest*, à qua via ducit ad Bagdat quindecim, & ad Ardevil sedecim dierum itinere.

Octava *Lamboen*, quæ ducit ad eadem oppida, ad quæ superior.

Nona *Chaarbagh*, à qua via ducit ad Lu-

aen tridui itinere: atque ad Abecouram montem totidem: hunc montem è durissima petra constantem, jam plurimis annis conatus est Rex perfringere, & amnem qui secus oppositum ab oppido latus labitur, ad oppidum & illius agros traducere. Anno cło Io c xxiv supra ducenta millia operarum in eo desudasse ferunt; duces enim & magnates Regni, tum inter se certaverant, ut opus absolverent: nam tantum ducenti passus in longitudinem, & centum quinquaginta cubiti in altitudinem restabant. Tantum tribus mensibus hic quotannis operari licet, ob acre frigus & altas nives, quæ cæteris mensibus montem occupant.

Reliquæ tres portæ hodie clausæ sunt; nimirum *Mergb*, quam apertam, pestem & annonæ inopiam oppido esse allaturam, superstitione credunt.

Kaly, quam itidem summam annonæ caritatem investuram metuunt.

Gouldesta denique, quam Rex convertit in pulcherrimam domum, quæ despicit in amœnissimum locum quem vocant *Chaerbagh*; qui pulcherrimis arboribus in ambitu cinctus est, & ab utroque latere silicibus stratus; medium secatur amnis *Zinderoend*, lapideo ponte stratus, quem regalem vocant; hic amnis dividit se in quatuor ramos, & mox in plures minores alveolos, qui varias oppidi ædes & hortos permeant. Influxunt præterea in sex cisternas, quas vocant *Thankas*; quarum una sita est juxta viridarium regium, quod dicitur *Hasfergeis*, longe amplissima & plano fundo atque æquali, cum pluribus fontibus & canalibus: ab hoc viridario usque ad pontem, utrimque sunt educta sumptuosa ædificia, & in medio semitæ canalis è vivo saxo; à ponte itidem utrimque pertinent ædes usque ad magnificum Regis palatium; ita ut Chaerbagh ab hoc palatio ad viridarium Hasfergeris, in longitudinem pateat fere integrum milliare.

Extra oppidum sunt aliquot suburbia, nullo vallo murove cincta; quorum unum vocatur *Golsa*, sive ut alii scribunt *Ciolsa*, à sex millibus familiis Armeniorum habitatum, quos Rex superioribus annis è patriis sedibus huc traduxit. Horum ædes splendore & magnificentia certant cum oppidanis: sunt enim Armenii hi plerique opulenti, utpote industrii mercatores, qui pannos sericos, glastum & alias Indicas merces emendo & Halepum, Constantinopolim atque adeo ad Europæas provincias deducendo, maximum quæstum faciunt. Sunt quidem Christiani, sed sectæ Armeniæ: diebus Mercurii & Veneris abstinent à carnibus, piscibus, butyro & caseo, omni pinguedine: neque quicquam illis diebus manducant præter panem, aut oryzam

zam aqua ebullitam, mel, olera & arboreos fructus. Observant & quadragesimam ad Romanorum normam; jejunantque ante quædam festa majora, octo & interdum quatuordecim diebus. Ita ut pene dimidiam anni partem ad supra dictum modum jejunent. Desponsant liberos suos admodum juvenes, & ubi ætatem nubilem attigerint, conjunguntur in templo: viduis ad secundas atque adeo tertias nuptias transire permittitur, numquam aut rarissime ad quartas. Sacerdotibus vero etiam secundas nuptias interdunt. Superstitionum & ceremoniarum suarum sunt retinentissimi.

Gawwerabad alterum suburbium habitatur à *Gawrisiis*, quos Rex huc traduxit è *Gawrestan* & *Yefd*; sunt autem antiqui Persæ, gentiles, quique etiamnum ignem colunt: horum familiæ numerantur hic circiter quingentæ: gens longe melioris fidei & probior, quam sunt Persæ Mahumetani; mercatores industrii, gnavi agrorum cultores. Mares sunt robusto corpore, & usurpant vestes à reliquorum Persarum amictu diversas, præsertim quoad colorem; foeminae quoque illorum validæ & obcæ, quæ longe aliter vestiuntur quam Persicæ in *Hispahan*: neque velant faciem, uti illæ; neque tam impudicæ judicantur. Marium autem vestitus longiuscula est tunica, & variegati coloris vitta.

Abassabad tertium suburbium, in quo inter quinque & sex millia familiarum degunt, è Taurisio advenæ, & Mahumetanorum Persarum religionem colentes: plurimi inter hos sunt nobiles, qui aulam quotidie frequentant; reliqui mercatores; hic quoque insignes ædes & horti visuntur.

Chamsabad quartum suburbium, quod à paucis Armeniorum familiis habitatur.

Assennabad quintum suburbium, in quo degunt circiter ducentæ, aut ducentæ quinquaginta familiæ Georgianorum, qui itidem sunt Christiani, sed variarum sectarum, uti alibi in itinerariis notatum invenies. Hi quoque cultu atque amictu nonnihil differunt à Persis. Virgines autem Georgianæ inprimis sunt decoræ & pulchræ.

Cheigh Sabanna sextum suburbium, incolitur itidem ab Armeniis, quorum ibi centum, aut centum quinquaginta familiæ numerantur. Ioannes de Persia scribit *Hispahan* civitatem supra octuaginta millia civium continere, præter infinitum numerum advenarum: id liquere ex diversoriis, quæ habet fere sexcenta, Persæ vocant *Caravanferas*: balnea, quæ vocant *Hamam*, habet trecenta: officinas mercatorum omnis generis decies mille; ambiri autem à fluvio *Senderu*. ager ipsius humilior & fere riguus, unde & coelum hic non admodum salubre. Hanc

Asia.

veterum *Hecatonpylen* arbitratur. Ornant illam turres ad minimum centum, altissimi & elegantissimi operis; inter quas eminet illa quæ est in equili Regis, cujus fastigium è craniis cervorum compositum scribit, quos uno die Rex *Thamas* venando occiderit supra triginta millia.

Proximum post metropolin locum meretur *Yafd* vel *Yefd*, oppidum itidem amplum & inprimis amœnum, atque pannorum sericorum textura maximè nobilitatum. *Paulus Venetus* appellat illam *Iafdi* mercimoniis & serici textura celebrem; *Iosaphatus* vero barbarus *Iex*, moenibus amplissimam, & quinque mill. pass. in circuitu patentem, ubi quotidie decem mille pondo venduntur, incredibili silentio & celeritate, nec sermone ullo intercedente, quod pretium singulis auctoritate publica inscriptum sit. Circa hanc urbem reperiuntur hodieque ignicolæ, qui fanum habent in propinquo monte *Albors*, ubi à temporibus *Kaiomarrhati* hucusque jam ultra xxxv secula ignis continuo arsit. *Vlugbekius* & alii Arabes constituunt hoc oppidum ad latitudinem duorum & triginta graduum. Dein *Kaxon* secundum *Texeiram*, oppidum famosum, sericorum pannorum omnis generis textura & agri inprimis fertilitate; hic enim exquisiti fructus nascuntur, præsertim mala cotonea, quæ per excellentiam *Caxton* appellantur.

Kom quoque sive *Comm* magnum oppidum, habens versus Arctum pontem lapideum. Nubiensis vocat *Com*, & dicit ab *Asbahan* (ita vocat *Ispahan*) distare itinere bidui.

Saoab *Texeiræ*, Nubiensi uti suspicor *Savan* distans à *Com* xxxvi mill. pass. & à *Mascuna* xxvi i mill. pass. nisi forte sit *Sauwa*, cujus *Vlugbekius* prodit longitudinem lxxxv grad. & latitudinem xxxv. Cujus quoque *Elmacinus* meminit; portatus (inquit) est *Sawam* prope *Hamadanum*, atque ibi mortuus est.

Kazuin sive *Cashin*, oppidum celebre (inquit *Texeira*) ad quod Persarum Imperator *Xa-Thamaz* regiam suam transtulit, post Taurisium vulgo *Tabriz*, à Turcis captum & direptum. Ioannes de Persia scribit hanc urbem supra centum millia oppidanorum numerare; Mesquitas sive Mahumetanorum templa quingenta. Palatium Regis longe maximum est, ita ut quartam partem leucæ in longitudinem occupet. Sita autem est in amœna & foecunda valle, quæ tridui aut quadridui iter patet in longitudinem. Oppidanorum ædes neglectim structæ sunt, è lateribus tantum ad Solem duratis, ut fere sunt reliqua ædificia per totam Persiam. *Vlugbekius* & Arabes ut supra vidimus tribuunt illi longitudinem quinque & octuaginta graduum &

V

trigin-

triginta sex minutorum. Nubiensis refert ad regionem Algebal id est montanam, & quidem inter regiones minores, licet quidam opinentur hanc esse de terra *Deilan*. Et iter ab Hamadan ita designat; ab Hamadan ad *Narestan* xxx mill. pass. ab hoc ad Aved xxiv mill. pass. ad Cazyin duæ dietæ. Addit his Texeira *Amedon*, quam Nubiensis vocat *Hamadan*, dicitque ingentem esse urbem, distareque ab Astarabad xlv mill. pass. Benjamin Iudæus vocat *Hemdan*; ipsa est vetus Madai (Mediæ metropolis, inquit Schikardus, à quo litteræ non abludunt) civitas amplissima, ubi degunt ex Israëlitis tantum 50 mill. viri. Nam ibidem ante quandam Synagogarum, sunt monumenta Mardochei & Estheræ. Fuit autem hæc urbs à Musilimis capta anno Hegiræ xxiv una cum *Elbira*, non illa (inquit Schikardus) quæ jacet supra Raccam ad Euphratem, sed altera in regione Addeilam circa urbem Kazwin. Tribuit autem huic urbi Hamedan Vlugbeeckius & Arabes longitudinem trium supra octuaginta graduum, & triginta quinque graduum & decem scrupulorum latitudinem.

Adjungit deinceps *Texeira* oppidum *Nahaond*, quod Nubiensis vocat *Nahavand*; scribitque ab Hamadan distare xlviii mill. pass. à *Rudhan* xxi mill. pass.

Et deinceps *Targazin*, *Damaoand* & *Taharon*, de quibus nihil comperi.

Rey Xarear vel Schariar, inquit *Texeira*, ubi manna colligitur, sed inferioris notæ: Nubiensis videtur hoc oppidum appellare *Ray*; & iter ab Hamadan ad illam designat; ab Hamadan ad *Sava* xc mill. pass. à *Sava* ad *Ray* 50 mill. pass. Vlugbeeckius & Arabes collocant ad longitudinem octuaginta sex graduum & decem scrupulorum, & latitudinem triginta quinque; quibus alii addunt xl scrupul.

Ad hanc quoque provinciam pertinet *Sultania*, quam Iovius putat exstructam fuisse è ruinis Tigranocertæ. Nomen hoc (inquit Leonclavius) est consequuta à Sultanis, quod Persiæ quondam fuerit regia, Sultanique sedes & domicilium. Vlugbeeckius & Arabes produnt longitudinem illius quinque supra octuaginta graduum, & latitudinem triginta sex grad. & xxx scrupul.

Adduntur his ab aliis *Chocherarond*.

Hulwaen, quam Nubiensis vocat *Holvan*.

Fermasin, de quo nihil inveni.

Cachraward, *Gerpadekân*, *Zamren*, nihil nobis de illis observatum.

Chiwâr, quam Nubiensis videtur appellare *Giouâr* lx mill. pass. à *Schiraz*.

Aba; Nubiensis vocat urbem parvam, & nullis moenibus cinctam; scribitque distare

à *Fabrag* lxxv mill. pass. à *Rudha* lrv mill. pass. à Murgia solitudini contermina levem stationem; à qua ad *Schiraz* sint xxxvi mill. pass.

Parc (quam Arabes efferunt *Fares* & *Farç*) una est è majoribus & melioribus hujus Imperii provinciis. Metropolis est *Schiras*, nobilissima urbs & antiquissima, omni genere commeatus abundans, & commerciis florentissima.

Schiraz distat ab Æquatore versus Arctum novem & viginti gradibus, & sex supra triginta scrupulis: condita est in valle præfertili, complectiturque hodie supra decem millia focorum: eminus accedentibus pulcherrimum præbet adspectum, ob altas illius turre è splendentibus saxis constructas, & hortos atque viridaria, vernantibus cupressis confita, quæ undique illam cingunt; in hisce viridariis reperiuntur omnis generis fructiferæ arbores: rigantur autem certis canalibus è vicino flumine derivatis, quemadmodum & agri qui ambiunt, plures quoque hic reperiuntur fontes. Nascitur hic præstantissimum vinum totius Persiæ, & venundatur admodum vili pretio. Laudatissima autem rosarum aqua, ad varias & longinquas regiones deportatur. Ager suburbanus tritici & aliarum frugum feracissimus est: oves hic ferunt lanam crispam cinerei & candidi coloris, & caudas ita grandes & obesas, ut interdum octodecim, & non rarò viginti libras pendant. In sylvis nascuntur passim arbores quæ mastychen exsudent, excipitur patellis quæ ramis applicantur, coloris primum viridis, qui ab æstu vitiatur. In hac urbe tolerantur à Persarum Imperatore duo conventus monachorum, qui partim sunt Itali ordinis Carmelitarum, partim Lusitani, ordinis S. Augustini. Concionantur lingua Persica, Armenia & Arabica. Auditores Armenii maxima sunt parte. Pauci admodum gentiles aut Mahumetani, quia indigenis vetitum est, vel hulum de mutanda religione cogitare. Pertinent ad hanc provinciam *Astachar*, quæ olim videtur fuisse metropolis; *Laar* sive *Lara*, ut Portugalli efferunt, à qua urbe sortiuntur nomen *Laris*, numisma ex argento absolutissimo, notissimum & usitatissimum per totum Orientem; urbs hæc regni particularis caput fuit, & superioribus annis ab Abbas Rege fuit capta, uti paulo post dicemus; anno dlo lxxciii ut narrat Texeira, afflixit illam horrendus terræ motus, qui supra mille ducenta domicilia prostravit, plurimasque cisternas (quibus salus civium constat, siquidem tantum pluviis aquis utuntur) dirupit, & supra tria millia incolarum obruit.

Oppidum Larum ædificatum volunt à Pilaes filio Firoës, post cujus decessum successit

sit Gorgion Melech, vir valde magnanimus, qui super montem, qui oppido à Septentrionibus imminet, amplum & validum castellum fecit communiri, & regnum est auspicatus. Hunc ex ordine secuti sunt duo supra triginta Reges, quorum postremus fuit Ebrahim Chan, quem Xa-Abas anno cło Io c x i i. regno spoliavit. Arx à Persis diruta fuit, & alia rursus excitata commodiore loco, nimirum super montem qui ab Austro propius oppido incumbit. In oppido numerantur circiter quatuor millia domorum, planis tectis, cum certis foraminibus instar fumariorum. Nullo vallo cinctum est, natura tamen loci satis munitum, cingitur enim undique asperis montibus. Incolæ sunt robusto corpore; qui potissimum agris colendis, & camelis, asinis, mulis & omnis generis animalibus pascendis dant operam; maximam quoque partem inserviunt mercatoribus, ad merces illorum ultro citroque vectandas. In medio oppido est forum rerum venalium, desuper tectum, sub quo plures visuntur officinæ omnibus mercibus & annona omnis generis refertæ. Cingunt oppidum amoenissimi horti, in quibus plurimæ fructiferæ arbores sunt consitæ, imprimis quæ dactylos ferunt. Regitur à præfecto sive Kady. Arx jam sita est super præruptam petram, ad quam angusto calle ascenditur, ita ut vix duo equites uno ordine possint incedere, supra tamen nonnihil dilatatur: oblonga est Arx, & muro è vivo saxo cincta, valde edito; in illa sunt circiter ducenta domicilia, quinque æneæ machinæ, Hispaniarum Regi ademptæ, & centum delecti milites. Ferunt in armamentario arma conservari quæ tribus millibus instruendis sufficiant. Duos tantum habet puteos, qui jugiter quidem scaturiunt, sed aquam subsalsam: unde hic aquam pluvialem excipiunt atque conservant sex cisternis. In oppido quoque nullæ habentur aquæ nisi pluviales, quas similiter excipiunt cisternis, quarum ad quinque millia tam in urbe, quam extra, in illius tamen ambitu, dicuntur reperiri: & quidem publicas, ita ut cuivis ad eas pateat accessus, tecto superius opertæ. Vnum & maximum vitium est hujus regionis, quod tam crebro terræmotibus vexetur, quibus non raro plurimæ ædes prosternuntur.

Ad regnum Laræ volunt quondam pertinuisse *Bender-Gomrow*, ubi Lusitani arcem ædificaverunt ad sinum Persicum, postquam Harmuzio fuerant potiti.

Hunc autem locum ita à nostris inveni descriptum: *Gamrou* distat ab Æquatore versus Arctum septem & viginti gradibus: estque municipium ad oram sinus Persici situm, parens hodie Duci Schiraz Yman-Couly; Portugallis ademptum ab Ali-Reeck ejusdem Du-

cis Legato anno cło Io c x i i. Postquam Belgæ nostri hic appellere & commercia cœperunt exercere, tribus, quatuorve annis multo populosius est factum, ita ut jam circiter nongentæ hîc familiæ habitent. Duas habet arces ad latus Meridionale; & versus Arctum, validum propugnaculum ad oram Sinus, pluribus machinis munitum: præsidium Persarum constat ut plurimum ducentis peditibus, & totidem vel etiam trecentis equitibus; si autem majores copię Portugallorum metuantur, tenetur Arabs quidam regulus Sevd-Mahumet ducentos exercitatissimos Sclopetarios illis subsidio mittere.

Iis qui à Schiras ad civitatem Hispahan proficiscuntur, offerunt se vasta rudera arcis & palatii Persepoleos, adeo celebratæ ab antiquis scriptoribus. Arabes & Persæ vocant *Chilminara*, quasi dicas 40 columnas: ita enim appellant illas turres, quas Arabes templis suis adstruunt.

Hic supersunt aliquot admirabilia antiquitatis monumenta: ad quæ ascenditur gradibus è petra excisis, adeo latis & planis ut equis eo ascendere liceat; in planicie autem super dictam petram, visuntur primo conclave aliquod, cujus fores è politissimo saxo sunt & variis figuris insculptæ; intra sunt duæ fenestræ è pretioso marmore & ita polito, ut instar speculi reluceant; præterea sunt hic aliquot atria in quibus visuntur cistæ è marmore excisæ, in quibus regius thesaurus olim fuit reconditus; supersunt quoque novemdecim columnæ è quadraginta; & triginta tria prothyra; omnia tam affabre facta & tam elegantibus figuris incisa, ut pictor industrius vix anni spatio cuncta posset delineare. Narrat Almacinus in vita *Muavia* Califæ, Ziadum nomine Alis Persidis præfectum Istacharæ commoratum, ibique arcem munitissimam extruxisse.

Ab eadem urbe Schiras versus ortum, jacet lacus salus circiter octo aut novem millia patens in longitudinem, in latitudinem unum, aut paulum supra. Sal instar nivis candidissimus est, itaque spisse quibusdam locis concretus, ut vestigia ferat; verum quum infra concavus sit, non est illi magnopere credendum, facile enim dehiscit, cum summo superstantium periculo.

Sunt & alia oppida, *Tarom*, *Kazrum*, *Lafstan*, *Stahabanon*, *Neriz*, *Pazah*, & *Daraghero*.

Aderbajon provincia magna quoque, metropolim habet *Tabriz*. Regio annona omnis generis egregie abundans, & commercia exercens cum Russis, Polonis, Circastis, Georgianis, aliisque nationibus. Nonnihil hic argenti effoditur, plurimum autem aluminis & rubiæ tinctorum. Indigenæ appellantur

tur communi nomine *Calanges*. Leunclavius urbem hanc vult esse Tauresium, nunc *Tauris*, Ortelius *Ecbatana*. Alia oppida sunt *Xyrvan*, *Hadarbigan*, *Hordabat*, *Ardevil*, *Halkhan*, *Selmas*, *Chowy*, *Ourmya*, *Merend*, *Marana*, & *Seriar*.

Gueylon
Provin-
cia.

Gueylon potissimam partem secundum oras Caspii maris sita est, quod mare undas habet salvas, licet nusquam quicquam commune habeat cum Oceano; *Geylan* provincia dividitur à Persia vastis & nemorosis montibus, (quibus Persia ut plurimum caret, raros habens montes & rariores sylvas, magnamque lignorum inopiam, præterquam quæ horti & fruticeta subministrant) qui non tam valles, quam rupturas quasdam sive angustias aperiunt, quæ pluviis mensibus, aut quum nix, quæ admodum alta verticibus montium incumbit, liquatur, crebris torrentibus fere inviæ redduntur. Ab oriente vel potius aquilone Mari Caspio concluditur: inter utraque autem, mare nimirum & montes quos diximus, vasta planicies sternitur, tanta incolarum frequentia culta, tamque incredibili serici, oryzae, frumentique copia referta; ut natura cum industria incolarum certasse videatur, utra frequentiore aut opulentiore hanc provinciam faceret; nulla enim pene agrorum portio à cultura vacat; ipsique montes, qui fere petrosi sunt qua Casbinum respiciunt, tam læto gramine sunt vestiti, & tam numerosos alunt pecudum greges, ut etiam vicinis omnibus abunde de commeatu prospiciant.

Dividitur in quinque præfecturas, quarum metropoles hæ sunt: *Raxt*, *Laion*, *Gaxkar*, *Langarkanon*, *Kudam*. Ioannes de Persia vocat metropolin provinciae *Guila Hichan*, eique attribuit 70000 oppidanos.

Sequuntur ad eandem oram maris Caspii secundum eundem *Texeiram*:

Mazandaron
Provin-
cia.

Mazandaron provincia & urbs à *Gueylon* versus ortum sita; oppidani sunt robusto corpore atque bellicosi. Ioannes de Persia scribit provinciam *Mazandaron* patere in longitudinem quinquaginta leucas, & viginti quinque oppida continere, quorum caput sit *Mazandaron*, quod quinquaginta millia civium numerat: provincia est montensis & frigida, ita ut fructus hic raro ad maturitatem perveniant.

Estrabat
Provin-
cia.

Estrabat, Provincia, circiter sexaginta leucas per transversum patet; ejusque Metropolis *Estrabat* supra quinquaginta millia incolarum numerat. Iosephus Barbarus videtur vocare *Stravam*.

Nayxabur
Provin-
cia.

Adjungit deinde *Texeira Bostan* & *Sab-Zabah*, de quibus nihil adhuc observavimus.

Denique *Nayxabur*, provincia Persæ sub-

jecta inter *Karason* & *Vzbec* sive *Tartariam*; amplissima quidem, sed plena desertis, & arenosis locis, quæ continuo moveri & veluti ebullire tradunt. Nubiensis in septima parte Climatis tertii scribit; ex urbibus *Naifabur* est *Barsin*, urbs frequens atque populosa, distans à *Naifabur* stationibus quatuor.

In hac provincia reperiuntur gemmae illæ cynaneæ, quas vulgo appellant *Turquosias*, quia hæc provincia fines jungit cum *Turquestan*.

Ghorasan reliquis Persæ provinciis nec amplitudine nec opulentia cedit. Metropolis est *Mexat*, civitas ampla & populosa, in qua reges Persæ post *Scachum* *Ismaëlem* *Sophy* sepulti visuntur. Ager illius fertilis est, & annonæ omnis generis feracissimus: indigenæ formosi & bellicosi. Præter hanc habet *Thun*, *Tabas*, *Kahem*, *Hrey*, *Marwo*, *Herât*.

Chorasan
Provin-
cia.

Kermon provincia inter *Parthiam* & *Ko-* *Kermon*
razonem media, inter primas censetur regni Persæ, tam amplitudine, quam variarum & multarum rerum proventu, quæ maximi in Oriente fiunt, quales sunt; Aqua rosacea, quam in regno Persæ habent duorum generum; alia enim fit per infusionem, hanc sua lingua vocant *Gul-Ab*: alia fit per extractionem & alembicum, quam appellant *Areka-Gul*, quasi dicas sudorem rosarum. Prior illa per infusionem in hac provincia maximè usurpatur. Item aulæ sive stragula, quæ à Persis appellantur *Kalichey*, à Lusitanis autem *Alcatife*; quæ quidem in *Ield* sive *Yasd* pretiosissima & perfectissima texuntur; in hac autem provincia secundæ notæ. Tertio *Tutia*, sive ut Persæ vocant *Tutyah*, quæ solummodo in hac provincia reperitur, in unico monte, qui distat à Metropoli hujus provinciae duodecim farsangis. Hanc scribit *Texeira* fieri è gleba hujus montis, aqua mixta, & in vasis argillaceis in furnis excocta; effusa enim aqua postquam ebulliverit, *Tutiam* hanc vasis adherere; & reprehendit *Garfiam* ab *Horto*, qui è cineribus arboris *Gaon* conflari tradit. Fert præterea hæc provincia præstantissimum & laudatissimum cuminum, sive ut *Texeira* scribit, herbam contra lumbricos intestinales, quæ à Portugallis vocatur *Lombriquera*. Eadem provincia producit lapidem quandam nigrum & transparentem & nigris punctulis veluti arenulis respersum: duæ autem hujus lapidis reperiuntur species; una quæ petitur ex provinciis *Kermon* & *Karason*, quæ optima est & maximi pretii: altera vi-
lior, quam Persæ vocant *Moky*; quia petitur à *Meka* sive *Mocha* ad mare Rubrum sita. Vocant hunc lapidem sive gemmam *Surmah*; utunturque eo Arabes, Persæ & Indi

Indi ad affectus oculorum, quibus egregie medetur; cum aliis simplicibus præparatus: itemque ad ornatum, tam mares quam foeminae, infucando oculos ut pulchriores videantur; amant enim Persae oculos nigros, quales fere habent foeminae Persicae.

Oppida. Metropolis est *Kermon*, licet alia oppida contineat, *Mungian*, *Vardest*, *Valasegerd*, *Huran*, *Rudhan*, *Rostac*, *Arrostac*, *Sirgian*, *Jazdescir*, *Ravand*, *Mahan*, *Chabiz*, *Girnab*, *Gurost*, *Sura*, *Maun*, *Riaan*, *Bam*, *Fahrag*, *Cquermasin* & *Mastih*.

Harmuz. Regnum *Harmuz*, vulgo *Ormuz*, ab insula *Ormuz* nomen habet, quæ ambitu circiter sex aut septem millia pass. circumscribit: obtinet autem multa singularia & digna notatu. Ardebat olim, unde longe asperissima est facta: Secat illam mons ab uno mari ad alterum inter ortum & occasum; à cujus radicibus ad cornu Septentrionale ubi oppidum & arx jacet, intervallo quasi unius miliaris, plana est & minus aspera: verum trans montes, nihil habet præter asperissimos colles & horribilia præcipitia. Continet plurimum salis fossilis, absolutissimi sulphuris quoque maximam copiam. Hyeme, qua interdum validissime pluit, torrentes de montibus in planiciem descendentes ab æstu in salem coguntur. Oppidum satis magnum est, licet olim majus fuerit. Emporium est longe celeberrimum, cujus reges tam potentes fuerunt, ut magnæ parti Arabiae & Persiae, & toti illi sinui ad Basoram usque imperaverint, donec à Lusitanis oppidum & insula ipsis eriperetur, autore Alfonso Albuquerque. Proximis annis denuo sibi vindicavit Persa. Sunt & aliæ hic insulae, *Larek*, *Queixome*, *Keys*, *Angen*, *Andrevy*, *Lar*, *Kargh*, *Barben*.

Barben Insula. Insula *Barben* sita est in meditullio sinus Persici, centum leucis ab *Harmuz* & totidem à *Basora*, exiguo intervallo à continente Arabiae è regione portus *Katifæ*, quæ est in ditio- ne *Lacah*, quam *Turcarum* Imperator possidet. Habitata est Arabibus; Rex autem Persiae hic tantum præfectum habet & præsidium, ab anno c^{lo} l^o c^o 11, quo illam ex insidiis & per prodicionem eripuit *Harmuzino* Regi. Solo est amœno; abundatque fructibus, præsertim dactylis; triticum parce fert, hordeum modice. *Oryza*, quam communiter usurpant, ab *Harmuzio* solet subvectari. Aquas obtinet magis salubres quam dulces; inter quas *Nanyah* celebrantur; profundissimi sunt putei in medio insulae; secundum locum merentur, quæ sub marinis fluctibus hauriuntur, ad hunc modum: inter præcipua municipia insulae censetur *Manama* ad littus situm; in mari autem quod alluit, altitudine trium orgyiarum, scaturiunt certi fontes aquæ

Asia.

puræ & dulcis, quam urinando utriculis è corio noverunt egerere, & vendunt vili precio. Narrant autem *Mahumetani* senes, hos fontes in terra quondam fuisse, & à fluctibus fuisse haustos: unde insulae nomen fuerit inditum, quod in Arabica lingua sonat duo maria à *Bar* mare & *Hen* duo: licet alii opinantur id nomen impositum à duobus amnibus qui decussatim & crucis in modum insulam dividunt.

Famosa est insula ob unionum copiam quæ in ambitu & vicino mari capi solent. Duo enim loca in India margaritarum piscaturâ celebrantur; nimirum hic in Sinu Persico; altera juxta *Manar* seu in freto quod Insulam *Ceylon* dividit à promontorio continentis, quod *Tutan Cory* dicitur, & à Portugallis *Comory*.

Piscationem autem in *Barhen* ordiuntur interdum mense Junio, plurimum autem Julio, producuntque ad finem Augusti: solent autem ut plurimum tum convenire circiter ducentæ cymbæ; centum ex hac insula, quinquaginta è *Iulfar*, & totidem de *Nihhelu*. Capiuntur autem conchæ ordinariè in portu Arabiae quem vocant *Katar*, decem leucis ab insula hac versus meridiem.

Uniones hujus Sinus præstant longe reliquis totius orbis tam pulchritudine quam pondere: solent autem hic quotannis educi ad valorem quingentorum millium ducatorum, præter magnum numerum, qui celatur: Præfectus vero *Harmuzii* percipiebat quotannis supra quatuor millia ducatorum, præter quæstum, quem faciebat ipse.

Sunt & alia præterea loca intra hunc Sinum, ubi conchæ hæ capiuntur mense Septembri, ut *Nihhelu*, *Teue*, *Rozalgate* & sub insula, sed hæc captura non est magni momenti.

Venundantur autem hic uniones per *Abas*, quarum tres faciunt *Quilaten* sive *Quaraten*; & *Miticales*, quæ constant viginti quatuor *Quaratis*, præsertim minores *Margaritæ*, quarum qualitas pro numero in uno miticali contentarum æstimari solet.

Siston & *Sigestan* regio est montibus undique cincta, è quorum medio exit fluvius *Ilmentes*. Metropolis *Cistan*, in qua circiter 50000 civium numerantur. Deinceps *Cercan*, *Canafi*, *Mulete*, *Rocagmin*, *Timocain*, *Asian*, &c.

Macron regnum ab aliis nuncupatur *Ge-Macron*, *techemaquerona*. Incolæ sunt *Baluches*, ferox & barbara natio. Attingunt *Indum* fluvium, versus ortum.

Regnum *Candahar* rex Persarum *Xa-Candahar*, ab Indorum rege sive magno *Mogohar* le recuperavit. Metropolis est & oppidum antiquum, olim quidem à *Baneanibus*, nunc autem à *Puttanibus*, habitatum.

X

Maure-

Maurenabar.

Maurenabar & Turquestan appellantur regiones, quæ jacent trans fluvium *Gebun*, qui illas dividit à *Carasone*. Vrbes habet, *Ha-lem*, *Semengian*, *Thaalan*, *Samarcand*, *Varavalin*, *AzharuZuan*, *Talecan*, *Sachimest*, *Varufer*, *Hosb*, *Anderab*, *Meder* & *Kas*.

Vzbeck.

Vzbeck olim *Persia* fuit subjecta, nunc bellum infert *Persis*. Metropolis est *Balck*, civitas populosa, opulenta, & bellicosus incolis frequens. Incolæ hujus provinciae sunt bellicosi; pugnant equites arcu & sagittis, lanceis, gladiis, scutis atque clavis, semper retrocedendo: atque hisce armis nostra ætate multa dominia sui juris fecerunt; inter alia occuparunt regnum *Kandar*, cujus Rex ad magnum *Mogolem* profugit eique se subjecit, qui licet potentissimus sit, hunc tamen in Regnum restituere minime potuit. *Vsbequii* non habent Reges qui hæreditario jure sibi invicem succedant, eligunt sibi duces pro virtute: habitu corporis, moribus & sermonis pronuntiatione ad *Chinenses* quam proxime accedunt.

Kurdestan.

Kurdestan provincia est, in qua agunt populi, qui hodie *Curdi* dicuntur, qui idioma usurpant à vicinis diversum, & crudelissimi sunt latrones; habitant enim castella editis jugis & asperis clivis inædificata. Gens rudis, eleganti tamen corpore & membris bene compositis; nunquam sine armis suis procedunt etiam in extrema senecta, quæ ipsis sunt arcus atque sagittæ, acinaces & scuta: colunt veneranturque diabolum, ne armentis ipsorum noceat, Christianis infensissimi, unde eorum provincia hodieque terra diaboli appellatur; furtis atque latrociniiis infames, in quibus Arabibus nequitiam concedunt: Parent quidem *Turcarum* Imperatori, sed summa cum libertate.

Chusistan.

Chusistan urbes primarias habet *Ahwasam* & *Susam*.

Irac.

Irac præcipuas urbes numerat *Koufa*, *Medain*, *Wasit*, *Bagdat* & *Bashrao*.

Regionis natura.

Quum ergo tot provinciae sint in hoc regno, non mirum est qualitatibus cœli solique multum differre. *Persia*, inquit *Contarenius*, planissima est regio, & valde arida; in multis locis aquæ salis reperiuntur: frumenta & fructus aquæ adminiculo abundanter proveniunt: ab utroque latere imminet montes fertilissimi, qui frumenti & fructuum copiam producant. Pauca tamen pro amplitudine provinciarum, sunt oppida, municipia & pagi, neque ea est incolarum frequentia, quæ omnibus agris colendis plene sufficiat: agri quoque multis locis sunt inaquosi; ita ut necesse sit canalibus & aquæ ductibus illos rigare; unde fit ut juxta rivos & amnes plurimi pagi & municipia visantur. Armentorum & pecorum hic magna est copia; ve-

rum tauri & vaccæ non sunt ea mole, qua in Europa nostra; oves vero longe grandiores & obefiores, habent enim latissimas & obefissimas caudas, quarum adipēs *Persæ* liquefaciunt, & utuntur loco butyri: licet neque butyrum hic desideretur, quod excoquere solent, ut melius conservetur, in utribus è tergoribus factis, durat enim hoc modo in septem octove menses; ignorant enim illud sale condire. Panem habent optimum: Caseos multos, qui recentes haud mali sunt, sed falsi & qui brevi tempore ita siccantur, & indurantur instar lapidum: ita ut mirentur summpere nostrates caseos, tam longo itinere huc traduci posse incorruptos. Abundant quoque lacte & sero. Pisces quidem habent multos, sed nostratibus longe deteriores, sunt enim spinosi, & sapiunt coenum, quia fluvii hic minus sunt alti. Arboreos fructus habent maximo numero, nimirum poma, sed nostratibus minora. *Persica* mala vastæ molis, præcocia cerasa: & similes fructus, præter fraga, quorum loco sunt melones præstantissimi & anguriæ. Vvas habent plurimas & præstantissimas. E mari Caspio accipiunt halices, salmones, sturiones, trutas, & alios pisces, tam sale conditos, quam ad solem induratos.

Gens *Persarum* est candido colore, & formosa, amictu simili fere *Turcico*. Bellicosa est & robusta. Amat libros legere, delectatur arte poëtica, scientiis artibusque speculativis excellit. *Persæ* communiter largissime utuntur opio, quod ipsa sua lingua vocant *Afion*, & per excellentiam *Theriacam*, tanti illum succum coagelatum papaverum solent facere: præstantissimum autem fit è lachrymis capitellorum ipsius papaveris sine ulla alia mixtura: vilius è corticibus aqua ebullitis, quo tenuiores utuntur; quos propterea vocant *Pusty* (à *Pust*. quæ vox papaverum corticem sonat;) sicuti illos qui præstantius illud usurpant *Afiony*: usus autem illius gummi, ut *Persæ* opinantur, primum inventus fuit à principibus & magnatibus, quibus curæ insomnia conciliabant, ad somnum inducendum; quos vulgus, uti fere solet, imitari coepit, atque ita usus illius tandem promiscuus & communis esse coepit. Usurpant & alium potum, qui tamen etiam *Turcis* & aliis Orientalibus valde communis est, quem vocant *Kaoah*; qui fit ex leguminibus, instar minutarum fabarum, quæ ex Arabia petuntur: coquitur in ædibus ad id deputatis; decoctum est spissum, subnigrum, insipidum pene, aut si ullum saporem habeat, subamarum, ita tamen ut amaror vix percipiatur: hauriunt autem calidam sorbillando, & stomacho volunt prodesse, ventositatesque expellere, & appetitum promovere.

Porro

Lingua

Populi
Indoles
& mores.

Porro indigenæ hujus regni (inquit *Texeira*) communiter ab Arabibus appellantur *Pary* & *Agemy*: Leonclavius in Pandectis scribit à Turcis *Aiem Vilaget* & *Aiem Memleket* vocari regnum vel regiones Persarum ac Parthorum; incolas autem rectius Azamios vel Azemios appellari, quod idem sit cum Aiemiis propter affinitatem litterarum I, G, & Z, ante literam E positarum. Schikardus autem opinatur Turcas per ignominiam Persas appellare *Aiem* vel *Agem*, id est barbaros, & non veros Arabes.

Lingua.

Cæterum Persarum lingua etiam pluribus partibus Orientis persamiliaris est; *Texeira* autem scribit tres illius veluti dialectos observari; *Xyrazzy*, *Rostaby*, & *Harmusi*. Prima lingua est ornatissima & elegans, qua utuntur in civitate Xyraz vel Schiras: altera est vulgaris, & impolita: tertia denique est mixta, inurbana, & multis impropriis verbis suffarta, quæ Harmuzi potissimum usurpatur. Præter communem quoque hanc Persicam, habent diversæ provinciæ etiam sua propria & peculiaris idiomata, ubi Persica tantum usurpatur, quemadmodum apud nos Latina. Semper autem in Persia, cingula fuerunt indicia honorum & dignitatum, quemadmodum & hodie: nam è materia & opere illorum cognoscitur cujusque dignitas; summæ enim argumentum sunt aurea, secundæ argentea; idque prout vel gemmis sunt distincta, aut illis carent. Ita ut è cingulis proclive sit judicare, quem quisque locum & dignitatem in aula obtineat. Sponsis tamen cujuscumque sint dignationis, permittitur etiam præstantioribus, nuptialibus diebus, uti, quemadmodum & plurimis, licet hæ quoque nobilitatis insignia censeantur. Forma autem horum cingulorum pene talis est, qualis antiquitus in Castella & Lusitania à foeminis solebat usurpari.

Persæ communiter supra modum sunt libidinosi, neque tantum foeminas ardent, sed & pueros atque adolescentes; infames enim sunt Sodomitæ, vitiumque hoc adeo familiare est, ut Cynedorum greges passim oberrent sine ullo pudore, cum fidibus; solentque in symposia se ingerere & lascivis gestulationibus & choreis convivas delectare, & ad spurcas illas & abominandas libidines provocare.

Venationi atque aucupio deditissimi sunt: atque rapacibus avibus non tantum alias aves capiunt, verum etiam feras, uti cervos, rupicapras, lepores & similes: Norunt enim falcones & similes aves ita instituere, ut se dimittant in capita ferarum inter cornua, atque inde oculos animalium rostro fodiant; & tantisper detineant donec venatores accurrant & irretiant. Ad venationes alioquin non modo venaticos canes, quos longe opti-

mos habent, adhibent; sed & lynces & leones, pardos cicuratos, quos vehiculis in exercitu secum trahunt magnates; tenuiores autem in equis suis super laminas ferreas, ne unguibus suis jumenta possint lædere.

Habent autem hic præter feras Europæ quoque familiares, rupicaprarum quoddam genus, minori mole, cornibus acutis, & recurvis, grandibus oculis & vivacissimis; unde Persæ quum pulchritudinem oculorum foeminæ alicujus laudare volunt, solent dicere ipsi acies esse *Gazal*, id enim huic feræ est nomen. Præterea arietes silvestres, quos suo idiomate vocant *Pagen*: utraque autem fera hæc amat loca aspera: ceterum arietes illi non multum differunt forma à communibus, nisi quod majores sint, corpulentiores atque robustissimi; adeo ut dimidiam colubrinam æneam facile loco moveant. Cornua habent longa quidem, sed secundum dorsum expansa, singulari naturæ beneficio; nam hoc pacto se de petris præcipitant sine noxa, quod ipsis familiare est, quum à venaticis canibus urgentur.

In Persia uti & in plerisque partibus Orientis habent plurimos Medicos, tam methodicos quam Empyricos; illos vocant *Akym*, hos autem *Tabib*: Illi autem sequuntur Hippocratem, Galenum & Avicennam aliosque; neque medendi modus à nostrorum differt, nisi quod rarius venam secant. Porro Persæ adeo addicti sunt Medicinæ, ut præter pharmacopolia publica, quæ plura sunt, (habent enim singuli Medici fere singula) etiam qui re paulum sunt lautiori ut plurimum domi instructissima habeant, omnis generis simplicibus; adeo ut nostratia pharmacopolia non raro superent, præstantissimis simplicibus, quibus nostra plerumque carent, uti vero Amomo, Rheubarbaro, Spica, Sene, Costo, Castoreo, Turbit, &c. Solent quoque Persæ honoratiori nomine Medicos appellare *Mulab*, id est magistros, quod nomen & in religione & aliis scientiis usurpatur. Est autem vox Arabica, quam Africani efferunt *Muley*, licet apud illos majoris jam sit dignationis. Observandum autem id nomen à Persis tantum tribui liberalium artium & scientiarum magistris; nam Mechanicis dant nomen *Osta* sive *Ostad*. Habent præterea & foeminas, quas vocant *Dayah*, quæ foeminis & infantibus solent medicinam facere; nec facile alii Medici ad foeminas aut infantes advocantur. Persæ plures ducunt uxores, quanquam inter nobiles numerus illos gravat, inter plebeios facit eminere, permittuntur autem usque ad septem, facili repudio. Nobiles maxime distinguuntur à plebeis, redimiculis capitum; ipsis enim solis licet usurpare duodecim illas plicas, quas primus Suphy Tulban-

Tulbanto addidit, vocant suâ lingua *Tachi*.

Vestes eorum ut plurimum sunt diversorum colorum, & fere sericæ; panni enim serici ibi vili precio veneunt; ita ut holoserici ulna decem regalibus venundetur, & cæteri ad eundem modum. Panni quoque linei vel potius gossypini tanta copia ex India inferuntur, ut vilissimo precio haberi possint.

Nobiles valde additi sunt magicis scientiis, & scientiæ imprimis quam vocant sanctam, quæ ex Alkorano hauritur; unde hic plures habent Alfaques & Professores, qui publicis stipendiis in singulis pene urbibus aluntur.

Ædificia omnia fere sunt è lateribus structa; non pauca quoque lignea; universa autem ut plurimum habent hortos.

Duo hic minime prætereunda sunt, ritus publici nuptiarum, & sepeliendi mortuos; in quibus Persæ aliquid habent peculiare.

Ritus nuptiarum.

Sponsalia quidem & nuptiæ hic celebrantur ad hunc modum; Adolescens jam nubilus, & conjugari affectans, per parentes, aut, si illi desiderantur, per proximos agnatos inquiri curat virginem aliquam ætati & dignitati suæ convenientem, neque enim virgines hic vulgo videntur à maribus; & ubi conditio placet; per patrilos suos, qui circumcissioni illius adfuerunt, virginem à parentibus facit postulari; ubi autem jam inter partes convenit, auspiciato die prodit sponsus, cum amicorum magno comitatu in equis, pro dignitate ornatus: & sponsa ad eundem modum, faciem & totum corpus peplo quodam velata, & dextro tantum brachio nudo & exserto; & postquam palam in conjugium disertis verbis consenserint; eo comitatu deducuntur ad ædes *Cady*, ubi coram *Mulab* denuo interrogantur, de consensu tam parentum, quam contrahentium; qui ubi annuerint, nomina conjugatorum, dies & hora à *Cady* pariter atque mutati referuntur in commentarium, & manus testium copulantur, & iuramentum præstatur in nomine Dei, Mahumetis & Aly. Hinc eadem pompa deducuntur ad ædes sponsæ, & post choreas & symposium introducuntur conjugati in conclave nuptiale; postquam sponsa ante in balneo se abluerit; sponsus autem postquam sponsam cognovit mane intrat balneum, & nova nupta rursus vespere; atque porro ad octiduum. Addit Ioannes de Persia, mares & foeminas separatim choreas ducere; & prima nocte, vetulas quasdam conclave ingredi, & linteum proferre sanguine maculatum, quod sponsi cognatis ostendunt; sin contra accidat, sponsum cum cognatis se subducere, & sponsam repudiare. Observant etiam conjugia hic iniri ad certum tempus, quo absoluto, conjugati liberi sint à vinculo matrimonii.

Sepeliendi ritus & pompa variat pro mortuorum conditione & dignitate. Ioannes de Persia scribit, primæ dignitatis ad huc modum inhumari. Præcedunt cadaver omnes domestici, corpus nudi usque ad cincturam, & brachium dexterum vulnerati, ita ut largus sanguis emanet, inter quos & filii atque hæredes defuncti. Cadaver autem trahitur funibus à ducentis hominibus, qui orationes fundunt Mahumetæ. Hosce autem præcedunt viginti adolescentes, qui bini humeris bajulant sedile sumtuosum, & Alkoranum alta voce intonantes. Hos quoque antecedunt plurimi cum ramis viridibus, & imaginibus & corollis florum, & variis fructibus pro anni tempestate. Agmen claudunt equi defuncti, cum armis atque trophæis illius, qui ducuntur ab equitibus, ad eundem modum nudatis & sauciatis. Cum hac pompa adeunt fontem aliquem, ubi cadaver abluitur, & munda sindone involvitur; & revertentes versus monumentum, elargiuntur omnis generis annonam pauperibus. Inhumato autem cadavere eodem ordine & pompa regrediuntur in oppidum: cognati denique anno pene integro statis temporibus accedunt monumentum ut defunctum plangant.

Verum tam inopum quam opulentiorum cadavera statim abluuntur, ac munda sindone involvuntur & ad sepulcrum deducuntur tam extra quam intra oppidum, cum confuso multorum hominum comitatu: nisi quod milite aliquo aut tribuno defuncto, omnes illius equi insigni pompa, armaque præstantur; & tympanis atque aliis musicis instrumentis accinatur.

Arma Persarum quibus ut plurimum in bello utuntur, sunt machæra, lancea, & arcus atque sagittæ: machæræ tamen usus ipsis est familiarior, quam cæterorum armorum. Nonnulli bombardas tractant, quibus ab Ismaële & primis Tamasi annis sunt assuefacti. Plerique ferreis thoracibus, atque galeis, quas globuli tormentarii vix penetrant sese muniunt. Reperiuntur, qui equos armis solidissimis & optimis contegunt. Equi apud eos reperiuntur generosi, qui Persicorum, quos Strabo pro Regibus in Armenia asservatos fuisse scribit, naturam imitari videntur. Velocitate cursus, robore & ferocitate in acie præstant, & facile quævis addiscunt: non ephippiati, sunt mansuetissimi, armati vero bellicosi, & facile sefforis imperium patiuntur, unde mirum non videtur, quosdam eorum mille, alios mille trecentis aureis venditos fuisse.

Qui militiæ nomen dant, nobili plerique orti sunt prosapia; quibus fere innatum est, fugare potius alios quam fugari. Quos si cum Turcarum exercitu compares, qui plerumque

Ritus sepeliendi mortuos.

Arma Persarum.

que è multarum regionum convenis & miscellaneo, inutiles ac vili hominum genere, fugæ & rapinæ dedito, constat, merito his illos præferes. Ipsos Persas quod attinet, ut plurimum ingenio vafro præditi, insidiis & fraudibus alios student circumvenire: fidei minima ratio apud illos ducitur, quo vitio fere cuncti barbari laborant: Imperii sunt impatientes, novitatis studiosi, quod malum Persæ quovis tempore in sinu fovisse videntur, unde non modo Regibus à subditis, verum quod detestabilius est, parentibus ab ipsis filiis fractæ fuerunt insidiæ.

Nulla autem re magis deterrentur Persæ, quam catapultis ignivomis & bombardis: & tamen iis ipretis munimenta castrorum hostilium sæpius aggredi, & tentare subitis excursionibus audent. Sed tormentorum usum ipsi nondum exacte didicerunt, idque potius ex cæca quadam ambitione, quam quod piaculum ducant contra hominem tam crudele armorum genus usurpare: vel quod arte aut materia, è quibus illa conflantur, destituantur.

Religio.

Sunt autem Persæ inimicissimi tribus Mahumetis prophetæ sociis, *Ebubekur*, *Omeri*, & *Osmani*; studiosissimi autem quarti, videlicet *Alis*. Tradunt angelum Gabrielem, quum è coelis in terras portaret Alkoranum Ali reddendum, errore quodam Mahumeti obtulisse: Deumque velut ea re nequaquam offensum, plane nihil obloquutum fuisse, ut qui Mahometem tali quoque dono gratiaque dignum videret. Sectatores sunt religionis à doctore quodam eis traditæ, cui nomen fuit *Sceiches Haidar*; & quidam ex ipsis alterius quoque doctoris vestigiis insistant, quem *Imamum Harustim* appellant. Hi duo doctores vel Imami extiterunt in urbe Persarum Reza, quo tempore vixerunt Erdebil, Chassanis Scachi Persarum gener, & Scachus Ismael, ejus nominis primus, Erdebilis filius, Vissun Chassanis è filia Martha nepos. Quumque doctores hi tam concionando, quam scribendo sua proposuissent dogmata, duo illi principes Erdebil & Ismael, pater & filius, eorum doctrinam amplexi sunt. Ac filii quidem, Sophini cognomento, ea felicitas fuit, ut novæ religionis, quam Sophinam vocarunt, fama confluentibus ad ipsum parvis initio, deinde majoribus hominum copiis, tandem prælio victos Persarum reges, Iacupem avunculum suum, ejusque filium Alvantem, occiderit; ac sibi regnum subjecerit, ad posterum etiam dignitate regia in hunc usque diem propagata. Nihilominus illi duo Persarum doctores, non Osmanicorum duntaxat, verum etiam aliorum Mahumetanorum execratione damnantur, tam in Barbaria vel Africa, quam in latissimo Tartarorum regno.

Asia.

Regnum Persarum plane monarchicum *Regnum.* est; nam penes unum regem universa est potestas, tam in sacris, quam in profanis; quum & se supremum sacerdotem ferat, & unicum legum ferendarum & abrogandarum dominum. Regem vocant *Xa* sive *Patxa*, id est regem. Minus accedit regnum ad tyrannidem, quam Turcicum, nam non tantum nobilitas hic maximi fit à regibus, sed & plures in hoc regno sunt Principes, licet vasalli, qui & opibus & potentia excellunt: inrer quos haud infimum locum obtinet dux Schiraz. Hisce autem vulgo tribuitur nomen Chanis vel Hanis, C aspiratione forti, id est principes.

Neque tamen Reges hisce semper obnoxii sunt, licet temporibus Codabendæ regnum in diversas partes distractum fuit, collapsatum imperii majestate: nam ut Petrus della Valle testatur, Rex Abas, ne quidem ut consiliariis illis utebatur, sed pene omnia per se solus ordinabat: nonnunquam autem in gravissimis negotiis, pro libitu hujus aut illius consilium requirebat; neque tamen sequebatur, nisi quod ipse maxime probaret.

Tamasus (inquit Minadous) filio suo Ismaeli, qui ei in imperio successit, septuaginta reliquit præfecturas, quarum Præfecti Sultan & Chan (quæ nomina Bassis quoque Turcarum conveniunt) vocantur. Horum quilibet urbem quandam præpotentem, quarum septuaginta erant, regebat, & in alias urbes minores, arces, & oppida, jurisdictionem absolutam habebat, unde exercitus colligi & milites conscribi poterant. Quæ autem hæ septuaginta urbes fuerint, quibusque nominibus insignitæ, absque summa difficultate plene scire nemo poterit; attamen præcipuarum quarundam nomina, quæ nobis innotuerunt, ponemus: Sumachi scilicet, Sechi, Eres, Servan, Derbent, Caracach, Ardevil, Tauris, Reivan, Genge, Hispahan, Masanderan, Gheilan, Heri, Cassan, Schiraz, Starabat, Chilmimar, Candahar, Iesd, Sapanec, Sultania, Bargo, Com, Coran, Seva, Casbin, alia. Harum ut dixi imperium in alias quoque urbes minores, arces, oppidaque sese extendebat. Hispahan à duodecim Sultanis gubernatur, Casbin sive Arfacias Rex præest cum tribus præfectis. In Heri sunt alii tres præter Abas Mirza, & totidem in Candahar cum Rustan Mirza. Hæc ille.

Porro quoad civile regimen, justitia hic *Regimen.* satis bene administratur, & crimina severe admodum puniuntur, & exquisitissimis atque adeo crudelibus suppliciis crimina graviora, imprimis autem adulteria, quæ in gente tam luxuriosa, & ea sæminarum impudicitia non nisi frequentia esse possunt: deinde furta etiam minima; postremo autem latrocinia in

Y

agris

agris perpetrata; unde fit ut itinera etiam in vastissimis & incultis regionibus hic tutissima esse prædicentur. Accepi à quodam oculato teste, aliquot exquisita supplicia furibus & latronibus irrogata, quæ vel audita horrorem incutiant. Hanc autem severitatem in castigando, & crudelitatem in plectendo in hoc regno pernecessariam esse, astruit Petrus della Valle: Scribit enim hanc esse populi huius ferociam, ut non nisi ferrea virga facile possit coerceri. Non esse autem mirum nobis hæc supplicia atrocia atque crudelia videri; verum (inquit) ego, qui leges eorum & ingenia gentis perspexi, & gentis obstinam duritiem, severitatem illam facile necessariam esse judicavi: nam populi isti nequaquam metuunt communem mortem; neque supplicia apud nostrates usitata, sed exquisitis suppliciis à maleficio deterrendi sunt.

Vnde fit, ut furta, & homicidia casu interrixandum commissa, hic quoque uti apud nos capitis supplicio plectantur: verum cædes clandestinæ, aut latrocinia in viis publicis aut in agris facta, raptus item, aut alienarum uxorum violentæ corruptiones, imprimis honestarum stupra, pauperum oppressiones, enormes itidem fraudes contra fidem publice datam; rebelliones, crimina maiestatis, & similes graves excessus, atrocissimis poenis coercenda sunt; neque enim aliter ab iis absterrentur Persæ, in omnia vitia proclives. Quare assassinis hic ventrem discindunt; alienarum uxorum stupratoribus violentis, membra amputant genitalia; adulteras de alta turre præcipitant: atque ad eundem modum enormia scelera horrendis plectunt suppliciis.



M A G N I
M O G O L I S
I M P E R I V M.



Imperium Magni Mogolis, quod quidam Indiam veram indigetant, longe amplissimum est; sunt qui vix biennio caravanâ obiri posse referunt. Sunt ad ortum regnum Maugh; ad occidentem partim Persia, partim Oceanus ad meridiem declinando; ad septentriones Caucasus atque Tartaria; ad meridiem denique regnum Decan, & Sinus Gangeticus, hodie *Golfo de Bengala*. dividitur in septem & triginta largas provincias, quæ superioribus seculis pene singula regna fuerunt; sunt autem, ordiendo ab occidentali limite;

Kandahar, cum metropoli ejusdem nominis; hæc provincia versus Corum jacet, & dividit fines cum Persia, cujus hodie est pars, postquam Xa-Abas Rex Persiæ illam rursus Mogoli eripuit.

Kabul sic dicta ab oppido principali, extrema hujus imperii provincia, versus Corum sive arctum fines jungens cum Tartaria: In hac fluvius *Nilab* oritur, qui versus meridiem descendit, donec cum Indo se conjungat: dubito an hic idem sit cum *Behat*, quem supra ex Petro Texeira juxta Kabul oriri monuimus, & unum esse eorum quinque qui in Indum confluunt. Omnino fuerit Coa aut Suastus Ptolomæo memorati.

Kabul oppidum est longe amplissimum habens arces duas munitissimas, & plurima Saraya progenitorum Regis qui Indiæ nuper præfuit. Ultra hoc oppidum viginti circiter cosarum intervallo jacet *Chare-Cullouru* amœnissima Vrbs, & ab hac totidem cosis *Gorebond* amplissima civitas ad limites provinciae Vsbeck.

Multan à metropoli ejusdem nominis: ad occidentem habens Persiam sive Kandahar, ad meridiem Buckar; atque adeo Indi ripam attingens. Caterum provincia amplissima est, & inprimis fertilis, & mercimoniis valde opportuna, ob tria flumina quæ illam rigant, & haud longe à metropoli confluunt.

Metropolis illius est *Multhan* sive *Moltan*, quæ distat à regia urbe Lahore centum & vi-

Asia.

ginti cosas, per illam iter est mercatoribus, qui è Persia per Kandahar in provincias Indiæ descendunt. Tria ista flumina sunt Rayee, Bahat sive Behat, & denique Sind sive Indus, quæ rapido cursu hanc provinciam secant. Præcipuæ hujus provinciae merces sunt saccharum, quod magna copia secundo flumine Indo versus Tattam navibus deportatur; atque adeo adverso Lahorem. Item gallæ, & opium, sulfur quoque & magna copia pannorum lineorum, & gossypinorum; plurimi denique hic aluntur cameli, & industria incolarum in arcubus conficiendis inprimis celebratur.

Hajacan, sive *Haagickan*; fines habet ad ortum quidem fluvium Indum, ad occidentem Laram provinciam Persiæ. Nullum habet oppidum alicujus nominis; Bolochum sive Balaochum regnum dicitur, de qua gente alibi dicemus.

Bulkor vel *Bulkar*, cujus metropolis appellatur *Buckor Suckor* ad Indi ripam sita, à quo provincia dividitur & mirificè fecundatur: jacet à Tatta ad Arctum paulum declinando versus ortum: ad occasum habet finitimos Baloaches, feram & bellicosam gentem.

Tatta, ab urbe sua principali sic dicta, per quam Indus labens plurimas insulas complectitur, amœnas juxta atque fecundas; rursusque in unum alveum coit ad Synde oppidum, artificum variorum frequentia celebre.

Soret, cujus metropolis vocatur *Ianagar*, exigua quidem provincia, sed opulenta: fines habet ad ortum sive eorum Guzuratten, ad austrum Oceanum.

Ieselmeeere (metropoleos nomen est) fines jungit cum Soret, Buckor, & Tatta, à quibus versus occidentem jacet.

Attack, à metropoli sic appellata, ad ripam fluvii Nilab, qui à Coro descendens ab Indo excipitur, qui hanc provinciam dividit ab Haiacan.

Pang-ab, cujus metropolis est *Labor*, amplissima provincia & fertilis, quippe quæ à quinque illis fluviis, de quibus modo diximus, rigatur, unde & ipsi nomen. Ptolomæus quoque quinque fluminum concursum nobis prodit, Coæ siue Suasti, (nam hi duo amnes paulo supra hanc provinciam

/

con-



confluunt,) Indi, Bidaspi, Rhuadis, & Zaradri.

Lahor longe maxima est civitas orientis, quippe quæ ambitu suo secundum fossam, quæ Regis mandato superioribus annis egesta fuit, & murum qui Selimi auspiciis perductus fuit, xxiv cosas complectitur. Temporibus Potanensium regum tantum pagus fuit, *Multhan* tum florente, donec ab Hamaune amplificaretur. Civitas & suburbium sex cosas in longitudinem patet. Arx regia validissimo latericio muro cincta est, & duodecim aperit portas, novem quidem in agrum suburbanum, tres ad ripam fluminis; plateæ urbis pulchræ & silicibus strata; incolæ illius maximam partem sunt Baneanæ & artifices: ædificia pulchra & edita, ex lateribus affabre constructa: gentiliū pleraque, sex aut septem gradus alta, perdifficili ascensu, securitatis causa ita edita, & ne prætergradientes introspicere queant. Arx sita est ad ripam *Ravee* amœnissimi fluminis, quod in Indum confluit. illud quamplurimæ cymbæ descendunt, sexaginta & plurium doliorum capaces, versus *Tattam* Sindæ emporium, postquam pluviae defuerint: circiter quadraginta dierum iter est, secus *Multhan*, *Seetporen*, *Buchur*, *Raureen*, &c. Flumen *Ravee* ab oriente descendit è montibus *Cassimer*, ut quidam tradunt, & secundum septentrionale civitatis latus labitur. Ad ripam illius intra Arcem, regale Palatium jacet, mediana porta ad flumen exitum præbens. Ab oppido in hoc intratur per amplam portam, & inde per aliam minorem in quadratam aream, in qua excubitores regii agunt; hinc ad sinistram per aliam portam, in interiorem arcem, in qua Regis *Darbar* cernitur, circa quod plurimæ sunt stationes nobilium excubitorum. Hinc in aliam aream penetratur, in cuius medio Regis *Devoncan* visitur cum aliquot cubiculis, in quibus Rex vesperi ab hora octava ad undecimam solet confidere. In hujus ædificii pariete Rex pictus est, transversis cruribus confidens sub magnifico throno, & ad dextram illius Sultani *Poruesius*, *Caroonius*, & *Timoret* illius filii; juxta illos *Sha Morat* & *Dan Sha* regis fratres; secundum istos *Emyrza Sheriff* frater *Can Asom* major natu: (quem narrant adeo opulentum & splendidum fuisse, ut concubinarum suarum, quas aluit supra centum, vestes, quibus semel modo amictæ fuissent, numquam ab aliis contrectari passus fuerit, sed humo defodi jusserit, donec putrescerent: ad hæc quingentos *lychnophoros* (*Massalgeas* vocant) aluerit, adeo ut quum *Agra* domum repeteret, quæ minimum cosam unam ab oppido distat, ne unus quidem cum face sua locum mutaret, sed

viam integram munirent: juxta hunc *Emyrza Rosthan*, quondam Rex *Candahar*; tum *Can Canna*; *Cuttuph Caun*; *Rahia Manifesto*; *Caum Asom*; *Asoph Caun*; *Scheck Fereed*; *Kelish Caun*; & *Rahia Juggonath* (quo defuncto septem illius amicos, cum ipsius sorore & nepote è fratre, in rogam ipsius sponte insiliisse referunt.) Ad sinistram autem Regis *Rahia Boufingh*, qui flabello muscas abigit; *Rahia Ramdas*, qui gladium illius sustentat; *Cleriff Can*, *Mocrib Boucan*, *Rahia Bossu*, *Rahia Ransing*; *Majo Keffo* & *Lalla Bersing*. Quin etiam in eadem porticu ad dextram parietis, in quo Rex ad superiorem modum pictus est, super fores cernuntur effigies Salvatoris nostri & Virginis Matris. Plurima præterea sunt atria & gynæcea in hoc palatio, quæ describere nimis longum esset. Sed una porticus minime prætereunda, in cuius pariete picti sunt Regis *Selimi* progenitores, nimirum *Parens Achabar*, avus *Hamaune*, & proavus *Babur*, qui primus Indiam est ingressus cum triginta proceribus, habitu *Kalenderum*. Extra occidentale arcis latus, trajectus est in adversam ripam, à qua regia via ducit ad *Kabul*; regio autem omnis trans flumen longe est amœnissima.

Siryna oppidum, stagnum habet perpulchrum, & in illius medio ædiculam, ad quam per pontem lapideum quindecim fornicibus subnixum aditur. Ab hoc stagno cosæ intervallo distat hortus regalis, ad quem ducit rivus & semita silicibus strata, quadraginta pedes lata, & arboribus utrimque amœnum in modum septa: hortus ipse quadrata est forma (cujus singula latera supra cosam longa sunt) & lateritio muro incinctus, intus omni genere fructiferarum arborum & herbis floribusque confitus. (Sunt qui annuatim quinquaginta millibus rupiarum elocari scribant.) In medio, ubi viæ latæ à singulis lateribus in crucem coeunt, altis cupressis ad latera tectæ, domus regalis cernitur affabre structa, cum amœnissima porticu, quæ illam ambit, & octo gynæceis; totidemque cubiculis in superiori parte, & in ipso fastigio amœno admodum coenaculo.

Fettipore Sarayum Selimus, qui superioribus annis Indiæ imperavit, struxisse dicitur, ad memoriam conservandam prælii feliciter hic à copiis suis pugnati, adversus primogenitum ipsius Sultani *Cusheroom*, qui hoc loco profligatus fuit. Id accidit hac occasione, uti narrant; *Selimus* quum parentem suum *Achabarem* graviter offendisset, conspectum illius metuens in *Purropiam* se subduxerat, & munitissimum *Halebassæ* castellum interceperat, quapropter *Achabar* nepotem suum *Cusheroom* hæredem imperii scripse-

scripserat. Sed Achabare defuncto, & Cus-heroome nondum satis in imperio confirma-to, Selimus amicorum ope Agræ castellum invasit, & parentis thesauris potitus, filium suum versus Lahorem profugientem insequi-tur, qui hoc loco à copiis paternis fuit profligatus, tandemque captus & in carcerem con-ditus, in quo luminibus fuisse orbatum multi fuerunt suspicati, sed falso, uti postea appa-ruit.

Regio omnis inter Agram & Lahorem bene culta est, Indiæ longe fecundissima, & omnibus rebus abundans; plurimum sacchari producit; via utrimque arboribus septa est, quæ fructus ferunt moris non abfimiles. Sin-gulis quinque aut sex cosis Sarayum occur-rit, à Rege aut aliquo nobilium conditum, in quo iter agentes cubiculum & stabulum fortiuntur; quæ ubi quis occupaverit, à ne-mine extrudi potest.

Cassime-
re.

Cassimere, *Chismeer* sive *Quexmir*, cujus metropolis appellatur *Sirannakar*; hanc flu-vius Behat sive Phat interluit; & variis gyris circum insulas vagatus in Indum se condit; vel, ut ab aliis observatum, in Gangem, quod tamen minus verisimile existimo. Montosa provincia est (fines jungens cum Kabul,) & admodum frigida, (unum & quadraginta gradus distare dicitur ab æquatore versus ar-ctum) licet comparatione regni Thebet, quod illi ad ortum finitimum est, temperata dici possit. Civitas *Delly* quæ hodie incolitur, amplissima quoque est, quippe quæ duas cosas in longitudinem pateat; valido mu-ro cincta, sed qui multis locis ruinam mina-tur; uti & plurima ædificia intra muros jam corruerunt: tam intra quam extra urbem cir-citer viginti monumenta Potanensium Re-gum extant; admodum magnifica. In hoc oppido Indiæ reges coronari consueverunt, quod alibi nefastum putabant. Ab hoc oppi-do ad Regum Potanensium domum venationibus comparatam duæ sunt cosæ; ea à Sultano *Berusa* potentissimo Indorum mo-narcha structa dicitur; ubi inter alia an-tiquitatis monumenta obeliscus visitur al-tissimus, Græcis, ut quidam affirmant, lit-teris inscriptus, & ab Alexandro Magno, ut opinantur, hic collocatus. In variis Indiæ regionibus similes reperiri tradunt, & haud ita nuper circa Fettiorem quendam è solo erutum fuisse centum cubitos altum, qui, dum ad regiam urbem magno molimine tra-heretur, in itinere operarum incuria ruptus fuit.

Bando cum metropoli ejusdem nominis ab Agra versus occasum pertinet.

Malway sive *Malva* fecundissima pro-vincia, cujus metropolis est *Rantipore*; alii præcipuas illius urbes nominant *Vgen*, quam
Asia.

Thomas Roëus Eques Angl. *Malvæ* sive *Mulvæ* metropolin vocat; una ab hoc oppi-do cosa labitur *Cepra* amnis, ad cujus ripam sita est *Calleada* quondam Mandoæ Regum aula; amnis autem hic descendere dicitur in sinum Cambajensem.

Chitor, (cum metropoli ejusdem nomi-nis,) amplum & perantiquum regnum; sed metropolis illius, cujus mœnia circiter decem milliaria Anglica complecti volunt, plane di-ruta est, ita ut tantum rudera centum & su-pra magnificentissimorum templorum, & aliorum pene infinitorum ædificiorum hodie supersunt. Hoc oppidum Achabar Rex Mo-golum, posteris Rannæ eripuit, & exscidit: Princeps autem illius fugiens in asperrima montium, consedit in oppido Odepore, & demum anno cLo lOcXIV coactus fuit Mo-golis imperium agnoscere. Hoc regnum si-tum est à provincia Chandes versus Corum, à Guzuratte versus Boream.

Guzuratte, sive, ut hodie audit apud Lusi-tanos, *Cambaja*, ab emporio quod ipsi fre-quentare solent, provincia Indiæ maritima est, cujus pars, Chersonesi in modum, in ma-re Indicum prominet; utrimque sinum ad-mittens. Urbes illius maritimæ sunt hæ: *Su-ratta*, *Brochia*, *Cambaja*, *Mangorol*, *Patan*, *Diu*, *Kerimar*, *Nagsharii*, *Meubowa*, *Don-gegar*, *Dlasghan*, *Mangerolpore*, *Onnapar*, & *Goga*. Reditus annuos hujus provinciæ ex vectigalibus & tributis produnt esse centum quinquaginta tonnas auri, ut nostrates lo-quantur.

Emporium quod hodie à Belgis & Anglis plurimum aditur, est *Suratte*, oppidum mo-dicum, plurimas, easque pulchras mercato-rum ædes complectens, adjacet arx ampla, muro è fossili saxo cincta, & plurimis bellicis machinis instructa.

Cambaja emporium, à Lusitanis maxime frequentari solitum, situm est in interiori sinu qui austrum adspicit. Urbs duplo major est *Suratte*; triplici muro cincta lateritio; ædifi-cia habet alta & splendida; plateas rectas & silicibus stratas, quæ fere singulæ noctu por-tis concluduntur. In media tria sunt fora re-rum venalium spatiosissima. Emporium ita frequens est, ut non raro ducentæ liburnicæ hic conspiciantur.

Metropolis hujus provinciæ est *Hamed-Ewat*, vulgo *Amadabat*, aut *Amadavar*, urbs Londino magnitudine pene par. Arcem habet amplam & munitissimam. Mercimo-niis inprimis floret; nam fere singulis decem diebus ducenti hinc currus omnis generis mercibus onusti Cambajam petunt. Censen-tur sub ea viginti quinque pagi principales, atque sub his vicissim alii minores bis mille nongenti nonaginta octo; quorum hi illis
A a tribut

tributi rationes reddunt; illi autem metropoli, universus reditus annuus ad sex miliones aureorum, & supra ascendit.

Candish. *Candish*,cujus metropolis appellatur *Bram-pore* five *Burhampur*, quondam regio Decanenſium regum, & à Mogolum imperatore ipſis erepta. Largum eſt regnum & populis frequens, quod fluvius *Tabeth* five *Tapte* dividit in ſinum *Cambajæ* exiens: cum hoc regno fines jungit *Parthaſpha*, mediocriſ princeps, & magno Mogoli tributarius; hæc maxime australis dominiorum illius eſt pars.

Barampore five *Brampore*,quam ſupra hujus provinciæ metropolin eſſe diximus, vaſta civitas, ſed inamœna & ob agri humilitatem, & aëriſ intemperiem valetudine incolentium infamiſ: ab aquilone habet arcem ripæ fluvii incumbentem, qui *Suratten* verſus deſcendit, amplam & bene munitam. In fluvio ſaxum eminet elephanti figuram referens, ita ut elephantos qui aquatum deſcendunt non raro fallat; vulgus *Indorum*, ut fere alia naturæ exquiſita opera, illud veneratur. Duabus ab hoc oppido leucis *Chan-Channæ* potentiſſimi viri hortus jacet, ad quem via ducit arboribus undiquaque veſtita. In ipſo horto ſunt amœniſſima ambulacra & quadratum ſtagnum, muro undique cinctum & arboribus tectum. Ab Angliſ obſervatum invenio, oppidum hoc diſtare ab æquatore verſus arcum gradus viginti octo. Sunt qui iter à *Suratte* ad *Bramporen* ducentis viginti & tribus miliaribus Angliſ definiant recta verſus ortum; & regionem omnem intermediam ſteriliorem eſſe teſtentur. Belgæ noſtri hoc iter definiunt octuaginta miliaribus noſtratibus.

A *Brampore* iter agentibus verſus *Agram*, magni Mogoliſ hodie regiam, primò occurrit via præceps & ſaxoſa per alta montium juga, qui ab *Amadabat* hucſque procurunt; extra hoc iter jacet muniſſimum caſtellum *Haffere* in vertice altiſſimi montis ſitum, quod ampliſſimum eſſe, & quadraginta aut quinquaginta millia equitum continere poſſe memorant; intus & ampla ſtagna ſunt & paſcua,habuitque ſub poſtremo principe *Guzurattenſi* (ut ferunt) ſexcentas machinas bellicas: *Achabar* Mogolum Imperator poſtquam diutina obſidione illud cinxiſſet, tandem deditione accepit. Narrant, in ſtagnis innumeros vermes generatos, ita ut populus aqua hauſta intumeſceret atque diſrumperetur; quæ lues illos ad deditiorem compulerit. Angli notant, à *Brampore* diſtare ſedecim coſas; noſtrates tantum quinque.

Taxapore modicum eſt oppidum, perpulchrum habens caſtellum; fluvius oppidum

lambit, ſed ut cum camelis vado tranſeat, paulum declinandum eſt ad ſiniſtram, ubi cataractes eſt, & alveus fere milliare Angliſ in latitudinem occupat.

A *Taxapore* ad *Mandoa* ſunt tres coſæ; anguſtus eſt trames, qui ſaxoſum & præcipitem montem aſcendit; (montes hîc inter *Aquilonem* & *Africum* producuntur.) Ad clivum montis portæ antiquæ civitas *Mandoa* obvia eſt, cui arx ſuperimpoſita eſt cum palatio: mœnia autem civitatis montem circumgyrant multorum miliarium ambitu. Ad ſiniſtram introitus, in vertice pyramidalis montis muniſſimum caſtellum eminet, & aliis locis decem aut duodecim alia. Duabus circiter coſis intra hanc quam diximus portam, civitas plane diruta eſt, paucis monumentis & templis exceptis, & ingentes ruinæ paſſim viſuntur. Vetus civitas inter ſeptentrionem & meridiem patet quatuor coſas; inter ortum & occaſum decem aut duodecim. Circa urbem ſunt ſedecim ſtagna hac illac ſparſa. Hodierna civitas *Mandoa* perpulchra quidem eſt, ſed veteri longe minor, habens plurima pulchra ædificia è vivo ſaxo condita, & altas portas, quales vix alibi videre eſt. Ingredientibus ab aſtro ad ſiniſtram occurrit pulchra Meſquita, & è regione illius ſumtuolum palatium, ubi quatuor Reges tumulati, in opulentiſ monumentis. Ad latus conſurgit turris centum & ſeptuaginta gradus alta, cum ſuis porticibus & fenestris, egregiis columnis & fornicibus ſuffulta. Ad ſeptentrionalem itidem urbis plagam porta eſt muniſſima, præcipiti deſcenſu, & extra hanc aliæ ſex portæ, omnes bene munitæ & validis muris cinctæ. Ad dextram lævamque murus eduſtus cum ſuis propugnaculis, licet mons ſit difficilis aſcenſu, & à natura ſatis munitus videatur, atque adeo locus nulla vi ſuperabilis. Narrant, *Hamawnen* Mogolum principem, partim vi, partim fraude hoc oppidum eripuiſſe *Shec-Sha-Selimo*, cujus progenitores illud ante annos quadringentos Indiſ eripuerant. Hic *Sha-Selimo* potentiſſimus Rex *Delly*, *Hamawnen* ita proſligaverat, ut in *Perſiam* fugere cogeretur. Vnde cum *Perſiciſ* auxiliariis reverſus, *Selymum* viciffim proelio ſuperavit; qui tamen toto tempore regni illius & bona parte *Achabaris*, in montibus nunc hic, nunc illic latitans, perdomari non potuit. Extra mœnia civitatis ad hanc partem, ampla ſuburbia fuerunt, quorum nunc tantum rudera apparent. A Belgis noſtris obſervatum invenio, *Mandoam* à *Brochia* verſus ortum diſtare miliaria noſtrata quinquaginta; ab Angliſ, miliaria centum quinquaginta.

Berar, cujus metropolis dicitur *Shal-pore* *Berar*. five *Shaphur*, australis quoque hujus regni provin-

provincia, finesque jungens cum Guzuratte & montanis Rannæ.

Narvar. *Narvar*, cujus metropolis est *Gebud*, à pulcherrimo fluvio rigatur, qui in Gangem confluit.

Gualiar. *Gwaliar* sive *Gualeren*, urbs hujus provinciae metropolis, cui & nomen dat, amœnissima est & arce munita: ad orientale illius latus, in vertice ardui & præcipitis montis jacent rudera ædificii, in quo plures viri magni dicuntur humati: ad occidentale clivus arduus & undique præruptus, sex vel plures cosas occupans, & valido muro in ambitu cinctus. Ad ipsum initium tramitis, qui ab urbe ad hoc munimentum ducit, prætorium est, altissimis muris clausum, in quo præsidarii excubant. Ab hoc angustus trames, lapidibus stratus, & dextra lævaque muro tectus ascendit, tribus insuper portis cum suis præfidiis disclusus: ante quartam & supremam portam stat elephantum ex saxo industrie excisi effigies: hæc porta sumptuosissime structa est & viridi & cæruleo saxo: in fastigio aliquot turriculæ eminent deauratæ. Hic loci præfectus habitat, ibidem & nobiles captivi custodiuntur. Tres hujuscemodi carceres Rex habere dicitur. Vnum hoc loco: alterum *Rantipore*, quadraginta cosas ab hoc loco, quod mittit Magnates quos neci devovit, qui plerumque ibidem duobus mensibus custodiuntur, quibus elapsis præfectus arcis eos producit, & in fastigio muri constitutos & lacte potatos, præcipites agit in subjectas rupes. Tertium in arce *Rotas*, in provincia Bengalenfi, quo mittuntur ii qui ad perpetuum carcerem sunt damnati, & rarissime ex illo evadunt. Porro jugum montis ad quem Gualere condita est, fertili est solo, & tria quatuorve habet stagna, & multa pulchra ædificia. Ad latus oppidi quod *Corum* adspicit, compascuus ager visitur longe spatiosissimus, undique muro clausus, in quo pulcherrimi sunt horti & viridaria. Hoc oppidum, cum arce olim limitem constituebat inter regnum *Delly* & *Mandoam*.

Agra Provincia. *Agra* provincia, sic dicta à metropoli sua, quæ haud admodum antiqua est; ab aliis videtur *Purrop* & *Purbeth* appellari; maxima & fere in meditullio hujus imperii sita. Inter *Agram* & *Lahoram*, quæ duæ civitates hodie hujus regni facile principes, quadringenta milliaria Anglica statuunt; regio omnis media æqualis est, & via regia utrimque arboribus tecta, instar amœni ambulacri.

Agra regni Metropolis. *Agra* distat ab æquatore versus arctum viginti octo gradus & triginta, aut, ut alii, quadraginta quinque scrupul. Ante Regis *Achabaris* tempora tantum pagus fuisse dicitur. Iam spatiosissima & populosissima est civitas, cuius plateæ (quæ fere angustæ sunt,

præter illam in qua forum rerum venalium celebratur) populum vix capiunt. Iacet forma semilunari ad ripam fluminis *lemini* vel *Samena*, qui à *Delly* descendit, cui plurima & pulcherrima magnatum palatia imminet, peramœno prospectu, ad sex aut plures cosas in longitudinem: ad eandem & regia arx sita est, totius Orientis maxima & superbissima, quippe pene quatuor milliaria Anglica occupans, undiquaque muro è quadratis saxis structo circumdata; intra quam duplex vallum jacet: interius est Regis palatium & prætorium, aliaque ædificia incredibili magnificentia structa. Urbs ipsa neque muro neque vallo cincta est, sed tantum profunda fossa. Suburbia præterea habet amplissima. Rex *Achabar* hic primum anno cło lxxvi sedem cepisse dicitur, & ad illius munimen & ornatum, aliquot portas molitus fuit, quæ *Madhar Derwasa*, *Tziartzou Derwasa*, *Nim Derwasa*, *Pouto Derwasa*, atque *Noery Derwasa* dicuntur. Porro urbs longe majorem longitudinem occupat quam latitudinem, quia omnes opportunitatem fluvii sectantes, ad ripam substruxerunt. Magnatum palatia hoc ordine jacent: Primò ab arctoa plaga ordiendo palatium *Bador-Chan*, qui *Hasseren* arcem quondam obtinuit: huic vicinum est palatium *Radziæ Bofios* parentis *Ray-Rottangh*, qui quinque millium equitum præfectus *Barampory* cum imperio præfuit: deinceps *Ebrahim-Chan* trium millium equitum præfecti: *Rostom-Kandahary* quinque millium: *Radiæ-Kissendas* trium millium: *Ethegeat Chan* fratris minoris natu *Affof-Chan* quinque millium: *Chazady Chanons*, regis sororis, & quondam uxoris *Madoftar Chan*: *Goulziar Begem* matris regis: *Codhæ Marmet Thahar* duorum millium equitum præfecti: *Codhæ Benziu*, mille: *Ozier-Chan* quinque millium: *Tzoach Poerazis* amplum ædificium, in quo defuncti regis *Achabaris* concubinæ degunt: *Ethebar Chan* Eunuchi, & dum viveret *Agræ* præfecti: *Bager Chan*, trium millium equitum præfecti: *Mirzæ Abouzayth* mille quingentorum: *Affof-Chan* octo millium equitum præfecti, longe sumtuosissimum palatium: *Ethamædaulet*, quinque millium: *Sultani Chrom* principis, & viginti millium equitum, dum pater viveret, præfecti: *Chan-Sian* quinque millium: *Codhæ Abdulhassen* quinque millium: *Rochiæ Sultan Begem* sororis regis innuptæ. Sequitur deinceps regia arx, cujus muri ad viginti quinque cubitorum altitudinem è rubro saxo educti sunt, super locum nonnihil editum; opus stupendum, & amœnissimo in omnes partes prospectu, præsertim ad ripam fluminis, ubi opere cancellato structum est cum fenestris aureis, è quibus Rex certamen Elephantophanto-

phantorum solet prospicere: paulum intra hos cancellos extat Regis prætorium, quod Gussulcan appellatur, quadrata forma ex lapide alabastrite structum, & aureis laminis superbum in modum obductum: sub quo situm est gynæceum (Mahael vocant) Nourziam Begem dilectissimæ superioris Regis Ziangier conjugis: reliqua arcis variis ædificiis occupantur, inter quæ præcipua sunt gynæcea, uti unum Mariam Makany uxoris Achabaris & matris Ziangier: dein tria, quibus regiæ concubinæ concluduntur; quorum unum Lettevar dicitur à die Solis, alterum Mangel à die Martis, tertium Zenisser à die Saturni: nam hisce diebus unum horum Rex solet accedere: quibus & quintum gynæceum accedit, in quo peregrinæ fæminæ aluntur ad Regis libidinem explendam, id Bengaly mahal dicitur. Arcem egressos excipit forum majus, ubi equi, cameli, boves & omnis generis merces venundantur: sequuntur deinceps palatia Mirzæ Abdullæ, filii Chan Azem, trium millium equitum præfecti; Agæ Nours, totidem; Zehennæ Chan duorum millium; Mirzæ Chrom filii Chan Alems, totidem; Mahabot Chan octo millium: Chan Alem, quinque: Radix Bartzing trium millium: Radix Mantzing duorum millium equitum præfecti.

Ad adversam fluvii ripam *Secandra* urbs jacet, eleganter structa, & fere Baneanibus mercatoribus habitata; nam hic fere appellantur merces omnes è Purob, Bengala, Purbet atque Bouten, & Regiæ vectigal pendunt, antequam fluvium trajiciant: hæc quoque urbs pene duas cosas in longitudinem occupat: sua habet palatia magnifice structa, uti Sultani Perwesy & aliorum: viridaria item amœnissima, inter quæ præcipuum est Ethamæ Doulet, patris Assof Chan & Regiæ Nourzian, superioribus annis defuncti, cui hic magnificentissimum monumentum struitur, tanto sumtu, ut decem milliones rupiarum ei finiendo nequaquam suffecturas arbitrentur, qui initia viderunt. In eadem provincia sita est *Fettipore*; ea distat ab Agra duodecim cosas; nobilissima quondam civitas, quam Achabar muro cinxerat, & hic sedem regni collocaverat, quam postea Agram transtulit: murus hodieque superest, sed ipsa urbs pene vasta est, ædes illius collapsæ, & solum in arva & hortos conversum, ut in medio urbis constitutus, non in oppido, sed in agro versari videaris: patet ab una porta ad alteram tria milliaria Anglica, sed noctu hac iter agere valde periculosum est. Suburbia quoque amplissima fuerunt, sed nunc penitus sunt collapsa. Intra portam quæ boream respicit, amplissimum forum cernitur ad milliare in longitudinem, silicibus stratum

& utrumque latus ædificiis septum: ad finem hujus Regia cernitur multis sumtuosis structuris adornata, & supra illam splendidissima totius Orientis Mesquita, ad quam xxv aut xxx gradibus ascenditur, ubi portam habet altissimam & pulcherrimam, quæ è longinquo videri potest: intra quam est area ampla, vivo saxo strata & porticibus undique cincta, cum altissimis columnis è solido saxo & ingentibus laquearibus. E regione portæ monumentum visitur magnificum, in quo conditus sanctus quidam Mahumetanus, ex illorum secta, quos Kalendares vocant, qui suo ære hanc Mesquitam struxisse dicitur. Inferius stagnum jacet, quod solum huic oppido aquam potabilem subministrat, nam reliquæ scaturigines & rivi falsi sunt & insalubres; quæ aquarum penuria Regem compulisse dicitur ut urbem defereret: unde brevissimi ævi intra quinquaginta annos nata & pene extincta. Prius Sykary dicebatur, id est indago, sed Achabar à peregrinatione redux & filio auctus qui post ipsum regnavit, Fetiporen dici voluit, quasi dicas voti compotem. Extra muros versus corum palus jacet duas tresve cosas longa, piscibus atque volucribus abundans, quam fere totam herba tegit, quæ hermodactylos fert; itemque altera quæ Camolachacherin; qui fructus ambo valde refrigerant. Hermodactyli fructus triangulari cortice tectus est, lignosæ substantiæ, & ad singulos angulos acuta spina armatus. Adhuc viridis tener est, & saporis haud ingrati, sed haud dubio frigidissimus. Vulgus Indorum appellat Singarram. Crescit passim, etiam in stagnis circum Agram. Camalochacheri cyathi formam æmulatur, continetque intus sex aut octo veluti glandes, candida membranula à se invicem disjunctos.

Ad eandem provinciam pertinet *Bayana* sive *Byana*, præstantissimo glasto nobilis. Iter ab *Agra* ad hanc ejusmodi est: Ad *Menhaporen* magnum diversorium septem cosas: juxta quod campestre palatium visitur (ipsis Moholl) Regiæ matris, cum suo horto eleganter & amœne culto. Ad Cannovam undecim cosas.

Notandum autem, in itinere ab Agra ad Asmeren, quod hac agitur, intervallo centum triginta cosasum, singulas cosas lapidea columna esse notatas, & ad octonas cosas gynæceum esse constructum sedecim foeminarum cum suis servitiis capax, opera magni Regis Achabaris; qui quum filiis careret, ab Agra pedes incescit ad Assemerem, ubi Hogee Monde Mahumetanus sanctus tumulatus est, quem inprimis venerantur.

Cannowa campestre est oppidulum, circum quod optimum glastum sive *Nil* colligitur,

gitur, ob soli soliditatem & aquarum falsuginem, quarum beneficio, fit ut Nil multo sit friabilius quam quod dulcibus aquis temperatum fuerit & coactum.

A Belgis nostris observatum invenio, *Cannovam* distare à *Byana* versus occasum decem cosas, & sub se complecti hos pagos, Mahal, & Phoubas, qui distant ab oppido duas singuli cosas; Tzourtsouda sesquicosam; Dabet duas; Mahalpore & Garassa singuli unam: Dannachan duas; Bockolyt unam; Barawat sesqui cosam: Zrazewolian sesqui cosam; Phettaporen quinque.

A Cannowa ad *Ouchen* sunt tres cosae; ad *Canderen* coenosum pagum, sex. Duabus ab hoc cosis palatium jacet, quale ante ad singulas octonas cosas à Rege structum fuisse diximus: quadratae formae aedificium est, intra cujus primam portam atrium est Regi Darfany destinatum, cum aliquot cubiculis adjunctis minoris notae; intra secundam ipsum gynaeceum est, formae itidem quadratae: singula autem latera ita disposita sunt, ut quatuor cubacula praebeant regis concubinis, & in universum sint sedecim: in medio autem cujusque lateris & ad singulos angulos sunt patentia atria, quae vocant Devoncam, opulenti auleis strata: in medio totius palatii est Regis cubiculum, & liberrimus ad foeminas accessus, quarum cubacula semper aperta sunt.

Byana quondam amplum & pulchrum fuit oppidum, nunc pene collapsum est, praeter duo Saraya & longam plateam sive Bazar, id est, forum rerum venalium, cum casis aliquot; nam pulchriores aedes aut jam conciderunt, aut ruinam minantur, & à paucis incoluntur. Ab hoc tamen oppido praestantissimum glastum sive Nil quod India nobis mittit, nomen suum accipit: id autem quemadmodum à nostris observatum invenio, conficitur in terrarum tractu, qui xx aut xxx cosas in longitudinem occupat; in quo censentur quinque principalia loca, quae singula plures pagos sub se complectuntur. Eorum unus est *Cannova*, de cujus pagis jam diximus. Alter est *Byana*. Quod oppidum hos pagos sub se numerat: Ebrahamie Dabat, distans ab oppido cosam unam; Ferfo, quatuor; Otchim, sex; Patchiona, quinque; Bizampor, quatuor; Mehepore, quatuor; Tzonova totidem; Pinyora sex; Nau Nava totidem; Beretcha quinque; Azenauhe quatuor; Baziola totidem; Pegaulet quatuor; Gordaha, quinque; Hellec Zeos pene decem; Pehertz septem; Raguwel Khera quatuor; Nimbera septem; Berouwa quinque; Ratziona septem; Indiara quatuor; Tziereer Panna quinque; Birampor quatuor; Catehioera denique quatuor. Tertius

Asia.

locus est *Bassouwer*, distans decem cosas à *Byana* versus ortum, sub quo hi pagi censentur: Wyris distans à *Bassouwer* tres cosas: Ratsoulpor quatuor; Hessauda totidem; Tzerrees duas, Barolu unam & semissem; Ziara tres; Pantha duas & semis, Tzettohe tres; Sonoher, sex; Tsonhery, sex. Quartus est *Hindoun*, distans decem cosas à *Byana*, sub quo censentur pagi; Khera distans cosas duas; Ziamalpoura totidem; Kottopoer, totidem; Haszianepore tres; Sierpoer sex; Tzerroot quinque; Zietwaly & Kardauhe singuli sex. Quintus *Tora*, distans à *Byana* cosas octodecim, qui & aliquot pagos comprehendit, quorum nomina non traduntur.

Sunt & alia loca in hac provincia, quae glastum ferunt, uti trans fluvium Semenam Koheloff, Gorza, triginta cosas ab Agra; sed id Byanensi nequaquam bonitate par censetur, & Europae hactenus non fuit illatum.

Sanbal sive *Sambel* (idem & metropoleos *Sanbal*. nomen) provincia dividitur ad Narvar fluvio Iemini, qui sub oppido Halebasse in Gangem se condit: à quo confluyente haec provincia pertinet ad Corum: haec provincia ab aliis Do- ab videtur appellari, id est interamnica.

Bakar, cujus primaria urbs appellatur *Bi-Bakar*. *kaneer*, ad occidentalem Gangis ripam sita est.

Nagrakut sive *Nakarkut*, montana provincia, & extrema hujus regni, versus aquilonem. Metropolis illius eodem nomine censetur, in qua sumtuosissima capella visitur, cujus solum & tabulatum laminis aureis est inductum: in ea idolum colitur, quod vocant *Matta*, ad quod venerandum multa Indorum millia quotannis confluunt, & particulas linguae suae praecisas ipsi immolant. In eadem provincia jacet *Callamaka*, ad quam quoque plurimi religionis ergo peregrinantur, ubi è frigidis fontibus & duris rupibus, quotidie flammæ videntur emicare, coram quibus barbari & superstitiosum vulgus se venerandum prostermit.

Siba, cujus metropolis est *Hardwair*, ubi *Siba*. Ganges oriri creditur è rupe, quam superstitiosum vulgus, vaccini capitis figuram habere imaginatur; quod animal supra cetera gentes haec maximi faciunt; eoque quotidie amnis illius undis corpora sua abluunt. Montensis est provincia, à *Nakarkut* versus austrum.

Kakares, cujus praecipua oppida sunt *Dan-kakares*. *kaler* & *Purhola*, latissima regio & montana, à Tartaria Caucasi jugis divisa; haec maxime Septentrionalis est hujus regni pars; jacens à *Cassimere* ad Boream.

Gor à metropoli sua sic dicta, montensis *Gor*. itidem provincia; in qua oritur *Perselis* fluvius, qui in Gangem influit.

B b

Pitan

Pitan.

Pitan sive *Peitan*, metropolin habens eodem nomine; *Kanda* fluvijs illam rigat, & in finibus illius Gangi miscetur: montana est provincia, & à lamba pertinens ad ortum.

Kandua-na.

Kandua-na, cujus metropolis est *Kerahka-tenck*, separatur à *Peitan* fluvio *Perfely*: hæc provincia & *Gor* limites hujus imperii claudunt versus *Boream*.

Patna.

Patna, sic dicta à sua metropoli, fertilissima provincia, inter quatuor fluvios sita, quorum *Ganges* hanc ad occidentem, *Perfely* ad orientem concludunt; reliqui duo sunt *Iemini* & *Kandah*.

Iesual.

Iesual, cujus metropolis est *Raiapore* sive *Ragapor*; iacet hæc provincia à *Patna* versus ortum, finesque jungit cum *Bengala* versus *Eurum*.

Mevat.

Mevat, cujus metropolis appellatur *Narnol*, regio montibus aspera, à *Gange* vergens versus ortum.

Vdeffa.

Vdeffa vel *Vdez-a*, cujus metropolis dicitur *Iokanat* vel *Iekanat*, extrema provincia hujus imperii versus ortum, & fines jungens cum regno *Maug*, cujus incolæ ferocissimi sunt & maxime barbari.

Bengala regnum.

Bengala spatiosissimum & fertilissimum regnum, quod à freto *Bengalensi* clauditur ad meridiem, in quod *Ganges* quatuor ingentibus alveis se exonerat. Hujus principales urbes *Ragmebell* & *Dekaka* sive *Daack*: finitima est. *Choromandel* versus *Africum*; pluresque habet portus, uti grandem & parvum, qui à *Lusitanis* frequentantur; *Philipatan*, *Satighan*, &c. Continet plures provincias, inter quas eminent *Purop* & *Patan* sive *Potan*, unde potentissimi Reges quondam nomen habuerunt.

Bengala regnum (quod *Mogoles* superioribus annis subjugarunt & imperio suo adjunxerunt) amplissimum est, quippe quod centum & viginti leucas secundum oram maris in longitudinem patere dicatur, & haud pauciores intra continentem in latitudine. Permeat illud fluvijs *Chaberis* (quem alii vocant *Guengan*, & antiquorum *Gangen* esse judicant plerique) à *Coro*, ut ab *Anglis* observatum inveni, descendens, & quamplurimos alios amnes dextra lævaque & præcipue ab *Arcto* in se recipiens.

Provincia hæc abundat *oryza*, *tritico* quoque, *faccharo*, *gingibere*, *pipere oblongo*, *gossypio*, *serico*; gaudetque cælo admodum salubri.

Regia hujus provinciæ appellatur *Gouro*, proxima huic *Bengala*; ambæ civitates præclaræ & opulentæ: à quarum postrema, an ab ipso regno, sinus ille qui olim *Gangeticus* dicebatur, vulgo jam *Golfo de Bengala* agnominatur. Inter cætera oppida recensentur *Chatigan*: *Tanda* itidem insignis emporium,

circiter milliare unum à ripa fluminis *Gangis* remotum.

Banaras vastum oppidum, ad ripam ejusdem fluminis *Paranaw*, insignis oppidum, latis quidem plateis, sed ædibus humilioribus & è cespite aggestis: amplissimi & nobilissimi quondam regni caput, quod jam non minus quam cætera, *Mogolum* imperio pareret. *Orixa* itidem ad eandem provinciam pertinet, & ipsum quondam regnum, antequam à *Potanensi* & mox à *Mogole* sub jugum mitteretur.

Indigenæ hujus regni, ingenio sunt subtili quidem, sed pravo; mares quippe omnes furtis & latrociniiis; feminae impudicitia & libidine infames sunt; cæterum religione *Mahumetani*.

Iter ab *Agra* ad *Halabassen*, quæ est in *Purropia* arx, instituitur ad hunc modum:

Ab *Agra* trajecto flumine *Iemina*, ad *Ame- puropia diporen* sunt VII cos. hic plurimum glasti conficitur, quod vocant *Cole*, inferioris notæ, quodque aut in *India* consumitur, aut *Samarcandam* & *Cascar* mittitur, nec unquam infertur *Europæ* nostræ. Ab hac ad *Itay*, XI cos. Hic quondam unus *Potanensium* Regum egit, sed nunc oppidum pene dirutum est: in vertice abrupti undique montis castellum jacet, duplici muro cinctum, cujus portæ facies humana insculpta, quam *Indi* superstitione colunt, & multo oleo venerabundi perfundunt.

Ab hoc ad *Chappergat* sunt XI cosæ, hic tam splendidum *Sarayum* extat, ut potius arx quam diverforium esse videatur.

Ad *Meneporen* totidem cos. & secundum *Gangis* ripam ad *Halabassen*, xx. urbs hæc sita est ad ripam *Gangis*, olim *Praye* dicta. Varii *Potanensium* Reges hic frustra conati fuerunt arcem moliri; *Achabar* autem *Mogolum* rex tandem fundamenta illius jecit, & uti ferunt, supra viginti millia operarum in eo plurimis annis exercuit; necdum tamen perfecta est arx. Sita est ad angulum terræ, ubi *Iemina* in *Gangem* confluit; cincta triplici muro, quorum extimus, qui altissimus, è quadratis rubris saxis structus est. In interiori area columna sive obeliscus cernitur, quinquaginta cubitos è solo extans, & longe plures sub terram descendere creditus; magni alicujus Principis opus; *Indi* omnes credunt *Alexandri* esse. Præterea magnificentissimum hic visitur palatium Regis, sub quo in subterraneo antro *Pagodiæ* sunt, monumenta, ut *Indi* vanè credunt, *Babæ Adam* & *Mamæ Hauah* & primæ illorum prosapiæ. Persuasi enim sunt primum hominem aut hic creatum, aut saltem diu egisse; seque illius religionem sequi profitentur. Ad hæc monumenta ex omnibus *Indiæ* provinciis accurrunt, & antequam propius accedant, corpora

Regio
qua à
hore
sus or
& me
diem
cent.

est ita, ut multis locis bis, alibi etiam ter oryzam producat: habent & triticum & alia farris genera Europæis ignota.

Regnum hoc nomen accipit à primaria urbe & Principis regia *Golconda*, Mahumetanis & Persis *Hidraband*; ea distat à Musilipatna vigintiocto leucis illius regionis (quarum singulæ novem milliaribus Anglicis comparantur) sive itinere decem dierum. Civitas & aëris amœnitate, & agri fecunditate nulli totius Orientis urbi inferior. Rex hic palatium habet, ambitu vastum, quippe quod duodecim milliaria Anglica capiat; muris undiquaque cinctum; ædificia omnia è faxo, quorum præcipua multo auro splendent. Quid multa? elegantia & opulentia Principis summa est. Nam elephantorum copia & gemmarum atque opum abundantia cum Mogolum Imperatore certat, regnorum amplitudine superatur. Princeps religione est Mahumetanus, à Persis originem repetens, quorum & sectam sequitur. Gentile illius nomen Cotub Sha, quod à prædecessoribus acceptum servat. Mogolis quidem imperio haud est subditus, majestatem tamen illius anniversariis donis comiter veneratur. Reditus illius annui dicuntur esse viginti laces sive miliones pagodum; pagode autem pondere & valore æquat coronatum Gallicum. Solus quippe dominus est omnium terrarum, easque subditis suis magno pretio elocat.

Castella
Regni
Golconda.

Ad limites regni & in meditullio illius, numerantur sexaginta sex munita castella, quorum singula suos habent præfectos, quos vocant *Naykes* & præfidiarios milites: ea fere editis rupibus imposita sunt, ad quas plerumque tantum unus trames satis angustus ducit; neque quisquam sine expresso Principis mandato in hæc castella admittitur. Ejusmodi rupes vocant Conda.

Horum castellorum unum quod *Conda-poly* appellant, juxta oppidum ejusdem nominis, vasto est ambitu, complectiturque sex castella, quæ alia aliis editiora sunt, continentque singula sua stagna & lucos arborum tam sylvestrium, quam fructiferarum, & arva ferendæ oryzæ idonea: denique præfidiarios ad duodecim millia.

Porro inter istud castellum, & alterum quod *Conda-vera* vocatur, intervallo viginti quinque milliarium Anglicorum, certis intervallis dispositæ sunt turres excubitoria, è quibus per faces ardentes sibi invicem brevissimo tempore obnunciant, quid rerum in provincia geratur.

Adamantum
fodina.

In hoc regno superioribus hisce annis, casu inventæ fuerunt opulentissimæ fodinæ adamantum, ad radices vasti montis, haud procul à fluvio *Christena*, in agro imprimis sterili

& aspero; circiter centum & octo milliarium Anglicorum à portu Musilipatnam. Rex fodinas has solebat elocare pretio annuo tercentum mill. pagodum, ea insuper conditione, ut adamantes omnes pondus decem caratiorum excedentes, in ærarium suum inferrentur. Anno autem cdo 16 cxxxi fossoribus à Rege interdictum fuit, ne ultra scrutarentur: cujus interdicti causam reddunt alii, ne gemmæ hæ nimia quantitate vilescerent; alii Imperatoris Mogolis postulatam, qui per Legatum tres libras (*vyfen* ipsi dicunt) præstantiorum adamantium sibi tributum nomine mitti, Regi Golcondæ imperaverat: sed magis verisimile videtur, nimia fossorum avaritia fodinas jam pene esse exhaustas. Narra- rat enim Wilhelmus Metholdius Anglus, fodinas hæc se adiisse. Improbo labori tum, prout accepit à rerum gnaris, insudabant supra tringinta millia operarum, quorum alii solum effodiebant, alii corbis egerebant, alii aquam exhauriebant longa & permolesta methodo, certis vasis de manu in manum illam sustollentes; nam machinarum pene ignari sunt barbari. Agunt autem puteos rectos in terræ viscera, ad decem aut duodecim orgyarum altitudinem; & egestam glebam (quæ fere rubet, luteæ & candidæ cretæ sive calcis venis permixta) areæ ad hunc usum complanatæ superinfundunt, quatuor aut quinque pollicum crassitie; eamque à sole induratum & arefactam, saxis comminuunt, & filices permixtos eximunt atque rejectant, reliquum pulverem cribrant; eaque opera interdum pauciores, interdum plures gemmas erunt; non raro & nullas, cum temporis & operæ jactura. Effodiuntur in hoc regno & aliæ gemmæ, sed viliores, quarum non est operæ-precium meminisse.

Reliquæ hujus Regni merces sunt, ferrum & chalybs: nam auri, argenti, æris metallis caret. Lapidés Bezoares: gossypini panni omnis generis, præsertim eleganter tincti & picti, in qua arte cæteros Indos excellunt; utuntur imprimis ad hanc operam planta quam vocant Chay; hac perfectissimum & pertinacissimum colorem rubrum exprimunt: Annil, &c.

Fabricantur hic naves satis vastæ (utpote interdum sexcentorum & amplius doliorum capaces) ex optima materie, sed neque tam commodæ, neque ita bello aptæ, quam sunt Europææ: iis navigant commerciorum gratia versus Moham ad mare rubrum sitam, mense Januario, & redeunt Septembri aut Octobri: versus Achinum, Araccan, Pegu, Tanassarim mense Septembri; unde revertuntur mense Aprili.

In Guzuratensi provincia, & ad oram Indici maris, heyms initium sumit calendis Iu-
niis,

niis, & durat in Septembrem. Sub exitum hyemis gravissimæ hic incidunt pluviae, tempestates, & non raro typhones horrendi. Ventus hic constanter sex fere mensibus ab arctoa plaga, totidemque ab australi perflat, paullulum modo varians. Menses Aprilis, Majus, & pars Iunii immodice fervent, donec pluviae ingruere incipiant, ita ut aura remissius flante, æstus corpora graviter offendant & plurimum noceat; sed Dei beneficio, ventus hic vehementer perflat, ita ut æstum egregie temperet: sed hoc habet incommodi, ut non raro siccis mensibus pulverem & arenas sustollat, & nubecularum instar præ se agat, quæ in homines incidentes magnum detrimentum adferunt.

Ab oppido Suratte & ora Indici maris usque ad Agram, ubi aula regia, non nisi certa anni tempestate pluit, nimirum tribus illis anni mensibus, quibus sol ad Tropicum Cancrici accedit, & ab illo recedit: reliqui novem menses adeo sereni sunt, ut vix nubecula ulla conspiciatur.

Soli qualitas.

Animalia.

Regio fere omnis abundat optimo tritico, hordeo, oryza, & aliis farris generibus: butyro præterea & caseo, ob immensam multitudinem armentorum, pecudum, caprarum & bubularum. In sylvis, quæ hic frequentes, innumeræ vagantur feræ, cervi, damæ, aliæque. Boves & oves magno habent numero. Equorum copia magna est, non modo domesticorum, sed & Persicorum & Arabicorum, quæ præstantissimi judicantur. Habent præterea plurimos camelos, asinos, mulos, dromedares, rhinoceros; in primis autem elephantos: nam rex solus quatuordecim millia alere dicitur; magnates cæteri & nobiles, pro dignitate atque opibus plures aut pauciores, quidam è proceribus centum. Plurimæ hic reperiuntur feræ hominibus infestæ, leones, tygres, lupi, canes, angues, & similia animantia. In fluminibus crocodili; in ipsis ædibus scorpiones. Fructus arborei hic plurimi & perfectissimi; varii quoque plantarum fructus radicesque. Omnes arbores hic perpetuo virent. Multa simplicia, quorum insignis in medicina usus, regiones hæc producant: aromata aliunde importantur, opulentissimo commercio. Metallorum haud expers est solum, ferri, æris, plumbi, & ut quidam narrant, etiam argenti.

Merces.

Præcipuæ hujus regni merces sunt: primo gossypium, & panni qui ex illo texuntur, immensa copia & innumera varietate; quorum quidam ita subtiles sunt & ita candidi, ut Europæos omnes, qui è lino fiunt, superare videantur, aut saltem æquare; singuli autem peculiaria nomina sortiuntur, aut à coloribus quibus imbuuntur, aut à subtilitate atque bonitate.

Asia.

Secundo *Annil*, quod vulgo glastum vocant, tincturæ species toti Europæ jam notissima & usitatissima. Porro herba è qua fit, non absimilis est cicero, foliis ad modum senæ, sed paulo brevioribus & latioribus, ramusculis lignosis instar genitæ: caulis raro ad proceritatem ulnæ assurgit, & tertio quoque anno vix pollicis crassitiem assumit; flos jaceat floribus haud dissimilis est; semen fœnugræci semini nonnihil accedit, utrimque compressum & veluti præcisum, quod Novembri mense colligitur, feritur fere mense Iunio. Herba semel facta triennium durat, & sub finem mensis Septembris, aut initio Octobris, quum pluviae cessant, secatur. Primo anno planta adhuc tenera est, & glastum quod ex illa conficitur, imperfectum est, rubicundo colore, & ponderosum, ita ut aquæ injectum fundum petat & subsidat: id vocatur *Nouti* sive *Moufi*: secundo anno absolutum est, leve & violacei coloris, aquæque inditum supernatat: id peculiari nomine vocant *Cyerce* sive *Ziarie*: tertio anno rursus declinat à perfectione, estque grave & nigri coloris, omniumque vilissimum: appellant *Catteld*. Conficitur autem glastum ex hacce planta in hunc modum: plantam sectam conjiciunt in oblongam cisternam ad id paratam, & multis saxis superinjectis deprimunt, atque diluunt & operiunt puralympha: ita compressa & aqua cooperta relinquitur ad aliquot dies, donec aqua colorem & substantiam omnem herbæ extraxerit & imbibierit: tunc aquam hanc in rotundam cisternam, in cujus fundo alia minor itidem orbicularis structa est, emittunt; bacillis valide eandem agitant, & liquidam sensim despumant; atque id tantisper, donec aqua omnis despumetur, & fæces atque crassior substantia in fundo subsidant. Hanc exemplam super pannos extendunt & siccant ad solum: ubi autem jam paululum indurari coepit, in orbiculos, aut laminas, aut pastillos cogunt; & super arenam porro indurandam projiciunt; nam omnis alia materies colorem ebiberet & vitiaret. Si pluvia inopinato ingruat, perit color & splendor glasto, & hinc ab ipsis *Aliad* appellatur. Præstantissimi glasti notæ sunt, siccitas, levitas, ita ut aquæ innatet violaceus color, & splendor coram sole: & si prunis ardentibus impositum violaceum fumum edat, & quam paucissimos cineres post se relinquat.

In provincia Vtrad colligitur *Salgema*, indigenæ vocant *Genkar*, à *Kar*, quod salem notat, & *Gen* quod hordeum; quia è rore, qui in segetes incidit, concrevit; Lusitani autem vocant *Salgen* & *Salgema*. Spica nardi, Persis & Arabibus *Sembultib*, quasi

quasi dicas spicam odoratam : nam *Sembul* ipsis est spica ; unde & Astronomi Persæ signum Virginis in Zodiaco vocant *Sembul*.

Eadem provincia perfectissimum *Ingu* mittit , Medici & Pharmacopolæ Europæi vocant assam foetidam. Cogitur autem in tribus fere provinciis. Nimirum in Vtrad Indiæ provincia , atque hæc purissima est , neque admodum amara : huic proxima in Persia ad oppidum Duzgun , quod vicinum est Lastano , inter Komron & Laram civitatem circiter xxx leucas ab Ormuzio : tertia itidem in provincia Persiæ, quæ dicitur Karazon. Planta quæ assam hanc foetidam producit , est duorum generum : una est arbutum altum , sive frutex exiguis foliis , quæ non sunt absimilia rutæ, sed hæc planta parce admodum profert : altera est radix instar raphani, producens caules grandes & teneros , cum frondibus figura accedentibus ad folia ficus infernalis; hæc planta alibi feritur , alibi sponte & inculta provenit, amat enim loca aspera & montosa. Cogitur sub finem autumnii, nam æstate exeunte lædunt caules & ramulos , atque ita gummi incipit emanare. Quatuor hujusmodi radices (inquit Texeira, quem hic sequimur) mihi è Duzgun allatas aliquandiu servavi, quum Ormuzii agerem , tam vehementi odore , ut in ædibus vix à quoquam ferri posset, & tam pertinaci , ut octo mensibus nihil de fragrantia sua remitteret. Arabes huic gummi varia tribuunt nomina , quorum præcipua sunt *Haltit*, *Samaktre*, *Hbilheis*, *Zæfa* : Persæ vocant *Inghza* : Baneanes Guzaratenses, quam illi ex Vtrad accipiunt , *Inguh* ; Persicæ autem *Ingara* nomen tribuunt. Guzaratenses assa hac foetida utuntur in omnibus cibis , neque ullum condimentum absolutum putant sine illa : omniaque vasa sua in quibus dapes suas mensis inferunt, eadem inungunt; adeoque illi assueverunt , ut ipsis suavis & boni odoris esse videatur : quum cæteræ nationes ut graveolentem & ingrati saporis abominentur. Opium præterea, quo nationes præque Asiaticæ tantopere capiuntur , maxima copia hic colligitur ; ipsi vocant *Afion* : emanat illud è furculis papaveris incisus : tenuiores vero illius loco utuntur vulgo decocto capitellorum papaveris : quia autem capitella ista vocantur ipsis *Pust* , eos qui decocto illo utuntur, appellant *Pusty*, uti opulentiores, qui opium usurpant, *Afony*. Vsum illius primo introductum volunt Persæ à viris principibus, quibus curæ somnos adimebant: vulgusque sensim imitari cœpisse , ut fere solent : ita ut jam pauci sint, qui alterutro non utantur. Narrat Texeira, se vidisse nonnullos , qui tantopere illi assueverant , ut quum illo destituerentur , emorerentur. Plures ta-

men nimio illius usu læduntur , atque adeo tolluntur: est enim lethale venenum, nisi quis modum adhibeat, & caute illo utatur.

Præterea nitrum sive sal petrosus hic magna copia conficitur , præsertim circum Agram & in vicina provincia , in agris qui aliquandiu inculti jacuerunt , è gleba tam nigra quam fusca, atque etiam subalbente ; sed qui è nigra fit, maxime commendatur. Fit autem ad hunc modum ; effodiunt scrobem satis amplam instar salinæ , implentque nitrosa illa terra ; tum copiosa aqua per canales inducta , improbo labore multorum operariorum plantis pedum pinsunt, subiguntque, donec puliculæ formam & liquiditatem induat; dein post biduum, ubi aqua omnem substantiam nitrosam è gleba in se contraxerit , liquidum omne , in alteram scrobem priore depressiorem & minorem derivant , ut iterum coagulescat ; postea in ferreis patellis excoquunt & despumant, purumque a fœcibus in figulina vasa transfundunt ; & ubi jam quicquid adhuc restat facum, in vasorum fundum deposuerit , & incrassescere cœperit, vasa illa comminuunt, & salem, uti ita dicam , porro ad solem indurandum & siccandum exponunt.

Borax reperitur in montanis *Purbet* , quæ perampla est provincia, parens Rahiæ Bieberom, & pertingens ad fines Tatarorum, quos vocant candidos ; præter Boracem etiam mosci , spicæ nardi, argenti vivi , æris & tincturæ cujusdam , quam vocant *Mirzel* , qua panni elegantissimo colore jecorario sive castaneo inficiuntur , ferax ; quæ merces Dongam perferuntur , quæ distat ab Agra centum & quinquaginta cosas : hæc Mogoli quidem subest, regitur autem à Rahia Biecka. Porro Borax invenitur in loco, quem vocant *Taackelehan* , in fluentis quæ montes *Purbet* permeant , & tandem descendunt in fretum quoddam mediterraneum , quod ipsi vocant *Mcasseroor* ; in illorum fluentorum fundo Borax concrevit instar coralli , exemptusque inditur in sacculos ex agninis pellibus confectos, addito butyro aut oleo, ut melius confervetur.

Denique non deest hic saccharum magnâ copiâ : uti neque variæ gemmæ , crystallus , alabastrites, porphyrius lapis, jaspis, achates , aliæque, quas incolæ eleganter perpolire norunt ; quibus accedunt adamantes , & quas vocant, *oyos de gato*.

Incolæ & indigenæ *Indostan* olim gentiles ^{populo-} ^{rum hu-} ^{ius regni} ^{mores.} fuere & profani idololatæ, communi nomine *Hindoi* dicti , sed postquam à *Temirlane* subjugati , fuerunt Mahumetanis permisti. Præterea hic multi degunt Persæ & Tartari , multi Abyssini & Armenii , & pene ex omnibus gentibus Asiaticis aliqui , atque adeo

ex Europæis. Sunt etiam inter illos aliqui Iudæi, sed contemptim fere habiti. Indigenæ nostratibus statura æquales; & fere erecto corpore; nam pauci aut nulli hic reperiuntur incurvi aut gibbosi. fusco sunt colore & olivastro, nigris capillis; non tamen crispis. Non amant candidos aut formosos, quia hunc leproforum colorem esse dicunt, quales inter illos satis frequentes. Plerique Mahumetani, exceptis sacerdotibus quos vocant *Molæes*, omnes capillos radunt, præterquam supra labrum superius. Omnem comam capitis abradunt, præterquam circa verticem, ubi cirrum relinquunt, ut Mahumetes illo ipsos in cælum attrahat. Vestes marium & foeminarum pene ad eundem modum factæ sunt è gossypio panno; tunicæ utrorumque arctæ ac circa lumbos strictæ, quas ad genua usque promittunt, sub quibus braccas gestant ad talos usque demissas: pedes illorum nudi, quibus calceos inducunt apertos, crepidarum instar, ut facilius demere possint quum ædes suas ingrediuntur: nam solum pro uniuscujusque conditione, aut pretiosis stragulis, quæ hic non minus elegantia quam in Persia texuntur, aut alio viliori tegumento instratum est; cui sartorum in modum insident, quoties aut confabulantur, aut cibum capiunt. Caput subtili panno, candido aut colorato, involvunt, *Sahsh* ipsi vocant; nec unquam illud detegunt, quum superiores suos venerantur, sed corpora sua inclinant, & solo prius dextera contacto, eandem supra verticem capitis attollunt, indicantes licere illis quos colunt vel capita ipsorum pedibus premere. Æquales se invicem salutantes, barbaramprehendunt, & verbis valde opportunis sibi invicem bene precantur, puta *Greeb à Nemoas*, id est, precor tibi orationes pauperum, & similibus.

Fæminæ Mahumetanæ non prodeunt in publicum, nisi tenuioris fortunæ aut impudicæ; capita velant, & capillum à tergo in nodos coactum promittunt: opulentiores plurimis monilibus ornantur; non paucæ quoque unam narium perforatam habent, ut illi cum lubet, annulum aureum cum gemma possint inferere. Præ cæteris mortalibus facillime pariunt: nam non raro uno die uterum gestant, & altero infantem ulnis gestantes obequitant.

Ædes incolarum fere humiles sunt, & desuper planæ, pluribus fenestris instructæ, quibus auram admittunt. Vitra ignorant. Præcipua illorum ædificia è lateribus aut vivo saxo constructa sunt. Tam in urbibus, quam in pagis, ædes frequentibus arboribus septæ sunt, ita ut è longinquo urbes illorum intuitibus, magis nemora & luci, quam opida videantur.

Nulla in hisce regionibus sunt diversoria, in quibus itinerantibus necessaria ad victum præbeantur, tantum in majoribus civitatibus atque oppidis ædes quædam sunt, quas vocant *Saray*, non habitatæ, quæ ab advenis occupantur; sed necesse est lectos & reliquam supellectilem & coquos secum vehere, quibus utantur; uti & tentoria, quæ figunt in illis locis, ubi nullæ ejuscemodi ædes reperiuntur.

Plebei equis, asinis, mulis & camelis vehuntur, tam fæminæ, quam mares; aut interdum vehiculis, quæ tantum duos tresve capiunt, & à bobus trahuntur, desuper tantum tecta, nisi quum foeminas vehunt, tunc enim undique conclusa sunt: hos boves haud secus curant quam equos, & huic operæ ita assuefaciunt, ut viginti milliaria una die absolvant.

Locupletiores & magnates Elephantis utuntur; aut pallanca (ut vocant) quæ veterum lecticam æmulatur, quam bajuli gestant.

Aucupio & venatu plurimum delectantur: canes illorum nostris venaticis non absimiles sunt, sed minores: etiam leopardos ad venandum cicurant, qui saltu feras assequuntur. Aves palustres & fluviatiles miro astu capiunt. Nam avis similis illis quas capere proponunt, exuvias infarciunt ita, ut vera avis videatur, & aquam ingressi, totum corpus demergunt, facie solum excepta, quam ave illa factitia tegunt, atque ita inter avium gregem delati, easdem sub aqua pedibus prehensas capiunt.

Sunt & industrii sagittarii, quippe arcus exiguos è bubalorum cornibus artificiose conglutinant, & sagittas è levibus cannis industrie asperant, quibus volucres etiam volantes ferire norunt. Domi scaccorum ludo plurimum delectantur; habent & chartas lusorias, sed à nostratibus multum diversas. Luctæ quoque & pugilum spectaculo animum explent, aut præstigiatorum, qui angues quosdam circumgestant, à quibus se morderi patiuntur. Denique simiorum & cercopithecorum ludibriis valde capiuntur; quos regio hæc innumeros nutrit, candidos & valde agiles, quique avium nidis mire insidiantur.

In singulis majoribus civitatibus & municipiis, fora rerum venalium bis quotidie celebrantur, semel paulo ante ortum Solis, iterumque paulo ante illius occasum; ubi præter omnia pondere veneunt.

Sole fervente domi desident; opulentiores quoque servos suos habent qui largis coriaciis flabellis ventum faciant & aërem refrigerent: uti & chirurgos suos, qui brachia ipsorum & alia membra agitent ac jactent; quod

quod in orientalibus hisce regionibus est usitatissimum, ad sanguinem commovendum.

Laudanda autem est Mahumetanorum & gentilium fidelitas, qui peregrinis in itinere ita famulantur, ut tutissimo hic passim iter agere possint. Heros suos pedites & armati comitantur: horum opera admodum vilis est; nam singulis lunis præter victum haud supra quinque solidos pro mercede accipiunt. Summam quoque pietatem erga parentes colunt, ita ut ipsi potius fame emori malint, quam ipsos egere.

Sunt tam inter Mahumetanos quam Gentiles quidam notæ fortitudinis atque audaciæ; inter quos agmen ducunt Baloches sive Boloche, qui Hajacan provinciam incolunt ad fines Persiæ; & Patanes in provincia ejusdem nominis in regione Bengalæ. Inter varias gentilium sectas, tantum una est natio, Rasbootes vocant, latrocinii infamis, qui itinerantes sine discrimine spoliant & crudeliter trucidant; iidem sunt & fortissimi milites; reliqui harum regionum indigenæ fere pusillanimes sunt, & magis rixari amant quam pugnare; ita ut Rex dictorio usurpet; unum Lusitanum tribus Indis præstare, & Anglum unum, aut Belgam, duobus Lusitanis.

Naves quæ quotannis Suratte solventes Moham in Mari rubro sitam petunt, ingentis molis sunt, sed neglectim structæ; & licet plurimis machinis instructæ sint, ne sic quidem satis munitæ. Singulis interdum mille septingenti homines vehuntur, qui non tam rei faciendæ gratia proficiscuntur, quam ut Medinam petant, & Mahumetæ sepulchrum venerentur; nam qui hanc peregrinationem semel abolverint, deinceps *Hoggei*, id est, Sancti appellantur. Solvit autem hæc navis plerumque mense Martio, & sequenti anno sub finem Septembris revertitur: breviori quidem & duorum mensium spatio iter hoc absolvi posset, sed pluviis mensibus tam sævi ventorum turbines Indico mari incumbunt, ut non nisi cum summo discrimine tum navigetur. Navis hæc vix aliud quicquam præter aurum & argentum revehit, præterquam quod ab aliis quoque regionibus metalla inferantur, quæ rursus exportare capitale est. Aurum autem omne atque argentum sive factum, sive infectum, hic liquatur & purificatur, dein numismata Persicis literis inscripta, quæ nomen Regis & dignitatem præferunt, cuduntur: nam auro argentoque hic utuntur absolutissimo.

Vulgare indigenarum idioma ipsis peculiaris, facilis admodum est pronuntiationis, scribiturque ab ipsis quemadmodum & apud nos, a sinistra in dexteram. Doctiorum lingua Persica est aut Arabica; sed hi inter

ipsos admodum sunt rari, librorum penuriâ, quos paucos habent & manuscriptos: licet eo ingenio sint & industria, ut si literatura accederet, in omni genere scientiarum multum possent præstare.

Habent aliquot opuscula Aristotelis, quem vocant *Aplis*, in Arabicam linguam versa; Avicennæ quoque, qui Samarcandæ natus fuit in ditione Temirlanis, artes nonnihil calant. Communes morbi apud illos sunt, dysenterici, febres ardentes, in quibus inedia tanquam principale remedium suadent; & lues venerea, quæ valide hic grassatur. Musica quoque delectantur, plurimæque habent instrumenta, quæ aut fidibus pullantur, aut vento inflantur, sed veram harmoniam merito in illis desideres. Versus componunt ad eundem modum, & rerum gestarum annales perscribunt: Astronomia denique inprimis delectantur; nam Astronomis Rex ita fidit, ut non facile quidquam aggrediatur, nisi hi ante obnuntiarint faustum aut infestum fore diem. Sed jam tempus est, ut de ipsorum religione & superstitionibus dicamus.

Incolæ hujus regni (inquit Texeira) divi-^{Religio.}duntur in Mahumetanos & Gentiles; sed harum duæ tertiæ partes fere unius sunt opinionis; licet fere Gentiles omnes sequantur sectam & opinionem Pythagoræ: credunt enim animarum immortalitatem, illasque aut præmium, aut poenam assequi per transmigrationem in alia corpora. Præter hanc plures alias habent opiniones perabsurdas, quas referre pagina prohibet.

In regno Guzeratensi, varii sunt ritus & sectæ incolarum; & quod mirum, vix familiam invenias, in qua omnes congruant; alii comedunt carnem, alii nequaquam; alii comedunt quidem, sed non mactant animalia: alii nonnulla tantum animalia comedunt; alii tantum pisces; alii tantum lac & herbas: plurimi etiam blito rubro, vulgari in illis partibus herba, abstinent, quia sanguinem continere credunt, quem ipsis fundere nefas: non pauci quoque & conservis, quia saccharum albumine ovorum defæcatur. Horum quoque & temporum observantissimi sunt, adeo ut post solis occasum cibum sumere nefas putent. Hi ipsi denique longe supersticiosius, quam ullæ aliæ nationes, ceremonias suas diabolicas observant. Indigenæ Guzeratenses sese communi nomine *Vanean* ferunt, Lusitani corrupte vocant Baneanes. Horum licet variæ & pene infinitæ sint familiæ & sectæ, tamen tres censentur principales, *lon Kah*, *Mexery*, & *Baman*: priores duæ in eo differunt, quod *Mexery* idola habeant, eaque venerentur; *lon Kah* minime, sed unum Deum, principium & finem omnium

nium rerum agnoscant & colant : cætera, connubia inter se jungere & cibum una capere non detrectant. Possident hi populi in meditullio regni Guferatensis peramplam civitatem Byfantagar, & plures pagos in ambitu illius, in quibus circiter xxx mill. familiarum ipforum numerantur; gens olim inops, sed quæ hodie agricultura & animalia pacendo rem familiarem supra fidem auxit, & præsertim mercatura, in qua sunt sagacissimi atque adeo dolosi. Mares colore cutis minus sunt commendabili & subfusco: prolixo capillicio, & caput tecti sindone pertenui coagmentata: corpus dalmatica ad talos usque demissa: foeminae colore sunt candidiore, quem fucis adjuvant purpurantque: coma prolixa & sparsa, quem tenuissima tela operiunt: cæterum nares, aures, suras, multis annulis onerant æneis, aureis, eburneis, pro conditione sua. Matrimonia his laudabilia, coelibatus exosus & infamis: septennēs sæpe nubunt, & decem annos natæ pariunt, præcoci nimis foecunditate & non duratura. Raro autem viri super unam uxorem ducunt, quum polygamia probro inter ipsos sit. Nulli autem harum sectarum animalia mactare, aut sanguinem fundere permittitur. Eorum sacerdotes dicuntur Bramenes aut Brachmanni (qui non multum abludunt à Gymnosophistis, de quibus veteres Græci Scriptores multa prodiderunt.) Horum phantasticam & fabulosam Hierologiam describere longum esset, neque hujus operæ. Pauca delibasse suffecerit. Mundum hunc creatum agnoscunt, & homines primum duos factos, Porum & Parcottam, innocentes, parvo contentos, & ab omni vino, animante & sanguine abstinentes. His ortos Brammon, Cuttory, Shudery & Wifan: temperatura quadruplici, & conditione, Sacerdotes, milites, mercatores atque agricolas: omnes mares, sed qui conjuges nacti sint sui similes, & ex illis propaginem. Cultus idololatricus: ablutiones quotidianæ: versæ ad orientem preces, & similia, ad normam Judaicorum sacrorum expressa, & multis ludicris ceremoniis inquinata.

Reysbuth, Rasbootes vel Raspothes (nam in nomine variant authores) qui à multis seculis oras Indi & regionem adjacentem accoluerunt, sunt gentiles. Arma ipforum sunt spiculum, gladius, & parma in modum alvearis facta, ita ut & camelis suis in ea potum, & equis far præbeant. Equos habent robustos & agiles, quos nullis ferramentis calceatos à primis annis ascendunt. Gens est bellicosa, & inprimis fortis & bello aptissima. Marito defuncto vidua sponte rogo infilit, & una cum ipsius cadavere concrematur; id jam notissimum est.

Hendowines, qui ab Asmere ad arcum

Asia.

& versus Muttan incolunt, itidem sunt gentiles, sed diversis à cæteris institutis; nam neque carne, neque piscibus abstinēt. Nudi preces suas concipiunt, & cibum capiunt circulo conclusi, quem aliis ingredi nefastum putant. Fæminas suas inde à prima pueritia annulis argenteis, æneis & ferreis ornant; brachia quoque eburneis; id inprimis decorum putant.

Gentiles qui Golcondæ regnum incolunt, religionem suam implicita fide hauriunt à sacerdotibus suis, quos vocant *Bramenes*, qui nullam aliam rationem illius reddere possunt, quam se à multis seculis à suis majoribus illam accepisse. Credunt, antiquitus quidem tantum unum Deum fuisse, qui postea alios quosdam semideos sibi assumerit è mortalibus, qui miraculis aut vitæ sanctimonia inclaruerint; his templa sua sive pagodes dicant, & prout cuique allibuerit, divinum cultum exhibent. Animarum quoque immortalitatem & transmigrationem in alia corpora credunt; unde & superstitione à matatione omnium animantium abstinēt. Homicidia & latrocinia quidem caute vitant, in fraudes tamen maxime proclives. Polygamia permixta quidem, sed non ita usitata, nisi ob conjugum infæcunditatem. Adulteria in fæminis puniuntur; Scottationes tantum modestia reprimuntur; nam cætera hic tribum constituunt certæ familiarum, quæ *Bagowaro* dicuntur, & corpora sua promiscue vulgant sine ullo pudore aut metu.

Vulgi in hisce regionibus misera admodum conditio est; nam primo mechanici, qui hic quamplurimi sunt, raro ad majorem dignitatem emergunt; nam fere liberos suos eandem artem edocent, quam ipsi exercent; neque uti apud nos unum opus à singulis artificibus absolvitur, sed à pluribus: & mercedem admodum exiguum dietim capiunt, puta quinque aut sex Taccas, id est quatuor aut quinque stuferos nostrates; unde jugiter famelicum ventrem familiari explent victu, quem vocant *Kisery*; componitur è pisce & paxillo oryza; hæc ita mixta cum aqua foco admovent, & tantisper relinquunt, donec legumina & far humorem omnem ebiberint; hinc cibum fere vesperi calidum paxillo butyri affuso sumunt; per diem autem eadem pisa, aut alia farra tosta mandunt. Casæ ipforum humiles & fere è luto aut cespite, stramine desuper tectæ; supellex admodum rara, aliquot vasa argillacea; lectisternia duo, unum pro viro, alterum pro fæmina; nam conjuges unum lectum hic occupare insuetum; mares ubi eos libido incesserit, foeminas advocant; tegumenta & stragula ipsis rara, & tantum levia, quæ uti commoda sunt quum gravis est æstus, ita

D d

quum

quum acriter friget, miseris non multum profunt; frigori autem mederi conantur foco ante ædes structo, è stercore bovillo siccato, qui ingentem foetorem intolerabilemque fumum in oppidis & pagis conciliat; intra ædes focum accendere ipsis ignotum.

Ministrorum & famulorum hic ingens est numerus; nam nemo est alicujus notæ, qui non plures alat; ii & domi & foris ministeria sua noverunt probe, & tam pertinaciter iis inhærent, ut nefas putent alterius ministerium vel uno digito attingere: Ii nominibus sicuti muneribus distinguuntur: *Seluidares* equorum tantum curam habent; *Billewani* carrorum & armentorum, quibus trahuntur: *Frafi* tentoriorum & aulæorum, quibus tam domi quam in itinere utuntur: *Serruwani* camelorum; *Mabauti* elephantorum: *Zanteles* sive cursores; ii plumas in capite, duo cymbala cincturæ appensa gestant, ad quorum tinnitum passus suos metiuntur; plerumque autem singulis diebus xxv, aut xxx cosas absolvunt; horum diligentia ut dominis sæpe commodum, ita ignavia maximum detrimentum solet adferre, præsertim præfectis provinciarum aut oppidorum; qui si in obnunciando ea quæ in provincia geruntur, tardiores deprehendantur, Regis gratia excidunt, & muneris sui cum ignominia jacturam faciunt. Cæterea ministeria exequi longum esset. Merces horum exigua, nam singulis mensibus tantum tres quatuorve rupias capiunt; emolumenta nonnullorum paulo majora, nam vix quicquam ad usum dominorum suorum emunt, quin pauxillum quid sibi à venditoribus indulgeri postulent; dominis quidem haud ignaris, sed qui, non satis intelligant, se tanto carius emere.

Mercatorum paulo tolerabilior conditio est, nisi quod si quas conquiverunt opes; tacite possidere cogantur, obnoxii alioquin delatoribus, qui veris aut falsis criminibus apud Magnates miseros ita infamant, ut tanquam spongiæ exprimantur, non sine vitæ discrimine.

Magnatum luxum & dapfilitatem explicare perdifficile est, quum hoc solum dent operam, ut, dum licet, omni genere voluptatum se expleant: summus eorum splendor fere intra gynæcea (*Mahal* ipsis) consistit: etenim tres quatuorve interdum & plures uxores ducunt; quæ singulæ in suo gynæceo separatim degunt cum ancillis suis seu mancipiis magno sæpe numero, pro dignitate aut opulentia: singulis in menses singulos sumtus domestici à marito subministrantur, supellex, amictus, monilia, secundum opulentiae aut dilectionis modum.

Maritus autem, prout allibuerit, nunc ad hanc, nunc ad illam, sub vesperam accedit,

jam ante de adventu illius præmonitam: cerant illæ inter se maritum laute, magnifice, & amanter excipere; æstivis mensibus benevolentium unguentorum & liquorum copia, qua corpus & vestes illius perfundunt; servulæ pro se quæque annuntur, ut eidem placeant, aliæ muscas flabellis pellunt, aliæ manus pedesque illius fricant, aliæ cantillant & musica pulsan instrumenta, aliæ denique choreas agunt: uxor confidet juxta maritum, summa modestia nutus illius omnes observans, nec aliter quam Dominum ipsum vocans; omnis generis delicias ipsi exhibens, inprimis conservas ex ambaro, margaritis, auro & opio, (*Mostory* & *Folony* vocant) ut Veneris appetitum augeat: vinum quoque largitur ministrans, donec aut obdormiscat, aut lectum cum ipsa petat: Fit autem non raro, ut in unum è servulis oculos conjiciens maritus neglecta conjugæ, amplexus illius occupet; quam injuriam marito præsentem callide licet conjux dissimulet, tamen postea in servula ulcisci, ubi datur occasio, minime negligit. Singulis uxoribus aliquot eunuchi dantur à maritis custodes, ita tamen ut non raro ovem lupis committant; tanta est fæminarum impudicitia, & horum quoque eviratorum improbitas: quo fit ut fæminæ hæ eunuchos hosce haud secus colant & molliter curent, quam maritos suos proprios. Edificia magnatum admodum ampla sunt; multaque habent atria & conclavia; cæterum secus solum tantum; ipsorum tecta fere plana sunt, ut vespertina aura se oblectent; in areis habent stagnum, & arbores ad æstum evitandum. Cæterum parietes sine calce coagmentati facile se inclinant, nec ævum ferunt: hos calce prius obductos, gypso quodam è viva calce, lacte, gummi & saccharo temperato, tanta industria incrustant, & poliunt, ut speculi instar resplendeant. Supellex præterquam in gynæceis rara, ubi magnam vasorum aureorum & argenteorum videre est copiam: in atriis virorum, præsertim ubi confident, (*divan gana* vocant hoc conclave) aulææ Persica sternuntur, quibus insidentes suos & alios ad salutandum admittunt: salutatio (*Selam* vocant) fit humili corporis inclinatione, & dextra supra caput sublata, ab inferioribus; à paribus tantum corporis inclinatione. Admissi pro dignitate certo ordine ad utrumque latus collocantur: inter sermocinandum summa utuntur modestia, morum magistros dicas, neque vociferantur, aut manibus gesticulantur: si quid alteri dicere necesse est, quod ab aliis audiri nolunt, peplum ori admovent, ne halitum alterius hauriant. Responsum nacti ad id quod quærebant, discedunt, præter amicos aut familiares (qui manent, donec dominus ædium consurgat, vel

vel ad cibum capiendum discedat) aut invitatos. In aulae humi sparso insident, singulis autem à Dapifero (Zatteru appellant) suus discus & portio ciborum, (qui exquisiti ut plurimum & multo butyro conditi, cum pauxillo aromatum) apponitur. Mappas & mantilia ignorant: digitis tantum cibos contrectant: sinistra uti, aut digitos lingere indecorum ipsis: potum nullum usurpant, nisi postquam jam cibos capere absolverint. Hæc communis & usitatissima ipsorum vivendi est ratio. Quod autem de foeminarum impudicia & luxuria diximus, haud ita intelligendum est, tanquam nullæ hic essent pudicæ, sed adeo paucæ sunt illæ, ut numero aliarum obscurerentur.

De regimine politico & civili.

Imperator harum regionum, Princeps plane est absolutus: nullæ hic scriptæ leges; Principis voluntas pro lege habetur; semel singulis septimanis sedet pro tribunali, audique patienter omnes causas tam civiles quam criminales, easque terminat iudicio plane irrevocabili: poenæ quoque capitales ut plurimum ipso inspectante infliguntur in damnatos cum summa crudelitate: atque hæc quidem in urbe regia, aut ubicunque aulam habet. In cæteris provinciis ad eundem modum à præfectis jus dicitur, è delegata potestate per Firmam ut ipsi vocant; qua iidem absolutam accipiunt potestatem in subditos vitæ & necis. Imperator & præfecti provinciarum plurimum iudicant secundum allegata & probata: lites summa brevitate absolvuntur: fontes autem severe admodum puniuntur; nam aut capite plectuntur, aut suspenduntur, aut palo infiguntur, aut elephantis aliisque feris obijciuntur, secundum delicti modum.

Rex ter quotidie se populo conspiciendum præbet: semel post Solis ortum è fenestra (*Iarneo* vocant) quæ patet ad orientem supra portam prætoriam, ubi à multitudine salutatur, ut plurimum hac acclamatione, *Padsha Salament*, id est, Rex vivat. Secundo meridie, quo prodit ad eandem fenestram, ut elephantorum aut aliarum ferarum pugnas contempletur. Tertio paulo ante occasum Solis ad fenestram, quæ patet ad occidentem (*Durbar* ipsis.) Vbi autem Sol occidit, subducit se cum tympanorum & aliorum instrumentorum clangore & acclamationibus populi. Omnibus hisce temporibus si quis supplicem libellum offerat, auditur. A septima autem vespertina ad nonam privatim cum magnatibus consultat in pulcherrimo atrio, quod *Guzelcan* vocant. Præcipui ministri aulae atque adeo imperii sunt Thesaurarius, Præfectus eunuchorum, qui & aulae magister est, Secretarius; Magister Elephantorum; itemque custos tentorium,

& custos vestimentorum & monilium. Habet & præfectum prætorio, quem vocant *Cutwallum*; quales quoque sunt in omnibus civitatibus & oppidis primariis, qui prætorum urbanorum officio funguntur. Cadeæ autem custodes sunt carcerum, qui debitores omnes, qui solvendo non sunt, carcere concludunt, & eorum bona, atque adeo ipsos & liberos eorum venundant, & mancipio tradunt.

Cæteri fere Principes secreto res suas peragunt, hic vero omnia regni negotia palam discutuntur. Ne quidem ea quæ intra conclave peraguntur, curiosos latere possunt, exiguo modò donario scribis illius indulto.

Nemo à Principe quidpiam petiturus ad ipsum admittitur sine munere; quod qualecunque tandem sit, accipit; sæpe etiam remittit, quum displicet, aut ut majus & melius extorqueat.

Cæterum regimen mere tyrannicum est; nam quum rex solus sit dominus omnis soli, pro libitu donat & adimit agros subditis suis: magnates quoque crebro locum mutare cogit, simul cum terris quas ipsis in censum attribuit; tenuiores vero & plebem ita vexat, ut sæpe singulis semestribus agros mutare cogantur: nam aut rex ipse sibi sumit, & deteriores in eorum locum restituit; aut quos uni eripit, alteri donat; quo fit ut regio omnis minus sedulo colatur.

Porro conditio agricolarum hæc est, ut accedant præfectos pagorum, qui in singulis à rege constituuntur, & apud illos profiteantur, ubi & quantum soli ipsis conferere in animo sit, aut ubi pecudes aut armenta pasturi: ubi seges maturuerit, & secta fuerit, regii ministri vocantur, qui in regis usum capiunt pene tres quadrantes omnium frugum. Pro pastura nihil, aut perparum, solvitur.

Arx Agrensis, opus magnificentissimum, & inter ædificia Orientis facile primarium, sita est ad ripas fluvii Gemini vel Iemenæ, tria quatuorve milliaria ambitu complexa, & pulcherrimo & validissimo muro è quadratis saxis cinctæ, cum latissimis fossis & pontibus pensilibus. Habet & vallum cum suis propugnaculis, intra quod sunt munitissima moenia cum suis portis. Ad arcem patet aditus per quatuor portas; quarum una spectat septentriones, quæ ingentibus machinis munita est; altera patet ad occidentem versus forum publicum quod vocant *Basar*, hæc dicitur porta *Cichery*; intra hanc è regione portæ cernitur *Casi* sive Tribunal Principis, ubi causas omnes audire solet, juxta quod collocata sunt tria mortaria ænea vastæ molis. Ex adverso hujus tribunalis est Principis *Cichery* sive atrium, in quo *Wafir* principalis residet, qui census omnes, indulta prin-

principis, diplomata aliaque ejus generis scripta promulgat, & exemplaria illorum custodit. Portam hanc ingressis occurrit platea, undiquaque ædibus & munimentis septa, ad quartam leucæ partem: hanc emensis obvia est tertia porta, quæ ducit ad Regis Derbar; hæc semper catenis clausa est, neque quisquam eam eques intrare permittitur, præter Regem & ipsius liberos. Hæc porta pertinet ad meridiem, diciturque Achabaris Drowage, intra quam est gynæceum scortorum, quorum aliquot centena hic degunt, & à principe aluntur; certisque vicibus parata sunt, quoties à Principe aut illius concubinis vocantur, ut saltationibus & cantilenis familiam Regis oblectent. Quarta porta despicit fluvium; ea dicitur *Derfane*, ducitque in pulcherrimam aream secundum ripas fluvii; in hanc prospicit Rex quotidie, quum Sol primum exoritur, quem salutat ipse; proceres autem hic conveniunt, ut regem salutent, & consistunt in loco nonnihil edito; reliquis Hadys, id est, equitibus & promiscua multitudo in area manente. Hic quoque meridie prospicit, ut spectet Thamashan, id est, pugnas Elephantorum, Leonum, Buffalorum, & aliarum ferarum: id fit quotidie, præterquam die Solis: singulis autem diebus Jovis non modo has pugnas spectat, sed & crudelia damnatorum supplicia. Sed ad tertiam portam jam revertamur. Ea admittit spaciosissimam aream, undiquaque cinctam patentibus atriis, in quibus duces illius & tribuni militares, certis vicibus per septimanas excubant: atria ista vocant *Atescannas*, excubandi vices *Chockees*. Paulo ultra per cancellos intratur in interiorem aream, intra quam non nisi principis nobilitas, & alicujus dignitatis viri admittuntur. Vulgus à custodibus portæ fustibus arcetur. Intra hos cancellos admissis, obvius est Principis *Derbar*, sive thronus regalis; ante quem exigua area cancellis undique cincta, & desuper aulæis tecta est, ut arceat radios solares: supra hanc porticus est, in qua Rex throno insidet, ad quam nemo nisi vocatus ascendit, præter illius filios & summum Vezirium, & duos flabellatores, quos vocant *Punkawas*, ut ipsi ventum faciant, & muscas pellant. Intra hos cancellos non facile admittuntur quam quadringentorum equitum duces. In adversa parte hujus areæ pendent aureæ nolæ, quas ii, qui ab inferioribus Regis ministris nihil æqui se impetrasse conqueruntur, impellunt, atque ita ad ipsum principem admissi, querimonias suas exponunt; sed summo cum discrimine, nisi causa ipsorum admodum iusta sit. Ad hunc locum Rex quotidie prodit inter tertiam & quartam pomeridianam, & multa millia ingrediuntur hanc aream & lo-

cum occupant pro sua quique dignitate; hic manet usque ad vespeream, audit causas, & literas è variis provinciis, Vezirio prælegente; equi atque elephanti coram ipso hic traduntur, & à certis ministris probantur, an bene se habeant. In interiori arce sunt duæ editæ turres, quæ è longinquo conspiciuntur, absolutissimo auro tectæ, una supra illius gynæceum, altera super gazophylacium.

E Derbaro digressus, post duas horas revertitur ad aliam porticum, quæ dispicit in interiorem aream, & gynæceo illius (Mohol ipsis) adjuncta est: ad hanc non nisi magnates admittuntur, idque cum certis symbolis, quæ singulis noviluniis ipsis impartitur: hic poculis indulget certo numero & mensura, non raro ad ebrietatem; atque ita potus interdum horrenda supplicia in reos decernit.

Ab hac area semita ducit ad amœnissimum hortum, itemque ad cymbam, qua fluvium trajicit ad hortum in opposita ripa.

In atria interiora aula regalis nulli mortales intrant præter Eunuchos; concubinae ipsius hic conclavia sua fortiuntur, virilibus armis instructæ; eadem & supplicia in fontes, si qui forte deliquerint, decernunt & capiunt.

Duo præcipue festa in aula magna pompa quotannis celebrantur: exordium novi anni, & natalis principis: Prius festum celebratur ipso novilunio post ingressum novi anni, quem hic inchoant à Martio: vocant *Nourous* sive *Norose*, ad imitationem Persarum; quæ vox sonat novendium, licet hodie octodecim dies duret. In medio areæ ante principis *Durbar*, erigitur thronus quatuor pedes supra solum; qui undique concluditur pretiosissimis aulæis, ita ut quadratum spatium includat *LVI* pedes longum, & *XLIII* latum, similibus conopæis desuper tectum; solum itidem stratum est pretiosis stragulis Persicis. Intra hoc septum admittuntur magnates omnes & summæ dignitatis viri; exceptis præcipuis aulæ ministris, qui alio septo sub throno concluduntur.

Thronus ipse quadratus est, è lignea quidem materie, sed conchis margaritifera artifose variegata; conopeum longe opulentissimum, incumbit quatuor columnis argento tectis, ejus oram ambiunt fimbriæ pulcherrimis unionibus intertextæ, è quibus dependent poma & pira ex auro absoluto, intus cava: Rex insidet pulvinaribus, multis unionibus & opulentissimis gemmis ornatus: reliquum areæ ambitum occupant tentoria magnatum, qui inter se certant opulentia & magnificentia, hic enim quicquid ipsis pretiosi est, exponunt; solebat autem princeps singulorum tentoria accedere, & sumere, quod

quod ipsi maxime allubescibat; nunc vero sedens expectat à singulis strenas.

Sunt & stationes Reginis illius paratæ, è quibus spectant ea quæ geruntur, neque tamen ipsæ conspiciuntur. Iisdem diebus & populo se exhibet è Durbaro, & ab omnibus dona accipit. Denique sub finem festi aulicis magnatibus bene meritis dona elargitur modica, & pensiones atque dignitates nonnullis auget.

Natalem suum celebrat Princeps hoc modo: postquam in palatio bona pars diei, ludicris & festis jocos consumpta fuerit; princeps cum nobilissimo comitatu vadit ad matris suæ palatium, (si superstes sit) magnatefque pro sua conditione & opibus singuli Parenti illius splendida munera offerunt. Dein in aulam reversus & symposio absoluto, concedit in perpulchrum conclave, ibidemque in aurea bilance se appendit contra aurum, argentum, gemmas, omnis generis farra, & alia ejusmodi; & pondus accurate annotatur, & cum pondere præcedentis anni comparatur: postero die res istas omnes pauperibus, aut, ut alii produnt, Bramenibus, elargitur Rex: sed longe majora dona à suis accipit.

Res istas quibus ipse appenditur æstimant pretio decem millium librarum Sterlingensium; eodem die vesperi spargit inter principales quidem proceres, concavas amygdalas ex auro & argento mixtas; inter inferiores autem rupias recenter cufas; & bonam partem noctis perpotat, donec somno vinoque sepeliatur. Thomas Rœus Eques, Magnæ Britanniae Regis ad Principem hunc Legatus, celebritatem & modum hujus appenditionis ita describit: Ductus, inquit, fui in spatiosum & amœnum hortum, in cujus medio tentorium fixum erat, in quo lances pendebant aureæ ad oram variis gemmis distinctæ, à catenis item aureis sed serico firmatis; in ambitu nobiles pretiosis stragulis insidentes regem operiebantur: ille autem advenit plurimis gemmis multisque pretiosissimis monilibus, magis oneratus quam ornatus, & inclinavit se in unam lancium decussatis cruribus confidens: atque hic primo in alteram lancem ingesta fuerunt aliquot sacci pleni argento; & pondus illius observatum novem millia rupiarum; quod pene ad mille libras Sterlingenses accedit: dein sacci pleni auro

& gemmis, uti ferebant: tertio varii panni auro intertexti, serici, gossypini, atomata & aliæ merces itidem in sarcinas conclusæ: postremo farina, butyrum, & alia farris genera: Atque annonam hanc, uti & pannos, ajunt in Banianes erogari, licet nihil tale viderim fieri. Argentum autem omne servatur in usum pauperum, quod ab ipso Principe toto sequenti anno, vesperi fere in ipsos benigne admodum confertur. Rex ita appensus ascendit Thronum suum, & è patinis spargit inter magnates & nobiles, nuces, amygdalas, aliosque fructus ex argento ita subtiliter factos, ut credam mille ejusmodi xenia non appendisse sexaginta rupias; certe pondus viginti rupiarum, quod reservaveram, largam patinam implevit: ita ut, ratione inita, non existimem, ipsum, eo die, in totum supra centum libras Sterlingenses sparsisse. Denique noctem ipse totam potando cum sua nobilitate exigit.

Omnis nobilitas regni ab ipsius favore inchoatur, & incrementum accipit. Nobilium & Magnatum dignitas & census numero equorum distinguitur: summus numerus est duodecim mille equorum; ejusmodi fere sunt quatuor, præter filios Principis & uxorem: atque hic numerus sensim descendit ad viginti. Non quod tot equos alere ipsis necesse sit, sed Rex assignat ipsis tantum terrarum, ut ex iis tantum censum colligant, quo tot equos, si necesse sit, alere possint, computatis in singulos equos quotannis viginti libris Sterlingensibus: ita ut census universus qui à Rege donatur, ad incredibilem summam ascendat. Verum quum isti nobiles moriuntur, tam quod à Rege ipsis donatum, quam quod propria industria acquisiverunt, id omne ad Principem revertitur; haud secus quam fluvii omnes sese exonerant in mare: ut plurimum autem Rex viduis & liberis relinquit equos & suppellectilem, iisque dignitatem aliquam attribuit; puta si maritus aut pater Ducatum obtinuerit quinque millium aut plurium equorum, filio fortasse mille aut mille quingentos assignabit; prout de ipso postea bene meruerit, plures addens, aut deducens. Nulla autem re magis gratiam Regis merentur quam opulentis donis, quibus nobiles inter se certant, ut Regem sibi devinciant.

I N D I A.

Termini.

Partes
duæ, intra
& extra
Gangem.

India totius orbis terrarum pars nobilissima est, & sub unius nominis appellatione maxima. Ab occidente Indo fluvio, unde nomen habet, & mari Arabico; à septentrione, Tauro monte; ab oriente, mari Eoo; ab austro, Indico clauditur. Dirimit eam, quæ priscis seculis nota fuit, in duas partes flumen Gangis, quarum illa, quæ orientalis est, India extra Gangem; quæ vero occidentalis, India intra Gangem veteribus dicta fuit; recentiores hodie *Indo-stan* vocant.

Non solum incolarum frequentia, urbium oppidorumque multitudine aliis terris præcellit, verum omnium penè rerum ubertate, quas terra homini vel ad necessitatem, vel ad voluptatem sufficit. Magnis parvisque passim fluminibus irrigatur, quæ accedente Solis validissimo calore, solum omne mirè fecundat. Aromata, gummi, succosque fragrantissimi odoris, gemmas pretiosissimas, sericumque & byssum aliis orbis regionibus liberaliter impertit. Hisce temporibus sub Indiarum nomine comprehendimus omnes illas terras, quæ ab Indo fluvio orientem versus ad usque mare Eoium se extendunt.

Regna.

Dividitur autem in plurima regna, quarum præcipua sunt, terra *Mogolensium*, *Decam*, *Malabar*, *Narsinga*, *Orixa*, *Tpaomsi*, *Aracan*, *Quedam*, *Malacca*, *Pegu*, *Siam* & *Cambodja*. Præterea tot passim Insulis conspergitur mare, ut Archipelagus esse videatur, & Insularum mundus. Inter has familiam ducunt Insulæ *Maldive*, *Zeylon*, *Sumatra*, *Iava*, *Borneo*, *Celebes*, *Mindanao*, *Philippina*, *Banda*, *Amboina*, *Moluccæ*, *Aynam*, *Pakan*, *Iaponia*, (quæ sitne continens, hætenus ignoratur) aliæque fere innumera-biles.

Regnum
Magni
Mogoli.

Occidentalem Indiarum partem tenet *Magnus Mogol*, inter potentissimos totius Orbis Principes nulli secundus. Regnorum, quæ sub illius sunt imperio, descriptionem juxta tabulam eorum particularem modò vidimus. Quamobrem hic plura referre supervacaneum duximus.

Decam.

Decam ab austro regno Malabarico contermina est, ab oriente regnis *Bisnagar* & *Orixa*, à septentrione *Cambajæ*, ab occidente verò Oceano alluitur. Dividitur in regiones hæc: *Cuncam*, *Canaram*, & *Ballagua-*

tem, quæ postrema à montibus istis constituitur, qui *Orixa* ex adverso aspiciunt. Atque hi quidem montes, non more aliorum montium, prærupti sunt, & in fastigia ac conum ascendentes, sed plani pascuorum more. Ideo Indis *Bellaguante* dicti. Nam, *Balle* supra, *Guate* verò, montes ipsorum lingua significat. Totam regionem Lusitani *Decam* indigetant, populum verò *Decanques* & *Canaras*. Metropolis regni est civitas *Beder*, aulæ regis sedes. *Goa* emporium est celeberrimum, non hujus solummodo tractus, sed & Indiarum totius. Domicilium hic suum habet Lusitanarum Prorex, Archiepiscopus, necnon Concilium & Cancellaria Regis. Nec aliunde, quam ex hoc loco, imperia legesque accipiunt reliqua, quæ Regi Lusitano parent, municipia. Hæc urbs mercium omnium Orientalium est proma & conda; quam ob causam maximus hic est mercatorum confluentus, qui ex Arabia, Persia, Armenia, Cambaja, Bengala, Pegu, Siam, Malacca, Iava, Moluccis, China, &c. huc ad mercaturam proficiscuntur. Mixti habitant Ethnici, Indi, Æthiopes, Iudæi, Armenii, *Gufarattæ*, *Bajanes* aliæque Indorum gentes, suisque quæque legibus ac fide vivit, hoc excepto, quod non liceat ulli mortuorum corpora exurere, aut Ethnicas superstitiones, quæ offendere possint, publice observare. Reliquarum urbium nomina sunt *Cintapor*, *Dabul*, *Basnin*, *Chaul*, *Damaon*, quæ littorales omnes sunt. *Chaul* portu gaudet commodissimo, navibus insuper instructissima est, & mercatoribus opulenti locuples, qui *Ormum*, *Cambajam*, *Sindam*, *Bengalam*, alioque navigant. Non longè hinc vetus est civitas, quam indigenæ habent, ubi ex lacca plurima artificiose conficiuntur, sericique & byssini panni texuntur, quos nos Belgæ propriis linguæ nostræ nominibus vocamus, *Grofsereynen*, *Satynen*, *Taffetanen*, *Armosynen*. Sericum rude *Chaulentes* à China petunt, quod ab ipsis textum varia forma quaquaversum mittitur. Feraces sunt hæ regiones orizæ, leguminum variorum, nucumque Indicarum, unde oleum exprimitur, proventu. Zingiber magna fert copia, ob quam ejus vilescit æstimatio.

In hoc solo, retro *Ballaguattam*, necnon duobus aut tribus montibus prope *Bisnagar*, gignuntur adamantes magno regis *Bisnagaren*is quæstu. Quicumque enim certam gravitatis mensuram (puta 25 *mangelyns*) attingunt, vel excedunt, sub pœna capitis ad ipsum deferri debent. Regio *Decam* montem habet,

bet, quam *Rocca velha* vocant Lusitani, ubi optimos reperias, quos ab aliis facile discernunt gemmarum mangones. E fodinis eruunt aurum, quibus vero locis ad altitudinem staturæ hominis erutum fuit, iisdem post tres quatuorve annos novum recensque natum reperire est.

Malabar. *Malabar* à Promontorio de *Rama* initium suum capit, à *Goa* distans austrum versus miliaribus 10, excurritque usque ad Promontorium de *Comori*, finem continentis. Ad littus hæ jacent civitates: *Onor*, *Barsalor*, *Mangalor*, *Cananor*, *Cranganor*, *Cochin*, & *Caulam*, ubi arces sunt, & præsidia habent Lusitani. Calicutium metropolis est, sedesque Cæsaris, quem *Samoryn* appellant, qui hinc longe lateque jura dicit. Verum ex quo istic rerum potiri cœperunt Lusitani, retro sublapso est urbis fortuna, dignitasque, ut jam veteris urbis vix quicquam præter nomen habeat. Omnibus supradictis locis piper crescit, prope *Cochin* cinnamum, sed vilius, quod vocant *Canellam de matte*, hoc est, cinnamum agreste. Naves à Portugallia *Goam* appellant, ubi postquam exonerarunt merces, oram hanc legunt, mercesque recipiunt alias, maxime in urbe *Cochin*, quæ magnitudine non multo inferior est *Goa*. Plurimum à mari mediterranea versus rex istorum moratur, in loco, quem *Cochin Dacima* vocant, qui ad territorium spectat *Malabarum*. Sunt autem *Malabares* coloris attri & picei, capillis lævibus & nigris, verum corporis figura non absimili Europæis. Ingenio sunt atroci, animo audaces, superbi, militum quos *India* habet fortissimi, hostes infensissimi *Lusitanorum*, idololatria superstitionibusque reliquis *Indis* non absimiles. In duo dividuntur hominum genera: *Nairos* & *Polias*. *Naeros* nobiles sunt, militiæque dediti, quibus mos perforare pendulas aurium particulas, quas extendunt humeros usque, ad formam elegantiamque. *Polias* agricolæ sunt, piscatores, opificesque, genus hominum vile & despectum, si cum *Nairis* compares.

Narsinga. A *Capite de Comori* orientem versus, regnum *Narsinga* occurrit, quod à *Negupatan* ad *Musilopatan* uque extenditur. Cujus Rex *Bisnagar* appellatur, mutuato vocabulo à metropoli regni, quæ in mediterraneis est, ubi dicti Regis est sedes. Littori adjacet civitas *S. Thomæ*, quam *Lusitani* incolunt, olim potentissima & *Malliapor* appellata. Referunt *Indi*, hic docuisse *S. Thomam* Apostolum, miraculisque gentes convertisse. Quin & hoc affirmant, cum primum in has terras venissent *Lusitani*, superstites adhuc fuisse *Christianos*, oriundos ex *Indis* ad *Christianismum* à *D. Thoma* conversis.

Orixa. *Orixa* sita est ad Boreale latus *Narsingæ*,
Asia.

feseque extendit orientem versus, Gangem usque. Omnis autem hic littoralis tractus *Narsingæ*, *Bisnagar*, & *Orixa* à *Negapatan* usque ad Gangem sive *Bengalam*, communi vocabulo vocatur *Ora de Coromandel*. Aëre regio fruitur saluberrimo, abundatque annonæ omnis copia. Vestes hic *Indicæ*, præsertim in urbe *S. Thomæ*, necnon panni ex gossypio conficiuntur variis distincti pictique coloribus, intercurrentibus filis aureis, argenteisque, ut pretio ipsas vestes sericas excedant. Hæ pro mercibus istic sunt, & quaquaversum in omnes orbis partes, nostramque adeo Europam, distrahuntur.

Bengala latus orientale terminat *Ganges*, *Bengala*. occidentale regnum *Pegu*. *Ganges* ex maximis est terræ fluminibus. *Indis* sacer habetur, quique ejus se undis abluerit, ei peccata omnia remissa esse confidunt: qui vero ablui non cupiet, spe salutis excidisse. Quam ob causam magna ad eum frequentia confluere solent incolæ, variisque superstitionibus & ceremoniis defungi. Metropolis regni est *Chatigam*. Mira hic rerum omnium ad vitæ sustentationem necessariorum proventus, præsertim oryza, qua infinitæ naves onerantur, nec pecorum hic aviumque penuria, sed vis maxima, ita ut bos precio *Larini*, hoc est, decem assibus nostratis pecuniæ veneat; & oryza mensura, quatuordecim capiens *Hollandicos* modios, quindecim assibus. Etiam pari pro rerum discrimine precio haberi possunt oves, gallinæ, saccharum, butyrum, aliaque esculenta & poculenta. Etiam hic panni ex gossypio conficiuntur plurimi. Fila hic nent, ex herba quadam flavi coloris, quam herbam *Bengalensem* vocant, unde pannos texunt & lintea sericis præstantiora. *Rhinoceros* alit plurimos, hostes elephantorum, quorum, *rhinocerotum* puta, cornu, dentes, carnes, sanguis, ungulæque antidota adversus venena esse creduntur.

Regna *Aracam* & *Pegu* ab occidente *Bengala* terminantur, ab ortu regno *Siam*. *Gemmis* auroque abundant, sapphiris, carbunculis, granatis, aliisque. *Lacca* sigillaris hic loci etiam conficitur. Elephantorum nusquam major, quam hic, numerus. Quoties huc adventat peregrinus mercator, quærunt, num diutius istic morari animus ipsi sit, quod cum intellexerint, offerunt ipsi virgines plurimas, è quibus, quæ placuerit maxime, eligit, deque precio cum amicis transigit, hæc illi pro ancilla & uxore est, ministeriisque domesticis fungitur. Discesurus eam ad amicos remittit, preciumque promissum solvit. Quod si illa absente peregrino isto nubat, revertaturque idem peregrinus, solvitur tantisper matrimonio, & ad peregrinum, cui antea devincta fuerat, redit, eique inservit,
F f donec

donec discedat, acquiescente, cui nupta fuerat, marito, ad quem postmodum salvo honore & pudicitia redit. In civitate *Martavan* quæ ad australe est latus Pegu, ollæ fictiles conficiuntur, quas *Martavanas* vocant. Tantæ sæpe sunt magnitudinis, ut duo vini doliacapiant. In iis aquæ, oleum, vinaque asservantur.

Siam.

Regnum *Siam* ab occasu regno *Pegu* terminatur, ab ortu *Cambodia*. Rex est potentissimus: potentior olim, quin ex potentissimis Orientis regibus. Subditos imperio suo habuit non solum regni *Siam* populos, verum totius istius tractus qui à *Pegu* *Malaccam* usque exporrigitur, necnon *Sincam puram*, verum fracta & attrita nonnihil est ipsius potentia bellis cum rege *Pegu* gestis, cui quotannis tributum pendere cogitur. In hoc tractu, qui in varia regna dispescitur, sita est urbs *Tanasseryn*, quam Lusitani navibus frequentant.

Queda.

Plusculum austrum versus, regnum civitasque *Queda* occurrit, ubi piper magna copia colligitur.

Circa finem pene promontorii, non longe à *Cap. de Sincapura*, spectatur celeberrima

civitas *Malacca*, quam Batavi nunc tenent. Arcem hic habent validam, quam simul cum urbe Lusitanis eripuerunt. Episcopus *Malacensis*, uti & *Cochinensis*, suffraganei sunt Archiepiscopi, qui *Goæ* est. Hic dum Lusitani tenerent, præcipuus, erat totius *Indiæ* mercatus, naviumque confluxus onerandis exonerandisque mercibus maximus, quæ è *China*, *Moluccis*, *Banda*, *Iava*, *Borneo*, *Sumatra*, & circumjacentibus insulis, necnon è *Siam*, *Pegu*, *Bengala*, *Coromandella*, aliisque *Indorum* locis adventant. Parcius hic familias habebant Lusitani ob aëris insalubritatem, & soli sterilitatem. Commeatus enim maximam partem aliunde petebant. Expectare hic solebant eorum naves ventos commodos, quos *Moussons* vocant, qui certis statisque anni temporibus flant, nempe uno semestri ab oriente, altero ab occasu. Quotannis hinc navis *Lusitanica* mercibus pretiosissimis onusta abibat. Lingua, qua loquuntur, *Malayca* est, *Maleys* vulgo, quæ optima purissimaque omnium *Orientalium* esse censetur, nec minus istis locis familiaris est, quam hic *Gallica*.

I N S V L Æ

I N D O R V M.

Maldive.



Eptuaginta circiter à promontorio de *Comori* miliaribus, versus austrum, insulæ *Maldive* jacent, in centum & quinquaginta miliarium longitudinem extensæ. Ferunt eas excedere numerum 11000, verum numerus incertus est. Incolæ *Malabaribus* similes sunt. Insularum quædam inhabitantur, quædam incultæ sunt, & ab habitatoribus destitutæ. Soli situsque sunt depressioris, uti regiones prope *Cranganor* & *Cochin*, ita ut quædam earum à maris æstu inundentur. Nullas hic reperias merces, præter nuces *Indicas*, *Cocos* dictas, & earundem cortices ac involucria, è quibus funes suos conficiunt, uti nos è canabi. Tanta istarum hic nucum frequentia, ut toti eas *Indiæ* sufficiant. Illud notatu dignum: naves hic confici ex solis harum arborum lignis, quæ non clavis, sed funibus ex hac ipsa arbore factis valide nectunt: folia pro velis sunt: pro mercibus & saburra nuces: pro cibo & potu eadem. Vt tota navis nux sit, & nux navis, ac vectorum suorum & insularum victus.

Zeylon.

Zeylon insularum præstantissima, populis

frequens est, qui se *Singales* indigerant. Forma moribusque *Malabaribus* similes sunt, longis perforatisque auribus. Color ipsis non ita, uti istis, niger. Aurum, argentum, ebur, ferrum stupendo artificio tractare sciunt. In plurima regna, regesque dividitur, quorum potentissimus est rex *Candi*. Regio montosa est, interque montes reliquos unus est, *Pico de Adam* dictus, qui omnium *Indiæ* montium altissimus perhibetur. Persuasissimum est *Indis*, hoc loco *Paradisum* fuisse, ibidemque impressa lapidibus *Adami* vestigia observari. Pecorum, aviumque magna hic multitudo. *Indicorum* fructuum, cocorum, malorum aureorum, limonum, citriorum, major, quam alibi, bonitas. Piper fert, cinnamumque sylvæ ferunt ingentes & nemora. Crescit in arboribus magnitudinis olearum, quæ folia habent lauto non dissimilia, fructumque quantitate nigrarum olivarum. Arbori duplex est cortex. Secundus cinnamum est, quod in partes quadratas sectum soli exponitur, ut exsicceat. Primum cinericii est coloris, postea in gyros se flectit, rubrumque colorem imbibit. Singulis trienniis arbor novum induit corticem. Adamantes hic reperiuntur, lapidesque ac gemmæ preciosiores, sapphiri, car-

carbunculi, topazii, & granati orientalium optimi. Margaritarum etiam hic piscatura est locuples, necnon auri, argenti, aliorumque metallorum fodina. Elephantum hujus insulae aliis omnibus sagacitate & naturali solertia praestant, credunturque aliunde allati his honorem reverentiamque exhibere.

Sumatra. *Sumatra* regibus regnisque distincta est, quorum Achemensis borealiorem insulae partem tenens, potentissimus est. Infensus est Lusitanis. Dives est auri, argenti, lapidum pretiosorum, aliorumque metallorum fodinis. Ex aere tormenta bellica sibi conflant insulani, quibus probe uti norunt. Ferax est aromatum, lignorum odoratorum, radicum, & medicinalium herbarum. Piper fert, & byssum, & sulphur, cujus montibus fons adjacet, mero fluens oleo, ut ferunt. Elephantorum alii agrestes sunt & feri; alii cicures, regi in oblectamentum & subsidium. In civitate Manancabo pugiones conficiuntur, *Crises* dicti, armorum genus praestantissimum. Saepè huic insulae insidiati fuerunt Lusitani, sed frustra haecenus.

Iava. *Iava* oryzam luculenter suppeditat, aliaque ad victum necessaria, pecora, oves, porcos, gallinas. Piper fert. Pluribus paret regibus, nempe *Bantamensi*, *Iacatrensi*, *Tubamensi*, *Palambamensi*, aliisque. Magnus potentissimusque omnium est *Magnus Mataram*, uti vocant, in mediterraneis habitans, ad insulae partem australem. Emporium ejus praecipuum est *Bantam*, quo omnes undiquaque Orientis populi confluunt, Lusitani è Malacca, Chineses, Arabes, Persae è Pegu, Siam, aliisque plagis. Viginti ab urbe hac milliariibus Batavi in Iacatra arcem struxere validam, quae *Batavia* dicitur, cui adjacet urbs ejusdem nominis ampla, amoena, Belgicarum modo extructa, celeberrima Batavorum Colonia; ante annos aliquot hoc loci Praefectus ipsorum ac Concilii Indici Senatores sedem fixere. Magnus Mataram copias auxiliares à rege Bantamensi adducens virorum plus quam centum mille, urbem hanc obsidione cinxit, verum re infecta discedere coactus fuit. Qui littora tenent, Mahumetani sunt; qui interiora, paganismo dediti.

Borneo. *Borneo* sub Aequatore sita versus Boream extenditur pene ad latitud. 8 grad. Omnium Indicarum maxima est; verum in hunc usque diem nondum tota detecta. Praeter ea quae ad com meatum faciunt, lapides fert preciosiores, adamantes, margaritas minores, agaricum, camphoramque optimam. Crescit ex arboribus nucum magnitudinis. Succus est gummi-que in penitioribus arboris partibus crescens, qui per ipsum arboris corticem transfudat & stillat, Solisque calore candescit. Urbes maritimae sunt, *Borneo*, incolas numerans

Asia.

25000, aquisque pene cincta, Venetiarum instar: *Sombas*, *Succadano*, *Bandarmassin*, aliaque. Rex Bornei Mahumetanus est, nec cuiquam cum illo loqui fas, nisi per interpretem. Gens ipsa candidi est coloris, ingenio acri, magis simplicitatis amans, quam aliarum insularum incolae, idololatræ tamen.

Insula Luffon, quo nomine & aliae minores circumjacentes indigetantur, ab Hispanis primum detecta est, anno 1564, ex Nova Hispania advenientibus. Alio nomine Manillarum insulae vocantur, ab urbe *Manilha*: aut Philippinae, à Philippo II, Hispaniarum rege. Olim Chinesibus paruerunt, nunc Castellanis. Tritici feraces sunt, feris luxuriant, uti & pecore, bobus, vaccis capris, suibus. Chineses magnam huc vim byssi, gossypii, porcellanorum, pulveris nitrati, sulphuris, nitri, ferri, aeris, chalybis, argenti vivi, aliasque elegantias advectant, quae omnia Hispani hinc Mexicum in Novam Hispaniam transvehunt.

Banda insula est quantitate praedictis minor; nec tamen celebritate inferior, ob ingentem nucum myristicarum, & macis copiam, quae hinc in totum terrarum orbem mittuntur. Arbores, è quibus crescunt, similes pyris sunt, verum non ita proceræ, foliaque rotundiora. Nux ipsa myristica triplici tegitur cortice. Primus similis est exteriori cortici nostrarum nucum, qui viridis est. Hic ubi maturuit, rumpitur, apparetque secundus retis instar, & purpurei coloris. Tandem se offert tertius ligneus durusque & coloris fusci. Cum ad maturitatem pervenit macis, itidem rumpitur, & colorem induit aureis malis non ab similem. Intra hunc corticem ligneum nux clauditur. Totus fructus condiri saepius solet saccharo, condimentisque omnibus praestat.

Insularum Moluccarum descriptionem in propria earum Tabula habes.

Amboyna à multis inter insulas Moluccas numeratur, uti & Banda. In ea parvum est oppidum Amboyna, quod insulae nomen dedit, aut ab ea accepit. Quilaum hujus etiam insulae oppidum est. In hac Hollandi obtinent propugnacula Coubellam, & Lovium, cum receptu Hittouo & arce egregie munita. Insula hæc cariophyllorum apprimè est ferax, uti & malorum citriorum, aureorum, limonum, cocorum, sacchari, aliorumque fructuum tam exigui pretii, ut Hollandi pro uno thoracis nodo acceperint 20 mala aurea. Insula Vevanala etiam feracior est cariophyllorum. Incolae simplices sunt, minimeque vafri, occupanturque in congregandis cariophyllis, & parce vivunt. Pauperes cultros gerunt magnos, quorum usu vitæ necessaria comparant. Grandes ex oryza panes faciunt,

G g

ciunt, quibus loco obsonii vescuntur, faciuntque liba seu placentas ex saccharo & amygdalis, quas cum vicinis commutant. Vitam insuper optimis terræ suæ fructibus sustentant. Insula hæc multum frequentatur à mercatoribus extraneis, non tam ob aromata, quorum hic non magna copia, quam quod naves ex Malaca in Moluccas solventes, hic sibi à recenti aqua provideant.

Gilolum. *Gilolum* situm est è regione Moluccarum versus Ortum, continetque duo Regna, *Gilolum* & *Lolodam*, sic nominata ab

oppidis suis principalibus. In hac Insula sua Hollandi propugnacula habent. Aër male sanus est, & quod pejus, morbi sunt incurabiles. Parum hic aquæ est. Regio sterilis & inæqualis est, ac terræmotui subjecta, fert nihilominus oryzam copiosam, multasque arbores fagos dictas, quæ incolis panem, vinum, vestesque suppeditant. Nullum majus aut minus nutrit animal, exceptis paucis porcis domesticis, multisque sylvestribus. Inveniuntur & cariophylla, sed pauca.

Magnus insuper parvarum Insularum hic est numerus, de quibus agemus alibi.



I N S V L Æ
M O L V C C Æ.



Insula *Molucca* primum à Castellanis aditæ, & post acrem inter Portugalliæ & Castellæ reges controversiam, denique Portugallo veluti opignoratæ, una cum Portugalliæ regno ad Castellanos devenerunt. Nunc fere omnes à Belgis nostris superioribus annis fuerunt occupatæ, & arcibus ad minimum novem firmatæ. Insulam *Bandam* nucibus muscatis fertilem nostri Belgæ sui quoque juris fecerunt, ibidemque munitissimam habent arcem. Idem & Amboinam insulam occuparunt, & Portugallos commercio omni in hisce insulis excluderunt. Cum Chinen-sibus hodie non minus, quam Lusitani, commercia exercent, & littora illa iisdem Lusitanis infesta reddunt. In summa, jam à multis annis nostrates plures naves aromatibus omnis generis onustas ex India acceperunt, quam Portugalli; & commercia Indiæ magnam partem ad se traduxerunt: plures eorundem naves mercibus Indicis onustas aut ceperunt, aut depresserunt; præter ingentia damna, quæ Portugalli passi sunt superioribus annis, *Caraquis* (ita vocant) aliquot aut mari haustis, aut ad littora fractis.

*Insula
Molucca
quæ pro-
prio.*

Sunt autem inter Moluccas insulas, quæ hoc nomine censentur, præcipue quinque, *Ternata*, *Tidora*, *Motir*, *Machian* & *Bachian*. Quarum *Tidora* quidem Septentrionalissima est, unius fere gradus latitudinem septentrionalem, longitudinem vero 168 graduum obtinens. *Ternate* adjunctam sibi in septentrionali latere insulam habet exiguam *Harri* dictam. Tam exiguo intervallo à se distant Ternate & Tidora, ut tormenti explosione de littore in littus trajici possit. Estque inter duas media insula, *Miterra* dicta. *Machian* & *Bachian* australissimæ sunt. Ternaten-ses Lusitanorum, qui Tidoram maxime tenent, acerrimi hostes sunt. Excurrunt autem ad littus usque Gilolo. Montes altissimos habent multis arboribus confitos, maxime vero Ternate, in qua mons est sulphureus ignes vomens, flante vento septentrionali. Maxima vix habet ambitum sex mill. passuum. Omnes intra spatium 25 mil-

Asia.

liarium concluduntur. Ager est aridus, spon-giosus; quique cadentes è cœlo imbres confestim absorbet, antequam in mare dilaban-tur. Aromata producit varia, nuces myristi-^{Fructus.}cas, mastichen, lignum aloës, santalum, zin-giber, piper & caryophyllum. Quæ vero ad vitæ quotidianæ sustentationem pertinent, uti sunt oryza, frumentum, aliaque, eorum nihil ibi crescit, quamvis id ex negligentia potius incolarum, quam soli vitio fiat. Maxi-ma autem caryophyllorum copia ad Ma-chian & Ternaten reperitur, Bachian horum minimum suppeditat, Tidore vero & Mo-tir mediocriter. Crescunt autem in altissimis<sup>Caryo-
phylla.</sup> arboribus, quæ in montanis cernuntur aliis permixtæ, dimidio fere à littore milliari. Fo-lia habent laurinis similia, nisi quod aliquan-to tenuiora, & in extremitatibus plus excu-minata sint. Flores umbellæ instar prodeunt, simillimi floribus mali aurei; fructus flore collapsio paullatim protuberant in formam clavi, unde etiam illud apud nostrates no-men. Dentibus contrita folia saporem caryo-phyllorum manifeste exhibent. Fructum non nisi semel in anno ferunt, quamvis omni fere tempore & flores, & fructus tam maturi quam immaturi in eis reperiantur. Tempus quo maturescere solent, incertum est; quo verò florent, definitum magis, nempe Iunius, Iulius, Augustus & September, spirantibus ventis australibus. Accidit autem plerunque, ut quo tempore maxime floreat, copiosissimæ quoque pluvix decidant, dies aliquot con-^{Fructus.}tinuos, maximo florum detrimento, qui hu-morem illum, imbresque frigidos ferre non possunt. Nec minus tamen luxuriant in ar-boribus fructus, quippe cessante pluvia, & novo calore resecta tellure, de novo florem protrudunt, & spem messis copiosæ colonis faciunt. Decerpuntur plerunque & colli-guntur quarto postquam floruerunt mense, & tum solum sub arboribus herba omni de-nudatum complanatur, & frondes arborum exterioribus funibus coarctantur & constrin-guntur, ut facilior sit adscensus, fructusque eo commodius decerpi atque colligi possint. Illud necesse est, ut intra quatuordecim dies omnes decerpantur; ni faxis, fructus maturi extincta virtute ac facultate omni aqueo hu-more intumescunt, ac insipidi redduntur. Tantus autem eorum est proventus, ut ex una arbore duo *Baria*, quæ 1250 libras Hol-^{H h}landi-



landicas faciunt, (*Bar* unum 625 libras continet) colligantur. Decerpti recens fructus rubent nonnihil, at sole exsiccati nigredinem contrahunt. Fit autem interdum, ut propter continuas pluvias ad ignem eos exsiccare necesse sit, & tunc nigredinem ex fumo contrahunt, & apud nostros in majori sunt pretio, quamvis quoad substantiam & virtutem ab aliis nihil differant. Arbores ita inter se densantur, vel soli felicitate, vel seminis aut stolonum fecunditate, ut plerunque lucos faciant. Hos inter se partiuntur indigenæ, fructusque abdunt, ut mercatoribus divendant. Sed hæc hæctenus de caryophyllis, quæ fere in his insulis tantum, & in Amboina proveniunt, tametsi in minoribus illis insulis *Harui* & *Miterra*, quarum supra facta est mentio, quædam etiam inveniantur. Myristica arbor procera & patula est, nostræ quercui similis. Nuci operimentum triplex. Primum crassius est adversus injurias æris, venti, & imbrium. Alterum membranæ instar reticulato munimento: quod tertium aliud putamen ligneum ambit: membrana illa est muscatæ flos, qui ab Hispanis dicitur *Macis*. Zingiber quod in hisce locis provenit, duplex est, spontaneum & sativum. Hoc illo melius est. Herba crocum refert, radix odorata est & mordax instar piperis, & quidem pipere ipso calidior. Cinnamomum, quod fabulosa antiquitas avium nidis, & præcipue Phœnicis decuti credidit, cortex est fruticis, simillimi malo Punico. Eum calore dehiscens à ligno avellunt, & ad solem exsiccant, qui in fistulas contractus, à canaliū figura, vulgo canella vocatur. In insula *Timor* sive *Motir* albi & flavi santali silvæ crescunt. Rubrum provenit in tractu *Coromandel*. Arbor nuci est similis: fructuum nullus est usus: lignum in febribus fervidissimis valet, si contusum & in pollinem redactum misceatur liquori, eoque frons, tempora, arteriæ inungantur. Quod ad fructus alios, nempe *Cocos*, sive nucs Indicas, *Bananas*, *Mangas*, *Duriones*, & similes attinet, eorum exiguus quidem ibi proventus est, sed mala aurea præstantissimi saporis reperiuntur. Incolæ harum insularum staturæ mediocris sunt, membra apte formata, colore fusco. Barbam habent, plus quam Indorum alii, & senes eam majore studio nutriunt, ut venerationis inde aliquid sibi concilient. Vestitus ipsis decorus & honestus, tunica nempe oblonga, ad genua usque demissa, ex eleganti constans panno, quem ex Bengala acquirunt, quamvis etiam peculiarem habeant pannum, quem ipsimet ex arborum corticibus eleganti admodum artificio contextunt. Adolescentes & viri juvenes annulos in capite gestant ex gossypio convolutos, quos festis diebus variis floribus exornant.

Arbor
myristica.

Zingi-
ber.

Cinna-
momum.

Populi
mores,

vestitus
&c.

Vestis superior circa pectus patet, laxis maniciis, quas ad humeros usque retrorudere involutas possunt, ut plerunque brachiis nudis incedant. Vestis inferior ad genua usque demissa serico vel sericeo panno, qualis ex Bengala adfertur, constat. Diebus autem festis vestimenta sua gratiores suffitu imbuere solent, ut bene olentes puellarum gratiam captare possint. Religioni addicti sunt Mahometicæ. Natura humaniores sunt, affabiles valde, non superbi, non contumaces, ut in una civitate ac societate tranquillam ac pacatam vitam agant. Cum vicinis autem ac alterius insulæ populis crebræ ipsi lites, contentiones ac bella intercedunt. Armis suis mira utuntur agilitate, nec fortitudine militari ullis totius Indiæ populis cedunt. Præ ceteris autem militiæ studiis excellunt Ternatenses. Fuga in bello sibi consulere dedecus putant summum, etiam si viribus prævaleat hostis. Arma ipsorum sunt gladius & clypeus. Caput galea tegunt. Gladii præfractis cultris similes sunt, circa manubrium tenuiores, circa extrema lati ac graves. Clypei ex levissimo ligno fabricati, ferrique omnis expertes sunt, duas spithamas lati, & quatuor pedes longi, ut totum fere corpus iis tueri possint. Hisce armis tam prudenter & dextre uti norunt, ut omnem in eis exercendis vitam posuisse putentur. Bella maxime maritima gerunt, triremibus & naviculis aliis, quas ipsi *Corcoras* vocant, congressi. Sub pugnae initium jaculis utuntur, quæ projicere magna dexteritate norunt, postmodo ad sclopetum progrediuntur, quæ in magno pretio habent, & tandem gladiis magna agilitate cominus decertant. Ceterum populus otii amantissimus est, laborum fugiens, nisi servus & mancipium sit. Supellectilem domesticam non habent, præter ollam ac patinam unam atque alteram fictilem, ad usus necessarios, itemque stoream unam atque alteram ex arborum corticibus contextam, in qua tum nobiles, tum plebei recubant. Opes sibi comparare non student, quotidiano victu contenti. Commercia peregrinis relinquunt, qui in Bengala, Pegu, Deli & alibi locorum habitant. A Lusitanis mutuo capiunt, quæ desiderant, data interim hypotheca, quæ pretium rei duplo superet; à debito se liberant, quo tempore caryophyllorum fructus colligunt. Atque hac ratione, dum res suas augere non student, paupertatem omnes profitentur. Pecuniam nullam habent, opes caryophyllorum redditibus æstimant. Argento interdum delectantur, sed nullam aliam ob causam, quam ut varia inde vasa aut pocula sibi conficiant. Lingua utuntur propria, quæ nullam cum aliis Indorum linguis affinitatem habet. Scribentes caracte-

res pingunt Arabicos. Vxores ducere ipsi
licet, quot libet, sed alendi sumtus modum
hac in re ipsos servare cogit. Zelotypia con-
jugum suarum & filiarum vexantur maxi-
ma, nec quenquam ad eas visendas domum
secum adducunt; quin imo si quis eos con-
ventum cupiat, in interiora domus non ad-
mittitur, sed in vestibulo foribusque consiste-
re solet. Ducturus puellam aliquam, spectatum
eam nequaquam admittitur, donec inter pa-
rentes & consanguineos utriusque partis de
dote & donatione propter nuptias convenerit.

Insulæ hæc omnes ante hæc tempora suum quæque peculiarem regem habuerunt. Anno 1604 duæ illæ *Machian* & *Motir* ad regem Ternatensem pertinebant, duæ autem reliquæ *Tidora* & *Bachian* suos proprios habebant reges. Hi omnes, quoad memoria repetere possunt subditi, ex una semper & eadem familia originem traxerunt. Ternatan primum acceperunt Lusitani, quos humanissime excepit rex Chajanirus, facta ipsis potestate castellum inibi exstruendi. Verum cum iniquius incolas haberent, regem quoque ipsum interfecissent, capitalibus illos odiis persecuti sunt Ternatenfes, cumque negato commeatu castellum defererent, illud ipsi occuparunt.

Hodie in insula *Ternata* propugnaculum ^{Præfens}
tenent Hispani, quod *Gamalamme* vocatur, ^{Insula-}
vetus insulæ metropolis, ad oram ejus australem. ^{rum sta-}
Arces *Dangil*, & *S. Lucia* in ipsis jacent. ^{ius.}
limitibus, Hollandis objectæ. In eadem vero
insula Hollandi propugnaculum possident
Malayo, ad orientale latus, quod jam me-
tropolis, sedesque regis Ternatensis, præcipua
Belgarum in his oris colonia. Sunt & hic
Tobacco, arx, & *Tacumma*, receptus ad latus
Boreale.

Tidora tota Hispanis paret, perpetuaque cum Ternatensibus bella gerit. In ea *Mariæco* castellum aliquando in Belgarum fuit potestate, verum ab hostibus pressum, vexatumque Belgæ tandem deseruerunt.

Motir sive *Timor* insula, utrique parti patet, primique occupantis esse potest. Verum cum non ingens inde speretur lucrum, negligentius à Belgis & Hispanis habetur.

8 Insulam *Machian*¹ totam Belgæ tenent,
exstructis illic arcibus duabus, *Gnofsaquia* &
Tafasoa.

Bachian etiam Belgicarum est partium, in
cujus angulo (*Laboro* illi nomen est) arcem
videre est, à Barneveldtii nomine dictam *Bar-
neveld*.



TARTARIA,

SIVE

MAGNICHAMI

IMPERIVM.



Artaria per vastas Scythiæ solitudines ad Septentrionem porrectas extenditur. Inhabitantes eam Tartari, qui vitæ continentia & gentis suæ Scythicæ antiquitate gloriari solent, asseverantes se esse semen Abrahæ, & nemini servivisse unquam, licet vexati interdum bellis fuerint ab Alexandro, Dario, Cyro, Xerxe, aliisque regibus, & populis potentioribus. Præfuit illis olim unus Chanus, sive Dominus. Nunc plures scisso imperio dominantur. Nomen habet à fluvio Tartaro *Tattar*, qui ab aliis *Maggog*, ab accolis *Mongul* dicitur, à regione sita ad Septentrionem. Ab Ortu Chinarum habet regnum, à meridie Indiam, Gangem fluvium & Oxum, ab Occidente mare Caspium & Poloniam, inde Moscoviæ contermina est, à Septentrione vastis spatiis extenditur mare Glaciale. Primum ex Tartarorum gente Imperatorem nominant *Changium*, vel *Chamum*. Paulus Venetus *Cinchin* vocat. Filius huic fuit *Iocucham*, à quo tertius Imperator *Zaincham*, qui ab aliis *Bathi* dicitur. Quartus fuit *Temur Cutlu*, sive *Tamberlanes*, qui Bajayzetum Turcarum Imperatorem aureis compedibus vinctum in cavea per Asiam traduxit. Quintus fuit *Temir-Gzar*, Sextus *Macmetzcar*, post hunc *Armetzcar*, & *Siachmet*, aliique. Gens ipsa ferox, atrox, cruenta, inconditis moribus, & omnium barbarorum maxime barbara. Regio plurimum inculta, tristis, squallida & deserta. Religio seu lex est communis Tartaris cum Turcis, atque aliis Saracenis, quæ Iudaismum olet & hæresin quandam Nestorianam. Deum unum profitentur, Christum vero sanctum prophetam & judicem mundi postremum, Virgine pura natum, sed non vere passum credunt. Circumcisionem observant, sed eam jam adulta ætate suscipiunt, qua Ismael patriarcha illorum circumcisus erat. Orta hæc secta creditur in Mecha oppido Arabiæ, anno salutis 600, machinatione cu-

jusdam Sergii monachi & apostatæ nefandi. Religionem suam assiduo conatu propagant. Diem à precatione auspicantur, & precibus *Mores & vita.* finiant. Quotidie, mane, vespere, & pomeridianis horis orant: nulla, quo id minus agant, necessitate avocari se sinunt. Non id opus in solos sacerdotes rejiciunt: etsi illos solos à precatione & lege interpretanda habent. Quilibet pro se, tam clericus quam laicus pariter, & clam & coram hominibus turmatim in cœtibus Deum confitentur. Semper sobrii, aqua lustrali membra loti, terram, in qua cum Deo loquuntur, imitati sacram scripturam, pro sancta ducunt, & insternunt. Nullis sedilibus in fanis utuntur. Characteres præscriptos & certos gestus adhibent, palmas ad cœlum expandunt, genua flectunt, incurvantes & usque in terram proni in faciem procidunt, toto corde & omnibus membris orationi incumbunt, in qua non valde multa verba repetunt, sed hæc præcipua: Soli Deo immortalis Creatori cœli & terræ, præter quem non est alius, honos & gloria in sæcula sæculorum. Precationi adjungunt jejunium. Affligunt enim totos dies animas suas non solum fame & siti, sed ab omni opere & verbis profanis abstinentes, nihil præter divina curantes usque ad intempestam noctem, capientes cibum non ad luxuriam, sed ad virium refectioem. Rident jejunia Christiana, non fame, non siti, non cinere, non rerum divinarum contemplatione, non vigiliis, non orationibus condita. Sunt & in elemosynis dandis liberales; neminem enim suorum unquam mendicare, aut fame, vel algore perire patiuntur. Adhibent tamen in hac beneficentia judicium. Nam non dant iis, qui elemosynam in ingluviem & luxum convertant: sed pauperibus, debilibus, peregrinis, scholasticis, literis & ritibus religionis ipsorum cognoscendæ studentibus. Arcana divina scrutari nefas prophanumque esse existimant, nostram temeritatem execrantes, quod quidam ex nobis de judiciis & secretis divinis, quæ magna abyssus vocantur, in suis comestationibus disputent, nomen divinum frustra usurpent. Irrident Tartari nostros Ecclesiastas seu presbyteros, taxant templa suppel-

pellectilis, sedilium, ararum, simulacrorum, & dei ad senectutem vergentis, & mulierum venustarum, plena. Nos æris pulsu, illi certis laudis divinæ verbis ac vociferationibus ad templa se invitant: nos, quod in laudibus divinis aures delectemus nostras, buccinis, organis, harmoniis, verba precatationis obscurantibus, & organis interea nostris naturalibus silentibus, reprehendunt. Tartari in equitatu sunt assidui: absque curribus bella gerunt, equis peregrinis abundant, urbibus quas tutentur carent. Moschi quolibet vere ex horda Tartarica Nohaiensi, permutatione vestium, & rerum aliarum vilium, multa milia equorum bello aptissimorum accipiunt. Tartari equorum ditissimi, ne Principis quidem suæ vehiculo jungi patiuntur equum. Tartari tunicas habent absque plicis & rugis longas, equitanti dimicantique commodas; pileos albos, leves & acutos, non ad fastum paratos, quorum eminentia atque nitore in agminibus, licet minime galeati esse soleant, apparent illustriores, & hostibus formidandi. Aromatis adeo abstinent, ut & in epulis paschalibus contenti sint his condimentis, sale lutulento, sinapi, allio, cæpis, suæque telluris fructibus, non solum vulgus, verum etiam optimates, & summus dux illorum. In mensa Principis convivali, inter aurea vasa & vernalulas dapes, nonnihil quidem piperis, non tamen cocti, in trullis seorsim apponitur, sed à nemine attingitur. Tartari Pæcopenses itidem aromata averlantur, vivuntque potu lactis & aquæ putealis, quæ in ambitu Tauricæ campestri, raro invenitur quam amara, clara autem rarius, nisi in visceribus terræ profundissime quæsitæ. Apud Tartaros qui modo vinum gustaverit, is & octoginta fustuariis ictibus percutitur, & totidem nummis mulctatur. Tartari suas mulieres in abditis semper tenent locis. Sequuti ducem naturam, atque priscorum hominum, de quibus in Bibliis, consuetudinem, plures simul singuli uxores habent. Ex quibus numerosas filiorum & affinium copias consequuntur. Et uxores quanto plures, tanto sui amantiores habent, faustisque fruuntur matrimoniis. Nec sponсарum magnas dotes quærunt, nec formas, nec inclytas familias; adeo ut summi principes ex captivis emptitiis conjuges sumant. Nec ita pridem in copiis Ossam Soltan fuere collectanei ejus, cujusdam Omeldefz x l filii simul, robusti, uno anno & mense fortassis ex uxoribus & pellicibus ejus procreati, quæ cohors x l fratrum conspicua fuit. Et hic apud fluvium Vaka villa Tartarorum frequens est, antiquitatis x l Tartarorum, id est, fratrum appellata.

Dividitur Tartaria omnis in Europæam & Asiaticam. Europææ descriptionem vide inter partes Orientales Europæ.

Asia.

Asiatica quinque potissimum partibus distribuitur, quarum nomina hæc: Tartaria ^{Major} Deserta, Tartaria ^{sive} *Zagataja*, *Turchestan* ^{Asiatica} regnum, Cataini Magni Imperatoris imperium, & Tartaria Vetus.

Deserta Tartaria inter Tanaim, Volgam, ^{Deserta} Iaxartem amnes, Tapyros, Sebyos, Imaum- ^{Tartaria} que montes sita, Sarmatiæ Asiaticæ partem, partemque maximam Scythiæ intra Imaum montem complectitur, in *Hordas* complures distributa; quarum præcipuæ sunt: Zavolhensis, quæ & Bulgarorum Tartarorum est horda; Casanensis, Nohaiensis, Tumenfis, Schibanskenfis, Cosakenfis, Astracanensis, quæ quondam peculiare regnum, & Baskirdensis; pleræque ab oppidis cognominatæ. Harum incolæ, cum omnes liberi ante essent, nunc Moscovitarum imperio subditi sunt; exceptis unis Tumenfis, qui magno Chano Cataino parent. Zavolhensis horda magna quondam dicebatur, quia ex hac ceteræ ortum duxerant; unde etiam Imperator eorum *Vluchan* appellabatur, id est, Magnus Dominus sive Magnus Imperator. Astracanensis regni caput est urbs *Astracan* sive *Citrachan* prope ostia Volgæ, salinis atque emporio clara. Qua de causa mercatores innumeri ex Moscovia, Turcico imperio, Armeniis & Perside eo confluent. Sunt præterea in Deserta Tartaria *Czyrkassi*, inter Tanaim & Volgam, in Asiatica Sarmatia: & versus Oceanum, in Scythia intra Imaum, *Meccreti* ac *Samojedi*, quos Latine dicas semetipsos devorantes; aliique eodem tractu, *Molgomsai*, *Badaique*, utrique Solem, vel rubrum pannum in sublime elatum, venerantes. Ceterum dexteræ Obii ripæ, circa mediam fluminis partem, apposita est urbs magnitudine & incolarum numerositate ingens *Grustina*, Tartaris & Moscovitis negotiatoribus frequentissimum emporium. Desertæ Tartariæ à meridie conjuncti sunt Tartari *Zagatai*, agro, ^{Tartaria} oppidis, moribusque cæteris cultiores ac nobiliores. ^{Zagataja} Fines eorum è Septentrione Iaxartes ^{ja} flumen; ab Ortu *Turkestan* regnum; à Meridie Persicum imperium; ab Occasu mare Hyrcanum. Caput regionis ac sedes regum est *Samarcanda*, Tamberlane bellicosissimo Tartarorum Imperatore maxime celebris; urbs magna ac lapide exstructa; at parum frequens. *Zahassa* ad Obii ostia, & *Bikent* in mediterraneis clara sunt emporia, quo Indi & Catajæ regni incolæ mercandi causa conveniunt. Proximum ab ortu est *Turkestan* ^{Turke-} ^{stan re-} ^{gnum.} regnum, veterum Sacarum regio; cujus incolæ satis civiles & culti. Urbium notissimæ, *Taskent*, *Cotam*, *Cascar*, *Iarkem*. Potentissimum inter Tartaros imperium est Magni Chani in regnis *Cataja*, *Tangut*, *Tainfu*: & in provinciis *Tenduc*, *Camul*, *Ciarciam*, *Carakitay*,

K k



regnum
Cataja.

rakitay, id est Nigra Cataja, & *Teber*. Initium ejus est à Norussis montibus in finibus Tartariæ Desertæ, extenditurque ad *Tabin* usque promontorium & fretum *Anian*, longitudine 19 circiter mill. Germ. Occupat veterem Sericam, majorem partem Scythiæ extra Imaum montem, partemque Scythiæ intra Imaum. Serica est ipsum nunc regnum Catajæ, vulgo *Kitay*; incolis (ut ferunt) adeo frequens, & agrorum cultu adeo læta, urbiumque splendore, ædificiorum nitore, atque omni denique divitiarum genere adeo affluens, uti neque Græciæ veteri, neque Italiæ cedat. Urbium opulentissima est *Cambalu*, regia sedes & caput totius imperii Magni Chani, quinque mill. Germ. ambitu comprehendens; quam duodecim suburbia, juxta numerum portarum, circumjacent; frequentissimum Indis ac Senensibus mercatoribus emporium. *Caindu* urbs velis subtilissimis, quæ ex arborum corticibus ad usum foeminarum conficiunt, maxime est clara. Quare tela olim Serica nota erat. Vnde Plinius;


Seres, inquit, *lanificio nobiles, persusam aqua depectentes frondium canitiem*. In regno *Tangut* artem Typographicam ante 15 annos inventam fuisse, nonnulli contendunt. *Tenduc* provincia, magni & potentis regis Presbyteri Ioannis (quod nomen postea Abyssinorum regi in Africa per errorem datum fuit) quondam regnum fuit. *Tainsu* regnum amplum atque cultum, vitibusque fertile, artificibus ac negotiatoribus refertum, armorum bellicorum nobilissima inter Tartaros officina. Quin Serico ferro jam inde Plinius palmam tribuit. Postrema universæ Tartariæ pars est Vetus Tartaria, inter Paropamisum amnem & Sericam sive Catajæ regnum, ad usque Septentrionalem Oceanum & fretum *Anian* extensa. Dicitur Vetus Tartaria, quia hinc primo nomen Tartarorum, ut supra demonstravimus, exortum est. Regiones hic & hordæ complures, quarum nomina vix nota, aut certa. At *Vng* & *Mongul*, regiones, *Gog* & *Magog* esse, viri docti docent.

Tartaria
Vetus.

F I N I S.



SERENISSIMO & TER-AVGVSTO
P R I N C I P I
L E O P O L D O
G U I L I E L M O,
ARCHIDVCI AVSTRIÆ, &c.
BELGARVM & BVRGVNDIONVM
P R O R E G E C A T H O L I C O
G V B E R N A T O R I,
O R D I N I S T E V T O N I C I
S V M M O P R Æ F E C T O, &c.

 ERENISIME PRINCEPS,
Vastissimi Sinarum Imperii situm & limites, toti propemodum Europæ pares, hisce spectandos in tabulis Serenitati sisto Tuæ. Illos, jam inde à Diluvio Noëtico, cultissimis populis habitatos, sed externis omnibus hætenus inaccessos, Sociorum denique meorum Societatis Iesu religiosorum virorum, Sacra & conqui-
* rendis

rendis Servatori Deo animabus hominum errantium à fide intenta industria penetravit, magni Xaverii Orientis Apostoli, tantis olim conatibus immortui, adjuta patrocinio, & animo exemploque provocata. Ego novissimus & minimus inter omnes, pluribus abhinc annis Tridento ex finibus Italiæ & Germaniæ in Sinas Deo me vocante profectus, magnam earum partem, quo me vel spes sacræ prædæ, vel Tartarorum egit furor, qua eundo qua fugiendo peragravi, situmque omnem Provinciarum & Urbium inspexi coram, accurateque dimensus sum; donec in muro illo prodigiose vasto & longo, quem Sinarum Imperator unus, trecentis & quod excurrit annis ante Christum, contra vim incursionemque Tartarorum quadratis è saxis quinquennali machinatione construxit, ipse constiti ad extremum prope limitem Orientis; indeque subjectas latè Sinarum terras & regna quamplurima lustravi oculis, cæloque subjeci ad mensuram. Mox Romam, ad procuranda auxilia ad Generalem Præpositum nostri ordinis à Sociis delegatus, ab ultimo Oriente per immanes

manes tractus Oceani in Norwegiam, & inde
in ipsum, quod pro Rege Catholico felicissi-
me gubernas, Belgium mari terrâque delatus,
fructum habui peregrinationis tantæ primum
maximumque, Bruxellæ videre Te coram, &
Te alloqui sermone patrio & Germano. Tua
illa virtus & animus, quem non vindicando
solum armis ab hoste Belgio, sed orbi toti in
libertatem filiorum Dei adserendo parem ex
voce vultuque perspexi, impulere me statim,
ut opus hoc meum Sinographicum non alte-
ri quam Tuæ Serenitati dedicarem. Quem
enim alium potius, vel unde conquirerem Pa-
tronum aut Vindicem mei operis, quam illum,
cujus tanta ad me fama vix primos Europæ li-
mites ingressum etiam inter hostes & æmulos
Austriaci nominis prævolavit? Loquebatur
illa mihi de LEOPOLDO GUILIELMO Belgii
vindice & magna, & mira, & quæ, nisi di-
cerentur de auctore tanto, prope incredibilia
viderentur; Asserta jura Ecclesiæ; defensam
contra oppugnatores Religionem; servatam
inter tot arma & prælia, & testatam exemplo
perpetuo pietatem; gesta, etiam sine sub-
diis,

diis, sine quibus Mars nullus est, bella gravissima; recuperatas cum paucissimo milite urbes plurimas munitissimasque; stabilitam cum Batavis, bellum, nisi agenda res cum LEO-
POLDO foret, præoptantibus, pacem; ac denique Belgium omne sanctissimè felicissimeque defensum suoque Regi ac Domino vindicatum. Hæc equidem audiebam adhuc absens, & gaudebam præcipiens animo & cogitatione non dubiâ visurum me coram illa omnia, quorum remota etiam fama & memoria me tantopere recreabat. Sed enim postquam ipse me ad interiora Belgii penetravi, cum audita procul vidi coram, cum accuratè perpexi opera virtutis ac fortitudinis Tuæ, *Dixi tandem, cum Sabæâ apud Salomonem regina, publiceque professus sum: Verus est sermo quem audieram de virtutibus & sapientiâ tuâ. Non credebam narrantibus donec ipse venissem & vidissent oculi mei, & probassem vix medietatem sapientiæ tuæ mihi fuisse narratam. Vixisti famam virtutibus tuis. Beati viri tui & beati servi tui, qui assistunt coram te omni tempore, & audiunt sapientiam tuam. Sit Dominus Deus tuus benedictus.*

Vtinam illum ego, dum vivo, diem aliquando videam, quo & virtute atque fortitudine
quâ

quâ jam vales, & potestate quàm modo va-
leas majore, in proximum Catholicis Indiis Si-
narum imperium non arma hostilia, quæ non
amas; sed, quam amas, pacem cum fide &
societate Christianâ inferas sempiternam!
Hoc vovet

S E R E N I S S I M Æ

C E L S I T V D I N I T V Æ

Devotus ad obsequium

MARTINVS MARTINIVS

Societatis J E S V.

* *

P R I-

PRIVILEGIUM CÆSAREUM.

FERDINANDVS TERTIVS,
*Divina favente clementia electus Romanorum Im-
perator Semper Augustus, ac Germaniæ, Hunga-
riæ, Bohemiæ, Dalmatiæ, Croatia, Sclavoniæ &c.
Rex, Archidux Austriæ, Dux Burgundiæ, Styriæ, Carin-
thiæ, Carniolæ, & Wirtembergæ; Comes Tyrolis, &c.*

Prisci illi ingenii doctrinæque Principes, artium disciplinarumque inven-
toris efficaciori quodam Supremæ Divinitatis adflatu instinctuque informati
pariter atque impulsæ, cum multa acutè & sapienter excogitarunt, tum verò
nihil propemodum vel ad honestatem præstantius, vel ad speciem pulcrius,
vel ad voluptatem jucundius, vel ad utilitatem fructuosius aperuere, & ad
posteritatis memoriam simul ac notitiam transmissere nunquam intermoritu-
ram, quàm insignem illam artem seu facultatem, quæ nobis universum orbem,
vel majorem portionem eorum, quæ in eo continentur, veluti regiones, pro-
vincias, urbes, oppida, maria, flumina, lacus, montes, promontoria, & alias ejus-
dem primarias partes, tam accuratâ cum secundum habitudinem ac positio-
nem ipsarum ad invicem, tum etiam cœli ipsius respectu delineatas descri-
ptione, exigua quando in tabellâ repræsentat, ut, qui eam inspicit, peregrinari
in quaque regione, eamque coràm oculis perlustrare sibi videatur. In ea igitur
disciplinâ excolendâ & amplificandâ qui gnavam ponunt ac sedulam
operam, eorum commoda Augustalis benignitas propenso Cæsarei favoris
ac gratiæ patrociniò lubens volensque meritò suscipit provehenda. Quum
itaque Ioannes Blaeu Typographus Amstelrodamensis humillimè Nobis cu-
rarit exponendum se, quandoquidem jam quinque partes Atlantis Majoris
typis suis excusas in lucem ediderit, sextam quoque ejusdem partem sub epi-
graphe ac nomenclatione Atlantis Sinensis una cum descriptione Patris Mar-
tini Martinii, ejusdemque tabulis generalibus publici juris facere suoque ære
pariter ac charactere, tam in majori quàm minori formâ emittere decrevisse:
Vereri autem, quum ejusmodi editis non exiguos requirat sumptus, ne, dum
ipse rei litterariæ juvandæ, curiosoque aliorum studio excitando pariter ac
promovendo enixius infudat, improba hominum alienis laboribus insidian-
tium, quæstuique ac lucro proprio, vel cum aliorum dispendio & jacturâ au-
gendo inhiantium, sperato operæ atque impendii sui fructu exutus insanabi-
lem in re sua familiari faciat pauperiem; adeoque nos supplicabundè rogarit,
ut rationibus suis hoc loci consulere seque contra id genus lucripetarum
dolos Cæsarei Nostri Diplomatis præsidio munire clementer dignaremur.
Nos itaque considerata submississimarum id genus precum æquitate, iisdem
tanto annuimus facilius quanto judicamus indignius, eum qui rem littera-
riam publicam opibus suis pariter ac laboribus, liberaliter suscepit juvandam
atque ornandam, gravissimam rei suæ domesticæ calamitosæ tempestatis vim
fraudulenter illatam videre ac persentiscere. Ac proinde ipsum Iohannem
Blaeu

PRIVILEGIUM CÆSAREVM.

Blaeu hæredesque ipsius Cæsareo Nostro privilegio super dicta editione Atlantis Sinensis, sextæ nimirum partis Atlantis majoris faciendâ clementer donavimus; adeoque prudentes, scientes, volentes, animo bene deliberato, ac de Cæsareæ Nostræ potestatis atque authoritatis plenitudine diserte donamus, omnibus ac singulis Typographis, Bibliopolis, & aliis quibuscunq; librariam negotiationem exercentibus tenore præsentium serio inhibentes, ac vetantes, nequis eorum sæpeditam sextam partem Atlantis majoris vocabulo & nomenclaturâ Atlantis Sinensis inscriptam, ad quindenos annos à primâ editionis die proxime computandos, intra Sacri Romani Imperii, Regnorumque, Provinciarum, ac Dominiorum Nostrorum hæreditariorum fines simili, vel alio typo & caractere, vel etiam unâ alterave forma, vel aliâ linguâ, in toto five in parte recudere, vel alio recudendam dare, vel alibi impressam importare, adducere, vendere, aut distrahere clâm vel palâm citra voluntatem ac consensum prædicti Ioannis Blæu ejusve hæredum ausit, præsumatve. Siquis autem secus faxit, & interdictum hoc Nostrum temerario quodam ausu negligere, & transgredi non fuerit veritus, is non solum hujusmodi libris perperam quippe recuïs atque importatis, quos quidem antedictus Blæu ipsiusve hæredes ubicunque deprehensos five propria authoritate, five Magistratus loci illius auxilio apprehendere ac sibi vindicare poterunt, de facto privari, sed viginti quoque marcarum auri puri puti Ærario five Fisco Nostro Imperiali, fraudis nimirum vindici: Ex altero verò semisse sæpemenorato Ioanni Blæu, ejusque hæredibus omni spe veniæ præcisâ pendendarum mulctam dare damnas esto. Hac tamen lege ut sæpenominatus Blæu quaterna ut minus exemplaria dictæ sextæ partis Atlantis majoris, epigraphen & nomenclaturam Atlantis Sinensis præferentis, statim post finitam editionem suis sumptibus ad Imperialem Nostram Cancellariam, ejusdem destinato Taxatori transmittat. Quod si neglexerit, hac Nostra gratiâ ac privilegio neutiquam gaudere possit, sed eo statim privatus & exutus esse censeatur. Mandamus igitur universis ac singulis Nostris & Sacri Imperii, Regnorumque, Ditionum ac Dominiorum Nostrorum hæreditariorum subditis, cujuscunque status, gradus, ordinis, dignitatis, conditionis, aut fortunæ existant, tam Ecclesiasticis, quàm Sæcularibus, præsertim vero iis, qui in Magistratu constituti vel proprio, vel Superiorum nomine ac loco jus dicunt, justitiæque exercent administrationem, ne quemquam Privilegium & interdictum hoc Nostrum Cæsareum temerè & impune transgredi, aut violare patiantur; quin potiùs contumaces, si quos fortè compererint, præscriptâ poenâ mulctari, aliisque modis idoneis curent coërceri, nî gravissimam Nostram indignationem incurrere, & eandem mulctam pendere voluerint. Harum testimonio litterarum manus Nostræ subscriptione & sigilli Nostri Cæsarei impressione munitarum. Quæ dabantur in Civitate Nostrâ Viennæ 7 Januarii, 1655.

F E R D I N A N D U S.

V. FERDINANDUS COMES CURTIUS.

*Ad mandatum S. Cæsareæ
Majestatis proprium*

JOANNES WALDERODE.

S V M-

S V M M A P R I V I L E G I I.



Autum est Privilegio DD. Ordinum Belgicæ Foederatæ, seorsim quoque Hollandiæ, ne quis intra proximos viginti annos, præter Ioannem Blæu Typographum Amstelædamensem, Tabulas provinciarum Imperii Sinensis particulares, aut generalem, cum descriptionibus Geographicis, vel separatim, vel alio quocumque modo imprimat, aut alibi impressas in dictas terras inferat, atque divendat; sub omnium librorum, & pecuniæ insuper mulcta, ut latius patet in diplomatibus, datis Hagæ Comitibus 1655.

In Consequu Ordinum Gene-
ralium xx Martii.

W. RIPPERDA v.

In Consequu Ordinum Hollan-
diæ xi Maji.

J. CATS v.

*Ad mandatum eorundem D. D. Ordinum
signatum*

absente Graphiario
J. SPRONSEN.

HERB. van BEAUMONT.


A P P R O B A T I O N E S.

CUm duo ex Societate nostra Theologi opus, quod inscribitur *Atlas Sinicus, sive Magni Sinarum Imperii Geographica descriptio*, auctore R. P. Martino Martino è Societate IESV, ex Sinarum regno in Urbem misso Procuratore, &c. recognoverint, & in lucem edi posse censuerint, ego Ioannes Baptista Engelgrave, Societatis IESV per Flandro-Belgicum Præpositus Provincialis, auctoritate ad id mihi data ab Adm. Rev. P. N. Generali Gofwyno Nickel, concedo ut typis mandetur. in quorum fidem hîsce sigillo nostri officii munitis subscripsi. Bruxellis, 1 Martii, 1654.

Ioannes Baptista Engelgrave.

Atlas Sinicus, sive Magni Sinarum Imperii Geographica descriptio, auctore R. P. Martino Martino Societatis IESV, opus summa fide ac diligentia conscriptum, & è libris Sinicis Geographicis quindecim singulari studio ac labore erutum, prolaturumque, nunc primum in lucem, una cum mappis Geographicis ejusdem regni, ex ipsis Sinensibus archetypis expressis, typis omniumque oculis dignissimum judico, nihilque omnino continere quod Catholicæ atque orthodoxæ fidei contrarium sit, aut repugnet. in quorum fidem hîsce manu nostra subscripsi. Bruxellis, 25 Martii, 1654.

ANTONIUS SANDERUS,
Presbyter, S. Th. Licentiatus, Iprensis Ecclesiæ
Canonicus & Scolasticus, librorum Censor.





IMPERII
SINARVM
NOVA DESCRIPTIO

*Cum privilegio Sacre Cæsareæ Majestatis,
& Ordinum Belgicæ Fœderatis.*



Af
bil

Ext
Af
bil

ATLAS

EXTREMÆ ASIÆ,

SIVE

SINARVM IMPERII

GEOGRAPHICA DESCRIPTIO.

AD LECTOREM PRÆFATIO,

In qua totius extremæ Asiæ descriptio
generatim præmittitur.

Asia no-
bilitas.



Extrema
Asia no-
bilitas.

Siam omnium, quas globus hic noster terraqueus continet, regionum nobilissimam, & esse etiamnum, & fuisse olim ab ipsis rerum initiis, inficiari nemo nisi rerum ignarus, imperitusque potest: quippe, quæ amœnissimos illos hortos divina manu consitos (Paradisum vulgò vocant,) primaque terrarum principes homines, ac parentes nostros sinu suo suscepit, foveritque: exinde propagato mortalium genere coloniarum per reliquas orbis partes longe lateque diffusæ: Hæc prima gentium ritus, sacra, ac ceremonias, rectam vivendi rationem, litteras ac scientias alias docuit & instituit: hæc demum ipsum Deum humani generis vindicem, ac servatorem, humana specie tulit.

In Asia vero ipsa (saltem post communem illam orbis eluvionem) nulla pars hac extrema aut nobilior, aut antiquior, aut cultior fuit, sive politicam gubernandi rationem, seu litterarum usum, ac peritiam spectes. nam ejus Historia ab ipsis Sinis jam ab antiquissimis temporibus conscripta, ter mille annos fere continet ante natum Deum, ut clarius patet ex nostra extremæ Asiæ Historiarum collecta epitome, & Chronologia. Iam tum illi litteras, Philosophiam quæ ad mores pertinet, & Mathematicas scientias imprimis habuisse feruntur, quod & antiquissimæ siderum observationes abunde ostendunt, & ipsæ regnandi leges vetustissi-

mis exarata voluminibus, & ad hæc ipsa tempora superstites docent.

Quam autem orbis regionem hîc extremam Asiam voco, alii *Sericam*, *Sinam* alii vel *Chinam*, Tartari *Catayum* dicunt, & *Mangin*, quo potissimum nomine non tam regionem, quam Sinas ipsos afficiunt: *Mangin* enim illorum lingua barbaros homines sonat, quo modo Tartari Sinis illudere solent, haud indigno Sinicæ arrogantia & superbiae ludibrio. Turcæ etiam, ac Mauri, Saraceni que singulis trienniis, fictis suorum Regum falsoque adornatis legationibus, pedestri itinere per *Laor* & *Cascar* Sinam petunt, *Catayum* nominant, de quo mox plura dicemus infra. at (quod merito omnibus moveat admirationem) extera hæc nomina omnia Sinis omnino ignota sunt, unum illud *Mangin* si excipias, quo nomine, ut dixi, à Tartaris per injuriam compellantur. Sinæ autem imperium suum *Chunghoa* vocant, & *Cungque*, utroque nomine ab illius excellentia indito: hoc medium regnum sonat (nam in medio terræ sitos se credunt) illud autem (*Chunghoa*) medium hortum, vel potius florem significat. Hæc duo communia maxime & stabilia fuere nomina, alia tamen subinde atque alia accessere ex variarum familiarum, imperiorumque varia successione; ita modo à Tartaris *Tai-cing* dicitur, quod antea *Tai-ming*, & trecentis annis ante *Tai-juen* vocitabatur. non immerito suspicetur quis & hoc Hippophagorum regnum esse, equina enim omnes perinde ac bubula, aut quavis alia carne vescuntur, quamquam

Variaque
nomina
cur &
unde.

Laor &
Cascar.

A

illud

illud Tartaris magis frequens; ac familiare est.

*Sinarum
nomen
unde.*

Unde autem *Sinarum* nomen seu potius *Chinarum* ortum sit, clarius ex mea epitome liquet, in qua illud à *Cin* Imperiali familia ortum ducere ostendo. qui autem ab urbana voce, qua sæpius inter loquendum utuntur *Sinæ*, *Cing* nimirum, ortum volunt, falluntur meo quidem iudicio, & errant: siquidem *Sinæ* omnes, qui ultro citroque cum Indis inibi aut Lusitanis commercia instituentes suis navigiis Indiam ad eunt, non *Cing* sed *Cia* patria voce, urbane alios compellare solent, soli litterati, aut qui cultioris linguæ sunt, *Cing* dicunt, quam linguam ex *Chinchen*, & *Quangtung* mercatores, qui soli ex Sinis fere hætenus navigarunt, plerique ignorant. Crediderim ego potius à *Chinchen* urbis incolis toti regno nomen adscitum, namque isti omnium frequentissime suis navibus Indiam totam pervagari consueverant, unde facile à Lusitanis ac Indis *China* nomen effectum. Quidam à Sionibus illud deducunt, nam, ut ajunt, Sionica lingua Sina regionem seu terram excellentem significat, de quo cum mihi certiora comperta non sint, nihil certi asum asserere.

*Extrema
Asia ter-
mini.*

Atque hæc de nomine plus satis, ad rem ut veniam, extremam ego Asiam voco: extremam à loco, in quo jacet, vere extremo: terminos enim illius, qua ad orientem spectat, statuit Eoum mare: siquidem Indicum Oceanum, hætenus Eoum dictum, ultimum omnino non esse, ipsa experientia docente sat compertum est. mare illud à Sinis *Tung* dicitur, hoc est, orientale. Hoc à Borea in Austrum, ab Austro in occasum totam fere extremam hanc Asiam alluit, ad Boream vero à veteri Tartaria, regnisque *Niuiche*, *Niulhan*, & parte *Tanyu* secluditur per murum illum tanta famæ, ac scriptorum celebratione inclutum, qui in ipso mari jactis molibus in *Leäotung* ultimis exsurgit finibus, qua in Septentrionem vergit peninsula *Corea*; inde longissimo tractu continuata fere lapidum serie per 300 milliaria Germanica inter montium crepidines excurrit occasum versus, ubi ad ripas *Lutei* seu *Crocei* fluminis, de quo plura infra, terminatur; deinde magis ad Boream deflectens regno *Tanyu* & arenoso deserto, seu solitudine clauditur, per quam & à regno *Samahan*, & *Cascar* separatur: reliqua, quæ ad Austrum vergunt, ambiunt regna *Preste Ioan*, *Geo* seu *Cangingu* (communi

nominè *Sinæ Sifan* dicunt) *Tibet*, *Laos*, *Mien*, *Pegu*, (ubi *Bengalam* attingit) *Tunking* demum & *Cochinchina*, quæ *Sinæ Kiaochi* vocant. Triginta circiter gradus in longitudinem porrigitur, à capite seu promontorio *Ningpo* urbis (quod Lusitanis *Liampo*) ad *Amasæos*, seu *Damasios* usque montes. Latitudo maxima est à decimo & octavo gradu ad quadragesimum & secundum Borealis hemisphærii. quæ tota, quam vasta est regio, ab uno regitur, adeoque maximo Monarcha, unde non immerito cum tota Europa de imperii magnitudine dicta est posse certare.

Porro si situm ejus, positionemque cum cæteris adjacentibus orbis partibus accurate tecum expenderis, dicas à natura objecta quasi cæteris, exstructaque illius munimenta; adeo quippe exiles, clausique omnes aditus sunt, ut orbem in orbe ipsa per sese à reliquo sejuncta constituere videatur: nam, qua patet mari, nullam ferè aquarum habet altitudinem; adhæc tempestatibus famosa sunt littora, scopulisque, ac rupibus sub aquis hinc inde delitescantibus, non uno loco infamia. unde magnis navibus, quales myoparones aliæque similes, accessus minime tutus, aut secura statio. Ad Boream ingens illa solitudo deserta est, murusque, quo ars juvit, sicubi defuerit, naturam. Ad occasum vero à continuis, iisque altissimis montibus *Damasii* à reliqua Asia, minoribusque regnis dividitur, latissima illorum intercapidine ad mæniorum modum interjecta.

A climate itaque secundo ad sextum usque ascendit, ita ut diem maximam æstivam xv habeat horarum, quæ ex xi i ad xv excreseat: illa quidem in *Hainan* insula, hæc vero in Provincia *Peking*, & *Leäotung* sit regione: aliqua ex parte, sed minima, zonam subit torridam, maxima ex parte subjacet temperatæ. Unde cum ad tantam procurrat spatii latitudinem, varias sentit pro regionum, ac temporum anni varietate cæli solique tempestates: adeo ut, sicut nec omnes ferè omnia possunt terræ, sic nec de omnibus eadem æstuum, frigorisque vices affirmari possint. qua parte ad Septentrionem vergit, ingentia sæpe fert frigora, crebras densasque nives, sæpeque admodum diuturnas, illic fluvii durissimo concrescunt gelu, non item in Australi plaga, ubi majores fervent æstus, omnesque totius fere Indiarum fructus læti proveniunt, uberesque; Musæ, palmarum nuces, *Mangas*, *Ananas*, alique. in Boreali vero parte uvæ fert, ficus,

*Muni-
menta à
natura.*

*Extrema
Asia cli-
mata.*

*Fertili-
tas.*

Proper-
tius.

Varia ex-
trema A-
sia divi-
sio.

Provin-
cia.

cus, castaneas, nuces alias omnis generis, poma persica, cotonea, pyra, aliosque ex Europæis arborum fructibus, de quibus singulis agendum postmodum sigillatim in cuiusque provincia.

Ubique cælo, solo, uberrimis pascuis, saloque in locis maritimis, & fluminibus læta est regio. in ea naturam, artemque benefica, ac liberali credas concurrisse manu. ut nescias fertilitas, an pulchritudo, utra plus alterutri debeat. illud omnino fatendum, quidquid alibi reperitur per partes, hinc reperiri simul omnia, ut multò de hac, quam de Romana olim, dici nunc possit verius:

Proper-
tius.

Omnia Sinensi cedant miracula terra,

Natura heic posuit, quidquid ubique fuit.

Adeo vix quidquam est, quod illa ab exteris desideret, cum plurima in ea reperiantur, quæ frustra alibi quæras, & desiderentur maxime. orbis compendium, aut annuli, hoc est, orbis gemmam recte dixeris, in qua scilicet plus pretii, rerumque reperturus sis, quam in reliquo, ut ita dicam, fors orbe toto. Sin est, quod expeti possit, Indiæ aromata sunt, sed ea vicino adeo atque opportuno sunt loco, ut propter assiduum ultro citroque commercium, non tam ex tera censerì possint, quam domestica, ineundæque cum proximis societatis atque amicitiae vincula & adjumenta, ut vel hoc ipso luculente satis monstrasse videatur Deus, cum non omnis ferat omnia tellus, alterius sic regionem alteram poscere opem & conjurare amice.

Varia ex-
trema A-
sia divi-
sio.

Divisa olim fuit in provincias duodecim, à Xuno Imperatore. deinde in novem, ab ejus successore Tvo, annis ante Christum natum circiter M M C C L X: tum temporis enim non nisi partes Boreales complectebatur, à gradu latitudinis fere quadragesimo ad trigessimum, ubi limites statuebat Provinciis magnus fluvius Kiang. paulatim deinde Australes partes postea subactæ sunt, & à barbarie ad politicem Sinicam redactæ. Tum demum in quindecim ingentes Provincias totum hoc imperium Sinicum divisum est.

Provin-
cia.

Ex iis sex, quæ mari adjacent, Peking, Xantung, Kiangnan seu Nanking, Chekiang, Fokien, Quangtung. Hinc Boream versus occurrunt mediterraneæ Quangsi, Kiangsi, Huquang, Honan, Xansi. demum quæ ad occidentem vergunt: Xensi, Szechuen, Queichen, Yunnan. habet præterea Leäotung regionem ad occasum Provinciæ Peking, ubi magni illius muri principium, & Coream peninsulam regno vecti-

galem: ad hæc non paucas numerat insulas vicinas, quæ tributum pendunt, inter eas nobilissima est Hainan. Inde ortum versus haud ita procul ab Amacao innumeræ sunt aliæ, adeo subinde inter se conjunctæ, ut una potius, quam plures esse videantur. His proxima insula Formosa est, à Sinis Lieükieü dicta, ex adverso Fokien Provinciæ. Inde ad Ningpo promontorium jacet insula Cheuxan nobilis modò, & frequens. aliæ complures sunt versus Boream, Coream inter & Sinas, de quibus omnibus suo dicitur loco.

Figura totius regni Sinensis quadrata fe-
re est, atque ita illud mappæ Sinicæ repræsentant. duo tamen promontoria longe procurrunt in mare (quod Sinæ Tung vocant) alterum ad urbem Ningpo, ex qua in Iaponiam brevissimus est trajectus, quadraginta plus minus horarum. alterum in Provincia Xantung ad urbem Tengchen, ubi à Corea & Sinico littore Sinus maris intercipitur haud absimilis Adriatico, qui Italiam, Albaniam & Istriam interfuit.

Hinc facile duo eruuntur, iique crassi errores, quos in mappis plerisque Europæis animadvertere licet. primus, quo murum illum ingentem, & Peking Regiam ad 50 altitudinis gradum collocant, cum murus ipse vix bidui itinere ab urbe Peking absit, cujus altitudo gradum 40 non excedit, ut me cum sociis sæpius observare memini, imo quandoque deprehendisse 39. gr. 59.

Errores
in mappis
novis &
antiquis.

Alter, isque priore nihilo tenuior est, quo ultra Sinas aliud regnum nobilissimum fingunt, Catayum vocant, cum urbibus Quinsai, Cambalu, &c. cum ultra murum nihil omnino reperire sit præter vagantes cum equis, ac plaustis, sine urbibus Tartaros, nimirum Tanyu, Niüche & Niülhan, aliosque ad Boream magis, quos ob loricas galeasque è piscium exuviis confectas Tu pi Tartaros Sinæ vocant. Ex ultimis his Orientis oris profecti Tartari, hanc extremam Asiam modo occuparunt per Leäotung regionem ingressi. Quid autem Cambalu, Quinsai, Catayo, ac Mangin sint, infra luce meridiana clarius ostendam, ubi & plura alia dilucidabo, ex quibus facile intelligi possint, quæ apud M. Paulum Venetum, sunt, multisque hætenus errorum fuere causæ: nec est quod quisquam hæc è cerebro meo aut nata, aut à me inventa putet. ingenue enim hinc & Germana fide profiteor me hæc omnia è libris Geographicis Mappisque Sinicis pro qualibet Provincia ab

Error his
Catayo
descri-
bendo.

ab ipsis Sinis sigillatim compositis & impressis hausisse, quas & penes me habeo, & cuivis harum rerum curioso coram exhibere paratus sum. qua porro accuratone, ac diligentia id à me præstitum sit, facile animadvertet, quisquis in rebus Geographicis non omnino hospes est.

Carnis & rerum necessarium copia.

Sed, ut redeamus in viam ab hisce erroribus, est, ut dixi, extrema hæc Asia rerum omnium, quæ ad usus vitæ sustentationemque hominum faciunt, ferax omnino & copiosa. Vaccas habet, oves, capras, anseres, anates, gallinas, aliaque hujus generis animalia. præcipue vero porcis abundat, sine quibus vix ulla domus. miris hos artibus enutriunt, ac pinguiores reddunt: porcina hæc in delitiis & maximo apud Sinas usu est: eam quippe præ reliquis omnibus toto anno expetunt, & suavissimi est saporis. plebs quoque non parcat equis, mulis & asinis, imo nec canibus, qui & ad magnatum adhibentur mensas, & carius veneunt cæteris; non deest ubique triticum, oriza (quæ panis apud eos habetur loco,) milium, cæteraque legumina omnia adsunt. fructuum quoque, ac pomorum omnis generis apparatus ingens præter amygdala, oleasque. multos ex his profert, quos necdum vidit Europa. Olerum summa apud eos varietas est; & delectus, quam apud nostrates, major, usque frequentior. plurimi quippe metempsychosi adhuc adhærentes, religiose à carnibus abstinent.

Pisces.

Piscibus quoque, non minus quam ubi-vis gentium alibi, hic scatent flumina. nec è mari tantum lacubusque ingentem illorum haurit vim, sed & alit Sina, ut Europæi animalia domestica solent. cum enim inter orizæ campos, quos rivuli non pertranseunt, fossas ac lacunas effodere debeant, quibus, cum defunt pluvix, terram irrigare necesse est; ne ex siccitate emoriantur segetes, in iisdem piscibus cibum subministrant, maxime lentem palustrem, unde videre est annis singulis mense Mayo quam plurimas per Sinam vagantes naves aqua plenas, in quibus parvi pisciculi, qui apti judicantur ut alantur, & crescant, divenduntur. majores quosdam è mari eductos in onerarias conjiciunt, eosque glacie ad id hyberno tempore servata operiunt, atque ita diu noctuque protrahunt funibus ad ipsam usque aulam *Pekinensem* deferunt; sæpe ad mensem integros recentisque custodiunt: quos servare non possunt, muria ac salsamentis condiunt plebeculæ cessuros in vilis alimentum.

Byssi tanta est copia, ut ausim asserere, plus prodire ex una *Chekiang* provincia, quam reliquo fere orbe toto; bis quotannis bombyces educant, quorum culturam ante Christum natum bis mille & octingentis annis exercuisse eos antiquissimi gentis annales referunt. Hinc serici usum, artemque ad alias pervenisse nationes omnino verosimile est. imo & ab illis ad nos derivatas currulium tormentorum, Magnetis, ac Typographiæ artes, multis haud temere probatur. quippe cum Tartaris *Iuenis* Sinam ingressi multi, Europæi *B. Odericus* (de quo accurate, ut solent, in actis SS. RR. PP. *Bollandus* & *Henschenius*) *Fr. Aytonus Armenus*, *M. Paulus Venetus* alique, à quibus cum anni illorum inventorum non ita multum absint, haud injuria quis ab illis ad nos allata suspicetur. Gossipii semen non nisi ante annos plus minus quingentos accepit ab exteris: at nunc in ea ita luxuriat, ut orbi propemodum toti inde vestes gossipinas suppeditare posse credas, ex gossipio ad amictum vulgo pannus textitur: Lino caret, non tamen cannabi, ex quo vestes texunt æstivas compendioso artificio. quin & byssum in arboribus nascentem profert, de qua in *Xantung* Provincia.

Fertilitas hæc & rerum copia magna ex parte gentis industriæ, fluviiisque ac lacubus irriguis debetur. multi hi sunt & admodum frequentes, qui præter piscationem copiosam aquas orizæ præstant, in quibus seminatur, & bis quotannis crescit, ad hæc commoda commerciis tanto ibi navium ultro citroque commeantium numero, ut fidem excedat. quanta vero fluminum sit opportunitas, vel ex eo collige, quod *Amacao Peking* usque ad sexcentas prope leucas, navigetur, non nisi die uno, quo mons superandus, navigatione interrupta. Ita & ex *Chekiang* navigatur in *Suchuen* per totam, qua ab ortu in occasum extenditur, longitudinem. imo vix urbs est aut civitas ad quam navibus non pateat iter, natura aut arte ductis ubique fluviorum alveis. Fodina metallorum omnium innumeræ per totam hanc extremam Asiam sunt, & oppido divites ac copiosæ. Aurum & argentum ne eruatur, lege cautum est. eo quod noxiis, ut ajunt, terræ exhalantibus vaporibus in mineris passim interirent homines, quorum vitam pluri, quam aurum & argentum (propter quæ nos & terrarum viscera scrutamur, evacuemusque, & terræ superficiem hominibus) ab Imperatoribus & Regibus æsti-

Byssi abundantiæ.

Fluvium commodum.

Fodina.

Pecunia.

Populi frequentia.

Pecunia. aestimari par est. aurum ex fluminum ripis colligere omnibus licet, & vel sic facile ingens ejus vis comparari solet, quod merces potius hic est, quam mercium pretium: siquidem non moneta nummisve, sed, ne locus fraudibus sit, concisi maxime argenti pondere identidemque crucibulo fusi & refusi metiuntur, atque in id ipsum forfices, & habilem trutinam ligneolæ inclusam thecæ ad genu circumferunt. teruncios duntaxat ex ære publica forma percutiunt, gestant petrusos suspensosque funiculo, supplendis argenti pretiis aut vilioribus mercibus cœmendis. argenti vivi, æris, ferri, stanni, cupri, minii vel cinnabaris, lapidis lazuli, vitrioli mineralia effodiunt. præter hæc candidum cuprum instar argenti conficiunt, quod non nihil carius ære flavo. è liquefacto ferro plura faciunt cum Europæis communia, tormenta bellica, campanas, ollas, mortaria, fornaces, aliaque hujuscemodi.

Populi frequentia. Quam vero præ reliquis orbis partibus populo frequens sit. extrema hæc Asia dici vix potest. illud mihi compertum est, non modo in urbibus, oppidis, pagis fluminibusque frequentissimam occurrere turbam, sed per publica etiam itinera. credas te procedentem alicubi videre exercitum, aut in nundinis Europæis versari. minime itaque mirum, sub initium accessus Lusitanorum, rogare subinde quosdam solitos, num mulieres ibi quinque vel decem uno ederent partu: alii mobiles ajebant isthic esse Civitates, tanta enim ubique navium copia est, ut sub noctem quiescentes sæpe civitatis magnæ spatium occupent, speciemque repræsentent. in his non modo suas, sed & altitium animalium educant familias, porcorum imprimis, gallinarum & anatum, unde haud pauciores fere aquarum, quam continentis sunt incolæ, si de Australibus præsertim loquamur provinciis; nam apud Boreales navigatio non ita viget. quod si libris Sinicis maximeque authenticis credimus, qui diligentissime adnotatum habent singularum provinciarum, urbium aliorumque locorum hominum numerum (seclusis regii sanguinis familia, magistratibus, Eunuchis, militibus, sacrificulis, mulieribus, pueris) sunt ad quinquaginta octo milliones, nongenta & quatuordecim millia, ducenta, octoginta & quatuor, 58, 914, 284. hinc non adeo mirandum, si quis eam dixerit ducentos hominum milliones continere. hic autem numerus absque ullo fere labore juxta Sinicas leges facillime subducitur. quilibet enim pa-

terfamilias sub gravi pœna tenetur tabellam ex porta majori domus suspendere, in qua habitantium numerus, conditionesque, qui qualesque sint, exprimuntur. singulis autem decem domibus assignatus est decurio, *Tifang* vocant, cui incumbit numerum hunc colligere, ac si quid peccatum fuerit in censu, urbis admonere præfectos. hæc severius turbatis rebus servantur, adeo ut neminem omnino admittere liceat, cujus non expressum sit nomen, si diutiuscule ibi hæreat.

Urbes præcipuæ magnitudinis nobilitatisque sunt 150, inferioris autem ordinis 1226. omnes altis muris fossisque munitæ, quibus militaria quam plurima loca non adscribo, præter innumera castella, oppida, munimenta, municipia ac pagos nostratibus urbibus sæpe haud multum cedentes, quorum ita multi sese offerunt, ut summa iniri vix possit. unde incidit mihi aliquando in mentem, si ingens ille murus Borealis totam Sinam ambiret, fore ut tota hæc extrema Asia unam quasi urbem constitueret, & quidem incolis ædibusque admodum frequentem, adeo vix ab uno abitur loco, quin alius continuo bene cultus occurrat. Ex iis urbibus pleraque navigabilibus impositæ fluvii suburbia habent hinc inde longe lateque excurrentia, & egregia aëris salubritate commendanda.

Porro distinctio inter urbes ac civitates subinde non adeo magna est, si ipsam tantummodo magnitudinem spectes. dantur enim subinde civitates urbibus æquales vel majores; sola distinctio intercedit à vario præfectorum titulo, ac auctoritate juxta politicas, ac consuetudinum Sinicarum leges. Urbes quidem omnes civitatibus dignitate præstant, non item incolarum aut rerum affluentia: Urbes *Fu*: civitates *Cheu* vel *Hien* vocant. municipia etiam ac pagi sunt magnitudine & commerciorum frequentia cum civitatibus sæpe comparandi, præcipue quos *Chin* vocant, quia vero muris carent, magistratibusque propriis, ideo nec civitatis ferunt nomen, & à proximis magistratibus reguntur.

Sinarum autem ingenia Aristotelis dicta de Asiaticis populis probant: Europæi fortitudine Sinis præstamus, Sinæ nobis ingenii acumine. Sagaces sunt, subdoli, ac ad subitos casus acutissimi, & impavidi: solertes etiam sunt atque industrii. rerum utilium nihil omnino perire sinunt. vilissima quæque scruta etiam in tanta rerum pretiosa-

*Artifices
egregii.*

rum abundantia colligunt, servantque, ossa canum, gallinarum plumas, porcorum fectas, imo & spurcissima quæque excrementa, quibus etiam mercimonia instituunt. in artibus mechanicis quam industrii artifices opificesque sint, satis superque testantur ea, quæ jam inde ad nos allata sunt, serica omnis generis vestis, vascula porcellana, arculæ illorum glutine & auro illitæ, vestes acu pictæ, aliaque ejusmodi, ex quibus tamen non optima quæque ad nos advehi solent. lignum ebenum, ebur, corallium, succinum, jaspides, durissima marmora, aliofque lapides pretiosos egregie elaborant. Succini speciem ex pice fusa ita mentiuntur, ut vero genuinoque invidiam facere possit. jam pridem vitrum ex oriza conficere didicere mire perspicuum, attamen friabile, adeoque necdum cum nostro comparandum, ad illud tamen accedit proxime. multum nobis cedunt pingendi arte, quippe qui nec umbrarum rationes ac regulas, colorumque oleo temperandorum miscendorumve usum necdum sint assecuti. aves autem floresque ita tum coloribus, tum filis sericis acu textis exprimunt, ut naturam proxime sequantur, meritoque omnibus sint admirationi. Ibi ante Europæorum inventionem artis nauticæ ac magnetis usus antiquissimus, imo Typographiæ, tormentorum, pulverisque pyrii inventa nostris longe priora sunt, ut paulo ante insinuavi.

Agricultura.

De agricultura vero quid loquar? eam ad certas reduxerunt regulas juxta varias qualitates terrarum: hanc unam maximi faciunt, absque reliquis artibus, sine hac homines vivere non posse nec injuria dictitantes. eam ob rem magnis privilegiis agricolas ornant, ita ad laborandum hortantur & excitant, ut vix pedem terræ incultum squalere otiosumve patiantur. Vbi steriliores campi sunt, eos industria ac arte ad fertilitatem cogunt, eosdem, ne quotannis bis culti lassentur, restaurant ac foveant. si desint aquæ, excavatis fossis etiam ad longissima intervalla rivos è fluminibus deducunt, atque hinc tota fere Sinarum regio ubique naviculis pervia. aquas ex humiliore etiam loco attollunt facili instrumento ex quadratis asseribus constructo, magna vi ac copia aquas sorbente, eo fere modo quo apud nos fit per globulos catenæ ferreæ insertos.

*Rarus piscandi
modus.*

Ad Sinarum monstranda ingenia rarum piscandi modum hic visum adjicere. avis apud eos est anser minor, corvo haud absimilis, collo prælongo, rostroque aquilino in

extremitate admodum incurvo. hæc pisces capere, ut canes lepores, docetur. collum annulo ferreo ita coarctant, ut majores pisces eo exceptos deglutire non valeat. eos piscator sibi extrahit. pisces grandiusculos, quos colli laxitas non capit, rostro arreptos elevat, piscatorique ut accurrat, cum strepitu ostentat. vidi quandoque tres aut quatuor aves ejusmodi uni pisci adherentes, sibi bique mutuo ad prædam ferentes auxilium. ita sex ac plurium librarum pisces capiunt. quia vero hæc piscatio magnum præbet piscatoribus lucrum, pro singulis avibus certum quoddam tributum coguntur pendere.

Domuum exstruktionem, ac magnificentiam, totiusque ædificii soliditate multum nobis cedunt; in turribus pontibusque struendis aut pares nobis, aut fortasse etiam superiores. præter altissimas elegantissimique operis turres, pontes multi sunt & artificio & magnitudine spectabiles. Domus tametsi non adeo splendidæ, ad usum tamen fere nostratibus sunt commodiores, atque intus mundiores. plures contignationes non amant, ut summum una subinde additur. quippe gradus scalasve ascendere laboriosum putant. infimam ædis partem omnes incolunt. eam commodo ordine in cænacula & cubicula distribuunt. quæ foris patent parum habent ornamentis, (si portam majorem, aliasque fores anteriores, quæ in divitum domibus satis splendidæ sunt, exceperis) interiora sua amœnitate atque elegantia non carent. omnia illo glutine (cic dicunt) illita mire relucet. ædes vulgo ligneæ sunt, etiam palatia regia, ita tamen ut parietes è lateritio plerumque opere exsurgant, qui cænacula & habitationes solummodo separant: nam tectum ipsum columnis ligneis innititur, cujus tegulæ omnes argillaceæ ut nostrates sunt. fenestras, ex quibus ad plateam pateat prospectus, nullas amant, imo hoc ingenuis indecorum ducunt. atria varia, aliis alia interiora struunt. secretissimum seu ultimum mulieres inhabitant, quarum ad modestiam ac cautelam arcta custodia omnes, ut ita dicam, Europæos exsuperat carceres.

Scientiarum varietate, perfectioneque multo nobis inferiores sunt, licet eas longe pluris, quam nostri æstiment. præter Astronomiam, (cujus judicariam partem maximi faciunt) vix quidquam habent veri, aut solidi. Philosophiam, quam Ethicam dicimus, jam ab antiquissimis retro temporibus, ex ipsis naturæ rationisque principiis ut-

cum-

Medicina.

Architectura.

*Pulsuum
ratio
apud eos
præclara.*

*Habitus
corporis.*

cumque sat bene deduxerunt. de virtutibus altissima quæque dicunt, ac scribunt, ad bonam Reipublicæ gubernationem omnia, referentes. acutissima autem illorum esse ingenia vel hinc collige, quod à nobis Arithmeticam nostram, Geometriam, syderum & planetarum computum, imo & Logicam Conimbricensium Sinico idiomate impressam edocti, quam celerrime omnia percipiunt. Habent & illi suo more cum figuris impressa complura volumina de Architectura, Physiognomonica, Anatomica, artibus mechanicis, &c.

Medici-
na.

Archite-
ctura.

Pulsuum
ratio
apud eos
præclara.

In medica arte, si praxim spectes, nos omnino superant. plusculum quidem illis disputant, speculanturque nostri, at facilius & melius illi morbis medentur. antiquissimos de herbarum, lapidum, atque arborum natura habent libros in unum corpus redactos, suisque figuris, ad modum nostri Dioscoridis, exornatos: præterea morborum signa, effectus, causas, aliasque proprietates continent recentiores illorum ac veteres libri. ut plurimum simplicibus ac decoctis medicamenta conficiunt. ustiones fricationesque adhibent, sectionem venæ non item, quam illi gravissimum errorem autumant. jejuniis potius, aliisque refrigerantibus sanguinem ad debitam temperiem reducant. ajunt, non ideo quod ferveat in olla, effundendum jusculum, sed si compefcere velis, ignem subducendum: pulsuum adeo præclaras habent perceptiones, ut ex eorum notitia occulta etiam quandoque detegant ulcera. pulsuum motus sex in qualibet notant manu, tres principes, totidem ordinis inferioris, qui omnes ad varias corporis partes pertinent. primum ad cor, ad hepar alterum, tertium ad ventriculum referunt. atque ita deinceps ad alia membra alios. dum ægrum visunt, mediam tenet horam pulsuum horum exploratio summa cum quiete omnium, nec sine decumbentis fastidio, quam mox, unde oriatur intemperies, & qua sit in parte corporis facile indicant, & recte dijudicant. Artis Chemicæ professores, & hic non rari, ubique vagantur, non aurum modo pollicentes, sed & immortalitatem in hac vita, quorum pæne idem, qui Europæorum scopus est, splendide mentiri scilicet, & nimium credulos, avarosque, istis offuciis fallere.

Habitus
corporis.

Ingenii quoque acumen perperam sæpe ostendunt in sagacissimis dolis, & fucis, quibus aliis imponunt. agiles præterea sunt, & levi flexilique corpore ac vivaci spiritu. la-

boris patientes, at minus famis. siquidem diem medium, præsertim matutinum, absque cibo transigere pæne existimant sibi fatale.

Mercatores industrii sunt, & solertes, gens tota otii inimica, & desidiosa. ubi vel minima lucelli affulget spes, nullus eis labor gravis, quippe honesto utile sæpe potius & antiquius. valetudinis sat firmæ sunt ac robustæ, duratis vel inde à puero lacertis, colore candido certant alicubi cum Europæis, multique conveniunt, si nasum simum, barbam raram, exiles, prominentes & in oblongum deductos oculos, latamque & ad quadrati magis formam accedentem faciem exceperis. nigerrimo omnes prolixoque gaudent capillitio tum viri, tum mulieres. flavum rufumve colorem vilipendunt, imo horrent, magis etiam quam olim Thebani. mulieres ut plurimum statura minores sunt, at vultu & liberali & eleganti. præcipuam pulchritudinis muliebris ac decoris partem exilitati pedum tribuunt. inde primum natis puellis infantibus eos arcte revinciunt, ac comprimunt, fasciisque ita adstringunt, ut deinceps nequeant excrefcere. sunt, in quibus caprinos vaccinosque vix superent mole aut magnitudine. ridicula sane & mira in tam culta gente stultitia, cui si vel ipsam Helenam obtuleris, sordebit ob pedes majores. adeo mulieres hîc omnes, quo viris placeant, hoc lubentes subeunt tormenti genus.

Triplex est Sinicæ gentis religio seu secta *Religio.* potius. primam eamque antiquissimam, Philosophicam: secundam Idololatricam: tertiam Epicuream nomino: illi *Sankiao* hoc est triplicem doctrinam vocant. Philosophica inter reliquas & re & auctoritate eminent. penes hanc regni regimen est. soli enim Philosophi ad rempublicam administrandam admittuntur. *Iukiao* sectæ nomen est. hæc olim unum summum principium agnovit: multa namque de cælo, summo imperatore, ac rerum omnium gubernatore philosophorum veteres libri tradunt. modo, se illius naturam, ac essentiam, ac quo modo colendus sit, ignorare fatentur. unde *Philosophorum* melius judicant esse, omnem cultum omittere, quam in illo errare. hujus itaque sectæ *secta.* asseclæ nihil spectant magis, quam justum ac perfectum Reipublicæ regimen, virtutumque moralium exercitationem. tractat hæc Philosophia de cælo, terra, ac homine, tamquam de iis, in quibus omnium rerum cardo versetur. *Sançai* illa tria vocant. de cælo

coelo ac terra scientia tota mere naturalis est, ubi de rerum principiis, de generatione & corruptione, de motibus coelorum, siderum, ac Astrologia utraque, de agris demum eorumque cultura ac dimensione, &c. de homine vero scientia tota est, quæ ad mores spectat, quæ scilicet homo est sociale animal, rationis ac regiminis capax, in eo præcipui ordines, seu tituli quinque. Primus patris & filii est, in quo de obedientia miranda magis, quam imitanda proponunt. II. Uxor-
is & mariti, ubi de differentia eorum, de connubiis, &c. III. Est regis & subdito-
rum, ubi de fidelitate ac paterno regum er-
ga suos amore. IV. Est amicorum, ubi de
amicitia. V. de fratribus, ubi de majoris a-
more, ac minoris obsequio. deinde docet
ter mille minores ritus seu præcepta ad ur-
banitatem, bonos mores externos, mode-
stiam, circumspersionem & similia, spectan-
tia: prudentiam, pietatem, ac fortitudinem
qua nos ipsos vincimus, multis ac egregie
laudat, iustitiam & virtutem illam, qua alios
metimur ex nobis, seu nobiscum conferi-
mus, extollit, ac commendat, in eaque sum-
mum perfectionis ponit apicem. de futuris
hæc secta minime est sollicita, nec de iis di-
sputat, ea potissimum persuasa ratione, quod
nec quæ ante oculos sunt, eaque quæ coram
videt, recte ordinare aut intelligere possit.
virtutes omnes tum interiores tum exterio-
res sedulo colendas docet, idque faciendum
propter ipsum virtutis bonum, seu propter
se, nullo alio spectato fine, fac, inquit,
virtutem absque eo quod aliud exspectes
præmium, ipsa sibi virtus sufficit, nihil hac
in orbe pulchrius, aliaque præclariora in ho-
rum Philosophorum libris sunt, quibus ne
antiqui quidem illi nostri Philosophi um-
quam somniarunt, aut paria aut meliora.

*Idolola-
trica
secta.*

Secunda secta Idololatræ est, *Xekiao*
vocant. pestis hæc paulo post Christum na-
tum Sinas infecit. metempsychosin admit-
tit. duplex est, una interna, externa altera.
hæc idola colit. animarum transmigratio-
nem dari post mortem in peccatorum pœ-
nam docet, ab omni, quod vixit, perpetuo
abstinet. ridicula lex & ab ipsis sectatoribus
sacrificulis explosa, necessaria tamen ab illis
judicata, ad rudiorum à vitiis abstractionem,
& virtutum incitamentum. Interna me-
tempsychosis præclara, philosophiæque mo-
ralis pars pulcherrima. spectat enim passio-
num seu pravarum animi affectionum om-
nimodam vacuitatem, atque victoriam. hæc
dum obtineatur, hominum animos in bruta

animantia, prout illorum affectibus fuerit
obnoxii, migrare perhibent, post mortem
nihil præmii, nihil pœnæ agnoscit nisi va-
cuum, nihil in hac vita veri esse vult, nisi
prout à nobis apprehenditur, idemque ma-
lum ac bonum esse respectu diverso. de his
in epitome nostra Historiarum Sinicarum
ab orbe condito, agetur fufius.

Tertia fere Epicurea est. in voluptate fe-
licitatem ponit. longam vitam, imo im-
mortalem corpori per medicinas promittit,
ac quærit. miras invenit artes ad compa-
randas augendasque voluptates: post mor-
tem nihil esse asserit, sunt ex hac secta magi
complures. omnium sane turpissima ac ne-
quissima est. faxit Deus, ut hæc sectæ tan-
dem melioribus nostræ fidei, veræque ac
Catholicæ religionis solidis principiis com-
mutentur, veræque illis veri Dei succedat co-
gnitio. atque huiusce rei spes non parva est,
quippe Philosophi Europæam doctrinam de
moribus, quæ cum illis congruit, laudant,
adeo ut nihil præter sola supernaturalia
principia illis deesse videatur.

Virtutes omnes, earumque sectatores na-
turaliter amant, tametsi ipsi vitiis non ca-
reant. cauti tamen sunt, & ne pateant ocu-
lis, miris artibus celant, castitatem & conti-
nentiam mirantur, at nil minus servant.
Prolem non suscipere probro ducitur, &
calamitati; continentiam à viduis exigunt.
demortuo marito alteri nubere inter hone-
stiores, insuetum. Viduis continentibus ar-
cus triumphales erigunt, inscriptiones ad
perpetuam memoriam apponunt. mode-
stam gravemque in verbis ac factis demis-
sionem suspiciunt. eam præ se ferunt, quam
vis ea non præditi. Cæteras nationes supe-
rant longe parentum ac magistrorum obser-
vantia. eos non alere, iis non in omnibus
obsequi, eorum nolle subire onera ac labo-
res, aliquam iis præbere molestiæ causam
capitale est. magistris licet discipulis digni-
tate longe inferioribus honoratior ceditur
locus, dignior iis defertur compellatio titu-
lorum, iisdem in omnibus, in quibus disci-
pulorum requirunt opem atque operam,
non adesse, crimen creditur: nihil eis ma-
gis horrore est, quam dicta, facta, gestusve,
quæ crudelitatem vel iracundiam redoleant,
proinde interiorem iram ac odium celant
omnino, ac dissimulant, à nullo umquam
armorum genere instructi per vias incedunt,
quippe arma ac bella gerere hominibus in-
dignum, & indecorum putant, quare mili-
tes vilissimo habentur loco, ac pæne uti ho-
stes contemptui sunt.

Litteras

*Epicurea
secta.*

Virtutes.

*Parentum
ac
magistro-
rum ob-
servan-
tia.*

*Arma vi-
li, studia
magno
stimant.*

*Nube
modu*

*Poly-
mia
usita.*

*Vari-
bani
offici*

Litteras autem ac studia quanti faciant, vel inde patet, quo nulli illitterato pateat ad rempublicam, aut regni gubernacula aditus. quo quisque à litteris instructior est, eo opibus ac honoribus magis eminet. hinc tota pendet, oriturque nobilitas. Vix quispiam inter eos etiam rusticorum est, qui non ad decimum & quintum ætatis annum in litteras incumbat. difficile ibi reperire est aliquem, qui scribere nesciat. cum tota itaque nobilitas in eo consistat, & petatur à litteris, nullaque ratio natalium habeatur aut sanguinis, præterquam in solis Regiis familiis, quo quisque altiore in Republica habet locum, eo majoribus titulis ac veneratione ab omnibus colitur, à quibus, aut unde ascenderit, omnino neglecto.

*Nubendi
modus.*

Conjugiorum etiam ratio nostris omnino dispar. dotem maritus sponsæ dat. imo tenuiores sponsam quodammodo à parentibus emunt. honestiores accepta pro elocatione filix munera, æquo aut majori sæpe valore rependunt. inter contrahentes nullus aspectus mutuus, nulla colloquia, publice contractus, utrorumque parentes per procuratores suos matrimonium instituunt. & ita ad sponsi domum sponsa numquam alias visa in sella gestatoria ablegatur, magna præcedente comitum caterva, accensis vel in ipsa meridie lucernis. ibi famulus clavem sellæ sponso defert, illi soli hanc aperire licet, sponsamque quæcumque demum sit, excipere. Maritis uxore defuncta aliam superinducere imo & domi habere pellicem probro haud vertitur, adeo ibi iniqua foemina fors est.

*Polyga-
mia ibi
usitata.*

*Varia ur-
banitatis
officia.*

Ad fastidium usque apud Sinas prolixa sunt, ac tantum non superstitiosa urbanitatis officia. locus honoratior inter concives semper seniori ceditur, inter hospites illi, qui ex loco venit remotiori. nos honoris titulos à familiæ dignitate aut muneris amplitudine, illi à sola senectute desumunt, quo senioreni quempiam vocas, eo dignior appellatio est, qua in re tamen suos habent gradus. Voces *ego, tu* &c. solis superioribus in subditos, aut heris in servos usurpare licet. cæterum à prima ætate pro gradu, quem quis habet, quicum loquitur, sibi desumit appellationem. in publicis congressibus Sinæ ad salutationes perofficiosi sunt, in conviviis assidui, erga hospites quosunque humanissimi, summa in gestu totoque habitu modestia & morum compositio, vix ut quidquam addi posse videatur, præcipue philosophi ac magistratus reliquos Stoica

quadam gravitate excedunt, in publicis plateis attollere vocem, garrere, huc illucve circumspicere, vibrare in unam partem aut obvium oculos, vel leviuscule discurrere perditorum hominum reputant. pejerantes, ob-scænave loquentes audire rarum est. quivis bene indutus, compositis vestibus opertoque capite prodit in publicum. honorem totius corporis profunda inclinatione, testis junctisque manibus, exhibent. sin occurrant sibi invicem, ambo stantes ex æquo versus eandem partem simul sese inclinant. dexterum latus hospes occupat. at inter deambulandum, sinistrum, ne flabello, quo semper armati, ventulum cum incommodo ad faciem alterius faciat. cibos sumendos digitis attrectare etiam vulgo inurbanum, duobus bacillis oblongis, ex ebano veleboro aut alia materia, scite in os convehunt, quamobrem cibi omnes, duriores præsertim in frustra concisi mensæ apponuntur, egregio structuræ lancium & mundissimo ordine, cui ubi nonnihil assueveris res grata, & percommoda est, tametsi sub initium aliquando sit molestior. Vestes illis laxæ sunt, & ad talos usque demissæ. ab anteriore parte aperte, quas deinde prope dextrum humerum, & sub brachio adstringunt. manicæ amplæ. ratio tota modesta ac gravis. crines quam longe excrescunt nutriunt, pectineque emundant, & in capitis vertice in globum collectos adaptant, reticulo ex setis equinis contexto vinciunt, super imposito pileolo cylindrico, aut cubico, ex quo status ac conditionis cujusque dignitas etiam elucescit. variant pro vario hominum genere. foeminarum tunica oblongæ pedes omnino contegunt, protendunturque ab ipso collo ad talos usque, ut nihil omnino nudum præter ipsam faciem appareat. manus abdunt intra manicas, quæ, ut vestes omnes, ex serico. E viri manu quidquam accipere ibi moris non est, scammo aut mensulæ imponitur, quod offers, inde veste manum operiente sumitur à foeminis.

Vestes.

Potus semper calidus sit oportet, sive is ex aqua sit, sive ex vino, ex oryza cocto; in aqua bulliente *C'ha*, ibi herbam nominatissimam, macerant, & ita calidissimam hauriunt. plane ubi adsuevi, Sinas laudandos dixi, damnandosque Europæos, ita frigido potu gaudentes. ibi enim calidam potitantes & sitim extinguunt, & humores exsiccant, unde vix umquam expuunt, nec calculo aut stomachi cruditatibus, ut hic, laborant, longeque pauciores morbos, nec ita graves

Potus.

sentiunt, calculum, podagram, chiragram & similia nesciunt.

*Via pu-
blica exi-
mia.*

Omnibus merito admirationi sint viæ publicæ ad proficiscentium commoda, quantum humanitus fieri potest, exactæ. æquatæ primum, dein lapidibus stratæ sunt in omnibus fere Australioribus Provinciis, in quibus minor equorum & curruum usus. idque in altissimis etiam montibus, ubi datur transitus rescissis hinc inde rupibus, abruptisque ac solo æquatis montium cacuminibus, impletis vallibus magno per totam regionem itineris compendio. Ibi certis intervallis ad singulos nimirum lapides (qui 10 stadia Sinica continent) dispositi cursores, per quos brevissimo tempore diplomata, iussa regia ac præfectorum, celerime perferuntur. Inde nihil ibi rarum aut admodum novum solet contingere, quin intra dies paucos toti regno innotescat. ad singulos octonos lapides (quod spatium unius diei iter est) erectæ domus regię publicæ (*Cung quon*, & *Teli* vocant) ad quas præfecti ac magistratus divertunt, regioque sumptu excipiuntur tabella præmissa, qua de illorum adventu, dignitateque reddantur certiores, perscriptis dierum, quibus ad quælibet loca venturi sint, numeris. Ubi adest è præfectis quispiam, omnia in promptu sunt, non cibi tantum, sed equi, sellæ gestatoriæ, bajuli, navesque, si opus fuerit: omnia enim quæ desiderat in tabella *Pai* à Sinis dicta præscribit. fluminum etiam ripæ non secus ac viæ regię adornatæ sunt, arbore nulla impedimentove alio, nisi ad quinque cubitorum ab aquis distantiam, relicto, necubi remulco protrahentes naves, illis retardentur. quin & littora multis in locis quadratis ab imo jactis lapidibus erecta sunt, interpositis, sicubi postulat necessitas, lapideis plurium arcuum pontibus, ut quoad hæc non tantum cum Romana magnitudine, sed quarumvis etiam aliarum gentium Sinæ jure merito videantur posse contendere. Qui hæc quæ mox dicam oculis non subjecerint, difficile credo fore, ut fidem iis adhibeant, nihil enim quod ad hæc accedat reperire est in Europa nostra. Eæ regię præfectorum naves sunt ad instar præaltæ domus è materia assurgentes. ad latera varia dividuntur in cubicula, medium occupat spatium aula utcumque capax, in qua dispositæ mensæ, sedilia affabre facta, fenestræ ac januæ ex lignis reticulato opere, variisque mæandris ac celatura elaboratæ: pro specularibus vitris ostreorum tenuissimæ membranæ aut lamellæ, sericive

*Naves
sumptuo-
sa ac mi-
randæ.*

panni subtilissimi pellucente cera illiti adhibentur, qui optime ventum omnem arcent, variis florum, arborum aliarumque rerum figuris ornati, ambiunt navim ad fores podia & cancelli, per quos nautæ absque navigantium incommodo libere discursant. navis tota glutine seu sandaracha illita miro lævore, ac varia colorum amænitate, arridet. depictis intus, aureis coloribus, avibus, urbibus, volucrisque, res tota visu dignissima & commodissima usui. Longitudo navium nostris triremibus par est, suppres sunt altitudo ac latitudo: ad ingressum per octo fere cubitorum scalam ascenditur, in prora castelli habet formam, quod tibicines ac tympanistæ occupant, musica continenti aures demulcentes; ea ubi auditur à navibus cæteris, loco cedere solitæ, si alterius præfecti navis occurrerit, pro officii dignitate invicem deferunt. nullæ ibi rixæ, nullæ contestationes, aut lites, certis regulis ac statutis definita sunt omnia. eam ob rem ad proram aureis ac cubitalibus litteris cujusque navigantis præfecti dignitas exarata, versicoloribus ad latera è serico fluitantibus vexillis, dum cessant ventorum flatus, adsunt destinati qui remulco trahant, aut remis moles tota impellitur, motis ad modum caudæ piscium, methodo facili & compendiofa, Sinicique ingenii non exiguo argumento. quippe sine ulla aquæ percussione, extractione remi, vel remo unico propellitur & dirigitur navis, adeoque unus hic sex aut octo nostratibus nautis æquivalet. Intra mænia privatorum domus haud admodum operosa. commodorum illi magis quam splendoris aut ornatus curam gerunt. domus divitum splendidæ ac diffusæ. reliquas superant, ædes præfectorum, quas vere palatia possis dicere. in quaque metropoli 15 aut 20 aut sæpe plures sunt, in urbibus reliquis ut minimum octo. in minoribus civitatibus quatuor, forma omnes similes, nisi quod unæ aliis majores sint pro majori præfecti dignitate. Regio ea sumptu exstructa sunt ad præfectorum vel militarium, vel togatorum habitationem. nec modo palatia hæc navesque suis suppeditat Rex Sinarum, sed & omnem necessariam suppellectilem, & victum, & famulos, imo, quod notatu dignum est, cum præfectus discedit, vel in aliam Provinciam, vel officio defunctus (quod subinde intra medium annum contingit) licet sine nota suppellectilem seu mobilia, ut vocant vulgo, omnia auferre, quæ pro novo præfecto nova omnia apparantur.

Majora

*Præfecto-
rum pa-
latia.*

*Privato-
rum do-
mus hu-
miles.*

*Regimen
publicum.*

Præfecto-
rum pa-
latia.

Majora palatia quatuor aut quinque habent atria cum totidem domibus in fronte atriorum: in frontispicio cujusque portæ tres, maxima media est. utrumque portarum latus marmorei leones armant. ad portam maximam area ingens cancellis rubro illo Sinenfi glutine splendentibus septa. in ea geminæ turriculæ cum instrumentis musicis ac tympanis, quæ ad exitum, ingressumve præfecti, aut cum prodit in tribunal, pulsantur. intra portam capax atrium lites habentium, aut quidpiam poscentium statio. à latere utrimque cellæ sunt, seu exiles domunculæ, quas curiales infimi subsellii incolunt. adfunt binæ aulæ hospitibus honoratioribus, præfectum visendi causa adeuntibus, excipiendis. in his sedes, & reliqua ad hospitum exceptionem destinata, dexterum in iis latus togatis, sinistrum militaribus tribuitur. superata hac aula aliæ tres portæ apparent, quæ non nisi cum Præfectus pro tribunali sedet aperiri solent. media ingentis est magnitudinis. eam subire solis nobilioribus & magnatibus licet, reliquis per eas, quæ ad latera sunt, datur transitus. tum magna rursum sequitur area, ad cujus terminos capacissima aula est ingentibus suffulta columnis, *Tan'g* dicitur, in ea jus dicit præfectus, utrimque tabelliones, curiales, ministri publici suas habent ædiculas, nec cum præfectis migrant, sed stabiles sunt, publico omnes stipendio aluntur, & ab uno ad alium dominum transeunt, loco minime mutato. post hæc sequitur aula interior, priori insignior nomine *Su tan'g*, hoc est secreta. in hac soli amicissimi ad colloquium & salutationes admittuntur. circum hanc famuli domestici, ac præfectorum proprii degunt. post hanc porta maxima est & domus præfecti uxorum ac liberorum, omnia intus ornatissima & percommoda sunt, hic nemora, horti, lacus, aliæque quæ aut ad amœnitatem, aut voluptatem pertinent.

Regimen
publicum.

Aliqua hic adjicienda forent de publico regimine ac forma Imperii, sed aut alii hæc satis describere ante me, aut ego fere omnia inferui ex occasione meæ Sinicæ Historiæ epitomæ. addam tamen ad appetitum provocandum nonnulla, ne quod ego maxime admiratus sum primo, quis deesse queratur. Rex ipse vitæ ac bonorum omnium absolutissimus est dominus, ipse unus omnium omnino caput, adeoque regnum Sinicum jure absolutissimum Monarchicum dicendum. Quod à parente in filios, vel ubi hi defunt, ad propinquos regios

derivatur; ex filiis natu major Imperium regendum assumit, reliqui omnes nomine, titulo, venerationeque Regis sunt, sed non auctoritate, certa unicuique assignatur urbs, palatio, splendore, famulatio, ac stipendiis vere regis concessis, sed nullo in Cives jure; imo concessos redditus à præfectis Regiis singulis tribus mensibus accipiunt, ne simul tantum congregare possint, quo turbas excitent; ex urbe assignata exire capitale est; totum Imperium sic ab uno Imperatore regitur, ut nulli quid liceat, illo non consulto; præfecti per totum Imperium ab eo constituuntur. Tribunalia curialia in Regia sunt sex: primum Magistratum est, *Lyp'u* dicitur: secundum quæsturæ, seu reddituum, *Hup'u*: tertium rituum, *Lyp'u*: quartum militare, *Pingp'u*: quintum ædificiorum publicorum, *Cungp'u*: sextum criminum, *Hingp'u*. ab his totius Imperii non negotia, sed consilia pendent, nam à Provinciarum præfectis per supplices libellos admonetur, ac rogatur Imperator, qui negotiis consideratis, juxta rei qualitatem tribunali debito examinanda mittit; Assessores habitis maturis consiliis, sententiam suam scripto Imperatori offerunt, quam vel mutat, vel confirmat pro libitu; ad quod melius peragendum summos aliquot totius Regni Philosophos eligit adjuutores, *Colao* vocat, vel *Çaisiang*, hoc est Gubernatores auxiliares, hi primo post Regem loco sunt, illique cum de negotiis agitur assistunt, ac consiliis adjuvant; à reliquis præfectis vix conspicitur. Illud præterea in hoc regimine rarum, quod licet Imperator palatio numquam, aut vix umquam exeat, tamen totius Regni statum, ac omnium præfectorum probe novit, propterea annis singulis ad singulas Provincias, visitatorem mittit, ampla supra omnes præfectos auctoritate munitum, tamquam legatum suum; hic Provinciam suam visitat, & præfectorum omnium virtutes, ac vitia accurate examinat, ut in Regiam reversus, de singulis Imperatorem scripto datis informationibus edoceat: plane Sinica respublica bene constituti. Religiosi ordinis regimen imitatur, nec mirum, cum in eo perficiendo à tot millibus annorum Sinici philosophi insudarint, nulli alteri rei fere magis studentes: verè hoc Regnum felix vocaret ille qui optabat rempublicam, in qua vel Rex philosopharetur, vel Philosophus imperaret. Sinicus Imperator à suis *Tien'cu* dicitur, hoc est cœli filius, licet autem apud hanc gentem idem sæpe sit Cœlum, Deus, ac supremum

Qualiter
Imperatorem
vocant.

mum

Privato-
rum do-
mus hu-
miles.

mum numen, non tamen à Coelo genitum Imperatorem suum credunt, sed ejus filium vocant, quia præ reliquis mortalibus charus, dignitate inter mortales summa, ut putant à Coelo donatus sit. Vocant etiam vulgo *Hoangti*, hoc est *Luteum* Imperatorem, seu Terræ, quam lutei coloris dicunt, ac ita à *Xangti* supremo nimirum, seu Cœlesti Imperatore distinguunt. Primus qui *Hoangti* nomen habuit regnavit ante Christum Deum natum annis MM D C XCVII, ob cujus egregias virtutes, cum nomen etiam arrideret, omnes postea *Hoangti* vocati sunt Imperatores, ut apud nos à Cæsare Cæsares.

*Redi:us
Impera-
toris.*

Nemo vel pedem terræ possidet, ex quo tributum Regi non pendat, unde nil mirum tantos illum habere redditus annuos, ut præter expensas publicas regulorum, præfectorum ac militum, tamen ultra 1 x milliones scutorum quotannis in regiam deferantur, adeo ut summa omnium ad 1 x scutorum milliones facile pertingat: ex iis tamen nihil regi pro lubitu infumere licet, at in ærarium publicum omnia congeruntur. cum opus, à præfectis ærarii scripto petit Rex, & numquam non, quod petit, obtinet. Præfecti licet à Regis nutu omnes pendeant, atque ordinem inter se pro dignitate servant, suam tamen quisque absolute administrat Provinciam, nisi à majoribus præfectis aliud illis fuerit injunctum: tot hoc in imperio publica sunt munera tantaque præfectorum copia, ut difficulter percipi is ordo possit. Ea de causa quolibet trimestri liber prodit, in quo illorum nomina, patria, officium, gradus: quæ res plane hic necessaria, & percommoda iis, qui amicos officii causa Sinico more adire, aut per litteras indeptam dignitatem illis gratulari desiderant. fuit, cum undecim præfectorum numerarentur milia, cum tamen omnes minoris notæ, albo inscripti non sint. commune præfectorum nomen Sinicum *Quon fû* est, Exteri Mandarinos dicunt, fors ex eo, quod mandent cæteris. qui plura de his cupit, nostram consulat Epitomen, Sacram expeditionem R. P. Nicolai Trigantii, aut R. P. Alvari Semedo relationem de Sinis; aliorum de his scripta non ita probo, quod plurimi audita tantum, & ex aliorum sæpe relatione referant, quæ & mendis & subinde mendaciis haud carent.

*Qui bene
de Sina
scripse-
runt.*

*Urbes a-
pud Sinas
omnes fe-
re similes.*

In urbium descriptione non ero longior, pleræque enim similes sunt, sola magnitudine vel emporii frequentia se superant. figura ut plurimum sunt quadratæ. mœnia

lata, altaque coctili laterculo vel secto lapide structa, aggesto aggere terreo firmata. circum fossa ingens, debitisque intervallis prominentes turres altiores quadratæ non absimiles antiquis illis, quæ adhuc exstant, Romanorum muris. quælibet porta duplex duplices habet valvas. inter eas area interjacet militum exercitationi dicata. primas valvas seu portam ingresso altera non apparet, quippe è latere, non ex adverso sita. prima duplici armata muro figuram facierum nostrorum propugnaculorum representat. Supra ipsas portas præcellæ atque insignes turres (*Muen Len* Sinæ vocitant) ad militum stationem, armorumque custodiam veluti totidem armamentaria, insigne omnino opus, si tam insignes nactum esset propugnatores. Extra portas diffusa late longeque suburbia. in iis sæpe vix minor habitantium numerus quam in ipsa urbe. Singulæ urbes, & fere omnes civitates paululum remotam à mœnibus loco amantiori, magisque frequenti unam ut minimum habent turrim in his, quas antiqua gentis superstitio fortis prosperæ aut adversæ omen illis finxit portendere. Novizoniæ aut saltem Septizoniæ sunt, admiranda prorsus structura & altitudine. unam alteramve infra describam, ex quibus quæ qualesque sint reliquæ, facile erit conjicere.

*Forma at-
mania.*

*Turres
præclara.*

Ab his non multum abit publicum illud opus, quod *Culeu* vocant, nos turrim horariam dicimus. ad hanc sæpe præfecti convivium celebraturi conveniunt. in ea aquea clepsydra horas docet: siquidem ex uno vale in aliud aqua effluens tabellam, in qua horarum ac temporum notæ, sursum attollit; est qui eam ibidem observet, & ad horas singulas ingentis tympani pulsu signum det, simulque extra turrim tabellam cum diei hora cubitali charactere exaratam exponat. Viderint hinc antiquarii an quidpiam hæc conferre possint ad clepsydras antiquas melius percipiendas, aut illustrandas. Hic idem ignis curam gerit, cumque urbem ex alto totam prospiciat, sicubi is forte inopinato domum corripuerit, tympano pulsato ad extinctionem omnes convocat. pœna capitis statuta ei, cujus incuria domus conflagrat, ob domuum passim lignearum ex vicinia periculum.

*Turris
Horaria.*

Non procul à turribus ferè splendidum semper sumptuosumque idolorum fanum est: adhæc templum plerumque magnificum Urbis custodi sacrum: quamvis autem modo idola in eo sacrilege colant, fuit, cum non

Templa.

non nisi in eo genium tutelarem, seu spiritum agnoscerent. Hic præfecti omnes, cum primum magistratum adeunt, sacramentum dicunt, fideles se fore pollicentur, justitiæ habituros rationem, ipso spiritu in testem, ac scelerum vindicem vocato.

*Arcus
trium-
phales
multi &
præclari.*

Non exiguum urbibus ac civitatibus decus conciliant arcus illi triumphales, quorum multi pluribus locis, uti & turre, ex secto lapide, marmoreve sunt, celatura opereque prorsus eximio, seu magnificentiam, seu artificium spectes. illi non secus atque olim apud Romanos, bene meritis de civitate, aut Republica statuuntur. subinde & civibus magnam doctoris dignitatem indeptis, de quibus suo loco fusius.

*Gymna-
sium
Cungfutii.*

Illud præterea plurimis urbibus civitatibusque commune est, ut Gymnasium obtineant numquam satis apud Sinas laudati *Cungfutii*, idque splendidum omnino ac magnificum, tantoque auctore dignum: statum nullam aut idolum continet. clausum reliquis, solis studiosis, idque certis tantum diebus patet, ibi ejus libros ac doctrinam explicant præfecti, inaugurandi, suos accipiunt gradus, multaque agunt, ad gratam animi de accepta ab illo doctrina, significationem testandam, quæ quibusdam, rem non æquo aut purgato satis intuentibus oculo superstitiosa videntur. Atque hæc sunt omnibus civitatibus vulgo communia, quare nec in singulis describendis, cum similes sint, adlaborabo, si quid rarius in iis occurrerit, id haud gravate in eruditorum curiosorumve harum rerum gratiam adnotabo.

*Mira in
figuris
montium
Sinarum
superstitio.*

Post Urbium descriptiones montes haud procul ab eis dissitos enumero. in his notandis deligendisque non minus curiosi quam superstitiosi sunt Sinæ, in illis consistere suam felicitatem, ac fortunam omnem rati, idque ob draconis, quem felicitatis putant principem, in illis habitationem. unde pro sepulchris struendis montis figuras diligenter examinant, venas omnes ac viscera rimantur, sumptibus nullis aut laboribus parcunt, ut felicem scilicet terram obtineant, caput puta, vel caudam, vel cor draconis: nam inde pro sepulti posteris felicia omnia & ex voto fluxura existimant. multi hujus artis periti per totam hanc extremam Asiam vagantur, qui montium figuras, venasque observant, non aliter atque Astrologi siderum conjunctiones & aspectus, & Chiromantici manuum, ac Physiognomi (cui studio admodum dediti Sinæ) totius corporis habitum & lineamenta. mira superstitio, in qua ta-

men ad infaniam usque delirant. inventum id credo fuisse Philosophi cujusdam, ut ita vivorum in demortuos augeret pietatem, & obsequium. montes autem Sinenses plerumque à magnis pagis occupantur, pulcherrimis sepulchris, saltibus ac lucis amœni sunt: utque industria Sinarum nihil incultum squallere sinit, in planitiem & æquior orizæ inibi ferendæ montes deducunt, de quo alibi alias. adhæc ubi arrident nemora ac sylvæ amœnique prospectus, in iis collocantur idolorum fana magnitudine & splendore præcipua: illic sacrificulorum adsunt monasteria, quæ paulo post suo loco describentur. In densioribus vepretis inculta adhuc gens, necdumque ipsis Sinis subjecta degit.

*Montes
omnes
culti.*

A montibus ad flumina majora, aquasque descendendo, cum enim mapparum spatium exile vix omnium illorum nominum capax sit, ut nihil omnino desit, scriptis saltem montes & flumina nobiliora tradere volui. ut enim omnia ad unguem exprimerentur in mappis, pro qualibet urbe mappa particularis sculpenda foret, quod ingentis esset operis, laboris, maximorumque sumptuum, cum quævis urbs cum subditis illi civitatibus atque oppidis ad instar non exiguæ Provinciæ constituat. in montibus & aquis, si quæ notatu digna, quæ vel ipse animadverti, vel ex Sinensibus Cosmographicis libris hausi, non omisi. Distinctionem facio inter flumina, fluvios, amnes, ac torrentes, flumina voco quæ lapsu magis placido manant, fluvios qui fluunt velocius, amnes autem hic minores sunt fluvii vel flumina, torrentes qui è pluviis ac liquatis nivibus orti præcipientes per valla ac loca asperiora descendunt, navigabiles tamen ut plurimum sunt vel minorum patientes navium, vel ratibus ex arundinum fascibus compactis. priusquam manum tollo de tabula, duo hic mihi nobilissimi hujus extremæ Asiæ fluvii describendi sunt, qui tum ob longissimos, quos permeant, terrarum tractus, tum ob ingentem aquarum vim ac molem hunc sibi locum potissimum postulant.

Flumina.

*Distinctio
inter flu-
mina.*

Primum locum haud immerito sibi vindicat flumen, quod *Yangcu Kiang*, vel per antonomasiam *Kiang* Sinæ vocant, ac si maris filium diceret. Hoc Sinam totam in Australem ac Borealem dividit, ab occasu fluit versus ortum, varia habet nomina pro varia, quam præterfluit, regione. primum *Minkiang* dicitur à montibus *Min*, à quibus ortum ducit, qui qua Provincia *Suchuen*

*Descri-
ptio flu-
minis
Yangcu
Kiang.*

maxime vergit ad occidentem, in *Sifan* sive Preti *Joan* regionem quam longissime excurrunt, ad Boream radices habent haud ita procul à Metropoli *Guei*, inde egressum flumen magno aquarum impetu Metropolim ipsam alluit, factoque undarum divortio in varios sese extendit ramos (ut ita dicam) magnamque regionis partem in insulæ modum coactam gyro suo complectitur. Ad *Sincin* civitatem mutato nomine *Takiang* dicitur, inde collectis plurimis ignobilioribus rivis ad *Sui* civitatem in *Mahu* fluvium influit. Hinc illi ad *Lin cheu* civitatem *Liu-kiang* nomen est, inde ad *Chung King* urbem tendit, & magnum *Pa* fluvium cum ejus nomine excipit, tum superata *Quei cheu* urbe *Huquang* Provinciam ingressum *Takiang* nomen recuperat, haud ita procul ab urbe *King cheu*. Huc usque per vallium anfractus multis vorticibus, ingentique aquarum impetu, per famosos sæpe scopulos, ac horrenda præcipitia prorumpit, quæ tamen sua freti arte, ac industria feliciter vitant, & enavigant *Sinæ*. Ex *King cheu* paulatim fit placidius, ubi *Tung ting*, lacum versus Boream pertransit, eo ac metropoli adjacente superata *Kiangsi* Provinciam adit, ibidemque ex lacu *Pengsi* sive *Poyang* immensum quantum auctus *Tangcu Kiang* nomen obtinet, à *Kieukiang* urbe ad mare usque *Eoum* per 100 eoque amplius leucas ita placidum, pacatumque flumen est, ut expansis ubique velis recto & obliquo cursu secari à navibus possit: dictu mirum! per tantam terrarum longitudinem in Noviluniis ac Pleniluniis præsertim, hucusque maris æstum sentiri & pertingere, piscesque maritimos adversas undas ascendere; hic ad duarum leucarum plerumque latitudinem sese diffundit, totamque *Nanking* Provinciam fœcundat ac rigat. donec pertransita *Kiangning*, alias *Nanking*, urbe, & *Chinkiang* ingenti sibi adaperto ostio, in ipsum Oceanum se exoneret. in ipsis faucibus insulam tenet atque urbem à militum naviumque præsidio egregie instructam. Urbes ac civitates plurimas illius ripis ab utroque latere impositas dabunt Mappæ nostræ, quæ sequuntur.

Croceus
fluvius
miri co-
loris.

Secundum sibi locum postulat fluvius *Hoang* nomine; *Croceum* aut luteum dico, id enim *Sinice* sonat, à colore, quo imbutus, illi nomen inditum, cum primum vidi, paludem putavi, at aquarum impetus, ac vis ingens brevi aliud ostendit, quippe incredibili velocitate proruens naves adverso flu-

mine subire non patitur, nisi magna hominum multitudo & in duplum, quam alibi soleat, major remulco trahentium numerus aquarum depressionem, pertinaciamque evincat. dimidii miliaris latitudinem modo æquat, modo exsuperat. Longitudo tanta ut ad octingenta & amplius milliaria pertingat. in hæc fere verba à *Sinis* describitur. Ortus *Hoang* fluvii est inter Australes montes *Quenlun*, quos incolæ *Otunlao* vocitant. Aquæ pluribus quam centum fontibus scaturientes ad superficiem lacus, quem efformant, ebulliant. *Sing cien* mare dicitur. octoginta stadia quadrata occupat, ex eo aqua canali deducta alterum lacum efficit antecedenti paulo minorem; Inde fluit *Hoang* Boream versus nonnihil in ortum deflectens. mox *Xensi* Provinciam alluit, rectaque ad ortum pergit. tum deinde versus Boream arenosos campos seu desertam solitudinem præterlabitur, atque hinc versus Austrum *Sinam* subit, & per *Xantung* in mare prorumpit. Hæc fere *Sinicus* auctor. Est igitur hic fluvius hujus extremæ Asiæ magnitudine & celebritate nominis secundus, at nihilo propterea magis *Sinicas* leges veritus ab exteris nationibus egressus *Sinam* ingreditur, ac veluti odium, quo *Sinæ* advenas persequuntur, prohibentque, ultus, eluvionibus sæpe circumjacentes regiones latè fœdat, mutato sæpenumero alveo, dum limo, quem copiosum vehit, plenus, illum, illiusque vehiculum exonerat. Montes *Quenlun*, quibus ortum debet, omnino *Amalæos* esse existimo, eosque haud ita procul dissitos ab altera magni *Mogoris* Regia, quam *Laor* vocant, aut à regno *Tebet*, imo iisdem in montibus scaturire *Gangem Bengala*, *Meson Laorum*, *Historemque Cambogia*, aliosque non ignobiles fluvios, qui *Sion* & *Pegu* regiones irrigant, ipse locorum regionumque situs suadet. plurima enim maximaque flumina, quæ Austrum versus manant, inde suam petere originem, demonstrant *Sinæ*. *Croceus* porro *Sifan* & *Tangyu* immensos terrarum tractus *Sinis* minime subiectos prætergressus ad illorum appellit ditionem, ubi *Lingao* urbs est haud procul à civitate *King* Provinciæ *Xensi*, qua murus ille magnus spectat ad orientem, quem non tam præterlabitur, quam alluit, raditque. mox desertam illam solitudinem, qua in ortum, qua Boream versus tamquam hostiles campos celerrimo cursu prætervectus ad bis mille plus minus stadiorum longitudinem, ad Austrum vertit iter, & per

Crocei
iter.

Murus
Sinarum.

Ejus lon-
gitud.

Se muri magni portam illapsus limites statuit inter *Xensi* & *Xansi* Provincias. inde *Hoan* adit, tum *Xantung*, perque *Kiangnan* Provinciam magnam itineris partem conficit, donec ad *Hoai* urbem, in mare turbidus adhuc, & violentus sese immergat. olim *Peking* & *Xantung* percurrere solitus. at Sinarum industria & labor alveum illius procul avertit, quod regiones illas in longissimam latissimamque fufas planiciem, sua exoneratione, exundationeque prorsus elueret, rivum tamen reliquere Sinae, qui antiquam *Crocei* semitam adhuc commonstret. Aqua tota limo obsita luteum habet colorem, quam ne mille quidem annorum spatio limpidam evadere posse volunt Sinae, unde apud eos diverbio locus: quando *Croceus* clarescet, de re admodum difficili, aut quæ prorsus fieri nequit. hanc aquam ad usum limpidam faciunt navigantes injecto alumine. illo enim infecta limum suum præcipitat ad fundum vasis: vasis pars quarta limo subtili adeo constat, ut omnem sensum tactus fugiat, reliqua magna flumina suæ cuique Provinciæ propria habes ad Mappas: ubi & quæ notatu digna in urbibus singulis. ibidem lacus, stagna, fontes, æstuaria reperies, ut ita tandem universalis omnium rerum hujus extremæ Asiæ ad Europæos cognitio perveniat.

Murus
Sinarum.

Exciderat, mihi tumultuarie hæc in chartas conficiendi, magnus ille totque scriptorum monumentis inclytus, & ætatis nostræ ac superioris maxima exceptus admiratio, æternaque dignus memoria magnus inquam ille Sinarum murus: cujus celebris quidem, sed adhuc admodum obscura, uti video, apud Europæos fama est; is non unam, sed quatuor omnino Provincias ambitu suo cingit, quamquam mihi quidem de nimia ejus hætenus existimata longitudine semper aliquid demendum visum est. nec enim, quod trecentas Germanicas leucas superet invenio, ex quibus 15 uni gradui pares: tota enim illius longitudo à Sinu maris, in quem *Talo* fluvius ex Tartaria Orientali influit, ad usque *Kin* civitatis montes prope ripas *Crocei* fluvii, non excedit gradus viginti, licet illud, quod deesse ob parallelorum coarctationem videtur, abunde sua inflexione & curvitate compenset: nusquam interrupta illius continua series, præterquam ad Boreales partes Urbis *Sinen* Provinciæ *Peking*, ubi exiguum spatium tenent horridi & inaccessi montes, qui firmissimum murum nectunt, & ubi *Croceum* fluvium ad

Ejus longitudo.

Se fauces admittit, reliqua flumina minora, ab exteris subingredientia regionibus arcibus hinc inde, fornicibusque superstructis ad instar pontis, admittit. cætera totus sibi constans, ac fere uniformis non per planiciem modo, quæ in his partibus rarior est, nec per montium crepidines tantum, sed & quæ ipsos montes transcendit: certis intervallis altiores habet turres, portas etiam quasdam, ad exeundum, ubi necessitas postulat, & illis vicina castella munitissima, tum ad muri custodiam, tum ad militum habitationem apte disposita, ut in mappis videre est: habuit enim, aluitque ad ejus custodiam quæ longe ab Ortu in Occasum patet, Imperator Sinicus haud minus quam millionem, ut vocant, militum, seu decies centena milia. muri altitudo triginta Sinensium cubitorum est; latitudo duodecim & sæpius quindecim. Sinae quidem *Vanli Ching* vulgo dicunt, hoc est decem millium stadiorum mænia, quo numero non veram, sed ingentem, ac prodigiosam muri longitudinem denotant: cum enim ducenta, & quinquaginta Sinica stadia gradum unum Æquatoris constituent, extenderetur illius longitudo ad gradus omnino quadraginta, qui longius spatium occupant, quam tota hæc extrema Asia in longitudinem excurrat. Inchoavit hoc opus *Xim* Imperator Cinae Imperialis familiæ auctor, qui Sinicos Imperatores omnes & operum magnitudine, & rerum gestarum ac bellica gloria, vel æquavit, vel superavit. hic postquam totam jam Sinam devicta *Cheva* familia suo subjecisset imperio, ex regulo factus Imperator Tartaros ipsos multis magnisque cladibus afflixit: ut autem futuras eorum in posterum in ipsam Sinam irruptiones, reprimeret, planeque impediret, murum hunc magnum extruxit, quo tamquam continuis mænibus arceantur Tartari. aggressus est opus anno secundo sui Imperii supra vigesimum, qui fuit ante Christum natum ducentessimus decimus quintus. quinque annis totam absolvit fabricam incredibili hominum adlaborantium multitudine: nam ex denis tres viros adesse per totam Sinam delectu habito voluit. Variis in partibus regni exstructio cæpta, & quinquennii spatio incredibili velocitate absoluta, tanta operis firmitate ac soliditate ex meris scilicet silicibus, lapidibusque, ut sicubi clavus infigi posset per lapidum commissuras, morte lucrent qui partem illam fabricassent. ad Sinum maris, in quo illius initium per aliquot stadia aquas subit,

Muri auctor.

Murus, quo anno sit conditus.

subit, scribunt Sinæ ad hæc sub aquis jacenda fundamenta, quamplurimas naves non lapidibus, sed crudi ferri massis plenas fuisse demersas. his innixus fundamentis assurgit occasum versus, & *Leäotung* regionem: mox excurrit ad *Peking*: inde *Xansi* & *Xensi* Provincias munit non recta semper progrediens, sed quandoque deflectens juxta varium locorum situm. opus sane magnificentum, ac ingens & omni dignum admiratione, adhæc usque tempora fere sine labe, aut noxa, contra tot injurias temporum persistens. Superest modo tantum, ut addam nonnulla quæ ad faciliorem, eorum quæ sequuntur, perceptionem facere multum videntur.

Chrono-
logia Si-
nica.

Primum eorum est brevissimum totius Sinicæ Chronologiæ compendium, ut constet quo anno fuerint Imperatorum, qui nominabuntur, familiæ. Sciendum itaque extremam hanc Asiam primum septem habuisse Imperatores, quorum ab electione per suffragia dependerit successio, ab anno nimirum ante Christum natum M M D C C C X L V I I, usque ad M M C C V I I: ante quæ tempora nihil se veri habuisse in suis historiis fatentur Sinæ, dein hæreditaria fuit successio. *Tu* à suis electus Imperator ultimus primam fundavit familiam *Hiaa* dictam, quæ incepit anno M M C C V I I, duravitque ad M D C C L X V I, quo anno extincta *Hiaa* familia, *Xanga* subiit. Tertia fuit *Cheva*, quæ superiori devicta, deletaque, coepit anno M C X X I I, diutissimeque regnavit ad annos scilicet ante Christum natum C C X L V I. quo anno *Cina* familia exordium sumpsit, stetitque tantum usque ad C C V I, quam subsecuta est familia *Hana*, cujus Successores regnarunt ad an. C C L X I V post Christi nativitatem. Exinde *Cyna* ad annum usque C C C C X I X, quo quinque simul fuere Reges, qui sibi mutuo intulere bellum *Uta'i* dicti, donec aliis omnibus extinctis sola *Tanga* familia totius hujus extremæ Asiæ gubernacula arripuit, tenuitque anno Domini D C X V I I I: at non ita paulo post scisso rursus & abeunte in varias factiones imperio, *Heutai* dissensionis rebellionisque capita vocitarunt. Demum anno D C C C C X X I I I *Sunga* familia toti Sinarum imperio jura dedit, quod obtinuit ad annum usque M C C L X X V I I I, quo anno florens tum vigenisque hæc familia subacta à Tartaris magna regni parte, penitus interiit, adeo & isthic:

Omnia sunt hominum tenui pendencia filo,

Solaque fors constans in levitate sua est.

Sub hæc tempora, hoc est sub hujus familiæ exitum ac finem, Sinarum regionem Marcus Paulus Venetus, cum pluribus nonnullis paulo ante vel post eum secutis ingressus est cum Tartaris, qui *Juenam* familiam instituerunt, quæ rexit Imperium usque ad M C C C L X V I I I: quo anno Tartaris expulsis *Ta'iminga* familia surrexit, quæ modo, nobis tragœdiam spectantibus, iterum à Tartaris pene extincta est, qui *Ta'icingam*, familiam suam vocare cæperunt M D C X L I V.

Secundo loco Sinica mensura scienda. Supra attigi, Sinam totam à suis quadratam dici, & pingi, & vere parum aberrant, olim quia vix extra Sinam alias esse sciebant, vel putabant terras, ideo maxime terram quadratam, & Coelum rotundum affirmabant; hinc etiam est quod omnis Sinica mensura per quadrata fiat, sic olim antiquissimis temporibus totam terram Sinicam in minutissima quadrata partiti sunt ad tributum regum facilius colligendum, unum enim ex novem pro Rege Agricola seminabant ac colebant: mensura autem ac mensurandi modi parum differunt à Strabonis, Melæ, Plinii & Solini, nos iter nostrum dividimus per passus, milliaria, illi per *Pu*: *Chang*: *Li*: *Pu*: *Ç'an*, quæ explico.

Sit ergo minima mensura *Ly*, quorum decem unum *Fuen* constituunt, decem *Fuen* unum *Ç'un*, horum decem unum *Che*, decem *Che* unam *Ch'am*, sex autem *Che* unum *Pu*: C C C L X *Pu* unum *Li*, decem *Li* unum *Pu*, & octo *Pu* sive L X X X *Li* unum *Can*, quæ Sinica nomina ita ferè nostris respondent, ut deinceps Latinis nominibus utamur.

Ç'an est inter diurnum, quantum nimirum diebus singulis Sinæ ambulando conficiunt.

Pu lapidem, cippum, seu postam vocabimus, nam per totam hanc Extremam Asiam in singulis *Pu* arcum erigunt (sicuti olim Romani cippos ad singula milliaria) in quibus locorum distantiam inscribunt ac notant.

Sinica
mensura
qualis.

Integrum che sive cubitus Sinicus in decem uncias divisus.

Mensura
varia.

Li

Li vero stadium vocabo quamvis duo nostra stadia plus minus complectatur :

Che cubitum dicam. *Pu* vero passum, nam ita Sinice significat, *Cham* perticam vocabo, decem constat cubitis, sive uno passu & quatuor cubitis, reliquæ mensuræ in hoc opere non sunt necessariae.

Gradus
unus
quantus.

Quia vero uni gradui Equatoris certa mensura invenio dandos Sinicos passus 90000: & stadium Sinicum est 360: infero uni gradui danda stadia 250, ita ut 25 stadia conficiant sex Italica milliaria, nam Italicum milliare

continet 4 stadia cum $\frac{1}{2}$, quia vero passus continet sex cubitos, habebit gradus cubitos 540000: stadium vero cubitis 2160 æquale erit, sive perticis 216.

Hic itinerarium vides Sinicum prout ab ipsis Sinis descriptum est suis stadiis, non quidem minutissimum illud, quod hæc gens habet de loco ad locum, sed solum de Metropoli ad Metropolim, quæ distantia ex sequenti tabella in communi datorum locorum angulo patebit.

	Pe- king.	Kiang- ning.	Hang- cheu.	Hu- quang.	Xan- tung.	Xan- fi.	Ho- nan.	Su- chuen.	Fo- kien.	Quang- tung.	Quang- fi.	Xen- fi.	Kiang- fi.	Yun- nan.	Quei- cheu.
Pe- king.	0	2425	3340	2527	925	1230	1315	4730	5220	5545	5015	2390	2980	5570	4730
Kiang- ning.	2435	0	920	1630	1783	2270	1115	4580	2795	4555	4117	2355	1594	5035	4000
Hang- cheu.	3340	920	0	1325	2700	3190	1025	3960	1870	3675	3750	3270	1170	4590	3550
Hu- quang.	2527	1630	1325	0	1750	2100	1212	3860	2025	1980	2487	2015	635	3040	2000
Xan- tung.	925	1783	2700	1750	0	1730	980	4210	4150	4980	4250	3320	3077	5240	4200
Xanfi.	1230	2270	3190	2100	1730	0	1155	2675	5260	5230	4380	1890	3660	5140	4100
Honan.	1315	1115	1025	1212	980	1155	0	3325	4420	4210	3700	1240	2520	4310	3270
Su- chuen.	4730	4580	3960	3860	4210	2675	3320	0	4883	4035	3100	2350	3415	2170	1130
Fokien.	5220	2795	1870	2025	4150	5260	4420	4883	0	1420	3460	5100	1790	5130	4640
Quang- tung.	5545	4555	3675	1980	4980	5230	4210	4035	1420	0	1230	4810	2560	3570	1160
Quang- fi.	5015	4117	3750	2487	4250	4380	3700	3100	3460	1230	0	3750	2515	3380	2350
Xenfi.	2390	2355	3270	2015	3320	1890	1240	2350	5100	4810	3750	0	3760	3810	2810
Kiangfi.	2980	1594	1170	635	3077	3660	2520	3415	1790	2560	2515	3760	0	3990	2950
Yun- nan.	5570	5035	4590	3040	5240	5140	4310	2170	5130	3570	3380	3810	3990	0	1040
Quei- cheu.	4730	4000	3550	2000	4200	4100	3270	1130	4640	1160	2350	2810	2950	1040	0

Quod ad vocabulorum pronuntiationem attinet, notandum omnia quæ per *che* scribo, more Hispanico pronuntianda, vel ut Hetrusci *c* ante *i* vel *e* vocales, eodem modo Hispanice hæc littera *c* cum auricula dici debet, vel ferè ut *z* Italorum. Ubicumque supra litteram hanc notam vides ^e, pro spiritu aspero Græcorum erit: aliquando aliqua per *j* Hispanicum scribo, hæc pronuntianda ut Itali *Gi* & *Ge*, sive Hispanico more: quæ per *K* ut Itali *Che* & *Chi* suum, ac si esset *Qua* & *Qui*, reliqua ut jacent. Licet autem sæpe idem nobis nomen occurrat, apud Sinas diversissima est significatio, ac character, nam multos characteres, & paucas habent voces, multasque unifo-

nantes. multa ego per *ng* scribo, quæ alii per *M*, ut *peking*, alii *pekim* scripsere, quia *M* in qualibet syllaba aperto ore pronuntiandum est, ut a Lusitanis fieri solet, alias Sinica pronuntiatio minime exprimitur.

Quia autem sub qua constellatione, seu asterismo civitates ac regiones singulæ statutæ sint, noto, hic viginti octo Sinicarum constellationum nomina ac longitudines visum est apponere, cum planetarum notis, quorum influxibus subesse dicuntur, quæ omnino nostro cyclo solari respondent. pono autem has longitudes ad annum Christi *M D C XXVIII* emendatas, quo anno correctionis Calendarii Sinici epocha statuta est, quia primus fuit annus *Cungchinii* Im-

peratoris, qui Societatis nostræ Patribus emendationem Kalendarii Sinici imperavit, sub quo etiam confecta est.

Supereſt nunc, antequam ad ſingulas Provincias veniamus, ut circumvicinas regiones, quæ Sinico imperio adjacent breviter explicemus, ac quid potiſſimum dicant de illis ipſi Sinæ Geographi, audiamus. de *Japonia*, *Corea*, ac *Leaotung* agam ad illarum mapas de ſingulis ſigillatim.

Nomen.	Longit.	Gradus.	Signa.
Kio. ♀	198 : 39	18 : 39	♂
Kang. ♀	209 : 14	29 : 14	♂
Ti. ♀	219 : 54	9 : 54	♂
Fang. ♂	237 : 48	27 : 48	♂
Sin. ♂	242 : 34	2 : 34	♂
Vi. ♂	250 : 7	20 : 7	♂
Ki. ♀	265 : 43	25 : 43	♂
Teu. ♀	275 : 3	5 : 3	♂
Nieu. ♀	298 : 54	28 : 54	♂

Nomen.	Longit.	Gradus.	Signa.
Niu. ♀	306 : 35	6 : 35	♂
Hiu. ♂	318 : 14	18 : 14	♂
Guei. ♂	328 : 13	28 : 13	♂
Xe. ♂	348 : 20	18 : 20	♂
Pi. ♀	4 : 1	4 : 1	♂
Quei. ♀	15 : 32	15 : 32	♂
Leu. ♀	28 : 46	28 : 46	♂
Guey. ♀	41 : 46	11 : 46	♂
Mao. ♂	53 : 37	23 : 37	♂
Pie. ♂	63 : 16	3 : 16	♂
Sang. ♂	77 : 14	17 : 14	♂
Tu. ♀	78 : 35	18 : 35	♂
Cing. ♀	90 : 8	0 : 8	♂
Qu'ei. ♀	120 : 33	0 : 33	♂
Lieu. ♀	125 : 9	5 : 9	♂
Sing. ♂	142 : 9	22 : 9	♂
Chang. ♂	150 : 32	0 : 32	♂
Ye. ♂	168 : 36	18 : 36	♂
Chin. ♀	185 : 36	5 : 36	♂

DE ORIENTALI TARTARIA.

Tartaria
Orienta-
lis.



Rimum igitur occurrit igno- tum magna ex parte hæte- nus Europæis Tartarorum regnum *Niu*che, de quo ita Sinicus Geographus : Hoc regnum, qua ad occaſum vergit *Kilangho* terris terminatur, ad Au- ſtrum *Coream* attingit, jam inde ab anti- quis temporibus *Soxin* dictum, idque qua- tenus ſolummodo occupabat regionem, quæ ad *Quentung* flumen ſita eſt, qua ad or- tum ſpectat, quaque ad Boream *Caiy-ven*. Hic populus *Kin* vocitatus eſt. *Hana* fami- lia hunc terræ tractum *Teleu*, *Guei* vero Rex *Hoekie* dixit, ſub *Tanga* familia Vico no- men fuit, ſub *Taiminga* vero exſtructis ibi eodem tempore munimentis aliquot, *Niu- che*, ſub qua aliquanto tempore tributa ſol- vere ſolitum. Hæc ille de ſitu ac nomine. de moribus : Habitant, inquit, ſubterraneas cavernas, veſtiuntur animalium pellibus, plurimum delectat eos robur, ac vires, fur- tis gaudent ac rapinis, crudas carnes vorant, ex contuſo milio cum aqua miſto potum ſeu cereviſiam conficiunt. eorum artes ſunt, dextre ſagittas emittere, venationi indulge- re, quamvis complures ac variæ ſint horum barbarorum ſpecies, varios etiam habeant mores : hæc breviffime Sinicus auctor. quæ omnia paulo fuſius explicanda ſunt. quam- vis porro ingenue profitear me hæſce terras

coram oculis minime luſtraſſe, ex Sinicis ta- men mappis, ipſiſque Tartarorum, quibus cum apud Sinas frequenter egi, narrationi- bus addam hic quædam, ea, qua poſſum di- ligentia, ac certitudine.

Hujus imprimis Tartariæ Orientalis anti- quitas ex eo patet, quod de ea ſub *Hana* fa- milia fiat mentio, quæ ante vulgarem Chri- ſti Dei epocham cæpit anno cc v 1, ac de- inceps hæc mentio continuetur, vario tamen indito nomine Sinico more. Illius populus *Kin* dictus, quod aurum ſonat, & vulgo au- reorum montium Domini vocantur, nam auro ditiffimam habere regionem putantur : Terminum hujus Tartariæ ſunt ad Boream & Barrapeliotem *Niulhan*, aliud Tartarorum regnum, ad ortum *Tupi* regnum item Tar- taricum, quod claudit mare Japoniam inter & Orientalem Tartariam medium, ad Au- ſtrum cum *Corea* peninſula contiguum eſt, ad quam accedit regio *Leaotung*, à quibus per murum illum magnum ſeparatur. Oc- cidentalis limes ingens fluviuſ *Linhoang* eſt, qui inter hoc Tartarorum regnum & *Ki- langho* fluit.

Inter omnes Tartaros hi ſemper fuere maximi Sinarum inimici, & ſub *Sunga* Im- peratoria familia, facta irruptione, variis cla- dibus affecerunt Sinas, adeo ut ex Boreali- bus Provinciis ad Auſtrales ſe recipere Im- peratores fuerint coacti, occupatis ab iis

Leaotung

Tartaria
antiqui-
tas.

Tartari
Sinarum
hoſtes
qui, &
quando?

Leaotung
bi ſu
cibu
mah
tem
per
vinc
quo
pule
greſ
bello
cont
bus
totu
con
geſi
leſin
tayo
F

tota
Sini
bell
Tar
can
pon
que
niam

Tartaro-
rum do-
mus.

C
inba
bis
aut
in ſp
nibu
tori
alib
luce
pell
dep
ram
in a
nibu
ſex
de l
lia
rete
etia
ſatis
hibi
hun
que
con
que
imo
und
tici

Leäotung, *Pecheli*, *Xansi*, *Xensi*, & *Xantung* provinciis, ac facile quidem totum sibi subdidissent Imperium, nisi, illorum felibus successibus invidentes, viciniore Samahaniæ Tartari (postquam magnam partem Asiæ in suam redegerant potestatem) per Australes, ac Occidentales Sinæ provincias ingressi, illis acre bellum intulissent, quos tandem omnino etiam ex Imperio expulerunt, imò & Tartariam Orientalem ingressi maxima ex parte occuparunt, de quo bello *Marcus Paulus Venetus* agit. dein contra Australes Imperatores Sinicos pluribus commissis præliis, victoriæ præmium, totum Sinicum tulere imperium, ac *Ivenam* condidere familiam, anno nimirum septuagesimo nono supra ducentimum & millesimum; de quibus plura infra ubi de *Catayo* & *Mangin* agemus latius.

Hi Tartari *Kim* dicti, modo quoque me totam inspectante Tragœdiam, Imperium Sinicum magna ex parte occuparunt, cujus belli seriem leget, qui volet, in nostro de Tartarico bello libello, ubi quo pacto dicantur tributa Sinico imperio solvisse, exponitur, rationesque, cur defecerint, bellumque moverint; modo ad illorum mores veniamus.

Tartarorum
do-
mus.

Quod attinet ad *subterraneos specus*, quos inhabitare Tartaros Sinæ dicunt, iis in verbis Sinici in Tartaros odii specimen aliquod, aut potius scintilla, elucet: neque enim tam in specubus aut cavernis quam sub papilionibus, ut ita dicam, habitant: ego sane tentoria apud eos vidi, meliora quam usquam alibi, constant ea ex pannis sericis cera pellucente obductis, sunt & ex bysso, & ex pellibus, quæ maxima velocitate erigunt, deponuntque: cumque ea altius supra terram attollunt, ac quodammodo suspendunt in aëre, circumcirca reti ex crassioribus funibus contexto circumdant ad quinque vel sex pedum altitudinem, interpositis hinc inde bacillis, ad eum fere modum, quo in Italia pastores caulas suas muniunt. ne vero rete illud appareat, tapetibus vestiunt, solum etiam tapete insternunt, super quem decussatis sedent, pranduntque cruribus, nullis adhibitis sedilibus, at mensulis tantummodo humilibus omnino, & minime operosis. atque hic quidem sedendi mos toti fere Asiæ communis est, si Sinas excipias, qui altas atque egregie elaboratas opere, sedes habent, imò & mensas nihilo Europæis inferiores, unde ad Europæos vivendi mores ex Asiaticis quoque maxime quidem nunc viden-

tur accedere, namque humi sedere, & prandere sine mensis, præterquam quod incommodum, neque ita decorum sit, barbarum esse censent ipsi Sinæ. Magnates alia habent tentoria pro uxore, ac liberis, pro famulis, culina, aliisque, ita instructa atque disposita, ut domum unam videantur constituere. num adhuc in Tartaria civitates vel munimenta illa centum & viginti quatuor (quæ sub *Ivena* familia ibi constructa sunt) extent, an non, affirmare non ausim; audivi tamen ex ipsis non deesse pro rusticis, ac senibus, qui non ita procul à domibus abeunt, aut vagantur, humiles casas & ex aggesta terra mœnia. *Muoncheu* etiam magnum aliquod oppidum esse nomen quo hi Tartari se vocant, persuadet. nam cum cujates sint, interrogantur, ex *Muoncheu* se oriundos esse plurimi respondent, eumque totius regni maximum esse locum asserunt, unde à Sinis passim *Muoncheu gin*, hoc est, ex *Muoncheu* homines vocantur. Cæterum Tartari mobiles civitates habent, vaganturque cum armentis ac familia tota, ut pro renata pascua mutant, eodem quo de Tartaris occidentalibus legimus modo.

Vestes ut plurimum illis ex pellibus, sed & ex serico & gossipio sunt: hæc à Sinis jam passim emunt: suas cum Sinis permutant. pelles nimirum luporum, urforum, vulpium, castorum, lutrarum, martium, & murium Moscoviticorum, vulgo Zibellinas vocamus, aliorumque hujusmodi animalium. vestes oblongæ sunt, ad talos usque demissæ, manicæ strictæ in equinæ ungulæ formam desinentes, cingulo latiori se stringunt, ex quo à lateribus utrimque strophiola duæ pendent ad faciei ac manuum munditiem, cultellus etiam ex eo suspenditur, & duo marsupia, in quibus tabacum, cujus avidissimi sunt, ac similia servant: tabaci suctione hospites excipiunt, quotque adsunt, tot adferuntur à famulis jam accensæ tabaci fistulæ: mira sane hujus herbæ vis, aut vitium potius, quo jam totum pene penetravit orbem, multisque plus nimio familiare est. ex sinistro latere acinaces suspenditur, ita ut manubrium à tergo arripiatur, eleveturque, cuspis vero atque acumen in partem anteriorem propendeat, unde etiam à tergo dextera manu equitantes facile extrahunt. ocreas habent vel ex serico, vel ex equino plerumque concinnato, adaptatoque corio: calcaria non adhibent. pileolus capiti congruit. biretum rotundum est atque humile, hoc pretiosæ pellis fasciâ per circuitum ambit.

Vestes
Tartarorum.

bit. pellis hæc frontem aures, ac tempora à frigore defendit. æstate ex storea vel stramine formato pileo utuntur, quantum vero tegmen capitis supra pellis fasciam eminet, tantundem rubra byssus undique sparsa tegit, vel nigri aut purpurei equorum crines, quos pulcherrimo imbuunt colore.

Habitus corporis.

Corporis constitutio atque habitus haud ita multum ab ita Sinis. colore sunt albicanti, forti ac solida membrorum compage, parum garruli aut loquaces, mores reliqui vicinioribus nobis Bosphori Tartaris haud ab similes, nisi quod plusculum mitioris cœli ex vicinia Sinarum hausisse videntur.

Mores.

De robore eorum ac viribus vera sunt quæ dicunt Sinæ, dum sese cum illis comparant: at si hæc absolute spectes, omnia Asiatica sunt. ac nullo modo cum Europæis comparanda, quamvis in eo Sinensibus vel maxime differant, quod plerique omnes etiam à prima ætatula ad militiam instituuntur, indurenturque. cubile illis solum est, tapete, quo ephippium adornant, substrato. cibus, quem occupant, satiat. carne ut plurimum vescuntur, nec à semicocta, vel semiaffa abhorrent. camelos & equos ad vescendum macant. Venationi addictissimi sunt. vultures falconum nostrorum loco, & venaticos canes præclarissimos habent. sagittas emittendi, quo volunt, peritissimi sunt, & in eo expeditissimi, jam inde à puero hanc artem edocti. rapaces quoque sunt, & cum furandi est occasio eam non negligunt, ferreas galeas nostratibus habent plane similes, si partem eam excipias, qua faciem protegimus, bucculam vocant. thoraces non una ducti lamina, sed ex variis laminarum particulis sunt ferreis claviculis simul compaginati: quæ cum Tartarorum procedit equitatus, mutua collisione, strepitum haud exiguum edunt. quod mirum, cum in equis fere assidui sint, totaque eorum militia equestribus constet turmis atque armis, nemo apud eos est, qui equorum ungulas ferreis soleis muniat, aut id norit.

Religio.

Religio apud illos vix ulla, Mahometismum horrent, de Turcis (*Hoei Hoei* vocant) pessime sentiunt, & loquuntur. fortasse hinc illud eorum odium natum, quod à Sinis olim Turcarum adjuvantibus copiis sedibus suis fuerint ejeti, à *Taiminga* nimirum familiæ auctore, quando contra Christiani præcipue è Nestorianis pro Tartaris stabant, qua de re alibi erit dicendi locus. Aliqua tamen sacra vel superstitiones potius, ab Indiæ sacrificulis ad eos manasse,

probabile est. nam sacrificulos, quos Lama vocant, habent aliquos, amantque. præterea mortuorum cadavera (quod & Indis familiare) comburunt, foeminis famulisque, equis ac armis in eundem rogi conjectis. tamen quid post mortem futurum, deque animæ statu aut immortalitate, maxime sunt solliciti. religionem Christianam admittunt facile, & jam nunc ex iis non pauci eam amplexi sunt. quis neget divinitus illis hoc fortasse ad Sinas iter apertum, ut ita salutis viam, veram fidem ac religionem invenirent? cum alioqui ad illos penetrare difficillimum foret, imo tantum non factu impossibile, quod modo facillimum effectum: atque eo fere modo, quo olim à barbaris gentium dominam Romam occupari, destruique permisit Deus, ut ita Gothos, Vandalos, aliosque Christianis sacris imbueret, veraque fidei luce illustraret.

Gentis lingua facilis est. Persicæ aliquid habere videtur affine. characteres quidam aliquomodo ad quosdam accedunt Arabicos. sed in legendo à capite descendunt ad calcem, ut Sinæ, à dextra ad sinistram progrediuntur, ut Hebræi atque Arabes, quod & Sinis commune. Alphabetum habent secus ac Sinæ, cujus litteræ, licet figura diversæ sint, eandem, quam nostrates habent pronuntiationem, nimirum *A B C*. quamvis sexaginta, eoque plures habere se dicant characteres, non viginti quatuor tantum, eo quod vocalem cum consonante, etiam Alphabeti litteram vocent, ut: *la, le, li, lo, lu, pa, pe, pi, po, pu, &c.*

Scribunt Sinæ in hac *Tartaria* rubinos, unionesque præstantissimos reperiri. forte hos ex mari *Tartariam* inter & *Japoniam* interjecto piscantur. ibidem reperiri ajunt piscem vaccam, cujus magnitudo vaccas nostrates excedit, longitudo sæpe pertica haud minor, nec squammas tamen habet aut cornua. crediderim hunc eundem esse cum eo pisce, quem fuscus describit in descriptione fluminis Amazonum (quod ipsemet totum perlustravit) R. P. *Christophorus Acunha*, anno M D C X I. Madriti edita Hispanice, & *pesce Buei* vocat. Vulturis etiam genus est apud Tartaros, *Haitungcing* vulgo vocant, licet hic reliquis mole minor sit, adeo tamen est audaculus ac animosus, ut sylvestres anseres & aggredi & capere sæpe soleat.

Maximus in hac *Tartaria* mons est *Kin* dictus, hoc est aureus, à quo forte genti nomen. duplex est, orientalis unus, alter occidentalis, qui Boream versus longissimo excurrunt

*Tupi
tari.*

*Eorum
mores.*

*Tartarorum
lingua.*

*Apud eos
rara.*

*Montes
insigniores.*

currunt tractu continuata semper serie, velut Alpes fere, aut Apenninus Italiae. Est & alius mons altissimus *Chang pe*, qui ad mille stadia procurrat. in eo lacus est octoginta stadiorum, ex quo duo fluvii emanant, alter versus Austrum fluens *Talo* nomine, al-

ter in Boream *Quenthung*. ex eodem oritur monte *Sungboa* flumen, quod non ita multo post cum *Quenthung* aquas miscet, atque ita juncti, versus ortum nonnihil deflectentes in Eoum mare sese exonerant.

D E R E G N O N I V L H A N,

& Y E Ç O vel I E S S O.

Tupi Tartari.



Equitur Niulhan, quod Tartarorum regnum etiam ad *Niuhe* pertinet, estque illius pars Barrapeliotem versus ac Boream, in quo nihil à præcedentibus admodum diversum occurrit. huic proximi *Tupi* Tartari haud procul à mari, ita dicti, quod galeas ac thoraces è durissimis ac fortissimis piscium conficiant pellibus. his succedit, quam Sinæ *Yeco* vocant, ingens terra continens, haud dubium eadem cum ea, quam *Jesso* vulgo dicunt, ubi lacum ingentem *Pe* Sinæ ponunt.

Eorum mores.

Hæc totidem fere verbis, quot Sinæ, describit Maffæus noster lib. 4 epist. *Japonia* terræ in Septentrionem adjacet amplissima Sylvestrium hominum regio, Leucas ab urbe *Meaco* trecentas (milliaria ducenta quinquaginta quatuor) bestiarum pellibus induuntur, toto hirti corpore, ingenti barba, mystacibus maximis, quas paxillo subrigunt potaturi. Vini gens avida est imprimis, ad bella ferox, formidolosa Japonibus. in prælio fauciati salis aquis abluunt vulnera, id unum genti remedium est: speculum gestare dicuntur in pectore (ex cupro est contra sagittas fortissimum, quale etiam plerique Tartari ditiores ferunt) ad caput gladios alligant, sic ut in humeros manubrium designat. Sacra habent nulla, cælum duntaxat venerari soliti sunt, &c. disputant multi num

hæc terra *Jesso* (ita cum Europæis voco *Yeco* Sinico relicto nomine) insula sit an continens: at si Sinis credere volumus, omnino pars est incultæ Tartariæ, cum *Niulhan* & *Tupi* continens terra, nec propterea sequitur Japoniam insulam non esse, nam à *Jesso* per fretum separatur. sed fidem hic ego meam libero, quam in re incerta interponere nolim, ad mappam lectorem remitto, in cujus delineatione Sinicam expressi.

Scribunt præterea Sinæ ultra *Leäotung* terras Barrapeliotem versus continentem ad sex stadiorum millia extendi, quæ fere viginti quatuor gradus conficiunt, ex quo patet ingentes esse terrarum tractus versus Americæ *Quiviram* ad fretum usque *Anian*, quod fretum detur-ne in rerum natura, nec ne, non ausim asserere, cum nihil mihi de eo certius sit compertum, fretum tamen esse, ea, quæ in Sinensium historiarum dico epitome, suadent. Si dederit Deus ut unà cum sociis aliquando Sinam revisam salvis illius beneficio & incolumis, cum ad incognitas has & vastissimas extremæ hujus Asiæ ac Tartariæ terras lucem Euangelii afferre in animo habeamus, facile ex occasione fiet, ut hæc etiam, quæ nobis tamen præ animorum salute exigui aut nullius momenti sunt, ad Geographiæ perfectionem proferantur in lucem, atque omnibus illarum rerum curiosis patefiant.

D E R E G N O T A N Y V.



Relicto jam ortu paululum digrediamur ad occasum, ad quem jacet potentissimum ac ingens Orientalium Tartarorum regnum, quod, ab occasu *Quenthung* fluminis incipiens, immensam terrarum planitiem occupat inter *Xamo* desertæ solitudinis seu

siccantis arenæ campos & Sinas. nec pauca etiam continet ultra ipsum desertum sita usque ad veterem nimirum Tartariam, quam Sinæ *Samahaniam* vocant: & hic terræ tractus ab illis nominatim *Tata* vocitatur, corrupto nomine propter litteræ *R* apud Sinas defectum. Hujusce regionis nomen ac gentem visus est nosse M. Paulus Venetus, cum

F

appel-

appellavit illud *Tangu* minimum mutato nomine. Hanc gentem Sinæ Orientalibus Tartaris scribunt aliquanto esse humaniorem, antiquissima videtur ex eo, quod sub primis Sinarum Imperatoribus de ea fiat mentio in illorum annalibus, qui sæpissime etiam res Sinenses turbavere, aliquoties etiam fuere devicti, & in hæc regiones à Sinicis Imperatoribus frequentes fuere deductæ coloniæ, ut in mea epitome accuratius enarro. unde mitiores etiam fortasse apud eos nati mores. de his ita inquit auctor noster Sinicus: Variæ horum sunt species, & à diversis Imperatoris familiis diversa adepti sunt nomina. *Hiaa*, quæ prima regnatricis fuit familia eos vocavit nomine *Huuncho*, *Cheva Hiennyun*, *Cina* & *Hana* eodem fere vocabulo *Hiungun* dixere: postmodum à variis regibus varia sortiti sunt nomina, sub *Tanga* familia *Thokiue*, sub *Sunga* *Kichen* dicti. Sub *Hana* familiæ exitum hi Tartari à *Vuon* Rege subacti sunt, nec ita multo post à rebelli *Queijû* internecione pœne deleti. exinde regnum ad *Tho Kive* devenit, quo tempore à *Tanga* familia non exigua damna passi fuere ac devicti: verum à Rege occidentalioris Tartariæ superati ejus Successores sub *Sunga* familia juvarunt ad occupandum Sinicum Imperium, unde *Ivena* familia orta, *Sunga* omnino extincta, anno nimirum M CC LXXVIII à Christo nato. Hæc *Ivena* familia pacifice satis totum Sinicum Imperium rexit ad annos septuaginta, ex eaque apud ipsos Sinas continua successione fuere novem omnino Tartari Imperatores: at paulo post iterum ab *Hunguwo* ejecti sunt, patriaque liberata est anno Christi M CCC LXVIII, quo *Thaiminga* familia imperium tenuit, de qua plura alibi. Horum Tartarorum mores ita describunt Sinæ: aquas quærentes atque herbas vagantur cum armentis, induuntur animalium pellibus, ex taperibus casas suas construunt: ira concitati ne patri quidem aut fratribus parcunt: mortuorum corpora comburunt: cum ad rogam suos mortuos portant, cantant ac saltant omnibus amicis comitantibus, alii mortuorum cadavera ex arboribus suspendunt, in eisque relinquunt ad triennium, demum ossa comburunt. hæc illi, quibus nihil ego, quod addam, habeo.

Montes
insigniores.

IN mons est, in quo olim sub *Hana* familiæ Imperatore *Hiäowwo* ingentem Tartari acceperunt cladem, rege ac primoribus regni omnibus desideratis. etiam nunc cum montem hunc transeunt, flere solent ac su-

spirare, infelicem suorum sortem miserati. *Lankiusiu* mons alter est, in quo sub eadem *Hana* familia ad septuaginta Tartarorum millia viva intercepta sunt à Sinico exercitu. *Jengen* conviviorum mons dicitur, quod in eo *Hiäowus* militibus suis convivia præbuerit, postquam curruum illius & equorum dux ingentem ac tertiam jam de Tartariis reportasset victoriam. *Kinui* mons ibidem. de fluminibus nihil reperio præter ea, quæ habentur in mappa.

In hac Tartaria oves admodum magnæ *Armen-* sunt, atque optima carne præditæ: earum *ta.* cauda crassissima est, ac complures plerumque appendit libras. equi plurimi ac generosi, licet exiles habeant ungulas, exiguumque ac breve caput, quod omnibus fere Tartarorum equis commune est, qui omnes quoque mira pernicitate in cursu & velocitate præstant. magna ibi etiam camelorum est copia, aliorumque hujuscemodi animalium. quæ mihi nova ac mira apud eos visa, præcipue duo hæc sunt: primum, instrumentum illud ex incurvo ferro aut ære, cum chalybæa lingula, quod reciprocante inter duo labia & lingulam spiritu, digito indice motam, sonum edere solet, qualia Norimbergæ passim fiunt ac vulgo *Trompe* vocant. Hisce simillima omnino habent Tartari, iisque & eodem modo impulsis utuntur in equis, sonoque illo sese oblectant. unde habeant assequi non potui, nisi vel ipsi conficiant, vel cum Europæis habeant aliquod commercium. alterum est herba quædam, quam supra lapides nasci ajunt: hæc incombustibilis est, tamen in ignem injecta diutissime in eo hæserit: rubescit quidem & ignescit aliquo modo, ateducta ex igne quam mox pristinam albedinem recuperat, nonnihil in cineritium colorem declinantem. haud ita longe excrescit, sed ad instar *Asbeston* cannabi brevioris fert capillitium, non tamen illi par est robore ac firmitate, sed longe citius frangitur. aquæ imposita in lutum abit, statimque corrumpitur. ex ea forte veteres Romani *Asbeston* suum, sive pannos illos confecere, in quibus mortuorum comburebant cadavera, ne cineres cum rogo misti servari, aut distingui non possent: difficulter enim inducor, ut credam ex *Amiantho* fuisse lapide, quod volunt *Porcacchi* in funeralibus, & *Anselmus Boëtius* de Boot de gemmis, aut ut alii recentiores ex alumine plumæ, aut *Talco* seu vitro *Moscovitico*, ex quibus, ut ex hac herba Tartari *ellyphium* concinnant perpetuum, quod numquam

Tamerl
nus no
attigit
Sinam.

Asbeston
Tartaro-
rum.

quam emungendum est, sed cum sordibus con-
crescentibus oppletur aliquantum, tan-
tum conjiciendum in ignem, putresque illi

adhærentes fungi post ustionem abstergen-
di, cum incorrupta igni illius perstet ma-
teria.

D E R E G N O S A M A H A N I A.



LAnyu Tartariam excipit al-
liud regnum, quod Sinæ *Sa-
mahaniam* vocant. Hanc *Sa-
marcandam* esse & nomen
& situs ratio suadet. jacet ad
Notapeliotem civitatis *So-
cheu* apud Sinas fortissimæ, ad occasum
Imai montis. in ea civitates esse insignes,
domos ac palatia egregia Architectura stru-
cta Sinæ affirmant. albis ibi vestibibus indui
Regem, aureis argenteisque vasis uti pro su-
pellectile, manibus cibos capere solitum.
Est, cur credam hæc terras non multum à
mari Caspio remotas esse, ab iisque Alexan-
driam Bactrianam ab Alexandro Magno in
Bactris olim conditam haud longe abesse.
Ex hac regione Tartari illi fuere ex familia
Cinchi, de quibus agit Venetus, qui Impe-
rium Sinicum invaserunt: imo eisdem ho-
sce ego non temere existimo esse, qui post-
quam sedibus Sinicis essent ejeti, Tamerla-
no Duci adhærentes magni *Mogoris* stabili-
vere regnum, captoque *Bajazeto* Asiam fe-

Tamerla-
nus non
attigit
Sinam.

re totam in suam redegere potestatem: nec
enim Tamerlanus unquam, quod quidem
scire queam, aut ex illorum historiis eruere,
cum Sinis bella gessit: floruit namque Ta-
merlanus post ejetos è Sina Tartaros ab
auctore *Taiminga* familiæ, nec bellum um-
quam aut castra movit versus ortum, sed ad
occasum potius, per regnum *Mogor* ad us-
que Persidem, aliaque loca, quæ vergunt
magis ad occidentem. Hæc facile capiet,
quisquis animadverterit Tamerlanum non
diu regnasse, & floruisse circa annum Do-
mini M cccc vi, quo anno toti Sinico Im-
perio præerat *Taiçungus* Imperator è *Tai-
minga* familia, *Hungurvi* illius nepos, qui
Tartaris è Sina pulsus Imperium libertatem-
que restituit, atque è vilissima sorte, sacrifi-
culus quippe erat, ac latro publicus, in sum-
mum evaluit Imperatorem.

His adjacet, nisi fallor, regnum *Cascar*,
de quo qui plura volet, consulat Hodopæ-
ricon Benedicti Goes nostri, descriptum in
sacra expeditione R. P. *Nicolai Trigautii*.

D E R E G N O S I F A N.



VOx *Sifan* apud Sinas omnia
Imperii confinia, quæ ad oc-
cidentem jacent, includit. Ea
potissimum sunt, quæ à Pro-
vincia *Xensi* ad *Junnan* per-
tingunt. continent autem re-
giones *Usucang*, *Kiang*, & *Tibet*, quæ no-
mina plurimas involvunt gentes, quas supra
centum esse diversas perhibent Sinæ: inter
ea *Geo* & *Cangingu* regnum, quod Presby-
teri *Joannis Venetus* vocat. istud Sinæ, li-
cet alioqui exterorum contemtores, laudant,
in eoque bonos vigere mores, egregiasque
Reipublicæ ac regiminis leges, civitates
etiam plurimas fossis mœnibusque munitas
esse prædicant: quod sane magnum, magni-
que faciendum à parcissimis illis laudatori-
bus de regionis præstantia testimonium est;
de se enim magnifice sentientes nihil quod
alienum sit, magnopere aut æstimant, aut

commendant. Hujus limites statuuntur à
Sinis inter *Min* montes, & *Croceum* flu-
vium, qui hoc regnum transit: montes vero
longe lateque excurrunt, ac demum cum
Quenlun montibus sive *Amasæis* conjun-
guntur, è quibus *Croceus* fluvius suam du-
cit originem.

Inibi versus occasum ingens lacus est *Kia* <sup>Gangis
ortus.</sup> dictus, ex quo *Ganges* multa-
que alia flumi-
na, quæ mappæ adscripsi, profluunt.

Incolæ hi plerique doctrinam *Fe* sequun-
tur, metempsychosim credentes, idola ex
cupro eleganter fundunt. tapetes elaborant
præclaros. equis optimis abundant. præter
hæc nil admodum rari de iis reperio.

Post *Tibet Mien* regnum occurrit, quod
ad *Bengalæ* partem orientalem situm est:
mox ad *Australes* partes *Junnan* provinciæ
Sinicæ sequitur.

R E G N V M L A O S.



Ocant Sinæ hoc Regnum *Laoquo*, de quo præter nomen vix certi aliquid Europa inaudit: illud ego, tum ex iis quæ de eo scribunt Sinæ, tum ex narratione R. P.

Maria Leria Societatis Jesu, quam penes me MS. habeo, ac tamquam viri vere Apostolici, quique complures annos eo in regno Euangelii prædicationi impendit, magni faciendam puto, paucis hic describo.

Regnum hoc *Laos*, inquit *Leria*, situm est in medietate Australis Asiæ. abest undique à mari ut minimum leucas centum: ac proinde piscibus fere caret, ac licet è fluminibus quidam capiantur, sat magno constant pretio, & vix usui aut esui apti sunt, cum parum valeant. bufalorum ac porcorum carne abundant, adeoque vili hæc emittitur. Gallinas quamplurimas habet, è quibus facile decem, quinque vel sex assibus aut uno Julio emes. fructus omnes habet totius Indiæ communes, at vix ullos Europæos, si poma granata excipias, & uvas sylvestres haud ingrati saporis. Regio tota orizæ feracissima est, nec siccitatis subit periculum, cum tota etiam æstate magnis aquarum fluctibus intumescant flumina, quippe ex *Tibet* montibus (*Junnan* credo dicere voluit *Tibet* finitimam) liquefactæ nives ita illa augent, ut non secus atque Nili aquis Ægyptus, tota regio inundetur. quod magnum plane divinæ providentiæ argumentum est, cum in hoc regno tantum per duos menses toto anno pluatur: tum temporis aratur, fitque sementis, quod si fluviorum exundationes deessent sterilesceat terra, ac siccitate emorerentur segetes, vixque hominum habitationi accommodata esset regio. Sed nec minus putandum naturæ miraculum, quod tantum excrescat in altum orizæ culmus, quantum ipsa aqua ascendit, quod idem in *Syon* & *Camboya* accidit, unde & naviculis insistentes maturam orizam demerere solent, cujus stirps aquæ semper inherere debet, ut crescat, alias vix nata emoritur.

Idem autem fluvius, qui *Laos* regnum secatur, suisque Mæandris totam regionem perluit, in duo quasi brachia dividitur, quorum unum *Sion* regnum, alterum *Camboyam* stringit, ubi nonnunquam ita excre-

scit, ut per octoginta leucas maximæ etiam ascendant naves.

Illud *Laos* Regnum incommodum habet, quod non item ut in Regno *Sion* fluvius hic circumquaque omnem late irriget regionem, unde ingenti labore rivos coguntur deducere, canalesque effodere ne sterile reddatur solum. Colligitur hic Benjoin thuris excellentissimi species. ebore ac elephantis abundat. rhinoceroses etiam alit elephantum hostes capitales. horum cornua in pretio præcipue sunt apud Sinas, salnitrum ferrumque habet, imo argenti ac aurifodinas. stannum ibi optimæ notæ est, muschumque ex vicino *Lu* regno, at si ipsum animal, ex quo colligitur, eo abducatur, ut piscis extra aquam, brevi emoritur. Monetæ genti argentea est, at pro minutulis rebus ac vilissimis conchulæ adhibentur (*Caouis* vocant) ex quibus 1200 vix regalem valent Hispanicum. centum tamen pro gallina emenda sufficiunt. lingua genti propria ad Sionum linguam parumper accedit.

Regna confinia sunt ad Barrapeliotem *Tungking* & *Cochinchina*: ortum claudit *Changpa* regnum, à quo per desertam illam solitudinem ac montes secluditur, Australes partes occupant *Camboya* & *Sion*; occidentales *Pegu*: ad Boream *Lu* regnum (sive *Junnan* Sinicam provinciam) attingit, cum quibus omnibus commercia hic populus exercet, at maxime cum *Tungkingensibus* & *Camboyanis*. Hæc fere *Leria* noster. Nunc ad Sinicum auctorem veniamus: *Laos* regnum, inquit, Sinici Imperii fuit, & ad Provinciam *Junnan* pertinuit, quamvis post dynastiæ rebellionem sui juris manserit. *Chaoxui-puen* dicebatur. gens thraconica est indole, arrogans & superba. corpus totum, & ipsa palpebrarum loca acu pungunt adhibitis punctiunculis, altas inhabitant domos; reliqua, quæ habet, nihilo à supra recensitis differunt.

Regni medietullium habet altitudinem poli Borealem graduum undeviginti, ad duos & viginti fere ascendit, minima altitudo est graduum septemdecim. tota regio in magnam diffunditur planiciem, quam ingens fluvius per *Junnan* dilabens mediam secatur. *Lungmuen* fluvio nomen est, maximo aquarum impetu proruit. quapropter ut navibus iter faciant, eas subinde ex aquis cogun-

Rerum
copia.

Confinia
regni
Laos.

Poli alti-
tudo.

coguntur educere, ac per terram, ob loca difficiliora magisque vorticosa, deductas iterum aquis committere.

Montes.

Numerant Sinæ præterea montes aliquot, qui *Laos* regnum quodammodo ambiunt. primus *Kinleu* dicitur, ad cuius radices fuit olim ejusdem nominis civitas, cujus adhuc extant rudera.

Quen mons alter, in quo multa rara no-

tant Sinæ: cavernam nimirum magnam & aspectu jucundam, *Cinghiu* dictam; pontem pretiosum ut vocant, hoc enim *Pao* sonat; & superbissimum idolorum fanum, *Peyun* nominatum. sunt & montes *Gai* ac *Siang* qui & *Gançu* dicitur. fluviorum maximus *Lungmuen* à Sinis dictus, cujus gentilitium nomen ignotum; alter *Laisu*; & demum *Lang* lacus.

R E G N V M G A N N A N.



Uod Sinæ *Gannan* vocant, *Tungking* Regnum, & *Kiäochi* seu *Cochinchinam* complectitur: antiquiori nomine dicta hæc *Nankiäo*: sub Cina familia *Siang* dynastiæ erant. *Hiaoius Hana* familiæ Imperator bellicosissimus omnes has regiones occupavit, deductisque coloniis Sinica politia ac legibus instituit, primusque *Kiäochi* nomen indidit, à decussatis pedum digitis, primo scilicet seu digito majore, quem hallucem vocant, incumbente proximo minori, quod ut plurimum toti huic genti adnoscitur. *Tanga* familia *Kiäochen* vocitavit. numquam tamen Sinæ visi sunt hæc terras magni facere, idque ob barbaros, ut ajunt, gentis mores; at revera id magis in causa est, quod sui semper juris esse maluerint, propriumque habere regem, & quia fere Sinas viribus ac corporis superant robore, facile sese asseruerunt in libertatem. sub exortum *Taiminga* familiæ ab *Hungurvo* subjugata fuit hæc gens, ante annos plus minus ducentos & nonaginta; at Regio *Chin* regulo cuidam in feudum fuit concessa, quem non ita multo post tres illius præfecti interfecerunt ex *Ly* familia, regnumque occuparunt. Hæc illius regni motus cum inaudisset *Junglous* Imperator duos ex præfectis rebellibus è medio sustulit, tertio fuga elapso, & sic iterum provincia facta. at vix arma posuerat, cum adest *Ly* fugitivus, ejectisque Sinicis præfectis eam denuo invadit, prudenti prius consilio legatione ad Imperatorem missa, rerum tum potiebatur *Siventens*, quietis amans, ac voluptatis mancipium potius, quam imperii dominus: hic tot rebellionum gentis pertæsus, nec dignam eam sua cupiditate ratus, *Ly* in feudum concedit, regulumque creat hac conditione ut legatum singulis trienniis cum amplis mittat muneribus, atque ita hæc terræ à Sinico im-

perio avulsæ sunt, circa annum post Christum natum M C C C C X X V I I I. at ne ita quidem regio hæc quietem nacta est: quippe intestinis agitata dissidiis in tres partes divisa est, quarum una *Laos*, altera *Tungking*, tertia *Cochinchina* regnum constituit, cum tamen non nisi partes sint provinciarum *Quangsi* & *Junnan*, quas omnes Sinæ *Leäo*, barbaros vocant, atque ita Sinicus describit auctor: barbari hi sunt incolæ, justitiæ ac urbanitatis ignari, sparsos ab humeris demittunt capillos, abscondunt barbam, gaudent lotionibus corporis, scite in aquis urinantur, humiles habitant casas, præfectorum ac magistratuum gradus nesciunt, hospites cum folio Betel & Areca (quod toti fere Asiæ Australiori commune) excipiunt. hæc ille, solito exterorum contemptu comitante.

Sunt autem hæc regiones omnino præclaræ, rerumque omnium, ad vitam humanam facientium, egregie feraces. Religionem cum Sinis habent eandem, uti & characteres ac scribendi modum; licet alia plane sit illorum lingua ac pronuntiatio, idem tamen apud omnes significant, non secus ac pictura aliqua, quam variæ nationes vario quidem appellant nomine, idem tamen ex illis aspectu, nempe quod exprimitur, intelligunt. Byfso, Sericis, & gossipio abundant. oleum illud, seu liquor ille suavissimus (quem Lusitani Rosamaliæ vocant) hinc stillat ex arboribus. Ligni aquilæ, coloris illius purpurei (Laccam dicunt Hispani) vim magnam producit. hunc Sinæ ad sericos tingendos pannos adhibent. plura de his, qui volet videat Inculentum commentarium, nuper Gallice editum, R. P. Alexandri de Rhodes nostri, qui compluribus ibi annis in vinea Domini egregiam navavit operam.

Ait Sinicus auctor simias hic esse multas, & quandam illarum speciem *Sing sing* dictam, quas exposito in silvis vino, ut capiant, potum offerunt, inebriatasque facile

G

prehen-

prehendunt, & illarum sanguine purpuram præclarissimam confici volunt. rarum etiam aliud apud eos est animal *Fefe* nomine, humana pene figura præditum, longioribus brachiis, corpore nigro ac villoso, velocissime incedit, ac homines vorat, at prius viso homine effusissime ridet risum humanum exprimens, vocemque priusquam aggrediatur.

*Montes
notandi.*

Keuleu mons est, sub quo civitas ejusdem nominis est. *Quen* mons, *Lung* mons, *Gai* & *Siang*, nihil habent admodum notatu dignum.

Flumina.

Laisu flumen è præcipuis. nihil præterea à Sinis adnotatum reperio, cumque has regiones coram ipse non lustrarim, nihil quod addam habeo.

His absolutis ad singularum provinciarum descriptionem propero, in his vel quæ ipsemet vidi (septem enim ex illis obii provincias) vel quæ ex Cosmographis Sinis summa fide desumpsi, affero. habent autem illi libros accuratissimos quasi in unum corpus redactos, quibus urbium, civitatum, fluviorum, montium aliorumque huc facientium nomina ac situm describere. nihil quidem de longitudine vel latitudine, at distantias accurate notant. verum quia hæc ipsemet pluribus in locis observavi, ex iis facile reliquis debitum locum, licet non sine labore, assignare potui, adjutus præsertim mappis ac libris illis Sinicis, quos thesauri loco inde fere tantum reportavi.



PRIMA PROVINCIA,
PEKING,
SIVE
PECHELI.

provin-
cia no-
men.



Rimus locus *Peking* debetur Provincia, quia dignitate prima est: nomen habet ab urbe regia *Peking*, quod Bo- realem regiam fo- nat: ad distinctio- nem Australis regiae,

dictae *Nanking*: quamvis proprium provin- ciae nomen sit *Pecheli*. Fuit autem in hac provincia à multo jam tempore Imperato- rum Sinensium sedes, eorum praecipue, qui post natum Christum Deum regnarunt; hic *Leaova* familia, hic *Kina*, hic *Ivena*, hic de- mum modo Tartari (qui *Taicinga* familiae fecere initium) sedem fixerunt imperii.

Dignitas.

Termini.

Ingentes haec provincia terminos habet, ab Oriente Sinum maris *Coream* inter, ac Sinas interceptum, *Çanghai* vulgo vocant: ad Barrapeliotem, regionem *Leaotung* respicit, à Septentrione magnum illum habet murum contra Tartarorum incursiones ex- structum, & veteris Tartariae partem, quae inter desertam illam solitudinem, seu areno- sum campum *Xamo* interiacet; ab Occi- dente vero provinciam *Xansi* aspicit, à qua per continuos montes, *Heng* dictos, sepa- ratur: ad Notolybicum inter hanc & *Ho- nan* provinciam *Croceus* fluvius, per *Xansi* subingressus, limes est; ab Austro demum, ac Notapeliote cum *Xantung* provincia conjungitur, inter utramque transiens me- dius *Guei* fluvius utriusque limites statuit, provincia tota fere trianguli rectanguli fi- guram refert.

Antiqua nomina.

Olim haec provincia variis in partibus va- ria habuit nomina, subinde *Jeu* & *Ki* dicta: octo maximas habet urbes, quarum quaelibet multis civitatibus dominatur; adeo ut quaelibet ferè urbs facile integram provin- ciam videatur posse constituere, adnumera- tis quippe octo urbibus, complectitur haec provincia civitates quinque & triginta su- pra centum, omnes muris fossisque cinctas,

Numerus Civita- tum.

quas tantum recensebo in hac mea Geogra- phia, cum loca mœnibus non munita non adnotent in suis voluminibus, aut mappis ipsi Sineses Geographi, maximus enim ubique eorum est numerus, mappae tamen nostrae ex iis ostendent loca quaedam illu- striora, omnium enim illorum nomina nec Mapparum capiunt angustiae, nec temporis brevis mibi haec enarrare permittit.

Ad coeli solique temperiem quod atti- <sup>Quali-
tas.</sup> net, majus in hac provincia frigus est, quam illius poscat poli altitudo, vix enim illa ex- cedit gradum secundum supra quadagesi- mum, & tamen per integros quatuor saepe menses flumina omnia adeo duro concre- scunt gelu, ut currus equosque ac gravissi- ma etiam onera glacies ferat innoxia, ac se- curissime transeant, ex iis ingentia etiam glaciei frustra exscinduntur, quae in futu- ram aetatem ad delicias servant, non tamen ad potum frigidum reddendum, quem sem- per calidissimum adhibent, amantque sorbi- tiunculis compluribus calices identidem ex- haurire: his mensibus omnes naves ita in ipsa glacie defixae sunt, ut progredi neque- ant, ubicumque illas frigus occupat (quod certo certius circa medium Novembris in- grueret solet) per quatuor illos menses im- motae ibi praestare coguntur: neque enim resolvitur glacies ante Martii initium: haec plerumque glaciei concretio uno fit die, cum non nisi pluribus, & quidem ab infe- riori superficie prius, fiat liquefactio: omni- no illud mirum, tantum non videri aut sen- tiri illud frigus, ut Europaeos ad hypocausta subeunda videatur posse cogere, aut in Eu- ropa ad glaciem producendam sufficere, unde ad subterraneas illic exhalationes, pro harum rerum causis indagandis omnino re- currendum est, ad quod etiam facit totius hujus terrae nitrosa constitutio, unde, licet raræ adsint pluviae, matutino tempore tota apparet humida, exorto sole siccescit, abi- que in tenuissimum pulverem, qui à vento in altum sublatus velut densissimas efficit nebulas,

nebulas, omnia penetrat, foedatque, res molesta plane atque horrida.

Homi-
num nu-
merus.

Liber Sinicus, qui totius Imperii populi censum continet, numerat in hac Provincia familias 418, 989. homines 3452, 254 exceptis magistratibus, militibus, aliisque, de quibus excipiendis ante diximus.

Tributa.

Tributum, quod ex oryza, milio, vel tritico pendet, est 601, 153 saccorum. non laborata byssi librae (quarum singulae viginti unciarum sunt) 224, ex serico confecto 45135. Gossipii librae 13748. Straminis seu foeni fascies, ad equos regios alendos, 8737, 284. Salis pondera, quorum quodlibet centum viginti quatuor libras continet, 180, 870. ut omittam reliquum vectigal, quod ex pecunia & teloniis prodit; neque haec magna videbuntur, si quis aliarum provinciarum tributa expendit: namque haec sterile & arenosum, licet planissimum, praeter reliquis habet solum; quin & gens ipsa ad artes & studia praeter aliis ineptior, rudiorque, ad bella vero promptior; uti sunt fere omnes Boreales Sinæ, si cum Australibus conferantur, hi ingenio ac humanitate, illi viribus pollent, licet moribus minus sint cultis.

Gentis
indoles.

Singularia omnia, quæ in hac Provincia sunt, in singularum urbium descriptione reperies. unum addo, modum nimirum itineris faciendi, qui hisce locis non infrequens, nec incommodus est: plaustrum adhibent cum una rota, ita constructum, ut uni illius medium occupandi, & quasi equo insidendi sit locus, aliis duobus ab utroque latere adsidentibus, auriga plaustrum retro ligneis vectibus urget ac promovet, non secure minus, quam velociter. Hinc forte natae fabulae, à ventis ibi agitari currus, Sinasque illos velis per terram dirigere, ut naves in mari, quamquam ad hoc ibi aptissima planities est, & alibi factum id vidimus.

Plau-
strum iti-
nera-
rium.

Catayum
ubi.

In universali hujus extremæ Asiæ descriptione promiseram acturum me de *Catayo*, ne amplius Europæi nostri *Catayum* quaerentes ab eo longissime aberrant, minime intellectis iis, quæ apud M. Paulum Venerum de eo sunt. *Catayum* igitur nihil omnino aliud est, quam sex Provinciæ hujus extremæ Asiæ Boreales, quæ magno fluvio *Kiang* à novem Australibus separantur, quas novem *Mangin* Regnum vocat M. Paulus, sicuti illas sex *Catayum*: nec mirum, namque ita vocantur etiamnum à Tartaris, ac Mauris, qui singulis tribus annis ad Sinarum Imperatorem tributa ferre consueverunt:

cum autem & fluvii *Kiang* nomen, & provinciarum, tum earum quæ ad Boream, tum quæ ad Austrum sunt, numerus cum illis, quæ in M. Pauli Veneri *Catayi*, ac *Mangin* descriptione sunt, conveniat, plane in hac extrema Asia *Catayum* esse, nullus amplius dubito. Addo, quod tempore, quo R. P. Matthæus Ricci è Societate nostra, primum *Peking* appulit, ibi Turcam invenerit, qui ad Sinarum Imperatorem Leonem dono attulerat: hic diligenter ac data opera interrogatus, quo pacto vocaretur Sinarum regnum, respondit *Catay* dici ac esse, Regiam vero urbem *Cambalu*.

Idem haud ita multo post, luculento testimonio, suoque experimento comprobavit Benedictus de Goes è Societate nostra, qui cum variarum linguarum Asiaticarum, ac imprimis Persicæ linguæ admodum esset peritus, missus est à R. P. Nicolao Pimenta Indiæ Visitatore, ut certiora de *Catayo* inquireret, quo illuc deinde per nostros fidei ac Evangelii lucem introduceret: is totam interiorem fere Asiam emensus, tandem cum Maurorum turmis, quas *Caravanas* vocant, in *Catayum*, ita à Mauris dictum, pervenit, ad ipsos nimirum Sinas, apud quos jam tum diu fuerant homines Societatis nostræ: hic, cum Sociorum aliquam nactus esset notitiam, ac *Cambalu* seu *Peking* versus iter adornaret, in morbum incidit, migravitque ex hac vita in ipsa Sina, ubi cum *Catayum* quaereret, coelum laborum suorum, uti speramus, præmium invenit: hujus hodopæicon fusiis, & curiosum omnino si quis desideret, reperiet in expeditione Christiana R. P. Nicolai Trigautii ample descriptum.

Feles in hac Provincia sunt omnino al-
bæ, longioribus pilis protensisque auriculis, qui canum Melitensium habentur loco, matronarumque sunt deliciae: at mures minime capiunt, forte quia delicate nimis à dominis suis enutritæ, haud tamen defunt etiam aliæ murium egregiæ venatrices, licet minus laute habitæ, eoque forte meliores.

Feles in
deliciis.

Sub *Siven Te*, Imperatore Quinto *Tai-
mingæ* familiae, anno post Christum natum
quadragesimo supra millesimum, com-
bustum est palatium Regium; ex illius con-
flagratione aurum, argentum, cuprumque
simul fusa, speciem conflare metalli ex
trium horum mistura, qualis apud nos, rei-
que antiquariæ studiosos aestimatur æris Co-
rinthiaci, ex qua confecta plura vasa summi
sunt valoris ac pretii, praesertim pro suffitu
facien-

Antiqui-
tatum
studios
Sina.

faciendo, ac odoramentis, adhibenturque subinde pro *Cha* coctione. nec horum tantum vasorum, sed & omnis omnino antiquitatis, puta instrumentorum antiquorum, characterum, scriptionumque vetustiorum, lapidum, quibus ad terendum atramentum utuntur, non minus quam Japonenses, amantissimi, studiosissimique sunt Sinae, eaque & unionibus & gemmis ipsis ingentis pretii praeferre solent, *Cutung* vocant, communi nomine totam illam antiquariam supellectilem indiguitantes.

Urbs prima five Regia

X V N T I E N.

*Xuntien
altitudo.*

*Primus
meridia-
nus.*

*Illius ci-
uitates.*

*Nomina
varia.*

Prima Urbs *Xuntien* dicitur, quasi cœlo obsequens dicas: aliud ei nomen *Peking* à regia Boreali Imperatorum sede: ejus latitudo à me sæpius observata non excedit gradum quadragesimum, quippe est 39 grad. 59'. Longitudo illius apud me nulla, nam hujus ego urbis meridianum, primum pono (nec enim apud Europæos quicquam reperio certi, & pudendum sane, in re tanta Cosmographos non convenire.) Ex Eclipsibus autem *Lansbergiana* hypothese à me calculatis & observatis, tum in hac urbe, tum in aliis aliquibus Sinarum, à *Goesa* Zelandiæ distare comperi horis omnino 7, 56'. quæ dant gradus Æquatoris 119,0'. unde cum *Goesa* supponatur à Fortunatis Insulis distare gradus 27, fiet hujus urbis Meridianus 146 grad. vel 149: 20' si ponatur *Goesa* distare gradibus 30: 20' juxta variam primi Meridiani assumptionem.

Jura dat Civitatibus viginti sex, quibus præest, tamquam caput & Metropolis (quod semel hic dictum de aliis omnibus deinceps intelligi volo, singulas nimirum Urbes complures sub se habere civitates, quibuscum quasi exilem quandam Provinciam constituent) nomina hæc sunt 1 *Xuntien*, 2 *Xuny*, 3 *Changping*, 4 *Leanghiang*, 5 *Mieyun*, 6 *Hoaijo*, 7 *Kugan*, 8 *Jungcing*, 9 *Tungan*, 10 *Hiangho*, 11 *Tungo*, 12 *Sanho*, 13 *Vucing*, 14 *Paoti*, 15 *Cho*, 16 *Fangxan*, 17 *Pa*, 18 *Vengan*, 19 *Taching*, 20 *Paoting*, 21 *Ki*, 22 *Jotien*, 23 *Fungjung*, 24 *Quinhoa*, 25 *Pingko*, 26 *Que*. Ex his aliquæ majores sunt ac nobiliores, quas hoc signo notavi. *Chen* Sinae vocant, reliquas vero *Hien*.

Hujus autem Urbis territorium varia nomina sub variis habuit Imperatoribus: est

enim hoc apud Sinae usitatum, ut mutata eâ, quæ imperat, familia, urbium etiam saltem quarundam nomina mutantur. Sub *Tvo* primæ apud Sinae regnatricis familiæ auctore, cum totum imperium in novem divisit provincias, suberat hic tractus Provincie *Ki*, & constellationibus *Vi* & *Ki*, ut idem statuit Imperator. Sub *Cheva* familia hæc regio *Jen* vocabatur: *Cina* familia *Xangko*: *Hana* vero *Quangyang*: à *Cyn* dicta *Fanyang*: sub *Sunga* *Jenxan*, sub cujus exitum ac finem M. Paulus Venetus hanc extremam Asiam ingressus est cum Tartariis, quibus expulsis *Peking* & *Xuntien* à *Taiminga* familia nomina obtinuit, hodieque servat.

Illud hic notatu dignum, à Tartariis ac Mauris dictam hanc urbem *Cambalu*, quod urbem domini significat, atque hinc illa M. Pauli *Cambalu*: omnia enim, quæ l. 4, cap. 3 scribit, conveniunt huic Urbi: erat enim Regia Urbs Tartarorum, quo tempore Paulus Venetus Sinae adiit, quam Tartari jam tum anno scilicet millesimo ducentesimo decimo occupant, diu ante ipsius M. Pauli Veneti ad Sinae ingressum, qui, ut ex scriptis ejus patet, contigit primum anno millesimo ducentesimo septuagesimo quinto, quando nimirum Tartari Australes Sinae partes, sive *Mangin*, expugnabant, de quibus paulo post plura.

Hanc urbem maxime ornavit Imperator *Taicungus*, qui regnavit circa annum Domini millesimum quadringentesimum quartum, nam primus *Taiminga* familiæ in ea sedem fixit, *Nanking* urbe relicta, ut expulsis ab avo suo Tartariis à vicinia, si quid tentarent, facilius resisteret: mœnia quadrati forma quadraginta Sinensium stadiorum ambitu exstruxit, viginti cubitorum latitudine, ab omni armorum genere instructissimis turribus debito ordine dispositis, profunda insuper fossa circum undique excavata; duodecim urbs portas continet: ad eas omni ex parte regni Sinarum pars maxima confluit: magistratus ac præfecti omnes, quique in litteratorum album referri cupiunt, omnes hic adesse ex tota Sina debent: ab hac enim urbe tamquam ab imperii capite totum pendet regimen, ad hanc totius imperii divitiæ confluunt, & merces undequaque advehuntur: unde incredibilis ibi rerum omnium copia, nec minor hominum frequentia, nihil ad usum, nihil ad voluptatem requiras. multa millia regiarum navium, ut innumeras privatorum hominum

*Cambalu
quid.*

*Regia
Xuntien
quando
structa.*

*Urbis fre-
quentia
ac divi-
tia.*

H num

num præteream, in eo solum occupantur, ut ad Regiam omnis generis reculas perducant: namque Sinarum labor ac industria adlaborat, atque efficit, ut per totam fere Sinam navigabiles fluvii, aut canales sint, per quos in regiam usque patet iter tum ex Australibus tum ex Borealibus provinciis; stupendum sane opus partim natura, partim arte factum, perviumque ad multa centena milliaria ita directum, ut naves omnes tandem in *Tiencin* nobilissimum emporium conveniant, & inde *Peking* versus ascendant, hinc fit, ut hæc urbs, licet sterili aliquin sit loco, tamen rerum omnium cornu copia dicatur & sit, verissimumque illud sit vulgi diverbium, in *Peking* nihil nasci, nihil tamen deesse: sed hujus urbis descriptionem ex R. P. Nicolai Trigautii Christiana expeditione apud Sinas, hæc addere placuit.

Lib. 4.
cap. 3.

Peking
urbis forma.

Injuriam, inquit ille, illius majestati facerem, & lectori nimium desiderium ingererem, nisi de ea pauca præfarer. Sita est hæc regia urbs in extremo regno ad Boream, nec abest à nobilibus illis contra Tartaros muris nisi centum miliaribus (Italica intellige;) magnitudine & vicorum compositione, ædificiorum mole, munitionibusque à *Nanking* superatur, sed vicissim eam superat incolarum multitudine, militum & magistratuum numero: ad Austrum duobus muris cingitur altis ac fortibus, quorum ea est latitudo, ut facile currentes equos duodecim capere possit, nec alter ab altero impediatur; constant illi ex opere lateritio, nisi quod in pede saxi ingentibus tota murorum moles insistit; mediis in mœnibus pro latere confectam terram injecerunt, & altitudine quidem non parum superant eos, quibus Europæ urbes assurgunt; ad Boream uno, non amplius muro ambitus continetur: in his mœnibus nocturnis horis à militum turmis non minus vigilatur, quam si omnia bello arderent; diurnis ad portas Eunuchi excubant, aut excubare se dicunt, nam revera vestigalibus exigendis incumbunt, quod aliis in urbibus fieri nequaquam solet. Regium palatium intra interiorem Australis regionis murum confurgit, pene pro urbis portis, & inde ad Borealem usque murum excurrit, unde videri potest universam urbem occupare, nam reliqua civitas ex utroque palatii latere diffunditur; angustius est aliquanto palatio *Nanking*, sed angustias amœnitate ac splendore compensat, *Nanking* quippe ex absentia regum instar cada-

veris anima destituti indies corrumpitur, *Peking* vero ex eorum præsentia magis, magisque exornatur.

Urbis vici *Peking* perpauca lateribus aut silice strati sunt, unde dubitari potest, quo maxime tempore molestior sit incessus: nam hyeme lutum, æstate pulveres utrumque molestissimum incedentes æque fatigant; & quoniam in ea Provincia pluit infrequenter, tota in pulverem terra dissolvitur, quem si ventus, licet non maximus, excutiat, nullus domi locus est, quo non ille penetret omnia foedaturus. huic incommodo remedium quærentes morem invenerunt alibi, ut arbitror, insolentem: nullus est enim è quolibet ordine, qui pedibus, aut equo incedat sine velo è pileo ad pectus usque pendente, & faciem contegente, quod ita comparatum est, uti raritate sua oculis pateat, non tamen pulveri. Id quoque velum aliud habet in ea urbe commodum, quod non, nisi quando volueris, noscaris; unde ab innumeris salutationibus liber, quo quisque voluerit apparatu molestiam minuit, ac sumptibus parcat: cum enim apud Sinas intra urbes equitare minus magnificum habeatur, & sella gestatoria vehi satis sit sumptuosum, licet sine nota minuere apparatus. Vix alibi familiarius est, luto ac pulvere necessitatem inducente, equo vel etiam aliis jumentis insidere, quæ passim in triviis portisque urbis & palatii pontibus, ac fornicibus frequentioribus sessorum præstolantur, & paucis obolis diem totum sessorum suum vehunt; & quoniam incredibilis est urbis frequentia, muliones plerumque jumenta freno circumducunt, & viam aperiant; ii quoque peritissimi sunt viarum, nec ferè est quisquam è primoribus, cujus ædes ipsi minime norint, & prostat etiam commentarius, in quem urbis, regionum, vicorum, platearum nomina omnia referuntur fidelissime; nec equos solum, sed sellas gestatorias ac bajulos reperis, qui magistratuum salutatores, ac reliquos viros fere primarios gestare gestiunt, quamquam pretii plus satis exigunt, quam *Nanking* aut alibi consuevit. Hæc *Trigautius*, qui eadem pœne de *Cambalu* ac *Catayo* nobiscum sentit.

Cæterum multa ea in urbe, eaque magnifica, pro singulis magistratibus in regia degentibus, sunt palatia, quæ licet magnitudine, soliditateque ac splendore marmoreas illas ædificiorum moles non æquent, ampliora tamen plerumque sunt quoad planitiei intercapedinem, & ad usus humanos com-

palatium
imperatoris.

Fabrici
modus.

*Palatium
Impera-
toris.*

commodiora saepe, & magis nitida nostris. Palatium Imperatoris, quod ad Borealem urbis partem est, omnem superat apparatus nostratem, seu vastitatem ejus spectes, sive eximia ornamenta: duodecim in ambitu continet Sinica stadia; quatuor habet portas ad quatuor mundi partes obversas: maximo ex iis usui Australis est. murus triplex altus ac fortis illud cingit; intra duos primos eosque extimos sunt custodes corporis, Eunuchi, eosque majoribus praefectis ingredi ad negotia inibi tractanda licet; intra ultimum, qui spatium longe majus cæteris pro cubiculis, hortis ac sylvis, lacubusque continet, habitat Rex: hic nemo admittitur præter Eunuchos ac mulieres, quibus Rex ad omne ministerium utitur: varii sunt isthic ministeriorum gradus ac dignitates. Regina legitima una est, aliæ concubinæ: aliæ ab his regis ministerium curant, aliæ à cubiculis, custodes vestium aliæ, aliæ aulae præfectæ, &c. quinque ibi adesse foeminarum millia inaudii; unde licet non nisi unum vocitem palatium, plura tamen virtute complectitur, omnia accurata debitaque symmetria ac proportionem disposita: prima ac præcipua statio Imperatoris est, Imperatricis primæ, parvulorumque principum; altera Imperatricis senioris parentis Imperatoris; singuli infantes absolutis primis pueritiæ annis, singula occupant palatia; Reginae reliquæ, seu quatuor concubinæ præcipuæ, totidem, ad totidem mundi partes sita: aliud pro senibus quasi gerontotrophium aut prythaneum est, denique alia multa ad usus alios; sunt quoque domus insigniores pro Eunuchis ac concubinis reliquis, illarumque ancillis; aliæ pro artificibus, ac Idolorum sacrificulis, aliisque id genus hominibus; quippe intra palatium degunt alunturque ad quindecim, eoque amplius mortaliū millia. In interiori penetrati multi videntur marmorei ac lapidei fornices, podia, ambulacra, columnæ ac statuæ non exiguo elaboratæ artificio; tegulæ omnes luteo, hoc est regio colore splendent, adeo ut aureæ procul aspectantibus videantur, solis præsertim luce ad angulos æquales incidente. quidquid è ligno est, vel auro splendet, vel pretioso illo glutine Cie dicto illitum ad instar speculi micat; plures quidem contignationes vix habent more nostro, altissimæ tamen sunt domus, supra crassiores & teretes columnas extructæ, omni ex parte similes æqualesque, qua ex re felicitatem pendere existimant. mirum unde tot tantæque

*Fabricæ
modus.*

columnæ reperiantur: quævis enim vix à duobus circumdari brachiis potest, cum illarum altitudo quindecim & viginti subinde cubitos excedat; ad perpendiculum omnes summa accuratione erectæ sunt, pavementum crassioribus instratum asseribus, tribus fere cubitis terra altius exsurgit, ita firmum solidumque, ut solum ipsum videatur: palatium permeat fluvius arte introductus magnarum etiam navium patiens, per interiores palatii partes in varios distributus canales ad commoda domestica, ac amœnitatem. multos hic illic lambit artifice manu exstructos montes, qui veris ipsis invidiam quodammodo ob artis præstantiam facere possint, qua in re Sinæ mire sunt curiosi, ut ne dicam supersticiosi: hos ex rudibus pulcherrime efformant, ad intuentium voluptatem ac admirationem: arbores floresque in iis conserunt raro ordine ac elegantia; multi ex his visuntur in divitum hortis, omnia ex uno colliges, quem descripsit R. P. *Trigautius*. In similibus hortis Sinæ, amœnissimis prætermisissis aliis, quæ spectari, nec fortasse legi sine voluptate possent, vidi arte factum è variis marmoribus impositis montem: is in speluncas affabre excavatus cubacula, aulas, gradus, piscinas, arbores ac alia plura continebat, in quibus ars cum natura certabat; hoc ideo faciunt, ut æstivos æstus, si quando studiis insudant, vel convivia instruunt, speluncarum frigiditate fallant; augebat leporem figura in labyrinthum tendens, nam tametsi non latissimam aream occuparet, duas tamen tresve horas omnia circuire volentes detinebat, & inde alia porta patebat egressus. hæc *Trigautius*.

In eodem palatio forum est, quod triginta hominum millia facile capiat, vigiliis singulis quinque militum millia portas custodiunt palatii, cum quinque elephantibus ex *Junnan* provincia adductis; si de lacubus, vivariis, hortis, silvis cæterisque palatii ornamentis & adjunctis hic dicendum esset, libro opus foret, quo singula recenserem. illud unum addo, nihil pulchri, nihil fere boni reperiri in toto Sinico Imperio, nihil ab exteris afferri nationibus, quod non continuo palatium subeat, exeat autem numquam. In hac urbe Societas *Jesu* duo templa vero Deo dicata obtinet, antiquum alterum, alterum novum à Tartaris jam recenter *Jesu* concessum; extra urbis mœnia ad occasum etiam aliud est magnificum, ab Imperatore *Vanlieo*, pro sepulchro R. P. *Matthæi Ricci* donatum: concessumque est egregiis viri

Lib. 4,
cap. 6.

*Montes
fictitii.*

*Templa
Societatis
Jesu.*

virī Apostolici meritis, maximisque eo in regno exantlatis laboribus, plurimis etiam ab eo libris lingua Sinica, de rebus fidei nostræ, aliisque Europæis ac mathematicis, ibidem impressis, quos ipsi Sinenses etiamnum hodie maximi faciunt, suscipiuntque, adeo ut vix puer ibi sit, qui illius nomen, gratamque apud hanc gentem memoriam nesciat. nemus est amplum & peramœnum cum adjuncto palatio, quod fufius descriptum, delineatumque accurate & in æs incisum, videsis apud R. P. *Nicolaum Trigantium*, ad finem Expeditionis Christianæ apud Sinas. illic apponere nolui, ne actum agerem. Idolorum fana ac turres complures habet sane eximias hæc urbs, tum extra, tum intra moenia, quinque ex iis, reliquis nobilitate ac ædificiorum splendore præstant.

Fructus.

Producit urbis hujus territorium optima poma, pyra, pruna, frumenti ac milii non parum, leguminum omnia fere genera, carbonem etiam pro lignis adhibent ex *Kie* monte effossum. nuces adhæc habet & castaneas, nec non ficus & uvas, ex quibus tamen vinum non conficiunt.

Montes nobiliores.

Ad urbis Boream partem est mons *Tien-xen*, in quo Imperatorum sunt sepulchra non sumptuosa minus, quam superstitiosa, quatuor ab urbe leucas distat, ad hunc quia accedere non potui, sepulchra isthic non describo, quod faciam in urbe *Nanking*, illa enim vidi ab amico præfecto introductus. Ad Barrolybicum urbis *Jociven* mons est, in quo magnificum *Ivena* familiæ visitur palatium, quo æstatis tempore ad vitandos calores Imperator Tartarus se conferre solebat, prope civitatem *Chang ping* est mons *Peseu*, ex quo duo torrentes ad pagum *Fen* concurrunt. haud ita procul *Pa* civitate est *Nan* mons, amœna duodecim stadiorum arundinea sylva conspicuus, in qua pulchrum est palatium recreandis ibidem animis destinatum. Ibidem *Puon* mons altissimus ac præruptus, varios attollens vertices, in unius summitate ingens est lapis, qui minimo contactu movetur ac titubat. Ad *Jot'ien* incipit *Ten* mons omnium maximus, & ultra mille stadia excurrit. Prope *Jung jung* est *Chinquon* mons, quadraginta stadia occupat, ad partem Australem quendam habet verticem, qui à lapidum discolori varietate flos dicitur. ad *Çunhoa* est *Mingyue* mons ita dictus à subterraneo specu, quo quasi perforatus videtur, ductu ita directo, ut ex adverso foramen ad instar splendentis Lunæ appareat. prope *P'ingco*

sunt montes *Kie* & *Siu-vu*, ubi carbo seu bituminosa terra educitur, quam loco lignorum pro igne struendo adhibent.

To fluvius in monte *Jociven* habet originem ex lacu *Si* ad montis occasum, cuius lacus magnitudo decem conficit stadia, inde influit in ipsum palatium Imperatoris, ac arte deductis mæandris totum palatium, hortos ac nemora rigat, variosque lacus efficit.

Lukeu fluvius, qui etiam *Sangcan* dicitur, ad Urbis Regiæ Notolybicum transit, ubi magnifico subjugatur ponte, in quo plurimi numerantur arcus lapidei.

Est ad montis *Tienxen* Notolybicum lacus ex novem fontibus ortus, qui numerus felix habitus apud Sinas Regionum sepulchrorum superstitionem auxit, inde lacus *Kienlung* dicitur, sive novem draconum.

Prope civitatem *Cho* est fossa longissima arte facta, *Toc'ang* dicitur, cuius aqua circum adjacentem amœnissimam regionem mire fecundat.

Secunda Urbs

P A O T I N G.

Ingens hæc urbs territorium etiam habet peramœnum, rerumque omnium copia abundans: civitates numerat viginti. *Civitates.*
1 *Paoting*, 2 *Muonching*, 3 *Ganso*, 4 *Ting-bing*, 5 *Sinching*, 6 *Thang*, 7 *Poye*, 8 *Kingtu*, 9 *Jungching*, 10 *Huon*, 11 *Ly*, 12 *Huung*, 13 *Khi*, 14 *Xinçe*, 15 *Tunglo*, 16 *Gan*, 17 *Caoyang*, 18 *Singan*, 19 *Tee*, 20 *Laixui*: quæ omnes variis stellis ab *Tuo* attributæ pro varia, quam occupant, provinciæ parte: pars sub *Vi*, & *Ki*, pars sub *Mao*, & *Pi* esse censetur: tota hæc provincia sub eodem *Tuo* ad *Kieheu* pertinet, vel ex eo sat nobilis, quod magnum illum belli ducem Regis *Ten Loijum* genuerit, de quo multa in epitome. Regum tempore *Chao* vocitata est, ab *Hana* familia *Sintu*, à *Sunga* vero *Paochen*, hodiernum nomen imposuit *Tai-minga* familia. antiquissima moeniorum rudera ad hujus urbis Notapeliotem visuntur, ab Imperatore *Chuenhioo* structa ante Deum natum annis bis mille quingentis: fana heroibus dicata habet septem, unumque *Javo* antiquissimo Imperatori. Laudatur potus hujus urbis ex oryza confectus, quem pro vino adhibent. castaneæ ibi laudatissimæ ac maximæ sunt.

Antiqua nomina.

Prope *Huon* est *Tki* mons, in quo Imperatoris

Montes nobiliores.

ratoris Javi mater vixisse scribitur. ad *Huung* mons *Takung*, è quo inter saxorum angustias limpidissimus fons emanat. *Ye* adjacet mons *Lungcie*, in quo draconis apparet vestigium. ibi difficilis per montes via est præstructo munimento, per hanc ad *Thaitung* usque urbem patet iter. & haud procul *Tunglo* vallis est altissimis montium verticibus clausa, ad quam per arctissimam eamque unicam semitam iter aperitur, belli tempore propter securitatem expetita & à pluribus frequentata.

Flumina. *Kiutho* fluvius *Tunglo* civitatem alluit, oritur in Provincia *Xansi* ad partem Australem montium *Cinhi*, inde *Heuping* civitatem pertransiens hanc subit Provinciam, ac totam fere præterfluit versus ortum, ad *Tien-cin* munimentum mari se immergit.

Ad Australem urbis partem *Lienhoa* lacus est exiguus, at amœnissimus, floribus ejusdem nominis inclutus, quibus civibus suis atque accolis delicias præbet, crebrisque convivii celebratur. flores hosce describo alibi opportuniore loco. lacus fossæ urbis vicinus est.

In amnis ex *Ye* montibus ortum ducit: inde profluens à Borea in occasum urbem circumdat, suisque gyris insulam *Pehoa* efformat.

Tertia Urbs

H O K I E N.

Antiqua nomina. **H**Okien urbi nomen (quod inter flumina sonat) res ipsa dedit: quippe hujus urbis territorium à variis fluminibus ad Insulæ modum cingitur. cum olim sub *Cheva* familia *Tungyam*, sub *Hana* vero *Poihai* vocaretur, *Tanga* familia *Inghen*, & *Sunga Inghai* vocari voluit. sub *Tuo* ad Provinciam *Kiche* pertinuit. Regum tempore variam nactum est sortem modo sub *Ci* Rege, modo sub *Chao*, modo sub *Jen* fuit. terra hic pinguis est & argillosa. usque ad mare orientale protenditur, ubi latissimi sunt campi, in quibus sal ex aqua marina concrevit. Montes paucos eosque parvos includit. piscosæ sunt aquæ, & optimorum Cancrorum feraces. quatuor heroibus dicata sunt templa nobiliora. duodeviginti habet civitates, 1 *Hokien*, 2 *Hien*, 2 *Heuching*, 4 *Soning*, 5 *Ginkien*, 6 *Kiao-ho*, 7 *Cing*, 8 *Hingci*, 9 *Cinghai*, 10 *Ningcin*, 11 *King*, 12 *Ukiao*, 13 *Tungquang*, 14 *Kuching*, 15 *Çang*, 16 *Nanpi*, 17 *Jenxan*, 18 *Kingyun*.

Unus hic tantummodo mons notatu dignus ad civitatem *Cing*, cujus vertex in longam latamque diffusus planitiem laudatur à pinguißima adeoque maxime fertili gleba, in quo & pagum obtinet. mons ipse *Si* dicitur.

Ad *Hien* civitatem profundissimus lacus est *Vo* dictus, cujus aqua injecto lapide tota ut sanguis rubescit: si folia vicinarum arborum incidant, quam mox hirundines evolant, adeo ut folia ipsa in aves mutari videantur, uti narrant de anatibus Hibernicis, fides tamen sit penes Sinas.

Quarta Urbs

C H I N T I N G.

Chinting urbs magna ac frequens ingens regit territorium, in quo duæ supra triginta civitates, ad Boream *Heng* montibus, ad Austrum *Hutho* fluvio clauditur. civitates sunt 1 *Chinting*, 2 *Cingking*, 3 *Hoëlo*, 4 *Lingxau*, 5 *Khoching*, 6 *Loching*, 7 *Vukie*, 8 *Pingxan*, 9 *Heuping*, 10 *Ting*, 11 *Sinlo*, 12 *Kioyang*, 13 *Hintang*, 14 *Ki*, 15 *Nancung*, 16 *Sinbo*, 17 *Çaokiang*, 18 *Vuye*, 19 *Cyn*, 20 *Ganping*, 21 *Jaoyang*, 22 *Vukiang*, 23 *Chao*, 24 *Pehiang*, 25 *Lungping*, 26 *Caoye*, 27 *Linching*, 28 *Çan Hoang*, 29 *Ningcin*, 30 *Xin*, 31 *Hengxui*, 32 *Tuenxi*. In *Tui* divisione fuit hæc regio Provinciæ *Kicheu*, sub dominio constellationum *Mao* & *Pi*. *Cheva* familia *Pincheu*, *Hana* vero *Hengxan* dixit, *Tanga* familiæ *Hengcheu*, hodiernum nomen à *Taiminga* habet stirpe. quod hic rarum visitur, est, qua orientem solem spectat urbs, ingens ac magnificum templum idolis dicatum, cujus partem posteriorem magna occupat aula in novem divisa coenacula. ad quinq; contignationes assurgit, easque triginta & centum cubitis altas. in adyto interiori statua augusta & ingens magnoque elaborata artificio (*Quonin* Idolum vocant) muliebri virginis figura ad tres supra septuaginta ascendit cubitos. fano ipsi nomen *Lungbing*. habet & alia heroibus sacra loca, præcipua inter ea quinque sunt, ex quibus unum auctori *Hana* familiæ adscriptum.

Haud ita procul à *Cingking* civitate visendus est mons altissimus *Çangnien*, qui vertice nubes ipsas superat, in eo fons medicus, ac saluberrimus, ædificatumque à regina *Xayanga* superbissimum idolorum

monasterium, in quo quamplurimi sacrificuli degunt, in perpetuam rei memoriam, quod hoc fonte lota ab inveterato morbo libera evaserit.

Prope *Kioyang* mons est, è quo fons item aquæ saluberrimæ scaturiginem habet. in eo raræ & à Sinis plurimum expetitæ reperiuntur herbæ, aliaque medicæ artis subsidia.

Ki civitas montibus *Çurvi* & *Tiäopuon* vicina est, quorum hic à clade, qua *Hansin* *Chinyuum* superavit, inclytus.

Vma mons est ad *Çanhoang*, ita à quinque equis è solido lapide sculptis dictus, quibus *Sunga* familia magnificentissimum fanum, seu stabulum potius, quo conteguntur, superimpofuit.

Flumina. Ad *Ningcin* magnus locus & palus *Talo* est.

Non procul *Heuping* lacus exiguus è duobus fonticulis efformatus, quorum unus, cum vicinissimi sint, frigidissimus, alter calidissimus.

Quinta Urbs

X V N T E.

Ejus situs.

X Vnte urbis territorium exile quidem, at amœnos ridentesque (ut ita dicam) campos offert. novem quidem tantum civitates numerat, sed celebres omnes atque frequentes. territorium ejus fortissimum est, atque ab hostium incurfibus ipso ambitu montium defenditur. Lacubus & aquis abundat, inde mira ejus fertilitas; præcipua piscium & Cancrorum copia. civitates sub ea sunt 1 *Xunte*, 2 *Xaho*, 3 *Nanho*, 4 *Pinghiang*, 5 *Quangcung*, 6 *Kuulo*, 7 *Thangxan*, 8 *Nuikien*, 9 *Gin*.

Civitates.

Nomina antiqua.

Tous Imperator eam sub Provincia *Kicheu*, & constellatione *Mao* statuit. *Chetia* Imperatoria familia *Hingque* dixit. Regum tempore modo *Cyn*: modo *Chao* fuit: sub *Hana Siangque*, *Sunga Sinte*, *Taiminga Xunte*. Hic optima, & subtilissima arena reperitur ad gemmas poliendas; ego subinde pro vitris opticis elaborandis adhibui optimo eventu; nostrate smiride ac tripoli melior est, abradit enim nec offendit; per totam *Sinam* divenditur. fiunt etiam hic vasa fictilia, sed quæ non accedant ad Porcellana Provincie *Kiamfi*; lapides Lydios ad dignoscendum aurum, aliosque ob colores ac duritiem æstimatorum, hinc petunt *Sinæ*. Intra mœnia pons est lapideus. Duo habet

nobiliora fana, heroibus dicata: primum *Jao* Imperatori, vetustissimo in monte *Jao*; alterum ad *Nuikien*.

Xaho civitas montem habet percelebrem ac cavernosam, *Tang* dictum, id est Balneum: quippe aquam emittit calidam scabei abstersivam. *Montes celebres.*

Pungcio mons est ad *Nuikien*, è quo Medici rara medicamenta hauriunt. ibidem *Cu* mons, hoc est orphanus, quod verticem unum dumtaxat erigat, à cæteris omnibus quam longissime separatum.

Chochang fluvius ad *Pinghiang*: ejus *Flumina.* ortus in Provincia *Xansi* est, haud procul à civitate *Lu*, in monte *Kien*, inde pertransita *Pinghiang* ad *Hingci* civitatem, *Guei* fluvio miscetur.

Talo lacus magnus, de quo in *Chinting* urbe mentionem injeci, vocatur etiam *Quangho*; piscibus, Cancris, fructuque aquatico, *Linkio* dicta, celebris: hic fructus tribuli fere habet figuram, ad instar triangularis pyramidis undequaque prominens. cortice viridi crassiorique est, ad apices rubescens, dum siccatur nigrescit, interior substantia albissima est, sapore castaneæ nucis, magnitudine tres quatuorve castaneas æquat: in stagnantibus aquis per totam *Sinam* feritur, planta foliis est exilibus longissimo tractu per aquæ summam superficiem proserpentibus, fructus multiplices sub aquis latitant. ad *Kuulo* civitatem usque pertingit lacus. *Fructus Linkio.*

Sexta Urbs

Q V A N G P I N G.

M Etropolis hæc aliarum novem: *Civitates.* 1 *Quangping*, 2 *Kio cheu*, 3 *Fihiang*, 4 *Kiçe*, 5 *Hantan*, 6 *Quangping*, 7 *Chinggan*, 8 *Guei*, 9 *Cingho*. Hujus tractum olim *Tous* Imperator sub eisdem stellis ac Provincia, qua superiorem posuit. Regum tempore *Cyn* regni fuit, mox *Chao*, sub *Cina* familia *Hantan*. hodiernum nomen jam inde ab *Hana* familia retinet. inter reliqua fana quoddam ex illis est, quæ dicata hominibus, quos nunquam interire, sed esse immortales fabulantur *Sinæ*. Talem ibi apparuisse *Heroem* volunt, *Homines immortales.* puerumque, nescio quem, inopem ita instituisse, ut egregius deinceps Philosophus, ex eoque ob scientiam magnus imperii præfectus evaserit. nil hic admodum singulare de fluminibus, aut montibus occurrit. Septi-

Septima Urbs

T A M I N G.

Maxime Australis hujus Provinciae urbs *Taming* est, cujus territorium ad Boream *Guei* fluvius, ad Austrum *Crocens* claudit. qua patet, fluminibus lacubusque ubique irriguum est. Lacus in eo 80 stadiorum ambitu delicatulis piscibus abundans, mira soli fertilitas & amoenitas. divisum ab *Yüo* in duas olim Provincias, pars Borea ad *Kichen*, Australior ad *Yen* pertinebat, illa sub asterismo *Xe*, hæc sub *Pie*. Hic *Xanga* antiquissima familia quondam Imperii sedem tenuit. *Cheva* familia *Tangping*, *Tanga Tienhiung* indigitarunt. hodiernum nomen à *Sunga* habet familia. sunt sub eo civitates undecim: 1 *Taming*, 2 *Taming*, 3 *Nanlo*, 4 *Guei*, 5 *Cingfung*, 6 *Nuihoang*, 7 *Siün*, 8 *Hoa*, 9 *Kai*, 10 *Changyuen*, 11 *Tungming*. Quatuor in eo nobiliora fana, plurima sepulchra insignia, unum antiquissimum est *Carvi* Imperatoris à quater mille annis conditum, veneranda antiquitatis memoria celebre.

Civitates.

Montes.

Ad *Cingfung Cie'u* mons est *Carvi* sepulchro nobilis.

Ad *Siün* civitatem Mons *Feuki'ei*, qua ad occidentem vergit, lacum aspicit ex subversione absorptioneque cujusdam *Siün* urbis ibi natum. ibidem est *Cukin* mons omnium altissimus, maximeque præruptus.

Flumina.

Ad *Nuihoang* est lacus *Lucu* 80 stadiorum: prope ipsam urbem est stagnum *Caoki*, majusque alterum *Changfung* vel *Xoma* dictum, utrumque paludosum. *Guei* fluvius *Nuihoang* & *Siün* civitates præterlabitur, ibidemque *Ki*, & *Chang* fluvii in unum coeunt servato *Guei* nomine. ad *Tiencin* influit in mare.

Octava Urbs

I V N G P I N G.

Iungping urbs rectà in ortum ab urbe regia *Peking* protenditur, tota regio montibus collibusque extuberat. quia tamen adjacet sinui maris *Çang* dicto, nihil eorum quæ ad vitam sustentandam necessaria sunt, magnopere in ea desideratur. magna piscium copia est, nobilissimæque radices tota Sina celebratissimæ *Ginseng*, Japonibus

Ginseng radix.

Nisi. nomen Sinicum illi à figura, divaricatis quippe cruribus hominis formam refert (*Gin* porro hominem significat) *Mandragoram* nostratem credas, nisi quod ea multo minor sit. quoniam illius tamen species sit aliqua, nullus dubito, quippe quæ & formam & vim habeat. folia ejus mihi hætenus videre non contigit: siccata radix flavescit, fibras seu capillos, quibus alimentum sugat, vix aut ne vix quidem habet. nigricantibus venulis tamquam subtili atramento ductis circumspersa est. cum manditur dulcedine ingrata est nonnulla admista amaritie, sed tenui: auget plurimum vitales spiritus, tametsi vix uncie duodecima pars dosis sit. sumptum illius pondus paullo amplius debiliorem vires restaurat, suavem corporis calorem excitat: Balneo Mariæ, ut vocant, cocta adhibetur, atque fragrantem ad instar aromatum exhalat odorem. fortioris calidiorisque naturæ qui sunt, ejus sumptione vitæ periculum adire solent, nimium auctis exundantibusque spiritibus, debilibus, fatigatis, vel morbo diuturniori, aliave de causa exhaustis ad miraculum prodest: moribundis ita vitales quandoque vires reddit, ut sæpe illis adhuc tempus sit sumendis aliis medicamentis sanitati recuperandæ. mira alia de hac radice *Sinenses* prædicant. triplo argenti pondere appenso emitur libra. ad eundem hujus urbis tractum stannum effoditur, concinnaturque papyrus. sub *Tuo* fuit hæc regio Provinciae *Kichen*. Cinæ familiæ dicta *Leaosi*, *Guei* regibus urbs ipsa *Lulung*, *Tanga* familiæ *Pingchien*. sex ei subsunt civitates: 1 *Jungping*, 2 *Ciengan*, 3 *Vüning*, 4 *Changli*, 5 *Lo*, 6 *Loting*. Duo in ea fana celebria. parvo has civitates terrarum spatio claudit. opportuno ad Imperii Sinici custodiam loco sita est, mari, montibus, fluminibusque circumdata. celeberrimum ejus munimentum in *Cu* montis Insula, de quo mox plura.

Stannum.

Civitates.

Montes.

Jang mons ad urbis Notapeliotem multos emittit torrentes, ejus juga alta atque horrida aspectu. *Lungci'ven* mons prope *Ciengan* est, in eo fons est, quem accedunt ut à Dracone pluviam petant, impetrentque siccitatis nimie tempore. altissimus mons *Tu* amoenis atque annosis sylvis obsitus.

Ad Notolybicum *Siven* urbis fons est calidissimus, aliusque prope *Cheching* versus occasum, in quo facile ova possis excoquere. In lacus 30 stadiorum ad *Changli* locatet *Linkio* fructibus, piscibus, Cancris &c. oblon-

Flumina.

oblongior est, ad mare fere excurrans. Ad Lo civitatem fons est chrySTALLINUS & peramœnus.

Tres Civitates extra Ordinem.

EÆ contra Tartarorum subitas excursiones atque impetus, si fortasse murum transire conarentur, optimis ac munitissimis à natura locis conditæ sunt. In eis militum habitant præfecti. 1 *Tenking*, 2 *Jungning*, 3 *Paogan*. prima vitibus atque uvis luxuriat, vinum tamen conficere aut nesciunt, aut quod verosimilius nolunt, potu ex oryza elcito contenti, qui sane præstantissimus est, adeo ut ne ab Europæis quidem ibi vinum, nisi ad Missæ celebrandum sacrificium, requiri soleat. *Pao-gan* civitas magnum habet ex sexto lapide pontem, qui fluvio *Lukeu* seu *Sankan* transitum præbet. civitas ipsa Boreali fluvii ripæ imposita est. Hic ad Notapeliotem rudera antiquissimæ civitatis videntur, quæ *Hoangti* rudera dicta: nam ab *Hoangtio* ibi exstructam civitatem memorant, quantum per antiqua obsoleta vetustatis memoriæ vestigia consequi licet. *Fan* mons ad Boream *Tenking* est, in quo primum forte ab orbe condito commissum est bellum, siquidem ibi *Xinnungus* ab *Hoangtio* occisus est, postquam imperasset annis centum supra quadraginta. fuit hæc pugna juxta Chronologiæ Sinicæ rationes ante natum Deum annis bis mille sexcentis, nonaginta septem.

Primum orbis bellum.

De hujus Provincia munimentis.

QVatuordecim numerantur hujus Provinciæ ad celeberrimi illius muri tutelam condita munimenta: inter quæ unum, quod urbis gerit titulum ac nomen, *Siven* dictum, magnitudine populique frequentia nobile. Hoc cæteris fere impe-

rat. multa huic militum millia præsidio sunt. Ex hoc provideri solet reliquis. ChrySTALLUS lucidissima, marmor ac Porphyrites effoditur è vicinis montibus. Flavus scætet muribus iisque majusculis, quorum pelles expetuntur à Sinis. nomina munimentorum sunt, 1 *Siven*, 2 *Vancirven* sinistrum, 3 *Vancirven* dextrum, 4 *Hoaigan*, 5 *Cai ping*, 6 *Lungmuen*, 7 *Chang gan*, 8 *Cheching*, 9 *Junchen*, quæ novem urbi *Siven* substant, 10 *Vuning*, 11 *Tu*, 12 *Jungping*, at omnium maxima sunt, 13 *Xangai*, & 14 *Tiencin*.

Xanghai munimentum ingens jacet in *Cu* Insula, ubi Sinus Maris in Boream protenditur, in quem ex Tartaria *Linhoang* fluvius illabitur. Ibi altissimi montes atque ipsum mare facillimam efficiunt muri defensionem. post ingressum Tartarorum per *Leäotung* ingenti præsidio tum navium, tum militum fuit instructum, & tanquam frænum objectum Tartaris.

Tiencin munimentum in ultimo Sinu Maris *Çang*, ac angulo jacet, ubi totius Provincie flumina concurrunt, altissimaque ac fortissima mœnia longissimo tractu prætergressa mari se miscent. Emporium, cui vix aliud par. tanta loci amplitudo est, tantæ opes, tantus ædificiorum splendor ac frequentia. Ex mari, mediterraneisque Sinarum locis huc omnes confluere debent naves. unde tanta hic earum est copia, ut omnem exsuperet fidem. biduum per eas mihi iter facere contigit, quæ stationem firmarant ad utramque ripam. quidquid *Pekinum* tendit, hac transmittitur, atque optima quæque ibi vendi solent, eo quod mercimonia ibi liberiora sint, nullumque eis impositum vectigal.

Emporium nobilissimum.

Ad *Junchen* est mons *Lungmuen* dictus, hoc est Draconis porta, quia inter duos montes fluvius ex Tartaria ingreditur murum magnum.

Empe-
rium no-
bilissi-
mum.

V N.



Quali
145.

Termin

Nu
civ.
iun

SECUNDA PROVINCIA, XANSI.



Uperata provincia *Peking*, versus occidentem solem occurrit *Xansi* provincia. Ea cum *Peking* nec magnitudine, nec nobilitate, nec populi quidem frequentia comparanda est, at rerum omnium fertilitate, imo & antiquitate superior est: nam à primis *Sinæ* incolis frequentari cæpta est, ut gentis referunt historiae. Provincia est, si reliquas spectes haud ita magna, sed amœna & salubris, multis in locis montosa, non tamen inculta, sylvarum campique in montibus plurimi, ager ubique ferax, cujus nulla pars inculta jacet, frumenti abundantia & pecorum magna vis, oryzae quidem parum producit, sed illius defectum supplet milii copia, eo in provinciis, quæ magis ad septentrionem vergunt, utuntur vulgo tenuiores, nec à nostro figura aut colore multum abludivit, nisi quod minutius nonnihil sit, saporisque haud ingrati. plerique hic moribus candidi sunt ac simplices, urbani tamen ac officiosi. præcipue à formæ elegantia ac pulchritudine mulieres commendantur. *Xansi* nomen habet, quasi ad montium dicas occasum, à loco scilicet, quo sita: nam à provincia *Peking* per montes *Heng* separatur. Termini hujus provinciae sunt ad Boream murus magnus, qui nunquam interruptus per totam provinciam ab ortu in occasum pergit, ultraque illum est regnum *Tanyu* & deserta solitudo *Xamo* à *Sinis* dicta. inde à *Croceo* ingenti rapidoque fluvio à Borea in Austrum profluente, magnasque undas volvente coercetur. Is hanc inter & *Xensi* provinciam medius est, idemque ad ultimos provinciae fines in ortum recta progressus limites statuit inter *Honan* provinciam. Totam hanc provinciam parallelogrammum quodammodo efficit altera parte longius, cujus unum latus murus ille magnus, duo alia *Croceus* fluvius & quartum montes *Heng* constituunt.

Qualitas.

Termini.

Numerus civitatum.

Numerat *Xensi* provinciae urbes quinque tantum, quibus parent civitates duæ supra nonaginta, ut munimenta præteream, quæ

fuo referentur loco. In libro census *Sinici* continere dicitur hæc provincia familias 589,959: viros 5084,015, hoc est supra quinque milliones. tributum tritici vel milii est saccorum 2274022. byssi libras solvit 50. sericos pannos jam confectos omnis generis 4770. Straminis aut fœni fascies pro equis Regiis alendis 3544850. salis pondera 420,000, quorum quodlibet est 124 librarum, atque hæc omnia numerantur præter teloniorum redditus.

Uvas fert ac vitium propaginem: ex præ reliquis in hac tota extrema Asia repetitis suavissimæ sunt, adeo ut si vinum ex uvis appetere *Sinæ*, optimum hic & læto proventu possint conficere. at uvas tantummodo exsiccant, passasque per totam *Sinam* passim mercatores divendunt, uti & nuces. Patres Societatis nostræ, qui in hac provincia rem divinam promovent, ad *Missæ* sacrificium vinum ex uvis eliciunt, ex quo cæteris in proximis degentibus provinciis, utcumque providetur de annona, cum antea maximis sumptibus, periculis, ac laboribus petendum esset *Amacao*.

Res in hac provincia dictu mira est. ignei ibi putei sunt, non secus atque aquei apud nos. passim illi hic visuntur, magnoque compendio & sumptuum parsimonia ad cibos coquendos adhibentur. putei os ita clauditur, ut foramina aliqua parva ad cacabum, quæ eum capere possint, relinquuntur, atque ita nullo pœne labore cibos ibi coquere consueverunt incolæ. Audiui quandoque hunc ignem crassum esse, nec admodum lucentem, aut diaphanum, calidus quidem est, sed ligna injecta minime comburit. quin & in cannarum majorum tubis collectus facile circumfertur, ut cum lubet ad coquendum eo uti quis possit, aperto in canna foramine, quo erumpens ignis res leviores facile elixat, donec expiraverit, miro naturæ arcano, si res ita se habeat, neque enim ipse id coram vidi, adeoque fides sit penes hosce *Sinicos* auctores, quos in iis, quæ comperi, raro inveni fallaces. In tota etiam hac provincia carbo ille effoditur, qualis fere apud *Belgas* *Leodiensis* est, eo ad alendum ignem ac hypocausta calefacienda utuntur passim *Boreales* *Sinæ*: prius

K

contu-

contusos perfringunt (lapides enim sæpe ingentes ac nigerrimos effodiunt) tum, uti & in Belgio moris est, aqua perfusos miscent massasque conficiunt: difficulter quidem ignem concipiunt, at conceptum semel diutissime vegetum urentemque fortissime, retinent. fornaces in hypocaustis Sinicis etiam plerumque uti in Germania ex lateritio sunt opere, sed ad modum lectuli exstructæ, adeo ut in cœnaculis non fornacem, sed lectulum videre te credas; & illis etiam ad incumbendum noctu sat commode hybernis temporibus servit.

Hypocausta Sinica.

Complura habet in hac Provincia templa Societas nostra, sed duo tantum, ad quæ est domus nostrorum ac stabilis sedes. ubique frequens hic est Christianorum numerus. loca, ubi nostrorum sedes, seu residentia, ut vocant, sunt, JESU nomine superposito insignita sunt.

Prima Urbs seu Metropolis

T A I Y V E N.

Urbis situm ac nobilitas.

TAiyven Metropolis originis antiquitate, ædificiorum splendore ac dignitate inter nobilissimas semper fuit habitata, moenia habet fortissima, adeoque ampla, ut trium leucarum spatium suo ambitu claudant. intus omnia plena sunt civibus. loco jacet admodum amœno ac salubri, cui latum aspectum virides colles, ac nemorosi montes conciliant. ad occasum Fuen fluvius urbem præterlabitur, ac adjacentia loca longe lateque fecundat: jam inde ab antiquis Chera familiae temporibus regum fuit sedes: namque hic Imperatorum fratres regnarunt. tum Tang regnum dictum, post Chao. inde Cina familia extinctis regibus Cinyang dixit. Tanga familia hic Imperii sedem fixit, tumque Peking vocata est. Utai vero Siking & Sunga familia Hotung dixere, hodiernum nomen Taiminga indidit familia, in qua etiam regnavit Taiminga familiae auctoris filius.

Sepulchra magnifica.

Cum ergo tot in ea reges vixerint, minime mirum tam multa tamque splendida in ea reperiri ædificia, inter quæ præcipuum ac nobilissimum est palatium regium, magnitudine sua, ac structuræ varietate imprimis conspicuum, adhæc in vicinis montibus celeberrima sunt sepulchra, in quibus non sumptuosi minus, quam superstitiosi sunt Sinæ: ex marmore ea, aut secto lapide fabricantur: ingens sæpe occupant spatium,

his adjecti ad splendorem pulcherrimo opere exstructi fornices, arcus triumphales nihilo sæpe Romanis inferiores, statuæ heroum virorumque illustrium, variorum animalium, leonum maxime & equorum. hæc omnia certo ordine continuaque serie, optimeque servata proportionem, cujus studiosissimi sunt, disposita sunt; cupressus in quincuncem sæpe erectæ, quæ nulla umquam violandæ securi annosas efformant sylvas. quæ omnia coram sæpe oculis, dum sepulchra varia adirem, perlustrare mihi licuit.

Tous Imperator hanc regionem Kiechen provinciae accensuit sub constellatione Seng & Cing pro diverso ejus situ. Ingens est urbis territorium quod quinque & viginti includit civitates, quarum hæc sunt nomina.

1 Taiyven, 2 Taiyven, 3 Juca, 4 Taco, Civitates. 5 Ki, 6 Siukeu, 7 Cingyuen, 8 Kiaoching, 9 Venxui, 10 XeuYang, 11 Tu, 12 Cinglo, 13 Hokio, 14 Pingting, 15 Loping, 16 Che, 17 Tingliang, 18 Tai, 19 Utai, 20 Kiechi, 21 Cosan, 22 Fan, 23 Hing, 24 Paote, 25 Hiang. In hac regione reperitur etiam radix Ginseng, nec parva Muschi copia, quod describo alibi, ut funem contentionis de hac re apud Europæos abrum-
pam, lapidis lazuli, cujus colorem ultramarinum vulgo vocant, magnam profert copiam, vasa figlina hic efformant non spernenda. In Croceo ibi flumine præter cæteros certum genus piscium nascitur, Xehoa vocant, à lapideis scilicet in cute maculis, qui piscis nusquam reperitur, nisi ad Paote civitatem, magnoque apud epulones in pretio est.

Multi eaque splendida heroibus habet dicata fana. præcipua septem sunt, inter quæ unum est Chubia dictum, in monte Insiven Hanfinio fortissimo duci exstructum, aliud intra urbem Siango Regi prudentissimo ex familia Chao, de cujus statua ex pretioso lapide sculpta scribunt, quod postquam ab artifice perfecta esset, seipsam sponte erexit, & ad locum præparatum, in quo stare debebat, processerit, dæmone malo forte miseros ludente Sinas.

Quamvis in hujus urbis territorio montes non pauci sint, paucos tamen reperio memoria dignos, præter Kiechen montem ad urbis Barrapeliotem: Kiechen dicitur, quod ligans navem significat: nam memorant Yuum Imperatorem ad hunc montem navim suam alligasse, quando Fuen fluvium dirigebat: ad Kiaoching civitatem mons est Hukive, ex quo vis ingens optimi ferri effoditur,

Flum.

Salicifusus.

Quas.

Montes nobiliores.

ditur, ac ibidem arte fusoria quam plurima ex eo fiunt instrumenta. Est & *Cio* mons prope *Pingting* civitatem à magnifico idolorum fano, ac cœnobio celebris, in quo multi sacrificuli communem degunt vitam dæmoni servientes. prope *Cofan* mons est *Sine*, hoc est nivis, à qua nomen habet, quod ea fere semper albescat. dignus etiam qui recenseatur est *Xeleu* mons, licet horridis ac nudis verticibus constet, omnes altitudine fere supereminet, ad *Hing* civitatis territorium pertinet.

Flumina.

Cyn amnis ad *Taiyven* civitatem, cujus unus ramus in Boream fluens is est, quem *Chipens* rex effodi jussit, ut obsessam à se civitatem, cum capere eam non posset, aquis perderet, quod fusius in mea *Sinen*sum historiarum epitome invenies descriptum.

Salicis
usus.

Ad urbis occasum torrens est *Lieu*, à salicibus, quibus utraque ripa abundat, dictus. Salices gens Sinica inter aspectu amœnas arbores numerat, sed non illas quarum rami recta in cœlum ascendunt, at eas potius, quæ ita emittunt ramos, ut ex alto inflexi quasi funes foliis ornati essent, ad terram usque pertingant, quos arte ita efformant ramo eminente rursus terra obruto, supereminente trunco, ramoque versus terram inflexo, qui cum facile radices agat, in arborem denuo excrescit, cujus rami omnes in contrarium versi pulchro amœnoque aspectu recreant intuentes, id Sinis & in aliis arbutculis familiare est, quod nos in arborum sepibus, aut pergulis subinde usurpamus.

Secunda Urbs

P I N G Y A N G.

Quali-
tas.

Est quidem *Pingyang* urbs hujus Provinciae numero ac loco secunda, sed quæ nec territorii magnitudine, nec præstantia aut civitatum numero Metropoli cedat, regio tota partim plana, partim montosa, ager fertilis cujus nulla pars inculta jacet præter eam, quam montes aliqui horridiores occupant, salubri fruitur cœlo, civitatibus ac oppidis referta sunt omnia. quin & ipsa urbs antiqua nobilitate ipsam metropolim superat, & inter præcipuas extremæ hujus Asiæ omnino censei debet. fuit hic numquam satis à suis laudati Imperatoris *Javi* regia, qui ante vulgarem Christi Dei epocham imperavit annis bis mille trecentis quinquaginta & septem. jacet urbs

ad orientalem ripam fluminis *Fuen*, quod à metropoli descendit, perque illud merces ascendunt, præest civitatibus quatuor supra triginta, earum 1 *Pingyang*, 2 *Sianglin*, 3 *Hungtung*, 4 *Fuxan*, 5 *Chaoching*, 6 *Tai ping*, 7 *Toiang*, 8 *Jeching*, 9 *Kioyao*, 10 *Fuens*, 11 *Pu*, 12 *Pu*, 13 *Lincin*, 14 *Tungbo*, 15 *Ixi*, 16 *Van Civen*, 17 *Hocin*, 18 *Kiai*, 19 *Ganye*, 20 *Hia*, 21 *Venhi*, 22 *Pinglo*, 23 *Juiching*, 24 *Kiang*, 25 *Cie-xan*, 26 *Kiang*, 27 *Tuenkio*, 28 *Ho*, 29 *Kie*, 30 *Hiangning*, 31 *Cie*, 32 *Tanning*, 33 *Xeleu*, 34 *Tungbo*.

Regionem urbi circumjacentem varia nobilitant, fœcundantque flumina, *Croceus* illius occidentale & Australe latus alluit: *Fuen* & *Hoei* fluvii illius territorium dividunt, quod *Tvus* Imperator *Kichen* Provinciae adscripsit, ac dominio constellationum *Qu* & *Seng* attribuit: olim ad reges *Cyn*, & postmodum *Han*, mox *Chao* pertinuit. *Cina* & *Hana* Imperiales familiæ *Hotung* terris adnumerabant. *Tanga* familia hanc urbem *Cinchen* dixit, & *Utai Tinchang*, *Ivena* Tartarorum familia *Cinning* nomen dedit, cui *Taiminga* familia antiquum à *Javo* Imperatore inditum nomen restituit, quo etiamnum hodie vocatur *Pinyang*. *Hia* civitas singularem hic meretur locum ac laudem, quod patria sit *Tvi* Imperatoris, in qua & regiam imperialem constituit, à qua primæ à se apud Sinas fundatæ Imperialis familiæ nomen imposuit, ac *Hiam* dici voluit. *Kiang* & *Pu* civitates majores à duobus templis vero Deo dicatis, ac à frequentissimis Christi cultoribus nobiles sunt, ubi duo è Societate *Jesu* Sacerdotes Christianam rem procurant, pauci scilicet operarii pro tanta messe.

Antiqua
nomina.Societatis
Jesu
Templa.

Fana nobiliora duodecim in hujus urbis territorio visuntur, ex his unum quadratis sectisque constat lapidibus, lapideisque columnis plurimis in monte *Quikin*. est & aliud extructum sumptu vere regio prope *Tai ping*, cuidam fidelissimo duci ad reliquorum exemplum à *Sunga* Imperiali conditum familia.

Golung mons ingens prope *Sianglin*, inde Boream versus *Fuens*, & *Fuenxan* civitates transit, in austrum vero excurrens ad *Kioyao* & *Jeching* usque civitates pertingit, ubi cum *Ullao* montibus conjunctus ad *Xens* usque Provinciam, & ultra etiam in occasum continuo tractu pergit.

Pars montium prope *Kioyao* vocatur mons *Kiao*, in eo *Hoangti* antiquissimi Imperato-

Montes
nobilio-
res.

peratoris corona, ac reliqua imperialia insignia sepulta sunt.

XenYang mons ad *Pu* civitatem est, ex eo memorabilis, quod duo illi Philosophi regio orti sanguine, ac regna contemnentes, se occultarint, ob Imperatoris Chevi nequitiam, cui servire dedignabatur; ut alibi noto.

Ibidem *Lie* mons, apud quem *Xunus* optimæ vitæ, ac nominatissimus Imperator apud hanc gentem, antequam eligeretur in Imperatorem agricola fuit. hic mons adhæc usque tempora spinas nullas, nullas malas aut noxias stirpes producit, ex viri meritis id factum fingunt.

Flumina. *Hoei* fluvius hujus urbis territorio particularis est, prope *Teching* originem habet, & recta versus occasum fluens in *Croceum* ignobiles immittit aquas. prope *Van civen* ex montibus aqua profluit, quæ hyeme calidissima est, æstate subfrigida.

Ad radices montis *XenYang* lacus est non contemnendæ magnitudinis, in quo *Xunum* Imperatorem piscari solitum scribunt.

Jen lacus, hoc est salus, prope civitatem *Kiang* majorem incipit, inde usque ad *Ganye* civitatis territorium extenditur, ejus circuitus centum & quadraginta stadia occupat. lacus totus salus est ut aqua marina, ex eoque sal conficitur.

Tertia Urbs

T A I T V N G.

Antiquitas. **V**Rbs hæc tertia nec antiquitate, nec magnitudine cum aliis est conferenda, sed fortitudine ac viribus, tum ob loci commoditatem ac situm, tum ob moeniorum validam structuram insignis est, inter montes ipsa & totum illius jacet territorium, ad occasum præterea, ubi minus aspera est regio, & Tartarorum excursionibus cum majori subjacet periculo, non pauca numerat munimenta, in quibus ut & in ipsa urbe magnus militum est numerus, ac forte præsidium. primum hæc regio Sinis subjecta est à regibus *Chao* sub finem *Cheva* familiæ, & tunc *Petie* vocabatur *Cina* familia Imperialis *Junchung* dixit, *Tanga Junchen*, ab eo tempore continuo *Taitung* nomen obtinuit. regit urbs civitates undecim, 1 *Taitung*, 2 *Hoaigin*, 3 *Hoenyuen*, 4 *Ing*, 5 *Xamin*, 6 *So*, 7 *Maye*, 8 *Guei*, 9 *Quangling*, 10 *Quangchang*, 11 *Lingkieu*. In montibus optimus reperi-

Civitates.

tur lapis lazulus. animalium pelles pretiosiores cum reliquis communicat urbibus. Porphyritis, ac marmoris magna ibi vis, & variegati coloris jaspidem suppeditat. Fana nobiliora quinque habet, & unum cauponi illi dicatum, qui demortui apud se hospitis magnam auri summam fidelissime ejus filio patrem quærenti restituit: licet nec filius, nec alius quispiam de auro illo quidquam sciret. raram hanc apud Sinas virtutem tanti æstimarunt, ut inde & civitati *Hoaigin* (quod amplectens pietatem sonat) nomen sit factum, & viro illi templum erexerint in gratæ memoriæ argumentum, vocaturque templum ipsum *Changgin*, hoc est continue pium.

Ad *Hoenyuen* est montis *Heng* pars, ubi *Montes.* raros flores, ac præclara ex herbis medicamenta Botanici Sinæ undique adventantes carpunt ac colligunt, nulli tamen ulli arbori, nescio qua superstitione ducti, audent securim impingere.

So civitas montem habet *Jueny*, cui nomen dedit ibi sepulta *Guei* regis charissima psalteria.

Ad *Quangcha'ng* est *Hiang* mons ingenti ac annosa pinorum sylva spectandus, in cujus medio idolorum fanum ac sacrificulorum cœnobium.

Tape mons ad *Lingkieu*, ex quo terram ita rubram hauriunt, ut minium, quo ad sigilla rubra Sinica imprimenda utuntur, subinde suppleat.

Flumina. Nihil de fluminibus occurrit particulare præter ea, quæ sunt in mappis, nisi quod ad urbis occasum lacus sit parvus à flumine ortus, qui *Kunçu* lacus dicitur, hoc est probi viri, namque ibi habitabat ille, qui aurum restituit.

Prope *So* civitatem in monte *Tenking* lacus est immensæ profunditatis, qui suo ambitu stadium continet.

Quarta Urbs

L V G A N.

L*Ugan* urbis regionem *Tvus* Imperator *Kicheu* provinciæ adscripsit, constellationibus *Sang* & *Cing*: *Cheva* familia regem hic constituit, *Libeum* condens *Qualitas.* regnum: quod deinde *Han* reges occuparunt, mox *Chao*: regibus autem omnibus extinctis *Cina* familiæ primus Imperator *Xantang* hanc urbem vocavit. *Tanga* familia *Chaoy*: *Sunga Chaote*, hodiernum nomen

Civita-
res.

nomen habet à *Taiminga*, in eaque Imperator consanguineo regalem sedem constituit, magnifico ad id exstructo palatio, unde dives ac potens effecta est. jacet ad Borealem ripam *Chang* fluvii, amœno satis loco. territorium quidem haud ita magnum est, at illius exilitatem amœnitate compensat. haud multum aliis cedit, omniaque ad victum & amictum necessaria abunde suppeditat. parent huic urbi civitates octo tantum, quarum 1 *Lugan*, 2 *Chançu*, 3 *Tunliên*, 4 *Siangheng*, 5 *Luching*, 6 *Huquan*, 7 *Liching*, 8 *Pingxun*. duo tantum majoris notæ fana habet, unum *Xinnungo* in monte *Peco*, hoc est, omnium frugum, ubi etiam puteus visitur apud quem scribunt *Xinnungum* primum Sinarum Imperatorem, nescio à quo oblata accepisse frumenti, milii ac leguminum semina, illiusque sementis faciendæ modum, ac colligendæ messis; dicerent hîc Poëtæ & Cererem ad Sinas forte fecisse iter. *Xinnungus* dein eandem artem subditos docuit, atque ad perpetuam gratamque rei memoriam hoc fanum non exiguis sumptibus est exædificatum.

Montes
nobiliores.

Fakieu mons prope *Chançu* à turturum copia, qua scatet, dictus. sylvas alit quam plurimas, est in eo castellum ad regionis tutelam.

Lin mons est prope *Tunliên*, in quo artis jaculatoriæ peritissimus ille Heuyus septem sagittis totidem volantes aves, unam post aliam transfixit.

Ad *Luching* mons est *Funien* sive abscondens vaccam, nam crudelem hic furibundamque fuisse vaccam scribunt, complurium morte infamem, à quodam demum viro ignoto intra montis cavernam abductam cum eo numquam amplius alias apparuisse.

Flumina.

De fluminibus nihil admodum occurrit memoratu dignum, nisi quod *Chang* fluvius prope *Lugan* originem habeat, in montibus *Sin* flumini vicinis.

Quinta Urbs

F V E N C H E V.

Situs.

Per *Fuen* fluvium ascendentes in ejus ripa, qua occidentem spectat, medio Metropolim inter & *Pingyang* urbes itinere, hæc nobis occurrit, loco ad commercia peropportuno sita. illi à flumine nomen est. Regio quidem hæc scatet montibus, non ideo tamen squallet inculta: quip-

pe frugum fertiles agros, & virides sylvas & gratissima pecori habet pascua, laudatissimus hic ex oryza conficitur potus, vino nostrate nihilo inferior, maceratis in eo hædorum carnibus nescio qua arte medicatis. maxime æstimatur à Sinis, optimæ est substantiæ, magnarum virium, & saporis suavis ac jucundi, *Tangciên* vulgo, quasi vinum hoëdinum, dicunt. intra mœnia rex habitat *Taiminga* familiæ nobili ac magnifico exstructo palatio, extra portam, quæ orientem solem respicit, aliud quoque palatium visitur sumptuosum pariter & antiquum, ubi *Jang* rex ætatis tempore æstivos solitus est fallere calores, regnavit is, anno post Christum Deum natum decimo supra sexcentesimo. templa heroibus dicata celebriora sunt quatuor. præest civitatibus octo, quæ omnes ab ortu in occasum inter *Fuen* fluvium & *Croceum* occurrunt, 1 *Fuencheu*, 2 *Hiaoy*, 3 *Pingjao*, 4 *Kiaihieu*, 5 *Ninghiang*, 6 *Lingxe*, 7 *Jungning*, 8 *Lin*.

Potus rari-
mus.Civita-
tes.

Sub *Tuo* Imperatore ad *Kicheu* provinciam pertinuit, sub asterismo *Seng*: fuit olim regum *Cyn*, inde *Guei*, ac *Chao*: *Cina* & *Hana* familia eodem nomine *Taryven* vocitavere, *Tanga Haocheu*, *Taiminga* hodiernam appellationem dedit.

Vanhu mons ad urbis occasum est omnium altissimus, nomen illi à decem hominum millibus, quæ, cum subinde ingens terrarum orta esset eluvies, illius subiisse verticem, ibique aquarum evasisse periculum feruntur.

Montes
insigniores.

Ad *Hiaoy* mons est *Caotang*, in quo thermæ ac calidi fontes plurimi, & ignis illius, de quo supra egi, putei crebri visuntur.

In fluminibus nihil est singulare præter lapsum aquæ ingentem, seu catadupam in montibus prope *Pingjao*, cujus fragor ad plura exauditur stadia, adeo ut non multum antiquis illis Niloticis debeat.

Flumina.

Fontes calidi ebullientesque quam plurimi ad *Hiaoy* Puteolos Italiæ quodammodo repræsentant, quod si Sinæ harum rerum aut studiosi magis, aut curiosi forent, facile eisdem ex hisce effectus nancisci possent, sunt enim qui saporem varium, ac colorem ex iis habeant.

Civitas major Sin.

Abolutis urbibus supersunt civitates majores aliquæ quas Sinæ *Chen* vocant, quæ licet quibusdam ex aliis ci-

L

vita-

Qualitas.
 vitatibus præsent, non habent tamen urbis nomen neque dignitatem. Prima ex iis est *Sin* civitas, quæ in exiguo eoque montibus pleno terræ spatio duas alias complectitur, secundam nimirum *Sini-ven*, & tertiam *Vu-hiang*. altissima est hæc hujus provinciæ regio, crassiolemque ac frigidiolem, quam vulgo aliæ, patitur aërem; montes adeo alti ibi sunt quidam, ut eos pertranseuntes notabilem ibi aëris mutationem facile percipiant, ita ut subinde vix ad respirationem densus satis esse, aut attrahi commodè posse videatur. In his *Chochang* fluminis scaturigo est. fana sunt nobiliora tria, ex iis unum nobilissimum, multumque olim ab ipsis regibus frequentatum ad Australem civitatis partem *Venchung* dictum, in quo ingens adservatur bibliotheca ac musæum regium, in quo multi ex vetustioribus regibus litteris ac studiis dedere operam.

Secunda civitas major Leão.

LEÃO civitas major duas alias sub se continet, *Juxe* nimirum, & *Hoxun*: hujus regio haud multum priori absimilis, ad ortum continuis *Heng* montibus clauditur; nobilitat eam radix *Ginseng*, muschusque, quibus abundat. Duo magnifica habet fana, quorum unum *Sienchin* à familia Imperiali *Cheva* exstructum duci cuidam, qui eo in loco insignem reportavit victoriam, quamquam ex pugna ita læsus, ut statim post obierit, ibidem magnificum illius sepulchrum est.

Tertia civitas Çe.

ÇE civitatis regionem ab hostium incursione tutissimam esse scribunt Sinæ: nam à montibus *Croceo*, & *Sin* fluvio undique clauditur, adeo ut aditum arctissimæ montium fauces admittant. regit hæc quinque alias: 1 *Çe*, 2 *Caoping*, 3 *Jangching*, 4 *Linchuen*, 5 *Sinxui*, quæ omnes in planitie vallium sitæ, præter *Caoping*, quæ in monte est *Hanuang*, ibidem altiori loco ædificata amoenissimo gaudet despectu subjacentium vallium. nihil hîc admodum memoratu dignum, præter amnem *Tan*, hoc est rubrum, ejus enim aqua sanguinem colore refert, scribunt Sinæ olim fuisse limpidam, sed à Pei fidelissimi *Chao* Regum præfecti sanguine rubrum colorem accepisse, atque hætenus conservasse, quod ad amnis ripam violentas sibi intulerit manus.

Munimenta.

NUMERAT hæc Provincia majora munimenta, moenibus cincta, omnino quatuordecim, ad muri imprimis magni & itinerum custodiam: aliqua ex iis magnitudine ac frequentia superant ipsas civitates, horum nomina hæc sunt: 1 *Gueiyven*, 2 *Jeu-guei*, 3 *Çoguei*, 4 *Maye*, 5 *Vanglin*, 6 *Jangho*, 7 *Caosan*, 8 *Tienching*, 9 *Chinlu*, 10 *Cingyven*, 11 *Pinglu*, 12 *Chungtung*, 13 *Gentung*, 14 *Tungxing*.



TERTIA PROVINCIA, XENSI.



*Antiqui-
tas.*

Limites.

*Multitu-
do homi-
num ac
rerum
copia.*

Iste merito nobilif-
sima hæc *Xensi* Pro-
vincia cum cæteris
omnibus extremæ
hujus Asiæ præci-
pue de magnitudi-
ne ac antiquitate
certet: quippe quæ
ab antiquis tempo-

ribus Sinensium fere omnium fuerit Impe-
ratorum sedes, ab ipsis Sinarum initiis ad
exitum usque *Hanæ* familiæ, hoc est ad an-
nos post Christum natum sexaginta & qua-
tuor supra ducentos: prima hæc quoque,
quantum constat ex vetustissimis Annali-
bus, à primis Sinæ incolis fuit habitata, ac
eos quidem ab occasu magis versus ortum
processisse non ita multo post communem
illam orbis terrarum eluvionem, multis iis-
que admodum firmis rationibus persuasum
mihi est. Cæterum est hæc Provincia ex
Borealioribus ea, quæ maxime vergit ad
occidentem, ad regna enim Prete Joan,
Cascar & *Tebet* pertingit, quæ omnia Sinæ
Sifan communi appellant nomine. *Tanyu*
etiam Tartarorum regni à Borea in occa-
sum limites prætergreditur, à quibus muro
illo magno, ac aliquot ad ejus viciniam ex-
structis munimentis sejungitur: murus non
totam omnino hanc pertransit Provinciam,
sed tantum pervenit ad Crocei usque fluvii
ripas, reliqua quæ supra fluvium sunt, mu-
ro carent, atque sitientis inter arenæ cam-
pos, ac Crocei latissimam profunditatem
intercepta tuta sunt satis: olim frequentius
quam modo regio hæc fuit culta. Idem
Croceus medius inter hanc & *Xansi* Pro-
vinciam fluens limes est ad ortum, adeo ut
tria quodammodo hujus Provinciæ latera
ingens ille fluvius Croceus efformet; quar-
tum, quod ad Australem partem superest,
continui ac densissimi montes claudunt,
per quos ab *Honan*, *Suchuen*, & *Huquang*
separatur.

Dicitur hæc Provincia habere familias
83,1051. Viros 393,4176, pro tributo
ordinario solvit tritici miliue saccos 192,
9057, byssi libras 360, serici confecti om-
nis generis 9218, gossipii 17172, panni
gossipini 12,8770, pro equis regis scæni

fascis 151,4749, demptis teloniorum, alia-
rumque rerum singularium plurimis vecti-
galibus ac redditibus: complectitur suo sinu
nobiles urbes octo; civitates centum & se-
ptem, præter militares alias ac munimenta,
quorum præcipua sunt undeviginti, de qui-
bus infra agemus.

Aër hujus regionis mitis ac clemens est, *Quali-
tas.* fertilis terra ob torrentium ac fluviorum ex-
undationes, cultorumque frequentiam, om-
nium rerum, quæ ad usus humanos faciunt,
felix ibi proventus: venæ auri complures,
tantaque ejus copia, ut licet terræ scrutari
viscera, aut fodinas aperire patriis legibus sit
vetitum, infinita tamen hominum multitu-
do ex hujus collectione ac questu, dum flu-
viorum rivulorumque aureas arenas, quas
à venis deducunt, multiplici lotione colli-
gunt, facile vitam transigant; populus hic
ut plurimum humanus est, hospitum amans,
mores suaviores præ se fert, neque adeo
ad studia ut reliqui Borealiores Sinæ, ine-
ptus est.

Illud hæc provincia habet incommodi, *Pluvie
defectus
ac locustarum
molestia.* quod magis quam reliquæ Boreales pluvie
penuriam sentiat, tantamque sæpe patiatur
locustarum populationem, ut, tametsi à Ma-
gistratibus cogantur omnes hominum ordi-
nes in campum egredi ad locustarum quasi
bellum ac internecionem, ita tamen illæ
quandoque depascantur omnia, ut nihil pæ-
ne viride in agris relinquant: tantæ sæpe
sunt earum nubes, ut, veluti eclypsim mi-
narentur, orbem solarem obtegant, omnia-
que ad quæ oculus humanus pertingere po-
test, molestissimis hisce insectis obsita sunt.
Sinæ tamen à locustarum cibo non abhor-
rent, elixasque non pauci in deliciis ac pre-
cio habent: hæc regio perparum licet pro-
ducat oryzæ, tritici tamen ac milii feracissi-
ma est: quin & ob nimiam tritici luxu-
riam, dum ad aliquam excrevit altitudinem
sæpe coguntur oves suas in agros immittere,
ut segetes hyberno etiam tempore in herbis
depascant, quæ mox vere renascens plus vi-
rium habere creditur, quod experiuntur et-
iam subinde Europæi.

Hæc Provincia multa etiam, eaque præ-
clara suppeditat medicamenta, rheubar-
barum imprimis, quod non sylvestre est, ut
putant

*Rheubar-
barum
Sinense.*

putant quidam, sed diligenti culturæ arte indiget. Sinæ vulgo *Taihoang* vocant. radix est sat solida, tuberibus hinc inde prominentibus, foliorum forma haud ita procul abest à caulibus nostratibus, quos tamen magnitudine superant, radices uno pertusas foramine in umbra suspendunt ac siccant: nam in sole suspensæ vim amittunt. ex hac & *Suchuen* altera Provincia, est magna ex parte rheubarbarum omne, quod ad nos in Europam defertur, nimirum per mare Indicum, vel *Cascar*, Astracaniam & Russiam, vel per *Tebet*, *Mogor*, & Persidem: nemo enim est magnopere rerum peritus (quod equidem sciam) qui in illis regionibus nasci rheubarbarum velit, sed inde nos habere asserunt, quia ab illis affertur emiturque nationibus, & ex Sina allatum esse ignoratur. Turcæ autem & Samarcani quotannis fere fictitiis Regum suorum adornatis legationibus Sinam (quam Catayum nominant) ingrediuntur, ut sub hujus legationis specie liberius commercia sua cum Sinis exerceant, cautum tamen est à Sinis ne ulli præterquam soli legato, adscitis paucioribus nonnullis ostentationis splendorisque causa comitibus, ad interiora regni, maximeque *Pekinensem* Imperatoris aulam penetrare sit permissum. reliqui extra murum subsistere coguntur ad *Cancheu* & *Socheu* civitates, ubi hujus Provinciæ prorex alter sedem habet, qui hujuscemodi ibi negotiis, ac ipsis Tartaris, ne qua irruptio derepente accadat, acriter solet invigilare. sed de his alias suo loco agam opportunius.

Jaspis apud Sinas in pretio.

Inter cætera pretiosiora cimelia jaspidem afferunt, lapidem ibi magno in pretio, atque æstimatione, hunc Sinæ *Ju* vocant; comparatur à mercatoribus ex regno *Tarken*, eum magno hic distrahunt quæstu, atque lucro. Gagatem aut Jaspidem Europæum refert, nisi quod pellucidior sit, & intermixto subinde tenuiori colore cæruleo albescat, facile adducor ut credam unum hunc esse ex iis, quos Sacræ litteræ recensent, atque inter duodecim lapides illos pretiosos, qui vesti Aäronis attexendi erant, enumerat, si modo magnitudo lapidis quadrata tanta reperiri possit, ut unum illius latus dimidium palmum æquet, qui tum inæstimabilis evadit pretii, atque à solo Imperatore comparari solet; ex lapidis hujus sectis elaboratisque frustulis, summi præfecti, primique ordinis Magistratus cingula sua ac zonas conficiunt, cæteri vel ex auro, argento aut ebore aliave simili materia pro

cujusque, quo fungitur, officio ac dignitate.

A Sinis hi mercatores ingentem vim rheubarbari, Muschi rerumque similium coemptam efferunt, quæ omnia Sinenses Mercatores ad *Cancheu* illius fori seu commercii civitatem quam maturime conveniunt, cum primum inaudiunt Caravanas seu turmas illas institorum advenisse.

At ne diutius, quid Muschus sit, quispiam hærare possit, dicam ipse plus vice simplici testis oculatus. tuber seu exuperantia quædam ad umbilicum animalis est, parvum marsupium referens, subtili pellicula ac subtilissimis pilis vestita constans. animal ipsum Sinæ *Xe* vocant, inde *Xebiang*, hoc est animalis *Xe* odor, seu fragrantia quod muschum significat, quadrupes est, exili cervulo non absimile, pilo paulo magis nigrescente, cornuum omnino expers est, caro occisi etiam pro cibo adhibetur à Sinis: in hac Provincia, prætereaque in *Suchuen*, *Tunnan*, locisque illic ad occasum vicinioribus ingens Muschi reperitur copia, ut suo dicam loco. Tubera illa seu marsupia si sincera sunt, minimeque adulterata, præstantissima sunt, adeoque vehementis odoris, ut organum ipsum, sicut & zybethus pura, omnisque lux aut sonus æquo vehementior aures, aut oculos, odoratum offendant: at versipelles Mercatores ex sanguine, pellibus, aliisque animalis exuviis muscho additis, marsupia, quæ pellis animalis subministrat, infarciunt, ac tanquam vera ac genuina venditant. Conficitur etiam in hac *Xensî* Provincia tum lana ovina, tum caprinis pilis pannus vestisque delicatior, quæ Mediolanensium pannis, Sayettas vocant, aut nihil debet omnino, aut multis passibus superat: tapetes illic quoque pingunt haud contemnendos, aliaque similia, ac præcipue pileolos illos acutos nostro omnino modo efformant, sed sine alis ac margine, quibus apud Sinas milites communiter utuntur ac viri, hæc fere omnia toti extremæ Asiæ *Xensî* Provincia suppeditat; ex pilis autem caprinis tantum adhibent interiores, & hybernæ lanuginem (hybernæ vocant Sinæ, quia hyeme illa animalibus subnascitur, natura ipsa frigus arcente) qua plane nihil mollius aut subtilius.

Quod imprimis celebrem hanc Provinciam facit, est antiquissimus ille lapis partim Syriacis, partim Sinicis litteris exaratus de lege divina per Apostolorum successores ad Sinas allata: in eo Episcoporum ac Sacerdotum illius temporis nomina, ac Imperatorum

Muschus proprie quid sit.

Lex Christiana olim in Sinis.

à Soci
te Ies
staur.

Sig
bis
gni
ac
tas.

ratorum Sinensium in eos favores ac indulta leguntur. brevis etiam, sed exactissima & plane admiranda legis Christianæ explicatio eloquentissimo stylo Sinico composita continetur, de his multa favente Deo dabit secunda Decas epitomes historiarum Sinensium: repertus est hic lapis Anno MDCXXV, cum in civitate *Sanyuen* eruta terra fossa quædam fundamentis muri cujusdam collocandis præpararetur: de invento monumento mox certior factus loci gubernator, cum venerandæ antiquitatis, cujus amantissimi sunt Sinæ, vestigia propius fuisset intuitus, continuo scripto quodam in monumento laudem edito, in altero ejusdem magnitudinis lapide totam inventi saxi perigraphen incidi curavit iisdem characterum notarumque ductibus, qua par erat fide servatis. cujus prototypi exemplum Patres nostri una cum interpretatione Romam transulerunt, ubi hodieque in bibliotheca domus Professæ Societatis JESU adservatur cum interpretatione, quæ Romæ impressa fuit anno MDCXXXI. Est autem lapidis figura in modum parallelogrammi extensa quinque palmis lata, uno crassa, longa fere decem, in fronte crux est, qualis fere Equitum Melitensium: hujus accuratiorem notitiam si quis desideret, inveniet rem totam eleganti descriptione fusius explicatam, deductamque in prodromo linguæ Copticæ R. P. Athanasii Kircheri. & in relatione de Sinis R. P. Alvari Semedo.

à Societate
Jesu re-
staurata.

Oblitteratam hanc legis Dei notitiam, longissimique temporis intervallo deletam ex hominum memoria, postliminio revocarunt, restauraruntque denuo Patres Societatis nostræ, pluribus Deo vivo ac vero templis erectis, magnoque Christianorum numero cultis, ac pietate summa celebratis: duo ibi è patribus nostris vineam illam Domini novellam strenue excolunt, eorum unus in ipsa Metropoli sedem fixit, alter per Provinciam ad Dei promovendum cultum, atque animarum bonum huc illucque, ubi major exigit necessitas, subinde proficiscitur, ut omnibus ubique salutis panem perentibus frangat ac communicet.

Urbs prima seu metropolis

S I G A N.

Sigan ur-
bis ma-
gnitudo
ac nobili-
tas.

Sigan metropolis, si quæ alia, amœna ac pulcherrima regione sita, magnitudine, antiquitate, mœniorum firmitate

ac robore, prospectus elegantia, emporii-
que frequentia paucis cedit; mœnia habet
trium Germanicorum milliarium ambitu,
fortissima, adeoque magnifica, ut aurea ha-
bere mœnia dicatur à suis, in his tures aliis
longe eminentiores, egregioque elaboratæ
opere, debitisque intervallis dispositæ cer-
nuntur: quatuor tantummodo in mœnibus
habet portas ad custodiam securitatemque
majorem. antiquitatem illius vel inde collige,
quod in ea tres Imperiales familiæ re-
gnarint, *Chena* nimirum, *Cina* & *Hana*.
Eam ob rem tota urbs splendidissimis ædifi-
ciis referta est tum intra tum extra muros,
pulchritudinem ejus mire auget prospectus
ad urbem amœnissimus, quamvis enim ad
australem *Guei* fluminis ripam sita sit, ita
tamen acclivis est, ut ædificia paulatim mon-
tem subeuntia una cum mœnibus quasi am-
phitheatrum quoddam jucundissimo aspe-
ctu repræsentent, cui subjectus fluvius non
parum elegantia ac commodi affert. Libro
opus foret, si quidquid isthic rari, enumerare
velim, ne quid tamen magnopere scitu
dignum præteream, hæc paucis habeto:
Tres habet urbs pontes supra *Guei* fluvium, *Pontes*.
unus ad Ortum est, in medio alter, tertius
ad Occasum, omnes pluribus, iisque altissi-
mis arcibus constant, ex sectis quadratisque
lapidibus, accedunt podia, ferreæ trabes,
leonum statuæ, similiaque ornamenta ad so-
litudinem operis ac ornamentum: quartum
his tribus non absimilem *Lantien* habet ci-
vitas, reliquos minoris nominis ac notæ ad-
scribere, vix visum operæ pretium. Est &
turris *Ten* dicta Novizonia, totidemque al-
tissimis contignationibus adsurgens, quæ
hujus loci reliquas altitudine ac splendore
superat, lapidea tota est, ac intus marmore
obducta, sed alibi hæc moles describendi
locus erit opportunior: ad Occasum urbis
septum aqueum est, seu Vivarium, *Viyang* *Viva-*
dicitur, undique muro clausum, suoque am-
bitu triginta complectens stadia, partem *gnificum*.
Lungxen montis intercipit, & ad fluvium
usque *Guei* pertingit, ex quo deducti cana-
les Lacus, stagna, ludicrisque naumachiis
exhibendis fluida theatra constituunt, intra
muros septem numerantur superba palatia,
& septemdecim aulæ seu theatra tholo coo-
perta ad variam animi voluptatem remissio-
nemque per totum septi spatium structa, in-
ter quæ septem reliqua & magnitudine &
ornatu antecellunt. ibidem admodum sum-
ptuosa antiquorum regum sepulchra vide-
re est, inter quæ sunt *Cavi*, *Veni*, *Vui* vetu-
M stissimo-

Musculus
proprie
quid sit.

vistia-
olim
Sinis.

stissimorum Imperatorum veneranda antiquæ memoriæ monumenta ; fana habet plurima , undecim ex iis magnitudine ac splendore eminent, sed & inter tot profana suus sacris locus jam est , Deoque à Patribus Societatis IESV in ipsa urbe dicatum templum non ultimo loco numerandum, quod à Sinis Tartarisque modo etiam Christianis nostrorum opera redditis valde frequentatur , cum enim degat in hac urbe Regulus cum non contemnenda Tartarorum manu, non pauci jam nunc ex his ad Christi castra accesserunt , Christianisque sacris sunt initiati , faxit Deus , ut , quo auctore cœpit hoc opus , eodem capiat incrementum.

Antiqua
nomina.

In *Tai* divisione ad Provinciam *Tung* hæc regio pertinuit sub constellationibus *Cing* & *Quei* , *Cheva* Imperialis familiæ patria fuit , ac Imperii sedes , *China* familia *Quangchung* dixit , Regum tempore *Cyn* rex hic imperitavit, postmodum *Guei*, mox *Suius* , extinctis regibus *Tungking* nomen dedit *Sunga* familia , *Juena Gans* , & *Tai-minga* transpositis tantummodo syllabis *Sigan*, quod Occidentis quies significat.

Civitates.

Urbis territorium amœnis plerumque scatet montibus , ingens spatium loci occupat , omniaque necessaria abunde suppeditat, numerantur in eo civitates sex supra triginta : 1 *Sigan* , 2 *Hienyang* , 3 *Hingping* , 4 *Linchang* , 5 *King yang* , 6 *Caoling* , 7 *Hu* , 8 *Lantien* , 9 *Livo* , 10 *Xang* , 11 *Chinggan* , 12 *Tung* , 13 *Chaoye* , 14 *Hoyang* , 15 *Ching Ching* , 16 *Pexui* , 17 *Hanching* , 18 *Hoa* , 19 *Hoayn* , 20 *Gueiman* , 21 *Puching* , 22 *Conan* , 23 *Xanyang* , 24 *Xangnan* , 25 *Yao* , 26 *Sanyven* , 27 *Tungquon* , 28 *Fuping* , 29 *Kien* , 30 *Fungciuen* , 31 *Uucung* , 32 *Jungxeu* , 33 *Fuen* , 34 *Xunhoa* , 35 *Xanxui* , 36 *Changui*.

Rara.

Hic cervi, lepores, damæ simileque feræ quamplurimæ capiuntur. Est & vespertilionum genus , magnitudine gallinis nostratibus par, horum caro à Sinis Gallinarum ferulis præfertur ; genus etiam est herbæ , quæ comesta tristitiam cito pellit, risum ac lætiam parit, crescit ea potissimum in monte *Nieuxen* , Sinæ *Quei* vocant ; illic terra etiam effoditur candidissima , à mulieribus loco cerussæ expetitur & adhibetur : pulchritudinem quippe earum auget , dum aqua diluta omnes nigricantes corporis maculas ac nævos abigit ac delet. *Quei Ki*, hoc est, nobilis fœminæ, nomen habet.

Meretur *Sanyven* civitas laudem à mu-

icho , pannisque è caprarum pilis textis , quorum copia nobilis est , emporiumque dives ac frequens.

Linchang civitas montem *Limon* habet, in quo fons chrystallo similis , mirabilisque naturæ est : quamvis enim aquam quatuor cubitis vix habeat altiore, superior tamen illius pars frigidissima est , at in fundo adeo calet , ut nemo pedes ad fontem continere possit.

Montes
insigniores.

Mirabilis
naturæ fons.

Jo mons ad *Lantien* visitur , ex quo minerale eruitur coloris cærulei , quod veluti glastum ad tingendas vestes expetitur , ibidem *Ciepuon* mons est magnus ascensuque arduus ac perdifficilis, in quo munimentum est ad itineris tutelam. Ad *Uucung* mons est *Taipe*, qui inter fortunatissimos à superstitionis montilogis seu *εφοσιόποις* istis undecimo censetur loco : ajunt in eo pulsata tympana , fulgura ac fulmina , ingentes excitare tempestates , unde severe cautum nec ulli omnino licitum ibi tympanis pulsandis admoveere manum.

Ad *Xunhoa* est mons *Canciwen*, hoc est dulcis fontis , nam fons aquæ dulcissimæ in eo scaturit, supra quem aula ac domus splendida ad voluptatem relaxationemque animi est exædificata.

Guei fluvius nobilis ad Boream , urbem irrigat , ac pascua fœcundat , originem habet ad *Gueiyven* civitatem in ea Provinciæ parte , quæ ad Occidentem vergit : inde versus ortum progressus , nonnihilque in Austrum deflectens , demum, in turbidum *Croceum* influens, illum pellucidis suis undis nequicquam clariorem reddere tentat ; non ignobilis quoque fluvius *King* ad Boream ipsius urbis *Guei* fluvium subit.

Flumina.

Tie amnis in *Nan* montis altissimo ac nudo vertice emicat, indeque ingenti strepitu, ac impetu aquarum præceps delabitur.

Ad austrum metropolis lacus est utcumque magnus, *Fan* dicitur, à concursu fluviorum oritur. est & alius lacus ad ortum *Tungquon* civitatis. ad urbis Notapeliotem lacus est arte factus, deductis ex *Guei* fluvio canalibus , quem ad honestam animi relaxationem formavit ornavitque *Hiaouus* Imperator, adjectis insigni Palatio, sylvis , cultissimisque floribus , quo in loco animi gratia sæpe suis convivia , sæpe etiam comœdias aliaque spectacula exhibere consueverat. Idem Imperator ad urbis Notolybicum alium quoque effodi curavit lacum , *Quenming* vocitatum , in eo milites suos subinde ludicra pugna tamquam in *Naumachia* pugiles

Ludicra
Naumachie
Hiaouui.

Fabule
Sinarum.

Phœnix
Sinica.

giles instituebat, quo paulatim præliis navalibus adfuescerent, cum enim bellum in Australiores Provincias meditaretur, ubi omnia navibus atque aquis abundant, suos ad certamina futura ludicris hisce exercitationibus informabat, ut ibi non secus atque apud Romanos militiæ ponerent tyrocinium: ad Austrum lacum ingentem alium, ac juxta amœnissimum viridarium constituit, *Silen* vocant, quo post ludicra hæc spectacula diverteret ad quietem, in eodem lacu ingentem statuit lapideum piscem, eumque ad instar scopuli sub aquis erexit, firmavitque, ut eum susque deque præternavigantes nautæ, scopulos ac brevia vitare discerent. scribunt hunc piscem, quotiescumque imminet pluvia, ingentem boatum emittere, forte ex sono echus cujusdam vicinæ repercussio. tradunt præterea, visum sibi in somnis videre quandoque hunc Imperatorem, piscem illum hamo captum à se suppetias petere, opemque implorare, die postera verè in ipso lacu hamo captum piscem reperisse, ideoque eum somnii memorem solvisse piscem, liberumque abire jussisse: cum autem postmodum piscationi operam daret, in reti suo duos ab eo repertos uniones, *Mingyue* Sinæ vocant, hoc est lapides claræ Lunæ, qui ita dicti sint, quod juxta Lunæ ætates luminis incrementa fusciperent, paterenturque decrementa, uti vulgo de Selenite asserunt. similes porro adhuc apud Sinas extitisse, atque etiamnum in aulæ palatio existere sunt qui contendunt, pretii autem eos ac valoris inæstimabilis volunt, hosce lapides ubi accepit Imperator, hoc enim vero, inquit, illius, quem hamo exemi, ac libertate donavi, grati piscis munus est.

Secunda Urbs

F U N G C I A N G.

Iacet *Fungciang* urbs ad Borealem ripam *Ping* fluvii: nomen illi à Phœnice ave, sive illa, quam Sinæ maximæ felicitatis signum putant, & nonnisi rarissime videri ajunt, *Fung* vulgo vocant, *Ciang* vero felicitatem significat, è quibus duobus compositum hoc nomen. Avem hanc mira colorum varietate insignem pingunt ac prædicant, semperque solam ac rarissime optimo totius Imperii omine apparere, ego haud difficulter phœnicem esse crediderim, aut certe ex aquilarum genere versicolore atque ignotam speciem esse aliquam, cujus

figura tapetes suos vestesque pretiosiores exornare subinde solent Sinæ. Est hæc urbs magna satis & conspicua, ædificia habet haud spernenda, inter ea quinque præcipua sunt. Regio tota culta est, aër mitis satis ac clemens, ager fertilis ob torrentes atque interludentes rivulos amnium, quinque etenim flumina hoc territorium secant, totumque altissimi montes ceu munitissimo vallo cingunt, octo civitates sunt urbi subjectæ:

1 *Fungciang*, 2 *Kixan*, 3 *Paoki*, 4 *Fufung*, 5 *Mui*, 6 *Linyeu*, 7 *Lung*, 8 *Pingyang*.

Civitates.

Yvus hujus territorium, ut metropolitane distribuit, *Cheva* familia attribuit Provinciæ *Ki*, quam *Cheva* familiæ auctores adhuc reguli possidebant: mox eandem Provinciam *Cin* regulus in feudum habuit, & inde ad totius Imperii, ipsiusque *Cheva* familiæ extinctionem sibi *Cin* reguli strare viam, à quibus Sinicum nomen apud exterarum nationes ortum demonstro in mea epitome. *Hana* familia hanc regionem *Hingking* dixit, hodiernum nomen habet à *Tanga* stirpe. Psittacos aliasque vocales aves hæc cum cæteris fere terris communicat; genus etiam ibi nigerrimi serpentis est, ex quo contra morbos complures fit alexipharmacum; ad *Pingyang* civitatem piscis reperitur, quem Sinæ lapidem vocant, hic exsiccatus ac in pulverem redactus, sericisque pannis adpersus, eos à tineis omnino intactos incolumesque servat.

Antiqua nomina.

Nan mons magnitudine imprimis spectandus incipit ad *Ki* civitatem inde *Lantien*, & *Hu* civitatum territorium transit.

Montes nobiliores.

Paoki montem habet *Chinçang*, cujus vertex ad galli gallinæ figuram videtur accedere, cum tempestas aut tonitrua imminet, tantum murmur ac boatum edere feruntur illius anfractus, ut ad triginta eoque amplius stadia exaudiri possit.

Mons *Xecu* ibidem sive decem lapideorum tympanorum, quæ Rex *Sivenus* in eo collocavit, ut venatores feris visis illis signa darent, aliosque monerent.

Est & *Taipe* mons altitudine sua reliquos supereminens, summa etiam æstate nivibus albescentes ostendit vertices, apparet prope civitatem *Mui*.

Adjacet huic non ita remote *Quan* mons, in qua egregium munimentum ad regionis tutelam. in eo falcones, vulturesq; quibus ad venationem utuntur, capiunt audacissimos ac generosissimos prædones.

Flumina hic præcipua sunt *Yung*, *Guei*, *Ping*.

Flumina.

Est

Fabula Sinarum.

Phœnix Sinica.

Est & lacus satis magnus ad ortum urbis, *Tung* dicitur, aliusque major ad *Lung* civitatem *Hivenpu* dictus.

Tertia Urbs

H A N C H V N G .

URbis hujus mœnia orientalis *Han* fluvius lambit, *Hanchung* nomen res ipsa dedit, hujus namque territorium fere totum inter *Han* orientalem, & *Han* occidentalem, fluvios jacet. montibus ubique altissimis ac frequentissimis exsurgit, qui valles complures, easque peramœnas claudunt, unde, quibus ad vitam opus, abunde petantur omnia. mellis imprimis ac ceræ, ingensque ibi *Muschi* ac *Cinnabaris* copia: non raro in ipsis viis occurrunt cervorum, damarumque greges, at infestos illis urfos olit non paucos, quorum pedes anteriores magno apud *Sinas* in pretio ac deliciis sunt. Præest urbs civitatibus sedecim, quæ ingens terræ spatium, sed ut plurimum montibus horrens occupant. Earum 1 *Hanchung*, 2 *Paoching*, 3 *Chingcu*, 4 *Tang*, 5 *Sibiang*, 6 *Fung*, 7 *Mien*, 8 *Ningkiang*, 9 *Lioyang*, 10 *Hinggan*, 11 *Pingli*, 12 *Xeciven*, 13 *Sinyang*, 14 *Hanyu*, 15 *Peho*, 16 *Çuyang*.

Rerum
ibicopia.

Civita-
tes.

Antiqua
nomina.

Changle-
angi fa-
num.

In *Tui* partitione locum obtinuit hæc regio eundem cum superiore, at stellis *Te* & *Chin* subesse eam voluit astrologus Imperator: olim ad *Cin* regulos pertinuit, atque hinc ad occupandum imperium totamque *Chevam* familiam extinguendam gradum fecere, in eodem loco *Lieupangus* *Hana* familiæ auctor contra *Cinam* familiam arma movens, relicto ducis titulo regis nomen assumpsit, urbiq; *Hanchung* primus nomen indidit, *Tanga* & *Sunga* familia illud in *Hingyven* mutarunt, sed *Taiminga* restituit. Urbs est ampla ac populo frequens, loco à natura munitissimo sita, montibus ac sylvis velut vallo fortissimo circumdata, maximi semper ad bella *Sinica* habita est momenti, in ea quinque nominatissima Heroum visuntur fana, inter quæ unum est *Changleango* dicatum, ad stupendi operis, quod mox expliciturus sum, perennem gratamque memoriam, par illi aut secundum non esse facile dixerim in orbe, qua patet, universo. Hanc urbem inter & metropolim iter erat devium admodum & inflexum, vix ulla recta semita, ob montium altitudines asperitatesque, ac profundas vallium voragi-

nes & ambages: eam ob rem cogebantur vulgo versus ortum multum deflectere, atque *Honan* Provinciæ fines attingere, moxque redire versus Boream ac repetere iter, unde ad duo stadiorum, eoque amplius conficienda erant millia, cum, si per montes facerent iter, octingenta vix stadia fuissent superanda. Sub exitum ergo *Cinæ* familiæ cum *Lieupangus* contra *Hiangyuum* de Imperio pugnaret, à *Changleango* *Lieupangi* fidissimo prudentissimoque duce hæc montium asperitates, voragines ac præcipitia omnia æquata sunt, ut hostes fugientes anteverteret: incredibili itaque celeritate, ingentique opere montes hi omnes in plana deducti, quo in opere multa centena hominum millia, totumque exercitum suum deducere iussit, singulis turmis certa montis attributa parte, quam perviam, planamque redderent, exsurgentibus utrimque quasi ad perpendiculum parietibus è monte factis, adeoque altis, ut in coelum attolli fere videantur, vixque via ipsa lumen ab alto allapsum admittat, alicubi ligneis trabibus, asseribusque stratis de monte ad montem pontes struxit, intra ipsas montium rupiumque commissuras exterebratis, exsculptisque foraminibus, quibus trabes impositæ sustententur, præcipue ubi torrentes ex montibus delapsi, quasi viam sternunt, quorum semitas sæpe secutus est: alibi ubi valles latiores sunt, columnæ adhibitæ, atque hujuscemodi pontibus tertia fere hujus itineris pars constat: tanta autem subinde per interval- la sunt altitudine, ut fundum voraginis absque horrore vix ausis inspicere. viæ latitudo quatuor equitum capax est, quæ etiamnum facta tecta que servatur & reficitur pro iter facientium commodo, eaque de causa certis intervallis dispositi sunt pagi, tabernæque pro diversoriis: tota hæc via ubique tellure injecta coöperta est, ne vero viatoribus per præcipitia forte ex pontibus dilabendi aliquod immineat periculum, addita sunt utrimque podia, fulcraque lignea aut ferrea: ejus longitudo est ab hac urbe usque ad Metropolitanam partem, quæ spectat ad occasum, ubi triginta circiter stadiis ab urbe distat ejus finis: eum pontem *Sinæ* *Cientao* sive fulcrorum viam vocant.

Pons per
montes
admira-
bilis.

Tapa mons prope *Sibiang* incipit, inde in Provinciam usque *Suchuen* excurrit ad *Pa* civitatem.

Montes
nobilio-
res.

Ad *Lioyang* est mons *Toniu*, hoc est pretiosæ mulieris; nam mulieris pulcherrimæ statua in eo non arte sculpta, sed à natura ipsa efficta, videtur.

Cuking

Hium
hoang
miner

Flum

Civ
tes.

An
non

M
in
re

Çuking mons altissimus, atque horrendum præceps prope *Siyang*.

*Hiung-
hoang,
minerale.*

Est & *Çupe* mons ad *Fung* civitatem, in quo ad duas & septuaginta numerantur cavernæ. ibidem est *Nanki* mons, in quo ingens lacus. Inde haud ita procul est *Vuu* mons, è quo minerale illud effoditur, quod *Hiunghoang* Sinæ dicunt: Illud contra venena omnia, malignas febres, caniculariumque dierum noxios æstus tamquam præsens remedium ac præservativum æstimant; sumuntque vino maceratum; coloris est rubicantis ac flavi, punctis nigellis intermixtis; lapillum cretaceum, aut terram duriorum refert, coloreque subinde non ita multum differt à minio, nisi quod ad flavedinem magis nonnihil accedat, & ad pingendum minime sit aptum: frustulum huius medicamenti adhuc penes me habeo, sed video apud Europæos Medicos minime esse notum, neque ullam apud auctores nostros illius mentionem invenio.

Flumina.

Han fluvius tum orientalis, tum occidentalis principem hic locum obtinet; ille ex *Mincheu* civitatis montibus originem ducit, hic supra *Fum* civitatem scaturit, & utriusque magna aquarum mole, perque ingens terrarum spatium fluunt, navium ubique patientes; reliqua, quæ minoris notæ ac nominis sunt, dabit mappa.

Quarta Urbs

P I N G L E A N G.

Civitates.

Montibus aspectu jucundis, non horridis, fœcundisque aquis amœnum territorium habet. *Pingleang* urbs, omnium fere rerum ubertate abundans. in eo decem sunt civitates, 1 *Pingleang*, 2 *Çungsin*, 3 *Hoating*, 4 *Chinyven*, 5 *Kuyven*, 6 *King*, 7 *Lingt ai*, 8 *Choangleang*, 9 *Lungte*, 13 *Cingning*.

Antiqua nomina.

In hac urbe tria sunt heroibus dicata fana, reliquis splendore ac magnitudine præstantia: palatiumque insigne regium *Taiminga* familiæ; nam in hac urbe unus ex regulis iis habitare solitus. *Tvus* Imperator hanc regionem *Tung* provinciæ adscripsit, voluitque subesse stellis *Cing*, & *Quei*: sub *Hana* familia *Ganti*, sub *Sunga* vero *Kingyven* dicta est, hoc est *King* fluvii origo, & reapse ad ipsam urbem emicat illius fons: ab aliis semper *Pingleang* dicta fuit urbs, ob aëris temperiem molliorem.

Montes insigniores.

Ad *Chingyven* mons *Jo* est, in quo lapilli

reperiuntur pellucidi, quique adamantes referunt; & prope *Hoating* vallis est triginta stadiorum longitudine, adeo profunda atque angusta, ut nonnisi tenue & obscurum lumen admittat, est tamen per illam via regia strata lapide quadrato.

King fluvius fluit ad urbis occasum, inde in ortum deflexus partem occidentalem *King* civitatis pertransit; in Austrum inde serpens, ad ortum metropolitanæ urbis, in fluvium *Guei* se exonerat.

Flumina.

Quinta Urbs

C V N G C H A N G.

Ad *Guei* amnis Australem ripam sita est, recta fere ad partem superioris urbis occidentalem, fuitque olim ab *Tvo*, eodem, quo superior, loco posita: populo frequens est emporium, & opportunus ad Sinici Imperii custodiam locus; quippe asperitate montium, itinerumque difficultate hostium artes facile eludit, hinc semper magni æstimata est à Sinicis Imperatoribus: quod nobiliorem reddit, est antiquissimum ab hominum memoria sepulchrum, *Fohii* nimirum, primi apud Sinas Imperatoris, nam illum ibidem apud *Cin* civitatem natum produnt. magna hic etiam est Muschi copia. Numerantur sub ea civitates septendecim, 1 *Cungchang*, 2 *Gan-ting*, 3 *Hoeining*, 4 *Tungguei*, 5 *Chang*, 6 *Ningyven*, 7 *Fokiang*, 8 *Sibo*, 9 *Ching*, 10 *Cin*, 11 *Cingan*, 12 *Cingxui*, 13 *Li*, 14 *Kiai*, 15 *Ven*, 16 *Hoei*, 17 *Leangtang*.

Civitates.

Effoditur hic passim minerale illud *Hiunghoang*, de quo supra; sunt & lapilli quidam cærulei coloris vergentis in nigredinem, albis venulis distincti: hi apud magnates magno in pretio sunt, in calcem namque redactos solutosque in tenuissimum pollinem, ac medicamenti loco sumptos, ad vitam producendam plurimum prodesse vulgo credunt: tria fana habet nobiliora; eorum unum *Fohii* matri dicatum, reliqua magnitudine ac splendore superat.

Bellorum tempore sub finem *Cherva* familiæ, ad *Kiangiung* populum hæc pertinet regio: *Hana* familia, extincto dynasta *Lungsi* à *Cina* familia isthic constituto, *Thienxui* vocavit: *Tanga* familia *Guei* *Chen*, *Sunga* *Cungchen*, *Taiminga* *Cungchang* dixit.

Prope *Hocicin* ingens ac præaltus mons

N

Montes insigniores.

est *Sive*, à perpetuis nivibus dictus : ad *Fo-kiang* mons est *Xecu*, sic dictus à tympano lapideo: de quo observasse se scribunt *Sinæ*, quod, quoties sonum edit, toties futuri belli sit signum. Ad *Ching* civitatem *Loyo* mons est, in quo ingens Leonis statua, ex cuius ore fons effluit. ibidem est *Cheuchi* mons ad usque *Sibo* civitatis finitima pertingens, in altissimo vertice magnam habet planiciem viginti plus minus stadiorum.

Ad *Cin* civitatem in *Pochung* monte herbam nasci scribunt *Hoaco*, quæ comesta steriles reddit, sunt & alii plures, in quibus nihil admodum memoratu dignum.

Flumina. Prope *Ching* civitatem lacus est parvus arboribus ac floribus in circuitu confitus, cives suas delicias vocant, ac ad convivia inibi celebranda sæpe concurrunt.

Ad *Cin* civitatem lacus est *Tienxui*, sive cælestis aquæ, quia ejus aqua multis medetur morbis.

Haud procul inde ingens lacus *Tien* centum viginti stadiorum ad *Ven* civitatem.

Ad *Leangtang* insula est parva nomine *Pipa*, & ad *Sibo* fons amœnissimus.

Sexta Urbs

L I N Y A O.

*S*I paululum occasum versus procedamus, *Linyao* urbs occurret, vel ex eo nobilis, quod murus ille magnus hic finem capiat, cuius terminos statuunt montes, qui ad ripas Crocei fluvii sunt, eandem ornat rex è *Taiminga* familia, qui ibi sedem fixit suam: commendatur & ab auri copia, quod ex arenis colligitur in vicinis montibus & torrentibus. Uros seu boves sylvestres montosus urbis tractus habet, & animalia tigribus simillima, vulgo *Pau* vocant, quorum pelles pro vestibus expetuntur à *Sinis*: oves hic multæ quales in Perside ac Tartaria, oblonga ac crassa cauda, cuius caro præ reliqua suavissima; nec desunt pyra varia, pomaque: fana nobiliora tria. In *Tvi* divisione superioris tractus locum etiam fortita est hæc regio, ibique *Sikiang* dynastia fuit, *Cina* familia his terris occupatis *Lungsi* nomen dedit. *Sunga* familia *Tenchen*, *Sui* vero Rex ab auri copia *Kinti* dixit, hoc est auream terram, hodiernum nomen *Tanga* dedit familia: jacet urbs in monte, cuius partem ipsis mœnibus includit, quæ *Pao-ting* dicitur, & quinque regit civitates, quarum 1 *Linyao*, 2 *Gueiyven*, 3 *Lan*, 4 *Kim*, 5 *Ho*.

*Aurum
& varia
quæ pro-
fert.*

Mons *Cäolan* ad modum theatri civita-
tem *Lan* amplectitur, pulcherrimo undique
patente prospectu: ibidem ingens mons
Pexe est, in quo nobilissimus dux *Leang-
hoetus* à Tartaris obsessus, cum aquam ad
reficiendum exercitum consequi non posset,
sacra monti fecisse dicitur ad impetrandum
potum exercitui, & quam mox ibi fontem
emicuisse. Ad civitatem *Ho* mons est *Cie-
xe*, qui duos altissimos erigit vertices, quos
inter, quasi per portam intromissus, Croceus
fluvius volvitur. Supra *Lan* civitatem val-
lis est amœnissima, quam fluvius irrigans
fœcundat, unde armentis frugibusque læ-
tissima est, *Tu* vallis dicitur, quæ meam A-
thesinam haud male refert.

Croceus fluvius est ad occasum civitatis
Lan: *Tao* fluvius prope ipsa urbis mœnia
ingenti aquarum strepitu, tonitruque imi-
tante boatu volvitur, scaturigo in *Sisan* sive
Preti Joan terris est, vel in *Tibet*.

*Montes
nobilio-
res.*

*Montes
insignio-
res.*

Flumina.

Flumina.

Septima Urbs

K I N G Y A N G.

*C*ommendatur urbs *Kingyang* à mæ-
niorum robore ac firmitate, profun-
dis circum ambientibus fossis, egre-
gium contra Tartarorum irruptiones muni-
mentum præstat, plura etiam castella muro
magno habet vicina; olim hæc regio ad *Si-
nicum* non pertinuit imperium, sed ad Tar-
tariam *Tanyu*: at *Xius Cina* familiæ auctor
eam occupavit ejectis Tartaris, atque intra
muri magni fines conclusit, vocavitque *Pe-
ti*: *Tanga* familia dixit *Kinchen*, quod
jam habet nomen jam inde à *Sunga* obti-
nuit familia: totum territorium aquis variis
fluminibusque irriguum est, cui quasi pro
vallo ac fossis montes sunt & magna flumi-
na. Tria sunt quoque illustria fana, quorum
unum idque augustum ac ingens in ipsa ur-
be est, in cuius una aula magnis columnis
suffulta, septem supra triginta regum *Cheva*
familiæ depictæ visuntur imagines. Nasci-
tur hic oryzæ species, quæ purgandis cor-
poribus aptissima est, præcipueque urinam
ciet, ac vesicam exonerat; est & herba quæ-
dam ad instar flavi capillitii, *Sinæ Kinsu*, hoc
est auream byssum, seu bombycum aurea
fila, vocant, amara gustu est, & tamen frigi-
da potius quam calida qualitate ac vi præ-
dita est: hæc omnem longe à corpore pel-
lit scabiem, datur & genus fabæ quod præ-
sentissimum contra omnia venena præstat
reme-

*Res ibi
variores.*

*Reverum
copia.*

*Ment
flos.*

remedium. Præest urbs civitatibus quinque, quarum 1 *Kingyang*, 2 *Hoxi*, 3 *Hoan*, 4 *Ning* o, 5 *Chinning*.

Montes insigniores.

Ad Boream urbis *Taipe* mons est ab origine *He* amnis nobilis. prope *Hoan* civitatem mons est *Ulm*, in quo munimentum ad regionis custodiam; prope *Chinning* est mons *Lo*, in quo ad vivum visuntur expressæ humanæ statuae septem & viginti, à natura ibi eas extitisse, non ab arte fabulantur *Sinæ*.

Flumina.

Hoan flumen civitatem *Hoan*, cui etiam nomen dat, alluit. *Pesuen* fluvius est ad ortum urbis. reliqua dabit mappa: non tamen hic silentio prætereundi lacus *Pepao* ad urbis Boream partem: Lacus *Fung* ad *Hoxui* limpidissima unda clarus: *Xahu* lacus longior usque ad *Hoxui* civitatis terminos excurrit, & ad *Ning* civitatem incipit. *Hoama* lacus ad Boream urbis quinque & quadraginta stadia occupat. ibidem ad sunt duo lacus salis, ex quibus plurimum salis conficitur, eam ob rem *Tenchi* hoc est salis stagna vocantur. Est & fons amoenissimus ac chrySTALLINUS, ad *Chinning* civitatem *Xingxui* dictus.

Octava Urbs

I E N G A N.

HÆc regio ad Sinicum etiam olim non pertinuit Imperium, eam *Xius* Imperator primus occupavit, & muro magno inclusit. Urbs *Jengan* ad Borealem *Lieu* lacus ripam jacet, loco amœno rerumque omnium feraci, ad urbis amœnitatem plurimum facit mons ipsis moenibus inclusus, variis tum publicis, tum privatis ædificiis imprimis spectandus. Regit urbs civitates undeviginti, 1 *Jengan*, 2 *Gansai*, 3 *Cancien*, 4 *Ganting*, 5 *Paogan*, 6 *Ichuen*, 7 *Jenchuen*, 8 *Jenchang*, 9 *Cingkien*, 10 *Fen* o, 11 *Cochuen*, 12 *Chungpu*, 13 *Tkuen*, 14 *Suite* o, 15 *Miche*, 16 *Kia* o, 17 *Upao*, 18 *Xinmo*, 19 *Fuco*. Manat hic in montibus liquor ille bituminosus, quem vulgo petroleum vocant, quemque ad lucernas & curandam isthic scabiem adhibent, scatet præterea regio pretiosis animalium pellibus præcipue Zibellinis; vario abundat marmore, florem profert Meutan dictum, maximeque æstimatum à Sinis, quasi florum regem diceret, rosa nostrate major est, huius tamen figuram imitatur, sed folia magis expandit, odore quidem cedit, at pulchritudi-

Rerum copia.

Meutan flos.

ne superat, spinis caret, coloris est magis albicantis quasi ex purpureo & albo misti, rubri etiam flavique reperiuntur, in virgulto nascitur Sambuco nostrati haud absimili, per totam Sinam hic flos in divitum viridariis colitur, idque magna arte ac diligentia, in calidioribus quippe locis æstate contra solis ardores regi debet. Fana heroibus dicata tantum duo numerat.

Primus mons *Chingleang* dictus ad urbis *Barrapeliotem* est, in una illius caverna prodigiosus idolorum exercitus visitur ad decem nimirum statuarum millia, quæ omnes ex duro lapide sculptæ, minores aliæ, aliæ majores, omnes Regis cujusdam solitariam ibi vitam degentis iussu efformatæ.

Ad ortum *Ichuen* mons est *Mengmuen*, qui insulam efficit in Croceo fluvio.

Ad *Fen* civitatem *Jngtao* mons à cerasi arboribus dictus.

Ad *Tkuen* civitatem mons *Tohoa* à palatio, quod in illo est, idem habet nomen. *Tochen* mons ad *Jenchang* altus, ascensu difficilis atque horridus aspectu, ita undique præruptus, ut pauci in eo propugnatores facile magnam hominum vim sustinere ac repellere possint, intus pagi ac plani campi sunt; prope urbem *Taohoa* caverna est ex qua Cinnabarim effodiunt.

Vuting amnis ad *Cingkien* est, inconflans ibi vulgo dicitur, quod per vada arenosa profluens modo altissimus, modo humillimus sit, lacus *Lieu* ad austrum urbis est, sic dictus ab arboribus salicum, quibus abundat.

Ad *Paogan* est *Kiemo* fluvius, cujus aquæ adeo leves esse perhibentur, ut nec lignum nec navim ferant, sed perinde fere, ac si in aëre tantum essent, continuo, ut imponuntur, fundum petere solent.

Flumina.

Mirabilis natura aqua.

Loca militaria.

Absolutis urbibus ac civitatibus supersunt loca militaria, munimenta nimirum tum extra tum intra murum sita, ad illius imperii custodiam, tum etiam per provinciam sparsa, præcipueque ea, quæ in occidentali parte sunt contra Regnum *Cascar*, *Samahan* & *Tanyu*, quorum præcipua sunt novem sequentia, 1 *Sochu* o, 2 *Xachen* o, 3 *Xanchen* o, 4 *Jungchang* o, 5 *Leangchen* o, 6 *Choanglang* o, 7 *Sining*, 8 *Chiny* o, 9 *Culang* o. minora plura sunt 1 *Ninghia*, 2 *Ninghiachung*, 3 *Taochen* o, 4 *Minchen* o, 5 *Hocheu* o, 9 *Cinglu*, 7 *Tulin*.

7. *Tulin*, 8 *Chinfan*, 9 *Xetu*, 10 *Hantung*, 11 *Pinglu*, 12 *Mingxa*, 13 *Guei*, 14 *Sengquei*. In ipso autem muro magno ab ortu in occasum sunt sequentia, 1 *Semuen*, 2 *Kin-thang*, 3 *Hoama*, 4 *Pecho*, 5 *Taxum*, 6 *Pukive*, aliaque nominis ac notæ minoris.

In *Cancheu* militari urbe Prorex sedem habet, diversus ab eo qui est in Metropoli *Sigan*; ibidem adsunt reliqui magistratus præcipui, quibus ex ipsa Regia tantum mandata deferri solent: munitissima est urbs contra omnes Tartarorum insultus; in ea selectissimi milites, in suas quique turmas distributi; circum urbem campus arenosus est lutei croceique coloris, rarissimæ ibi arbores aut herbæ, desertæ solitudinis *Xamo* pars est, illius forte quod *Lop* indigitant Europæi Cosmographi.

Caracatay ubi.

Socheu etiam fortissima urbs est, in qua & gubernator, magnæ omnino auctoritatis: hæc in duas partes dividitur, alteram *Sinæ*, quos *Turcæ* ac *Astracani* *Catayos* vocant; alteram *Saraceni* exterique inhabitant, qui ab occiduis locis istuc negotiorum causa profecti conveniunt. inde deserti vicini nomen *Caracatay*, quod terram *Catayensium* sonat, quia etiam *Sinæ* hic ubique frequentes habitant. hæc inibi occurrunt rariora: *Ninghia* ab *Holan* monte ad mœniorum modum cincta, qui mons ad trecenta stadia occupat, ibidem complures sylvestres vagantur equi. in *Taocheu* multum muschi colligitur. *Mincheu* perdicibus ac lanigeris Gallinis abundat, in *Hochu* magna cannabis copia est, adhæc muschi, myrobalanorum, lignique odoriferi quod *Sandalum* refert.

Montes nobiliores.

Hiaiken mons est ad ripam *Crocei* pro-

pe *Ninghia*, per cujus vallem arctissimam *Croceus* prorumpit; in ejus vertice extat turris antiquissima, quæ licet magna ex parte vetustate corruerit, adhuc tamen centum & octoginta gradus continet, miro structa opere, cum in altissimum montem cementum ac lapides subvehenda fuerint; at quod magis mirere, prope *Chegan* ad ripam, *Fipons* est de monte ad montem unico exstructus arcu, cujus longitudo quadraginta est *Sinensium* perticarum, hoc est quadringentorum cubitorum, altitudo vero seu perpendiculum, sub quo fluit *Croceus*, quinquaginta perticarum est. triennium in ejus fabricam impensum referunt, *Sinæ* pontem volantem haud incongruo dixere nomine.

Ad *Talin* est *He* mons, à Tartaris pro gregium armentorumque pabulo frequentatus. multi in eo torrentes ac rivi, unde optimæ herbæ luxuries ac copia: alter, huic similis, *Kilien* est ad *Leangcheu*, qui à Tartaris quoque frequentatur.

Ad *Notolybicum* *Socheu* ponunt *Sinæ* *Flumina*. mare seu lacum *Cing*, hoc est mare nigrum, idque centum & quinquaginta stadiorum.

Ad *Ninghia* duo lacus falsi sunt, major *Lacus falsi*. unus, alterque minor; in quibus natura ipsa obstetricante sal producitur nullo hominum accendente labore.

Jo amnis ad *Cancheu* est, ex re *Jo* *Sinæ* *Mirabilis naturæ amnis*. vocant, hoc enim debilem significat: quippe aquis constat adeo levibus tenuibusque, ut ne paleas quidem sustinere possit; versus occasum fluit, sed quorsum usque pergat aut penetret, *Sinæ* non adnotant.

Ad *Xancheu* *Hungyen* lacus est, hoc est *Lacus falsus*. rubri salis, sal enim rufus hic conficitur. reliqua dabunt mappæ.

lumina.

acus
l/g.

tirabi-
natu-
amnis.

cus
us.



Lim

*Copi
frug*

Alti

*Sen
in
rib
can
na*

QVARTA PROVINCIA, XANTUNG.



Varta ex Borealibus est Provincia *Xantung*, quam haud immerito ingentis magnitudinis insulam dixeris: ad Boream enim, ortum, atque Austrum aluitur mari, ab oc-

Limites.

casu ubique irrigatur fluminibus, adeoque circum undique navium patiens est: termini illius sunt, ad Boream *Peking* Provincia, & *Çang* maris Sinus, ad ortum clauditur mari, mediam *Ci* fluvius secatur: ab Austro *Nanking* Provincia & mare est: à *Nanking* autem per fluvium *Croceum* separatur: reliqua includunt fluvius *Jun*, cujus alveus arte excavatus, & *Guei*, qui naturalis est. Ager totius Provinciae fertilis est ob copiosa flumina, lacus & rivos, rerumque necessarium feracissimus, non frumenti solum aut orizæ, sed & milii, farris atque hordei, fabarum, phaseolorum, frugum, ac fructuum, siccitas sola & locustarum plaga, cum raro pluat, sæpe nocet, diffusos tamen adeo uberesque campos complectitur, ut anno uno fertili eam facile messem dicatur colligere, quæ ad decem annos sufficiat, imo qua & aliis succurrere possit Provinciis.

Copia frugum.

Altilium.

Gallinæ & ova vilissimo hic emuntur pretio, nec capones pinguiore multo pluris constant, quodque alibi non ita usitatum, faciliore minorique majores ac pinguiore emuntur, quam minores ac admodum pulli; vilius etiam hic veneunt, quam usquam alibi Phasiani, perdices, ac coturnices, uti & lepores, nusquam enim alibi, uti hic, venationi ita dediti sunt Sinæ; lupos etiam habet multum regioni hominibusque infestos; piscium in lacubus, fluminibus ac mari tanta vis, ut teruncio nostrate facile decem piscium isthic comparare possis libras. Rarum est, & omnino nimium quantum beneficæ in eam gentem naturæ argumentum, filum sericum ibidem in arboribus, ac campis sponte sua nasci, quod non à domesticis bombycibus, sed à vermibus contexitur erucis haud absimilibus, non in globum aut ovum ductum, sed in longissimum filum paulatim ex ore emissum, albi

Sericum in arboribus aut campis natum.

coloris, quæ arbusculis dumisque adhærentia, atque à vento huc illucque agitata colliguntur, atque ex illis, uti ex vera bysso, pannificiuntur serici, qui licet rudiores non nihil sint serico domestico, firmitate tamen ac robore superant.

Producit etiam regio hæc optima varii generis pyra, castaneas, nucesque alias, prunorum vero vim tantam, ut siccata ea, ficu-
ti & pyra recentia, cum reliquis communice-
ret provinciis: ad hæc pomi ibi genus est, *suçu* vocant incolæ, quod licet in aliis reperiat-
ur Provinciis, illic tamen abundat magis: illud exsiccatum admodum, quo siccantur ficus in Europa, servatur pro quacumque anni tempestate, perque totam Sinam à Mercatoribus divenditur; pomum est, quod magnitudine poma nostratia aliquantum superat, rotunda fere figura puniceum aut rubicundum, intra pulpam carnis ossicula habet seu acinos planos ac rotundos ad teruntii fere molem, omnia duro occlusa cortice veluti ex ligno essent, non sunt autem in medullio pomi, sed intra pulpam ad superficiem coherentia, non jacentia plana, sed verticaliter erecta, numero quidem incerta sunt, subinde decem, subinde quinque, pauciora plurave pro pomi magnitudine, subinde etiam exos est, caro tota rubescit, & cum maturum est pomum, ut sorbæ, mollescit estque suavissimi saporis, siccitam quasi crustam mellis seu saccari emittit, mali aurei corticem saccaro conditum credas. Sunt etiam quædam cortice viridi, quæ matura etiam non mollescunt, sed veluti poma nostratia cultello aut dentibus minuuntur, decorticanturque, cætera à puniceis illis non differunt; hic fructus nullibi, quod sciam extra Sinam reperitur, in mediocri nascitur arbore, vixque ulla cultura opus habet.

Fructuum ferax.

Suçu pomum.

Liber Sinicus, in quo singulorum locorum viritum adscriptus habetur numerus, in hac Provincia censet familias 77,0555. Viros vero 6,759,675. Gens hæc præ reliquis Sinis hebetioris ingenii & rudior est: rari ad gradum litteratorum ascendunt, sunt tamen laborum patientes ac frigoris, viribus pollent, ac audacia præstant. Vidi hic non raro pueros frigida hyeme tantum non

Hominum numerus.

Genium
gentis ac
ingenium.

nudos colludentes, imo & frigida sese intra ipsa flumina perfundentes, qua & lavari eos, dum nascuntur, perhibent, unde cum & patientia laborum, & animi adsit audacia, minime mirum eam patriam tot latronum esse parentem, qui quandoque viribus ac numero aucti justos conflavere exercitus, ipsi imperio inhiantes, Imperatorique metuendos, nec parvum sæpe præfectis negotium facescentes; tot ex iis hætenus famosa habuere capita, ut chartis lusoriis Sinicis omnia nomina dederint ad valoris ac graduum distinctionem, (chartæ enim hæ Sinicæ à nostris nec numero, nec re ipsa differunt, & quatuor etiam colorum admittunt varietates) sed loco regum equitis, peditisve aut dominæ latronum capita cum eorum nomine depicta continent, ut nimirum lutores, qui alioqui facile in latrones degenerant, etiam ludendo latronum exitum ac finem malum perhorrescant.

Hoc Tartarorum bello multum passa est hæc Provincia, propter nimiam gentis audaciam, ferocemque animum, populus namque modo hic, modo illic à Tartaris deficiens magnis cladibus afflictus est, quibus pars magna populi extincta, totaque fere regio devastata est.

Tributum.

Tota Provincia *Xantung* urbes numerat nobiliores sex: civitates duas supra nonaginta: tributum milii, oryzae & tritici est laccorum 281,2119. Serici confecti volumina solvit 54,990. Gossipii libras 52,449. straminis ac foeni fascies 3,824,290, præter vestigalia teloniorum, quorum tria habet in fluvio *Jun*, per quod omnes naves *Peking* tendunt: etenim tametsi mercium pertrans-euntium tributum, seu portorium non admodum magnum sit, sed leve potius ac exiguum, tanta tamen earum est varietas ac copia, ut ipsemet à præfectis audiverim ascendere illud ad decem milliones, seu centies centena aureorum millia, præter id, quod clanculum sibi inde præfecti surripere ac in rem suam convertere norunt.

Iun ingens canalis arte factus.

Auget maxime hujus Provinciæ divitias *Jun* fluvius, cujus arte effossus alveus est, per quem ex toto fere imperio naves omnesque merces in regiam Pekinensem tendunt. incipit ingens hæc fossa ad Boream *Socien* civitatis in ipsa ripa Crocei fluvii, ex quo undequaque advenientes naves in *Jun* fluvium deducuntur, inde ad *Cining* usque pertingit, mox ad *Lincing* civitatem, ubi in *Guei* fluvium aquas effundit: in eo canali, quia multis locis aqua pro majoribus na-

Cataractæ Sinicarum.

vigiis transmittendis humilior est, supra viginti numeravi cataractas quadrato sectoque lapide, ac egregio firmoque opere structas, relicta porta navium capace, quam magnis crassioribusque asseribus claudunt, ac aquas detinent, mox illis rotæ beneficio ac machina facili negotio sublati & aquæ & navibus transitum dant, donec ad secundam cataractam eodem fere ordine ac methodo, atque ita porro deinceps per reliquas transmittantur, in medio autem itinere, priusquam ad *Cining* veniatur ex lacu *Cang* per cataractam omnino magnam aquæ quantum volunt, immittunt, simulque lacum, ne nimium effluat, aut fundum aqua destituat, in tempore claudunt: perpendiculum enim aquæ in lacu vicina adjacente regione altius est, quare intra exiguum terrarum spatium octo ut minimum cataractæ sunt, *Tung Pa* vulgo dictæ, quia nimium aquæ ex lacu profluentis, prementisque impetum ac pondus comprimunt ac sustinent, cum autem naves ad lacum ipsum perveniunt, ne ipsum lacum enavigare cogantur, ad ripam ipsius lacus fossam seu canalem utrimque aggeribus egregie munitum duxere, quo faciliter naves omnes transeunt. Sane si hæc coram spectarent Aquileges, architectique Europæi, viderentque aut hujus aquæ ductus longitudinem, aut aggerum sæpe densitatem atque altitudinem, aut cataractarum ex mero secto lapide ornatum, ac firmitatem operis, haberent quo Sinicam mirarentur industriam, vixque ab alia natione tam naviter exanthlandos labores. Adsunt ad singulas cataractas viri, quibus publico ære parata solutione incumbit remulco alligatas naves protrahere, donec cataractas pertransierint; atque hæc satis sint de aquæ ductu *Jun*, seu canali illo arte facto, qua quidem ad Provinciam hanc *Xantung* pertinet, alibi de eo quæ ad reliquas spectant Provincias, tractaturi sumus; atque hic habent lectores, quo pacto naves ex Croceo *Peking* usque tendant, qua via in Croceum penetrent, postmodum videbimus.

Prima Urbs seu Metropolis

C I N A N.

VRbs Metropolitana *Cinan*, ejusque regio ab *Tuo* Imperatore Provinciæ *Chincheu* attributa est, eique *Guei* sydera dominari voluit. jam inde ab antiquissimis temporibus à *Ci* fluvio hujus Provinciæ

Urbis nomen.

Situs ac commoditas.

Tungo fanum.

Regioni qualitas.

Montes insignes.

vinciæ maximo nomen habuit, ac tum isthic regum Cy erat Regia, quibus extinctis ab *Hana* familia urbi *Cinan* nomen factum, quia vere ad *Ci* fluminis australem partem jacet, quod *Cinan* significat. mutavit deinde nomen & sub *Tanga* familia *Linch* dicta est, sed *Taiminga Cinan* verum illius nomen restituit.

Situs ac
commodi-
tas.

Ingens & frequens est urbs ædificiorum splendore ac magnitudine inclita, paludoso jacet loco, intra & extra mœnia lacus habet, ac proinde tota naviculis pervia est, ita tamen ut pedes quoque totam perambulare possis, eam ob rem pontes lapideos numerat non paucos, inter quos *Pehoa* pons est pluribus fornicibus arcuatus, qui insulam cognominem in lacu *Taiming* jungit, atque inde procurrens ad alteram usque ripam pertingit, clauditurque ipsis urbis mœnibus. Est & alius pons *Fuyung* dictus, supra eundem lacum *Taiming* quadrato saxo structus, superiori nihilo inferior.

Tungo
sanum.

Eadem in urbe rex ex *Taiminga* familia sedem habuit, sed hæc ibi à Tartaris extincta, nil præter palatia ac viridaria reliquit. Idolorum, Heroumque hic fana plurima, decem illustriora sunt, at longo intervallo omnia superat fanum *Tungo*, jam inde ab *Hoangtio* fabricatum, in quo scribunt reges omnino duos supra septuaginta quietos ac pacis amantes, rebusque religionis studentes vixisse; unde superbis magnificisque molibus, ac splendidissimis ædificiis niter, amplis ibi *Bonzii* sacrificuli gaudent redditibus; pulcherrima quædam tum regum tum magnatum in montibus sepulchra visuntur, sed & Societas *Jesu* in hac urbe vero Deo dicatum habet templum, patresque duos, qui isthic loci in vinea Domini, legisque Dei promulgatione egregie laborant.

Regionis
qualitas.

Tanta est hujusce regionis ac territorii præstantia atque nobilitas, ut nulli fere alteri ex Borealibus Provinciis cedat, lætissimæ hic luxuriant segetes, frumenti ac milii ingens proventus est, nec desunt armenta ac greges: numerat sub se civitates triginta. 1 *Cinan*, 2 *Changkieu*, 3 *Ceuping*, 4 *Chagxan*, 5 *Sinching*, 6 *Ciho*, 7 *Citung*, 8 *Ciyang*, 9 *Chichuen*, 10 *Juching*, 11 *Linye*, 12 *Changcing*, 13 *Fiching*, 14 *Cingching*, 15 *Ling*, 16 *Taigan*, 17 *Sintai*, 18 *Laiuu*, 19 *Te*, 20 *Teping*, 21 *Pingyuen*, 22 *Vuting*, 23 *Yangsin*, 24 *Haifung*, 25 *Loling*, 26 *Xangho*, 27 *Pin*, 28 *Licin*, 29 *Chenboa*, 30 *Putai*.

Montes
insignia-
res.

Hoang mons ingens prope *Changkieu*

incipit, inde usque ad *Cichuen* extenditur & ad *Ceuping* finitima transit. *Changpe* mons ad *Changxan* civitatem incipit, pertingitque usque ad *Ceuping*: in eo nominatissimum idolorum fanum est. *Tai* mons altissimus ac maximus est ad *Taigan*, illius altitudinem *Sinæ* faciunt quadraginta stadiorum, ex ejus vertice ad primum galli cantum Solem se videre posse perhibent: in hoc monte cavernæ multæ, altissimi verticēs, ac plurima idolorum fana sunt cum innumeris sacrificulis, qui vitam ibi degunt eo fere modo, quo nostri Eremitæ incolæ.

Prope *Laiuu* est *Taxe* mons, ex quo ferum effoditur.

Ipsam mare *Pin*, *Licin*, *Haifum*, *Chen* Flumina.

hoa civitatum terras alluit. Intra ipsam urbem ad ejus Occidentalem partem *Taming* lacus est, ex quo canalis exiens ad *Choyng* lacum tendit, qui etiam intra mœnia est: ex utroque hoc Lacu per totam urbem egregio opere ducti canales eam ubique navigabilem reddunt, imo & ad lacum *Cioxan* patet exitus, qui extra urbem ad Borealem partem est.

Maximus lacus est ad *Changkieu*, *Peyun* dictus, piscium copia, fructu *Linkio*, ac *Lien* floribus abundat, quos alibi describo.

Ad urbis australem partem duo supra septuaginta numerantur fontes. ex iis unus *Kinto* dictus, reliquos aquæ præstantia superat.

Io fluvius ad *Changkieu* fluit, ejus origo ibidem in monte *Hosien* est.

Secunda Urbs

Y E N C H E V.

Hujus urbis territorium sub *Tuo Im* Imperatore in duas erat partes divisum, quarum una ad Provinciam *Tenchu*, altera ad *Sinchu* pertinebat, adeoque duplici suberat asterismo, *Quei* nimirum & *Lew*: totum modo inter duo nobilissima flumina *Ci* & *Croceum* clauditur. illud ad Boream, hoc ad Austrum sitam regionem rigat, quæ amœnis campis, sylvosis montibus, piscosis lacubus ac fluminibus læta est, totaque culta, aer mitis ac clemens, terra rerum omnium fertilis. Fuit hic olim regnum *Lu*, & urbs *Xanyang* dicta, mox *Çu* reges occuparunt. *Sunka* familia *Taming* dixit, at semper fere etiam hodiernum nomen *Tenchu* retinuit. præest civitatibus septem & viginti. 1 *Tenchu*, 2 *Kioheu*, 3 *Ning*.

Situs.

Civitates.

3 *Niuyang*, 4 *Ceu*, 5 *Teng*, 6 *Te*,
7 *Kiuhiang*, 8 *Tutai*, 9 *Tan*, 10 *Chingun*,
11 *Çao*, 12 *Çao*, 13 *Tingtao*, 14 *Cining*,
15 *Kiaciang*, 16 *Kiue*, 17 *Kiunching*,
18 *Tungping*, 19 *Venxang*, 20 *Tungo*,
21 *Pingyn*, 22 *Jangco*, 23 *Xenuchang*,
24 *To*, 25 *Tanching*, 26 *Fi*, 27 *Suxui*.

Inter hasce civitates primus omnino locus debetur *Cinning*, quæ vel ipsam metropolim magnitudine, populi frequentia, mercium copia, adeoque emporii nobilitate aut superat, aut æquat: cum enim in medio *Jun* fossæ, seu aquæ ductus sita sit, omnes eam transire debent naves, ab eisque portorium exigitur, multæque à concurrentibus isthic mercatoribus merces distrahuntur.

Urbs haud ignobilis, quippe quæ è *Tai-minga* familia regem habuerit, quod vero eam ex Sinarum æstimatione nobilitat maxime, est, quod *Cungfutius* celeberrimus philosophus sit natus in ejus territorio, *Ceu* scilicet civitate, ubi non pauca illi dedicata fana, gratæ posterorum memoriæ monumenta; quindecim tum illi tum aliis Heroibus dedicata sunt præcipua, in iis multa sepulchra, atque ipsius etiam *Chungfutii* celeberrimum.

Circa *Kinhiang* auriferam regionem esse scribunt, & antiquis ibi temporibus aurum colligi solitum, inde civitati nomen factum, *Kinhiang* enim auream sonat patriam vel terram; præcipue vero illud ex *Kiue* monte hauriebatur.

Montes
notabi-
liores.

Prope *Kioheu* est mons *Fang* à sepulchris parentum *Cungfutii* celebris. *Hing* collis circa *Ningyang* à copia prunorum Armeniacorum dictus. *Changping* mons est prope *Ceu* civitatem, in quo quidam natum *Cungfutium* volunt, in civitate ejusdem cum monte nominis, ubi antiquæ urbis visuntur rudera. Prope *Te* civitatem mons est *Kiun* amœnus satis, pagisque frequens. *Fung* mons ad *Tungping*, ita sylvis agrisque distinctus, ut pulcherrimam picturam referat, Sinae serico Damasceno comparant.

Flumina.

Prope *Taigan* est origo fluminis *Veu*, inde ad *Ningyang* & *Venxang* præterlabitur: *Su* amnis prope civitatem *Suxui*, cui etiam nomen dat, habet ortum: inde *Kioheu*, & *Cining* transit civitatum territoria.

Lacus sunt 1 *Nanuang* ad civitatem *Ven*. 2 *Toxan*. 3 *Fauli* ad *Tingtao*; 4 *Leangxan* ad *Tungping*, 5 *Lui*, hoc est tonitruum ad *Cao* civitatem. in medio enim illius lapis est, cujus corpus draconem, caput hominem refert. hunc spiritum toni-

trui Sinae vocant, scribuntque pulsato illius ventre vocem tonitruum emitti: alii multi lacus sunt minoris nominis ac notæ. Est etiam prope *Ningyang* fons *Tao*, hoc est latronis, ex quo *Cungfutius* quondam bibere noluit, licet admodum sitiret, quia latronis aqua dicebatur, adeo vel ipsa nomina vitiorum oderat.

Tertia Urbs

T V N G C H A N G.

Tunchang urbis regio sub *Tuo* Imperatore spectabat ad *Yencheu* Provinciam, *Guei* & *Xe* constellationibus subjecta: regum tempore pars alia *Ci*, alia *Guei*, alia *Chao* adscripta fuit: *Hana* familia eam *Cyn* dixit; *Tanga* vero *Poping*; *Sunga* *Pochen* vocavit ipsam urbem, hodiernum nomen *Ivena* indidit familia, plano ac fertili solo gaudet, magnamque frugum omnis generis copiam producit, adeo ut nihil fere eorum quæ usus aut vita hominum postulat, magnopere deesse videatur. Sericivim ingentem etiam hic bombyces concinnant. urbs ipsa celebris est ac magnifica, ac duodeviginti regit civitates: 1 *Tunchang*, 2 *Tangye*, 3 *Poping*, 4 *Choangping*, 5 *Kieu*, 6 *Sin*, 7 *Cingping*, 8 *Ken*, 9 *Lincing*, 10 *Quontao*, 11 *Caotang*, 12 *Gen*, 13 *Hiacin*, 14 *Vuching*, 15 *Po*, 16 *Fan*, 17 *Quonching*, 18 *Choaching*.

Inter hasce omnes *Lincing* & populi frequentia, & rerum copia, ædificiorum splendore, ac emporii celebritate præstat, adeoque paucis in toto cedit imperio: jacet enim urbs loco, quo *Guei* fluvius & *Jun* aquæ ductus in unum confluent, unde ex tota propemodum Sina naves ac merces excipit: adeoque telonium habet, in quo portorium mercium ac vectigal à tribus exigitur præfectis; multa habet ædificia haud spernenda, fana non pauca; at turris quæ extra moenia est omnia tum splendore, tum operis magnitudine superat: figura octogona est, ab ipso solo in altum novem contignationibus exsurgit, adeoque novizonia est, perpendiculum illius à vertice ad fundamentum nongentorum est cubitorum, cui debita proportionem respondet latitudo, totus paries exterior ex subtilissima porcellanæ argilla est suis figuris extantibus pictisque ornata: interior variegato vestitus est marmore, quæ adeo plana levigataque sunt, ut ad instar tersissimi speculi præsertim dum

Antiqua
nomina.

Turris
eximia.

nigriora

nigriora sunt, vultum aspicientis reddant, per scalam helicem, seu cochleam, non in ipso turris medio, sed intra duplicatos parietes exstructam, ascenditur. ex qua ad quamlibet contignationem patet aditus, & inde ad pulcherrimam ex sculpto marmore podia, deauratasque ferreas crates, quibus podia turrim totam ambientia undique armantur, ornanturque. ubique extra turrim ad ipsa podia, maximeque ad summitatem tintinnabula ac campanulae ita suspensae sunt, ut à vento agitatae suavem edant concentum; ultima zona idolum continet, cui dicata turris est, ex cupro fusili ac deaurato: circum ipsam turrim vicina aliqua visuntur idolorum fana opere plane admirando, quaeque molibus illis antiquis Romanorum facile invidiam facere possint. atque haec una est ex illis turribus, quas superstitiose exstrui dixi à Sinis, omnem ab eo fortunam felicitatemque suam pendere ratas, brevibus hanc illic descripsi, quia ipsemet illam conscendi, atque omnia meis oculis diligenter perlustravi, quamvis & illa multo pulchriores sint apud Sinas, ex hac tamen velut ex ungue leonem caetera colliges, cum omnes ut plurimum sibi sint similes, eodemque architecturae modo ac ordine structae.

Montes
insigniores.

Vnus notatu dignus mons occurrit *Ming-ze* dictus, quod sonorum lapidem significat, haud procul abest à *Caotang*: in huius quippe montis vertice cippus erectus stat centum altus perticas, qui vel leviter digito percussus ad tympani modum sonum edere dicitur, à quo monti nomen.

Flumina.

Jun fossa huius urbis territorium medium fecat, ad *Lincing Guei* fluvius illam excipit, reliqua quae ad flumina pertinent, dabunt Mappa. *Quonching* lacum habet *Ho*, in quo *Guei* Rex olim grues alebat magna cura; quas aves etiam nunc Sinæ domi libenter alunt, uti & cervos: cum enim animalia illa longissimae vitae sint, si domi ea habeant, saepiusque aspiciant, inde sibi nescio quem ad diutius vivendum pollicentur affricandum influxum.

Quarta Urbs

C I N G C H E V.

Urbis *Cingchen* regionem *Tous* Imperator cognomini Provinciae adscripsit, statuitque sub stellis *Hui* &

Guei: *Ci* regum fuit, ab *Hana* familia *Pe-hai* dicta, sub *Sunga* familia *Chinhai*, hodierni nominis auctor *Taiminga* familia est: montibus non caret, sed eam mare & flumina foecundant; vix alibi rerum necessariorum copia major, aut vilius pretium; piscium multitudo tanta, ut vel ex solis Squartiarum (*Segrin* vulgo vocant) pellibus magnum lucrum faciat: urbis nobilitas vel ex eo patet, quod regem è *Taiminga* nata fuerit familia, praest civitatibus quatuordecim. 1 *Cingchen*, 2 *Linchi*, 3 *Pohing*, 4 *Caoyven*, 5 *Logan*, 6 *Xeuquang*, 7 *Changlo*, 8 *Linkiu*, 9 *Gankiu*, 10 *Chuching*, 11 *Mungin*, 12 *Kiu*, 13 *Ixui*, 14 *Gechao*.

In his locis lapis è vaccarum stomacho educitur, Sinæ *Nieuhoang* vocant, hoc est vaccarum luteum, quia nimirum lutei plerumque coloris est; magnitudine variat, subinde ovum anserinum aequat; non tam solidus est ac lapis Bezoar, adeoque multo laevior, praeter illo tamen à Sinenfibus medicis commendatur, expetiturque, dicas ex creta molliori, sed lutea siccaque constare; frigidissimae qualitatis eum esse volunt Sinæ & ad catharos deprimendos apprime conducere, ajunt ejus pulverem in ebullientem aquam conjectum eam mox sistere ac quietam reddere, praeterea si pauxillum frigidae aquae superimponas, exhalationem emitte-
Lapis Vaccinus.

re, & quam celerrime aquam descensu suo penetrare: hunc ego lapidem existimo quem Bellonius in singularibus vocat lapidem fellis, lib. 3. c. 46. ubi agit de Turcarum lanionibus. hic lapis, ut ait idem auctor, ab Arabibus vocatur *Haraczi*.

Ad *Chuching* pertinet ingens mons *Lany sie*, unde in ortum ad mare usque excurrit: in eo quamplurimi pagi sunt, quibus initium dedit *Xius* Imperator: ad triginta enim hominum millia per montem ad eum colendum frequentandumque distribuit.

Prope *Ixui* mons est *Tapien*, cujus vertex diffusus in planiciem nonaginta stadiorum campum aperit.

Alluit mare civitates *Logan*, *Xeuquan*, *Chuching*, *Gechao*; aut illarum saltem territoria. Scribunt Sinæ in vicinis Insulis herbam nasci, *Lung sin* vocant, quae ab equis absumpta eis robur ac velocitatem tribuat. *Kopoi* amnis originem habet in monte *T*, inde transit *Kiu* civitatem.

Montes
insigniores.

Flumina.

Quinta Urbs

TENGCHÉV.

Situ.

Quamvis *Tengcheu* urbis territorium maxima ex parte continens sit, ipsa tamen urbs in Insula, nonnihil à continenti disjuncta, sita est, ubi commodissimus portus, magnaue Sinarum classis & praesidia: nam ad *Çang* Sinus custodiam opportuno jacet loco, regit urbs civitates octo, earum, 1 *Tengcheu*, 2 *Hoang*, 3 *Foxan*, 4 *Leuhia*, 5 *Chaoyuen*, 6 *Laiyang*, 7 *Ninghai*, 8 *Venteng*. In divisione *Tui* hæc regio Provinciae *Cingcheu* adnumerata, sub asterismis, quibus prior: olim *Gaoy* populus hic habitabat, nondum Sinis subjectus, quod factum sub *Hiaa* familia, Regum tempore fuit regni *Ci*, hodiernum nomen à *Tanga* familia est, tria sunt nobiliora fana, & quod visu rarum, arundines hic sunt quadratae præter naturæ ordinem, quæ in rotundum pleraque efformat. Ostrea hic copiosa helluonum delicæ. *Nieuhoan* lapis Vaccinus etiam hic reperitur.

Montes insigniores.

Tengheng mons ad Boream urbis situs, à clade quam *Hansinius Ci* Regi intulit, celebris: *Chifou* mons prope *Foxan* ad modum *Isthmi* in mare tendit. *Cheuy* mons etiam ad Boream urbis, à quo mare subit rotundus lapis, qui à Sinis *Chu*, hoc est unio, vocatur.

Flumina.

Mare urbem *Tengcheu* ab ortu, occasu & Borea attingit. Prope *Laiyang* lacus est *Hiyang*: naturæ prodigium est fons *Hanuen*, ex quo simul calida & frigida emanat, unde fonti nomen, est prope *Chaoyuen*.

Sexta Urbs

LAICHEV.

Urbis hujus nomen ab antiquissimis *Lai* populis ortum est, quos *Ci* reges sibi subdiderunt, dein extinctis regibus *Hana* familia *Tunglai* dixit, at simul hodiernum fere semper mordicus tenuit nomen. Urbis regio jacet in promontorio, cuius tres partes mare, unam montes claudunt. septem sub ea sunt civitates, 1 *Laicheu*, 2 *Pingtu*, 3 *Vi*, 4 *Changye*, 5 *Kiao*, 6 *Caomie*, 7 *Cie me*. quinque sunt illustrio-

ra fana. adhæc circumcirca multa munimenta ad maris littora. *Tuus* hæc eodem loco statuit, quo priora.

Hoang mons est ad austrum urbis, cui ^{Montes insigniores.} virgo quædam *Hoang* dicta nomen dedit, ^{Montes insigniores.} virgini quippe ibi dicatum fanum est in illius virginittatis memoriam; in littore maris prope *Kiao* civitatem mons est *Tachu*, & prope *Cieme Lao* mons etiam versus mare procurrit.

Mare ad Borealem partem urbem ingreditur, & civitatem *Changye*, *Vi*, *Kiao*, *Cieme* attingit: ut cætera omittam, duo fere tantum occurrunt flumina notatu digna. Primum est *Kiao* amnis prope *Pingtu*, dictus quasi amnis glutinis, quod viscosam ac turbidam vehat aquam: secundus est amnis *Vi* prope *Caomie*, nam ille est, quem faccis arena repletis stitit *Hansinius*, & ita hostibus magnam intulit stragem, ut fusius narro in mea Epitome. Est & fons optimæ aquæ prope *Pingtu*, qui *Seiyo* vocatur.

Insula.

Numerat etiam hæc Provincia Insulas quasdam, quas mappa notat. nobiliores sunt sequentes, 1 *Feyen* ad occasum non magna quidem sed culta tota. 2 *Tienheng* Insula in mari prope *Caomie*. hæc illa est, ex qua quingenti Philosophi ob *Xii* Imperatoris in litteras odium in mare se dedere præcipites, ut mea docet Epitome. *Xamuen* Insula incolis frequens omnium maxima est in sinu *Çang*, ubi commodissima navium statio, ex qua in *Coream*, *Peking* & *Leaotung* facilis est trajetibus, maximeque opportunus ad magnas expeditiones locus, eandem auro esse ditissimam scribunt, & fodinas habere insignes, custoditas tamen, ne quis ibi fodiat.

Munimenta.

Ubi cumque maris recessus est, aut navium statio, præcipue ad fauces fluviorum erecta fere sunt munimenta, sæpe adeo magna ut populi frequentia magnas sæpe civitates æquent. eorum hæc sunt nomina, 1 *Ningcing*, 2 *Cinghai*, 3 *Chingxan*, 4 *Gueihai*, 5 *Sanxan*, 6 *Kixan*, 7 *Civenxan*, 8 *Mauan*, 9 *Siaoye*, 10 *Haiçang*, 11 *Punglai*, 12 *Chin*, 13 *Xechin*.

tes
nio-

mina.





Nomen

Termin

Nobilitas.

Fertilitas.

QVINTA PROVINCIA, H O N A N.

Nomen.



HONAN Provinciæ nomen dedit ipse loci situs, id enim ad Australem partem fluvii significat, quomodo ad *Crocei* ripam sita est, per quem ab occasu in ortum rectà fluen-

Termini.

tem à *Xanfi* & *Peking* Provinciis separatur, licet ad orientalem partem aliquas habeat civitates ac terras, quibus ad *Peking* spectat. illius limites sunt ab ortu & Notapeliote *Nancheli* sive *Nanking*: ad Boream & Barapeliotem *Pecheli* sive *Peking* finitima, & quædam Provinciæ *Xantung*: ad Austrum ac Notolybicum *Huquam*: ad occidentem confinia *Suchuen*, reliqua *Xanfi* terminat.

Nobilitas.

Sinæ Provinciam hanc in medio mundi sitam esse asserunt: cum enim præter suam Sinam vix alias esse terras crederent, atque hanc Provinciam in medietate esse Sinarum animadverterent, facile in animum induxerunt, hanc esse in orbis medio: ab antiquissimis olim temporibus sæpe fuit Imperatorum sedes, electa præ cæteris ob *Crocei* fluvii commoda ac incredibilem regionis amoenitatem, fecunditatemque: est hæc Provincia diffusa in planiciem, partim montibus aspera, ac præcipue qua vergit magis ad occidentem; ager tamen ubique fertilis est, nullaque pars inculta, præter eam quam montes quidam magis horridi versus occidentem occupant; sylvæ in montibus sunt plurimæ; frumenti, oryza, aliarumque frugum feracissimi campi sunt, adhæc pecorum armentorumque vis haud minor; aer mitis ac temperatus salubritatem plerisque locis conciliat; celeberrimis urbibus, civitatibus, oppidis, ac castellis tota regio referta est; fluminibusque ac rivulis ita irrigua, vix ut alia huic comparari possit, multa aliunde venientia flumina excipit, multorum apud se habet scaturiginem. Fructus Europæos propemodum omnes tanta profert copia, ut vilissimo emantur pretio, demum tanta rerum, non solum ad vitam necessariorum, sed ad voluptatem facientium etiam, abundantia luxuriat, ut minime mirum sit, illam à Sinis viridarium seu hortulum vocitari: orientalis

Fertilitas.

enim illius pars adeo est amœna, tamque diligenter culta, ut multorum dierum iter conficias quasi per hortum aliquem ambules: unde mihi quandoque in mentem venit, quemadmodum Italiam Europæ hortulum vocant, ita Provinciam *Honan* hujus extremæ Asiæ quodammodo Italiam dici posse.

Liber Sinicus, qui capitum censum continet, notat in hac Provincia familias 589, 296. Viros vero 5106270. tributum tritici vel oryzae est fæccorum 2414477. byssi non laboratae libras solvit 23509. serica confecta varii generis 9959. pannos ex gossipio, quibus tamen non ita abundat 341. fælces fœni pro pabulo equorum regionum 2288744.

Tributum.

Urbes ingentes numerat hæc Provincia octo. civitates vero centum, præter munita ac castella, de quibus singulis infra.

Prima Urbs seu Metropolis

C A I F V N G.

Magna, dives & populo frequens, ædificiorumque splendore illustris erat *Caisung* urbs, quæ anno MDCXII aquis fere tota hausta fuit, postquam genere ac fortiter longam multorum mensium pertulisset obsidionem à rebellibus Sinici Imperatoris: iterum tamen jam utcumque decori pristino est restituta; abest urbs à *Croceo* fluvio ad duas fere leucas Austrum versus, humiliori loco sita est *Pien* fluvio vicina, qui eam ab ortu, Austro & occasu aluit, est autem is *Crocei* fluvii ramus; cum autem *Crocei* superficies aquæ, seu perpendiculum altius sit ipsa urbe, ingentibus ex quadrato saxo structis aggeribus ad trecenta & plura stadia aquas continent, earumque periculum ab urbe avertunt: ac tuta quidem omnino illa fuisset, nisi data opera aggeres à militibus fuissent effracti, qui rebelles urbem obsidio prementes aquis mergere cogitabant; sed urbem ipsam eluvio ac ruina involvit, unaque cum ipsa urbe & templum & sacerdotem è Societate nostra.

Urbis hujus territorium *Tvms* Imperator in duas distribuerat Provincias, pars una Provinciæ *Ten*, altera pars *Tu* accensebatur:

tur : atque ita binas illis etiam constellationes attribuit, nimirum *Kio* & *Cang*. Sub prima Imperiali familia *Hiaa Hiao* dicta est, ad quam ejusdem familiae Imperator *Chungtingus* Regiam transfudit, ac licet Imperatores postmodum sedem mutarint, semper tamen urbs Regem habuit, & ex *Taiminga* familia maximus regulus, & quamplurimi è Regio sanguine inhabitant. Regum tempore *Guei* regni caput erat, & tunc urbs *Taleang* dicebatur, *Tanga* familia *Piencheu* vocavit, sub *Vtai* erat regni *Leang* regia, & *Leangcheu* nomen habuit, sub *Kina* familia *Nanking*, hoc est regia Australis, sub *Juena* *Pienleang*, hodiernum illi nomen dedit *Taiminga* familia. Territorio suo quatuor supra triginta includit civitates, 1 *Caisung*, 2 *Chinlieu*, 3 *Ki*, 4 *Tungchiu*, 5 *Taikang*, 6 *Gueixi*, 7 *Gueichuen*, 8 *Jenlin*, 9 *Fukeu*, 10 *Chungmen*, 11 *Jangui*, 12 *Jueniu*, 13 *Fungkieu*, 14 *Jen*, 15 *Laniang*, 16 *Chin*, 17 *Xangxui*, 18 *Sihoa*, 19 *Hiangching*, 20 *Xinkieu*, 21 *Hui*, 22 *Linyu*, 23 *Siangching*, 24 *Jenching*, 25 *Changco*, 26 *Ju*, 27 *Sinching*, 28 *Mie*, 29 *Ching*, 30 *Jungyang*, 31 *Jungce*, 32 *Hoin*, 33 *Suxui*, 34 *Ifung*. Inter has *Sinching* Hoangtii secundi apud Sinas Imperatoris natalibus illustris est.

Innumera superba aedificia, turres, sepulchra, ac palatia continet urbs, supraque decem superbissima heroibus dicata templa; ad *Chin* civitatem viridarium seu nemus est muro cinctum, in quo palatia, aulae aliaque ad oculorum animique oblectationem spectantia, inibi cubiculum est arte factum, quod adscititio frigore calores omnes aestivos facile eludit.

Montes
nobiliores.

T collis est intra moenia peramoenus, hortis, nemoribus, ac aedificiis publicis privatisque celebris: *Xeu* mons prope *Siangching* laudatissimus à Sinis, cui pulchritudine, superstitione illa scilicet apud eos configuratione, ac situ nullum existimant toto orbe reperiri aequalem, primus omnino is est in libris *Fungxui*, qui de montium felicitate ac sorte tractant.

Kieu mons *Sinching* vicinus est, in quo caverna exornata cernitur ab *Hoangtio*, quem Imperatorem in ea aestivo tempore habitare solitum ferunt.

Flumina.

Kinxui fluvius, & *Pa*, & *Ju*, & *Crocens*, & *Xeleang* & *Pien* alique non *Paaii* amnes urbis hujus territorium irrigant. sunt & duo *Si* lacus parvi, unus quidem ad occasum civitatis *Hui*, alter vero ad *Jenling*. sunt &

alii duo lacus exigui, *Lieu* dicti à salicibus, quibus abundant, unus *Chin* civitati vicinus est, alter *Sinchin*.

Est & *Kinming* lacus seu *Naumachia* ad orbis occasum, quam *Sunga* Imperatoria familia exstruxit, ad navalium praeliorum exercitationem: in ea *Taiçungus* milites egregie probare fuit solitus, lacus est plane amoenissimus, multis palatiis & idolorum fanis spectandus: ibi ubique erecta videntur marmora poetarum carminibus inscripta in lacus laudem. Sunt & alii lacus minores, unus *Tungmu* dictus ab aquae pelluciditate, quodque nullus in ea nascatur muscus aut herba. *Chin* civitati vicinus est.

Putien lacum, omnium maximum in hac regione, *Chungmen* civitatis tractus continet. est & fons præclarissimus in *Ju* civitatis montibus.

Secunda Urbs

Q V E I T E.

AD Boream *Croceo*, ad Austrum *Hoai* ingentibus fluminibus totus hujus urbis clauditur districtus, eaque est illius nobilitas & præstantia, vix ut ulli cedere debeat in hac Provincia: fertilitate glebæ, aërisque salubritate inclutus est. Sub *Tuo* Imperatore eandem cum Metropoli sortitus est divisionem, nobilitas vel inde patet, quod ea in urbe *Sung* Reges regalem habuerint sedem. Regum tempore hic tractus inter tres Reges *Ci*, *Su* & *Quei* divisus fuit; sed *Cina* familia his omnibus delitis *Xangkieu* illum vocavit, *Hana Ciu*yang, *Sunga Ingien*, hodiernum nomen *Utai* dedere reges: novem præest civitatibus, quæ omnes magna rerum copia abundant, populoque frequentes sunt, 1 *Queite*, 2 *Ningling*, 3 *Loye*, 4 *Hiaie*, 5 *Jungching*, 6 *Juching*, 7 *Ciu*, 8 *Hiaoching*, 9 *Xeching*.

Poma aurea hic sunt omnis generis, ac præcipue granata præstantissima, à quorum copia ac præstantia ultima civitas nomen habet *Xeching*, quasi dicas pomorum granatorum moenia. Supra lacum *Nan* ad urbis Australem partem pons est quadrato structus lapide, alterque illi non absimilis extra moenia civitatis *Jungching*; fana tria heroibus dicata reliquis nobiliora numerat.

Rarissimos ac parvos habet montes planissima hæc regio, de quibus nihil admodum rarum occurrit apud Sinicos Geographos.

Montes
insigniores.

Flumina.

M
in

phos præter solum nomen. Circa *Loye* est mons *In*, & circa *Jungching Tang* & *Tu* montes.

Flumina. *Croceus*, *Pien* & *Ciu* amnis hoc territorium rigant, ad Austrum urbis est *Nan* lacus, quem in duas partes dividit pons in multos arcus porrectus, est & *Si* lacus ad occasum *Ciu* civitatis: laudem etiam meretur *Chokin* lacus exilis, circa eum enim plurimi serici panni textores habitant, aquæ illius præstantia allesti, quæ sericum, filumque bombycinum lota mirum acquirunt splendorem, inde lacui factum nomen, quod pannorum Damascenorum lotionem sonat.

Tertia Urbs

C H A N G T E.

Iacet *Changte* urbs in maxime Boreali hujus Provinciæ parte, à *Xansi* & *Peking* Provinciis quasi in angustum cogitur, unde non admodum latam occupat regionem, plana plerumque est, solique fecunditate, ac pingui gleba ut plurimum utitur. montes habet raros eosque exiles; circa *Çu* civitatem quidam est reliquis major, magnes dicitur à magnete, qui ibi effoditur. *Tvus* Imperator hunc tractum *Ki* Provinciæ adscripsit, & *Xe* ac *Pi* constellationibus subesse voluit: Regum temporibus fuit Regni *Guei*, *Cina* familia *Hantan* dixit, postea *Siangcheu* vocata fuit urbs, hodiernum nomen ab *Utai* habuit. In hac regione absinthii optimi varia reperiuntur genera; piscis etiam est, quem Sinæ *Haiul* piscem vocant, hoc est piscis puerulus, nam cum capitur vocem omnino pueri lamentantis emittit. Figura illius fere crocodilum refert, caudam oblongam, quatuorque habet pedes, ejus adeps semel accensus nulla aqua vel arte amplius extinguere potest: numerantur hic septem fana, at quod ad occasum urbis est *Tuo* dicatum, reliqua splendore ac magnitudine superat; septem regit urbs civitates, 1 *Changte*, 2 *Tangin*, 3 *Linchang*, 4 *Lin*, 5 *Çu*, 6 *Vugam*, 7 *Xe*.

Montes. insignes.

Simen mons, ex quo *Tang* flumen originem habet circa *Tangin*: *Lin* civitas *Iyang* montem habet adeo præruptum ac arduum, ut ægre conscendi possit, in illius tamen vertice planities est, in qua belli tempore multi turbas vitant. Est & *Çu* mons circa *Çu* civitatem, in quo *Ci* Rex multum auri occultavit, operariis omnibus, qui id ab-

sconderant, extinctis, ne res prodiret in lucem: attamen unius filius admodum puerulus notavit rem totam, cumque adolevisset, aurum abstulit. ibidem magnes præstantissimus effoditur.

Lo fluvius & *Ganyang*, qui etiam *Von* *Flumina.* dicitur, *Liu* civitatem transit, ibique terram subit, occuliturque ad aliquot stadia, moxque erumpit.

Quarta Urbs

G U E I H O E I.

Eundem omnino locum sub *Tuo* Imperatore hæc urbs adepta est, quem superior, jacet ad Austrum *Changte* in Australi ripa fluminis *Guei*, quod in urbis hujus territorio scaturit: multum hoc reliquis fertilitate cedit, rerum tamen necessariorum penuriam non patitur ob fluminum commoda, licet alioqui arenosum sit solum ac parum ferax; nobilis est urbs à Rege ex *Taiminga* familia, qui in ea sedem habuit; septem heroibus dicata fana nobiliora numerat, & sex civitatibus dat jura, 1 *Gueihoei*, 2 *Coching*, 3 *Sinbiang*, 4 *Hoekia*, 5 *Ki*, 6 *Hoei*.

Vuus Imperator occiso nequissimo Imperatore *Kico*, qui hac in urbe aulam tenuit, mutato nomine vocavit *Pinan* ac *Cangxoum* in eadem regem constituit, regum tempore ad *Guei* reges pertinuit, sub *Cina* familia *Hotung* terris adnumerata est, *Hana* familia *Honui* dixit, *Sunga* *Queichen*, hodiernum nomen à *Taiminga* est familia. Ad Austrum urbis nobile ac magnificum cernitur ædificium, illo exstructum loco in quo *Vuus* Imperator *Liu-vangum* magnum Philosophum obvium habuit, cujus consiliis ac virtute adjutus Sinicum obtinuit Imperium.

Ki civitas vicinum habet montem *Ki* *Montes.* pulcherrimis sylvis amœnum, est ibidem mons *Cingnien*, in cujus caverna quadam stagnat aqua, quasi pilosa pars quæcumque corporis lavetur, continuo glabrescit.

Guei fluvius ad urbis Boream fluit, & in occidua parte oritur.

Ki amnis civitatem *Ki*, cui nomen dat, *Flumina.* præterlabitur.

Quinta Urbs

H O A I K I N G.

Hoaiking urbs exiguum quidem habet territorium, aer ibi tamen mitis ac salubris est, agerque fertilis: ad Boream à montibus, in Australi parte à Croceo clauditur, in eo sex sunt civitates, 1 Hoaiking, 2 Ciyuen, 3 Siewu, 4 Vuche, 5 Meng, 6 Ven. In Tui Imperatoris divisione hic tractus ad Ki Provinciam pertinet, sub constellationibus Xe & Pi, Xanga Imperatoria familia Kinui, Cheva Sanyven dixerunt. Regum tempore tum Guei, tum Quei, tum Ching nomen habuit, Cina familia Sanchuen vocavit, Hana Honui, Tanga Hoaicheu, Taiminga Hoaiking, in qua ex eadem familia Rex habitare solebat, unde nobilis ac dives censebatur urbs. Fana illustriora habet tria. medicamenta rara profert, quæ reliquis provinciis suppeditat.

Nomen
anti-
quum.

Ciyuen civitatis fossa variorum etiam animalium vivarium est: ibidem nobile ædificium, Tehiang dictum, in memoriam viri illius, qui cum uxor ducenda esset, ita cœlum orasse fertur: non peto divitias, nec voluptates, neque idcirco uxorem ducere volo, sed tantum probos opto filios; tresque ex ea suscepit, qui omnes doctissimi evasere Philosophi & Præfeti.

Montes.

Ad Boream urbis mons Tai est, hic olim ingenti boatu emissio disruptus est, & cavernam aperuit trecentarum perticarum, ex qua aqua emanat bituminosa, crassa ac pinguis, adeo ut loco olei in multis adhiberi possit, saporis est haud ingrati.

Vanguo mons palatium refert sylvis ac arboribus vestitum, hic Ciyuen vicinus est.

Flumina.

Ki amnis in Vanguo monte originem habet, inde sub terra occultatur, mox lacum Tave efformat, ex illoque promanans Ci amnis dicitur.

Sexta Urbs

H O N A N.

Commune huic urbi cum tota Provincia nomen, ad occasum Metropolis jacet in Boreali ripa fluminis Co: Hanc Sinæ centrum, seu umbilicum, ut vocant, mundi esse volunt, quia in meditullio Sinæ est, regio circumjacens montibus abundat, amœnitate tamen ac ubertate re-

rum multis nihil omnino cedit. urbs ipsa ingens est ac incolis frequens; Regem è Taiminga habuit familia; tredecim nobilissima fana numerat heroibus erecta, quorum unum supra fluvium Co est, ad orientalem urbis partem, sub quo fluvius tamquam sub pontis fornice præterfluit. Sunga Imperatoriae familiae auctorem Sinis dedit. Tuius Imperator hunc terræ tractum Yu Provinciae adscripsit sub constellatione Mao, atque hic Vus Imperator, cum Xanga familia bellum inferre cogitaret, arma ac reliqua omnia adornavit. Cina familia Sanchuen dixit, quod tres aquas significat, nam revera Urbs jacet inter tria flumina: hodiernum nomen ab Hana familia est, ad hanc è Borealibus partibus ejecta confugit, in eaque non diu duraturam Imperatoriam fixit sedem, Rex Guei Cocheu, Tanga familia Tungtu, Sunga Siking, Kina Kinchang dixit, at Taiminga Honan nomen restituit: habet sub se civitates quatuordecim, quarum 1 Honan, 2 Jensu, 3 Cung, 4 Mengcin, 5 Tyang, 6 Tengsung, 7 Jungning, 8 Singan, 9 Mienchi, 10 Cao, 11 Xen, 12 Lingpao, 13 Xeuhiang, 14 Luxi.

Ex hisce Tengsung non ita celeri pede ac calamo percurrenda, quippe quam item in ipso orbis centro ac meditullio constituunt Sinæ, in ea spectatur etiamnum ingens regula supra æneum planum ad perpendicularum erecta in certas divisa partes, uti & in ipsa plani superficie linea extensa in suas etiam partes distributa, quo instrumento Cheucungus magnus ille apud Sinas Astrologus & Mathematicus, summusque totius olim Imperii præfectus, umbram meridianam observabat, atque inde altitudinem poli, cæteraque quæ ex ea colligi possunt, venabatur. Vixit is ante Christum natum annis mille, centum & viginti: ibidem visitur turris, in qua solitus syderum notare cursus ac conversiones, dicta Quonsing tai, hoc est aspiciendorum syderum turris, hic idem Cheucungus acus pyxidisque magneticæ usum jam tum habuit familiarem, uti clarius demonstro in mea Sinensium Historiarum epitome.

Schioterica, poli
altitudo,
usus mag-
netici, an-
tiquissi-
ma apud
Sinæ.

Habet hic terrarum tractus quam plurima ac magnifica sepulchra, & circum ipsa urbis mœnia pulcherrima viridaria, vivariaque multa: prope Xen civitatem in magno quodam fano duodecim statuae suis basibus innixæ conspiciuntur, jam inde à Xio Imperatore mirando ac plane raro fusæ artificio.

Pe mang mons ingens ad Boream urbis, inde

Flumina.

Mirus
serpens.

Montes

inde *Jensu Cung* & *Mengcin* regiones transit, *Iquan* mons duplex ad urbis Noto-lybicum, per cuius meditullium quasi per portam transmissus *In* fluvius devolvitur. Circa *Hiang* civitatem *King* montes sunt, ex quibus cuprum effoditur, & scribunt ex eodem loco *Hoangtium* Imperatorem cuprum accepisse, ad instrumenta domestica ac militaria conficienda, quæ antiqua est fœdinarum memoria.

Flumina. Tamnis, cujus origo in montibus *Luxi* civitatis, *Lo* amnis nobilis, alique plures ignobiliores sunt; at ad partem ortivam *Jensu* civitatis lacus est æstate frigidus, hyeme calidissimus. Est & *Ping* fons pulcherri-
mus ad Austrum urbis, cui lapideum adstruere pegma, ut melius spectari à curiosis possit.

Septima Urbs

N A N Y A N G.

Occupat nobilissima *Nanyang* urbs *To* fluminis occidentale latus; si quæ alia Sinarum, ingentem terrarum tractum fertilitate rerumque omnium copia ac præstantia insignem: in eo tredecim sunt civitates, 1 *Nanyang*, 2 *Chinping*, 3 *Tang*, 4 *Pieyang*, 5 *Tungpe*, 6 *Nanchao*, 7 *Tengo*, 8 *Nuihiang*, 9 *Sinye*, 10 *Chechuen*, 11 *Tu*, 12 *Vuyang*, 13 *Ye*. Tota undique regio montibus ac fluminibus clausa est, magni ad Sinici Imperii custodiam momenti est, tanta enim alimentorum abundat copia, ut facile ingentibus etiam exercitibus de rebus necessariis providere possit. *Tous* Imperator eam *Ju* Provinciæ adscripsit, & *Chang* stellis ut subesset, statuit. jam inde ab antiquis temporibus erat *Hia* familia, priusquam Imperium invaderet, proprium Regnum. Sub *Cheva* familia *Xinpe* vocata est, postmodum eam *Su* reges occuparunt, deinde *Han*, hodiernum nomen à *Cina* habet familia, *Sunga* & *Tanga Voncheu* dixere. Est hæc urbs incolis admodum frequens, dives opum, producit recensita supra, & lapidem lazulum, genusque serpentis maculosa pelle, albis cutis maculis distincta: hunc in amphora vini seu phiala maceratum contra paralytim adhibent Sinenses medici. pulcherrima ædificia multa numerat, & Heroibus dicata fana novem. Vixit hic etiam Rex è *Taiminga* familia, qui urbem nobilitavit.

*Mirus
serpens.*

Montes.

Ad urbis Boream partem mons est *Tu*,

in quo sex supra triginta reperiuntur stagna, circa *Nuihiang* incipit mons *Taipe*, qui ad *Chechuen* usque pertingit, ibidem est *Tienchi* mons, in quo aqua lacus cuiusdam mire morbis cardiacis medetur.

To sive *Pe* fluvius, *Pie* amnis, *Chi* & *Hoai* fluvii hunc tractum fœcundum reddunt: sed quod admirationem haud immerito excitet, est *Tan* amnis, qui prope *Nuihiang* fluit, in quo rubri omnino reperiuntur pisces, qui tantummodo sub initium æstatis apparent ac capiuntur, reliquo anni tempore delitescunt. Scribunt fabulanturque Sinae, horum piscium sanguine si uncti fuerint pedes, facile tum esse aquis inambulare, sed harum rerum & similium fides sit penes auctores, ego hanc regionem coram non lustravi, adeoque nil ita diserte de ea possum affirmare: addunt præterea quod si tum aqua turbetur, pisces illos omnes quam primum ad aquæ superficiem ascendere, reddereque ipsum fluvium totum rubicundum atque ignitum, inde illi *Tan* nomen, quod rubrum significat.

Prope *Teng* civitatem parva est insula *Pehoa* dicta, hoc est omnium florum, in qua palatium est animi relaxationi fabricatum.

Prope *Nuihang* fons aquæ est Sinis admodum pretiosæ, quod vitam longiorem homini præstare credatur.

Octava Urbs

J V N I N G.

AD *Co* lacus ripam jacet hujus urbis regio, ab antecedenti procedendo versus ortum: illam montes ad Boream, ad Austrum *Hoai* fluvius claudit: pretiosam illam herbam à Sinis numquam satis laudatam indiesque usurpatam *Cha* producit, quam alibi describo accuratius. Sub *Tuo* cum superiori eandem nacta est Provinciam sub tribus potissimum constellationibus pro variis territorii partibus, *Kio* nimirum, *Kang* & *Ti*. Regum tempore ejus pars ad *Cai*, alia ad *Xin* Reges pertinebat. *Cina* familia *Sanchuen*, *Hana junam* dixit, eo quod ad Austrum jacet fluminis: *Tanga* familia *Cai cheu*, *Sunga* vocavit *Hoai kang*, hodiernum nomen *Taiminga* confirmavit ab *Juena* impositum, quam etiam Rex ex regio sanguine incoluit. Octo fana heroibus dicata numerat, ac quatuordecim regit civitates, 1 *Juning*, 2 *Xangcai*, 3 *Sip'ing*, 4 *Sin-*

Flumina.

*Schiote-
rica, poli
altitudo,
usus ma-
gnetis, an-
tiquissi-
ma apud
Sinas.*

Montes.

4 *Singai*, 5 *Sinping*, 6 *Chinyang*, 7 *Sinyang*, 8 *Loxan*, 9 *Kioxan*, 10 *Quango*, 11 *Quangxan*, 12 *Cuxi*, 13 *Sie*, 14 *Xangching*.

Montes.

Tienchung mons est ad urbis Boream, quem & mundi centrum dicunt.

Prope *Sinyang* mons est altissimus juxta ac amoenissimus; observatum est sæpius, quoties nubes illius tegit verticem, quam mox certo pluviam imminere.

Hing mons prope *Quangxan*, cui arbores prunorum Armeniacorum nomen derunt, quibus maxime abundat.

Flumina.

Ming fluvius originem habet in montibus prope *Sinyang*.

Pelu fluvius sive *Pie Quang* civitatem transit: *Ju* fluvius est à quo urbi nomen. ad occasum urbis *Si* lacus est, aspectu jucundus & amœnus, duobus ædificiis, ad civium convivia ac voluptatem superexstructis, celebris.

Civitas major *Ju*.

HÆc apud Sinas urbis titulum aut dignitatem necdum merita est, licet territorii præstantia, ac fertilitate urbibus multis sit æqualis. regit tamen quinque etiam civitates, nimirum, 1 *Ju*, 2 *Luxan*, 3 *Kia*, 4 *Paofung*, 5 *Tyang*. jacet ipsa ad Borealem ripam *Ju* fluvii, à quo & nomen habet, cujus scaturigo non multum quoque inde abest, sub *Tvo* Imperatore ad *Ju* Provinciam pertinuit sub stellis *Chang*: Regum tempore fuit regis *Han*, mox spectavit ad *Honan*; *Tanga* familia *Linju* dixit, & *Taiminga* illam proprii juris reddidit, vocavitque *Ju*.

Lu mons civitati ejusdem nominis adjacent, cui & nomen dat. Montes.

Ad occasum *Ju* civitatis lacus est stadiorum centum, & ad Notolybicum fons est aquæ calidissimæ, unde *Ven* dicitur. Flumina.

Sien fluvius originem habet in *Ki* monte civitatis *Tengfung*.



Montes.

Flumina.

T A



Situs.

Radix
na.

Rhe
bar

SEXTA PROVINCIA, SUCHUEN.

Situs.



Vam vulgo *Suchuen* (hoc est quatuor aquas) vocant, Provincia ingens est, quæ nec magnitudine nec rerum copia ulli cedit, hanc magnus *Kiang* fluvius mediam intersecat,

unde una illius pars Borealis, altera Australis dici potest. Est *Suchuen* Indiarum vicinior, nec ab Indorum moribus tantopere abhorret, à *Tibet* regno per continuos *Damafæos* montes separatur, atque ipsa nec montibus, nec aquis caret, amoenissimam etiam sæpe planitiem, ridentesque ut ita dicam campos includit, rerumque omnium ad vitæ sustentationem necessariarum feracissima est; ferico etiam abundat, & medicamentis optimis, tum herbarum, tum mineralium, quæ inde ad nos usque deferri solent. Vera radix *Sina* in hac Provincia solum reperitur, sylvestris vero ubique; *Folin* utramque *Sinæ* vocant, ac fere sola sylvestris ad nos afferitur, cujus medulla rubicundiori colore quodammodo tincta est, ad veram autem magnitudinem non accedit, neque efficaces adeo habet vires, quamvis non omnino illius effectu careat. Vera autem uti dixi radix in hac sola nascitur Provincia, idque sub ipsa terra, uti fere phalli *Hollandici*, aut apud *Indos* *Patatas* nasci propagarique solent, maxime in annosis pinorum sylvis, unde eam ex glutine seu pice pinea produci scribunt, quæ in terram delapsa radices agat, atque herba fiat longo tractu per terræ superficiem serpens, continuoque tuberosas radices sub ipsa terra emittens, subinde ad capitis puerilis magnitudinem, figura ac mole magnas nuces *Indicas*, quas *Coccos* vocamus æquat, nec cortex colore abludit, quamvis non adeo durus crassusve sit, sed mollior omnino ac tenuior. corticem replet nucleus seu caro alba ac spongiosa, hanc *Sinæ* magni faciunt & in suis medicinis adhibent, tametsi, cum hac carent, sylvestrem illam non respuant, at effectu non æque bono.

Rheubarbarum.

Hujus etiam Provinciae *Rheubarbarum* præstantissimum est, atque inde *Tibetani*

ac *Mogores*, qui hanc Provinciam frequentant, ad nos advehere solent: præcipui ex illis idolorum sacrificuli sunt, quos *Indi* *Lama* vocant: horum aliqui hic inventi sunt à patribus nostris, qui *Surate*, *Goam*, magnamque *Indiæ* citerioris partem lustraverant, ac *Lusitanam* gentem norant. *Succini* hic etiam copia est utriusque speciei, flavi nimirum, quale ad nos mittit *Polonia*, & præcipue rubicundioris, putant quidam ex defæcatis illud oriri pinorum medullis, temporis longinquitate induratis ac pellucetibus. & vidi ego sane ex pice pinea seu resina per decoctionem illud arte fieri, divendique à *Sinis* ita egregie effectum, ut vero invidiam facere posset; neque attractio paleæ aut rei alterius levioris ac siccæ certum veri, ac genuini succini experimentum est, nam illud fictitium quoque, & arte factum, si confricetur; vim habet electricam seu attractivam. Reliqua huic Provinciae singularia in singulis urbium descriptionibus vide.

Succinum.

Magnæ hujus Provinciae termini sunt *Orientales* *Huquang*, ad *Notapeliotem* *Queichen*, *Barrapeliotem* & *Boream* *Xensi* occupat, à *Barrolybico* *Coninguangi* & *Kiang* populos habet, sive terras illas, in quibus *M. Paulus Venetus* Prete *Joan* ponit, *Sinæ* *Sifan* vocant, ab occasu *Tibet* est, in *Australi* parte extrema *Junnam* Provinciae attingit: tota Provincia includit urbes octo, ac præter eas militares quatuor, civitates vero supra centum viginti quatuor, ut minora loca ac munimenta præteream. Liber, cui *Sinarum* census inscriptus est, numerat in ea familias 464129. Viros vero 2204170. licet minima hujus Provinciae pars eo in volumine recensatur, quia tota militibus abundat, quorum nulla ibi fit mentio. *Oryzæ* tributum est saccorum 6106, 660. *Serici* confecti, infectique libras dat 6339. *gossipii* 74851. *salis pondera* 149177. præter vectigal, quod duo in hac Provincia colligunt telonia.

Termini.

Cine familiae auctor *Xius* primus hanc regionem imperio adjecit, ante vulgarem Christi Epocham anno fere quinquagesimo supra ducentessimum, ut doceo in mea Historiarum epitome; duo enim tum hic regnabant *Dynastæ* *Pa* & *Cho* ex Imperatoris

R

toris

toris *Hoangti* sanguine, qui sub *Hiaa* familia rebelles nunquam Sinico deinceps paruerunt imperio nisi sub *Xio*.

Per totam Provinciam passim magna vis ferri effoditur, uti & stanni & plumbi, lapides magnetis etiam præclari reperiuntur, sed quod rarum in orbe reliquo, hic putei salis sunt in montibus, ex quibus toti Provinciae de sale prospicitur, magno divinae in eos homines providentiae argumento, cum hæc Sinæ pars longissime à mari distet, nec nisi summo suo incommodo aliunde salem petere posset: sunt autem putei isti sæpe supra centum passus alti in montibus cultis, dulcisque soli: os putei vix tres quatuorve palmos æquat: hos ferrea manu effodiunt, quæ in terram demissa pondere suo ac digitis eam penetrat, mox fune attrahunt singulæque artificio manus seipsam claudit, ac terram stringit, quam è puteo extrahunt, donec salis terram & aquam inveniant: hanc deinde vase immisso accipiunt, quod vas in fundo foramen ac animulam habet, quæ ab aqua ingrediente aperitur, cum vas liberum dependet, at cum plenum est, & fune elevatur, tum animula foramen claudit, & aqua salis educitur, quæ cocta igne vapores aqueos emittit, salemque candidissimum fundo adhærentem relinquit, marino tamen aliquantulo dulciorem.

In hanc etiam Provinciam, quæ ex Sinicis maxime vergit ad Occidentem, penetravit Societas *Jesv*, in cujus metropoli Sacerdotes duo frequentibus ibi Christianis strenuam operam navabant, sed hisce ultimis bellis urbs tota, imo & Provincia vastata est, adeoque & Patres nostri alio abire coacti, qui miro etiam modo inter tot cædes ac funera fuere servati, ut salvi evaserint & incolumes, quo denuo redire cogitant, si modo Deus annuat. Est in hac Provincia in altissimis montibus *Barrapeliotem* versus, ubi cum *Honan* Provincia jungitur, regnum *King*, quod sui juris est, ac Sinico Imperatori nullo modo parer, tantum honoris causa coronam ac regia insignia à Sinico Monarcha accipit. cæterum monticolæ illi Sinas nullo modo intra suos montes admittunt. Regnum hoc *King* voco, nam à *King* ac vicinarum regionum ex *Huquang* Provincia fugientibus populis fundatum est, qui bellorum motus ac militum insolentias vitantes, regum tempore sub *Cheva* familia finem, montes hos altissimos petivere. Sunt hic etiam amœnæ valles, campique egregie culti, & ab hostium insidiis rapinisque tuti:

hic degunt agricolæ, inter rupes ac saxa pro pudor! quam inter homines securiores, ad eò & isthic homines hominibus lupi sunt.

Urbs prima seu metropolis

C H I N G T V.

Metropolis hæc *Chingtu*, cæteras ut inferiores magnitudine, ædificiorum splendore, ac frequentia facile superat: emporium etiam copiosissimum est, nec Rex ei, quo nobilius evaderet, è *Tai-minga* familia defuit, qui sola jurisdictione ac Imperii titulo soli cedebat imperatori, cætera omnia regio splendore ac apparatu administrabat: palatium illius augustum ac ingens, quod quatuor milliaria Italica suo ambitu complectebatur, erat in ipso urbis meditullio, quatuor portis exornatum; ante eam quæ ad Austrum spectat, spatiosa erat platea, pluribus lapideis arcubus egregio opere elaboratis exornata, aquis etiam tota urbs pervia est, deductis undequaque canalibus navigabilis, quibus superstructi sunt lapidei pontes plurimi, canalesque omnes in utraque ripa quadrato ac secto lapide ædificati: fana Heroibus dicata septem numerat, & unum *Cho* regi *Çançungo* consecratum, in acceptæ ab eo byssum elaborandi, bombycesq; educandi artis memoriam.

Fuit olim priusquam Sinico pareret imperio *Cho* regum regia; *Hana* familia *Quanghan* vocavit, in eaque aliquanto tempore imperialem habuit sedem, hodiernum nomen dedere reges *Cyn*; *Tanga* familia *Kiennan* dixit. jacet hæc urbs in Insula, quam flumina efformant: regio tota partim plana est, partim montibus extuberans: ager omnino fertilis, cujus nulla partem incultam squallere patiuntur: campi omnes deductis ubique arte vel natura rivulis irrigui, præcipue ortum versus, ubi per amœnissimam planitiem trium dierum iter est, quo in itinere supra centum lapidei pontes superandi sunt, omnes pluribus arcubus innixi.

Præest urbs triginta civitatibus, 1 *Chingtu*, 2 *Xoangliu*, 3 *Venkiang*, 4 *Sinfan*, 5 *Sintu*, 6 *Kint'ang*, 7 *Ginxen*, 8 *Cingping*, 9 *Pi*, 10 *Çu*, 11 *Nuikiang*, 12 *Quon*, 13 *P'eng*, 14 *Cungning*, 15 *Gan*, 16 *Kien*, 17 *Cuyang*, 18 *Çungking*, 19 *Sincin*, 20 *Han*, 21 *Xefang*, 22 *Miencho*, 23 *Teyang*, 24 *Mien*, 25 *Changming*, 26 *Lokiang*, 27 *Mien*, 28 *Venchuen*, 29 *Guei*, 30 *Pao*.

Res

Avicula-
ra.

Res mira & spectatu jucunda est in hac urbe: avicula quædam, quam *Tungboafung* vocant Sinæ, rostrum habet rubescens ut minium, maxima colorum varietate omnes rapit in admirationem; ex flore nascitur *Tunghoa*, unde aviculæ nomen simile matri uti & ipsa est, vivit autem tamdiu, quam flos ipse arboris durat, vivum ac volentem florem credas, adeo & pulchritudine, & exigui temporis florente ætatula flori similis est.

Montes.

Jeking mons altus supra ipsas nubes ascendit, prope *Su* civitatem. Ad civitatem *Quon Cingching* mons incipit ac plusquam mille terrarum stadia occupat, est ex nominatissimis apud Sinas ordine quintus, in eo *Xinsien*, hoc est, homines immortales, inter se convenire fabulantur. *Gan* civitas *Lunggan* montem habet vicinum, sylvis ac fontibus amœnum, in eo *Cho* regum palatii rudera visuntur, illud æstivo tempore incolere soliti fuerant ad calores vitandos. *Cungking* montem habet *Toyung* dictum, in quo Simiæ reperiuntur, quæ omnino magnitudine ac figura quam proxime ad hominem accedunt, ac mulieres deperunt, easque ad libidinem, cum facultas suppetit, abripere tentant. *Xefang* civitati proximus est mons altissimus *Tafung*, qui ad cœlum ipsum videtur pertingere: ex alto amnis ibi præceps cadit, ingenti lapsu ac aquarum murmure: illi prope æqualis est mons *Pin* ad civitatem *Guei*, tantæ altitudinis ut sexaginta stadiorum ejus esse altitudinem scribant Sinæ; ex ejus vertice per reliquos montes videtur ipsa metropolis: in hoc monte magni *Kiang* fluminis prima origo est, qui inde ad terras *Preste Joan* usque excurrit. *Tienchi* mons prope *Mien*, in quo lacus, qui nec pluvia crescere, nec siccitate animadvertitur pati decrementum.

Flumina.

Kin fluvius ad Austrum urbis est, vulgo *Damascenus* dicitur, quia holoserica in eo lota mirum acquirunt splendorem. *To* flumen ad *Sisan* fluit, ramus est ex *Kiang* quasi derivatus, abscissusque, quem effodi jussit *Yvus* Imperator, ut *Kiang* exundationes eluvionesque impediret. *Chu* flumen *Su* civitatem præterlabitur, unio-
num vulgo dicitur, quia noctu in eo lumina micantia collucent, quæ putant illi carbunculos esse, seu lapides illos pretiosos, quos Sinæ *Yeming* vocant, hoc est noctilucos. Si lacus suburbium Occidentale civitatis *Cungking* ambit, multa in eo ædificia ad animi relaxationem structa sunt, circum-

que ipsum lacum oculis blandiuntur, quem ibi ob amœnitatem incolarum delicias vocant. *Co* amnis civitatem *Han* alluit, hujus aqua ad ferramenta acuenda præ reliquis aptior est & expetitur.

Ad urbis Notapeliotem est locus *Nam-machia*, seu stagnum *Tolung*, quod *Suius* Rex adornavit pro militum exercitatione, cum *Chin* Regi bellum inferre statuit.

Vansui lacus est quadraginta stadiorum, tamquam pro urbis fossa ductus efformatusque, cum terraeducta est pro urbis mœnibus replendis. latior est ad Borealem urbis partem: prope *Nuikiang* est aquæ fons, qui modo ascendit, modo descendit, æstusque marini horas adeo procul à mari cum sequi observatum est.

Secunda Urbs

P A O N I N G.

Iacet *Paoning* ad Orientalem ripam *Situs*. *Kialing* fluvii, cujus territorium à montibus ad coronæ modum cingitur, in quibus magna muschi & major damarum copia. urbs ipsa sat pulchra privatis publicisque ædificiis conspicua: quatuor in ea sunt nobiliora fana. decem civitatibus urbs hæc jura dat: 1 *Paoning*, 2 *Çangki*, 3 *Nanpu*, 4 *Quangyven*, 5 *Pa*, 6 *Chaohoa*, 7 *Tungkiang*, 8 *Kien*, 9 *Çutung*, 10 *Nankiang*. *Yvus* Imperator eam Provinciæ *Leang* adnumeravit, & subesse stellis *Cing* & *Quei* voluit, Regum tempore *Pa* regum fuit, *Hana* familia *Pasi* dixit: *Tanga Langchen*, *Sunga Gante*, hodiernum nomen imposuit *Ivena* ob montium fauces arctissimas ac admodum paucos aditus, quibus fortissima etiam apposita sunt munimenta. Rem dictu miram hic adnotat Sinicus auctor de arbore quadam *Ciennien* dicta, hoc est mille annorum, hæc in idolorum templo *Kien* civitatis erat, tantæ magnitudinis, ut sub uno ramo ducentæ oves stare, ac circumire possent, absque eo quod viderentur, licet ad rami initia accederes; fortasse ex illis arboribus est, quæ per totam Indiam inclinatis ad terram ramis in varias arbores excrescunt, Lusitani arbor *Rays* vocant.

Antiqua
nomina.Insignis
magnitudinis arbor.

Ad Orientalem urbis partem campis ac sylvis amœni ac jucundi montes sunt *Puon* & *Mienping*: prope *Çangki* mons est *Juntai* altissimus, nubium idcirco thronus dictus. *Pa* civitas montem *Jo* habet, è quo pretiosi effodiuntur lapides, sed ob nimiam asperi-

Montes
insigniores.

asperitatem, ascensumque arduum ac præruptum difficillimus accessus est.

Ibidem *Ping Leang* mons est, in cujus vertice ingens planicies, undiq; à montibus regionis cincta, qui illi pro mœnibus sunt.

Flumina. *Pa* flumen civitati *Pa* nomen dat, quam præterfluit: dictum est *Pa*, quia suis mœandris ac gyris characterem *E* fere efformat, qui *Pa* dicitur, significatque apud illos sufficit.

Ad Austrum urbis *Haitang* torrens est, à copia rosarum aquaticarum, quæ *Haitang* vocantur, dictus.

Tertia Urbs

X V N K I N G.

X *Unking* urbis territorium etiam montibus non caret, habet tamen planitiem majorem, quam urbs præcedens. ingens hic ubique serici, pomorum aureorum, radicisque, quam *Scorzanera* vocant, abundantia est; castaneas fert, quæ ore aliquantulo tempore contentæ per se liquefcunt uti faccarum. *Tsun* Imperator hunc tractum *Leang* Provinciæ adscripsit, *Seng* & *Cing* constellationes illi constituit: sub *Cheva* familia *Jungcheu* dicta regio: sub *Hana* urbs ipsa *Ganhan*, *Tanga* *Nanke*, à *Sunga* hisque quæ deinceps sunt, hodiernum habet nomen. Fana nobiliora tria numerat, ac decem regit civitates, 1 *Xunking*, 2 *Sike*, 3 *Fung*, 4 *Jungxan*, 5 *Ilung*, 6 *Quanggan*, 7 *Kin*, 8 *Tacho*, 9 *Gochi*, 10 *Linxui*.

Montes.

Ad urbis occasum mons est *Co* pomorum aureorum sylvis celebris. *Sike* civitas in monte ejusdem nominis jacet. ibidem est *Nanmin* mons ingens, qui duodecim attollit vertices altissimos; in eo novem putei salis sunt.

Flumina.

Chuen amnis circa *Quanggan* per saxa volvitur, ac præcipitia in eo sunt ad sex & triginta, *Catadupas* seu *Cascatas* vulgo vocant, ex quibus aqua decidit ingenti cum murmure ac fragore. fons *Tieju*, ad urbis occasum stillans, lacteus vocatur ab aquæ suavitate.

Quarta Urbs

S I V C H E V.

E mporium nobile ac frequens est urbs *Sincheu*, ingentes enim duo fluvii navium capaces ad urbis mœnia, qua

orientem spectant, in unum confluunt, *Kiang* nimirum & *Mabu*, ille ex Metropoli defluit, hic ex magno *Mabu* lacu, à quo nomen accipit, ac magnum aquarum simul incrementum; dives proinde urbs est, atque incolis referta, ædificia in ea multa tum privata, tum publica haud contemnenda, inter quæ tria heroibus dicata fana nobiliora. Regio tota fere montibus aspera est, fertilis tamen ac foecunda parens rerum, quæ ad usus vitæ faciunt, arundinum, cannarumque Indicarum, uti & fructus *Lichi* nobilissimi ubique magna vis, quæ utraque alibi describam opportunius; loquaces etiam psittacos alit, aliasque aves vocales; memorant olim unum hic ab exteris emptum, ut in patriam eum suam illi asportarent, verum cum eam ex *Sina* efferre vellent, ita locutam fuisse aviculam: ego *Sinarum* sum avis, ad externos ire dedignor, atque ita eam paulo post exspirasse. quis credat tantum etiam belluis innatum patriæ amorem, adeoque illubentes non homines tantum, sed & aves *Sinas* alio migrare, mordicusque leges patrias observare?

Olim hæc regio à *Sui* regibus *Jungcheu* dicebatur, *Tanga* familia *Nanki*, hodiernum nomen *Sunga* dedit: præest urbs civitatibus decem, 1 *Sincheu*, 2 *Kingfu*, 3 *Fuxun*, 4 *Nanki*, 5 *Hinguen*, 6 *Changning*, 7 *Junlien*, 8 *Cung*, 9 *Cao*, 10 *Lungchang*.

Xeching mons ad urbis Australem partem jacet, lapidea mœnia vulgo dictus, totum quippe montem coronant altissimi vertices. *Montes insigniores.*

Hanyang mons prope *Kingfu*, ad *Fuxun* vero est mons *Lingyven*, in ipsa ripa *Kiang* fluvii.

Ad urbis Notolybicum *Xemuen* seu *Heng* fluvius magna aquarum vi profluit, ibique è catadupa decidit, quæ campana dicitur, siquidem ingenti boatu resonat; ad urbis occasum lacus etiam est quinquaginta stadiorum longitudine, non ita multum latus. Ad *Changning* fons scaturit multis undique annosis septus arboribus. *Flumina.*

Quinta Urbs

C H V N K I N G.

S I quæ alia in hac Extrema Asia splendidam urbem Europæam refert, ea *Chungking* est, in monte sita, in cujus acclivi adscensu sensim attolluntur ædificia ad amphitheatri modum, alia aliis altiora pul-

pulcherrimo adspectu, intuentium oculos invitantia, maxime eorum, qui per fluvium ultro citroque elegantibus, commodissimisque navigiis deferuntur: duplicem lætitiā *Chungking* Sinice significat, quod exhaustis ad Catadupas navigantium laboribus ac periculis fessos sua pulchritudine atque amœnitate recreet; ad hæc emporium celebre est, jacet enim ad confluum duorum ingentium fluminum *Pa & Kiang*: inter nobilia ædificia sex Fana illustria numerat: fiunt hic elegantissimæ arcæ ex versicoloribus cannis contextæ. *Meutang* floribus abundat, suavissimo item *Lichia* fructu, qui hinc etiam cum maturuit, per dispositos ea de causa cursores in Regiam mittitur adhuc recens; piscibus optimis scatet, ac præcipue testudinibus. Est hoc adeo extensum territorium partim planum, partim in montes ac colles assurgens: salubri temperatoque utitur aëre. regit civitates viginti, 1 *Chungking*, 2 *Kiangcin*, 3 *Changxeu*, 4 *Tafo*, 5 *Jungchuen*, 6 *Jankui*, 7 *Jungchang*, 8 *Ki-kiang*, 9 *Nanchuen*, 10 *Kiukiang*, 11 *Ho*, 12 *Tungleang*, 13 *Tingyven*, 14 *Piexan*, 15 *Chung*, 16 *Fungtu*, 17 *Tienkiang*, 18 *Feu*, 19 *Vulung*, 20 *Pengxui*.

Montes.

Primus mons vere omni admiratione dignus est in ripa *Feu* fluminis in hujus urbis confinio, & *Tunchuen* civitatis, nam ex monte idolum non monstruosum, ut ita dicam, solum, sed & montosum efformarunt, *Fe* vocant, decussatis sedet pedibus, manus sibi invicem superimpositas in sinu complicat: ejus magnitudinem vel inde collige, quod oculi, aures, nares ac os ad duo & plura nostratia conspiciantur miliaria. Vnde minime mirum nostris antiquariis videri debet, quod olim Dinostatus celeberrimus ille architectus, uti refert Vitruvius, pollicitus sit magno illi Alexandro statuam ex *Atho* monte, quæ una manu urbem maximam, altera fluvium contineret, aut lacum, cujus aquarum copia abunde ad incolarum usus sufficeret, cum hujus Idoli vel solum caput ad utrumque sufficiat. *Cynyun* mons ad urbis occasum amœnis nemoribus conspicuus. *Ho* civitas proximum habet montem *Lungmuen*, in quo Idolorum magnificentissimum fuit fanum cum addita bibliotheca, quæ constitit triginta millibus Sinensium librorum, dicta est *Siyuli* bibliotheca, illam enim inchoavit præfectus ita dictus. Circa *Piexan* planities est ducentorum stadiorum, quam *Chungpie* mons efformat. Prope *Fungtu* mons est *Pingtu* dictus inter septua-

Rerum copia.

ginta duos, quos laudat Taofu liber, nominatus. Ad *Pengxui* est *Fonien* mons, in quo quamplurimi salis putei.

Quamvis multa magna flumina per urbis hujus territorium fluant, nihil tamen de illis magnopere occurrit præter id quod habent mappæ. addi tamen hic meretur torrens *Mingyo* prope *Chung* civitatem, qui præruptis undique saxi, ex monte ad quinquaginta & amplius altitudinis perticas ingenti impetu decidit, hic inferius ubique in ripis annosas ac proceras habet arbores.

Flumina.

Sexta Urbs

Q V E I C H E V.

Urbs hæc hujus Provinciæ ex iis una est, quæ maxime vergunt ad occidentem, jacetque ad Borealem ripam *Kiang* fluminis, & quia Provinciam ingredientibus prima occurrit telonium habet, in quo advectarum mercium portorium exigitur. inde urbs dives evadit ac opulenta, ac tredecim civitatibus jus dicit, 1 *Queichen*, 2 *Coxan*, 3 *Tachang*, 4 *Taning*, 5 *Junyang*, 6 *Van*, 7 *Cai*, 8 *Ta*, 9 *Sinning*, 10 *Leangxan*, 11 *Kienxi*, 12 *Tungbiang*, 13 *Taiping*.

Situs.

Tractus hic terrarum ut fecundus à Sinis commendatur, nec quidquam ibi incultum patiuntur, præter id quod saxosi ac scrupei montes cultorum industriæ surripiunt, præcipue in partibus Septentrionalibus, ubi sæpe spissis crebrisque montibus horret, in quibus ad hæc usque tempora agrestis atque inculta gens degit, Sinis minime subdita. ibi putei salis complures, malorum aureorum, citreorumque, muschi ac perdicum magna copia: fana nobilia tria. Sub *Tuo* Imperatore hæc Regio in duas divisa fuit partes, quarum una pars ad *Leang*, alia ad *King* pertinuit; binas hisce etiam assignavit constellationes Imperator, *Chin* nimirum, & *Te*: sub *Cheva* familia fuit regni *Juso*, sub *Hana Jungning* dicta est, *Tanga* familia primum *Jungan*, mox *Queichen* dixit, quod nomen adhuc servat.

Ad Boream urbis *Chekia* mons est; in quo *Juso* Regum regis civitatis rudera conspiciuntur, ex quadrato secto lapide: prope *Coxan* mons est *Han*, altus ac præceps; ibidem ad ripam *Kiang* fluminis *Co* mons ita dictus, quod characterem *Co* Sinicum representet. *Tulie* mons prope *Van* civitatem, tantæ altitudinis verticem unum extol-

Montes.

S

lit,

Bibliotheca Sinica.

lit, ut ne aves quidem volatu suo umquam superare sint ausæ. Si mons ad occasum est *Van* civitatis, in quo amœnissimum *Sunga* familiæ adhuc viridarium visitur, lacu, silvis ac frugiferis arboribus consitum. *Tunghoa* mons in quo *Ta* civitas; circa *Leangxan* mons est *Caoleang*, qui ad mille stadia excurrit, partim versus ortum, partim versus occasum. *Xebiang* mons ita à muschi copia dictus, *Xebiang* enim muschum significat. in *Go* monte, de quo egi supra, via est acclivis centum & sexaginta stadiorum longitudine.

Flumina.

Cing fluvius ad ortum urbis in *Kiang* influit, ejus origo est ex lacu *Cingyven*, qui centum stadia quadrata continet; dicitur fluvius limpidus, hoc enim *Cing* significat, quia præ reliquis hujus provinciæ fluviiis chrySTALLINAM aquam volvit. Alter lacus magnus est circa *Ta* civitatem, *Vanking* dictus, cujus ripæ Sylvis, agris, floribus ac frugiferis arboribus plenæ sunt, ac pagis frequentes: sunt & multi putei salis ad *Taning* in montibus.

Septima Urbs

L V N G G A N.

L *Unggan* urbs origini *Fen* fluminis adjacet, locus hic totius Provinciæ clavis non immerito dicitur, nam ad propellendam hostium vim accommodatissimus est, unde tametsi tres tantum civitates hic tractus numeret, plura tamen possidet munimenta; civitates sunt, 1 *Lugan*, 2 *Kiangyeh*, 3 *Xeciven*; munimenta ex ipsa mappa perspiciuntur: illud hic non prætereundum, *Xeciven* *Tai* magni illius Imperatoris Astrologi, & primæ *Hiaa* familiæ Imperatoriæ conditoris, fuisse natale solum, unde in tanti viri memoriam nobilissimum erectum fanum conspicitur: hic Imperator hanc regionem provinciæ *Leang* adscripsit, illique dominari *Cing* & *Quei* constellationes voluit, *Cina* familia *Kiang* territorio adnumeravit, *Hana* familia *Inping* vocavit ipsam urbem, *Tanga* *Lungmuen*, *Taiminga* hodiernum dedit nomen.

Montes.

Cung tung mons ad Boream urbis, inde longissimo tractu usque ad *Sifan* terras excurrit, & ad Amasæos usque montes: ad Notapeliotem mons est *Xemuen*, hic limes est inter *Sifan*, sive Prete Joan terras ac Sinas.

Flumina.

Fen fluvius originem habet ad urbis No-

tolybicum, inde longissimo per provinciam tractu descendit, donec cum *Pa* fluvio aquas misceat, simulque ad *Chung King* in *Kiang* fluvium se exoneret.

Octava Urbs

M A H V.

A D Borealem ripam *Mahu* fluvii lacui ejusdem nominis vicina jacet, sed sola sui juris, nulli alteri civitati præest. municipia tamen ac munimenta non pauca adjacent: fuit primum ædificata hæc urbs ab *Hiaouvo* Imperatore, quando per has regiones in Indiam expeditionem suscepit, vocavitque *Jangco*; à *Tanga* familia reliquo deinceps tempore hodiernum habuit nomen, quod equi lacum significat: scribunt enim in lacu visum esse equum, draconis forma, inde lacui urbi ac fluvio nomen factum.

King mons speculum significat, ita dictus à chrySTALLINO fonte, qui oritur ad illius radices. jacet ad occasum urbis, ibidem *Talo* mons, magnorum cervorum dicitur, hoc enim *Talo* sonat, atque illis abundat.

Aquæ hic multæ sunt, sed omnes præter lacum magno aquarum impetu profluunt, adeo ut si in Europa forent, minime navigabiles censerentur, quod tamen Sinica industria, atque improbus labor facile evincit ac superat.

Prima civitas major

T V N G C H V E N.

A B solutis urbibus aliquæ majoris notæ civitates hic addendæ sunt, quæ alias multas sub se continent: hæc quamvis urbis titulum ac nomen magnitudine sua ac incolarum frequentia facile mereantur, non tamen obtinent, ne nimirum hæc Provincia plures urbes urbiumque præfectos habeat, quam *Peking*, & *Nanking*. Prima civitas est *Tungchuen*, quæ octo regit civitates: 1 *Tungchuen*, 2 *Xehung*, 3 *Jenting*, 4 *Chungkiang*, 5 *Suining*, 6 *Fungki*, 7 *Ganyo*, 8 *Lochi*. Tota hæc regio fluminibus scatet, mira ubique fertilitas est, & planities in plurimis locis, magna que aëris salubritas: paucos habet montes eosque non horridos aut saxeos, sed maxima ex parte cultos pagisque frequentes: magnus castanearum ac prunorum ubique proventus, sed & fac-

Saccari
copia &
cultura.

faccari cannas fert, ex quibus plurimum ex-
primitur atque optimæ notæ; licet autem
eas jam pridem antiquitus habuerit, ex iis
faccarum elicere nescivere, à quodam Indo
idololatra sacrificulo edoctos ferunt incolas;
cum enim asinus illius, quo vehebatur, arun-
dinetum esset ingressus, captusque ab agri
domino, qui, nisi alter damnum refarciret,
eum domino restituere noluit, is ut asinum
reciperet, modum quo pacto faccarum
è cannis excoquatur, docuit.

Montes.

Ad *Chunkiang* est mons *Tungquon*, ex
quo cuprum effoditur; & prope *Lochi* est
mons *Ciepuon*, sylvis, aquis, miraque lapi-
dum varietate conspicuus pulcherrimam
omnino picturam referens. Pago *Xinkia* vi-
cinus est, quindecim à civitate distans stadia.

Flumina.

Feu flumen ad occasum est civitatis, & ad
notolybicum flumen *Xe*, cujus origo ebul-
lit prope *Kien* civitatem majorem, varioque
flexu proserpens *Xehung* etiam civitatem
præterlabitur.

Secunda Civitas

M V I C H E V.

AD Austrum metropolis jacet *Mui-
chen*, cujus totum territorium am-
biunt duo brachia *Kiang* fluminis,
ipsa civitas in *Hoan* lacu jacet, cui is pro-
fossa est, & aliquot lapideis pontibus ulte-
riorem ripam connectit; quatuor etiam ha-
bet nobiliora fana, ac quatuor civitatibus
jura dat: 1 *Muichen*, 2 *Pengxan*, 3 *Tan-
leng*, 4 *Cingxin*.

Montes.

Gomui mons pars est *Min* montis, ad
trecenta excurrit stadia, ad hujus usque civi-
tatis Australem partem. Est etiam ad occa-
sum mons *Peping*, cujus vertex noctu qua-
si accensis candelis collucet.

Flumina.

Pexan præterfluit amnis *Che*, qui etiam
Hoanglung dicitur, hoc est croceus dra-
co, nam crocei coloris draconem in eo vi-
sum scribunt *Hana* familiæ temporibus.

Hoan lacus sive circularis dicitur, nam
licet maxima illius pars ad occasum sit civi-
tatis *Muichen*, totam tamen etiam ambit,
& circumquaque ad ripam pulcherrima ha-
bet ædificia, longissimumque lapideum
pontem *Sine*, quæ omnia quasi annulum
constituunt, cujus pala recte dici possit ipsa
civitas.

Tertia Civitas

K I A T I N G.

LAcubus ac fluminibus amœnum ter-
ritorium habet *Kiating* civitas, præ-
stantia ac nobilitate, vix ulla ad *Kiang*
fluvium sita, inferior. Muscho abundat, ory-
za aliisque necessariis. præest aliis septem:
1 *Kiating*, 2 *Gomui*, 3 *Hungia*, 4 *Lai-
kiang*, 5 *Kienguei*, 6 *Jung*, 7 *Gueyuen*; fa-
na nobiliora habet duo.

Ad Boream civitatis mons est *Mien-
kiang*, ubi, cum alibi multis gyret flexibus,
ad radices montis rectissima quasi ducta li-
nea *Kiang* descendit. *Jungte* mons *Jung* ci-
vitati nomen dat; altissimus omnium ac ma-
ximus est eorum qui in hoc territorio sunt:
in eo quatuor & viginti lapideæ domus seu
cavernæ profundissimæ conspiciuntur.

Chocung rivus ad Boream civitatis *Kia-
ting* memorabilis occurrit, scribunt enim
mulierem quandam secundum ejus ripam
ambulantem reperisse arundinem in aqua,
ex qua vocem audiebat, eaqueeducta inve-
nisse infantem in ea latitantem, (sunt enim
hic arundines ac cannæ illæ Sinenses ad in-
star parvi dolii crassitie, quem domum dela-
tum enutrit, qui non ita multo post *Telang*
effectus est, atque in hisce partibus, qua in
occidentem tendunt, *Telang* regno initia
dedit. *Mingyue* lacus parvus est ad ortum
civitatis: prope *Laikiang* est *Ho* Insula
arundinibus ac floribus pulcherrime vestita.

Quarta Civitas major

K I V N G.

K*Iung* civitas major duas alias regit,
1 *Kiung*, 2 *Taye*, 3 *Pukiang*, de qui-
bus nihil singulare occurrit, nisi quod
scribant de *Totan* parvo lacu ad *Pukiang*,
quod in eo *Hoangtius* arti chemicæ, vulgo
Alchimiam vocant, operam dederit: idque
bis mille quingentis eoque amplius annis
ante Christi nativitatem. quare habent et-
iam hic unde antiquissimos natales suæ
scientiæ atque artis accersant *Chemico-
rum* filii, potius quam à fabuloso suo Mose,
aut Maria ejus sorore, ac Pythagoræis, uti
à supposititiis illis Græculis decoctoribus fa-
ctum vidimus.

Quinta

Quinta Civitas major

L I V C H E V.

L *Iucheu* civitatis tractus quatuor civitates comprehendit: 1 *Liucheu*, 2 *Naki*, 3 *Hokiang*, 4 *Kiangnan*. Primaria civitas *Liucheu* jacet ad Borealem ripam *Kiang* fluminis, loco peramœno atque à Mercatoribus multum frequentato. hic enim colligitur plurimum lapidis lazuli, viridisque coloris præstantissimi: habet hæc civitas ædificia quædam publica admodum celebria, quoddam ad ortum civitatis est, ubi duo flumina in unum coeuntia lacum quendam efficiunt: id ad contemplandum lacum à *Sunga* familia exstructum, aulis, musæis coenaculisque multis constans, quod convivia ibi celebrantes frequentant.

Pao mons ad Australem civitatis partem jacet, in quo aer istiusmodi est naturæ, ut illius accolæ febrim numquam timeant, ac tametsi ea laborent, facile sanentur præterquam mense Martio & Aprili: qui enim hisce duobus mensibus febris corripuntur, nullum habent remedium, aut vitæ spem.

Ad notolybicum civitatis mons est *Fang*, cujus vertex in cubum definit, magno *Kiang* flumini vicinus est.

Çu flumen ad partem Boream civitatis manat, à Borea per *Çu* civitatem metropoli subiectam descendit.

rumque veterani sunt milites, aut eorum filii ac nepotes, quibus Imperator Sinicus parentum concedit stipendia, agrosque vicinos viritim distribuit, hac arte eos ab invicem separat, cum bella cessant: ita remuneratur, eosque ad obsequia habet promptos, cum eorum indiget opera, simulque per confinia regni distributi præsidio sunt.

Prima urbs *Ulung* monti, & aurifero *Kinxæ* fluvio adjacet, auro abundat; secunda inter continuos ac horridos jacet montes, in quibus audacissimos capiunt vul- tures.

Eadem fere loci constitutione sita est tertia, at hæc sola in montibus pinea poma producit.

Quarta muscho abundat, complures alit perdices, genusque phaseoli seu fabæ, quam à duritie Sinæ lapideam vocant, hosce fructus arbores ferunt, iique cardiacis doloribus mirifice profunt ac medentur.

Ulung mons ad ripam *Kinxæ* fluminis jacet, per quam ad centum eoque amplius stadia excurrit.

Tain mons & *Umuen* prope *Ufa* sunt, hic pendentia quasi in aëre juga habere videtur, ita incultus & inaccessus horrescit.

Ad *Chinkiang* est *Ulung* mons hominem stantem inclinato capite repræsentans.

Flumen *Kinxæ*, hoc est aureæ arenæ *Tungchuen* transit, ex quo magna vis auri ab incolis colligitur, ac territorium *Hu-mung* ditat.

Sexta Civitas major

Y A C H E V.

Occidentalissima hæc est Tibet regno vicina. quatuor civitatibus jura dat, 1 *Tachen*, 2 *Mingxan*, 3 *Jungking*, 4 *Luxan*; habetque multa munimenta ad Provinciæ custodiam.

Mung mons prope *Mingxan* est, qui quinque vertices in cœlum emittit, in altissimo manna colligunt, quod Sinæ *Pinglu* vocant, hoc est rorem congelatum. *Jungking* montem habet *Kiunglai*, in quo etiam æstate glacies reperitur.

Urbes militares.

Quatuor urbes militares hæc numerat Provincia, 1 *Tungchuen*, 2 *U-mung*, 3 *Ufa*, 4 *Chinhuang*, militares hæc vocantur, quia illarum incolæ ple-

Civitates militares & munimenta.

Hæc munimenta & civitates in Australi præcipue parte exstructa sunt, contra *Queichen* monticolas & agrestes homines, horum locorum nomina hic pono, & inferius si quid notatu dignum reperero, adnotabo. 1 *Po*, 2 *Jungning*, 3 *Tenyang*, 4 *Xequi*, 5 *Yemui*, 6 *Tien-civen*, 7 *Ly*, 8 *Pingchai*, 9 *Sungfan*, 10 *Tieki*, 11 *Kienchang*, 12 *Cienguei*, 13 *Ningpo*, 14 *Tvesui*, 15 *Jencing*, 16 *Hoei-chuen*, 17 *Hoangchuen*, 18 *Jelung*, 19 *Hu-gin*, 20 *Le*, 21 *Vugan*, 22 *Lungyo*, 23 *Sung-guei*, 24 *Cinci*, 25 *Techang*, 26 *Macu*, 27 *Kiungpu*, 28 *Chungco*, 29 *Hoangping*, 30 *Hia*, 31 *Chin*, 32 *Tantang*, 33 *Chao-bing*, 34 *Hien*, 35 *Xesie*.

Prima *Po* civitas rhinoceros alit, melle abundat & cera, *Huunghoang* medicamentum profert. Secunda *Jungning* pomis aureis scatet, equosque generosissimos educat.

Quinta

Quinta *Yemui* suavissimis aëdonibus recreatur. Sexta piscium habet copiam, muschi, & gallinarum laniferarum; earum lana ovina imitatur, parvæ sunt, brevissimis pedibus, audaces tamen ac generosæ & matronis in deliciis. eadem sunt in *Camboia*, at non hæc lana sed plumis vestiuntur. *Cha* etiam herbæ nominatissimæ folium hic colligitur, quod alibi descriptum reperies. Regio *Ly* circumvicina Sinis olim subdita non fuit, sed regum tempore devicta. Decima in montibus sita est ad *Kiang* fluminis originem, optimas vaccas, uti sunt Tibetanæ, alit, hæc caudam habent longissimam, crassiorem, & cincinnatis pilis, quas ad signa militaria exornanda expetunt Sinæ; tapetes etiam hic contexuntur ex animalium pilis, quæ ab undecimo munimento sequuntur usque ad decimum septimum; uni generali præfecto subjecta sunt, *Tusu* Sinæ vocant. Has occidentaliore terras *Hana* fami-

lia Sinico adjecit imperio, extincto aut certe multum imminuto regno *Kiung*; hæc autem terræ pars à montium amœnitate, & pinguedine glebæ, plurimum commendatur, lapide lazulo etiam non caret.

Ad *Ly* civitatem *Juleang* mons est sylvis ac arboribus ita abundans, ut toti regioni affatim lignorum subministret. Prope *Pingchai* mons est *Peçui*, in quo observatum, quod si nix hyberna in illius vertice liquefiat, anni optimi ac fertilis futuri esse signum, contra si nix usque ad æstatem perduret, malum esse augurium. *Tiexe* mons circa *Kienchang* visitur, à ferreis lapidibus nomen habet, ejusmodi enim habet lapides, qui igne liquati præclarissimum destillant ferrum, quod ad acinaces, gladiosque conficiendos aptissimum est.

De fluminibus nihil hic occurrit præter ea quæ habentur in mappis.



SEPTIMA PROVINCIA, HUQUANG.



Nobili-
tus.

Septima hujus extre-
mæ Asiæ Provincia
Huquang, cum cæ-
teris de magnitudi-
ne, amœnitatē ac
fertilitate haud im-
merito certet, ma-
gna ex parte plana
est, lacubus flumi-
nibusque passim irrigua; ab ingenti lacu
Tungeting nomen habet, *Hu* enim lacum
significat, & *Quang* extensum: eandem
magnus *Kiang* fluvius mediam secatur, ac in
Australem Borealemque dividit; olim *Çu*
Regum erat, vocabaturque *King* provincia,
in qua sedem Reges illi potentissimi fixere,
vel ipsis imperatoribus formidandi, illisque
viribus ac potentia pares, aut superiores. Di-
citur vulgari encomio à Sinis *Junichiti*, hoc
est piscium oryzæque terra, quin & Sina-
rum horreum, uti olim Italiæ Sicilia, ob
rerum omnium copiam dicta est, ac præ-
sertim frugum, quas non incolis tantum,
sed & adjacentibus terris ita liberaliter sup-
peditat, ut in proverbium abierit apud Sinas
Kiangsi Provinciæ fertilitatem toti Sinae
pro jentaculo subministrare posse necessa-
ria, *Huquang* vero abunde totam Sinam
posse pascere & saturare. Et sane ea est
agrorum hujus Provinciæ præstantia ac fœ-
cunditas, nihil ut illis addi posse videatur!
sylvæ in montibus complures sunt, frumen-
ti & oryzæ ubique abundantia, pecorum
non exigua vis, piscium vero tanta ut om-
nem superet fidem: hinc minime mirum
celeberrimis eam urbibus quindecim, civi-
tatibus vero centum & octo, adhæc innu-
meris oppidis ac pagis refertam esse, præter
civitates militares ac munimenta.

Termini.

Provinciæ hujus termini Boreales sunt
Honan Provincia, ad Barrolybicum *Xensi*
confinia attingit, ad occidentem eam clau-
dit *Suchuen*, ad Austrum *Quangsi*, ad Notro-
lybicum *Queichen*, versus ortum *Kiangsi*, &
Notapeliotem *Quantung*. Liber numero-
rum apud Sinas recenset in hac Provincia
familias 531,686, viros vero 483,3590, ex-
ceptis his de quibus excipiendis supra egi,
regisque omnibus; quorum numerum
hic apponere volui, cum quam plurimi in

Homi-
num nu-
merus.

hac vixerint Provincia: audiavi enim à præ-
fecto, qui illorum curam gerit supra trecen-
ta millia per totam Sinam sparsa, qui omnes
unius *Hunguvi*, *Taiminga* familiæ auctoris,
posteris sunt: is abhinc ducentis nonaginta
annis, expulsis Tartaris Regnum occupavit,
sed modo iterum (quæ rerum humanarum
vicissitudo est) hæc eadem familia pœne to-
ta à Tartaris extincta est.

Tributum oryzæ est saccorum 2167, <sup>Tribu-
tum.</sup>
559, confecti serici volumina tribuit 17,
977. reliqua ex particulari urbium descri-
ptione petenda.

Prima Urbs seu Metropolis

VUCHANG.

EST *Vuchang* Metropolis ingens urbs,
intra & extra mœnia ædificiorum
splendore nobilis; in ea augustum *Tai-
minga* familiæ Regis, qui inibi sedem ha-
buit, palatium visitur; sana quinque reliquis
magnitudine & sumptibus præstant. Sita
est ad Australem ripam *Kiang* fluminis, ac
quamvis illi non admodum vicina sit, dedu-
ctis tamen hinc inde canalibus tota navigiis
pervia est. Totum præterea territorium ri-
vis abundat, aquisque quibus fertilis ager
redditur: montes habet, ex quibus chry-
stallus eruitur. In ea *Cha* herba colligitur,
maximaque papyri conficitur copia ex nas-
centibus ibi canis, illarumque foliis. Regit
urbs civitates novem, quarum hæc sunt no-
mina, 1 *Vuchang*, 2 *Vuchang*, 3 *Kiayu*,
4 *Puki*, 5 *Hienning*, 6 *Cungyang*, 7 *Tung-
ching*, 8 *Hingque*, 9 *Taye*, 10 *Tungxan*.
Olim Regum tempore *Çu* regnum hic
fuit, in quo populus non Sinicam sed aliam
particularem loquebatur linguam, cujus rei
ex ipso *Cungfutio* habemus testimonium,
ubi ait: Reges si pii esse velint, cum piis ha-
bitare debere, ut qui vult *Çu* linguam disce-
re, *Çu* regnum ingredi, vel cum hominibus
Çu regni vivere debet, nec fieri posse, ut
bonus sit Rex, qui malos habeat assistentes
aulicos, uti nec fieri potest, ut linguam *Çu*
discat, qui semper cum Sinis versatur. *Ha-
na* familia hanc urbem *Kianghia* dixit. U
Rex, qui regiam hic habuit sedem, hodie-
num

Quali-
tas &
situs.

num nomen dedit, à *Sunga* vero familia mutato nomine *Ingchen*, & à *Tanga Vucing*, & à *Taiminga* restituto nomine *Vuchang* dicta est. in hac metropoli templum vero Deo dicatum habuit Societas nostra, quod modo ob personarum defectum sine sacerdote est.

Montes.

Ad Urbis Notapeliotem mons est *Ta-quon*, cujus lapides ac gleba aureo colore micant, collibus & vallibus amoenus est: prope civitatem *Vuchang* mons est ejusdem nominis, in quo olim apparuisse dicitur vir toto hirtus corpore, decem altus cubitos, idque sub *Cina* familia: circa *Kiayu* in ripa *Kiang* fluminis est mons *Chepie*, à magna clade, quam *Caocao* à *Chenyvo* accepit, memorabilis: prope *Kungyang* mons est ingens *Lungciven*, ducentorum plus minus stadiorum, in eoque ingens caverna. *Hinque* civitas montem habet *Chung*, in quo lacus nigerrima aqua, atramento simili, visitur. *Kieuquon* mons, hoc est novem palatiorum, ita dictus quod *Cyngan* Regis filii novem sibi in eo exstruxerant palatia, in quibus litteris operam darent.

Flumina.

Xun lacus duplex prope *Kiayu* unus, alter prope *Puki*.

Han rivus ex montibus *Vuchang* fluit, cujus aqua solito frigidior aërem ibi, etiam in canicularibus, temperat; atque ideo reges supra rivum palatium exstruxere, quod aestatis tempore, ad vitandos nimios calores, inhabitare solebant.

Lo amnis fluit per mediam urbem.

Lu insula est prope *Vuchang* civitatem, in *Kiang* fluvio.

Prope montem *Chepie* insula est *Sanhoa*, *Taye* vicina, in qua *Chenyvus* obtenta à *Caocao* victoria; convivia militibus instituit, mensis omnibus floribus ornatis, inde *Sanhoa* nomen, quod spargere flores significat.

Ex montibus *Taye* aqua decedit, ad altitudinem fere perticarum quadringentarum.

Secunda Urbs

H A N Y A N G.

Situs.

INtra & extra moenia lacus habet *Hanyang* urbs, totaque navigabilis existit, sed & flumina navium patientia totum tractum perluunt: ac tamen duas tantummodo contineat civitates, ea est illius fertilitas, ut multis ditioribus nihil debeat, quippe *Han* fluvio vicina est, eo loco ubi in *Ki-*

ang fluvium se exonerat. magna gaudet rerum advectarum copia, & advehendarum commoditate: capitur hic magna multitudo anserum sylvestrium, omnia reperiuntur malorum citreorum & aureorum genera: multa sunt ædificia rara ac splendida, turrisque altissima, *Xeleuboa* dicta, ad urbis *Barolybicum*, quæ sua præstantia facile cætera omnia superat. Hujus construendæ causam hanc narrant fuisse historiam: Erat nurus quædam maximæ erga socrum observantiæ, hæc cum præparatam opipare gallinam, qua socrum exciperet, aliquando obtulisset, illa vix ea comesta statim mortua concidit; ad tribunal altera quasi propinasset venenum abducitur, accusatur, occiditur, cum ad mortem duceretur forte fortuna arborem pomorum granatorum transiit, ibi apprehenso ramo ita orasse fertur: Si ego socru venenum obtuli, moriatur flos hujus rami; sin autem à me stat innocentia, quam primum fructus proferat. vix hæc absolverat, cum ecce tibi, dictu mirum! ramus pomis granatis onustus apparuit; in hujus rei memoriam communibus impensis turrim ædificarunt cives, quæ hac de causa *Xeleuboa* dicta est, quod granatorum florem significat. *Bina* quæ ab ea reguntur civitates sunt: 1 *Hanyang*, 2 *Hanchuen*. Utrique ab *Han* fluvio nomen obtigit.

Innocentia de-
fensa.

Nullus fere memoratu dignus mons occurrit, præter eum, quem *Kieuchin* vocant, hoc est, novem virginum: namque in eo sorores novem virginitatem perpetuam servasse, & Alchimix deditas fuisse scribunt, credemusne has fuisse Sinarum Musas? mons ipse est ad urbis *Notolybicum*.

Montes.

Intra moenia lacus est *Langquon*; & ad urbis occasum lacus *Taipe*, ad Australes radices montis *Kieuchin*, qui ducentorum stadiorum lacus est.

Flumina.

Tertia Urbs

S I A N G Y A N G.

S*langyang* urbs etiam *Han* fluvio vicina ad occidentalem ejus ripam jacet, tamen non adeo planam, sed montibus asperiores regionem nacta sit, nobilis tamen est, ac dives; tum ob regis præsentiam, quem habuit ex *Taiminga* familia; tum ob magnam auri vim, quæ per hunc tractum colligitur, ex lotis & à rei peritis percolatis arenulis; licet enim fodinas aperire prohibitum sit, omnibus tamen aurum ex fluminibus

Qualitas
& situs.

bus corradere licitum, quantumcumque reperit: ibidem lapis lazulus, ac viridis color & vitriolum effoditur, perdices ubique multæ, & pinorum annularum copia ad domuum columnas in Sinica architectura accommodatissima: præter ingens ac magnificum Regis palatium, ornant etiam hanc urbem tria heroibus dicata fana, regit urbs civitates omnino septem, & ad regionis custodiam aliqua habet munimenta. civitatum nomina sunt 1 *Siangyang*, 2 *Iching*, 3 *Nanchang*, 4 *Caoyang*, 5 *Coching*, 6 *Quanghoa*, 7 *Kiun* o. Ad *Caoyang* utramque ripam fluvii *Han* pons *Soxoang* jungit, in multos arcus divisus, totus è secto lapide à regibus *Guei*, exstructus: olim hic terræ tractus *King* Provinciæ erat sub *Je* & *Chin* constellationibus, *Cheva* familia *Coteng* dixit, hodiernum nomen habet hæc urbs jam inde à *Guei* regibus, qui mœnia urbis ædificarunt.

Montes. Prope *Kiun* civitatem ingens est mons *Vutang*, qui septem & viginti in cœlum attollit vertices, habetque colles acclives sex supra triginta, & stagna seu lacus viginti quatuor. in eo superstitione multa ac magnifica idolorum templa cum sacrificulorum monasteriis: hinc enim reliqui per totam Sinam sacra sua accipiunt, illi nimirum sacrificuli, qui internam idolorum, ac transmigrationis animarum doctrinam sequuntur, per quam moralem animæ à corpore separationem intelligunt, unde continuis speculationibus vacant, uti qui externam metempsychosim credunt, sua jura velut ex impurissimo fonte, ex monte *Tientai Chekiana* Provinciæ petunt, ubi summi sacrificulorum rectores degunt; sed de his dogmatibus Sinicis plenius & uberius, favente Deo, disseram in secunda decade epitomes historiæ Sinensium. In hoc etiam monte herba semper virens, seu semper-vivum nascitur.

Co mons *Coching* civitati nomen dat, in quo arundinum genus nascitur, quod ad tres tantum perdurat annos, & tum nova emissâ arundine antiqua stirps emoritur, vita triennali novaque succrescente sobole quasi contenta.

Flumina. *Han* fluvius ex Provinciâ *Xensi* per terminos hujus urbis hanc ingreditur Provinciam, longoque tractu excurrrens, tandem *Kiang* fluminis aquas auget prope urbem *Hanyang*.

Siang flumen ad urbis Barrolybicum est, in quo animal nascitur equo non absimile,

nisi quod squamosum sit, & ungues ut tigris habeat, ferox est, quod & homines & animalia cætera aggrediatur, id præcipue autumnî tempore tentat, quo frequentius ex aquis egressum terram pervagatur.

Est & *Chinchu* stagnum intra Idolorum fanum ad *Nanchang*, unionum lacus dicitur. nam si ambulantes per illius ripam durius terram percutiant, quam primum undique aquæ globulos emittit ad instar unionum, quod an arte, an à natura proveniat, haud facile dictu est: ad occasum urbis insula est *Kiasung* dicta.

Quarta Urbs

T E G A N.

Tegan urbis tractus sub *Tuo* Imperatore *King* Provinciæ adscriptus fuit sub constellationibus *Je* & *Chin*, urbs ipsa à variis in ea regnantibus varia sortita est nomina. *Cina* familia regibus omnibus extinctis *Nankiun* dixit, *Hana* vero *Kianhia*, *Sunga Ganlo*, *Tanga Ganhoang*, hodiernum nomen à *Sunga* obtinuit familia. Sex sibi subiectas regit civitates, 1 *Tegan*, 2 *Junmung*, 3 *Hiaocan*, 4 *Ingching*, 5 *Sui* o, 6 *Ingxan*. Est in hac regione rarum quid, *Cera* *ra* alba cera, quæ à vermiculis elaboratur eo fere artificio, quo apes favos suos struunt; sunt autem hi favi multo minores ac candidissimi, nec vermiculi culti sunt, aut domestici, sed inculti atque agrestes. ex collectis favis candelas, ut ex communi nostrate cera conficiunt; at longe magis albæ sunt, à magnatibus, quod majori constent pretio, fere tantum adhiberi solent: nam præter candorem odorem etiam suavem emittunt, cum comburuntur, nihilque sordibus inficiunt aut foedant, licet guttæ liquefactæ in vestes incidant; lumen etiam clarissimum, maximeque temperatum reddunt. Urbis territorium claudunt ad Boream montes; ad Austrum flumina, à quibus etiam medium secatur: tria nobiliora fana numerat.

Montes. *Takung* mons omnium maximus ac horridus *Suichen* ad Boream incipit: in vertice lacum continet. prope *Ingxan* est *Tungting* mons, in quo ingens ac inscrutabilis profunditatis caverna visitur. Ibidem *Kie* mons, in quo antiquæ civitatis *Kieyang* adhuc spectantur rudera.

Flumina. *Che* amnis *Sui* civitatem præterfluit, & totam regionem mediam dividit. *Junmung* lacus magnus nongentorum stadiorum ad ortum urbis.

Quinta

Quinta Urbs

H O A N G C H E V.

Situs.

Iacet urbs *Hoangchen* in Boreali ripa *Kiang* fluminis, cujus etiam mœnia lambit, atque adeo frequens populo, ac copiosa urbs est: merces enim ac naves ibi continuo transeunt. nobilitat etiam hanc urbem Rex è *Taiminga* familia; genusque illud serpentis, quod ibi reperitur, quo contra lepam utuntur, ut supra diximus, quod idem inveteratam quoque scabiem tollit; album absinthium, ita ob præstantiam à Sinicis Medicis dictum, etiam hæc regio profert, quo maxime Sinæ ad ustiones utuntur. *Yus* Imperator eodem modo, quo superiorem, hanc regionem distribuit. Regum tempore *Hoang* regnum erat, deinde *Çu* reges occuparunt; *Hana* familia *Silo* dixit, hodiernum nomen jam inde à *Tanga* obtinet familia: habet hæc urbs territorium cultum, præterquam ad Boream ubi horridiores montes incipiunt, cæterum lacubus & fluminibus lætum est, in quo præter munimenta novem includit civitates, 1 *Hoangchen*, 2 *Lotien*, 3 *Maching*, 4 *Hoangpi*, 5 *Hoanggan*, 6 *Kixui*, 7 *Ki*, 8 *Hoangmui*, 9 *Hoangci*.

Antiqua nomina.

Montes.

Cui *Pao* mons ad Boream urbis est, in quo lapilli reperiuntur, qui soli expositi rubescunt, alii vero flavescunt & colorem aliquanto tempore servant, forte uti Bononienses lapilli etiam solis lumen aliquamdiu conservare, & obscuro in loco exhibere possent.

Flumina.

Maching civitas montem *Moling* habet, qui arboribus ac sylvis frequens multa civibus præstat commoda. *Sucu* mons prope *Hoangmui* est, in cuius vertice quatuor nobilissimis Medicis dicatum fanum est, & splendida turtis novizonia. *Ki* amnis *Ki* civitatem præterfluit, illique nomen dat. prope *Hoangpi* lacus est qui *Vu* vocatur, hoc est militaris. fuit enim regum *Naumachia*, est alter lacus major *Uhen* prope *Hoangmui*. è regione autem *Ki* civitatis in *Kiang* fluvio Insula est *Niaoso*: est & *Kinxu* lacus ad ortum *Ki* civitatis, & *Taipe* lacus circa *Hoangmui*.

Loyu fons *Kixui* civitatem celebrem facit: nam pro potu *Cha* conficiendo tertium præstantiæ apud Sinas obtinet locum.

Est & Insula *Pequey*, sive albæ testudinis, in *Kiang* fluvio è regione urbis, ubi miram militi accidisse historiam narrant: qui cum forte ab inimicis in flumen projectus esset,

à testudine in alteram ripam, quasi inter Delphinas *Arion* transvectus est, & scribunt hoc gratæ testudinis fuisse beneficium, quam ille multo tempore enutrierat, liberamque sua sponte dimiserat. fabulæ forte licet hæc sint affinia, illud tamen minime fabulosum permagnas isthic reperiri testudines; sed & aliæ minores pulchræque sunt, quæ pro voluptate domi passim nutriuntur, quandoque magnitudinem aviculæ non superant, vocantur *Loman* testudines.

Testudines raræ.

Sexta Urbs

K I N G C H E V.

Etiam hæc urbs ad ripam Borealem *Kiang* fluminis jacet, & ad Boream ac ortum à lacu *Tung* cingitur, indeque fortissima censetur urbs, & ab inimicorum conatibus incurfionibusque tutissima, inclyta etiam ædificiorum splendore & emporii nobilitate, demum ejusmodi, quæ ab antiquissimis temporibus *Çu* regni fuit regia, tum deinde *Ivenus* *Leanga* familiæ Rex in eadem sedem fixit: amœnum omnino, fertile atque amplum habet territorium, in quo nihil eorum, quæ ad vitam opus sunt, desideres. præest civitatibus tredecim, 1 *Kingchen*, 2 *Cunggan*, 3 *Xexen*, 4 *Kienli*, 5 *Sungki*, 6 *Chikiang*, 7 *Iling*, 8 *Changyang*, 9 *Itu*, 10 *Juengan*, 11 *Quei*, 12 *Hingxan*. 13 *Patung*. In *Tui* divisione superioris quoque locum sortita est: *Hana* familia eam *Kingchen* vocavit, atque hoc deinde nomen tenuit. reperitur hic herba, quam mille annorum vocant, quin & immortalem esse scribunt; hæc aqua macerata, ac epota albos crines in nigros commutat, atque ad vitam producendam conducit: aureorum pomorum etiam hic reperitur copia, optimique lapides, quibus Sinæ atramentum suum tritum ita temperant, ut nostri pictores colores solent. fana heroibus dicata quinque numerat nobiliora.

Situs ac nobilitas.

Memoratu dignus est etiam mons *Fang* prope *Changyang*, qui ejusmodi naturæ esse scribitur, ut vere & autumnus nullus omnino in eo ventus percipiatur, & æstate ventum assiduo è cavernis emittat, ac tempore hyberno venti eodem modo ab extra intra cavernas persilent. Est & *Kien-gang* mons, qui *Kiang* fluvium ingreditur, suisque collibus duplicatis velut aggeribus detinet, navigationemque difficilem ac longam efficit. Prope *Sungki* incipit. *Quei* civitas

Montes.

vitas vicinum montem habent *Çutai*, in quo regum antiquorum Palatium visitur.

Flumina. *Kiang* fluvius prope *Patung*, hanc Provinciam ex *Suchuen* ingreditur.

Lacus *Tung* ad ortum urbis quadraginta stadia occupat; hic piscibus cives alit, & amoenitate recreat, eum enim convivium celebraturi frequentant.

Prope *Chikiang* civitatem insula est *Peli*, hoc est centum stadiorum, olim nonaginta novem insulas minimas fuisse scribunt, dein succrescente arena, aquisque decrescentibus unam insulam constituerunt.

Septima Urbs

Y O C H E V.

Situs ac commoditas. **Y** *Ocheu* urbis territorium ingens lacus *Tungting* medium dividit, pars enim ad ortum, pars ad occasum lacus est, præterea *Kiang* fluvius ad Boream urbis moenia lambit, ubi tria flumina concurrunt, nimirum *Kiang*, *Siang*, & *Fung*, quæ regionem mire fecundam reddunt, ac piscibus opulentam: inde haud mirum, si erudita scriptorum lingua hæc urbs trium fluviorum ostium vociteretur: frequens proinde navium undequaque concursus est, & mercium advectarum magna copia: reperitur lapis lazulus in montibus; aliusque viridis coloris, qui in pulverem redactus præclarissimum colorem viridem pictoribus subministrat. citreorum aureorumque malorum hic vis ingens, rerumque omnium incredibilis abundantia, auget etiam hujus urbis splendorem, regis è *Taiminga* familia palatium. Rex enim in hac urbe vixit, hinc privatorum publicorumque ædificiorum splendor, & tria etiam *Heroum* magnifica fana numerat.

Fuit olim *Sanmao* Dynastiæ, mox in *Lo* regnum evasit, dein *Çu* reges occuparunt, sed *Cina* familia Sinico Imperio restituit; deinde *Sunga* familia *Paling* dixit, *Tocheu* nomen à *Tanga* familia inditum hæcenus conservavit: præest urbs civitatibus octo, 1 *Tocheu*, 2 *Linsiang*, 3 *Hoayung*, 4 *Pingkiang*, 5 *Fung*, 6 *Xemuen*, 7 *Çuli*, 8 *Ganhiang*.

Montes. Ad partem urbis Australem mons est *Pacio*, à magnifico idolorum templo ac cœnobio celebris, quod inter duos parvos lacus situm est.

Kiün mons seu Insula in lacu *Tungting*, ad urbis Notolybicum vergit.

Est & *Uxe* mons Notapeliotem versus, in quo nigri lapilli reperiuntur, quorum pulverem Medici contra gutturis morbos, & anginam præcipue adhibent.

Prope *Linsiang* ingens mons est *Tayun*, in quo ad septuaginta numerantur colles: est & alter mons *Tung*, centum stadiorum dictus, pinorum sylvis conspicuus, nimirum circa *Hoayung*,; ibidem ex *Fangtai* monte talcus seu vitrum Moscoviticum effoditur.

Pingkiang montem habet *Tiengo*, quingentorum stadiorum; in *Tausu* libris inter laudatissimos recensetur ordine vigesimus quintus; in eo centum genera medicarum herbarum Medici Sinenles laudant.

Prope *Ganhiang* mons est *Hoang*, hoc est luteus, nam terra tota ac lapides auri quodammodo colorem referunt, unde etiam *Kinhua* dicitur, sive aureus flos.

Flumina. *Tungting* lacus ingens versus urbis *Notolybicum* incipit, hunc lacum ex inundatione factum scribunt, unde in eo adhuc non paucae sunt Insulae, habitatoribus frequentes, in quibus etiam magnifica idolorum templa, ac monasteria, cum ingenti sacrificulorum numero. una est Insula natis, in qua etiam monasterium ædificatum est; ita enim implicatae atque implexae sibi mutuo arundinum & arborum radices terram sustinent, continuoque succrescentes retinent, nullum ut immineat solutionis periculum.

Est etiam *Kinxia* insula ab aurea arena dicta.

Octava Urbs

C H A N G X A.

IN Orientali ripa *Siang* fluminis nobilis *Changxa* urbs occurrit, cui *Changxa* stellulae, quarum influxui subesse dicitur, nomen dedere, sunt illæ in asterismo *Chin*: est hujus urbis regio partim plana, partim montibus aspera, gleba tota pinguis ac fertilis, aër salubris, magnaque rerum copia: luxuriat ubique oryzae seges, cui etiam siccissima anni tempestate nullus exarescendi metus est, cum ubique lacubus ac fluminibus irrigua sit regio, unde cum desunt pluviae, vel ex fluminibus aquas intra campos deducunt, vel ex lacubus machinis summa arte adhibitis, attollunt agricolae: suo illic tempore, circa mensem nimirum Majum, optimi illi pisces, quos Lusitani *Sauel* vocant, capiuntur, ex montibus minium præclarissi-

Regionis qualitas.

clarissimum seu cinnabaris effoditur. In eadem urbe ex *Taiminga* familia rex sedem habuit, unde ædificiis superbis ac palatio incluta fuit urbs, in eaque sex fana sat magnifica reperiuntur. regit autem undecim civitates, nimirum: 1 *Changxa*, 2 *Siangt'an*, 3 *Siangin*, 4 *Ninghiang*, 5 *Liewyang*, 6 *Liling*, 7 *Jeyang*, 8 *Sianghiang*, 9 *Xeu*, 10 *Ganhoa*, 11 *Chaling*.

Vocabatur olim hæc urbs sub *Cheva* familia *Changxa*, *Sunga* vero *Vugan*. plurimumque tamen *Changxa* nomen obtinuit.

Montes. Ad occasum urbis mons est *Jumo*, hoc est *Talcus*, ex eo enim magna illius copia eruitur, is autem in calcem redactus, vinoque mixtus, epotusque creditur à Sinicis Medicis ad vitam longiorem plurimum conferre; ibidem ad urbis occasum ingens mons est *Tolo*, cum *Heng* montibus continuus.

Prope *Ninghiang* mons maximus est centum & quadraginta stadiorum, *Taguei* dictus. Ad *Liewyang* mons est *Taihu*, qui tres ingentes erigit vertex, in quorum medio lacus est amplus, immensæ profunditatis: ibidem *Xepi* mons est, in quo etiam lacus quadraginta stadiorum, dicitur *Pexa* lacus, ex quo quatuor manant rivi, unus est amnis *Lieu*, reliqui ad *Juping* fluvium tendunt: ibidem mons est *Tungyang*, ex laudatis in *Tausu* libris ordine decimus tertius. *Sucung* mons ad *Xeu* civitatem pertinet, in eo fons est aquæ calidissimæ, & sex supra triginta reperiuntur colles, ac ibidem alii sunt densissimi montes.

Flumina. *Siangyn* præterfluit *Mielo* amnis, ex eo celebris, quod festi apud Sinas *Tuonu* dicti causa fuerit, celebratur hoc festum per totam Sinam magno apparatu, plausuque ac lætitia, quinta die quinti mensis, in memoriam optimi cuiusdam ac fidelissimi præfecti, qui se in *Mielo* fluvium præcipitem dedit, cum à proditoribus peteretur. Erat ille genti, quam regebat, gratissimus ac suavissimus, eam ob rem in ejus honorem eo die ludicra in navibus instituta certamina, celebrataque convivia ab iis, qui quodammodo adhuc præfectum suum videntur quærere; atque ita hæc res increbuit, ut per totam jam Sinam idem passim fiat, quod non nisi uno ante loco fieri erat solitum; pulcherri-
Naumachia
Tuonu. mis deauratisque naviculis, & in varias draconum figuras elaboratis, discursantes certantesque pugnas miscent, nec victoribus sua defunt præmia è publico proposita, magnoque sæpe constantia.

Lofen flumen circa *Xeu* civitatem tran-

sit, à lampretularum, quas alit, præstantia laudatur.

Siangyn vicinum habet lacum *Cingcao* in Boreali nimirum civitatis parte, qui etiam *Tocheu* urbis territorium irrigat, & ibi cum *Tungting* lacu miscetur.

Insula *Kive* est prope *Xehoa*, pomum aureum dicitur, quod illis abundet: ad urbis Boream parva etiam est Insula, *Tungquon* dicta.

Nona Urbs

P A O K I N G .

HUjus urbis territorium montibus scater, præcipue ad Australiorem partem, ubi cum *Quangsi* Provinciæ montibus concurrat, campis tamen & vallibus amœnis non caret: ejusmodi est urbs ipsa ut regem ex *Taiminga* familia habuerit; quinque regit civitates, quæ sunt: 1 *Pao-king*, 2 *Sinhoa*, 3 *Chingpu*, 4 *Vuchang*, 5 *Sining*. Urbs ipsa *Su* fluvio vicina est, nec pauca illi inde commoda: olim erat regni *Su*. *U* reges hisce terris occupatis dixere *Xaoling*, *Tanga* familia vocavit *Xaocheu*, hodiernum nomen dedit *Sunga*: numerat tria magnifica *Heroum* fana.

Lung mons ad Orientalem partem urbis est, quatuor ita æquales vertex per circuitum attollit, ut undique idem videatur: in medio lacus est, ex quo duo rivi fluunt; unus est amnis *Lien* qui ad *Siangkiang* fluit civitatem; alter est amnis *Chao*. Ad *Vuchang* civitatis tractum mons est *Jun*, ex nominatis in *Tausu* libris sexagesimus novus, acclives colles septuaginta & unum numerant. ibidem est *Kinching* mons, ex nominatis sexagesimus octavus. Prope *Sining* mons est *Changmo*, adeo diffusus adituque inaccessus, ut in eo agrestes homines Sinis minime parentes, tuti & sui juris vivant.

Gu amnis in montibus *Vucang* civitatis originem habet, inde per saxa & præcipitia devolvitur, octo & quadraginta locis navigatu difficillimis, quæ tamen omnia superat locus unus ad Boream urbis partem, qui adeo præruptus ac præceps est, ut coacti sint æneam ingentem columnam ibi erigere, ad quam naves alligant, donec necessaria ad ascensum parata habeant, nullus enim aliàs erat modus inter asperissimos montes navim sistendi.

Deci-

Decima Urbs

H E N G C H E V.

Situs.

Ching amnis Australia hujus urbis moenia lambit, à quo & Siang fluvio ad peninsulæ modum pars territorii clauditur: montibus non caret hæc regio, sed plerumque non horridi sunt, ast culti & amœni, præterquam quod fere omnia ad vitam traducendam necessaria habeat, abundat etiam perdicibus, multa papyro, *Talco*, aliisque; argenti fodinæ ditissimam eam redderent, si tantummodo licitum esset illas aperire. fuit olim regni *Çu*, *Hana* familia *Queiyang* vocavit, *U* Rex *Siangtung*, *Tanga Hunan*, hodiernum nomen ab Regibus *Leang* inditum *Taiminga* familia restituit; habet urbs sub se civitates novem, nimirum, 1 *Hengcheu*, 2 *Hengxan*, 3 *Luiyang*, 4 *Changning*, 5 *Gangin*, 6 *Ling*, 7 *Queiyang*, 8 *Linuu*, 9 *Lanxan*.

Montes.

Taceu mons ad urbis occasum argento abundare creditur à suis, olimque in eo fodinas apertas fuisse scribunt. *Heng* mons prope *Hengxan* incipit, & octingenta stadia occupat; duo supra septuaginta in eo vertices numerantur, decem ingentes cavernæ, octo & triginta fontes aquarum, viginti quinque torrentes. Prope *Luiyang* mons ingens est *Heuki*, qui ad septuaginta numerare vertices dicitur. *Ling* civitas vicinum habet montem *Vanyang*, qui trecenta occupat stadia, totus annosis sylvis virefcit. *Xeyen* mons prope *Queiyang* est, lapidea hirundo dicitur, quippe in eo post lapsas pluvias lapides inveniunt, omnino hirundines referentes, imo inter eos mares & foeminas ex colorum varietate Medici distinguunt, & ad medicamenta conficienda adhibent. *Hoayn* mons pulcher aspectu *Linuu* & *Lanxan* civitatum territoria ingreditur, ob raram ejus pulchritudinem & amœnitatem florem vocant.

Flumina.

U amnis ex *Jung* urbe procedit, & ad *Changning* civitatem transit. *Ching* amnis ad urbis Boream fluit, ejus origo ad ortum *Paoking* urbis in montibus est. Est etiam ad ortum urbis lacus aqua profundissima plenus, sed viridi colore imbuta, hanc ad Sincum potum seu vinum ex oryza conficiendum aptissimam ajunt.

Undecima Urbs

C H A N G T E.

Iacet *Changte* urbs inter flumina, magnumque lacum intercepta ad Borealem ripam *Juen* fluvii, qui inibi in lacum aquas suas exonerat. tota fere urbs ipsaque Regio ubique navibus pervia est, parva quidem spatium, sed amœna prorsus ac ferax, quæque rerum ubertate ac præstantia facile multis antecellat; incoluit etiam hanc urbem Rex ex *Taiminga* familia, cujus superbum palatium continet urbs, regitque civitates quatuor, quarum 1 *Changte*, 2 *Taoyuen*, 3 *Lungyang*, 4 *Juenkiang*. Sub *Xanga* & *Cheva* familia, priusquam Sinico subiceretur imperio hanc regionem habitavere *Manyen* populi, sed *Çu* Rex occupavit, & regibus extinctis à *Cina* familia *Kiuchung* nomen habuit, ab *Hana* *Vuling* primum dicta; at postquam perfidus *Hiangyvo* Regem *Çu* occidit, quia populus hujus urbis sortem regis sui miseratus, illi iusta magno omnium ordinum luctu persolverat, tum eadem *Hana* extincto *Hiangyvo* *Iling* civitatem dixit, quod justitiæ terram significat. ab *U* regibus *Vuchen* dicta est, recens nomen quod jam obtinet *Tanga* imposuit familia: tria nobilissima fana numerat, & lapide lazulo abundat, manna ibi quoque colligitur, poma aurea omnis generis profert, inter quæ illa sunt, quæ hyberna à Sinis vocantur. cum enim jam cessant reliqua, hæc primum hyeme maturefcunt, & suavissimi sunt saporis: habent etiam cedros illas, quas idoli manum vocant, extremitates enim illarum in caudulas aliquas ceu in digitos ac pedunculos desinunt. esui apti non sunt, at domi intra cubiculum suspensi suavissimum exhalant odorem, quamobrem sacculos reticulato opere ex serico artificiose contextunt.

Mons *Lo*, hoc est cervorum, quia illis abundat, ad urbis occasum est. *Taoyuen* civitas montem habet *Lolo* vicinum, ex laudatis in *Taosu* libris ordine quadragesimus secundus est. Versus urbis Barolybicum ingens caverna est *Lungmuen* dicta, ante quam pons est ex monte ad montem ab ipsa natura protensus, omnino quadratus, adeo ut unum latus ad duo fere stadia extendatur, sub eo torrens est.

Tungting lacus *Lungyang*, & *Juenkiang* civitatum terminos attingit: ibidem

Situs & qualitas.

Montes.

Flumina.

dem est *Chexa* lacus cum priori concurrans.

Lang amnis est ad urbis partem Australem, ex *Xincheu* urbe venit, dictus *Tven*, ad austrum *Tven* civitatis majoris hanc ingreditur Provinciam; ejus ortus est in Provincia *Queicheu* ad Austrum *Taiping* munimentum.

Kive insula prope *Lungyang* est, viginti prope stadiorum longitudine, aureorum pomorum ferax, à quibus & *Kive* vocatur, hoc est pomum aureum, sive aurantium.

Duodecima Urbs

X I N C H E V.

Situs &
rerum
copia.

Multis magnisque montibus asperam regionem nacta est hæc urbs, ex quibus argenti vivi, lapidis lazuli, colorisque viridis vim magnam colligit: auro præterea argentoque gravidi esse scribuntur. pars montium ab agrestibus, incultisque hominibus occupatur, quos *Sinæ* fabulantur ex animali quodam, (canem fuisse volunt) & filia regis oriundos: illam ajunt trium annorum spatio sex mares, ac totidem fœminas genuisse, qui junctis inter se connubiis huic genti initia dederint. Vocantur hi monticolæ *Vulinman*: credibile est hanc fabulam à *Sinis* effectam, eo quod vix homines esse putent *Sinæ*, eos omnes, qui *Sinæ* non sunt, aut *Sinici* moribus exculti. Fabulam de his canibus superius solum tetigi, sed quandoquidem hujus rei testimonium apud Europæos invenio, totam hic ponere visum est, præmissis prius testimonio. In Itinerario quorundam Monachorum, quod describitur nel secondo volume delle navigationi, & viaggi, raccolto già da M. Gio: Battista Ramusio, a fol. 235, cap. 9, ista invenio: Ritornando per deserti li Tartari, pervennero ad una terra, nella quale, si come alla Corte dell' Imperatore con fermezza ne raccontarono i Clerici Rutheni, & altri, che vi erano stati, ritrovarono certi mostri, li quali hanno specie di femina: & poiche per molti Interpreti hebbero domandato quali fossero gli huomini di quella terra, fu gli risposto, in quel luogo tutte le femine che nascono, ha-ver forma humana, ma gli mascoli di cane: mentre che dimorano in questa terra li cani, nell'altra parte del fiume si congregarono insieme, & essendo d'inverno tutti si gettarono all'aqua, poi rivolgevanli nella sabbia, & così per lo gran freddo si con-

gelava sopra di loro quella materia, & poiche cio molte fiate hebbero fatto, con grand impeto assaltarono i Tartari, i quali gettando saette sopra di loro, pareva che percotessero sassi, conciosia che quelle in dietro rittornavano, ne manco l'altre sue arme li potevano dar noia alcuna. Ma essi cani saltando in mezzo a loro, molti col morder ammazzarono, & così furono scacciati li Tartari dalla sua Patria. Ita autem de origine hujus gentis à *Sinis* scribitur. *Caosinus* Rex quidem bellum contra latronem V habebat, & ad summas jam redigebatur angustias, Ducis enim V virtus militaris omnes artes Regis *Caosini* eluserat, & sæpe clade affecerat, quare inter milites suos edicit, illi, qui V Ducis caput adferret, daturum se viginti millia unciarum argenti, civitatem unam, minoremque filiam in uxorem. Alebat *Caosinus* canem *Puonhu* dictum, hic latronum exercitum ingressus, qui forte in sylva substiterat, V Ducem occidit, & caput ad Regem *Caosinum* detulit, qui de tanto hoste occiso summe lætus, nolebat tamen cani, quæ promiserat concedere, indecens esse dicens, ut animal homini nuberet: *Caosini* filia hæc audiens ait, promissa servanda sunt, & fides Regia non frangenda, atque ita cani nupsit, & trium annorum spatio sex mares, & totidem fœminas peperit, ex quibus caninam hanc gentem progenitam fabulantur *Sinæ*. Olim hic tractus *Su* Regum erat, *Cina* familia *Kiuchung* dixit, *Hana Kingcheu*, *Xanga Luki*, *Taiminga* nomen dedit, quod etiamnum hodie retinet. præest civitatibus sex, 1 *Xincheu*, 2 *Luki*, 3 *Xinki*, 4 *Xopu*, 5 *Juen*, 6 *Kinyang*, 7 *Mayang*.

Tayeu mons ad Barrolybicum urbis jacet, estque ex laudatissimis in *Tausu* libris ordine vigesimus sextus. *Siaoye* mons ibidem est, in quo mille volumina inventa sunt, quæ creduntur ibi abscondita, quando *Xius* Imperator in librorum exitium & incendium conjurarat. Prope *Kinyang* mons est *Locung*, in quo avis vivere dicitur, quæ numquam vocem emittat, nisi cum instat pluvia, estque rusticis illius certum prognosticum: in eodem monte ingens est lacus, quem ad centies mille terræ jugera occupare scribunt.

Xin amnis ad urbis orientalem partem. *Yuen* torrens ad Notolybicum: ad *Luki* Australem partem, ubi inculta gens, de qua dixi in montibus habitat, quinque numerantur rivi, nimirum *Hiung*, *Yeu*, *Yuen*, *Xin* & *Muon*, reliqua sunt ut in mappa.

Decimatertia Urbs

I V N G C H E V.

INter amœnos ac virides montes jacet hæc urbs *Siang* fluvio vicina, omnium hujus Provinciæ Australissima, in qua etiam ex *Taiminga* familia Rex sedem habuit, unde & splendidum illius palatium intra mœnia visitur, ubi etiam pulcherrimus collis est, arboribus ac ædificiis refertus: quatuor etiam heroibus dicata fana. præest urbs civitatibus septem, 1 *Jungchen*, 2 *Kiyang*, 3 *Tau*, 4 *Tunggan*, 5 *Ningyven*, 6 *Jungning*, 7 *Kianghoa*.

Olim Regni *Çu* fuit hæc regio, *Hana* familia *Linling* vocavit, deinde *U* Regum fuit, & *Jungyang* dicta est. nomen quod hodie obtinet, à *Tanga* habet familia.

Montes.

Versus urbis occasum mons est *Kungyo* arundinum copia ac pulchritudine spectandus, prope *Tunggan* omnium altissimus hujus tractus mons est, dictus *Survang*.

Flumina.

Siang fluvius ad Boream urbis fluit, qui in confiniis hujus & *Quangsi* Provinciæ monti *Siang* ortum debet: hujus aqua limpidissima est chrystalloque similis, adeo ut, licet subinde perticas aliquot altitudinis obtineat, calculi tamen omnes lapillique in fundo jacentes videri, numerarique possint.

Siao amnis ipsam urbem ad orientalem ejus partem prope alluit, & ad Boream *Siang* fluvio se miscet. hujus origo est in montibus ad Notolybicum *Ningyven* civitatis, qui *Kieny* dicuntur, ubi datur & lacus *Tien*.

Vt autem reliqua minoris nominis ac notæ taceam, ingens lapsus aquæ prope civitatem *Tau* est, quæ quam mox stagnum efficit, in quo *Lien* flores crocei coloris nascuntur, qui hujus coloris alibi difficulter reperiuntur; eos alibi describo copiosius.

Decimaquarta Urbs

C H I N G T I E N.

YVus Imperator urbis *Chingtien* territorium *King* Provinciæ adscripsit, cui dominari voluit *Je* & *Chin* constellationes; fuit olim Regum *Çu*, dictumque *Ingchung*, *Hana* familia *Junxe* vocavit, hodiernum nomen ac urbis dignitatem statuit *Taiminga* familia, nam antea civitatis tantum titulo gaudebat, nunc septem civita-

tibus imperat, 1 *Chingtien*, 2 *Kingxan*, 3 *Cienkiang*, 4 *Mienyang*, 5 *Kingling*, 6 *Kingmuen*, 7 *Tangyang*. jacet urbs *Han* fluvio vicina ad ripam orientalem, montibus aquisque ceu munitissimo vallo undique circumcincta. Regionem habet rerum omnium ad usus humanos facientium feracem. Sex numerat heroibus dicata fana.

Kingmuen mons prope civitatem ejusdem cum ea nominis; hic fuit olim inter Borealiores Provincias *Çu* Regno pro fortissimo muro ac termino. *Jucui* mons prope *Tangyang* est trigessimus tertius ordine in libris *Tausu*, in eo arbores ac lapides omnes rubri sunt coloris, habetque rivum, qui dulcissimam ac odoriferam aquam volvit.

Montes.

Cienkiang præterfluit flumen ejusdem nominis.

Flumina.

Sinlo fons ob aquæ præstantiam hic recenseri meretur; est in monte *Kingyuen*.

Decimaquinta Urbs

C H I N G Y A N G.

BOrealissima hujus Provinciæ Urbs *Chingyang* est, *Xensi* Provinciæ vicinissima, ex qua accedentes *Han* orientalis fluminis aquas prima excipit: hic fluvius hanc urbem ingenti gyro ac flexu ambit, deinde reliquas alluit hujus Provinciæ terras. Regit civitates septem, nimirum 1 *Chingyang*, 2 *Fang*, 3 *Choxan*, 4 *Xancin*, 5 *Choki*, 6 *Chingji*, 7 *Paokang*.

Sub *Tuo* Imperatore præcedentis sortem ac locum nata est. cum *Çu* Regum esset, *Siekiwe* dicebatur, à copia stanni quæ semper hic reperta fuit, & etiamnum effoditur. inde etiam *Hana* familia *Sie* dixit, hoc est stannum, *Tanga* autem à soli agrorumque fertilitate *Nansung*, quasi Australem fertilitatem dicas, hodiernum nomen à *Taiminga* familia est. Stirps quædam hic nascitur, quæ ut hedera nostra in altum serpit, flores producit luteos & nonnihil albicantes, extremitates ramorum subtilissimæ sunt, velut fila serica: ajunt ramusculum nudæ carni alligatum somnum suavissimum conciliare, ideoque *Munghoa* dicitur, hoc est somni flos.

Antiqua nomina.

Ad urbis Barrolybicum mons est *Tien-sin*, cujus acclives colles veluti mœnia planiciem centum stadiorum ambiunt: hunc locum Medici plurimum frequentant, ut rariores hic herbas Medicas colligant.

Montes.

Prope

Prope *Choxan* est mons *ſanglo*, in quo ſcribunt ruſticum quendam per annos aliquot collegiſſe caſtaneas, ſervaiſſe in futurum, ad occurrendum fami, quam inſtare præviderat; atque ita ruſticis ſuis, ne fame perirent, fuiſſe auxilio.

Nuiqua mons ibidem eſt à muliere *Nuiqua*, quam loco idoli habent ac venerantur, nomen habet, cujus ſuperbiſſimum ibi viſitur templum: hanc tantæ virtutis fuiſſe perhibent, ut contractum cœlum reſtauraret, ferruminaretque, ut Mahometes Lunam ſciſcitet.

Flumina. *Lungmuen* fluvius ad ortum urbis fluit, ubi originem etiam habet in monte ejusdem nominis. prope *Choxan* amnis eſt *Cungyang*, cujus aqua maculas omnes facile eſt veſtibus eximit, & ad ferramenta exacuenda optima eſſe ſcribitur: quod neſcio quid mordacitatis habere videatur. Ibidem eſt *Xangyung* amnis, in quo ingens una catadupa ſeu aquæ lapſus eſt, in quam ſi vel lapidem injeceris, continuo tonitrua ac pluvia ingruit.

Civitas prima major

C I N G C H E V.

Fortiſſimo atque optimo loco jacet hæc civitas, & ſub ſe tres alias habet, quas regit, nimirum 1 *Cingcheu*, 2 *Hoetung*, 3 *Tungtao*, 4 *Suining*. Ejus confinia ſunt *Queichen* Provinciæ montes.

Montes. *Fi* mons præruptus undique ac præceps, acceſſuque difficilis, in vertice tamen quandam habet planitiem.

Fegu mons altiſſimus ac ingens, inter hanc Provinciam & *Queichen* terminus eſt, prope *Tungtao* incipit.

Flumina. Prope *Hoetung* lacus eſt *Cingpo* intra quem ingentes ſcopuli ſunt, ac lapides, quos combibones illi ſubinde aſcendunt ac frequentant, ad ſua inibi celebranda ſympoſia: ibidem rivus eſt *Hiung* à novem efformatus torrentibus *Lang* nimirum, *Vu*, *Hiung*, *Xin*, *Lung*, *Sui*, *Quei*, *Vu* & *Hiung*.

Secunda Civitas.

C H I N C H E V.

Quantung Provinciæ adjacet inter duos amnes *Chincheu* civitas, cujus Regio montibus quidem, non tamen incultis reſerta eſt: ipſa civitas magna frequens ac nobilis eſt, regitque alias quinque civitates: 1 *Chincheu*, 2 *Junghing*, 3 *Tchang*, 4 *Hingning*, 5 *Queiyang*, 6 *Queitung*. hæc ultima à magnifico lapideo ponte in multos arcus diviſo, nobilis eſt, qui totus eſt formatus ex lapide ſecto ad centum & amplius perticas Sinicas extenditur. numerantur in hoc territorio tria etiam nobiliora fana.

Hoangceng mons ad Australem civitatis partem eſt, in quo *Chin* amnis origo eſt. *Pepao* mons eſt prope *Junghing*, altus ac præceps, ſed ab amœno aquæ fonte nobilis.

Ten lacus parvus eſt in monte *Xenieu* prope *Hingning*, hyeme tota in vertice calidiſſimus: huc advolant bis quotannis ſylveſtres anſeres, cum Austrum & Boream petunt, idcirco *Ten* dicitur, quod anſerem ſonat.

Civitates militares.

Sequuntur undecim civitates militares, in quibus militibus intermixti cives habitant, eæ ſunt, 1 *Xi*, 2 *Junghun*, 3 *Paocing*, 4 *Nanguai*, 5 *Xiyung*, 6 *Xangki*, 7 *Lankiang*, 8 *Sanping*, 9 *Junghing*, 10 *Tienkia*, 11 *Junghui*.

Xi civitas *Y* fluvio vicina eſt, aliqua ſub ſe minora caſtra habet; Muſchus ibi colligitur. *Paocing* civitas mercurio ſeu argento vivo abundat.

Kefing mons ſupra nubes aſcendit, inſolito frigore rigescere dicitur, forte ex eo quod aſcendit altius & ad ſecundam aëris regionem pertingit, quam vulgo frigidam vocant.

Tuting mons admodum altus denſusque, amœnos ac fertiles oryzæ habet campos, ſylvaſque valde vetuſtas.

OCTAVA PROVINCIA, K I A N G S I.



AD *Huquang* partem, quā ad ortum spectat, occurrit Provincia *Kiangsi*, priori magnitudine haud multo minor, quamvis illa totius extremæ hujus Asiæ horreum dicatur, hæc non nisi pro uno tantum jentaculo sufficere: hæc, uti & altera, lacum ingentem includit, *Poyang* vulgo vocant, is magnitudine *Tungting* lacui vix cedit.

Iam inde ab antiquissimis temporibus, priusquam Sinico subiecta esset imperio, magna ejus pars ad *Çu* reges, alia ad *V* pertinuit, modo hosce habet limites: ad ortum clauditur à *Chekiang* Provincia, ad Notapeliotem à *Fokien*, ad Austrum *Quangtung* extrema attingit, Borealem partem *Kiangnan* sive *Nanking* tenet, reliqua *Huquang* ambit. Initium Provinciæ, quā ad austrum pertinet, dant densissimi montes; trium quippe Provinciarum radices ac juga montium isthic conveniunt in unum, *Kiangsi* nimirum, *Quangtung*, & *Fokien*; intra quos gens habitat inculta & agrestis, quæque necdum Sinico parer imperio, quin immo audet etiam non raro ex latibulis suis erumpere, prædæque abigere è vicinâ, quamvis nil admodum magnum aut egregium tentare queant, cum ubique castella, ac munimenta suis cum præfidiis sint disposita, ut monticularum insultibus insidiisque obviam eatur. Ut ut autem hanc gentem domare conati sint Sinæ, nihil tamen adhuc efficere potuerunt, ob arctas nimium montium fauces, aditusque inaccessos, quos excipiunt valles amoenissimæ campique egregie culti.

Ea *Kiangsi* Provinciæ præstantia ac nobilitas est, ut tota sit incolis frequentissima, rerumque omnium necessariorum mater fecunda, ubique rivis oppido copiosis, fluminibus lacubusque irrigatur, his ac præterea altissimis montibus ceu munitissimo vallo circumquaque cincta est, auri, argenti, plumbi, ferri, ac stanni venis dives: tanta illic passim hominum multitudo visitur, ut eam capere vix possit ejus magnitudo. Hac

de causa per totam Sinam mures vocitari solent, propter hominum copiam, mulierumque fecunditatem; cum itaque gens hæc adeo copiosa sit, ut domi suæ sedem laremve reperire vix possit, per totam dispergitur, vagaturque extremam hanc Asiam, ad varia vilioraque ministeria, mechanicalque artes, ac illiberales exercendas; præcipue arti sartoriæ, divinationibus, ac sortilegiis multum operæ dant: natura sua parci sunt ac miseri quoad se, tum etiam quoad alios; vix quidquam in suis omnibus splendidum adhibent, multoque plura de illis spargunt dicteria ac scommata Sinæ, quam Europæi, Italique in *Lefina*, ut vocant, sua; adhæc superstitionibus valde sunt addicti, jejunia idololatrarum, & à certis cibis abstinentiam ex doctrina metempsychoseos quamplurimi sedulo observant, adeo ut nihil quod vita utatur ausint occidere, nec ab alio occisum comedere. sunt ex iis, qui per annos integros ossa vaccarum aliorumque animalium abjecta colligant, ut, cum hospites excipiendi sunt, aut adornanda convivia, ea scutellis suis porcellanis imponant, quibus fundum, ad struendas turritas dapes ac fercula more gentis, oppleant, ne nimium ciborum cogantur addere, sumptusque facere majores: ingenio tamen gens præclaro est ac subtili, & plurimi ex iis singulis examinibus litteratorum adipiscuntur gradus, ac tum deinceps ad maximas ascendunt dignitates.

Sed ut ad populi censum numerumque veniamus, familias habere hæc Provincia scribitur 136,3629. viros vero 654,9800. tributum oryzae quod pendit est saccorum 161,6600. Serici non laborati libras solvit 8230, serica confecta volumina 1,1516, quibus reliquarum rerum ac teloniorum vectigalia non adscribo.

Divisa est *Kiangsi* Provincia in urbes magnas atque egregias tredecim, quas totidem dicas minores Provincias, quibus subsunt civitates sexaginta septem, tota lacubus ac fluminibus irrigua, adeoque & navibus pervia est: eam *Can* fluvius totam ab Austro in Boream mediam secatur, sed & hinc vel maxime nobilis est, quod in ea sola, idque non nisi in pago unico, optima ac præstantissima

Viles ac miseri Kiangsienenses.

Numerus rerum ac hominum.

Porcellana ac piscium copia.

Sine montani populi.

tissima vascula illa Sinensia, quæ porcellana dicunt, conficiantur, quæ pagus ille non modo toti huic extremæ Asiæ, sed & reliquo orbi, ea quam jam videmus, copia suppeditat, de quibus fufius mox suo loco. Piscium etiam in hac Provincia vis ingens præcipue salmonum, trutarum, & acipenserum: horum ego unum appendentem centum & sexaginta libras sex Iuliis seu regalibus Hispanicis quandoque emi, & trutam decem librarum triario, seu tribus assibus; sed plura de his sigillatim ad urbes singulas.

Lien florum descriptio.

Quia vero *Lien* florum sæpe mentionem feci, & illis hæc Provincia maxime abundat, breviter hic eos describo, nec enim flores tantum, sed & fructus ficcatos cum reliquis communicat Provinciis: flos hic, qui à Sinis *Lien* dicitur, à Lusitanis *Fula de Golphon*, in aquis stagnantibus, quarum sedimentum limum efficit, crescit, ad duos tresve cubitos, aquæ superficiem supereminet, duris fortioribusque stolonibus adnexus, una sæpe radix plures flores fert, dantur coloris varii, purpurei, albi, mixti, rubri alique similes: lilia nostra magnitudine superant, ac longe magis pulchritudine, cedunt tamen illis odoris, quo carent, fragrantia; tulipam maximam diceret, à qua figura non admodum discrepat, nam etiam cum folia aperit, repandi lili figuram habet, quin & foliis striatis & ab angustis in latitudinem paulatim se laxantibus effigie calathi est, resupinis per ambitum labris, tenuique filo, & stantibus in medio globulis velut lili crocis: post florem fructus sequitur figura plane conica, qui magnitudine palmam manus excedit, crassitie pugnum: coni hujus vertex seu acumen petiolo, cui flos adhærebat, annexum est, basis cælum respicit, in qua folliculi seu domunculae variae sunt, intra quas multiplex fructus continetur, ita ut solus vertex promineat: hujus moles elliptica avellanas, fabasque nostras majores æquat, unde nil mirum si hunc fortasse fructum Dioscorides fabam Ægyptiam dixerit, armatur fructus cortice viridi, molliori tamen, intus nucleus est albus optimique saporis, tum cum recens est, tum cum exsiccatus: à Sinicis Medicis optimæ habetur notæ; magnarumque ad alimentum virium, unde debilioribus cum passim post ægritudinem convalescentibus offerunt: folia stirpis maxima sunt, & plerumque figuræ rotundioris, aquæ superficiem incubantia ac supernantantia, ut nymphae nostrates solent, longioribus petiolis radici alligantur, subinde

ad duorum palmorum longitudinem extensam diametrum habent. sæpe hisce similia folia in stagnantibus etiam Europæis aquis videre me memini, at non item florem aut fructum: hæc folia ubi exsiccata fuerint, olitoribus, scrutariis, aliisque minorum similibus rerum propolis loco papyracei involucra aut cuculli sunt, quibus merces divenditas infarciunt, sed & ipsa radix præclara est, suumque habet usum, quippe ad brachii humani crassitiem sæpe excrevit, duosque aut tres cubitos intra limum subtilissimum delitescit: tota geniculis atque internodiis distincta est ad modum cannarum aut arundinum, cum autem exterior ejus cortex plane integer sit, medulla ipsa seu caro magnis quasi canalibus intus perforata est, caro albilissima carduum nostratem, licet nonnihil magis insipida sit, refert, atque æstivo tempore, quod frigidiuscula sit, in deliciis ac pretio est; unde nihil non in hac planta utile est, ac prorsus res amoenissima integros sæpe videre lacus floridos, non sylvestribus illis minimeque frugiferis, sed manibus hominum satis, domesticisque floribus, quorum cultura singulis annis renovatur, semenque intra ipsas aquas projicitur, quin imo in hortis ac viridariis, & in ipsis palatiorum atriis intra vasa testacea ingentia limo & aqua repleta excolunt, ac educant magnates, illorum tum pulchritudine, tum amoenitate allekti.

Prima Urbs seu Metropolis

N A N C H A N G.

N *Anchang* urbs, quamvis non sit ex maximis illis maximeque celebribus, nobilis tamen est litteratorum multitudine, nec adeo parva, quin ut minimum duo miliaria ambitu suo contineat: in hac, quod nusquam alibi comperi, duo simul reges habitavere è *Taiminga* familia; ac Societas nostra templum sat splendidum, vero Deo consecratum, domumque pro loci opportunitate sat commodum habuit: nisi quod, cum à Tartaris post primam interceptionem iterum defecisset, tota ab iis flammis tradita sit, ita ut præter mœnia vix quidquam integrum remanserit; sed denuo jam restaurata proregem reliquosque magistratus iterum obtinet, non tamen sacerdotem aut templum, quod hætenus operarum non permisit ibi penuria.

Jacet urbs ad magni lacus *Poyang* initium

tium Australe in Insula, quam flumen ipsum efficit, erat antiquis temporibus limnes inter *Cu* & *U* regna; sub *Cina* familia ad *Kieukiang* regionem pertinuit, *Hana* familia *Juchang* dixit, à *Tanga* familia hodiernum habuit nomen, *Sunga* familia illud mutavit in *Lunghing*, sed prius *Taiminga* restituit: ante trecentos plus minus annos urbs fuit regia: nam sacrificulus *Chu*, qui Tartaros è Sina eiecit, hic regis nomen assumpsit vocavitque *Hungtu*, quod magnam regiam sonat, cum deinde tamen multum crevisset victoriis, solium ad *Nanking* regiam transtulit, ac tum antiquum *Nanchang* nomen urbi reddidit: præest urbs civitatibus septem, 1 *Nanchang*, 2 *Fungching*, 3 *Cinhien*, 4 *Fungsin*, 5 *Cinggan*, 6 *Ning* o, 7 *Vuning*. Regio tota agro ac gleba fertili gaudet, nulla pars inculta jacet, cultoribus etiam adeo referta est, nullum fere ut gregibus armentisve locum relinquant, præterquam porcorum, quos ubique intra & extra moenia summa diligentia alunt, adeoque frequentes sunt intra ipsam urbem, ut sæpe per plateas vix transitus pateat, tanta undequaque occurrit porcorum multitudo; inde tamen plateæ minimæ sordidæ sunt, omnia enim porcorum etiam excrementa Sinæ accuratissime colligunt, ac pro agrorum stercoreatione dividendunt.

Fanum
insigne.

Quatuor nobilissima fana continet hæc urbs, sed quod à ferrea columna nomen habet, reliqua omnia superat. hoc in loco, qui extra moenia est, fabulantur olim fuisse virum quendam, qui egenorum complurium necessitatibus succurrerit, multaque populo liberalissime erogarit, quippe qui *Chemica* arte, non fictitium, sed verum argentum elaborarit: addunt præterea, ab eo divinis plane artibus draconem, urbi ruinam minitantem, terra fuisse obrutum, & ad ferream columnam ingentis magnitudinis alligatum, (quæ columna intra fanum adhuc ibi in puteo visitur) demum in coelum eum cum tota domo ac familia evolasse; hac de causa summa gentis superstitione, quam religionem, pietatemque putabant, fanum ipsum exædificatum est, cuius moles plane splendida, ingens, ac augusta est, adjacet illi cœnobium sacrificulorum; ad alterum fani latus nundinæ perpetuæ sunt, in quibus nihil omnino deest, quod desiderare possis.

Montes.

Prope *Fungsin* mons est *Pechang*, è quo ingenti lapsu aqua ad centum perticas decedit; unde nomen monti *Pechang*,

hoc est centum perticarum, inditum.

Prope *Fungching* mons est *Xifung*, in *Taosu* libris ordine trigessimus nonus.

Chan fluvius sive *Can*, ad urbis occasum est, de ejus origine ago alibi.

Versus Notapeliotem urbis lacus est *Tung*, ab optimis piscibus, & limpidissima aqua commendatus.

Poyang lacus ingens ad urbis Barrapeliotem incipit, dicitur etiam *Pengli* lacus.

Circa *Cinhien* Insula est *Lungma*, & ad ortum urbis *Pehoa*, & ad occasum Insula parva *Touxu*.

Secunda Urbs

J A O C H E V.

BOrealem ripam *Po* fluvii occupat urbs *Jaochen*, pulchra sane ac amœna, cujus regio tota plana est, aquisque ac fluminibus irrigua, unde mira regionis fertilitas; regit urbs civitates septem, quarum 1 *Jaochen*, 2 *Yukan*, 3 *Lopin*, 4 *Fenleang*, 5 *Tehing*, 6 *Gangin*, 7 *Vannien*: in hac etiam urbe rex è *Taiminga* familia residebat: at quod maxime eam commendat, est elaboratio ac copia scutellarum Sinensium, quas porcellanas nescio unde petito nomine vulgo vocant, quæ nullibi in toto regno sunt præstantiores quam in pago *Fenleang* civitatis: licet enim alibi terram, ex qua forte confici possint, habeant, nullo modo ad eas accedunt, quæ in hoc pago fiunt, imo quod admiratione dignum, terram ex qua eas efformant, non ex hujus Provinciæ solo hauriunt, sed ex *Kiangnan* Provinciæ urbe *Hoeichen* advectam accipiunt; neque ibi, licet tanta illius adsit terræ copia, ullo modo effingere illas queunt, sunt qui id aquarum temperaturæ adscribant. Ex hoc ergo hujus urbis pago omnes scutellæ illæ ac vasa Sinensia sunt, quæ à rusticis, rudibusque hominibus figlina arte elaborantur, eodem modo quo *Faenses* in Italia; coloris varii sunt, licet omnes ex subtilissima illa argilla, ac aliquantulum diaphana consent, quæ colore illinuntur croceo, variisque draconum figuris illusæ sunt, regio destinantur palatio; pro vulgo fiunt rubræ, luteæ ac cæruleo colore, ad quem effingendum glastum à Sinis adhiberi solet, quod ibi magna reperitur copia, præcipue in Australioribus Provinciis, quo etiam ad tingendas vestes utuntur: quam vero rara ac præclara vasa hic fiant, longum esset re-

Terra
qualis.

Vasa por-
cellanica
unde.

ferre; nullam formam, nullum florem figuramve pinges, qui non eandem ex porcellana argilla apud illos admittat; quanta vero horum vasorum sit copia, facile quis colliget ex ea, quam quotidie videmus in Europa nostra; at miror unde hic increbuerit rumor, ex ovorum testis, aut contusis conchulis marinis præparari hanc materiam, idque ex relatione quorundam centum annorum spatio repositam ab avis pro successuris nepotibus: plane rerum gnaris ridicula sunt hæc & mere commentitia, namque omnia ex terra, quæ ad hunc pagum ex urbe vicina *Hoeichen* advehitur, figlina arte fiunt; terra autem illa non pinguis, ut creta est, sed veluti arenula pellucida, quam macerant, & adpersa aqua in massam coeunt, quin & ex fractis vasculis denuo frusta comminuunt, atque iterum nova vasa efformant, sed hæc ad priorum vix accedunt nitorem, aut pulchritudinem: quod præterea hæc vascula commendat, est quod eduliorum etiam ferventium vim innoxia patiantur, imo quod magis mirandum, frusta inter se claviculis æreis, filoque confuta liquorem continent, nec transmittunt: hujus sutoriarum artis periti totam passim Sinarum obambulant, ii ad foraminula efformanda subtilissimum adhibent terebellum (vulgo dril vocant) cujus cuspis ex adamante est, quali hyalosculptores apud nos fere utuntur, aut ii potius, qui apud Mediolanenses crystallum montanum perforant.

Olim hæc Regio ad *U* Reges pertinuit. *Cina* familia *Poyang* vocavit, hodiernum nomen à familia *Sunga* est: clauditur hæc Regio ad Boream & ortum montibus, ex quibus, qua ad ortum vergunt, porcellana materia eruitur. Memoratu hic dignus pons est *Gangin* civitatis, qui obsequii & obedientiæ pons dicitur: ajunt enim ditissimorum parentum filiam quandam primis nuptiarum diebus amisisse maritum, cumque denuo nubere apud honestas, qualis hæc habebatur, crimen sit ac nefas, viduitatem suam matris, patrisque præsentia solabatur, atque sat æquo animo tolerabat: at illis demortuis cum omnis jam esset expertus solatii, pontem hunc lapideum multis arcibus fornicibusque distinctum exstrui curavit, eoque in opere omnibus magna ex parte consumptis suis opibus, cum absolutum vidisset, ex illo se in aquas præcipitem dedit, ac mox submersa est. Utramque rem pietati adscribunt Sinae, quam potius crudelitati in sese, ac pu-

fillanimitati adscribere debuerant: inde ponti nomen factum *Hiaolie*, hoc est, obedientiæ claritas.

Macie mons Orientalem urbis partem tenet, est ex laudatissimis ordine quinquagesimus secundus. *Xehung* mons prope *Tukan*, lapidea iris vocatur, quod aqua ex illo decidens iridem continuam aspectantibus præbeat. *Cienso* mons prope urbem in ripa lacus. Prope *Tukan* mons est *Hungyai*, qui ad Barrolybicum etiam eundem lacum *Poyang* contingit.

Poyang lacus sive *Pengli* urbis territorium ingreditur, pars ejus ad *Tukan* extensa dicitur *Canglang*, ibidem *Pipa* insula. *Po* flumen ad Austrum urbis profluit, hic originem habet in montibus *Hoeiki* urbis, per hunc arena ad efformanda vasa porcellana naviculis advehitur.

Tertia Urbs

Q V A N G S I N.

Inter densissimos, altissimosque montes, sed non omnino incultos jacet hæc urbs, sunt enim pagis villisque frequentes, ex quibus ad ortum urbis *Xangiao* fluvius originem habet, qui ad Boream hanc transit urbem; sed quia hic tractus trium Provinciarum confinia complectitur, *Kiansi* nimirum, *Fokien*, & *Chekiang*, à latronibus sæpe aliqua detrimenta passus est, qui isthic facile in montibus delitescunt, ab inimicorum tamen conatibus facile defenditur, propter arctissimas montium fauces, per quas tantum patet aditus, in quibus etiam olim præsidia habuit Sinicus Imperator: magna hic ubique fit optimæ papyri copia, candelæ ex bovino sebo nusquam fiunt meliores. tria urbs numerat nobiliora fana; regit civitates septem: 1 *Quangsin*, 2 *Joxan*, 3 *Jeyang*, 4 *Queiki*, 5 *Jenxan*, 6 *Jungfung*, 7 *Hinggan*.

Hic tractus olim partim ad *U*, partim ad *Su* Reges spectabat, sub *Cina* familia ad *Hoeiki* regionem pertinuit. *Hana* familia *Juhan* dixit, *Tanga* & *Sunga* *Sinchen*, *Taiminga* *Quangsin*.

Ling mons ex nominatis in *Taosu* libris ordine trigessimus & secundus; annosis sylvis plenus, floribus ac herbis medicis nobilibus, etiam crystallum optimam producit.

Prope *Jeyang* mons est *Paofung*, in vertice lapideam sustinet domum, cujus altitudo nubes transcendit, ad quem montem etiam

Terra
qualis.

sa por-
lanica
de.

etiam pons antiquissimus est quinquaginta perticarum longitudine.

Siang mons altissimus atque latissime diffusus, ita agris campisque distinctus est, ut planicie haud ita multum cedat; prope *Queiki* est, plurimi in eo sunt pagi. Ibidem est *Lunghu* mons ex nominatis ordine trigessimus secundus, draconis & tigridis nomen habet, duos enim in altum attollit vertices, quorum unus alium velle videtur opprimere: superiorem *Lung*, hoc est draconem, inferiorem *Hu*, hoc est tigridem vocant.

Flumina.

Xangjao flumen ad urbis Boream fluit, ejus origo in *Joxam* civitatis montibus est: inde ad Austrum urbis per ejus territorium fluit, multisque locis superatis *Poyang* lacui se miscet.

Quarta Urbs

N A N K A N G.

Lacui *Poyang* vicina jacet hæc urbs, ad ejus nimirum occidentalem ripam: hic mediam illius regionem secatur, ac in duas dispescit partes: tum à montium, tum ab agrorum fertilitate multum laudatur à Sinis; omnium enim rerum ingens copia hic producitur, campi oryza, frumento, ac leguminibus luxuriant, montes præterea ligna ubi culti non sunt subministrant, lacus ac flumina piscibus totam regionem ditant; quatuor regit urbs civitates, 1 *Nankang*, 2 *Tuchang*, 3 *Kienchang*, 4 *Gany*. Fuit olim Regum *Çu*, *Cina* familia *Kieukiang* regioni adscripsit, *Hana* familia *Pengce* dixit, *Tanga* familia *Kiangcheu*, hodiernum nomen habet à *Sunga*.

Rerum copia.

Multa superbissima habet fana, sed præcipua sunt in montibus superstitione cultis *Quangliu* & *Juenxin*, in quibus innumeri degunt anachoretæ & sacrificuli, quos haud immerito dæmonis martyres aut mancipia jure dixeris. sua quique in ædícula corporis afflictationi maxime ac constanter ad stuporem usque dediti sunt: credunt post hanc vitam felicem se aliquem statum assecuturos, cum nimirum corpora mutaturæ sunt animæ ex illorum sententia: si tantum pro vero Deo facerent plane antiquos illos nostros anachoretas poenis ac cruciatibus sponte susceptis aut æquarent omnino, aut superarent; tot in monte *Quangliu* ædiculas esse ferunt, quot sunt dies in anno. Inter prodigia etiam illud hic haberi solet, quod mons

Anachoretæ.

ille sereno ubique & circumquaque cœlo, semper nebulis aut nubibus oppletus sit, adeo ut ex lacu ægre admodum videri possit, licet illi admodum vicinus sit. In iis montibus multa fana sunt idolorum mole ac multitudine admiranda. pons etiam ingens totus ex secto lapide, qui vallem suis fornicibus, arcubusque subternit; haud procul hinc abest ingens monasterium *Queicung* dictum: producit hæc urbs etiam cannabim, ex qua vestes æstivas contra calorem ac sudorem aptissimas texunt.

Quangliu mons est ex nominatissimis *Montes*. ordine octavus: ad Barrolybicum urbis est, & quingenta stadia occupat, in eo anachoretæ sunt, quos supra recensui.

Prope *Tuchang* mons est *Juenxin*, ex nominatissimis ordine quinquagesimus primus.

Poyang lacus ad urbis Notapeliotem pertingit, hic ejus latitudo stadiorum circiter quadraginta est: longitudo trecentorum esse stadiorum à Sinis perhibetur. *Flumi*

Lien fons ad urbis occasum est, cujus aqua velut pannum ex argenteis filis contextum lapsu suo refert, & exinde triginta efformat rivulos: aqua hæc censetur apud Sinas præstantissima.

Quinta Urbs

K I E V K I A N G.

Kieukiang urbs ingens est, & emporium nobilissimum, ad *Kiang* fluvii Australem ripam jacet, eo in loco ubi cum aquis magni *Poyang* lacus concurrunt: quanta hic assidue navium sit copia ægre credet, qui non viderit, ex hac enim urbe ad mare usque patet exitus, atque isthuc præterea naves pro transitu conveniunt. Licet autem à mari centum plus minus leucis urbs hæc absit, multi tamen ad illam marini capiuntur pisces, acipenser, delphini & salmones; quin & æstium maris, præcipue in pleniluniis & noviluniis sentit: cursus autem fluminis hinc ad mare adeo lentus est, ut vix animadverti, aut observari oculis possit, unde per facile est sublati velis in omnem partem navi facere iter, atque ea hoc magnus *Takiang* in *Tangcukiang* nomen mutat, quod maris filium fluvium sonat, & per antonomasiam, vulgo *Kiang* dicitur, verique magnitudine ac fluctuum mole parentem suum quam proxime imitatur: ad milliare Germanicum ejus plerumque patet

Navium copia.

Kiang fluvius maris.

ret latitudo, at navigatio illic non caret periculo.

Situs.

In hac urbe ditissimum telonium habet hoc imperium, in quo præfecti Regii magna colligunt vectigalia. jacet autem omnino ad Boream ipsius metropoleos, ad Australem partem à *Quangliu* monte clauditur, ad Boream & ortum ab aquis circumdata est; magnifica fana, pulchra & splendida, tum publica tum privata ædificia multa numerat. Regit urbs civitates quinque:

Antiqua nomina.

1 *Kieukiang*, 2 *Tegan*, 3 *Xuichang*, 4 *Hukou*, 5 *Pengce*. Hic tractus jam inde ab antiquis temporibus partim Regum *Çu*, partim *U* fuit; sub *Cina* familia eodem, quo etiamnum hodie, nomine vocitata est; *Hana* familia *Juchang* dixit, *Sujus* Rex iterum *Kieukiang*, *Sunga* familia *Tingkiang*, *Tai-minga* antiquum nomen reddidit.

Montes.

Tacu mons ad urbis Notapeliotem jacet, insulam in lacu efficit.

Poye mons prope *Tegan*, qui triginta stadia occupat, atque ad instar moeniorum magna ex parte civitatem ambit.

Quenlun mons ibidem, in quo lapis tantæ magnitudinis est, ut facile centum homines absque mutuo contactu decumbentes capiat.

Prope *Hukou* mons est *Xechung* dictus, hoc est, lapidea campana; ad hunc quippe montem à vento agitatae atque allisæ undæ boatum ingentem emittunt.

Siaocu mons prope *Pengce* prorsus inaccessus est; jacet in lacu undique aquis septus, ex parte Australi exiguum habet pro navibus stationem: & in magni fluvii ripa, prope *Pengce*, est *Matang* mons multarum navium naufragio infamis; nam si vel minimum à ripis aberrant nautæ, undarum vi abreptæ naves facile ad hosce scopulos allisæ franguntur in partes.

Flumina.

De fluminibus nihil hic occurrit singulare ab iis, quæ habentur in mappis.

Sexta Urbs

K I E N C H A N G.

Situs.

Plendida ac nobilis urbs est *Kienchang*, *Fokien* Provinciæ vicina, montana, sed tamen amoena, ac fertili in regione sita est, qua quinque includit regitque civitates: 1 *Kienchang*, 2 *Sinching*, 3 *Nanfung*, 4 *Quanchang*, 5 *Luki*. Urbem Rex ex *Tai-minga* familia incoluit, dignumque regali magnificentia palatium habuit, sive molem

ædificii spectes, sive splendorem; mira in eo hortorum amœnitas, magnus reliquæ suppellectilis, atque imprimis satellitii, fuit apparatus. Lacus duo urbem hanc ornant, quorum unus intra ipsa mœnia est, alter nonnihil remotior, isque extra, suarum tamen aquarum commoda ac divitias, per canales arte deductos, cum ipsa urbe communicat.

In hac etiam urbe Societas *Jesu* vero Deo templum dicatum habuit, magnumque vidit Christianorum numerum, at modo sacerdote caret, qui inibi sedem aut domum stabilem habeat.

Heroibus dicata fana duo nobilissima obtinet.

Optimus hic conficitur potus ex oryza & *vinum* ipso fere vino Europæo præstantior, *Macu* præclarum. vulgo dicitur, qui inter Sinenfes delicias haud immerito accenseri potest. Oryzam producit adeo præ reliqua totius Sinæ præstantem, ut ad ipsum Imperatorem inde deducatur; eam ob præstantiam argentea grana vocant. Ibidem præclarissimi omnis generis texuntur panni.

Fuit olim Regum *Çu*, sub *Cina* familia ad *Kieukiang* pertinuit, sub *Hana* ad *Juchang*: *Tanga* familia *Kien-vu* dixit, hodiernum nomen habet à *Sunga*.

Macu mons ex nominatis in *Tausu* libris ordine trigessimus sextus, quadringenta stadia occupat, jacet ad urbis occasum; prope *Quanchang* mons est *Chunghoa*, qui totus ex meris fere nudisque constat verticibus, inter quos unus solummodo virefcit, atque arboribus confitus est; in eo magnificum est idolorum fanum.

Lacus intra urbem *Kinquei* dicitur; qui- que extra urbem est, dicitur *Kiao*: prope *Nanfung* etiam lacus parvus est *Vansui*.

Septima Urbs

V U C H E U.

I Ta hujus urbis territorium describit Siniticus Cosmographus: montes habet spirituales, aquas amœnas, jacet inter *Fokien* & *Quantung* extrema; ea est ibi montium pulchritudo & amœnitas, ut vix quidpiam addi posse videatur; ex iis fluvii, rivi- que promanant, qui totam rigant regionem, unde si quæ alia, fertilitate, aërisque salubritate commendanda est. Poma aurea optima producit, alimentorum tantam copiam, nihil ut omnino deesse ad vitam etiam laute sustentandam, queri possis; ædificia

Z

quæ-

quædam habet magnifica, interque ea quinque heroibus dicata fana : ad hanc etiam urbem ex *Poyang* lacu navibus patet iter, ex quo non exigua commoda proveniunt, regit urbs civitates sex, 1 *Vuchen*, 2 *Cunggin*, 3 *Kinki*, 4 *Thoang*, 5 *Logan*, 6 *Tungbiang*.

Montes. Ad orientalem urbis partem mons est, dictus *Tangku*, in quo mirabilem statuam, quæ hominem repræsentat, esse memorant, eam ajunt pro varia aëris futuri temperie varios induere colores, ex quibus accollæ cœli serenitatem, aut pluvias imminentes facile soleant colligere.

Statua mirabilis. *Kinki* ingentem montem *Junglin* vicinum habet, in quo sex supra triginta numerantur vertices : hic usque ad terminos *Quangsin* & *Kienchang* excurrit.

Flumina. *Lienfan* amnis, qui ad urbis Barrolybicum fluit, hic memoratu dignus est, illius enim aquas maxime expetunt Sinae pro clepsydris seu horologiis ex aqua conficiendis, præ reliqua enim hæc minus aëris varietati, mutationibusque censetur obnoxia.

Est & *Mingyo* fons amœnus prope *Kinki*, & in urbis gymnasio lacus *He*, hoc est niger, ita à colore aquæ nigerrimo dictus.

Octava Urbs

L I N K I A N G.

Situs ac amœnitas. **S** Ita est *Linkiang* urbs recta ad occasum antecedentis in *Can* fluminis Boreali ripa, cujus aqua etiam intra urbem introducta non parva præbet civibus commoda: hujus urbis tractus non minus quam prioris amœnus esse, ac ferax à Sinis perscribitur; navium etiam magnam frequentiam habet hæc civitas, quæcunque enim *Can* fluvium enavigant, isthac transire solent. quatuor sub se numerat civitates : 1 *Linkiang*, 2 *Sinkin*, 3 *Sinyu*, 4 *Hiakiang*. Regum temporibus modo *Su*, modo *U* regibus paruit, sub *Cina* familia ad *Kienkiang* pertinuit, sub *Hana* ad *Juchang*, hodiernum nomen jam inde à *Sunga* familia retinuit : tria nobilissima heroibus dicata fana numerat.

Montes. Ad urbis Borealem partem mons est *Comao*, qui est in *Taosu* libris ordine trigessimus tertius, multa in eo rara notarunt Sinae, ex quibus felicissima quæque sibi obventura somniarunt, quæ illic loci adscribere supervacaneum duxi. *Josu* mons prope *Sinkin* est ex nominatis ordine decimus septimus. *Mung* mons prope *Sinyu* altissimus est, ad-

eo ut nubes ipsas videatur transcendere, totus tamen sylvis ac campis amœnus.

Prope *Sinyu* fluit *Yu*, sive *Tven* amnis, *Flumina.* cujus origo prope *Juencheu* urbem erumpit : ibidem lacus est *Funghoang* non admodum magnus, at illud in eo rarum est, quod nec pluvia crescat umquam, nec siccitate decreseat.

Kiafung insula prope moenia urbis est in *Can* fluvio; alia *Pehoa* dicta, intra urbem in ipso lacu est.

Nona Urbs

K I E G A N.

AD occidentalem ripam *Can* fluminis jacet urbs *Kiegan*, ubi *Xepatan* infames scopuli initium habent : ab hac enim urbe hujus fluminis descensus periculis plenus est, & multarum navium sæpius facto naufragio omnino formidandus, oblatentes hinc inde syrtes atque acutissimos scopulos, per quos rapido ac velocissimo cursu flumen devolvitur : decem & octo recensentur loca, in quibus majus subesse creditur periculum, inde *Xepatan* nomen ortum, quod decem & octo præcipitia seu catadupas sonat; has non sine metu enavigavi ipsemet, salvus Dei beneficio & incolumis, quamvis non paucas alias naviculas, quæ misere ad saxa ac scopulos allisæ fuerant, haberem obvias in itinere; solent autem fere pleræque naves peritum ex hac urbe accipere gubernatorem, à quo per hæc loca adeo periculosa deducantur, maximum autem omnino periculum est in loco, quem *Hoangcung* vocant.

Situs. Urbis hujus Regio hinc inde montibus & collibus inæqualis est, sed auro argentoque ii plerumque prægnantes sunt : valles ac campi feraces sunt & amœni, in quibus fere nusquam aquarum penuria, aut à nimia siccitate periculum. habet sub se hæc urbs civitates novem, nimirum 1 *Kiegan*, 2 *Taiho*, 3 *Kiesvi*, 4 *Jungfung*, 5 *Ganfo*, 6 *Lungciwen*, 7 *Vangan*, 8 *Jungsin*, 9 *Jungning*. Priscis temporibus prioris locum ac sortem hæc etiam urbs tenuit. *Kiecheu* nomen primum *Suius* Rex, & *Tanga* dedit familia; at *Taiminga* in *Kiegan* mutavit, nomine à montium felicitate desumpto, *Kie* enim felicitatem sonat.

Mons maximus prope *Ganfo* est, *Un-* *Montes.* *cung* dicitur, qui octingenta terrarum stadia occupat.

Est

Est & *Cien* mons haud procul à *Jung sin*, ingens ac præruptus.

Mie lacus, hoc est lacus mellis, prope *Ganfo* ita dictus à suavissimis, quos alit, piscibus. *Kien* lacus est prope *Kiexui*; *Can* flumen ad ortum urbem præterlabitur.

Lu flumen haud procul à *Kiexui*, ejus origo prope *Jungfung* in montibus est, & ad ipsa moenia duos excipit amnes, *Xanglu* nimirum, & *Hialu*, mox versus occasum fluens, & deinde ad *Barrapeliotem* nonnihil deflectens nomen immutat modo *Luyuen*, modo *Lupo* dicitur.

Kie amnis sive *Ven*, civitatis *Kiexui* territorium pertransit, suisque gyris ac mæandris, hanc fere litteram efformat 吉, quæ *Kie*, hoc est felicitas, dicitur. unde & *Kiexui* civitati nomen, quod felicem aquam significat.

Senting rivus prope *Jung sin* fistula dicitur, eo quod ejus aqua, per saxa velocissimo cursu profluens suave murmur, ac quasi gratam vocem suo decursu efformet.

Decima Urbs

X V I C H E V.

AD Barrolybicum prioris urbis *Hoayang* amni vicina jacet urbs *Xuichen*, fortunata dicitur, quod ipsa vox *Xui* indicat, ab aëre mitissimo ac saluberrimo, agro campisque fecundissimis, quod vel inde facile colligere est, cum sola per sese trecenta millia saccorum oryza pendat pro tributo, cum tamen tres solummodo sub se civitates numeret, quarum 1 *Xuichen*, 2 *Xangcao*, 3 *Sinchang*. Urbis regio undequaque montibus ac sylvis clauditur, qui amoenissimum adspectum præbent, pagi in iis multi, passimque culti, copiosos etiam ubique fere habet rivos, in quibus auri etiam atque argenti ramenta reperiuntur. è montibus quoque lapis lazulus effoditur, & color ille viridis, quem *Xelo* Sinæ vocant. sub *Tanga* familia propter oryzae abundantiam *Michen* dicta est, hoc est oryzae civitas, hodiernum illi nomen à *Sunga* familia est.

Ad partem Orientalem urbis mons est *Tayu*, in cujus pulcherrima sylva magnificum visitur idolorum fanum.

Prope *Xangcao* mons est, *Lingfung* vocant, in quo post diurnas pluvias noctu semper ingens flamma apparet, sicco tempore non item. superstitioni gens illic admodum dedita spiritum montis illam esse credit, ac

proinde splendidum ibi ignis fanum est versus civitatem *Sinchang*.

Cho lacus, aqua constat maxime limpidus, & fere nunquam turbida, prope *Sinchang*.

Xo flumen ad *Xangcao*, ejus scaturigo ebullit circa civitatem *Vançai* urbi sequenti subditam; epotam hujus fluminis aquam multis mederi morbis, constans fama est. intra ipsa moenia fons est aquæ optimæ, *Puensue* dictus.

Undecima Urbs

I V E N C H E V.

N Ec feracitate nec amoenitate hujus urbis regio à superiori diserepat; *Hu-quang* Provinciae, cui admodum vicina est, persimilis; quatuor regit civitates: 1 *Juencheu*, 2 *Fueny*, 3 *Pinghiang*, 4 *Vançai*. Regum tempore modo ad *U*, modo ad *Çu* regnum pertinuit, *Hana* familia *Ichuen* dixit, *Tanga* hodierno insignivit nomine. effoditur hic vitriolum & alumen, heroibus dicata quatuor numerat nobiliora fana.

Mons *Niang*, sive spectabilis, ad australem urbis partem est, spectabilis tantum sive visibilis dicitur, eo quod undique præruptis saxis horridus ob præcipitia & voragines, videri quidem, at non adiri possit; trecenta stadia in ambitu obtinet, ex eo fons emanat, cujus aqua toto anno ita frigida est, ut nemo illam bibere possit, nisi prius aliquanto tempore soli fuerit exposita.

Xo flumen etiam *Kin* dicitur, de eo fuit egi supra.

Tung lacus ad ortum urbis situs, urbis vocatur deliciae, cum enim Sinæ convivia celebraturi frequentant, qua de causa ad ripam palatia variasque aulas habet ad animi relaxationem illis exstructa.

Mingyo lacus veluti pro fossa urbi est, & intra ipsam urbem per plateas ubique navium patiens est, ortum versus cum superiori conjungitur.

Duodecima Urbs

C A N C H E V.

I Acet *Cancheu* ad duorum fluminum *Chang* & *Can* confluentes: qui ad partem moeniorum Boream diffusi lacum quodammodo efformant. vix cedit ipsi metropoli: telonii emporiique nobilitate ac frequen-

Flumina.

Flumina.

Flumina.

Scopuli periculosi.

Regionis amenitas.

Situs.

Montes.

Montes.

Nobilitas ac situs.

frequentia etiam superat, in ea prorex aliquis sedem obtinet ipso prorege Provinciæ nihilo inferior, quatuor enim Provinciarum curam gerit, atque inde denominationem, *Kiangsi* nimirum, *Huquang*, *Fokien*, & *Quantung*, non quod illæ ipsi omnino pareant, sed quod ex singulis binas urbes finitimas gubernet. Ratio autem hujus proregis extra ordinem constituendi fuit, crebra latronum per hanc regionem infestatio: olim enim hic locus latronibus scatebat, & quum facilis in diversas Provincias pateret fuga, (hic enim quatuor Provinciarum montes fere in unum conveniunt,) haud ita facile erat eos deprehendere; eam ob rem constitutus est prorex singularis, (eo quod plurium capitum plerumque variæ sint sententiæ, nullaque consensus,) ablatis ab unoquoque prorege Provinciali binis urbibus, is militaribus instructus copiis, exactisque statutis excubiis, salubri consilio consilia ac vires latronum reprimat; pro stipendio militum alendorum illic publicum telonium institutum est, mercatoribus lubenti animo persolventibus quidquid id est oneris, ut a latronibus tuti, sine metu sua peragant mercimonia.

Pons natus.

Pontem longissimum navibus, quas ad centum & triginta, nisi fallor, numeravi, incumbentem habet, qua ad urbis moenia utriusque fluminis sunt confluentes; naves omnes ferreis catenis sibi mutuo adnexæ sunt, super impositæ trabes, crassique asseres pontem sternunt; in ipso ponte telonium est: una enim ex navibus ita est constituta, ut facile aperiatur, claudaturque pro navium transitu, ubi portorium solverint. Pulcherrima etiam, ac præ reliquis magnifica turris visitur ad ripam fluminis prope *Sinsung* civitatem, (quam ad imitationem septizonii Severi octogonum novizonium soleo appellare) ex sectis lapidibus ad ingentem altitudinem erecta est; verum quia huic similes alias alibi descripsi, nihil hic de ea amplius addam.

Antiqua nomina.

Olim hæc regio U regum fuit, paulo post *Jue*, inde sub *Cina* familia *Kieukiang* dicta, sub *Hana Changcan*, hodiernum nomen impositum à *Sunga* familia hæcenus retinuit. Urbs intus ac foris complura præclara ædificia continet, quæ hic sigillatim referre nimis longum foret; inter ea duo magnifica Heroum fana sunt. Duodecim in montanis plerisque locis regit civitates: 1 *Cancheu*, 2 *Utu*, 3 *Sinsung*, 4 *Hingque*, 5 *Hoeichang*, 6 *Ganyuen*, 7 *Ningtu*, 1 *Xui-*

kin, 9 *Lungnan*, 10 *Xeching*, 11 *Changning*, 12 *Tingnan*.

Sunt in flumine, per quod hic descenditur, egregia molendina, ex quibus facile Sinarum ingenium ac industriam colligas, ad eum fere modum, quo in Italia ac Germania, constructa sunt; iisque etiam ad aquas ex fluminibus ad oryzæ campos deducendas utuntur, ingentibus nimirum atque altissimis rotis, una cum vasculis adnexis, aquarum vi atque impetu elevatis & circum axem agitatis, quæ molæ ut plurimum hic non uni alicui affixæ loco sunt, sed mobiles, unâ cum navibus circumferuntur, ac quo volueris pergunt, moluntque.

Tiencho mons ad urbis Orientalem partem est, in quo noctu lux veluti accensorum carbonum apparet: quidam serpentes esse putant, aut araneos; quos fabulantur pretiosos quosdam, quos capite gestent, evomere lapillos, eosque denuo sorbere.

Prope *Sinsung* ingens ac densissimus est mons *Hiang*, rarioribus medicamentis ibidem repertis nobilis; in eo numerati nonaginta altissimi vertices. Prope *Ningtu* est *Kincing* mons, ex laudatis in *Tausu* libris ordine quintus supra tricesimum. in his ac vicinis montibus numquam alias visas beluas, hominesque omnino sylvestres, ac ferino ritu ibi vitam degere, ajunt Sinae Geographi.

Can flumen originem habet ad ortum *Xuikin* civitatis, inde fluens versus Septentrionem haud procul ab urbe, cui nomen dat, *Chang* fluvium excipit; hic *Chang* fluvius oritur ad occasum *Nangan*, in confiniis *Huquang* provinciæ: qui duo fluvii in unum coalescentes, totam fere Provinciam mediam secant, superataque metropoli *Poyang* lacum augent.

Prope *Lungnan* tria concurrunt flumina, nimirum *Tad*, *Lien* & *Vo*.

Decima tertia Urbs

N A N G A N.

M Axime Australis ultimaque hujus Provinciæ est *Nangan* urbs, cujus moenia *Chang* fluvius radit, unde emporium est frequentissimum; quidquid enim mercium vel *Quantung* ex tota Sina, vel ex *Quantung* in reliquam Sinam devehitur, ad hanc urbem appellere & exponi debet: quippe superato isthic monte, collocantur merces in navibus, ut secundo flumine

Montes.

Flumina.

Emporium frequentissimum.

mine *Chang* ulterius deferantur: alia è navibus ad terram transportantur, ut per montes *Mulin* à bajulis ad ulteriora loca transmittantur, maximeque in *Nanhiung* urbem. quare urbs hæc magna ac dives est, suburbiaque habet ipsa prope urbe majora. numerat sub se civitates quatuor, 1 *Nangan*, 2 *Nankang*, 3 *Xangyeu*, 4 *Cungy*. tria etiam habet nobiliora fana.

Olim regni *U* fuit. sub *Cina* & *Hana* familia, eodem quo superior, loco; hodiernum nomen habet à *Sunga* familia.

Mons *Sihoa*, hoc est flos occidentalis, ad occasum enim urbis est, totus amœnus cultusque est, unde floris nomine haud videtur indignus; ex cæteris nihil admodum memorabile occurrit.



NONA PROVINCIA,
K I A N G N A N,
vulgo dicta
N A N K I N G.



Urbis nobilitas.

Tartari
urbis or-
namenta
destru-
unt.

Uamvis ingens hæc Provincia *Kiangnan*, secundum in hac extrema Asia teneat locum nobilitatis atque ordinis, post primam scilicet *Peking*, in qua Regia est, & ipsa

Imperatorum sedes; una tamen Imperatoris excepta præsentia, nullo modo *Peking* cum nobilissima isthac Provincia comparari potest, quæ sola deest, ut totius hujus extremæ Asiæ palmam ac locum dignissimum obtineat: fuit quidem, priusquam *Pekinum* regia sedes esset translata, antiquorum Imperatorum prisca aula, hic enim *U, Cyn, Sung, Ci, Leang, Chin* & Australis *Tanga* familia sedem stabilem, regiamque fixere, atque illic *Taiminga* quoque regnavit familia aliquanto tempore, donec *Pekinum* migravit, ut sic facilius è vicinia Imperator obviam iret Tartarorum conatibus, si quid forte molirentur: hæc inquam licet ita se habeant, ad nostra tamen usque tempora in hujus Provinciæ metropoli, *Kiangning* modo dicta, palatium Imperatoris, omnesque magistratus uti in *Pekini* Regia, observabantur, conservabanturque; tametsi paulo ante hæc Tartari regia ac revera magnifica Regum palatia, superbissimaque monumenta omnia funditus everterint, ac destruxerint, ut diu conceptum in *Taimingam* familiam odium, ac vindictæ cupiditatem in eam ejusque res omnes evomerent tandem, ac exsaturarent, quod olim ab ea è Sinis turpissime fuerint ejecti. Opera sane quædam adeo illustria, adeoque splendida ut inter orbis miracula haud immerito censerentur: Imperatorum præcipue sepulchra sumptuosissima, quæ mihi non semel movere admirationem, barbarum in morem demoliti sunt; nec his contenti nomen etiam urbis ac Provinciæ immutarunt *Kiangnan* eam loco *Nanking*, & urbem ipsam *Kiangning*, quæ antea *Ingtien*

dicebatur, vocitantes, quin & Regio eam titulo, omnibusque magistratibus aulæ Regiæ debitis privantes.

Accedit ad ejus nobilitatem amplitudo, ac egregia fertilitas, commerciorumque frequentia: quippe quæ totius Sinæ nobilissimas complectatur urbes, quotque fere numero urbes aut civitates sunt, totidem numeret amplissima emporia; tanta hic ubique mercatorum est multitudo, tantus mercium concursus, ut omnem fere superet hominum opinionem, vererique jure merito possim, qui hæc oculis non subjecerint, difficulter inducendos esse, ut fidem adhibeant: laborassem ego sane, ut crederem alteri narranti, nisi ipsemet coram oculis sæpe usurpasssem, ubi enim ipse vidi, obstupui, sæpeque dicere sum solitus: videri mihi omnes totius orbis naves ad hanc unam convenisse Provinciam, si earum numerum ac copiam spectes: cum enim regio tota fluminibus lacubusque irrigua sit, ac in omnes totius extremæ hujus Asiæ partes inde pateat iter, atque omnes fere huc, quocumque demum ulterius tendant, convenire debeant, haud sane mirum videri cuiquam debet, tantam hic adesse navium multitudinem. Etenim ex *Kiang* fluvio vel per naturales alveos, vel per canales arte factos omnia huc tendunt, atque hic ille fluvius est, quem *M. Paulus Venetus Quiang* vocat: hanc Provinciam mediam intersecat, & ex eadem progressus in mare se exonerat per ingens ostium, quod ad plures etiam leucas patet, quodque ingentes quoque myoparones, navesque maximæ, facile subire possint.

Raros hæc Provincia habet montes, si partes Australes excipias; magna ubique ferici copia est, tantundemque gossipii, adeo ut vel unica civitas *Xanghai* cum subditis pagis continere dicatur ad ducenta textorum millia: ex iis pars maxima, imo turba tota gossipio texendo dat operam, quodque magis mirum, maxime eo in opere excellunt

Empo-
rium no-
bilissi-
mum.

Navium
incredi-
bilis vis.

M. Pauli
Veneti.
Quiang
fluvius.

Textores
gossipini.

po-
m no-
ff-
m.

vium
redi-
vis.

Pauli
icti.
iam
ius.

tores
pini.



cellunt mulieres, viri potissimum agris colendis, reliquisque obeundis negotiis occupantur; sunt & ex iis, qui, impeditis gossipina textura matribus, infantes suos veluti nutrices ipsimet curant, educantque. unde minus mirum solam hanc civitatem solvere Imperatori vectigal, idque ex solo gossipio, quod summam faciat ducentorum & quinquaginta millium ducatorum. Quidquid autem in *Nanking* conficitur Provincia, ita aliis alibi factis rebus præstare censetur, ut quasi per antonomasiam res omnes meliores ex *Nanking* esse dicantur, adeo ut vel hoc ipsum solum additum nomen pretium augeat, ac valorem. Lusitani vulgo *Lankin* dicunt, hausto errore à *Fokienfibus*, quibus cum maxime mercaturam exercent, ii cum rudiores in loquendo sint, communissimo gentis illius vitio omnia *N* in *L* mutare solent.

Termini. Hujus Provinciæ termini sunt ab ortu & Notapeliote mare, ab Austro *Chekiang* Provincia, Notolybicum versus à *Kiangsi* Provincia clauditur, ad occidentem *Hu-quang*, ad Barrolybicum vero *Honan* contermina est, reliqua *Xantung* claudit.

Virorum ac tributum numerus. Tota in urbes decem & quatuor, quasi in totidem minores Provincias divisa est, quibus subsunt civitates decem supra centum, minoraque loca pœne innumera: familias in ea numerarunt 196,9816, hoc est duos fere milliones; viros vero 996,7429, seu milliones fere decem. oryzæ tributum excedit saccos 599,5034; serici non laborati sive fili tantum libras solvit 6863; pannos sericos confectos omnis generis 28,452; ex cannabi telæ textæ volumina 2077; pro tributò gossipinò argentum statutum, straminis autem seu fœni fascies ad equos regios alendos 580,4217; salis pondera 70,5100. quæ simul omnia subducta incredibilem pecuniæ summam conficiunt, addo, quod à maximo tributorum præfecto mihi amico in paucis, non ita pridem inaudii; agebat is, hanc unam Provinciam conferre quotannis in ærarium Imperatoris, omnibus supputatis, ad triginta duos milliones ducatorum; neque id adeo mirum, cum præter vectigalia supra recensita quinque portoriorum telonia numeret, omniaque, quæ ex *Nanking* urbe exeunt, aut in eam invehuntur, certum vectigal solvere debeant.

Gentis indoles. Sunt hujus Provinciæ inquilini maxime culti, officiosi & perurbani, præclari & ad studia aptissimi ingenii, litteratos multos imo & Doctores fere singulis assequitur hæc

Provincia examinibus, industrii etiam sunt & sollertes pro manuariis artibus, atque in iis opifices accurati.

In hac quoque Provincia Societas *Jesu* majorem fere quam alibi semper habet Christum colentium numerum, qui facile triginta requirat sacerdotes, cum non nisi tres ibi adsint è Societate nostra: templa

Christiana lex floret.

hic vero Deo sacrata ubique plurima & passim obvia, duo sunt in ipsa metropoli, cætera per Provinciam sparsa nil nisi pastorem petunt. At quandoquidem hæc Provincia ex Australioribus nobilitate prima est, visum hic rem addere ad *M. P. Veneti* intellectionem palmariam. Sciendum imprimis, quod alias insinuavi, hæc novem Provincias à Tartaris communi nomine *Mangin* dici, ac *Venetum* quidem Sinas ingressum, quo tempore contra *Mangin* bella movebant Tartari, cum non ita multo ante

Mangin quid?

Catayum sive Borealiores Sinarum Provincias occupassent, quas non à Sinis, sed à Tartaris orientalibus vi extorserunt Tartari occidentales. *Kin* enim Tartari orientales Sinam ingressi ipsum Imperatorem devicebant, eumque ad Australiores partes petendas fuga compulerant. Ex Sinicis autem historiis patet, *Kin* Tartaros Sinam ingressos multo ante annum Domini millesimum ducentiesimum sextum, per Boreales partes aditu sibi armis patefacto, eo autem demum anno Tartari occidentales *Samahania*, occupatâ magnâ Asiæ parte, post confectum *Mienicum* bellum etiam contra Sinas arma moverunt, per Australes subeuntes Provincias, nam per *Junnam* & *Queichen* in *Su-chuen* Provinciam pervenerunt, & inde per *Sifan* terras, sive *Prete Joan* Regionem transgressi, Boreales Provincias invaserunt, ubi antequam Imperatori Sinico bellum inferrent, prius *Kin* Tartaros è Sina omnino expulerunt: dein varios Imperatores continuata successione à subditis suis electos, per varias Provincias arma circumferentes, sunt persecuti, donec tandem anno millesimo ducentiesimo septuagesimo nono totum Sinicum imperium præmium habuere victoriæ. *Venetus* autem ingressus est primum Sinas anno MCC LXXV, ut satis patet ex

Veneti ingressus ad Sinas quo & quando?

illius scriptis, & vel Boreales Provincias olim Sinarum fuisse ignoravit, illas enim Tartari, qui tempore *M. Pauli Veneti* rerum potiebantur, ab aliis Tartaris acceperunt & non à Sinis, vel Tartarorum more *Catayum* dixit, imo non temere ausim asserere *M. Paulum Venetum* etiam per Australes Provin-

cias

Error de
muro ma-
gno.

cias Sinam primum penetrasse, non per Bo-
reales, quod tum ex scriptis illius demon-
stro, tum quod nullam magni illius muri
faciat mentionem, non ex eo, ut quidam
rentur, quod tum murus ille à Tartaris esset
dejectus, quod falsum esse & ipsa experien-
tia oculis testatissima, & omnes Sinarum
convincunt historiae, sed quod eo usque M.
Paulus non pertigerit; quamvis autem di-
cat Venetus, quod & ista confirmat, se ex
Mangin regno duas solummodo vidisse
Provincias, fallitur meo quidem iudicio,
cum ut minimum quatuor attigerit, uti alibi
demonstro, ubi amplior dabitur de his agen-
di locus; ac quanam fuerit illius *Quinsai*
civitas, *Singui*, *Cingiansu*, multaque alia
clarissime vel ex ipsa ipsiusmet M. Pauli de-
scriptione, vel ex locorum situ ac nomine
ostendam.

Prima Urbs seu Metropolis

K I A N G N I N G,

olim *Ingtien* & *Nanking* dicta.

Antiqua
urbis no-
mina.

Qui primus hujus urbis fundamenta
jecit, fuit Regni *Çu* Rex *Guejus*,
eamque vocavit *Kinling*, quod au-
ream regionem sonat; *Cine* familiae auctor
mutato nomine *Moling* dixit; *U* Reges, qui
in hac urbe Regiam habuere sedem nomi-
narunt *Kienye*; *Tanga* familia *Kiangning*
nomen indidit, quod rursus à *Taiminga*
mutatum in *Ingtien*: at Tartari, qui modo
Sinam occuparunt, nomen repeterent *Ki-
angning*. Sita est hæc urbs, si quæ alia to-
tius hujus extremæ Asiæ, loco soloque amœ-
nissimo, magno *Kiang* fluvio vicina ad orien-
talem ripam, cujus jure merito dubites an
amœnitas an commoditas major sit; neque
enim solum præterlabitur urbem fluvius, sed
arte deductis pluribus in locis urbis canali-
bus, navigiis etiam majoribus ubiq; fere in-
gressum præbet. Urbs hæc ex Sinarum Geo-
graphorum sententia totius orbis urbes non
magnitudine tantum, sed & pulchritudine
superat, & revera, si æqui rerum æstimator-
es esse velimus, paucis omnino judicanda
videtur inferior; si quidem, quod ad interi-
ora spectat, ut plurimum plana est, nisi
quod amœniores hinc inde aliquot collicu-
los includat, plena ubique est palatiis, fanis,
turribusque altissimis, è quibus inter cæteras
una est, quæ sua magnificentia longe illam
superat, quam in *Xantung* Provinciæ civi-

Urbis pul-
chritudo.

tate *Lincing* utcumque descripsi: plurimos
habet hæc urbs pontes lapideos, pluribus
arcubus fornicibusque suffultos; publicis
privatisque ædificiis, cœli salubritate ac clem-
entia, soli feracitate, ingeniorum præstan-
tia, morum cultu ac suavitate, sermonis ele-
gantia nulli alteri secunda. Palatium hic
fuit amplissimum quadrati figura, cujus
unum latus supra milliare Italicum ducen-
tos fere passus continebat, quod totum mur-
us, qui maximam ac præcipuam partem
urbis complectitur, includebat: murus hic
duodecim portis interrumpitur, quas lami-
næ armant ferreæ, & hinc inde bellica tor-
menta; viginti Italica milliaria ambitu suo
continet: accedit huic & tertius urbis mur-
us, non quidem continuata ubique serie
exstructus, sed in iis tantum locis, ubi ma-
jus aliquod imminere videtur periculum,
arsque naturam juvare potest: ejus magni-
tudinem describunt Sinae, cum dicunt per
eandem portam duos manee missos equites,
in contrariam partem procurrare jussos, ve-
speri primum sibi mutuo occurrere, unde
facile urbis vastitas ac magnitudo colligi
potest: præsidium militare quadraginta mi-
litum millibus constabat. Lubens hic taci-
tus prætereo hortos, nemora, lacus aliaque
intra urbem memoratu digna: non tamen
silentio involvenda turris illa in edito quo-
dam colle sita, quam recte Mathematicam
voces, si quidem in ea tria adservantur illius
artis seu scientiæ instrumenta, quibus paria
aut superiora vix vidit orbis totus: Primum
est globus seu sphaera cœlestis suis meridia-
nis, parallelisque distincta; Secundum est
armilla æquatoria triplici constans circulo,
horizonte, meridiano, & verticali circulo
mobili cum suis pinnacidiis: Tertium in-
strumentum est sphaera armillaris nostrati-
bus omnino simillima; quodlibet instru-
mentum duodecim pedum habet diame-
trum, omnia ex cupro sunt inaurato, miro
artificio elaborata: fulcra quibus sustentan-
tur, ære fusili efficti Dracones sunt, adeo ad
amulsum ac affabrè facta omnia, ut nihil in
eo magnopere sit, quod etiam *Tycho* ali-
quis possit desiderare. Trecenti modo &
quingenta effluxere anni, ex quo à Tar-
taris *Juena* familiae isthic sunt collocata;
sed pristinum etiamnum, ac si primum nunc
fabrefacta essent, retinent splendorem.

De his machinis ita *Trigautius*: non Pe-
chini solum, sed & in hac Regia Colle-
gium est Mathematicorum Sinensium, no-
bilius illud ædificiorum mole, quam Astro-
logorum

Palatium.

Murus.

Præsi-
dium.

Instru-
menta
Mathe-
matica.

Trig.
lib. 4.
cap. 5.
fol. 360.

logorum peritia, nam fere ingenium tenue, scientia tenuiore, nihil enim aliud faciunt, nisi quod fastos, & ephemerides suas ad antiquorum calculos revocant, ac, si forte eventus calculos fallunt, dicunt ita quidem ut ipsi supputarunt rem regulariter eventuram prout ipsi prædixerant, sed hunc aberrantium syderum casum aliquam è coelo in terras significationem præmonstrare, quam ipsi deinde pro arbitrato fingunt, errori fucum obtegentes: hi autem non nimum *P. Matthæo* credebant, veriti nimirum ne dignitatem illis eripere conaretur. hoc tandem metu liberati amice Patrem, à quo aliquid discerent, visiterunt; cum ad eos revisendos accessisset, rem sane novam, & opinione sua superiorem spectavit.

Mons est ad unum Civitatis latus intra muros sublimis, in summo monte Area in latum patet contemplandis syderibus aptissima, in Areæ ambitu Ædes sane magnificæ à Collegis habitantur; ea in Area qualibet nocte oportet ex iis unum excubare, & coelestia omnia Phænomena vel Cometas, aut incensos in suprema aëris regione ignes observare, de quibus deinde Regem exactissime moneant, & quid unaquæque res portendat exponant: in Area visuntur opere fusili machinæ mathematicæ sua vel magnitudine vel elegantia visendæ, quibus sane simile quippiam Europa tota nec vidimus, nec legimus. ea jam annos prope ducentos & quadraginta imbres, nives, ac reliquam aëris inclementiam ita patiuntur, ut nihil omnino de pristino splendore amiserint. ea non ingrata digressionem oculis ut potero narrando subiciam, ne desiderium Lectoribus iniecisse, nec videar sustulisse.

Mathematicæ igitur hæ machinæ majores erant quatuor. Prima visebatur ingens globus suis Meridianis gradatim, parallelisque distinctus. hujus globi ambitum tres viros amplecti minime potuisse judicatum est, in immani cubo item ex ære super axem suum insistebat: in cubo porta erat exigua, sed quæ intrando sufficeret ad ipsum globum cum opus esset rotundum: in ejus externa superficie sculptum omnino nihil, non stellæ, non regiones; unde apparet aut nondum fuisse finitum, aut studio ita relictum, ut globi cælestis ac terreni vicem obtineret. Altera machina erat ingens Sphæra non angustior diametro, quam quantum spatii utriusque manus extensione completur, passum geometræ vocant. horizontem habebat, & polos: circulorum porro vi-

cem subibant armillæ quædam duplices, inter quas, quod vacuum erat spatium Sphæra nostræ circulos repræsentabat; hæ omnes in trecentos sexaginta quinque gradus, & minuta pauca dividebantur, in ejus medio terræ globulus nullus videbatur, sed tubus quidam ad instar sclopeti perforatus, quem quaquaversum volvere, & quolibet in gradu, ac elevatione statuere facile erat, ad explorandas eo tubo, velut pinnulis solemus, stellas qualibet, artificio sane non inepto. Tertia machina erat gnomon altior duplo superioris machinæ diametro, statuta in ingenti marmore, ac prælongo ad borealem plagam, tabula autem lapidea canalem habebat in ambitu, ut, aqua in eum canalem imposita, exploraretur esset saxum in plano nec ne, & stilus eo modo, quo in horologiis ad perpendicularum collocatus. credibile est Gnomonem hunc ideo extructum fuisse, ut ejus ope solstitiorum, & æquinoctiorum umbra ad amissim notaretur, nam ideo saxum ipsum, ac stilus in suos gradus distribuebatur. Quarta denique, & omnium maxima stabat machina quædam è tribus quatuorve Astrolabiis ingentibus juxta sepositis, & singula Geometricum passum, qualem descripsi, in diametrum ferebantur; nec illis deerat linea fiducia, vel alio nomine halhilada, sed neque dioptra; ex iis unum æquatorem in Meridiem inclinatum referebat; alterum, quod cum superiore crucem referebat, in Septentrionem & Austrum, Patri visus est esse meridianus, tamen in gyrumolvebatur; alterum erectum stabat ad meridiem, quo circulus verticalis forte intelligebatur, sed hic quoque ut quemlibet verticalem demonstraret rotabatur: & hæc omnia gradus ita distributos habebant, ut in singulis ferreos nodulos prominentes haberent, ut etiam noctu manuum fide gradus ipsi sine luce palparentur. Tota hæc Astrolabiorum machina in area quoque plana è marmore cum suis in gyrum Canaliculis statuebatur; in singulis autem his instrumentis Sinicis characteribus exponebatur quid unaquæque res denotaret; adscriptæ quoque erant quatuor ac viginti Zodiaci constellationes, quæ signis nostris duodecim duplicato numero respondent. Verum in his error erat unus, quod omnia in sexto gradu supra trigessimum poli elevati statuerentur. Vrbs quippe *Nankinensis* in gradu jacere trigesimo secundo, & quarta gradus portione, certius est, quam ut in dubium revocari possit. ac videntur fortasse

hæ machinæ ideo factæ ut alibi collocarentur, sed ab aliquo deinde rerum Mathematicarum minus perito, nulla habita ratione loci, inibi collocatas. Spectavit etiam *P. Matthæus* post annos aliquot similes *Pekini* machinas, aut easdem potius, ita nihil aliæ ab aliis discrepabant, nihil ut dubium videatur ab eodem fufas artifice; & quidem eo tempore fufas constat, quo Tartari Sinis imperitabant, unde non temere conjectare possumus eas ab aliquo externo perito disciplinarum nostrarum fuisse conflatas.

Imperatorum sepulchra magnifica.

Sed & extra ipsam urbem paulisper nobis procedendum est, siquidem antiquorum regum sepulchra paulo accuratius velimus inspicere: amplum ibi pinetum est ad Barrapeliotem, urbis mœnibus vicinum, undique muris cinctum, cuius ambitus ad duodecim patet milliaria Italica, montemque, in quo sepulchra sunt, includit, quæ hic minutatim describere longæ esset operæ, nec proprie huius loci est: regium tamen in hoc nemore templum juvat utcumque hic verbis adumbrare. Opus vere regium est, sive molem spectes, sive operis maiestatem: totum fere, si muros exceperis lateritio opere structos, ex ligno est, in altiori suggestu seu aggere quadratis undique præstructo lapidibus conditum est, scalæ quatuor plurimorum graduum ex solido marmore quatuor mundi plagas respiciunt, per quos ascensus patet; quinque in eo naves sunt, quælibet utrimque duos ordines columnarum numerat, ligneæ quidem illæ, sed teretes omnino sunt, rotundæ ac miro modo lævigatæ, vix unam duorum hominum brachiis ac digitis se contingere nitentium amplexus capit; nec altitudo crassitie aut scapi proportioni deest, quatuor supra viginti cubitorum sunt; his incumbunt transversæ trabes ingentes, supraque has fixæ sunt columnæ minores; tholum denique ac tectum faciunt asseres egregia celatura ornati, auroque decorati. templi portæ sculptis in iis lauris laminisque deauratis obductæ. peristylia exteriora, fenestras, elegantibusque mæandris ac spiris intertextas sculpturas retia è filo ferreo armant, ne insidentes uspiam quidquam foedare possint aviculæ, ita tamen subtilia hæc fila ac retia sunt, ut lucis ingressui nihil officiant; quod in maioribus ædificiis ac regiis præsertim palatiis hic ubique in usu est. in templi meditullio throni duo sunt, affabre omnino constructi pretiosisque adornati lapidibus ac gemmis, in superiori illorum parte duæ videntur sedes, earum alteri insidet rex, dum

sacra facturum, quod uni regi in hoc templo licet, alia ipsi numini vacua relinquitur, (nulla tamen in ea imago est aut statua) quasi ad sacrificium excipiendum adesset. Extra templum in ipsis areis multæ aræ erectæ videntur è rubicante marmore, quæ Solem, Lunam, Sinicos montes ac flumina repræsentant; dicunt Sinæ hæc omnia collocata extra ipsum templum, ut non adorentur ab aliquo, scianturque ab eo condita, quem Imperator in ipso templo veneratur: ad ipsum templi ambitum varia cubacula sunt aut cellæ potius, quas olim balnea fuisse volunt, quibus Imperator sacrificium oblaturus, reliquique adjutores lavabantur; ad hoc templum, & ipsa regia sepulchra, latissimæ patent viæ, utrimque annosæ pinus in quincuncem consitæ, debitoque ac æquali spatio à se invicem distant, harum vel ramum lædere, nedum abscindere olim capitale fuit, in monte vero vix ullum arboris genus est, quod ibi manu consitum non videatur. brevibus hic descriptum habes nemus cum templo, quod ipsemet lustravi, cum enim *Nankini* versarer, curam illius gerebat magnus Eunuchus jam tum Christianis sacris initiatus. De nemore ac sepulchris regie *Pekinensis* maiora utique dicenda, jamque animo concipienda sunt, propter ipsorum Imperatorum inibi præsentiam. at modo tum hæc, tum illa à Tartaris plane vastata ac destructa sunt, arbores omnes excisæ, sepulchra effossa, templa ac palatia diruta, urbs vero ipsa parum aut nihil de prisco illo splendore amisit, præter ipsum palatium regium; adhuc in eo numerantur supra decies centena capitum millia, præter ingens Tartarorum præsidium: ea enim in urbe degit Australium Provinciarum pro Tartaro Imperatore Præfectus.

Ex magno *Kiang* fluvio urbi vicino, in ^{Piscatio copiosa.} eunte Aprili ac Majo mense, pisces admodum copiosos atque optimos capiunt, quos Sinæ *Xiyü*, Lusitani *Sauel* vocant. quo tempore magnus quidam Eunuchus ab Imperatore constitutus est, qui captos pisces vivos, glacieque in navibus destinatis quodammodo sepultos, (quam glaciem per hyemem, uti apud quosdam Europæos mos est, collectam, tota ad id æstate servant) magna cura ad ipsum Imperatorem *Pekinum* usque mittit, & quamvis ultra ducenta milliaria Germanica superanda sint, brevissimo tamen octo, decemve dierum spatio conficiuntur: diu enim noctuque remulco trahuntur naves à destinatis ad id hominibus, novisque

Serica muneris.

Templa Societatis.

Monte.

novisque semper defessis succedentibus, qui designatis ad id locis, ut veredi nostrates, ubique præsto sunt, tabella enim præmittitur, quæ horam diei, qua appulsura est navis, edocet, atque hac in re errorem committere, etiam ipsis præfectis crimen capitis periculo dignum censetur: duæ naves quot hebdomadibus hoc modo submittuntur, quamdiu piscatio tenet. nec sumptibus ullis parcitur, ut delicatissimis illis piscibus pasci possit Imperator, quorum etiam copiam aliquam cum ipsis regiis præfectis communicat. Eodem modo ex hac urbe singulis trimestribus naves quinque amandantur præclarissimis sericis voluminibus ac pannis omnis generis onustæ, quæ in regiam ad Imperatorem ipsum deducuntur, vocantur hæ naves *Lungychuen*, quasi dicas draconis vestium naves, eo quod ipsi Imperatori, cuius insigne dracones sunt, destinantur: his navibus nihil ego in hoc genere aut pulchrius vidi, aut facile reperiri posse existimo, omnes undequaque deauratæ, rubroque colore depictæ miram ostentant elegantiam, ornamentorum splendore locique dignitate his omnes præfectorum, quas supra enumeravi naves, si forte occurrerint, cedunt.

Serica
munera.

Templa
Societatis.

Sed & aliquod huic urbi recentius ornamentum ab ipsa Societate nostra accessit, duo enim hic Deo dicata habet templa sacellumque in colle, cui à S. Michaële nomen est, ipsique Tutelari Archistratego sacrum sacellum: quam plurimi in hac urbe jam pridem verum fidei lumen, Deumque agnovere. Septem regit civitates, 1 *Kiangning*, 2 *Kiuyung*, 3 *Lieyang*, 4 *Liexui*, 5 *Caouxun*, 6 *Kiangpu*, 7 *Loho*.

Montes.

Prope *Kiuyung* mons est *Mao*, qui primum felicitatis ac amœnitatis, in *Tausu* libris, obtinet locum.

Ni mons ad Barrapeliotem est urbis, in eo idolorum fanum est, in quo mille eoque amplius, idolorum statux sunt.

Fang mons versus Notapeliotem urbis, vel hoc solo maxime memoratu dignus, quod à *Xio* Imperatore fuerit perforatus, quo in opere quinque hominum millia defudasse ajunt: audierat enim à montilogis illis impostoribus, quos prosperam adversamve sortem ex montium figuris conjectare alibi diximus, montem hunc alteri futuro Imperatori regnum portendere, eaque de causa, ut fatalem hunc scilicet impediret influxum, montem hunc perforari iussit.

San mons ad Australem urbis partem est, cujus particula *Kiang* fluvium penetrans

compluribus crassis ferreisque catenis circumdata est, ridicule dicunt Sinæ ne aufugiat, at revera, ut navigantes hamis facilius detineant naves, cum enim durissimus sit lapis, vix alio modo allisionem, collisionemque navium impedire possent.

Cienli lacus, sive mille stadiorum, prope *Flumina* *Lieyang*, continuus est cum lacu *Tai*.

Extra urbis portam quam *Taiping* vocant, ad Notolybicum est lacus *Huening*, sed parvus.

Tanyang lacus prope *Liexui*, inde usque ad terminos *Taiping* civitatis pertingit.

Pelu Insula ad Australem urbis partem in fluvio *Kiang*, ex eo celebris, quod non ita procul ab hac Insula sub *Sunga* familia cæsi fugatique fuerint Australium Provinciarum exercitus.

Changcung Insula prope ipsam urbem.

Teuxu Insula parva ad Notolybicum.

Secunda Urbs

F V N G Y A N G .

Y *Vius* Imperator hanc regionem, in *Antiqua* qua modo *Fungyang* urbs est, *nomina* Provincie *Tang* adscripsit, illoque Dominium constellationis *Ten* attribuit: priscis regum temporibus regnum *Tuxan* dictum, hoc loco fuit, dein reges *Su* occuparunt: *Hana* familia ibidem tributarium iterum regnum condidit *Chungli* vocatum, non tamen urbis titulo donatus est locus, civitas tantum erat *Haocheu* dicta. Verum quia sacrificulus ille *Taiminga* familie auctor, hujus urbis erat civis, patriam suam maxime nobilitavit, extenso enim longe lateque pomerio, nova ac fortissima condidit *Urbs am-* mœnia, quæ quinquaginta stadia suo ambitu complent, obscura hætenus ignobiliaque avorum suorum sepulchra mire illustravit, apparatuque regio exornavit, magnis superbisque ædificiis civitatem auxit, auctam urbis titulo donavit, proregem illi suum dedit, duodeviginti civitatibus ut jura daret, voluit, primusque eam *Fungyang*, quod phœnicis nobilitatem sonat, appellavit, demum post regiam nobilissimam instituit: civitates, quibus præest, sunt 1 *Fungyang*, 2 *Linhoai*, 3 *Hoaiyuen*, 4 *Tingyuen*, 5 *Uho*, 6 *Hung*, 7 *Xeu*, 8 *Hokieu*, 9 *Mungching*, 10 *Su*, 11 *Hintai*, 12 *Tienchang*, 13 *So*, 14 *Lingpi*, 15 *Ing*, 16 *Tacho*, 17 *Hao*, 18 *Ingxan*.

Urbis hujus territorium montibus haud *Soli ra-* caret, *tio*.

careat, sed & magna flumina illud rigant ac
foecundant, unde ferax amœnumque habet
solum, eo maxime celebre, quod duos ex
inquinis suis, vilissimo loco ac sorte natos,
ad summam extulerit dignitatem imperii;
primus eorum *Liempangus* fuit nomine, qui
e latronum coetu ac sorte emergens *Cinam*
extinxit familiam, atque *Hanam* condidit.
Hic in Boreali hujus territorii parte natus
est, haud ita procul à civitate *Poi*. Alter fuit
Chu vilissimus sacrificulus, atque exinde la-
tro, qui mox ejectis Tartaris Sinarum audiit
Imperator, ac *Taimingam* instituit fami-
liam. *Ivus* quoque Imperator non parum
hasce terras nobilitavit, quippe qui in civi-
tate *Mao* ab Imperatore *Yano* regulus fue-
rit constitutus: nec Imperatores solum, sed
& Philosophorum auctorem Sinis protulit,
Laösiüm nimirum, qui ante ipsum *Cung-*
futum vixit, & Epicuream sectam aut po-
tius illi simillimam Sinas edocuit, natus di-
citur in civitate *Mao*.

Sita est amplissima hæc urbs in monte,
atque intra ipsa mœnia colles plures inclu-
dit, omnes publicis privatisque ædificiis
conspicuos.

Fana habet rariora heroibus dicata sex.
Talcus in his montibus nascitur, & abfin-
thium, quod Sinæ rubrum vocant, expe-
tuntque pro pharmacis conficiendis.

Jinmu mons prope *Linhoai* est, *Jinmu*
autem *Talcum* significat: à cujus copia
mons ipse dictus est.

Prope *Xeu* civitatem mons est *Cukin*,
in quo ingens auri frustum repertum con-
tra plures morbos fuit adhibitum, unde illud
Chemica arte factum vulgo autumant.

Moyang mons prope *Hiutai* est, mons
pastoris dicitur, quod ibi olim artem pasto-
ritiam virginem pulcherrimam exercuisse
tradant.

Hoai fluvius ingens totum territorium
medium dividit, ejus origo est in Provincia
Honan in montibus *Tungpe* civitatis: inde
profluens hanc Provinciam, ad Boream ci-
vitatis *Hokien* ingreditur, longissimoque
tractu tota superata, prope *Hoigan Crocei*
aquas auget, simulque cum eo turbidus ac
violentus in mare irrumpit.

Fi amnis originem habet prope *So* civi-
tatem ad partem Orientalem lacus, qui sub
colle *Lung* visitur.

Xinglung Insula in fluvio prope *Linhoai*.

Tertia Urbs

S V C H E V.

Primus, qui hasce terras ex Sinis inha-
bitavit, sub *Cheva* familia *Taipens* fuit,
ut fufius narro in mea historiarum epi-
tome, ille enim deductis coloniis ex Bo-
realioribus Provinciis, in his terris sedem fi-
xit, & barbaros ibi ante, incultosque homi-
nes primus coepit excolere. *Vui* dein Impe-
ratoris tempore regiam dignitatem obtinuit
regio, & *U* regnum vocata est; quo rege
extincto, ab *Jue* regibus hic terrarum tractus
fuit occupatus, idque armata vi, sed quæ
humanarum rerum vicissitudo est, haud diu
stetit: siquidem *Jue* quoque reges à *Cu* ex-
tincti sunt, ac rursus regio subacta, demum
Cina familiæ auctor reges omnes debella-
vit, atque has terras *Hoeiki* Provinciæ ad-
scripsit. Primus, qui hanc urbem *Sücheu*
vocavit, fuit *Suius* rex: *Tanga* familia
Changcheu, & *Sunga Pingkiang* dixere,
Taiminga vero *Sucheu* nomen restituit.

Hæc urbs, dum sacrificulus ille *Chu* con-
tra Tartaros arma sumpsit, cum subditis sibi
civitatis, quæ omnes ipsi metropoli ad-
hærebant, egregie multo tempore ac forti-
ter resistit: è principibus enim Tartaris qui-
dam eam contra victricia *Hunguii* arma
aliquamdiu tuitus est, hinc ad hæc usque
tempora, tamquam rebellis olim urbs, imma-
ne pendet tributum, quantum videlicet vix
aliæ duæ integræ solvunt! Provinciæ: sed
tanta soli est fertilitas, tantaque illic mer-
cium copia, ut onus hoc non magnopere
sentiat, censer enim potest inter emporia
totius extremæ hujus Asiæ nobilissima, una-
que ex iis urbibus, quas Sinæ ob divitias,
amœnitatem, ac delicias, orbis paradisum
vocant: illud enim vulgare Sinicum est pro-
verbium: *Xang' yeu rien tang, hià yeu sü*
Hang, hoc est, quod supra est cælum, hoc in
terris est *Sucheu* & *Hangcheu*, de hac secun-
da urbe dabitur in sequentibus agendi lo-
cus, est enim alterius Provinciæ metropolis.
Tota hæc, quam ampla est urbs, in placido
aquæ potabilis flumine constructa est, quod
lacum potius quam flumen dixeris, perinde
hic atque Venetiis ubique in plateis tum ter-
ra tum aqua patet ambulatio; in eo Vene-
tias superat hæc urbs, quod aquam potui
atque usibus humanis aptiorem obtineat:
pontes intus ac foris habet innumeros, non
tot tamen quot metropolis *Hangcheu*; in-
ter.

Viri cele-
bres.

Laösius
philoso-
phorum
auctor.

Situs ac
res illi
propria.

Montes
nobilio-
res.

Flumina.

Urbis ori-
go, & no-
mina an-
tiqua.

Paradisus
Sinarum.

Situs no-
bilissima
Sucheu
urbis.

Empo-
rium no-
bilissi-
mum.

Gentis
indoles.

ter eos multi magnifico opere structi, ex solido lapide omnes, quorum quidam pluribus arcubus assurgunt, alii vero in rivis angustioribus intra ipsam urbem uno sæpe fornice contenti: vici omnes atque ipsa ædificia pinis fistucatione, machinisque alte in ipsum fundum adactis, uti apud nos in uliginoso fundo fieri solet, insistant; ubique fere brachia fluminum canalesve sunt navium capaces, quibus ad mare ab ipsa urbe etiam majoribus navigiis exitus patet: ab eo trium dierum distat urbs itinere, amplo etiam lacui *Tai* vicina est, ex quo flumina procurunt in mare, hinc incredibilis navium, mercium, mercatorumque copia hic continenter visitur. Urbis moenia quadraginta Sinica stadia sua peribolo complectuntur, at si suburbia adnumeret, haud dubium quicentum eoque amplius stadia reperturus sis. nihil hic omnino rerum illarum deest, quæ ad usum vitæ, aut honestas etiam voluptates pertinent: est enim ex hujus Imperii locis celeberrimis, ad quem merces Lusitanorum, Indiæ, Japoniæ, aliæque quælibet aut ab exteris allatæ regnis aut ab ipsis Sinæ advectæ perveniunt, distrahunturque. unde hinc in reliquas Provincias ac urbes tota anni tempore commeatus est frequentissimus, creberrimaque commercia; & ne naves per *Tai* lacum periculum subeant, aggeribus structis ita eum coercuerunt, ut fossam, seu canalem effecerint ex hac urbe ad *Chinkiang* usque, ubi in ipsum *Kiang* prono alveo descenditur, ibique ingenti cataracta hujus fossæ aquæ sustinentur, quam aperiunt clauduntque, prout usus aut necessitas postulat. bona hujus fossæ pars quadrato ac secto lapide strata est ad utramque ripam, ubi vero *Ukiang* versus ab hac urbe patet iter, pons est lapideus trecentorum aut plurium arcuum, per quem navium iter à *Tai* lacu separatur, & per eum remulco trahentes navem commodissime ambulant, ideo enim exstructus est, ne, si ventus cessarit, cogantur naves subsistere.

Hujus urbis incolæ ciborum lautitiis ac cupediis apprime dediti feruntur: obsoniis faccaro, sale, aceto, vinoque condiendis excellunt, butyri ac lacticiniorum vix alibi frequentior usus, imo nullibi nisi in hac urbe butyrum me videre memini: liquor etiam ex oryza expressus, quem vini loco adhibent, nusquam præstantior, *Sanpe* dicitur, hoc est triplicis albedinis, hic per reliquum Imperium *Pekinum* usque defertur: hinc non ita mirum tanta suppetente deliciarum

copia, quosdam plus æquo iis indulgere, ducereque in bonis dies suos & in puncto ad inferna descendere: naves quamplurimæ illic sunt solis illis voluptatibus dicatæ, auro aliisque vivacissimis ac pulcherrimis coloribus exornatæ, quæ magnificæ domus potius quam navigia dicenda; in his helluones isti, ac combibones Baccho Venereque sese mergunt & perdunt. Maxima hic, ut paulo ante dixi, omnis generis mercium copia est, auri, muschi, byssi, pannorum sericorum auro argentoque intertextorum; ex quibus singulis trimestribus, ut ex *Kiangning*, quinq; majores naves regiæ ad Imperatorem holoserica, variaque pretiosa cimelia deferunt. Gens hæc præ cæteris etiam Sinis cultus in vestibus ac capillis, ac vitæ politioris amans est; hæc denique illa est urbs, quam *M. Paulus* Tartarorum more *Singui* vocat: quod patet imprimis, quia ad Orientalem ripam *Kiang* fluminis illam ponit; deinde quia à *Chinkiangsu* abesse eam vult tridui iter, hæc autem ab eo (uti infra latius demonstro) ita prorsus distat; tertio, à *Singui Quinsai* nobilissimam urbem distare scribit spatio itineris quinque dierum: & vere, illa enim urbs, quam *Quinsai* appellat *Venetus*, ab hac eodem distat intervallo, de qua in sequenti agam Provincia.

Lib. 2,
cap. 63.

Cingui autem civitas una ex iis erat, quæ huic urbi erant subditæ, quam ob Alanorum occisionem funditus destruxerunt Tartari; quæ omnia clarius longe patebunt ex Sinensium Historiarum epitome, in qua totum hoc Tartarorum bellum oculis animisque subjiciemus, Deo dante, quam fieri poterit dilucide. Præest urbs *Suchen* civitatibus septem, 1 *Suchen*, 2 *Quenxan*, 3 *Changxo*, 4 *Ukiang*, 5 *Kiating*, 6 *Taiçang*, 7 *Çungming*. In *Changxo* civitate Societas *Jesu* multa tum extra, tum intra urbem habet templa vero Deo dicata, magnum numerum Christianorum, qui plurimum indies augetur, pluribus etiam idolorum fanis, sublati inanum deorum statuis, Deo consecratis.

Habet *Suchen* civitas extra moenia telonium, in quo non merces, sed naves solummodo pro mole sua ac magnitudine certum pendunt vectigal: ab amico mihi hujus telonii præfecto inaudii, quotannis colligi isthic ex portoriis ad millionem ducatorum; ex quo facile est intelligere, quot quantæque naves hoc flumen pertranscant, cum tamen præfectorum naves publicæ, regiæ-

C c

que

que omnes, quæ in ipsam regiam quidpiam convehunt, nihil omnino exsolvant. quantum autem ipsum vectigal sit, quod Imperatori quotannis pendit hæc urbs, assequi ex libris Sinicis aut aliorum relatione nequit, illud pro certo affirmare possum reliquas urbes simul, sola *Kiangning* excepta, non tantum afferre, quantum hæc sola tribuat; solius enim oryzae vectigal ad duos valet ducatorum milliones.

Montes insigniores.

Ad Notolybicum urbis mons est *Lignien*, exiguus, sed compluribus ædificiis spectandus. lacui *Tai* vicinus est.

Sui mons ad fauces *Tai* lacus, in quo magnificum idolorum fanum ac monasterium est; intra civitatem *Changxo* mons *Tu* est, qui per aliquot etiam stadia excurrit versus occasum.

Flumina.

Tai lacus ad urbis Notolybicum est adeo magnus, ut à Sinis triginta sex millia iugerum terræ occupare dicatur.

Xang lacus prope *Changxo* civitatem.

Tungting ingens ac amoenus mons, insulam efficit in lacu *Tai*, multis sacrificulorum cœnobiis celebrem.

Tria flumina ipsam urbem ambiunt ad modum lacus, indeque in varias partes navibus præbent iter: primum eorum *Leu* dicitur; secundum ad *Ukiang* civitatem tendens, *Sung*; tertium *Ufung*, quod versus ortum procedit.

Quarta Urbs

S U N G K I A N G.

Gossipii copia.

SI à *Suchen* abeuntes paululum Notapeliotem versus tendamus, ampla sese nobis offeret urbs *Sungkiang*, ædificiorum splendore illustris; jacet hæc in ipsis etiam aquis, totaque navibus pervia est, à gossipii proventu, telæque ac pannorum gossipinorum copia celebris, quos non modo toti huic vastissimo imperio, in quo communiter hyberno tempore gossipinis vestibis vulgares fere omnes utuntur, sed & exteris subministrat nationibus: de *Xanghai* civitate supra diximus, quæ huic urbi subiecta est; de aliis, ne toties eadem repetere cogar, paria cogitanda; licet enim hæc territorii amplitudine multis aliis urbibus cedat, feracitate tamen ac pinguedine glebæ nulli impar est. Tres tantummodo numerat civitates, quæ omnes & magnitudine, & frequentia hominum, & commerciorum varietate cum amplis urbibus æquiparari pos-

sunt: nomina sunt, 1 *Sungkiang*, 2 *Xanghai*, 3 *Cingpu*.

Urbs ipsa mari vicina est, & in ipso fluminis ostio maritimum munimentum obtinet ac præsidium, hinc etiam naves in *Japoniam* pergunt. Priscis temporibus superioris urbis sortem ac Provinciam nata est, *Tanga* familia *Hoating* dixit, hodiernum nomen ab *Juena* est, uti & urbis titulus; antea enim civitatis tantum privilegiis ac nomine gaudebat, & *Suchen* urbi suberat: tria habet nobilissima fana heroibus addicta.

At quod maxime hanc urbem nobilitat, est ingens Christi fidem ac sacra amplectentium numerus, templaque plurima, in quibus veri Dei cultus quam maxime viget: in sola civitate *Xanghai* sæpius supra viginti Christianorum millia numerata sunt, jamque aliquot pagi integri Evangelii lucem & aspiciunt, & mordicus tenent: ex hac autem ditissima, ac propter vel solum religionis cultum felicissima civitate oriundus fuit nobilissimus ille Doctor Sinicus, celeberrimusque Christianæ religionis Professor *Paulus*, nostræ hujus expeditionis sacræ decus ac columen, numquam ab ullo satis copiose laudandus, qui Christianis Europæis quibuscumque aut invidiam excitare, aut ruborem injicere potuit: Is quippe calcato Sinico Philosophorum fastu, sepositaque omni gentis arrogantia, Christi doctrinam atque humilitatem divitiis omnibus summisque præfecturis anteposuit: longe magis de Dei, divinæque legis notitia, quam de summa post ipsum Imperatorem, quam consecutus erat, dignitate sibi gratulatus. Neque modo minus felix ac inclyta religionis studio hæc urbs est, cum anno millesimo sexcentesimo quadragesimo nono magni illius *Pauli* ex filia nepotem primi ordinis Doctorem adeptus est, pridem Christianis sacris ac moribus imbutum, qui cum adolescens adhuc sit, annum quippe ætatis vix excessit vigesimum, optimaque indole ac ingenio præditus, speramus omnino fore, ut non ad avi dignitatem modo, sed & pietatem, ac Christianæ religionis propagandæ studium aut accessurus, aut, quod tamen difficile, etiam superaturus. adderem magni illius *Pauli* breve elogium, nisi id jam à *R. P. Alvaro Samedo* in sua relatione esset præstitum, copiosiusque præstandum in annalibus missionis nostræ Sinicæ, edendis in lucem, ab anno *MDCX*, ad annum *MDCI*, quos mecum ex ipsa Sina contuli.

Situs ac nomina.

Paulus Doctor & summus Colaus egregius fidei promotor.

Kin mons fere solus hic memoratu dignus,

Montes insigniores.

gnus, in littore maris est ad Notapeliotem urbis: in eo amplum est munimentum cum firmo navium, militumque præsidio ad portus custodiam.

Flumina.

Ad urbis Notapeliotem mare est è regione *Ningpo* urbis adeo vicinæ, ut silenti nocte ab uno ad aliud littus ipsum galli cantum exaudiri posse asserant.

Hoangpu ingens ac undarum assurgentium mole spectandus canalis est, arte manuque excavatus. ad ortum civitatis *Xanghai* est, indeque ad ipsum mare patet exitus.

Jung aquæ optimæ fons, in fano idolorum *Xanghai* civitatis.

Quinta Urbs

C H A N G C H E V.

Situs.

Changcheu urbs canali illi superiori proxima est, per quem ex *Suchen* urbe ad *Kiang* usque fluvium navibus patet iter. ejus ripæ utrimque prope hanc urbem quadrato sectoque lapide, ab imo usque ad summum firmatæ atque ornatae sunt, majori fere atque elegantiori quam uspiam alibi artificio. adhæc ibidem erecti sunt arcus triumphales aliquot, non parum ad urbis splendorem ac magnificentiam facientes: præest civitatibus quinque, quarum 1. *Changcheu*, 2. *Vusie*, 3. *Kiangyn*, 4. *Gnihing*, 5. *Cingkiang*. ultima hæc jacet in insula, quam *Kiang* fluvius efformat priusquam mare subeat; hoc fluvio, recensitoque supra canali circumcingitur tota urbis Regio, & quia tot locis aquis illis irrigua est, tota ejus planities ubertate soli ac fructuum multis aliis præstat.

*Vascula
Cha opti-
ma in
Gnihing.*

Olim in monte prope *Vusie* stannum effodiebatur optimum, at sub *Hana* familiæ exordium mineræ omnes atque fodinæ magna ex parte fuere exhaustæ, exinde civitati nomen datum *Vusie*, quod absque stanno significat. Quinque illic sunt *Heroum* fana; reliqua magnitudine exsuperat, quod gentis auctori *Taipeo* dicatum, non ita procul à civitate *Vusie*. at non de nihilo quoque civitati *Gnihing* nomen est inditum, illud enim terræ gloriam sonat, quod hac de causa illi impositum est, quod ibi figlina arte vascula illa fiant, quibus ad diluendum epotandumque *Cha* suum tamquam aptissimis utuntur: idcirco autem ea Sinæ *Kiangsinnensibus*, splendidioribus licet, magisque diaphanis præferunt, quod saporem aliquem

ac odorem à Sinis expetitur potui illi tribuant; unde maximi apud eos fiunt, totaque civitas eo in opere plurimum occupatur: quædam ex iis vasculis magno veneunt pretio, ac *Estremosia* illa *Lusitaniæ* aut superant, aut æquant.

Sie mons est ad ortum *Vusie*, ex quo *Montes* stannum effodiebatur.

Prope *Kiangyn* mons visitur *Chin*, fabulosa Sinarum historia inclytus; siquidem ibi mulierem à cerva partu editam volunt.

Leang rivulus ex parvo colle *Hoei* profluit in lacum prope *Vusie*; ejus origo fonti debetur, qui *Hoei* dictus est, cujus aquæ apud hanc gentem secundum obtinent præstantiæ locum, atque ego ipse adeo bonam hanc aquam meo etiam experimento comperi, ut credam Sinas minimum hic aberrare à vero: hac de causa etiam à magnatibus ubique expetitur, cum plurimæ naves isthac transeant, vix ulla est quæ jam in vasis paratam vilissimo pretio non emat, quamvis, si tantum ubi morari libeat, cuius quantum lubet, haurire liceat: ad Provincias maxime remotas hinc devehitur, imo in Regiam ipsam usque *Peking*, eam enim pro potu *Cha* conficiendo maxime rentur aptam, ac eam ob rem coëmere solent.

Sexta Urbs

C H I N K I A N G.

Hujus urbis locum ac nomen *M. Pauli Veneti Cingiam* fuisse, ejus scripta legentibus luce meridiana clarius innotescet: jacet enim urbs ad ripam *Kiang* fluminis, ad ortivam partem canalis arte facti, qui in *Kiang* fluvium deducitur; ex altera parte canalis, qua nimirum occidentem spectat, in ipsa ejus ripa suburbium habet nihilo ipsa urbe aut infrequentius aut minus: lapidei pontes quidam urbem ipsam cum suburbio nectunt, superatis pontibus ac cataracta canalis in magnam sese latitudinem diffundit, & ex *Kiang* fluvio aquas, simulque æstum maris amittit.

Quanta ibi toto anni tempore navium copia sit, dici vix potest: quæcumque enim ex *Chekiang* Provincia, reliquisque orientalibus urbibus adveniunt, quæ *Pekinum* aliove tendant, hic subsistere coguntur, ut malos erigant, ac vela comparent: huc usque enim illis uti non possunt ob nimiam pontium intercurrentium multitudinem: ex hac vero urbe ad Regiam *Pekinesem* usque

*M. Pauli
Veneti
Cingiam.*

usque nullus omnino pons admittitur etiam in canali arte facto, nisi sublicius ac mobilis. Ipsa urbs ex re imposito erudito apud eos nomine vocatur *Kingken*, quod tantumdem est, ac si Regiæ os diceret, quod nimirum ex hac urbe in regiam usque paratæ semper procedant naves; unde perfacile inferre est, quanta hic sit mercimoniorum copia, atque opportunitas. Circa hanc urbem colles quidam sunt amœnissimi, in quibus idolorum fana ingentia ac magnifica: in uno ex iis ex solido ferro turrim, supra basim etiam ferream exstructam, vidi: ejus altitudo triginta plus minus cubitorum est, forma pyramidalis, tota ab imo ad summum variis figuris, ac præsertim lauris decorata est.

*Turris
ferrea.*

Commendatur hæc urbs à præclarissimis Medicis, qui inter Sinas maxime excellunt: cerasis etiam sat bonis abundat Regio; tres tantum numerat civitates, 1 *Chinkiang*, 2 *Tanyang*, 3 *Kintan*.

Montes.

Kin mons insulam efficit in *Kiang* fluvio ad Barrolybicum urbis; in eo magnifica aliqua sunt idolorum fana, ac monasteria sacrificulis referta. Mons hic tum natura, tum arte cultus summopere amœnus est. in eo fons aquæ scaturit apud Sinas laudatissimæ; fons *Chungleang* vulgo dicitur.

Septima Urbs

Y A N G C H E V.

*Situs ac
nobilitas.*

Superato *Kiang* fluvio ingens cataracta occurrit ad castrum *Quachen*, quæ canalis manu facti initium est, per quem ad hanc nobilissimam *Tangchen* urbem pervenitur: est hæc urbs emporium frequentissimum, ibidemque opulentum Imperatoris telonium est. quamvis autem mercium omne genus ac varietas minime desit, salis tamen distractione maxime ditescit, quæ enim urbs ad ortum vergit salinæ sunt frequentissimæ, in quibus sæ eodem modo omnino conficitur, uti in Europa multis locis ex aqua marina, unde & ditissimi ac frequentissimi hic ejusmodi mercatores sunt, qui salem per mediterraneas Provincias divendunt; ac proinde tota urbs maximis ac superbis horum ædificiis adsurgit: eam fecant plurimis in locis canales aqua dulci constantes, qui quatuor & viginti lapideis ac plurium arcuum pontibus coronantur, quibus minores magno numero non adscribo. extra urbem ad occasum canalis arte

factus eam à suburbio separat, quod ad integrum milliare Germanicum extendebatur; sed hoc Tartarico bello totum conflagravit.

Quod hanc urbem fœdat infamatque, venalis ibi fœmineus sexus est, quamplurimi enim in ea degunt, qui puellas parvulas emunt, eas delicate enutriunt, voce ac instrumentis fidibus præsertim canere, carmina componere, scite pingere, ac callide lustrunculis ludere, similesque plures artes eas edocent, tum deinde magno pretio venales pro concubinis magnatibus offerunt. Gaudet *Tangchen* aëris temperie molliori, amœno ac feraci solo, incolis plurimum voluptati ac delitiis deditis. parent urbi civitates decem: 1 *Tangchen*, 2 *Ichin*, 3 *Taihing*, 4 *Caoyen*, 5 *Hinghoa*, 6 *Paoyng*, 7 *Tai*, 8 *Juciao*, 9 *Tung*, 10 *Haimuen*. Sub *Tuo* Imperatore ad Provinciam *Tangchen* pertinuit, *Ten* ac *Nieu* stellarum Dominio subdita fuit. sub potestate erat Regum *U*, & postea *Tve*, quo debellato eam *Çu* Rex occupavit, *Hana* familia *Kiangtu* dixit, hodiernum nomen urbi dedit primus *Su-jus*, *Tanga* familiæ eam *Pangchen* appellare placuit.

*Mulieres
venales.*

Qualitas.

Nihil hic de fluminibus, montibusque admodum notatu dignum occurrit, præter lacum *Piexe*, ad cujus principium *Caoyen* civitas sita, ubi & arte factus canalis lacum subit, ex quo & suas haurit aquas, & ne naves lacum ipsum trajicere cogantur, ad illius ripam ex quadrato sectoque lapide canalis structus est, ad sexaginta stadia; opere sane magnifico planeque admirando, cum difficillimum ibi sit vel conjicere, unde tot tamque ingentes lapides albi adducti sint, cum tota circumquaq; Regio montibus careat.

*Montes
& flumina.*

Octava Urbs

H O A I G A N.

Duplex est, non una tantum *Hoaigan* urbs, utraque tamen continuata serie habet mœnia. quæ ad Austrum vergit proprie *Hoaigan* dicitur, quæ ad Barrapeliotem *Tenching*; auget harum magnitudinem suburbium alterius ad milliare Germanicum ex utraque parte canalis protensum. per hunc canalem *Croceum* ingrediuntur. in eo tanta passim hominum turba visitur, tanta rerum omnium abundantia, tanta mercatorum ultro citroque commantium frequentia, ut multis efformandis urbibus hæc omnino sufficerent.

*Amplius
do urbis.*

Sedem

In ea Pro-
rex.

Sedem habet in hac Prorex curator an-
nonæ Imperatoriæ, qui septem ex Australi-
bus Provinciis cum ampla potestate præest:
curæ illius incumbit, annonam reliquaue
victui necessaria debito tempore ex Provin-
ciis evocare, quæ regiis navibus pœne innu-
meris *Peking* versus devehuntur: ubi ad hanc
pervenere urbem, Prorex omnia inspicit, ac
excudit, probeque examinata dimittit in
Regiam. Sunt etiam in suburbio telonia
duo: alterum, in quo portoria mercium; al-
terum, in quo navium non regiarum, juxta
cujusque mensuram ac magnitudinem per-
solvitur; quod pretium ad canalisi cataracta-
rumque instaurationem, ac facta & recta
omnia ad catadupas conservanda destina-
tum est, licet non exigua inde argenti sum-
ma ipsi Imperatori cedat: catadupæ enim
in hoc canali ad Boream urbis tres sunt; at
prima *Hoai* fluvio proxima difficillima om-
nino est, ex ea enim aqua ingenti vi ac im-
petu decidit ex altiori *Hoai* fluvio prorum-
pens, quem ne totam circumjacentem re-
gionem subinde obruat, magnis congestis
aggeribus coercerent; catadupa insuper stru-
cta, quam *Tiensî* vocant, hoc est è cœlo
volantem, quibus verbis ingentem illam
aquarum vim, atque ex editiori loco præci-
pitum lapsum explicant: ut naves hæc loca
superent, maximæ sæpe sunt difficultates.
Hinc aliquot centena virorum capita Regio
stipendio ibi aluntur, qui in tempore præsto
sint, ut remulco rotarumque auxilio navem
adducere possint, quamvis neque ita sine
magna difficultate aquæ impetus vincere-
nt, nisi adductu sequenti aqua quoad fieri
potest detineretur, alia ibi extructa ca-
taracta.

Situs.

Jacet urbs *Hoai* loco paludoso, ory-
zæ tamen, ac tritici feracissimo. urbs non
modo nobilis, sed & dives, magnificis ope-
ribus tum publicis, tum privatis ornata: to-
ta Regio fluminibus divisa, lacubusque irri-
gua est. in ea sunt civitates decem: 1 *Hoai-
gan*, 2 *Cingho*, 3 *Gantung*, 4 *Taoyven*,
5 *Moyang*, 6 *Hai*, 7 *Canyu*, 8 *Pi*, 9 *So-
ciwen*, 10 *Ciuning*.

Sub *Yvo* Imperatore fuit Provinciæ
Tangchen, sub constellatione *Ten*. Primum
sectavit ad Regem *U*, dein *Jue*, mox *Cu*,
sub *Cina* familia tantummodo civitas erat
hæc urbs, dicta *Hoaiyn*, *Hana Linhoai* dixit,
hodiernum nomen ac dignitatem à *Sunga*
habet familia. Coturnices ac phasianos plu-
res vidi in hac regione quam uspiam alibi.
Fana etiam plura obtinet ac magnifica,

quodque alibi raro reperire est, quatuor ha-
bet altissimas turres ex iis, quibus similes
alio loco descripsi.

Mons est unicus notatu dignus, qui in
mari exsurgit prope civitatem *Hai*, *Tochen*
dicitur. in eo stupendum superbumque ido-
lorum fanum est, cum adjecto sacrificulo-
rum monasterio, ad quod ex tota Sina plu-
rimi conveniunt advenæ, superstitionis illis
Sinarum ritibus addicti; dicitur hæc insula
auri habere fodinas.

Xeho lacus ingens piscibus abundans, ter-
ras *Moyang*, *Canyu*, *Hai* & *Gantum* irrigat.

Hung lacus & palus ingens ad urbis or-
tum, in eo nascuntur cannæ illæ palustres
altissimæ, quibus lignorum loco tota utitur
regio. nam aliis lignis, planissima tota hæc
terra, ac fere arboribus caret.

Haud procul inde salis campi sunt, ubi
producit affatim.

Nona Urbs

L V C H E V.

L *Uchen* urbs peramœna ac fertili agro
sitâ, octo civitatibus jura dat, quæ om-
nes fere celeberrimi *Sao* lacus ripam
occupant: qui non modo indigenas suos
aspectu jucundo recreat, sed & piscibus alit,
camposque ita aquis suis fecundat ut ma-
gna ubique segetis ac frugum sit luxuries.
civitates sunt: 1 *Luchen*, 2 *Xuching*, 3 *Lu-
kiang*, 4 *Vuguei*, 5 *Sao*, 6 *Logan*,
7 *Jugxan*, 8 *Hoxan*. priscis temporibus eo-
dem, quo superior, loco statuta; sub *Cheva*
familia tota hæc regio Regnum fuit sui juris,
Lûci Regnum dictum, illud paulo post *Cu*
Reges occuparunt; sub *Hana* Imperatoria
familia, *Lukiang* nomen habuit, hodiernum
nomen dedit *Sujus* Imperator. Hoc
vel maxime urbem apud Sinas celebrem
reddit, quod ad ejus orientale latius *Tangus*
regulus *Kiêm* Imperatorem prælio fude-
rit, imperiumque occupavit.

Commendatur urbs tum à præstantia,
tum copia herbæ *Cha*, quam suo loco pau-
lo post describam opportunius; ibi quoque
optima papyrus fit: duo etiam nobiliora
fana numerat, & pontem augustum prope
Logan.

In *Sao* lacu mons est *Cu*, hoc est orpha-
nus, quia solus ibi stans insulam efficit.

Prope *Lukiang* mons est *Taifu*, sylvis
amœnus, ad magnum spatium terrarum
duplicatis verticibus procurrens.

D d

Kiuting

Kiuting mons, ex *Toaxu* libris nominatus ordine decimus octavus, est prope *Gao* civitatem.

Flumina. *Gao* lacus ingens, & *Pe* lacus minor coeunt prope *Lukiang*.

Decima Urbs

G A N K I N G.

*Nobilitas
ac com-
moditas
urbis.*

AD Borealem ripam magni *Kiang* fluminis jacet *Ganking*, quæ inter nobiliores hujus Provinciæ urbes censetur, mercimoniis opibusque florens: omnia enim quæ ex aliis regionibus *Nankinum* advehuntur, hanc primam urbem obviam habent; cumque trium Provinciæ confinia claudat, sitque ad bellicas expeditiones aptissima, suo gloriatur Prorege, qui à Provinciæ Præfecto alius est: hic magnum alit militum præsidium in munimento *Haymuen*, quod *Poyang* lacum & *Kiam* fluvium propugnat, ubi *Tanga* familia ferream erexit columnam tres perticas altam, debitaque proportionem crassam ac solidam, nec ex diversis partibus, sed una tantum constantem.

Hæc regio tota aprica & amœna est, solumque fertile: sex in ea recensentur civitates, 1 *Ganking*, 2 *Tungching*, 3 *Cienxan*, 4 *Taihu*, 5 *Sofung*, 6 *Vangkiang*. Hæc olim regio *Von* dicta à *Cu* rege subjugata, à *Tanga* familia dicta *Juchen*, à *Sunga* *Ganking*.

Montes.

Prope *Tungching* mons est *Fen*, ex quo fons aquæ decidit ad altitudinem ducentarum perticarum. jacet ad ripam *Kiang* fluvii, intus cavernosus est, multisque antris obscuris cavi.

Siaocu mons, circa *Sofung* duos habet altissimos vertices, per quorum subjectam vallem mediam *Kiang* fluvius sibi sternit iter. in altero vertice ingens visitur idolorum fanum & coenobium.

Flumina.

Kiang fluvius, ubi *Sofung* civitatis fines attingit, insulam *Sanglo* efficit.

Undecima Urbs

T A I P I N G.

K*iang* fluvius ac lacus *Taiping* urbis territorium secant, ac rigant: regio tota partim montana, partim campestris: magna, ut alibi, soli est foecunditas. regit civitates tres, 1 *Taiping*, 2 *Vuhu*, 3 *Fachang*, inter eas *Vuhu* nobilis ac

dives, nam in ea telonium est, jacetque in Insula, quam in duos divisus ramos *Kiang* efficit, qui in unum denuo coeunt versus *Nanking*.

Olim *U* regni fuit, tum *Jue*, mox *Cu*, *Cina* familia *Chang* regioni adnumeravit, *Hana* familia *Tanyang* dixit, *Tanga* vero *Nanyu*, *Sunga* prius *Pingnan*, tum deinde *Taiping* dixit, quod nomen etiamnum hodie retinet.

Tienmuen mons ad urbis Notolybicum *Montes.* vergit, cœli porta vocatur, namque ibi à duobus collibus coarctatur *Kiang* fluvius, qui per illos fluit medius.

Hiao lapis, insula est, lapidea tota ac cavernosa, ex topho lapide constare videtur, nomen illi ab innumera noctuarum multitudine quæ in lapide hoc nidulantur, & degunt.

Nihil de fluminibus hic singulare occurrit, præter lacum *Tanyang*, cujus magnitudo trecentorum stadiorum esse dicitur. ad urbis Notapeliotem incipit, inde ad *Liexui* civitatem excurrit. *Flumina.*

Duodecima Urbs

N I N G Q V E.

SEx civitatibus hujus territorium constat: 1 *Ningque*, 2 *Ningque*, 3 *King*, 4 *Taiping*, 5 *Cingte*, 6 *Nanling*. ipsa urbs *Von* amni vicina, qui eam ad ortum præterlabitur, deducitque naves in *Kiang* fluvium magnum. Tota regio montibus aspera est; intra ipsa moenia pulchri amœnique sunt colles, luci, eximiaque ædificia; castanearum nucum, ac pyrorum ingens numerus; papyrique magna illic conficitur copia ex contusis, maceratisque aqua arundinibus, earumque foliis. Prope *King* civitatem fanum visitur magnificum; odoriferi cordis vocatur, hoc enim nomen Sincum *Hiangsin* sonat: est illud quinque virginibus dicatum, quæ cum à latronibus raptæ essent, mori maluerunt, interficique à raptoribus, quam pudicitia suæ facere jacturam.

Intra moenia *Lingyang* mons, seu potius *Montes.* amœnus est collis.

Ki mons, prope *Ningque* civitatem, ita aspectu jucundus est, ut passim incolarum dicatur delicia.

Circa *Taiping* mons est *Lugmuen*, densis obscurisque lucis opertus, rara ex eo medicamenta colligere feruntur Botanici.

Deci-

Decimatertia Urbs

C H I C H E V.

Chicheu urbs in Australi *Kiang* fluminis ripa sita, quamvis plurimis montibus extuberet circumcirca, nec multam habeat planiciem, dives tamen est, deque necessariis omnibus illi abunde prospectum est; quod si quid desit, facile vicinum flumen *Kiang* subministrat omnia: regit urbs civitates sex, 1 *Chicheu*, 2 *Cingyang*, 3 *Tungling*, 4 *Xetai*, 5 *Kiente*, 6 *Tunglien*. Fana in ea sunt quatuor nobilissima.

Olim *U* regni fuit, mox *Jue*, deinde *Su*, *Leang* rex *Nanling* dixit, *Suius Cieupis*, hodiernum nomen jam inde à *Tanga* habet familia.

Montes.

Hing mons est prope *Tungling*. à prunis Armeniacis nomen habet, quibus abundat.

Kieuhua mons, five novem verticum, totidem enim constat, ac repandi floris figuram repræsentat.

Decimaquarta Urbs

H O E I C H E V.

Australissima hujus Provinciæ urbs est *Hoeicheu*, quæ regum tempore eundem, quem prior, nacta est locum & ordinem; nomen illius à *Sunga* Imperatoria familia est: regio ejus montibus abundat, & *Kiangsi* ac *Chekiang* Provinciis finitima est; regit civitates sex, 1 *Hoeicheu*, 2 *Hienning*, 3 *Vuyuen*, 4 *Kimuen*, 5 *In*, 6 *Cieki*.

Mercatores sagaces.

Inter ditissimas hujus imperii urbes etiam hæc censetur: mercatura enim hic, si uspiam alibi, maxime floret; coeli temperie fruitur commodissima; incolæ industrii sunt ac sagaces præsertim in commerciis, vix ullum apud Sinas celebre emporium est, quod ab illis non sit frequentatum, imò vix ulla domus collybistica aut pigneratitia, in qua hujus urbis cives primum fere non occupent locum, ita ab usurariis expetuntur tum ob rerum ac mercium notitiam, tum ob industriam. gens parca est, victuque parabili, & in usu rerum minimo contenta, in commerciis tamen audax ac animosa.

Atramentum Sinicum.

In hac etiam urbe præclarissimum fit atramentum Sinicum, quod non uti nostrum liquidum, sed in massulas oblongas paral-

lelogrammicas coactum, easque solidas, veluti rubrica est, pulchris florum, animalium, larvarumque formis insignitum, litteris etiam ornatum, quibus in atramenti laudem carmina quædam explicant, & artificis nomen inscriptum est: est enim atramenti conficiendi apud Sinas studiorum amantes, ars liberalis, uti & reliquæ omnes, quæ ad studia pertinent; atramento hoc eodem fere modo utuntur, quo nostri pictores coloribus: terunt enim in lapide lævigato, aquaque diluunt, ac penicillo intincto characteres suos depingunt potius quam scribant. In hac eadem urbe præclarissimæ sunt omnis generis capsulæ, glutine illo Sinenfi illitæ, quæ cæteris alibi factis præferuntur. reperitur hic quoque terra illa, quæ pro vasis porcellanis adhiberi, atque hinc in *Kiangsi* devehi solet.

Sunt & in hujus regionis montibus auri, argenti ac cupri fodinæ.

Folium *Cha* nominatissimum nusquam alibi, quam hic præstantius est. id in gratiam curiosi lectoris, ac Botanices studiosi brevibus describam:

Cha folium quæle.

Folliculum est omnino illi simile, quod rhus coriaria profert, imò illius quandam esse speciem tantum non mihi persuadeo, non tamen sylvestre illud, sed cultum est, non arbor, sed virgultum est, quod in ramulos varios, aut virgulas potius sese diffundit, nec flore admodum differt, nisi quod hujus albedo nonnihil magis in flavedinem declinet; æstate primum florem emittit levi odore fragrantem, sequitur bacca viridior, mox nigricans: pro potione *Cha* coquenda expetitur folium primum vernum, ac mollius, quod studiose ac sigillatim unum post alterum manu carpunt, mox in ferreo cacabo tenui ac lento igne aliquantulum calefaciunt, deinde supra storem subtilem ac lævem manibus propellendo involvunt, atque involutum iterum exponunt igni, ac denuo confricant, donec intortum rursus & conglomeratum plane siccum sit: quod servant in vasis plerumque stanneis ab omni humiditate diligentissime & evaporatione custoditum; hoc cum in ebullientem aquam conjicitur etiam post diurnam aservationem, ad pristinum virorem redit seque expandit, aquam odore suavi, si optimum est, saporeque non ingrato, præsertim ubi adsueveris, ac colore subviridi inficit. Multis hujus calidi potus vires ac virtutem deprædicant Sinæ, qui eo noctu & interdiu frequentissime utuntur, hospitesque excipiunt.

piunt. tanta autem ejus varietas, ac præstantiæ discrimen est, ut libræ pretium apud ipsos Sinas ab obolo ascendat ad duos pluresque aureos: Illi potissimum adscribitur, quod Sinæ podagram ac calculum nesciant; post cibos sumptum omnem indigestionem ac cruditatem stomachi tollit: maxime enim concoctionem juvat, quin & ab ebris adhibitum levamen iis, novasque ad potandum vires affert, adeoque & crapulæ omnes molestias levat, siquidem exsiccat & abstergit superfluos humores, ac vigilare cupientibus somniferos vapores expellit, oppressionemque somni studiis vacare volentibus arcet. varia apud Sinas habet nomina; juxta varia loca, eamque, quam obtinet, præstantiam hujus urbis præclarissimam *Sunglocha* vocari solet. plenior si quis illius descriptionem desideret, consulat Gallice editum *R. P. Alexandrum de Rhodes*, qui illud fufius describit, de regno *Tunking* parte 1, cap. 15.

Montes. Maximus hic mons ille est, quem *Hoang* vocant ad urbis occasum, in eo viginti quatuor numerantur rivuli, altissimi vertex triginta & duo, & ex cavernis decem & octo antra obscurissima.

Ki mons prope *Hieuning* est, unde eminet vertice ad centum eoque amplius perticas: pons lapideus vallem profundissimam necit.

Flumina. *Singan* flumen prope ipsam urbem transit, ac inibi ad occasum oritur, quatuorque dein rivulis augetur, quorum unus ex urbis montibus, alter ex *Hieuning*, tertius ex *Uyey*, quartus ex *Cieki* profluit. flumen hoc per valles & saxa præceps decurrit, usque ad *Singan*, *Chekian* Provinciæ civitatem, quo in itinere trecentas & sexaginta catadupas seu aquæ præcipitia numerant, superatu difficillima est illa, quam *Luicung* dicunt prope urbem *Hoeicheu*.

Prima Civitas major

Q V A N G T E.

Montes. **M**Ajores civitates sunt, quas non *Fu*, sed *Chen* Sinæ vocant, aliasque sub se habent minores *Hien* dictas. Ex his quatuor sunt in hac Provincia. Prima *Quangte*, nobilis plane, ac serici copia dives: regit hæc aliam civitatem *Kienping*; montibus utraq; magnis, sed amœnis contigua; illustriores ex iis sunt *Heng* & *Ling*; ille ad occiduam partem civitatis altissimus nubes transcendit, in vertice tamen perennis aquæ

fontem habet; *Ling* vero mons altitudine nihilo inferior, collem habet maxime difficilem & acclivem, quindecim stadiorum spatio, ad quem spelunca, in cujus aditu sacrificuli cujusdam lapidea statua est, quem in eam mutatum fingunt.

Secunda Civitas

H O C H E V.

HOcheu civitas aliam sub se habet *Hanxan* dictam, ex eo nota, quod sacrificulus ille Tartarorum expulso isthic latronem egerit.

Tertia Civitas

C H V C H E V.

REgit hæc alias duas, *Civenciao* nimirum, & *Laigan*, cujus regionem *U* lacus ad *Civenciao* ortus & ad *Laigan* procurrens, fecundat: montes includit non paucos, quorum nomina habent mappæ.

Quarta Civitas

S I V C H E V.

QUatuor illis civitatibus hæc etiam jus dicit *Siao*, *Tangxan*, *Fung*, & *Poi*: ipsa *Croceo* fluvio vicina est qui hanc regionem mediam secat. est autem hujus Provinciæ maxime remota ad Septentrionem, locus omnino maximi momenti, quippe qui quatuor Provinciarum finitima contineat. ad civitatis *Suicheu* Barreliotem pons visitur aquis innatans, ex quinque & triginta magnis navibus constans, eas ingentes ferreæ catenæ colligant; alius quoque pons minor supra *Pien* fluvium est: celebris etiam ex eo civitas, quod *Hana* Imperatoriæ familiæ auctor, capta civitate *Poi*, inde ad occupandum Imperium gradum fecerit.

Prope *Fung* civitatem *Ta* lacus est, ad quem *Lieupangi* mater rustica à spiritu compressa fertur, ac deinde *Hana* familiæ auctorem enixa. Est ibi *Su* amnis memorabilis ad civitatem *Poi*, in quem sub finem *Cherva* familiæ novem cuprea illa vasa Sinicas novem Provincias exprimentia, ab *Ivo* fusa antiquissimo Imperatore, demersa feruntur, & omni adhibita diligentia à *Cina* familiæ auctore nunquam inveniri potuerunt. tantæ autem hæc vasa fuere æstimationis, ut qui illa obtineret, vulgo Imperator haberetur, uti fufius deduco in mea historiarum epitome.

D E C I

DECIMA PROVINCIA, CH E K I A N G.



Hekiang Provincia solis duabus Regiis cedit nobilitatis insignibus, quamvis olim ipsa, præcipue sub *Sunga* familia, etiam Regia fuerit, cæteras autem longo superat intervallo, non quidem spatii amplitudine, sed feracitate, amœnitate, divitiis. Undecim ingentes urbes, quasi totidem Provincias, obtinet, vel una ex illis *Hanchen* ad constituendum regnum integrum satis esse possit: regunt hæ undecim urbes civitates tres supra sexaginta, quibus oppida, castella propemodum innumera, pagosque frequentissimos haud adnumero. Provincie termini sunt ad ortum mare, per quod est angustissimus trajectus in *Japonia* insulas, quem obsecundante vento intra diei spatium, aut paulo amplius enavigare se ajunt, ex *Ningpo* nimirum promontorio: à meridie & Notolybico *Fokien* Provinciam respicit: reliqua claudit Provincia *Kiangnan*. Regio tota partim montana, partim campestris; cœli temperie, fontium scaturigine, fluminum ac lacuum aquis copiosis læta; rerum denique omnium ubertate varietateque felix ac beata: plures habet montes in australi & occidentali Provincia, sed cultos omnes atque amœnos, nisi qua hinc inde rupibus ac saxis horrent, ex quibus etiam multam fabricandis navibus, domibusque aliisque operibus petunt materiam. Vbique communia sunt nemora ac sylvæ mororum. Bombyces tot alit, ut non modo regioni suæ, totique Sinæ abunde prospiciat de sericis omnis generis pannis, sed & vicinæ *Japonia* ac *Philippinis* insulis, imo & Indiæ, Europæque terris remotissimis; qui panni hic præ cæteris totius Sinæ optimæ notæ, adeoque vilis pretii, ut facilius hic sit decem vestibis sericis induere, quam laneis quibusvis unum apud Europæos. Moros hic, ut apud nos vites, quotannis putare solent, nec in altas arbores eas excrefcere sinunt, minorum folia præstantiorem byssum ac filum producere longissimo tot annorum experimento edocti, atque hinc primam texturam fili à secunda optime

distinguunt: ea est quæ à vernis illis molliusculis ac delicatioribus foliis, quibus bombyces aluntur, prodit; altera ab æstivis ac durioribus: tantam operis mutationem affert vel sola cibi varietas in subtilissimis illis animalculis: ex hujus rei ignorantia sæpe suspicatus sum evenire, ut sericum, quod in Europâ concinnatur, fere Sinico crassius ac rudius sit: distinctionem porro inter primam ac secundam productionem hic noto, quia plerisque nostratibus etiam mercatoribus video esse ignotam, cum tamen apud Sinas, diversissimum sit utriusque pretium; optima itaque fila Vere, rudiora Æstate neunt bombyces, eodem tamen utraque anno. Vermiculorum horum cultura eadem omnino est, totque subjecta molestiis, tantamque exigens diligentiam, quanta adhibetur in quibusdam locis Europæ nostræ: unde falsum omnino ac fabulosum, sericum hîc omne à bombycibus in ipsis arboribus sponte sua, absque industria hominum ac labore, produci.

Tributa, quæ Imperatori suo hæc Provincia exsolvit, in immensum excrefcunt. *tributa.*
oryzæ tributum est saccorum 2,510,299; byssi seu serici infecti libras pendit 370,466; serici confecti volumina 2574, præterea quater in anno naves regie ingentes, *Lung-yehuen* dictæ, singulari artificio elaboratis sericis onustæ in regiam tendunt: hæc serica auro, argento, imo & avium discoloribus pennis, draconibusque rara arte intertextis, miraque colorum varietate conficiuntur; illorum usu cæteris interdicto, Imperatori soli ac regiis serviunt, aut cui ille ex singulari privilegio concesserit, ut apud nos variorum ordinum cruces aut insignia gestantur. fœni aut straminis falces tribuit 870,4491, salis pondera 444,769, præter communia duorum teloniorum vectigalia, quæ sunt in metropoli hujus Provinciæ, primum mercium in Boreali urbis parte, secundum lignorum in Australi: cum enim apud Sinas frequentissimus sit lignorum usus, quibus domos, naves, sarcophagos, sandapilas similiaque construunt, ac lignarii quidam ditissimi sint mercatores, non parum inde annui tributi Imperatori provenit. audivi ipsemet à viris fide dignis, annum hujus Pro-

E c

vinciæ

Serici copia ac ratio.

lumina.

Gentis
indoles.

vinciæ vestigat quindecim superare millio-
nes coronatorum, seu decies quiniens centies
centena aureorum millia. Liber, cui inscri-
ptus est populi Sinici numerus, assignat huic
Provinciæ familias 124, 2135, viros vero
4, 525, 470. Est autem gens hujus loci fa-
cilis ac comis, ingenio præstanti, idolorum
cultui, ac superstitionibus dedita, unde &
veritatem edocti, fidem synceram, Christia-
naque sacra facile suscipiunt, plurimique ex
iis jam Christo dedere nomen fideique no-
stræ doctrina egregie sunt imbuti.

Ubique omnia rivis, amnibus ac fluviiis
pervia sunt, arte aut natura deductis com-
modissimis alveis, credas in Belgio te, locis-
que ibi mari proximis versari, imo & illa ab
his superari. Plerosque fluviorum alveos à
Boreali parte emanantes ita ars humanis u-
sibus accommodavit, ac si ab ipsa natura ad
id essent elaborati, difficulter intelligi ac
credi potest, quomodo ad id perficiendum
vires humanæ sufficere potuerint: videre est
ut plurimum latissimas profundissimasque
fossas ad longissima terrarum spatia dedu-
ctas, in utraque ripa quadrato sectoque la-
pide ab imo fundo munitas; pontes altiores
plurimis arcubus sibi incumbens onus egre-
gie sustinentibus, adeoque per totam omni-
no Provinciam qua pedibus, qua navigio
patens iter, quamvis tota innumeris prope-
modum minoribus insulis interfecta sit, ac
divisa. Rariora reliqua, quæ hic sunt, in par-
ticulari urbium descriptione reperies.

Prima Urbs seu Metropolis

H A N G C H E V.

NE diutius Europæi Cosmographi in
Marci Pauli Quinsai inquirenda, ac
ridicule delineanda aberrant, hic
ipsissimam illam dabo, cujus ne umbram
quidem affecuta est Archontologia illa Co-
smica, & si Deus votis faverit, transmittam
fortasse cum tempore ipsum Sinicarum ur-
bium ab ipsis Sinis longe ante Europæos
impressum theatrum, numquam hætenus
visum Europæ quod quidem sciam. Verum
ut, quod nunc instat, agamus, certissimis
imprimis argumentis probo hanc urbem
ipsam esse *Quinsai Pauli Veneti*: hæc enim
illa est, quæ à *Singui*, hoc est *Súcheu* quin-
que dierum spatio distat, si loquamur de
progressu ac itinere exercitus, in quo con-
stat *M. Paulum* fuisse, aliàs enim vix qua-
tridui iter est; hæc illa est, quæ illius tem-

pore regia erat Sinarum, quam Sinæ lingua
erudita litteratorum *Kingfu*, còmmuni ho-
minum vulgarium minus exacte loquen-
tium *Kingfai* dicunt, unde *Veneti* nomen
Quinsai fluxit; notandum porro hic *Kingfu*
dignitatis nomen esse urbibus regiis com-
mune, non autem uni proprium ac singula-
re, siquidem vere Regiam significat, quam-
vis sæpe eadem urbs proprium alioquin ha-
beat nomen, uti hæc urbs *Hancheu* dicitur,
quæ sub *Sunga* familia dicta est *Lingan*,
quia ejus familiæ decimus Imperator *Cao-
fungus Kin* Tartaros fugiens hic regiam sta-
tuit: atque idcirco *Veneti* tempore *Kingfu*
vocitata est, quidcumque demum hic alii
sentiant; hæc autem acta sunt ad annum
à partu Virginis millesimum centesimum
quintum & tricesimum. in eadem quoque
urbe *Sunga* familia regnum tenuit, donèc
magni *Han* Tartari occidentales, *Kin* Tar-
taros orientales è *Catayo* ejecerunt, hoc est
ex Borealioribus provinciis, atque ita tum
debellati sunt, moxque victricia arma in re-
gnum *Mangin* invexerunt, Australium Pro-
vinciarum scilicet occupatione cœpta. sed
ut propius ad rem ipsam accedamus, hæc
illa urbs est, quæ altissimos ac innumeros
pœne habet pontes tum intra ipsa mœnia,
tum extra in ipsis suburbiis, nec à vero abe-
runt multum decem etiam millia, quæ *Ve-
netus* enumerat, si pontibus arcus trium-
phales accenseas, quos ob fornicis simili-
tudinem potuit etiam *Venetus* in pontium
habuisse loco, eodem modo, quo Tigrides
Leones dixit; cum tamen ii minime hic uti
fere in tota Asia non reperiantur. nisi velis
cum non eos tantummodo qui intra aut ex-
tra urbem sunt, sed totius hujus territorii
pontes esse complexum, ac tum quidem nu-
merum illum suum, qui alias Europæis cre-
ditu videtur difficilis, facile etiam augere
potuisset, tanta ubique pontium & arcuum
triumphalium copia. accedit ad hujus rei
confirmationem lacus quadraginta Italico-
rum miliarium, *Sihu* vocant, qui quamvis
intra mœnia non sit, illa tamen ab occasu in
Austrum longo tractu lambit, ex eoque in-
ducti sunt in ipsam urbem complures cana-
les; ejus porro ripæ ita templis, monasteriis,
palatiis, musæis ac privatorum domibus
omni ex parte sunt obsitæ, ut intra amplif-
simam urbem, non ruri versari te credas. ad
hæc ripæ undique quadrato sectoque lapide
erectæ sunt, latissima ambulantium commo-
do relicta via; viæ etiam quædam per ipsum
lacum transeunt pluribus iisque altioribus
pon-

pontibus, sub quibus naves trajiciant, instructæ, quibus inambulantes totum lacum ultro citroque possint circuire, unde urbi accenseri hæc à Veneto facile potuerunt. Sed latinum Marci Pauli Veneti Interpretem fidelem non fuisse, in hujus saltem lacus situ describendo, suadet Italicum Itinerarium Veneti, quod, juxta originale ab ipso Veneto scriptum, habet *M. Gio: Baptista Ramusio*, nel secondo volume delle navigationi, & viaggi da esso raccolti. nam lib. 2, fol. 45, cap. 68, ubi describitur diligentissimè *Quinsai* à Marco Paulo Veneto ut sequitur: *Et è situata in questo modo, che hà da una banda un lago di acqua dolce, qual è chiarissimo, e dall'altra un fiume grossissimo.* Ecce lacum non intrà urbem, sed ad latus urbis ponit, uti etiam fluvium ingentem ad aliud latus, qui fluvius est, quem mappa nostra ostendit *Cientang* dictus, folio autem 46. ita dicit. *D'interno a questo lago vi sono fabricati bellissimi edifici, e gran palagi dentro, e di fuori mirabilmente adorni, che sono di gentiluomini, e gran maestri. Vi sono anco molti tempj de gl'Idoli, con li loro monasterii, dove stanno gran numero di monachi che gli servono; sono anco in mezzo di questo lago due Isole, sopra ciascuna delle quali vi è fabricato un palagio con tante camere, e loggie, &c.* Et paulò post: *oltre di questo si ritrovano in detto lago legni, ovvero barche in gran numero, grandi, e picciole per andare a solazzo, e darzi piacere, &c.* Et infra ait: *Et veramente l'andare per questo lago dà maggiore consolatione, & solazzo, che alcun'altra cosa che haversi possa in terra, perche giace da un lato a lungo della Città, di modo, che da lontano stando in dette barche si vede tutta la grandezza, & bellezza di quella.* Quid clarius dici possit? aut quæ lacus, & urbis hujus melior, & exactior descriptio? unde omninò confirmatur *Hangcheum* nobilissimam *Quinsai*, & hunc amœnissimum lacum esse, *Si lacum* ut patebit ex illius descriptione inferius. Nos ad reliqua argumenta procedamus. hæc est illa urbs, quæ intra mœnia montem habet ad Australem partem *Chinghoang* dictum, in quo turris illa cum custodibus, ubi horarum spatia clepsydra metiuntur, & quot horis tabella exponitur, aureis sesquipedalibus litteris inscripta: hæc ipsa urbs est, cujus plateæ omnes quadratis sunt stratae lapidibus; hæc quæ in paludoso jacet loco, pluribusque canalibus navium capacibus dividitur; hæc demum, ut reliqua præteream, ex qua Im-

perator ad mare fugit per fluvium ingentem *Cientang*, cujus latitudo Germanicum excedit milliare, fluitque ad Australem urbem partem, ut nec hic omnino desit fluvius, quem *Venetus Quinsai* suæ adscripsit, inde in mare versus ortum prorumpit, à quo tantum omnino distat hæc urbs, quantum eam distare *Venetus* voluit. Addo urbis ambitum centum eoque amplius occupare milliaria Italica, si maxima suburbia annumeres, quæ ab omni parte latissime excurrunt, unde ad quinquaginta Sinica stadia conficiet à Borea in Austrum recta obambulando, per frequentissimas plateas, in quibus nihil à populo domibusque vacuum reperturus sis: eodem fere modo ab occasu in ortum pergere licet. Cum ergo ex Sinica historia tempus, nomen, descriptio, magnitudo, cæteraque omnia hanc urbem esse *Quinsai* demonstrent, nullus amplius relinquitur dubitandi locus; sed plura tamen etiam de his dicenda sunt, ubi *M. Pauli Veneti Cugui, Quelinsu, & Fugui* attigerimus.

Sed unum addam, nimirum ipsum etiam nomen Regis à Veneto notatum, nostram de *Quinsai* opinionem non solum non reprobare, sed potius confirmare; nam *Venetus* Regem, qui ad mare fugit, *Fansur* vocat, Tartarorum more addita littera R: unde alii Auctores scripsere *Fansu*, quod nomen omninò Sinicum est, estque illud quo omnes è familia, ac prosapia Regum in Sinis vocantur, nam *Fuang* 汪 氏 Regio, Dominum seu Regiam prosapiam significat, quo nomine etiam nunc Regii consanguinei vocantur. Ita autem hunc Regem vocabant Tartari, & non Imperatoris nomine, quia à Sinis Australioribus erat electus, postquam Antecessores illius jam omnes Boreales Provincias amisissent; Fuit autem hic Rex ex *Çunga* familia decimus quintus, & à Sinis cum esset in Regem electus *Tuicungus* dictus. At Tartari, ut dixi, nolebant Imperatoris nomine vocare, quia Imperii maximam ipsi habebant partem, & ex sua stirpe jam coronatum Sinarum Imperatorem, ac proinde *Vangsu*, hoc est Regulum, seu è regio sanguine tantum nominabant.

Cæterum hic præter innumeros, ut supra dixi, maximosque pontes passim arcus triumphales obvii sunt, ex quibus una sola urbis platea, quam majorem vocant, trecentos continet, magistratus bene gesti aut monumenta, aut civium ob indeptam dignitatem præconia quasi publica, aut ex ipso Imperatoris mandato ob præstitam egre-

Arcus
trium-
phales.

gregiam in Republica operam erectos, id-
que in plateis celebrioribus & frequentiori-
bus locis, superbis saxorum molibus assur-
gentes, vario opere ac insigni arte cælatos;
Gothica illis ut plurimum Architectura est;
tres semper fornices continent, majorem in
medio, ab utroque latere minores, per quos
ut per portas amplissimas patet iter; utrim-
que leones aut alia ornamenta marmorea
arcuum latera armant, supra undique larvæ,
aves, flores, serpentes ita sculpti sunt, ut in-
spectantibus omnibus moveant admiratio-
nem; spatia à figuris vacua eleganter perfo-
rata sunt, subindeque minutioribus rebus
seu sculpturis quasi in aëre pendentibus or-
nata: sæpe quidem ego miratus sum quo
pacto ingentes ita lapides perforarint, ut
etiam ex illis plurium annulorum quasi ca-
tenam efformarint: tribus plerumque totus
arcus contignationibus distinguitur, à tergo
& à fronte sibi omnino similis & æqualis,
ut ex utraque parte eundem arcum videre
te credas. tres hæ series Zophoris suis epi-
styliisque marmoreis ac coronicibus aptissi-
me distinguuntur. in ipso operis fastigio,
sub tecto deaurato cæruleo lapide aureis cu-
bitalibus litteris inscriptum legitur Impera-
toris nomen, sub cuius imperio erecta est
moles: in medio lapis est planus ingentis
magnitudinis, cui aureo aut cæruleo colore
inscriptum nomen, patria, dignitas, carmi-
na atque encomia illius, in cuius gratiam
tota moles condita est. quod si hisce operi-
bus publicis domus ab utroque latere re-
sponderent, nihil sane pulchrius reperiri pos-
set, aut magnificentius excogitari ad splen-
dorem urbium aut ornamentum. Quatuor
etiam hæc urbs turres numerat majores, no-
vizonias, seu novem contignationibus di-
stinctas; idolorum fana tum intra, tum ex-
tra urbem infinita prope sunt multitudine,
sacrificulorum esse feruntur ad quindecim
millia: serici textores tum in ipsa urbe, tum
suburbis numerantur ad sexaginta millia,
cum eisdem reliquæ Boreales civitates ur-
bes, oppida, necnon & pagi referti sint:
tantus autem ibi est hominum numerus, ut
dicatur urbs absumere quot diebus decem
oryzæ saccorum millia. saccus autem qui-
vis tantum oryzæ continet, quantum cen-
tum hominibus die uno alendis abunde suf-
ficiat; mille præterea porci indies occidun-
tur, præter vaccas, capras, oves, canes, an-
seres, anates aliaque huiusmodi animalia,
cum tamen civium magna pars à carnibus
abstineat, ex idolorum secta quodammodo

Textores.

perpetuum jejunium observantium: neque
minor piscium copia, qui etiamnum vivi
per totam urbem deferuntur venales, à qui-
bus etiam sibi temperant abstemii illi Py-
thagoræi, nihil, quod vivum aliquando fue-
rit, attingere ausi.

In hac eadem urbe Societas JESU tem-
plum habet Deo dicatum, pro loci ampli-
tudine splendidum atque magnificum, &
in suburbis duo sacella. hisce in locis per
quadriennium rei ac fidei Christianæ exco-
lendæ, quam potui, navavi operam, nec in
urbe modo ista, sed & in vicinis civitatibus
non exiguos relinquere coactus sum Chri-
stianis sacris initiatorum greges; à quibus ut
ægre & invitatus sum avulsus, ita faxit Deus, ut
brevis ad meos una cum sociis, ac multiplici
scenore salvus & incolumis reverti possim.
Priscis temporibus hæc regio ad *U* Reges *Nomina*
pertinuit, mox *Jue*, paulo post *Su* Reges *antiqua*
occuparunt, *Chin Cienfang* dixit, *Suius*
primum vocavit *Hangcheu*, *Tanga* familia
Juhang, *Sunga Ligan*, *Taiminga* iterum
Hangcheu: præest civitatibus octo, 1 *Hang-*
cheu, 2 *Haining*, 3 *Fuyang*, 4 *Juhang*,
5 *Ligan*, 6 *Yucien*, 7 *Sinching*, 8 *Chang-*
hoa.

In hac regione ubique fere tigrides ad-
sunt, quas *Marcus Paulus Venetus* leones
forte per catachresim appellavit.

Funghoang mons ad urbis Australem *Montes*
partem est, in quo duo altissimi sunt verti-
ces ex adverso sibi oppositi, tantæ altitudi-
nis, ut cælum ipsum contingere videantur,
in utroque tamen idolorum fanum est, &
turris novizonia.

Xeceng mons in Boreali ripa *Si* lacus, in
quo turris magnifica est, & idolorum fanum.

Tienmo mons circa *Ligan* incipit, est
ex laudatis apud Sinas ordine trigessimus
quartus, ingens omnino ac præruptus, syl-
væ in illo sunt complures, amœni in vallibus
oryzæ campi; ex eo infinita vis fungorum *Fungi*
per totam Sinam defertur, quos sale condi- *Sinici*
tos exsiccant, ac per totum annum servant;
cumque eos coquere desiderant, prius ali-
quamdiu aqua macerant, atque ita denuo
quasi recentes evadunt.

Mons hic ad octingenta stadia excurrit,
dicitur *Tienmo*, hoc est cœli oculus, eo
quod in duobus verticibus duos habeat la-
cus, quos oculos, quibus cælum aspicit,
vocant.

Cienking mons prope *Changhoa* est, in
quo lacus non admodum magnus ducenta
terræ jugera occupat, ex eo celebris, quod
aureo-

Piscu
aurei

Flum

Lacu
amæ
nitas.

Pisculi
aurei.

aureolos illos pisciculos proferat, quos Sinæ *Kinyû* vocant ex re indito nomine. fulvi enim sunt coloris, certisque intervallis aureis quodammodo lineis intersecta cutis micat, totumque dorsum aureo veluti pulvere inspersum est, eorum magnitudo digitum non excedit, & tamen trifurcata, bifurcata, subinde etiam simplici & latiore cauda armati sunt, unde jucundi amœnique sunt aspectu, magno apud Sinas sunt in pretio, eosque studiose domi, aut in viridariis alunt pulcherrimis ad id adornatis vasis, iis subinde magnates manu sua cibum porrigere sunt soliti, ac quasi nossent, cui domino ferviant, quamque suo conspectu voluptatem illi concilient, sæpe, cum adest, colludunt. Cum eo omnibus partibus, quas Sinæ expetunt, perfecti sunt, unius pretium ad duos tresve aureos quandoque ascendit.

Tiencho mons versus urbis occasum partim horridior, partim amœnus, collis illius quidam *Filaifung* dictus totus saxeus est, intusque cavernosus, in eo sunt splendida idolorum fana, ac cœnobîa, ac supra tria sacrificulorum millia in iis degere feruntur, ex his quamplurimi perpetuo ac voluntario carcere adstricti cavernas inhabitant, quibus reliqui cibum subministrant, quem anachoretæ illi funi alligatum sursum adducunt, cum ad ipsas cavernas ascensus vix, ac ne vix quidem pateat. Eodem fere modo ab accedentibus spectatoribus stipem accipiunt, sæpeque sat lautam, hic enim locus toto anno ac præcipue mense Mayo frequentatur ab advenis ac hospitibus Sinis, quos credula superstitio eo allicit. *Filaifung* collis dicitur, quod volando venire significat, nomine ab Indo quodam sacrificulo desumpto, qui cum primum illum vidit, dixisse fertur; hic collis est, quem in India desideramus, huc profecto advolavit.

Flumina.

Si lacus celebris, qui lætitia indigenas & advenas beat, is primum hic sibi locum vendicat, quod in ejus orientali ripa urbs ipsa jaceat: relicta tantum viâ stratâ lapidibus septem stadia longâ lacum inter & mœnia, commodissima ad deambulationem: lacus totus quadraginta stadia suo ambitu complectitur, undique vel mœnibus vel montibus cinctus instar amœnissimi theatri, ex quibus rivuli quidam ignobiles suo quique alveolo distincti delabuntur, circum ipsos montes, fana, palatia, cœnobîa, Musæa, sylvæ, sepulchra hortique amœnissimi spectantur; ripæ lacus latissimis viis stratæ quadratis lapidibus, atque intra ipsum lacum viæ

Lacus
amœnissi-
mus.

ex eodem deductæ sunt relictis pontibus ad transitum navium, ita ut totus lacus etiam pedestri itinere lustrari possit. Vias hæc utrimque arbores ad lineam collocatæ innumbrant, persicorum pomorum vel salicum sunt, ubique podia, meniana, similiaque pro deambulantium commodo continent: nescias sane, quid prius in illo laudes, naturæ an artis, quæ naturæ opus auxit aut superavit potius, miram elegantiam: aqua tota crystallina omnino, ac pellucida est, ut in ipso fundo etiam minutissimi scrupuli appareant; ubi circa ripas humilior est, *Lien* floribus contegitur; ex lacu navibus non patet exitus, per parvulos enim tantum rivos aqua emittitur ad Boream urbis, qua fossa ac canales replentur, in eo tamen quamplurimæ fabrefiunt naves, quæ in aurea palatia haud immerito dixeris, adeo coloribus variegatis, auroque splendidissimo nitent omnia, quæ omnem ad se trahunt vehuntque conviviorum, spectaculorum, ludorumque apparatus, adeo ut nihil omnino sit, quod non hic helluones, sympotæ, voluptatisque mancipia affatim reperiant: naves à rebus omnibus instructissimæ, lætæ ac securæ lacum perambulant, procul omni naufragii tempestatisque metu amandato, nisi quod forte ex largiori potu aut delitiis immineat. minime ergo mirum quod Sinenses hunc locum atque urbem hortum genialem, seu terræ paradisum vocent.

Che fluvius huic Provinciæ nomen dat, eamque mediam fere secatur, at prope urbem mutato nomine *Cientang* dicitur, & ubi originem ducit in *Hoischen* urbis montibus, *Singan*: hunc fluvium die decima octava octavæ Lunæ (ea in nostrum Octobrem incidit) stupendus ac vehemens maris æstus concitat ad ipsam usque urbem, ut vel hinc Philosophi copiosam disputandi materiam haurire possint; toto quidem anno æstus magnus observatur, at hic & aquarum vi & violentia plurimum reliquos superat: ingentes enim ac montium instar ingrediuntur undæ, quæ fragorem ac murmur edunt maximum, naves omnes, quas transversas occupant, invertunt ac mergunt, demum adeo famosus est, ut ea die circa quartam pomeridianam tota civitas præfæctique accurrant, ac maxime exteri, aut advenæ, si qui sint ut prodigiosam hujus diei æstus vehementiam coram oculis usurpent. unde facile conjicitur æstum maris, tametsi Lunæ periodis utcumque se accommodet,

F f

non

Naves
delitiose.Æstus
maris
singularis.

non à Luna tantum, sed & ab ipsa constitutione orbis nostri terraquei, varioque flexu & recessu littorum, imo & à vario stellarum aspectu atque influxu, subterraneisque exhalationibus ac qualitatibus inde ortis, dependere: cumque mense Octobri maxima fere fiat mutatio temporis, æstate autumnoque in hyemem paulatim declinante, totus quidem hic orbis noster videtur id quodammodo sentire, atque ipse turbari maris fundus, varie affectus pro varia positione climatum atque terrarum, uti in India videmus hyeme imminente Oceanum quasi solito magis irasci, arenamque adeo copiosam in littora evomere, ut portus fere omnes occludat, quos ineunte æstate iterum aperiri, detergique arenas videmus: id quoque circa promontorii Bonæ spei littora navigantibus, statis anni temporibus, quibus certæ coeli, ventorum, marisque tempestates sunt, longe magis fit manifestum. sed hæc meteororum auctoribus philosophorumque speculationi ac contemplationi relinquo.

Ad Boream urbis, ubi per cataraetam aqua lacus emittitur, si quando ob nimias excrescat pluvias, templum idolorum superbissimum visitur *Chaoking* dictum, in quo assiduæ nundinæ sunt rerum præstantissimarum, rariorumque tum ex Sina, tum ex reliquo orbe allatarum, quæ omnia si cum cæteris hujus urbis minutiis describere velim, libro opus erit, quare hic ego manum nunc tollo de tabula.

Secunda Urbs

K I A H I N G.

*Situs ac
commodi-
tas.*

Peramœno ac fertili agro sita est *Kiahing* urbs, cujus territorium undique à lacubus arteque derivatis canalibus rigatur. bombycum etiam hic ubique adeo frequens est educatio, ut veris tempore nulla ab iis vacua sit domus. urbs ipsa jacet in aqua dulci, ac ædificiorum splendore, atque amplitudine, opibusque floret; intra ipsa mœnia derivati quaquaversum canales plurimis pontibus strati sunt, ripæque, ut supra sæpius diximus, solidis saxi ornatae, navibusque per aquas, ac per eas pedibus iter est. Illud hic rarum, quod plateas omnes porticus eleganti opere structæ ambiant, sub quibus etiam pluvio cælo siccus tutusque ambules. Arcus etiam hic triumphales sunt plurimi, tum extra, tum intra urbem:

ad occasum urbis in ipsa canalis ripa uno tantum loco, per quem navibus itur, quindecim è solido marmore quadrata mole exstructi; ubi etiam pons visitur multis arcibus constans, septuaginta passus Sinicos longus; inibi novizonium illustre est. fossarum ripæ omnes quadrato sectoque lapide exornatae, totque ad eas pontes, ut ipsemet ex hac urbe ad metropolim navigans, adnumeraverim nobiliores plurimorum arcuum quadraginta, nam minores innumeri occurrunt.

Regit hæc urbs civitates sex, 1 *Kiahing*, 2 *Kiaxen*, 3 *Haiyen*, 4 *Pinghu*, 5 *Gungte*, 6 *Tungchiang*. olim hæc urbs *Sucheu* urbi subjecta erat civitas, sub *Tanga* familia *Hangcheu* subsistit, deinde opibus ac magnitudine aucta sub *Taiminga* urbis dignitatem consecuta est, ac *Kiahing* dicta, cum antea *Siucheu* vocaretur. Nascitur per totam hanc regionem in stagnantibus aquis fructus figura rotundus, *Peci* Sinæ vocant, cujus magnitudo castaneam nucem haud multum excedit, pellis subtilissima pulli coloris nucleum vestit, cujus intus candidissima caro est plena succi, gratique saporis, durior est quam pomorum vulgarium, ac parumper acida; si simul cum hoc fructu cupream monetam ori immiseris, dentibus eadem facilitate, qua fructum, comminues, ac in pulpam comestibilem rediges, mira naturæ vi, mihi quæ alias ipso experimento sæpe comperta. Capiunt in hujus urbis territorio autumnali tempore aviculas, *Hoangcio* dictas, quas vino illo suo ex oriza cocto macerant ac condiunt, ac per totum annum divendunt. Serici ac cancrorum præstantissimorum magna hic ubique copia.

*Fructus
Peci.*

*Hoangcio
avicula.*

Utai collis ad urbis Barrolybicum in lacu *Tiensing*, qui urbi pro fossa est, visitur: in eo quinque domus relaxandis animis à præfectis exstructæ, quas convivia celebraturi frequentant, inde colli *Utai* nomen, quod quinque altaria significat, nullus alius in plana hac regione memoratu dignus occurrit.

Montes.

Mare *Haiyen* civitatis fines attingit, ubi ingentes salis campi sunt, plurimumque salis conficitur.

Flumina.

Tertia

Tertia Urbs

H V C H E V.

HUchen urbs nomen à *Tai* lacu habet, ad cuius ripam jacet, *Hu* enim lacum significat. Censetur inter urbes maximas, mercatura opibusque floret, ædium splendore, camporum, aquarum, ac montium amœnitate spectanda. Panni serici ingens hic fit copia. Præclarissimi concinnantur hic penicilli, quibus tota Sina ad scribendum utitur; *Cha* etiam folium, quod *Kiaicha* vocant, illic carpitur. Fana heroibus dicata sunt quinque, primarium est intra mœnia, quinque primorum Sinensium Imperatorum. Fuit olim *Huchen* regio regnum sui juris *Tung* dictum, illud *U* reges occuparunt, dein *Jue*, tum *Su*, *Cina* familia *Uching* dixit, hodiernum nomen dedit *Tanga*, *Sunga* vocavit *Chaoking*, *Taiminga* *Huchen* restituit. Quanta illic sit sericivis, vel inde collige, quod vel sola civitas *Tecing* solvat pro decimis sericorum pannorum quingenta aureorum millia. sex civitatibus jus dicit: 1 *Huchen*, 2 *Changhing*, 3 *Gankie*, 4 *Tecing*, 5 *Hiaofung*, 6 *Uukang*.

Antiqua nomina.

Fructus cici.

oangcio vricula.

montes.

umina.

Gluten Sinicum.

fit elegans, munda ac splendida, jam pridem didicit Europa ex capsulis quæ è Japonia atque ipsa Sina plurimæ fuerunt advectæ.

Præest hæc urbs civitatibus sex, 1 *Nienchen*, 2 *Xungan*, 3 *Tungliu*, 4 *Suigan*, 5 *Xeuchang*, 6 *Fuenxui*. Ipsa urbs olim *Sintu* dicta est, à *Tanga* familia *Lochen*, à *Sunga* *Nienchen*. Ad ripam fluminis amœnissimus collis est, in quo septizonium, ac idolorum fanum, quatuorque variis heroibus habet hic tractus dicatas ædes.

Ulum mons ad Boream urbem quasi ambit, duos inter se vicinos lacus continet: unius aqua pellucida est, alterius semper turbida.

Fuchung mons est in valle *Kieuli*, per quam fluvius transit, in eo celebris admodum Philosophi *Niençulin* fana ac aulæ conspiciuntur, quæ omnia in tanti viri memoriam à præternavigantibus adiri solent: ibi illum piscationi operam dedisse scribunt, cum se occultaret ne oblatas ab Imperatore summas præfecturas cogeretur admittere, ad quas Imperator demum sponte ad eum veniens invitavit, simulque in eodem paupere lecto cum eo somnum cepit; tanti olim etiam apud Sinas probos doctosque viros vel summi Imperatores æstimabant.

Montes.

Philosophia æstimatio.

Quarta Urbs

N I E N C H E V.

REgio hæc ut plurimum montibus collibusque inæqualis est, unde hæc urbs cum reliquis hujus Provinciæ nec magnitudine, nec incolarum frequentia, facile potest comparari: prodest tamen illi, quod duo flumina navium capacia prope ipsa mœnia in unum coeant, celebris etiam est ac ditescit à papyri, quam distrahit, mercimoniis: cuprum hic in montibus effoditur, plurimumque colligitur gummi illius seu glutinis *Cie*, quod stillat ex arboribus, persimileque est lachrymæ terbinthi, æstate colligitur, purgaturque à Sinis, & quo volunt, colore inficitur: optimum est quod aureo flavescit, proximum quod nigerrimum; cum nondum siccatum est, venenatam quandam emittit exhalationem, cui non adfuerit intumescunt ac pallent vultu, sed facilis est curatio; cum tinguntur arcule tardius siccatur, nisi in humido sit loco, semel autem exsiccatum numquam amplius liquefit, quam vero res

Quinta Urbs

K I N H O A.

HUic urbi nomen fabula dedit: ajunt enim in monte prope hanc urbem Venerem stellam, cum alia quam *Viniu* vocant (quod mulierem militarem sonat, Palladem dicerent Poëtæ) de flore quodam contendisse, & quia victrix fuit Venus, quam *Kinsing* sive auream stellam dicunt, inde *Kinboa* urbi nomen factum, quasi Veneris florem dicas.

Urbs olim fuit ingens ac ædificiis splendida, sed his ultimis bellis à Tartaris, quibus egregie diu restitit, tantum non tota fuit combusta, modo tamen utcumque instaurata est, ac imprimis pons ingens ad occasum urbis, qui pristinum recuperavit splendorem. Ad *Lanki* civitatem etiam pons visitur navibus impositus, antiquo, quem Tartari incenderant, melior. Optimus hic totius Sinæ pro potu coquitur ex oryza & aqua liquor: pruna majora exsiccata cum reliquis communicat, ac præstantissimos petasones, qui toto hoc imperio maxime

maxime in pretio habentur. complures hic etiam Christi sunt cultores, templumque ibi inchoatum fuit meo tempore in *Lanki* civitate.

Regit urbs hæc civitates octo, 1 *Kinhua*, 2 *Lanki*, 3 *Tungyang*, 4 *Yü*, 5 *Jungkang*, 6 *Vuy*, 7 *Pukiang*, 8 *Tangki*, quæ omnes partim in montana regione, partim plana sitæ sunt, oryzæ omnes feracissimæ. gens hæc præ Sinis reliquis audax est ac generosa, ab iis id abunde demonstratum contra Tartaros; at ea de causa multa passa est ipsa regio, ab hostibus misere vastata.

Sub regibus eodem, quo superior, loco habita est: *Leang* rex primus *Kinhua* dixit, *Suius Vüchen*, *Sunga* familia *Paouü*, de-

sumpto semper ab una è duabus illis stellis nomine, *Taiminga* familia rursus *Kinhua*. Nascitur hic flos ille, quam in India Lusitani *Mogorin* vocant, (Latinum illius nomen nusquam reperio,) in parva nascitur arbuscula, flos albusissimus *Gensemino* non absimilis, nisi quod plura habeat folia, odorem exhalat suavissimum *Gensemino* multo nobiliorem, adeo ut ab uno flore tota domus redoleat: est apud Sinas nec immerito in magna æstimatione, illiusque arborem ab hyemis intemperie in vasis ad id destinatis, diligentissime custodiunt. Quod mihi hic sæpe admirationem movit, pinguedo quædam est ex arboribus nata, ex qua veluti ac sebo optimæ atque albæ fiunt candelæ, quæ manus non inficiunt, etsi tangerentur, nec foetorem exhalant dum extinguuntur, à Sinis *Kienyeu* vocari solet; arbor sat magna est, pyros nostrates & foliis & forma refert, florem album emittit, ut cerasi, florem excipit bacca rotunda omnino, ceraso mole æqualis, tegit hanc subniger & tenuis cortex, alba intus caro est, quæ, cum bacca matura est, disrupto cortice apparet: has baccas colligunt, ac aqua calida excoquunt, tum caro liquefit, at frigida iterum, omnino ut sebum solet, spissatur; nucleus dein remanet, hunc oleo plenum, ut olivas nos, macerant, & oleum non ad cibos, sed ad lucernas aptum exprimunt. hyberno tempore arboris folia, quasi cuprea essent, omnino rubescunt, amœnus mihi horum foliorum sæpe visus est conspectus, cum quasi integræ sylvæ rubræ appareant: demum folia decidunt, & quia pinguedine quadam prædita sunt gratissimum ovibus ac vaccis cibum præstant, ex quorum esitatione egregie pinguescunt.

Montes. *Kinhua* mons trecentorum & sexaginta

stadiorum, in quo stellarum fingitur fuisse contentio, est in *Taoxu* libris loco sextus & tricesimus, ad urbis Borealem partem.

Ad *Tu* mons omnium maximus est *Kim-ing*, quem ut conscendas, novem dierum iter est: in summitate palatium visitur.

Prope *Pukiang* mons est *Sienhoa*, in quo vixisse scribunt *Hoangti* antiquissimi Imperatoris filiam, ac inibi ad mortem usque perpetuam virginitatem conservasse. Mira res dictu hæc apud Sinas, & antiquissima, si modo vera.

Circa *Jungkang* mons est *Fangnien*, ad quem per scalam lapideam patet ascensus, in summitate ingentem supra vallem pontem habet.

Ho amnis originem habet prope *Cinyun* *Flumina.* civitatem urbis *Chuchen*, inde urbem ad occasum præterfluit, mox ad *Lanki* civitatem tendit.

Sexta Urbs

K I V C H E V.

K *Iuchen* urbs ad orientalem ripam *Changyo* fluminis jacet, *Fokien* Provinciae confinis est, ex qua in eam iter per montes est arduum admodum, ac difficile trium dierum spatio: *M. Paulus Venetus* *Fokien* Provinciam *Fugui* vocat, & hanc urbem *Cugui*. Tartari enim loco *Chen*, *Gui* dicunt, unde facile ex *Kiuchen*, *Cugui* nomen à *Veneto* formatum: clarius id patet ex nomine urbis *Quelinsu*, ad quam superatis montibus *Venetus* venit, est enim ingens urbs, quam Sinæ etiam nunc *Kienningfu* vocant, de qua agam in sequenti Provincia. Est etiam hæc urbs *Kiuchen* hujus Provinciae Australissima, unde eam *Venetus* ultimam in *Quinsai* dixit. Ex his ergo nostræ sententiæ veritas aperta satis & probata videtur, nec amplius Europæis dubitandum de *Catayo*, *Mangin*, *Quinsai* aliisque similibus ignotis hætenus locis, in quorum Geographica descriptione, delineationeque tanti hætenus commissi fuere errores, & non pauci falsi *Venetum*, licet immerito, arguere sunt conati. maneat ergo *Veneto* suus honos ac laus, quam meritis est, licet hinc inde nomina Tartatorum more mutarit, cum Sinice ea illi minime pronuntiarent, sed de his plura adhuc infra.

Sub regibus hæc urbs veluti antecedens, variam habuit fortunam: *Cina* familia post totam Sinam occupatam *Taimo* vocavit, *Hana*

Hana Singan, hodiernum nomen habet à *Tanga*; quinque præest civitatibus, 1 *Ku-chou*, 2 *Lungyeu*, 3 *Changxan*, 4 *Kiangxan*, 5 *Caihoa*.

Montes.

Lano mons ad Australem urbis partem jacet, in *Taoxu* libris ordine octavus. *Civen* mons prope *Kiangxan* civitatem originem habet, inde ad trecenta eoque amplius stadia excurrit: per hunc ad *Fokien* iter est, ubi multi iique difficiles superandi montium vertices, maxime autem præruptus ac arduus *Sienhoa* dictus, quem ad cochleæ modum gradibus trecentis & sexaginta ad faciliorem ascensum elaborarunt, totidem enim plana lapidibus strata in eo reperiuntur: in vertice magnificum idolorum fanum est, ac tabernæ non paucæ, ubi cibis potusque pro viatoribus parata semper annonæ est.

Serpentes ac tigrides minime noxii.

Prope *Caihoa* mons est *Cutien*, in quo tigrides, ac serpentes minime noxii vivunt: illæ, cum alibi in circumvicinis regionibus ferocissimæ sint, hic ita mansuescunt, ut nulli omnino noceant; serpentes vero veneno carent.

Flumina.

Prope *Caihoa* lacus parvus est, *Pehiai* dictus, ab albis cancris quos producit, *Pehiai* enim Cancrum album significat.

Septima Urbs

C H V C H E V.

Ingentes ac densos montes includit hæc Regio, inter quos valles quam plurimæ oryza feracissimæ, cumque difficulter educi possit, vilissimo ibi emitur pretio. Urbs ipsa *Chuchen*, populo satis frequens, ad ripam *Tung* amnis jacet, per quem ad mare usque navibus patet iter. Luci ac annosæ pinorum sylvæ hic imprimis circa prærupta ac nemorosa loca spectandæ sunt, ex quibus materiam pro domibus navibusque fabricandis petunt Sina: ajunt ad civitatem *Sunghiang*, (hoc est pinorum terram) tantæ molis reperiri arbores, ut octoginta hominum amplexum earum crassities superet, imo & esse, quæ intra trunci cavitatem octo & triginta homines capiant. Jura dat civitatibus decim, 1 *Chuchen*, 2 *Cingtien*, 3 *Cinyün*, 4 *Sungyang*, 5 *Suichang*, 6 *Lungciven*, 7 *Kingyven*, 8 *Junho*, 9 *Sivenping*, 10 *Kingning*. Tria habet nobiliora fana: vasa lutea ex paulo crassiori quam porcellana terra, ibi fiunt ad plebejorum usum. Regum temporibus pœne eandem sortem ac

locum cum superiori habuit: *Tanga* familia *Hochou* dixit, *Taiminga* hodiernum dedit nomen.

Hocang mons ingens, in *Taoxu* libris ordine decimus octavus, trecenta occupat stadia; ejus altitudinem ad mille perticas scribunt pertingere Sinae Geographi, verticemque nullis meteororum varietatibus esse obnoxium, à tonitru & pluvia secutum; incipit prope *Cinyün*, & ad mare usque sese extendit. in reliquis montibus nil admodum est notatu dignum.

Lung torrens ad occasum *Suichang* incipit, inde urbem ad Austrum attingit, ubi *Tung* torrentem excipit, & fit *Vonxa* fluvius.

Luyeu rivus prope *Kingning* magnis arundinum seu cannarum sylvis virescens, Sinae eas communi nomine *Cho* dicunt, licet quamplurimæ earum sint species, Lusitani in India *Bambu* vocant, aliæ aliis majores sunt; harum omnium durities prope ferrea est, adeoque sæpe crassæ sunt, ut duabus tribusve manibus stringere nequeas: quamvis autem intus vacuæ sint, suisque nodis articulisque distinctæ, firmissimæ tamen sunt, ac securissime imposita onera sustinent; altitudo sæpe trium aut plurium cannarum est, minores aliæ mediam perticam haud excedunt, aliæ sunt trunco ac ligno viridi, aliæ nigerrimo, atque hæ plerumque solidæ, quales in India *Bambu* marem vocant. Amoenissimum adspectum præbent tum folia oblonga forma gladioli, summitatibus nonnihil inflexis atque incurvis: tum quia toto anni tempore virides sunt; licet autem adeo duræ sint arundines, facile tamen in licia tenuissima, ac veluti membranulas ab artis peritis dissecantur, ex quibus storeas; capsulas, pyxides, pectines aliaque similia utensilia minutissima subtilissime contexunt. Ex eisdem domos suas facile construunt, iisque pro ædium minorum postibus utuntur, ex tenuioribus hastilia fiunt cuspide præferrata, atque ad sexcentos alios usus, quorum nimis proluxa esset narratio, adhibentur. Ad aquarum canales, ductusve struendos, cum à natura perforatæ sint, aptissimæ sunt: ac pro tubis optice longioribus ob levitatem, rectitudinem, crassitiem ac firmitatem excellentes prorsus ac singulares. Cum recens hæc canna absecta comburitur, aquam emittit, uti ligna omnia, plurimum à Medicis expetitum: epota namque putrescentem sanguinem, locoque motum vel casu, vel percussione, è corpore expellit:

G g

tenera

tenera ac primum nata, priusquam folia emittat cum carne adhibetur pro cibo veluti rapæ, aut cocti cardui, quin & aceto macerata toto anno servatur tamquam condimentum, seu obsonium ad delicias, non secus ac minores apud nos cucumeres, aut fœniculum.

Octava Urbs

X A O H I N G.

*Situs ac
pulchritudo ur-
bis.*

X *Aohing* urbs magnitudine metropoli cedit, nitore superat: celebris est à virorum in ea eruditorum ac litteratorum numero, ingeniorumque præstantia. Situ jacet commodissimo, in medio aquæ potabilis, *Venetam* urbem, si quæ alia refert, nisi quod aquarum aliarumque rerum omnium munditie longe exsuperet, tota albis, quadratis, sectisque constat lapidibus, Tiburtinis simillimis; nulla absque canali aut ductu aqueo platea est, utrimque viæ adstant latissimæ eodem lapide stratæ; domuum parietes eodem structi sunt, quod alibi apud Sinas insolens omnino, ac vix videtur; pontes ex eodem intra mœnia quamplurimos numerat, at majores etiam non pauci extra ipsam urbem sunt, debitis locis ac ordine ipsi canali ac aquæductibus superimpositi: per canalem hunc navigatur ad triduum ortum versus, ripæ utrimque quadrato illo lapide firmatæ, adornatæque sunt; exitus illius aggere lapideo obstructus est, ne aqua omnino effluat, atque alveum deserat, ibi ad adductum constituti sunt, qui naves attollant, ac in canalem sequentem promoveant: per hunc ultimum parvis navigiis ad *Ningpo* urbem patet iter, majores mare transeunt; quatuor autem hujuscemodi obices in hoc itinere superavi sæpius; ac prope hanc urbem non paucos vidi eosque magnificos arcus triumphales, ad quos construendos magna hic facilitas est: nam circa *Siaoxan* civitatem latomia est, ex qua maxima Sinarum pars suos lapides petit. Urbis ager maxima ex parte planus est, fluminibus aquisque irriguus. Urbs ipsa cum primis nobilis, magnificisque operibus tum publicis, tum privatis ornata; aëre fruitur puro ac salubri; caufidicos & causarum astutissimos patronos toti reliquæ Sinæ suppeditat, adeo ut vix præfectus sit ullus, qui artium harum peritum ex hac urbe apud se non habeat. Regit civitates omnino septem,
1 *Xaohing*, 2 *Siaoxan*, 3 *Chûki*, 4 *Juyao*,

*Gentis
indoles.*

5 *Xangyu*, 6 *Xing*, 7 *Sinchang*. Hodiernum nomen primum dedit *Sunga* familia. *Tanga fuchen* dixit. Fana in ea quinque & *Novizonia* duo, sumptuosa omnia ac splendida.

Hoeiki mons ad urbis Notapeliotem vergit, undecimus ordine in *Taoxu* libris, à quo olim *Hoeiki* Provincia nomen habuit, quæ has orientales regiones includebat. *Suming* mons à quatuor cavernis versus cœlum apertis, Quatuor claritatum nomen obtinet; ex nominatissimis est ordine nonus; vertices in cœlum erigit varios, ad ducentos & octoginta. ejus altitudo duodeviginti perticarum millia æquare dicitur, ducenta & octoginta stadia occupat, circa *Juyao* incipit, inde *Ningpo* versus excurrit. Prope *Xing* civitatem mons est *Tanchi*, in *Taoxu* libris ordine vigesimus septimus: à rubro lacu nomen habet, illius enim aqua ad instar sanguinis rubet, *Tan* Sinis rubrum, *chi* lacum parvum significat. Circa *Sinchang* est mons *Vochen*, ordine decimus quintus. Ibidem *Tienlao* mons ordine decimus sextus. Illud autem notandum, hosce laudatos montes in *Taoxu* libris ob superstitionem, multis ac splendidis idolorum templis, ac cœnobiis sacrificulorum famulos esse, in quibus tanta est sæpe ædificiorum frequentia, & sacrificulorum copia, ut merito inspectantes rapiat in admirationem.

Montes.

Nona Urbs

N I N G P O.

N *Ingpo* urbs illa est, cujus promontorium olim Lusitani ob commercia frequentare soliti, nonnihilque corrupto nomine appellare *Liampo*: ex eo promontorio Japoniæ montes sereno cœlo conspici posse volunt, at nimia in tabulis nostris satisque accurate discussa distantia aliud suadet. Sub *Jue* regibus *Jungtung* dicta, *Cina* familia *Hoeiki* Provinciæ adscripsit, *Tanga Mingchen*, *Sunga Kingyuen*, *Taiminga Ningpo* dixit, quod placans undas significat: hujus aër maxima ex parte purus & salubris est, tota regio amœna & aprica, solum maxime fertile, præterquam qua saxis & rupibus horridius. Piscibus marinis tum recentibus, tum sole tostis abundat, ostreisque omnis generis, astracis etiam cancrisque, ex his multa toti imperio subministrat: toto anno mugiles, æstate incunte piscem capiunt *Hoang* dictum, hoc est lu-

Qualitas.

Montes.

Flumina.

est luteum, à colore indito illi nomine, adeo vero tenellus est, ut extra aquam ne ad horam quidem maneat incorruptus; cum vero ob saporis suavitatem ac delicias ubique expetatur, glacie eum involvere, atque ita divendere solent, eam ob rem etiam hyberno tempore glacies servatur. Est hæc urbs commendata imprimis ab incolarum ingenio: non paucos enim singulis examinibus dat imperio doctores. Gens tota cibis falsis lubentissime vescitur, atque hinc de illius incolis dici ac jactari vulgo solitum, ne post mortem quidem eos corrumpi, cum adhuc in vivis existentes sale se adeo copioso condierint. Regit urbs civitates quinque, 1 *Ningpo*, 2 *Çuki*, 3 *Funghoa*, 4 *Tinghai*, 5 *Siangxan*. Ut autem præclarissima urbis ædificia tacitus præteream, vel solum suburbium, quod Boream spectat, ad quatuor stadia extensum est; ad ripam Orientalem canalibus arte facti, ubi non pauci triumphales visuntur arcus, duæque turres septizoniæ; ipsæ vero ripæ secto lapide ad viginti stadia septæ sunt; sub exitum, ne aqua in fluvium defluat, obice sustinetur, per quem naviculæ in fluvium adducuntur. Hanc urbem non raro adii, quod plurimos Christi cultui addictos numeret: in ea lacus duo, alter Lunæ, Solis alter nomine, longissimis pontibus superantur, licet tota urbs deductis undique canalibus, etiam navigiis ubique sit pervia.

Çuki etiam civitas multos continet, qui ab Idolorum vepretis ad læta Christi pascua accessere: in ea pons quidam est pilis lapideis & ligneis trabibus constans, perticarum centum longitudine; alter ibidem est altissimus, triplici arcu constans, totus ex solido lapide.

Montes. Prope *Çuki Lu* mons est, in quo superbum idolorum est fanum, quod gens superstitioni dedita frequentat, ut somnia fortunata, somniorumque certis præmissis ritibus petat explicationem.

Suming mons, de quo supra, ad urbis hujus Notolybicum usque pertingit.

Flumina. Prope *Tinghai* civitatem mare *Quonmuen* vocatur, in quo tersus lapis ad modum columnæ exsurgit; cum naves trans-eunt, nescio qua superstitione ducti nautæ aliquid in mare projiciunt, ni faciant, infelicem sibi futuram navigationem rati.

Scribunt prope *Tunghoa* stagnum parvum, sed profundissimum esse, *Yapoi* vocant, cujus aqua, si probum civitas sit nacta præfectum, limpida prorsus evadat, ac pel-lucidior vitro, si malum, turbida & obcu-

ra. sed fides horum & similium penes ipsos sit scriptores.

Decima Urbs

T A I C H E V.

AMplum hujus urbis territorium est, montibus scatens. sex in eo numerantur civitates, 1 *Taichen*, 2 *Hoang-nien*, 3 *Tientai*, 4 *Sienkin*, 5 *Ninghai*, 6 *Taiping*. Ipsa urbs in monte extructa est: Regum tempore modo *U*, modo *Jue* fuit, *Cina* familia *Minchung* adscripsit regioni, *Hana Changgan* dixit, *Tanga Haichen*, & mox *Taichen*, quod nomen ad hæc usque tempora mansit. In mari vicino squartiarum pelles colligunt easque, in Japoniam pro acinacum vaginis conficiendis, atque in totam Sinam magno quæstu transmittunt.

Ad urbis Australem partem *Caicho* mons *Montes.* est, in *Taoxu* libris ordine decimus nonus: prope *Hoangnien* vero *Gueiyu* mons est, ordine secundus, in illo omnes lapides tum magni, tum parvi figura quadrati sunt, quæ res circa montes plurimum supersticiosos Sinas mire afficit. Prope *Tientai* est mons *Cheching*, qui ordine sextus est in *Taoxu* libris. hic totus fere rubescit. Ibidem in Sinarum montilogio *Taoxu* celeberrimus est ac ordine primus, omniumque, ut putant, felicissimus *Tientai* dictus, à quo ipsi nomen civitati adjacenti inditum. Quanta vero & quam magnifica in eo sint idolorum fana, quamque frequentia coenobia, haud facile dixerim: hic degunt archimandritæ, seu sectæ, quam externam vocant, capita, ii nimirum, à quibus metempsychoseos errori dediti sua per totum imperium accipiunt sacra, uti qui internam seu moralem tantum transmutationem admittunt ex *Vutang* monte, de quo dixi supra. Montis altitudo ad duodeviginti millia perticarum ascendere creditur; occupat autem stadia octingenta.

Circa *Ninghai* ingens mons est, *Tienmuen* nomine, longus stadia trecenta. Ibidem in mari insula montosa prominet *Yohoan*, quod pretiosum circulum sonat ab optima navium statione ita dicta est, quæ tota ad instar annuli à montibus circumdatur, nullis fere ventorum turbinibus obnoxia, parvo quasi relicto ostio ad navium ingressum. Prope *Taiping* mons est *Fangching*, in quo victus ac prostratus *Jue* Rex privatam deinceps duxit vitam.

Unde-

Undecima Urbs

V E N C H E V.

Prope mare in ultima hujus Provinciae parte *Venchen* urbs sita est, ac quia in paludoso jacet loco, & magnitudine ac ædificiorum splendore nobilis est, ideo parva *Hangchen* vulgo dici solet. navium hic maritimarum copiosissimus est numerus, maximaque incolarum ac mercatorum frequentia: navium enim in magno fluvio commodissima statio est, in quo ad urbis usque mœnia & ultra æstus marini vis percipitur.

Habet hæc urbs sub se civitates quinque, 1 *Venchen*, 2 *Xuigan*, 3 *Locing*, 4 *Pingyang*, 5 *Taixun*. quarum regio magna ex parte montibus est impedita: at in Australi parte, antequam ad horridos *Fokien* montes pervenias, diffusam longe lateque habet planiciem feracissimam. Cæterum quod hanc urbem infamat, impudens gentis vitium est, & fœdæ ac nefandæ libidinis inolitæ consuetudo, adeo omni pudore abjecto in his etiam publice peccatur: quamvis autem præfecti nimiam hanc licentiam reprimere sint conati, uti olim lege *Scatinia* apud Romanos cavebatur, semper tamen ad ingenium rediêre. Ostrea illic parva; quod alibi insolitum, aqueis in campis sata crescunt. id hoc modo fit: hujus generis ostrea quædam contundunt, ac deinde guttatim per campos spargunt veluti semina, ex his ostrea deinde suavis saporis nascuntur. Fuit olim hæc Regio *Jue* Regum, mox *U* occuparunt reges. *Leangus Junkia* dixit. *Tanga* familia primum *Tungkia*, mox *Venchen*, *Sunga Xuigan*, *Taiminga Venchen*.

Sata
ostrea.

Montes.

Ad urbis Notolybicum in flumine mons est *Chyû*, totus ab aquis cinctus. Supra eum eximium idolorum fanum ac monasterium.

Prope *Suigan* mons est *Siennien*, in *Taoxu* libris ordine vigesimus sextus.

Tentang mons magnus prope *Locing*, in

eo lacus est non admodum magnus decem nimirum stadiorum, vocatur *Tentang*, hoc est anserum balneum, quia cum anseres sylvestres pro varia anni tempestate terras murent, illic transeuntes solent omnino subsistere.

Munimenta.

Præcipua munimenta sunt, 1 *Chinxan*, 2 *Kinxan*, 3 *Tinghai*, 4 *Quo*, 5 *Ninghai*, 6 *Cioki*, 7 *Sinbo*, 8 *Xette*, 9 *Puontun*, 10 *Gumuen*, 11 *Tungchi*, 12 *Haigan*, 13 *Sining*, 14 *Haifung*, 15 *Nan*. quæ in maris littoribus à Sinis exstructa, contra *Japonum* præcipue incursiones, & ad omnem maris custodiam sunt. Insulæ etiam multæ in mari agricolis & piscatoribus sunt frequentes: omnes illas magnitudine ac incolarum frequentia superat *Cheuxan*, ad quam *Lu* regulus Tartaros fugiens se cum aliis multis recepit; ad eum quamplurimi confugere Sinæ, adeoque ita modo hominibus incolisque referta esse scribitur, ut duo & septuaginta numeret oppida, omnia fere circa maris littora, ubi flumina vel maris recessus commodam faciunt navibus stationem. Sunt ibi jam classes navium non paucæ, & ab equitibus Tartaris securus Rex: ita ex inculta olim insula regnum effectum est non contemnendum. à quo sibi Tartari metuentes, ne in continentem forte erumpant, magnum in vicina civitate *Tinghai* alunt præsidium, & Sinicam sibi subditorum nautarum ac epibatarum classem. Hanc insulam etiam olim potens fuisse Regnum, *Changque* vocatum, scribunt Sinæ; at interdicto illi à Sinis omni commercio, nobilitatem omnem ac vires amisisse suas, adeo ut ultro Sinis sese insula tota subdidit, quam tamen tum temporis, præter paucos rusticos ac piscatores, incolebat nemo; ab ipsis tamen Sinis eo religionis causa sæpe peregrinantibus superstitiose sæpius invisebatur; idolorum enim fanum, multosque sacrificulos ibidem degentes alebat insula, illisque locus hic nescio qua vi divina, altiorique virtute præditus videbatur.







V N D E C I M A P R O V I N C I A , F O K I E N .



*Sinarum
in monti-
bus colen-
dis labor.*

*Commer-
cia Foki-
ensium.*

FOKIEN Provincia mari vicina , com- modoque ad navi- gationes ac com- mercia loco sita , montibus ubique abundat , sed arbo- ribus subinde ac syl- vis amœnis , præci- pue circa prærupta & nemorosa loca , tu- mulosque culturæ parum idoneos , ex qui- bus multam pulchramque fabricandis navi- bus aliisque operibus aptam petunt mate- riam : ubique fere aquarum ac fontium sunt scaturigines , quæ ad irrigandos agros ory- za fere confitos ac feracissimos facili opera derivantur. ubi commoda planicies à natura deest , eam ars hominumque labor ac in- dustria efformavit , obvii passim sunt mon- tes , quos haud immerito viridia theatra di- xeris , ad cochleæ modum aptati sunt plu- res gradus , velut scalæ , quibus à planitie una ad alteram patet aditus , oriza enim cum non nisi in aquis nascatur , planos omnino requirit campos , quod visu jucundum ac rarum est : sæpe etiam de monte in mon- tem per canales aquas deducunt ad irriga- tionem necessarias ; hos autem canales in ipsis montibus natos , arundines videlicet majores illas ac cannas adhibent. Ejusmo- di montium cultura per totam fere Sinam usitata est , at nusquam frequentius quam in hac Provincia propter montium multi- tudinem.

Augent hujus Provinciæ divitias , rerum- que in ea copiam frequentissima commer- cia , ac mercatorum sagacitas & industria ; vix enim ulli alii , quam ex hac Provincia , mare enavigant Sinæ , aut contra regni le- ges exteras petunt nationes mercatores , qui Sinici Imperii ditissimas ac plurimas merces evehunt , exterisque , quas adducunt , com- mutant , aurum nimirum , muschum , gem- mas , argentum vivum , sericos , cannabi- nos ac gossipinos pannos aliaque similia pre- tiosiora ; ad hæc ferrum , cujus ibi copiosæ venæ sunt , chalybem , plurimaque ex iis af- fabre facta , fusaque instrumenta. Ex hac plerumque Provincia institores illi sunt , qui Japoniam , Formosam , Philippinas , Cele-

bes , Javam , Camboyam , Syonem ac simi- lia maris Asiatici , atque Indici loca & In- sulas petunt , magnoque quæstu facto ac lu- cro patriam deinde repetunt , onusti argen- to , cariophyllis , cinamomo , pipere , san- dalo , succino , corallio aliisque : quidquid enim fere à Sinis hactenus obtinuerunt ex- teri , id ex hac totum derivatum est Provin- cia , si illa tantummodo exceperis , quæ Lu- sitani Macaenses ex *Quangtung* habuere , quæque in eam inde revexere Sinæ.

Quanta autem hic sit majorum etiam *Navium* navigiorum (quæ *Changpan* , & *Pancung* *ibi copia.* vocant) copia , vel inde collige , quod Im- peratori in Japones bellum meditati pon- tem hæc Provincia obtulerit colligatis inter se navibus ex hac , in Japoniam usque , in- sulam fabricandum : nec dubium , quin re- perturi omnino fuissent sufficientes naves , si modo vastum illud ac inquietum elemen- tum , mare inquam , pati voluisset.

Ex hac Provincia , assiduis jam olim per totam Indiam navigationibus inclyta , *Mar-* *Reditus* *Pauli* *unde ?* *cus Paulus Venetus* Indiam ac domum re- petiit suam : hæc enim illa est , quam *Fugui* vocat , à *Focheu* metropoli deducto nomine . quin imo Insularum *Eoi* maris ab hujus Provinciæ nautis , à quibus vectus est , eum hausisse notitiam , mihi admodum fit vero- simile , à Sinis enim omnes illas lustratas re- giones , ac enavigata esse maria , ex illorum historiis plurimisque aliis argumentis mihi certissimum est , & illis Indisque omnino evidens : imo & non obscura indicia Persi- cum eos adiisse Sinum , ac mare rubrum , quod Erythræum vocant ; qua de re alibi tracto fusius . intermissa autem creditur hæc navigatio ob Lusitanorum metum , post- quam illi magnam partem Indiæ felicissi- me occuparunt.

Est hujus Provinciæ gens suis cupiditati- bus & voluptatibus turpissimis addicta , ac utriusque libidinis vitio infamis , sagax jux- ta ac fallax : non una omnes eademque utuntur lingua , sed pro variis urbibus va- ria est , adeo ut una aliam ægre ac difficulter intelligat ; litteratorum erudita locutio , om- nibus aliis communis , minus hic quam alibi nota aut in usu est , magno tamen ingenio plerique sunt præditi , Sinicæ eruditioni ac

H h

litteris

*Gentis
indoles ac
mores.*

*Sinarum
naviga-
tiones.*

litteris multum operæ dant, multos eosque præclaros singulis examinibus doctores obtinent: sed & frequentes ex his terris infesti per mare sunt piratæ, reliquis quoque Sinis vulgo habentur crudeliores, nescio quid priscæ illius retinentes barbariei, ultimi quippe Sinarum legum morumque admiscere culturam. *Min* olim regnum, seu potius Dynastiæ variæ, quibus *Min* dynastiæ imperitabant, huic regioni fuere adnumeratæ; cum autem hæc gens fere linguam characterumque pronuntiationem à reliquis diversam habeat, hinc minime mirum, si apud scriptores de rebus Sinicis (illos, inquam, qui ex hujus Provinciæ incolarum relationibus sua litteris mandarunt) tot voces ac nomina occurrant, quæ Sinica nullo modo sunt, imo & crassissimis erroribus obnoxia, ex hujus præcipue gentis inscitia, falsisque aut imperitis narrationibus nata.

Fidei
Christi-
ana ibi
propa-
gatio.

Non parvum in hac Provincia incrementum fides Christiana cepit, tametsi enim eam difficulter admittant primis congressibus incolæ, rationibus tamen, efficacibusque argumentis convicti facile manus dant, eoque in fide firmiores, piique magis sunt, quo fuere tardiores; hinc factum ut vix urbs aut civitas sit in tota hac Provincia, in qua Societas *Jesu* vero Deo consecratum egregieque adornatum templum non habeat. E sacra quoque divi Dominici familia patres in hac Provincia templum habent in pago *Tingtau*, qui ad territorium *Foning* civitatis pertinet, qui unicus ac solus locus est, qui hætenus per totam Sinam in partem laborum nobiscum venit: faxit Deus, ut plures etiam Imperio Sinico ejusmodi copiarum auxiliares adsint, quodque omnium & nostrum & Sinarum Christum agnoscentium votum est, crescant in mille millia!

Provin-
cia limi-
tes.

Est hæc Provincia ex minoribus Sinici Imperii, limitesque habet ad ortum, Notapeliotem & Austrum *Eoum* mare: Notapeliotem versus à *Quantung* clauditur: ad occasum & Barrapeliotem *Kiangsi* fines attingit, reliqua *Chekian* Provincia terminat. Octo urbes habet, civitates vero octo supra quadraginta: multa in ea munimenta sunt ad maris tutelam, custodiamque portuum structa. Liber, cui totius Sinici populi census inscriptus, ait continere familias 50, 9200; viros 180,2677; oryzae tributum est saccorum 88,3115; byssi libras solvit 194; serici confecti volumina 600. maximum tamen tributum est ex navibus, solvitur enim hoc pro cujusque capacitate, ac ma-

Numerus
homi-
num.
tribu-
tum.

gnitudine, nec aliud in hac Provincia telonium est.

Fruitur hæc Provincia aëre plerumque calidiori, puro tamen & salubri: multis magnisque irrigatur fluviis, variisque maris Sinibus interrumpitur littus: circa littora maris quidem præcipue, at per totam quoque Provinciam, cum mari adjaceat, piscium vis ingens est, cæterarumque rerum, quas fert mare: pisces tum siccos, tum sale conditos, tum etiam recentes plurimos magno cum lucro mediterraneis terris suppeditat, fodinas argenti, aurique habere dicitur, sed stanni tantum ac ferri hætenus fuere apertæ, ad cæteras necdum hic pervenit hominum cupiditas ferreis legibus frænata.

Prima Urbs seu Metropolis

F O C H E V.

Est *Focheu* Metropolis nobilis impri-
mis; ædificiorum splendore præcipue
publicorum, emporii ac mercatorum
turmis, litteratorum multitudine, situ etiam
reliquas fere hujus Provinciæ urbes superat:
solum quippe habet fertile, piscosum mare,
navigabilia flumina; per ingens ostium ad
Australia usque mœnia ex mari ipso magnis
navigiis Sinicis patet aditus, ubi *Nantai* sub-
urbium, ac pons plane superbissimus supra
maris sinum est, cujus longitudo centum
quingenta perticarum est, latitudo unius
cum dimidia, seu sesquiperticæ: totus ex al-
bo constat lapide, supra centum altissimos
arcus numerat. hinc inde ad utrumque latus
pontem armant ac ornant cancelli ac po-
dia, debitisque intervallis supra lapideas ba-
ses ex lapide eleganti opere cælati leones:
cum hunc pontem subinde pertransirem,
meliorem me nunquam antea vidisse, aut
facile visurum credidi, tametsi præcipuos
Europæos plerosque multo ante vidissem,
at is qui ad *Sivencheu* est mutare me coë-
git mentem ac sententiam, uti mox dicam:
huic autem qui ad *Nantai* est similem esse
prope *Foning* civitatem Sinæ scribunt, cu-
jus longitudo centum octoginta perticarum
sit; quamplurimos alios pontes intra ac ex-
tra mœnia sitos non adscribo, eo quod ple-
rique similes, hoc est omnes peregregii sint.
Habet hæc urbs quamplurima heroibus &
idolis dedicata templa, at illud quod ad Au-
stralem *Nantai* pontis partem est, omnia &
magnitudine & splendore superat.

Nobili-
tas.

Pons
egregius.

Hic terræ tractus primum sub *Cheva* fa-
milia

Nomina
vetera,
& anti-
quitas.

Fructus
Lichi.

Nomina
retera,
& anti-
quitas.

milia à Sinis cognitus creditur: nam tum primum in libris Sinicis de illo fit mentio sub *Min* nomine, non tamen Imperatori suberat, sed *Min* dynastis: primus qui eum subegit fuit *Cine* familiae auctor, at quam mox jugum excusserunt incolæ, donec *Hiaoüüs* bellicosissimus ac felicissimus *Hane* familiae Imperator, omnino eum cum omnibus Australibus Provinciis in perpetuum Sinico subiecit Imperio, ibique regulum *Vichung* constituit, qui in hac urbe regiam fixit sedem: *Cyn* rex *Cyngan*, *Suius* *Minchen* urbem vocavit, *Tanga* familia *Kienchen*, mox *Fochen*, quod nomen deinceps tenuit *Taiminga* familia: præest urbs civitatibus octo, quarum 1 *Fochen*, 2 *Cutien*, 3 *Mincing*, 4 *Changlo*, 5 *Lienkiang*, 6 *Loyuen*, 7 *Jungfo*, 8 *Focing*.

Conficitur in hujus urbis territorio vis magna albissimi sacchari, eaque est urbs prima, in qua illud fit, ex orientalibus provinciis: ex quo, meo quidem iudicio, liquido patet, hanc urbem esse *Veneti Fugui*; tametsi non habeat fluvium illum ingentem, qui mediam secet, habet tamen eum, qui ad moenia usque pertingit, intraque ipsam urbem censerì potuit, quia amplum in ipsa ripa obtinet suburbium.

Fructus
Lichi.

Maxima etiam est in australibus hujus Provinciae partibus, & præcipue in hujus urbis territorio, copia fructus illius quem *Lichi* vocant, Lusitani *Machaenses Lichias* dicunt; nascitur in magnis procerisque arboribus, quarum folia lauri imitantur, è ramorum summitatibus racemi prodeunt, in his ut in uvis fructus est, sed rarior, ac longioribus pedunculis dependet: fructus figura omnino corculum refert, magnitudine nucem æquat juglandem, parvum strobulum seu nucem pineam repræsentat, squammoso sed non adeo crasso cortice, nam ad membranæ tantum crassitiem accedit, adeoque vel sola manu facile detrahitur: intus succulentus est nucleus albi coloris, saporis ac odoris rosacei suavissimi, cum maturus est fructus purpurei est coloris, videnturque ipsæ arbores purpureis circumquaque quasi cordibus ornatae, amoenissimo adspectu astantium oculis arridere; os seu calculum caro intus ambit, ac circumdat, qui quo mole minor est, eo censetur fructus melior ac præstantior: recte hunc fructum regem fructuum dici posse, sæpe ego mecum cogitavi, qui quasi esui ac spectantium voluptati natus tantum esset, ita delectat, ut nunquam fatiet, ejus nucleus ad instar tragema-

tis cujusdam rosacei congelati, ut vulgo vocant, mihi quidem sæpe visus est, atque ita in ore fere liquefit.

Alter etiam fructus quidam rotundus est, cortice superiori haud absimilis, *Lungyen*, hoc est draconis oculum vocant; superiori mole non æqualis est, paulo minor ac rotundior, ut cerasa fere nostra majora, pelle tamen aliquantulum *Lichi* duriori, magisque squammosa constat. Vtrumque etiam Sinæ exsiccant, & ex hac Provincia per totum imperium ad delicias etiam siccus distrahitur, nullo tamen modo cum recentibus comparari potest, cum suavissimus ille succus totus fere exhalarit; ex *Lichia* etiam exprimitur liquor, quem vinum Sinenses vocant, suave satis, sed rarius.

Est & fructus in hoc territorio, quem Sinæ *Muiginli* vocant, hoc est pulchræ mulieris pruna, eaque magna sunt ac præclara, quæ Damascena illa magnitudine ac præstantia superant, figura rotunda magis sunt quam elliptica aut ovali.

In hac eadem urbe Societas *Jes* u sedem seu residentiam, ædem sacram, magnumque habet Christianorum numerum, ne vero in hac descriptione ubique templa nostra adnotare cogar, ut compendio studeam, nomen *Jes* u urbibus ac locis, ubi templa nostra sunt, adscribi curavi, quæ facile hoc modo sese offerent oculis lectoris curiosi aut spectatoris.

Ad Australem urbis partem collis est *Kentai*, ad quem definit pons ille, de quo supra locutus sum, in eoque est idolorum fanum plane magnificum, *Nantai* nomine.

Sine Fung mons altissimus atque ingens ad urbis Borealem partem incipit, inde civitatum *Cutien*, *Mincing*, *Loyuen* regionem ingreditur.

Fang mons ad Austrum urbis est, in quo vallis est quadraginta stadiorum, circumquaque in collibus aurea, ac citrea, eaque quæ limonia vocant, poma profert.

Prope *Cutien* civitatem mons est *Uhoa* seu quinque florum, ita dictus à quinque altissimis, æqualibusque verticibus, quorum quemlibet mille perticas altum scribunt.

Circa *Jungfu* mons celebris ac altissimus est *Caocai*, in *Taoxu* libris ordine septimus, sylvis annosis amœnus, famosusque idolorum monasteriis.

Min flumen ad urbis Notapeliotem manat, ejus origo est in confinibus *Chekiang* Provinciae, prope civitatem *Lungciuen*, inde *Puching* præterfluit, mox *Kienning* urbem,

Alter
fructus
Lungyen.

Fructus
Muigin-
li.

Montes.

Flumina.

bem, ac *Jenping* & *Xuiken* oppidum, inde immensa aquarum mole auctum metropolisterritorium ingreditur, ac dein mare subit. Ex *Puching* ad oppidum usque *Xuiken* per valles ac saxa ingenti impetu ac violentia volvitur, inde placidissimum flumen est, & quantumcumque violentum, enavigatur tamen à Sinis consueta illorum industria ac parvarum navicularum raro artificio: hæ enim naves clavum, ut aliæ, non habent, sed duos longissime porrectos, ad puppim unum, ad proram alterum; his per saxa ac scopulos prominentes facillime, ac velocissime naves, ac si fræno equos continerent, dirigunt. Bis hoc iter peregi descendens scaphis istis non sine aliquo horrore, cum sæpe inter saxa vix tantus sit canal, ut ad scapham ipsam capiendam videatur sufficere, atque illa undique navim cingere videantur, unde & non rara illic naufragia accidunt; ex hac autem navigandi difficultate nautarumque industria inter Sinas natum diverbium cum ajunt: nautas esse ferreos, naves vero papyraceas, eo quod tenuibus ac minime resistentibus consent asseribus, imo ne clavis quidem compaginis, sed vimine quodam lentissimo; unde tamen in saxa impingat navis, sæpe tamen minime rumpitur, quia vix resistit. Quanto autem impetu ac vi proruant hi torrentes, vel ex eo satis intelliges, quod ex *Puching* ad metropolim usque iter absolvatur triduo, & ad ascensum quindecim omnino dies necessarii sint.

Secunda Urbs

CIVENCHÉV.

C*ivenchen* urbs magna est, mercimoniis opibusque florens; ædificiorum, templorum, compitorumque splendore, majestate, ac pulchritudine ingens spatium complectitur; plateæ omnes lateribus duplici quadratorum saxorum serie clausis stratae sunt nitidissime; si usquam alibi domus hic elegantes, ac magnificæ sunt, & ut reliqua sumptuosa ædificia, ac quamplurimos ubique arcus triumphales taceam, fanum idolorum *Caiyuen* memoria sane & admiratione dignum est, quod in medio duo septizonia claudunt, quorum quodlibet centum viginti sex perticas altum est, inter duas enim zonas ad undeviginti perticas numerant; podia autem ac meniana singularum zonarum ita prominent, ut undique circumi turres ab exteriori parte possint;

Fanum
miran-
dum.

ex meris omnia lapidibus ac marmoribus constant: intra ipsam turtim in qualibet contignatione cuprea vel marmorea erecta est statua idoli *Fe*, quæ omnes statuæ adeo eleganter ac affabre sculptæ sunt, ut jactent ipsimet Sinæ, non ab homine aliquo effictas, sed à quodam ex illis, quos numquam mori dicunt, atque immortales seu *Xin-sien* vocant.

Urbs ipsa mari adjacet, locumque amoenissimum occupat, & ad mœnia usque per maris Sinum naves maximas admittit, & ab utraque quidem urbis parte: jacet enim urbs in promontorio undique aquis cincto, præterquam ad Boream & Notapeliotem; ultra aquas vero in ipso littore oppida habet populo ac mercibus frequentissima, præcipue eo in loco, qui ad Barrolybicum vergit, *Loyang* dictus, qui magnis utique civitatibus comparari potest, ubi pons ille incipit ejusdem cum loco nominis, cui an par, aut secundus detur in orbe, qua patet universo, haud immerito dubitem. de eo ita inquit Sinicus auctor: jacet *Loyang* pons ad urbis Barrolybicum supra *Loyang* flumen exstructus, dicitur etiam *Vangan Pons*, hunc ædificavit urbis præfectus dictus *Caijang*, ejus longitudo ultra trecentas & sexaginta perticas protenditur, latitudo autem sesquiperticam obtinet, priusquam pons structus esset, navibus patebat transitus, sed quotannis propter æstus vehementiam quam plurimæ cum ipsis vectoribus mergebantur; optabat *Cajangus*, ut hominum ac præsertim suorum salutis & incolumitati consuleret, pontem exstruere, sed cum ad hoc opus hominum vires nullo modo intelligeret sufficere, videretque maximam aquæ altitudinem fundamentis jaciendis minime aptam esse, invocato maris spiritu, petiit ut æstum contineret, obtinuitque (si credere fas est) postquam maria omnia fuere pacata, atque uno ac viginti diebus cessavit æstus, tum demum fundamenta jacta, insumptaque ad quater decies centena aureorum millia: hæc ille. Sed nos relictis fabulis ad pontem vere omni admiratione dignissimum veniamus: bis ego cum non sine stupore inspexi, atque accurate notavi omnia; totus ex eodem secto nigricanteque est lapide, nullum habet arcum seu fornicem, sed pilas ex lapidibus ingentibus structas supra trecentas, omnes maximi navigii figuram habent utrinque in angulum acutum desinentem, ut minus aquæ vim ac allisionem sentiant: in superna lapidum coagmentatione à pila ad pilam, quin-

Pons cele-
berrimus.

quinque iique omnino æquales lapides, spatium, quod in latum est, occupant: lapis quivis ad duodeviginti longus est passus meos communes, quos ibi modeste inambulans ad mensuram adhibebam; & duos omnino latus, ac totidem altitudo seu crassities obtinet; sunt ergo similes omnino & æquales ibi ingentes illæ lapideæ ut sic dicam trabes mille & quadringentæ: stupendum omnino opus, non ex eo tantum, quod pilis superimpositæ tot hujuscemodi moles sint, sed vel maxime quod tot tantæque, adeoque æquales uspiam reperiri exscindique potuerint: ne vero transeuntes è ponte delabendi ullum subeant periculum, podia ex eodem lapide utrimque cum leonibus suis basibus insistentibus adstructa sunt, similiaque plura addita ornamenta: sed notandum, me illic tantum describere pontis hujus partem, eam nimirum quæ est inter *Logan* oppidum & castellum supra ipsum pontem ædificatum; illo enim superato alia pars pontis sequitur superiori haud multo minor, cætera totus æqualis. Quod ad sumptus attinet, parvi hi forte censebuntur ab Europæis pro tanto opere; verum illud hic considerandum est, maximam operarum partem apud Sinas gratis servire debere cum publicum quid exstruitur, eorum vero, quibus stipendium solvitur, adeo exilis est merces, ut unius Europæi stipendium hic facile pro decem sit satis.

Zarte
M. Pauli
Veneti.

Ex hac urbe aliisque illi subditis locis naves frequentes & nunc & olim varia loca commerciorum gratiam petere solitæ, quæ res omnino persuadet, prope hic abfuisse *M. Pauli Veneti Zartem*, nam eam quinque dierum spatio à *Fochen* (quam *Fugui* vocat) distare asseruit, quantum omnino hæc urbs distat: scio quidem *Zartem* Sinicum nomen non esse, eam ob rem credibile est nomen id esse, quo Tartari atque exteri celebrem hic aliquem portum indigitabant; suadet hoc ipsum sequentis urbis descriptio, in qua multa inveniemus signa, quæ probant priscis temporibus hæc ab ipsis Christianis frequentata fuisse loca.

Jus dicit urbs civitatibus septem, 1 *Ciwenchen*, 2 *Nangan*, 3 *Hoeigan*, 4 *Tehoa*, 5 *Ganki*, 6 *Tunggan*, 7 *Jungchung*. Erat olim dynastarum *Min*, *Leangus Nangan* urbem dixit, *Suius Rex Venling*, *Sunga Pinghai* dixit, hodiernum nomen *Tanga* dedit familia. De oppido ac nobilissimo emporio *Canhai* huic urbi subiecto inter munimenta loquemur.

Paocai mons est, in cujus vertice eminet turris novizonia, quæ navigantibus pharum, ac certissimum littoris propinquantis signum præbet, ad Australem urbis partem visitur.

Montes
variores.

Tertia Urbs

C H A N G C H E V.

Hangcheu urbs hujus Provinciæ Australissima nomen à magno *Chang* fluvio obtinet, cujus ad ripam jacet occidentalem, marisque æstu eo usque prorumpente alluitur; ad Australem vero partem, ubi fluvius urbem etiam attingit, pons est vere magnificus totus ex secto lapide, ad sex & triginta altissimos & maximos portus arcus, tantæ latitudinis ut utrimque ædiculas cum tabernis institorum sustineat, in quibus assiduæ quodammodo celebrantur nundinæ, ubi quidquid vel apud Sinas eximium, vel ab exteris aliunde allatum est regnis, divenditur: ex nobilissimo enim *Hamuen* emporio continuo ascendunt merces, ut suo dicam loco.

Pons cele-
bris.

Habet sub se civitates decem, 1 *Changcheu*, 2 *Changpu*, 3 *Lugnien*, 4 *Nancing*, 5 *Changtai*, 6 *Changping*, 7 *Pingho*, 8 *Chaogan*, 9 *Haicing*, 10 *Ningyang*. Urbi huic nomen primum sub *Tanga* inditum familia reperio, ac tum primum civitatis eam donatam esse prærogativa: *Juena* paulo post familia urbem statuit, simulque civitatem *Nancing* ædificavit, quæ res omnino persuadet, locum hunc jam tum à plurimis navibus fuisse frequentatum, ac *M. Pauli Zartem* hic alicubi fuisse, accedit quod in hac urbe multa eaque luculenta reperta sint Christianorum vestigia, intraque ipsa mœnia sculpti lapides non pauci, quibus salutiferæ Crucis signum visitur impositum, atque etiam sanctissimæ Virginis Dei genitricis Mariæ, cum cælestibus genis in terram prostratis imagines cum duabus pendulis lucernulis, imo & in præfecti cujusdam palatio reperta est pulcherrima crux marmorea, hanc obtenta ab eo facultate inde educere Christiani, ac in nostro urbis hujus templo summa cum pietate atque apparatu collocavere. Vidi etiam unà cum sociis hic apud litteratum quendam volumen vetus, Gothicis characteribus diligentissime exaratum, adhibita fuit papyri loco tenuissima membrana; maxima Scripturæ sacre pars Latine erat conscripta; tentavi librum ut

Monu-
menta
Christi-
anæ reli-
gionis.

consequeretur : at ejus dominus tametsi gentilis , nec prece nec pretio ullo adduci potuit , ut traderet , in sua familia per multas jam nepotum progenies tanquam rarissimum quoddam antiquitatis cimelium adservatum illud asserens.

Est autem magna hæc urbs ac incolis frequens , ædificiorum ingeniorumque præstantia incluta ; mercatores etiam industrios alit , ac potentes : gens alioquin indolis sat fraudulentæ ac nequam , turpissimisque voluptatibus dedita. In hujus ac superioris urbis territorio uberrime proveniunt poma aurea nobilissima , mole ac magnitudine Europæis majoribus paria , odore , suavitate , atque amœnitate ea omnia longissimo superant intervallo ; nec arboris figura aut modus à nostratibus multum discrepat , sed fere par est , fructus vero in eo differt , quod comestus uvam omnino referat , quam muschatam vocant , ejusdem enim plane odoris ac saporis est , adeo ut suavius quidquam in hoc genere nec Italia hætenus , nec Hispania viderit aut gustarit ; ita vero hic fructus à natura est comparatus ut aureum suum densioremque corticem facile dimittat , pulpa vero intra pelliculas , quibus vestitur ac distinguitur , eadem facilitate in particulas suas dividitur : eundem fructum simul cum cortice inter asseres pressum saccharo condiunt , totoque anno adservant , neque Sinas suos tantum , sed & externos his deliciis pascunt ac recreant.

Montes.

Versus urbis orientalem partem mons est Cio dictus , in quo lapidem esse scribunt altum perticas quinque , crassum decem & octo , qui quoties tempestas imminet , titubabat omnino ac movetur.

Ibidem sed urbi viciniore continuus cum hoc monte alius quidam est , Kieulang dictus , à crystallino fonte commendatus.

Quarta Urbs

K I E N N I N G.

AD orientalem ripam Min fluminis jacet urbs Kienning , quæ metropoli quidem cedit nobilitatis insignibus , at non item magnitudine , ingens omnino atque amplum habet territorium. in eo sunt civitates septem , 1 Kienning , 2 Kienyang , 3 Sunggan , 4 Puching , 5 Chingho , 6 Sungki , 7 Xeuining. Olim etiam ad Min dynastas pertinuit ; Tanga familia Kienchen dixit , Sunga hodiernum dedit nomen : hanc om-

nino tum ex nomine , tum ex loco M. Pauli Veneti Quelinus esse jam supra insinuavi. Hisce ultimis bellis Tartaricis multum detrimenti passa est hæc urbs : cum enim ab illis defecisset , denuo iterata longa obsidione capta , totaque igni tradita est , omnesque qui intus reperti sunt , internecione deleti : hoc incendium & Societatis Jesu templum absumpsit , & pulcherrimum pontem supra Min fluvium velocissimum tantum non destruxit ; erat hic tecto coopertus , utrimque domus ac tabernæ constitutæ , pilæ omnes ex secto lapide altissimæ , reliqua ex ligno , per eum ad fanum superbissimum ascensus erat , ad alteram fluminis ripam extructum ; hic pons antiquum denuo recuperavit splendorem , at pleraque urbis ædificia licet restaurari nonnihil cœpta sint , multum absunt ab antiqua pulchritudine , ac elegantia , tametsi exustæ Sinicæ civitates longe facilius restaurentur quam Europææ , cum ligneis ut plurimum domibus contentent. Est & alius magnificus pons prope Kienyang Choking dictus adeo longus , ut in alterutro latere contineat officinas seu tabernæ mercatorias tres supra septuaginta ; totus etiam hic tecto obductus est.

Est autem Kienning urbs emporium minime infrequens , merces enim omnes quæ per fluvium ascendunt aut descendunt , hic transeunt : ubi ad Puching civitatem pervenire , exponuntur , ac à bajulis usque ad Kiangxan civitatis pagum Pinghu dictum transferuntur , per altissimos montes ac vales , per quos tridui iter est , eodem modo ex Pinghu ad Puching aliæ reportantur ; totum autem hoc iter , quantum humanitus fieri potuit , complanatum est , viæ omnes quadrato lapide stratæ sunt , ubique oppida ac pagi constituti ad hospites excipiendos , merces cauponibus ante ponderatæ committuntur , illi accepto pretio per bajulos in aliam transmittunt partem , ubi sine ulla molestia summaque fide sua mercator recipit ; si quid deperditum fuerit , caupo omnia tenetur solvere. Vix credent Europæi , si dixerò hic ad decem millia bajulorum semper præsto esse , ut onus excipiant , quod & avidè expectant , & assidue ultro citroque per altissimos hosce montes eundo & redeundo vitam tolerant : in ferendis autem oneribus scitissimi sunt Sinæ , ac rustici illic non parvum sane staticis nostris speculatoribus facerent negotium ad causas inveniendas ac rationes , si viderent illos tormenta etiam majora ac similia pondera ita v-

Sina optimi bajuli.

Mira præd.

atibus utrimque suspendentes, ut per artificissimas etiam montium fauces facillime transferant, ac licet præcedant alii, alii subsequantur, multisque passibus à pondere suspensio distent, ita tamen illud vectibus ac funibus ex æquo norunt dividere, ut quilibet æquale fere sentiat onus, seu paulo remotior sit, five vicinior; hoc pacto ingentia marmora, atque integras etiam arbores facile videas humeris gestare Sinas.

Propter mercium transitum *Púching* civitas telonium habet, ubi tamen minimum solvi solet tributum, quod ad viarum restaurationem, pontisque facta tecta conservanda fere adhiberi solet; pons ille ex navibus compluribus invicem colligatis ad ortum *Púching* civitatis visitur: duo numerantur nobiliora fana heroibus dicata in hac regione, ex his unum *Chú-vencungi* est, qui Philosophiam *Cungfutii* adeo scite explicuit, ut classicus omnino habeatur auctor, illaque explicatione uti omnes ex Imperatoris mandato cogantur.

Montes. Versus Barrapeliotem mons altissimus *Xin* est, ex quo supra omnes montes sol oriens ex mari conspicitur.

Prope *Kienyang* est mons *Vlung*, in quo quinque colles unum quendam in medio conclusum ambiunt; is lingua Sinica unio dicitur; illi vero quinque dracones.

Ibidem *Ciaoyuen* mons est in *Taoxu* libris ordine decimus tertius. at qui omnes superat & fama & magnitudine, est *Vuy* mons, prope *Sunggan* civitatem: in eo sunt quam plurima idolorum templa, sacrificulorum monasteria, anachoretæ, inter quos non pauci etiam præfecti, qui rasis capillis idolis serviunt, spretis mundi opibus, ac dignitatibus, atque inter hæc dæmonum mancipia suos quoque Deus elegit servos, cujus rei eventus plane admirandus est. Erat inter sacrificulos illos veluti Archimandrita

Mira prædictio.

quidam, qui duplici fano erat præfectus, *Chang* dictus, hic jam ætate provectior fana sua in Dei veri templa convertit, idolis omnibus sua manu ac securi adhibita concisis in frustra, quorum loco in fano altero Christi Domini Servatoris, in altero Beatissimæ Virginis Deiparæ imagines constituit: cum enim adhuc juvenis sub alio quodam Archimandrita degeret, utque arcana sacra sectæ illius omnia perciperet, egregie inserviret, accidit, ut alter morbo oppressus & confectus senio paulatim morti fieret vicinior, interrogat itaque illum hic discipulus, num vere legem, quam sese hactenus do-

cuerat, crederet ad salutem consequendam, aptam satis & sufficientem, nec ne? cui senex respondit: non fili, sed meliorem nescimus, at bono esto animo, post annos quadraginta aderit, qui tibi verum salutis iter ostendat: his dictis moritur; at *Changus* ultima magistri sui verba, velut cujusdam diviniore numinis oracula non contentus mandasse memoriæ, etiam diligenter scriptis consignat: haud ita multis post elapsis annis cum *Puching* civitatis præfectus Christianis sacris esset initiatus cum tota sua familia, sæpeque ad se ex *Kiening* urbe *R. P. Simonem de Cunha* ad obeunda religionis nostræ ex Christi legibus mysteria, Sacramentaque percipienda invitaret, accidit quandoque ut rebus omnibus sacris absolutis Patrem ad celeberrimum *Vuy* montem visendum deduceret, occurrunt ad excipiendum præfectum suum sacrificuli, inter quos primus fuit *Changus*, cumque inter loquendum de lege Christiana subinde incideret mentio, hæsit ille primum attonitus, tum deinde ita præfectum alloquitur: hæc profecto illa est lex, atque hic vir ille (digito Patrem monstrabat) qui mihi verum salutis iter ostendere debet, ut mihi magister meus dudum ante prædixit; inspicitur liber consignatus ad memoriæ, & annus, quo hæc acta sunt, reperitur omnino ab illius obitu quadragesimus, quare nulla omnino injecta mora idola omnia dejicit, pedibusque ea conculcat, indignatione plenus, ac cum stomacho illis objiciens, quod tanto se tempore decepissent. In his ipsis locis plurimi jam sunt Christi cultores, multique anachoretæ, qui piam & communem inter se vitam degunt; & si hæc bella recentiora non obstitissent, hinc egregii omnino divini verbi præcones prodissent, quod suo quoque tempore quin futurum sit cum ampla omnino messe, non dubitamus.

Tu Leang mons prope *Puching*, qui ex decem extremæ Asiæ montibus maximis unus est. De fluminibus nihil occurrit admodum singulare, præter nomina, quæ habentur in mappis.

Quinta Urbs

J E N P I N G.

PEr montes ac colles ab ipsa fluminis *Min* ripa paulatim ascendit hæc urbs, unde amoenissimo adspectu rota fere præternavigantibus ante oculos versari solet; ad

ad portam ortivam duo coeunt magna flumina, *Min* nimirum ac *Si*, quæ inibi lacum efficiunt, eapropter ex tota fere provincia naves excipit; non quidem adeo magna est urbs, at nihilo propterea minus elegans aut jucunda, ejus mœnia altissimos etiam montes transcendunt ab exteriori parte pœne inaccessos, adeoque fortissima urbs est, & totius provinciæ ut ita dicam clavis: illud etiam præ reliquis habet singulare, quod litteratorum lingua communi loquantur incolæ: nam ad hanc urbem ex *Nanking* deducta fuit colonia; illud etiam vix alibi reperias, quod ad singulas fere domos per canales ex montibus deductæ sint aquæ. Tria numerat nobiliora fana, ac pontes duos, supra quemlibet fluvium unum, qui ex navibus inter se colligatis constant.

Nomina
antiqua.

Cynus rex primus *Jenping* vocavit, *Tanga* familia *Kiencheu*, *Sunga* *Nankien*, & *Taiminga* iterum *Jenping*. præest urbs civitatibus septem, 1 *Jenping*, 2 *Cianglo*, 3 *Xa*, 4 *Teuki*, 5 *Xunchang*, 6 *Junggan*, 7 *Tatien*. De *Xa* civitate vulgo dicitur argenteam eam esse, quod soli frugumque ubertate nulli prorsus cedat, olim hæc civitas in altera fluminis ripa sita fuit: at ab Imperatore destrui, ac omnino inhabitata relinqui iussa est, incolis ad aliam ripam translatis, eo quod priori in loco filius nescio quis patrem interfecisset, tale enim crimen tantam omnino mereri pœnam juxta Sinicas leges judicatum est: habet etiam hæc civitas pontem recto coopertum plane magnificentum, cui multæ superexstructæ sunt institorum tabernæ. In ea & Societas *Jesu* templum obtinet.

Montes.

Fung mons est, qui totam fere civitatem *Cianglo* suis ambit collibus, ibidem ingens mons est *Pechang*, qui Provinciæ *Kiangsi* terminos non attingit tantum, sed & penetrat.

In territorio *Xa* civitatis mons est ingens ac præruptus, *Huon* dictus, in eo animal pilosum homini omnino simile reperiri scribunt.

Tuervang mons est, in quo *Jue* reges æstivos soliti fallere calores multis exstructis eo in monte palatiis, haud procul à civitate.

Sexta Urbs

TINGCHEV.

Hujus urbis territorium olim etiam ad *Min* dynastas pertinuit. *Cynus* rex *Sinlo* vocavit, hodiernum nomen

Tanga dedit familia, sub qua civitas adhuc erat, nondum urbs; at *Taiminga* familia servato urbis nomine magno eam honore auxit, subjectis illi civitatibus octo, quarum 1 *Tincheu*, 2 *Ninghoa*, 3 *Xanghang*, 4 *Vuping*, 5 *Cinglien*, 6 *Lienching*, 7 *Quet-hoa*, 8 *Jungting*. Scatet quidem montibus hoc territorium, attamen rebus omnibus ad vitam necessariis omnino abundat; maxime tamen insalubris est regio: in montibus qua densi magis ac crebri sunt, degit adhuc inculta gens & agrestis, sui que juris tenax, Sinicis legibus minime parens: trium enim hic provinciarum in unum convenientes montes inaccessas ac profundissimas valles constituunt.

Guioha mons amœnus ac floridus; *Ninghoa* incolis magnas præbet delicias, præcipue Vere: huic similis est mons *Kin* sive aureus, ita ab aurifodinis dictus, quas aperuit *Sunga* familia; hic prope *Xanhang* est adeo pulcher, ut pictura amœnissima videatur; in eo tria parva sunt stagna, quibus si crudum ferrum mergatur mutatur in cuprum. *Fung* mons prope *Cinglien* est altissimus, horridus prorsus & inaccessus.

Cingcao stagnum unius jugeri, *mini-* Flumina. mam habet aquæ altitudinem, ad ortum urbis est, circa illud arbores semper virides ac foliis vestitæ conservantur. Prope *Vuping* est lacus *Loxui* sive viridis aquæ, ita dictus à colore viridi, quo ita imbuta est aqua, ut omnia, quæ illa lavantur, eodem inficiat colore.

In flumine, per quod ad *Jenping* navigatur, catadupæ aquarum multæ sunt, & periculosissima syrtibus loca: duo præsertim prope *Cinglien*, unus *Kienlung*, alter *Changcung* dictus; cum naves transeunt, ne cum aqua decedentes fractionis incurrant periculum, scite præmittunt nautæ aliquot straminis fascies, ad quos navis levius impingat, ac transeat.

Septima Urbs

HINGHOA.

EA est hujus urbis territorii præstantia, ut peramœno ac fertili agro in hac Provincia palmam referat, ipsa urbs pulchra est ac nitida, litteratorum etiam turmis & ingeniorum excellentia commendata: arcus triumphales numerat quamplurimos, ac in vicinis collibus non pauca sumptuosa sepulchra: quam vero ferax sit ager vel

vel ex eo collige, quod licet binas tantum sibi subditas habeat civitates, solvat tamen oryzae facos 72000 pro tributo regio; civitates illae sunt, 1 *Hinhua*, 2 *Sienliu*. Ager totus pagis ac oppidis adeo refertus est, ut civitas una censei possit totum hoc territorium: viae hic omnes ita quadrato sunt ubique lapide stratae, ut per sexaginta & amplius stadiorum longitudinem, unius etiam perticae latitudinem servant, quibus nihil per totam Sinam vidi nitidius: pontes etiam duos, eosque magnificos urbs habet, ad Boream unum, ad Austrum alterum: serico tota abundat regio: Lichia fructus nusquam alibi melior; nec meliores tota Sina reperiuntur mugiles: fana heroibus dicata quinque numerat reliquis nobiliora. *Suius* rex hanc urbem *Putien* vocavit, hodiernum nomen *Hinghoa* à *Sunga* habuit familia, quod exsurgentem florem significat, postmodum eadem familia *Hingan* dixit, at *Taiminga Hinghoa* nomen urbi restituit.

Montes.

Hucung mons Australem urbis partem tenet, in eo multa rara notant montilogi Sinæ, octo plana seu facies distinguunt, quibus cubum representet.

Goching mons ad urbis Notapeliotem visitur, ad radices ingens est pagus seu oppidum, in quo ditissimi habitant mercatores, maximeque industrii, qui per totam Sinam sua exercent mercimonia. Plane hoc oppidum ædificiorum splendore ac magnitudine urbem æquare potest: mœnibus tamen, illiusque prærogativis ac titulo caret.

Flumina.

Ad radices montis *Chinyuen*, ad Borealem urbis partem est lacus *Chung*, in cuius ripa palatium ingens erectum est decem constans aulis; in eo, quoties pluvia, aut tempestas imminet, sonus veluti campanæ auditur. in vertice montis *Hucung* puteus est, cujus aqua æstum marinum suo accessu & recessu refert; nomen *Hiai* est.

Puteus æstum pariticeps.

Octava Urbs

X A O U U.

X *Aoiu* urbs hujus Provinciae Borealis, olim ignobilis erat locus sub *Min* dynastis, primum sub *Tanga* familia mœnibus ac urbis titulo donata est, *Xaoui* tamen nomen semper retinuit. habet sub se civitates quatuor: 1 *Xaoui*, 2 *Quangce*, 3 *Taining*, 4 *Kienning*, quia munito ac opportuno jacet loco, & in confiniis ad loca, ubi transitus difficilior est,

munimenta quædam habet, quæ à civitatibus ubique, aut urbibus non differunt, nisi quod præsidium intus alant militare, alias eadem mœnium ac vicorum ubique forma est, tam in munimentis, quam ipsis urbibus: non enim distinguuntur hic munimenta, ut in Europa nostra, penes propugnaculorum ac figuræ formam aut multitudinem; quod hic adnotatum semel, ubique etiam de cæteris velim intelligi, licet in mappis passim veluti munimenta depingi curarim, ut à civitatibus non militaribus hac nota accuratius distinguerentur. Vocatur hæc etiam urbs Occidentalis Provinciae clavis: placidus influit in eam *Ciao* rivus ex quo deducti rivuli plateas omnes pertranseunt: ad urbis Boream supra amnem *Çuyun* pontem habet magnificum, sexaginta tres perticas longum, superioribus non abfimilem: fana etiam duo nobilissima sunt: texit hujus urbis plebs pannos præstantissimos ex crudo cannabo, qui æstatis tempore ob frigiditatem, & quia sudore madefacti non fordescent, citoque siccantur, vulgo expetuntur & in pretio sunt.

Versus Notapeliotem mons est ingens, *Cietai* dictus, ad confinia usque *Tingchen*, & *Jenping* pertingit, in eo fons est multis morbis salutaris.

Kinyao mons ingens quadringenta stadia habet in circuitu, *Kienning* & *Ninghoa* terminos attingit, incipit in regione *Taining*.

Montes.

Civitas major

F O N I N G.

T Res sub se habet civitates, 1 *Foning*, 2 *Fogan*, 3 *Ningte*. in amplo diffusoque sitæ sunt territorio, sed plerumque montibus interrupto, nihil tamen etiam ibi rerum ad vitæ usus necessarium deest. & *Foning* quidem pulchra ac magna est civitas, & quia mari vicina, multa inde commoda accipit. Cæterum montium itinera asperrima sunt, vixque pervia, præcipue ad partes Boreales ac Notapeliotem versus; ad occasum urbis mœnibus vicinus mons est argento gravidus, ut ajunt Sinæ Geographi: unum tantum heroibus ibi dicatum fanum est, sed, quod pluris æstimandum, nec Deo vero suum deest templum, quod in pago *Tingten* dicto, uti supra meminimus, à religiosis è sacra D. Dominici familia recenter est ædificatum, idque solum ac unicum modo in Sinico habent imperio, cum

K k

antea

antea in *Moyang* alio pago etiam sacellum habuerint in domo cujusdam Christiani, sed hisce bellis res tota periit: illud hic adnotare volui, ne mirentur lectores, ac mapparum inspectores ubique omnia vero Deo dicata templa solius Societatis *Jesu* nomine insigniri, & non etiam aliorum; cum enim non nisi urbes aut civitates in meis depictæ sint mappis, templum hoc, quod in pago est (quorum ob immensum numerum, mapparum angustias, aliasque rationes nullam in hoc meo opere facio mentionem) adscribere non potui, ac plus satis esse judicavi, illud hic in ipso textu, uti & alio loco adnotasse.

Montes.

Lungxeu mons altissimus, ad cujus radices civitas *Foning* jacet.

Hung mons ad Australes partes magna etiam exsurgit altitudine.

Nankin mons ad Austrum *Foning*, in litore maris: ad hunc locum antiquissimis temporibus naves appellere solitas scribunt.

Talao mons ad Barrapeliotem *Foning*, triginta sex altissimos attollit vertices.

Flumina.

Ex *Talao* monte rivus emanat autumnali anni tempestate, aqua coloris cœrulei est, ac tum temporis incolæ pannos illa lavando, eodem inficiunt colore.

Munimenta.

Emporia
duo nobilissima.

Ante omnia *Ganhai*, & *Hiamuen* duo à Sinis dicta munimenta hic explicanda sunt, quæ & ædificiorum splendore, & incolarum frequentia, & emporii celebritate non paucas superant urbes.

Ex munimenta *Ganhai* Sinica navi vetus Philippinas petii insulas, cum meum in Europam iter ac reditum sum auspiciatus; ingens hic mercium ac Sinensium navium copia est: portum enim habet sat commodum, ac opportunam navibus stationem; ad fluvium est, quem maris æstus retro sæpe compellit. ad orientalem partem oppidi pons est plane magnificus, longus passus ducentos & quinquaginta, totus est ex lapide nigricante, in multos arcus porrigitur.

Eadem pœne intelligenda de *Hiamuen*, quod oppidum insulam tenet non admodum distitam à continenti, *Ganhai* vero ipsi continenti adhæret: ex his in totam Indiam merces avehuntur, ex eaque aliæ novæ huc reducuntur. Hæc loca olim possedit magnus ille famosusque pyrata *Iquon*, exteris præsertim Hispanis, Lusitanis, atque Hollandis notissimus, qui sæpe classem habuit

ter mille magnarum Sinensium navium: denique ad horum duorum locorum commendationem aliquid facit, quod ab Hollandis aliquoties inspecta magnæ passim vocentur ac ditissimæ civitates, cum tamen inter tales à Sinis non numerentur.

Reliqua munimenta ad maris custodiam sunt, 1 *Pamuen*, 2 *Foning*, 3 *Tinghai*, 4 *Maihoa*, 5 *Xe*, 6 *Haiken*, 7 *Vangan*, 8 *Chungxe*, 9 *Tungxan*, 10 *Huenchung*, 11 *Jungting*.

FORMOSA INSVLA.

AD hanc Provinciam pertinet ampla illa, jamque ab annis aliquot sat celebris Formosa insula, quamvis Sinis subdita non sit, sed suos habeat incolas, sui que juris: hanc Sinæ *Talienkieu* vocant, hoc est majorem *Lieukien*, ad distinctionem minoris; Lusitani intorto nonnihil corruptoque genuino vocabulo *Lequio* vocitant; Formosæ nomen ego ab Hispanis inditum puto, quando in ejus Boreali promontorio, qua acumine suo in mare protenditur, munimentum *Kilung* exstruxerunt. Prope eandem insulam, in alia quadam insula exiliori, *Taiwan* dicta, Hollandi etiam munimentum habent, quod novam Zelandiam vocaverunt. est id castellum Tesseragonum, cum quatuor propugnaculis more fere Belgico constructum; cæterum licet difficillima ibi, nec secuta satis sit navibus statio, mordicus tamen illud tenent ac conservant. Hispani vero suum illud munimentum *Kilung* aut sponte sua deseruere, aut ab Hollandis ejecti, jamque muri omnes ac domus funditus sunt destructæ. distat autem *Taiwan*, exilior illa insula, à Formosa mediam plus minus leucam, jacetque ad Australem partem, & à continenti ad quadraginta circiter milliaria Germanica remota est. Incipit autem amplissima illa Formosa Insula circa gradum vigesimum primum Borealis Hemisphærii, & ad quintum supra vigesimum, aut paulo amplius protenditur: prorsus ut Sinica littora, ita hæc insula fere Barrapeliotem versus excurrit; olim à Sinis fuit habitata, at incolæ illius Sinicos mores jam omnino dedidicerunt, idem tamen iis cum Sinis corporis habitus est, eademque constitutio. mares proceri sunt corpore ac robusti, sed inertes minimeque patientes laborum, ea de causa optimi alioquin soli terra plerisque locis inculta jacet, vixque tantum agri arant aut excolunt, quantum ad victum

cæte-

ceteraque vitæ usui necessaria sufficiat, quam victus inopiam ut utcumque sublevent, subinde cervorum, quorum ibi non exiguus numerus, venationi indulgent. nulum agnoscunt regem, aut gentis suæ caput, sui quisque juris ac liber degit, neque ita cum sociis suis ac vicinis conveniunt aut pacem obtinent, sæpe pagus in pagum alterum arma movet, ac bella gerunt cum vicinis. Comes aliquo modo sunt & urbani in agendo cum hominibus, ab exteris minime abhorrent, nisi ab iis injuria affecti sint: arcu & sagittis armati facile adversarii incursum aut impetum prohibent, aut repellunt. Tentatum sæpe fuit à viris religiosis, natione Hispanis, modusne esset facilis eos ad fidem Christianam convertendi, at ob gentis nimiam adhuc feritatem & barbariem, ut illi ajunt, parum admodum effectum est: & si qui ibi fidem nostram admiserint, ex iis maxime fuere, qui ex Sinarum continenti illuc ad sua peragenda mercimonia advolarant: cum quidpiam novi vident, aut quod illis arrideat, id summo cum judicii neglectu seposito omni pudore petunt, ut pueri solent, & vel minima re concessa quam mox acquiescunt: nudi omnes incedunt æstivo tempore, hyeme male tecti sunt. Mulieres statura parvæ sunt, insita quadam naturæ verecundia virorum adspectum ac familiaritatem fugiunt: plerique ex hac gente in altissimis montibus habitant, neminemque ad se accedere sinunt, ipsimet ad sua obeunda negotia descendunt.

Abundat hæc insula cervis, apris, leporibus, phasianis, columbis, vaccis, similibusque animalibus tam cicuribus, quam feris: vaccarum caro præ reliquis ibi suavissima esse dicitur, aprugna rarior ac inter delicias numeratur: ibidem magna gingiberis copia

est, aquilæ lignum odoriferum, nuces Indicæ palmarum, musæ aliique hujuscemodi fructus. gleba ubique pinguis est, & si coleretur more Sinico, magnam promittit ubertatem ac luxuriam frugum. spatiosis sponte sua natis annosisque arboribus umbram facit ex apricis campis recedentibus, qui læto alias gramine virescere solent. Aurum ibi in montibus reperiri vix ullus est qui dubitet ex iis, ad quos aliqua hujus Insulæ notitia pervenit; sed ingredi eos hætenus nemo est ausus: ex montibus flumina ac rivipromanant, qui totam insulam irriguam ac fertilem reddunt. Incolarum merces potissimum sunt pelles cervorum, exsiccati illorum nervi, quæ Sinæ panni ac serici commutatione comparant: sicci enim cervorum nervi maxime à Sinis ad lautitias ciborum, mensæque apparatus expetuntur, aqua enim hi macerati, coctique plane suavissimi sunt, creduntque Sinæ victum hunc non nihil ad vitam diutius producendam conferre, opinione forte hac à longissima, quam prædicant, cervorum ætate ac vita orta, unde & suos illi immortales solent fere ita depingere: sedet crassculus quispiam ac bene curata cute, cujus pinguis aqualiculus sesquipede extat, decussatis cruribus, adstat ad latus dextrum cervus longævum animal, qui herum limis oculis benigno scilicet aspectu ac influxu intuetur, à sinistro latere ciconia est, incurvum, inflexumque; rostrum versus dominum suum porrigens, ipse compositis intra manicas manibus veneranda canitie, longumque protensa, pectore superiore nonnihil aperto, quo pinguiusculus magis appareat, magna vestitus majestate ac decore, quod simulachrum alicubi pro idolo colitur, ac signo felicitatis à stultis hisce gentilibus.

*Idolum
immortalitatis.*

DVODECIMA PROVINCIA QUANGTUNG.

Termini.



Nobilissimæ ac ditissimæ *Quangtung* Provinciæ limites statuit ad occasum Provincia *Quangsi*, ad Barrolybicum ac Boream *Kiangsi*, à qua Provincia per continuos montes separatur: Barrapeliotem tenet *Fokien*, ubi altissimi montes ac *Ting* fluvius limes est, reliqua omnia mare claudit, quod non raros portus commodasque navibus stationes præbet. Numerat Provincia urbes decem, civitates vero tres supra septuaginta, quibus *Macaum* nobilissimum Lusitanorum emporium haud adscribo, ut de eo suo loco agam commodius: familias alere dicitur 48, 3360, viros vero 197,8022, tributum oryzae quod pendit, est saccorum 1017,772. salis pondera 37380, quibus telonii ac navium tributa adscripta non sunt.

Rebus ad vitam tuendam necessariis satis abundat hæc Provincia, nec minus mercibus admodum pretiosis, quas aut sponte sua nascentes profert, aut arte conficit, atque hominum industria, reliqua facili opere ex reliquo accersit imperio: partim montana est, partim plana, præcipue qua ad Austrum vergit; oryzae vero ac tritici adeo feraces obtinet campos, ut bis quotannis semen suscipiant, reddantque multiplici fœnore, neque enim ulla hyemis incommoda tota hæc sentit Provincia, adeo ut de ea vulgare Sinarum dicatur diverbium: Tria nimirum in hac Provincia plane esse insolita, cœlum sine nive, arbores semper virides, incolae spuantes sanguinem, quod numquam scilicet hic videatur nix, arbores numquam nudentur foliis, homines vero folio *Betel* ac *Areca* cum calce utentes ea, quæ salivam rubicundo inficiunt colore, assidue mastitent, uti per totam passim Indiam in usu est, quamvis id ita esse suo olim tempore credere noluerit *Matthiolus*.

Si merces, resque quas venum exponit hæc Provincia, inspiciamus, vix quidquam in ea aut præclari aut pretiosi deesse compertimus: incredibilis illic auri, gemmarum, unionum, serici, stanni, argenti vivi, saccari, cupri, ferri, chalybis, salis nitrici, li-

gnorum aquilæ, aliorumque odoriferorum vis reperitur: fusæ ex hoc ferro fistulæ pro bombardis, quod sane mirum, numquam dissiliunt in frusta, sed si nimium infarciantur pulvere, aut vim ignis nimiam alias ferre non possint, ut summum finduntur aperiunturque; aliquantum absque adstantium noxa, ex eo fortasse quod ligneo carbone illic liquefiat ferrum, qui lentitudinem illi aliquam conciliet ac viscositatem relinquat, non fossili, qui nimium induret ferrum, atque constipet.

Fructus quoque hic ubique plurimi sunt & præstantissimi, Europæi non pauci, poma granata, uvæ, pyra, nuces, castaneæ, at hisce terris proprii ac singulares mufæ, nuces Indicæ, ananas, lichia, lungyen, poma demum aurea ac citria omnis generis etiam præstantissima illa, quæ paulo supra in Provincia *Fokien* descripsimus. Unum præterea genus est particulare *Teuçû* Sinæ vocant, Lusitani *Jamboa*, Hollandi *Pompe-limonia*, in spinosis arboribus, ut limonia poma solent, nascuntur, arbores tamen illis majores sunt, flores etiam similes omnino, albosque proferunt suavissimi odoris, ex quibus aqua etiam fragrantissima destillatoria arte elicitur; fructus autem citria omnia etiam illa maxima longe superat magnitudine, quippe qui capitis humani molem aut æquet, aut excedat; cortex reliquis pomis aureis similis est colore, pulpa interna rubescit, dulcedinem aliqua aciditate permixtam obtinet, uvamque sapore refert non omnino maturam, proptereaque ex eo etiam liquor pro potu exprimi solet, uti in Europa ex cerasis, pyris ac pomis pro sicera: suspensus domi fructus ad annum perdurat.

Gens hujus Provinciæ habilis est omnino ac industria, ac tamen ad res novas excogitandas non ita ingenio prompti videantur, facile tamen quidvis ab aliis inventum aut arte effectum imitantur; vix quidquam ex Europa rarum ad Lusitanos aliosve allatum vident, quin quam mox assequantur artificium, sive ex auro illud sit, seu textum filis sericis, seu alia qualibet materia, figuras floresque omnes facillime exprimunt, modo etiam ex vitro suo (quod magna ex parte ex oryza conficiunt nostro longe tenuius ac subtilius, at tanto etiam fragilius) specilla quævis vitrea, etiam convexa & concava absque

na
ia.

is
es.



Q V A N G S I

HVQVANG PARS.

KIANGSI PARS.

F O K J E N

P A R S.

- Notarum Explicatio.
- Metropolis. Signum militare.
 - Vrbs. M. mons.
 - Civitas major. fl. T. fluvius.
 - Civitas minor. A. Amis.
 - Fortalis. T. Torrens.
 - Argentifodina. L. Lacus.
 - Plumbifodina.

TUNG-
KING
CONF-
NJA.

HAI
NAN.

Cum privilegio Sac. Caesares Maj.
& Ordinum Belgicae Fœder.

Excudit Joannes Blaeu.

QVANTVNG.
IMPERII Sinarvm
PROVINCIA
DVODECIMA.

Stadia Sinensia quorum 200 uni gradui respondent.
Millaria Germanica quorum 25 unum Constituant gradum.



absque attritione in scutellis, imo & vitra trigona fundunt, quæ licet ad perfectionem nostratium Europæorum non accedant, proxime tamen ab iis absunt, cum tamen ante adventum Patrum nostrorum ad Sinas vitri conficiendi modum atque artem penitus ut puto ignorarint: automata illa, quæ majoribus minoribusque rotis dentatis constant, etiam conficiunt, licet minora illa subtilissima horologia nostra rotatilia non ita adhuc capiant: ex auto ductili rarissimas, tenuissimasque miro artificio efformant cate-nulas, capsulas aliaque hujuscemodi, quam artem alibi me videre non memini, vulgo Hispani *obras de fila grana* vocant: ex glutine etiam suo *Cie* sexcentas rerum species efformant scitissime ac nitidissime, quodque mireris vilissimo omnia pretio veneunt, cum enim victus & amictus facile parabiles sint, opifices levissimo etiam lucro acquiescunt.

Proregis
dignitas.

Quantung autem Provinciæ Prorex inter primos sui ordinis censetur: cum enim in extremis regni finibus sita sit, ac quam longissime distet à regia, totaque præterea mari alluatur, non raro itinera habet latronibus infesta, mariaque pyratibus. hinc statutum ut *Quantung* Prorex, *Quangsi* etiam Provinciæ cum potestate præsit, (licet illa quoque, veluti cæteræ, suum habeat proregem;) imo eadem de causa, non uti alias solet, in ipsa metropoli sedem habet Prorex, sed in urbe *Chaoking*, quæ urbs *Quangsi* Provinciæ contermina commodiorem visa est offerre stationem. Metropolim tamen tenet magnus maris Architalassus, *Haitao* Sinæ vocant, qui pyratum conatibus invigilet, quam ob rem magna plane pollet potestate.

Nomina
antiqua.

Hæc etiam Provincia primum Sinicis parere coepit Imperatoribus sub finem *Cheva* familiæ, vocataque est *Nanive* regnum; nec diu tamen Sinis subesse voluit, ab illis namque deficiens non nisi suos *Nanive* agnovit reges. at *Hiaovius Hana* Imperatoriæ familiæ omnes has regiones coram ipsemet præfens expugnavit, atque suo subiecit Imperio, exin Sinico Imperatori subfuere. De anatum in hac Provincia copia, atque incolarum in illarum educatione industria, quam sæpe sum admiratus, haud abs re erit, quædam hic breviter perstringere: quamvis enim per totam Sinam passim alantur, nusquam tamen, quam hic copiosior proles est. Ova tepido furno aut fimeto dextre intrudunt, excluduntque absque matrum incubatione uti fertur de Ægyptiis: in na-

Anatum
copia.

viculis magnas sæpe harum anatum cohortes alunt, quibus ad pabulum quærendum eas vel ad maris littora, vel fluviorum ripas transvehunt, ut æstu recedente ostrea, cancri, squillæ aliaque hujusmodi insecta marina aquis recedentibus in littore destituta, illis præda atque esca fiant: sæpius plurimæ concurrunt naves, plurimæque cortes inter se in ipsis aquis aut littore miscentur, noctu tamen aut vespere adventante, quælibet ad naviculam suam, uti columbæ ad nidulos, revertitur, pelvi pulsata quasi signo receptui dato, in suam quæque navem redit. anates hæc sale etiam, ut diutius servari possint, condire solent, nihilque propterea suavitatis, aut soliti saporis gratissimi amittunt: Ova quoque anatum saliant, sale cum terra argillosa misto, aut cretosa, ea coöperiunt, è qua per ipsam etiam testam ova illum imbibunt, quæ res apud Europæos nova omnino ac rara est, facileque Sinicum ostendit ingenium; solo enim sale aut muria immersa ova falsedinem minime admittunt; ubi creta aut argilla illita fuerint, ea imbuuntur, cibisque est non ingratus, imo & salubris, quippe qui & à Sinensibus Medicis ipsis ægris concedatur. reliqua singulis locis propria in particulari urbium descriptione reperies. Non tamen hic prætereunda rosa Sinica est, illa nimirum, quæ diebus singulis bis colorem mutat, purpureaque modo tota, modo rursus omnino alba evadit; caret suavitate odoris, in arbore nascitur: illa colorum mutatio visa mihi quidem semper aliquod naturæ arcanum mysterium, quod mystis illis amplius discutiendum relinquo, quibus novas jam de colorum natura, lucisque incidentia & reflexione sententias cudere adlubescit.

Ova salianta.

Rosa colorem mutans.

Prima Urbs seu metropolis

Q V A N G C H E V .

Hujus nobilissimæ urbis territorium olim ad *Nanive* Reges pertinuit, locusque tum erat ignobilis ubi modo metropolis est, & *Jangching* dicebatur; *Hiaovus* omnibus Australibus provinciis debellatis, hoc in loco dilatato aliquantulum pomœnio *Quangchen* urbem statuit, in eaque regulum constituit feudatarium. *Cynus Sinboei* dixit, *Suius Fanchen*, *Tanga* & *Sunga* familia eodem nomine *Cinghai*, at *Taiminga* antiquum *Quangchen* nomen restituit. Includit hujus urbis territorium civitates quindecim, quibus *Macaum* Lusitanorum

Nomina
antiqua.

L I

tanorum

tanorum haud adnumero, licet in hoc etiam territorio sita sit, 1 *Quangchett*, 2 *Xunte*, 3 *Tunguon*, 4 *Cengching*, 5 *Hiangxan*, 6 *Sinboei*, 7 *Cingyuen*, 8 *Sinning*, 9 *Cung-hoa*, 10 *Lungmuen*, 11 *Sanxui*, 12 *Lien*, 13 *Jangxan*, 14 *Lienxan*, 15 *Singan*.

Urbis ter-
mini.

Ad ortum, Boream ac occasum hanc regionem montes claudunt, reliqua vero ipsa maria; ubique copiosis aquis irrigua est, amoenas feracesque hinc inde obtinet planicies. Ipsa metropolis non sua tantum magnitudine celebris est, quippe quæ ad quatuor Germanica milliaria suis cum suburbiis occupet, sed & publicorum ædificiorum splendore, incolarum frequentia, atque ipso situ nobilis; tametsi enim à mari aliquanto distet spatium, navium tamen majorum ad ipsa usque urbis mœnia capaces habet alveos, quibus undique latissime cingitur: porta una, eaque Borealis in continente est. emporii magnitudini respondet mercium copia, mercatorumque concursus, ex quibus opes ac commoda nascuntur: merces ex hac urbe quotannis evehuntur innumeræ, & ab exteris advehuntur, soli Lusitani qui *Macai* degunt, ingentes hinc divitias hauriunt: bis enim illis quotannis illuc ad nundinas proficisci, ac morari illarum tempore licet; mille trecentas omnis generis sericorum pannorum arcas hisce temporibus secum deducere consueverant, quælibet arca centum & quinquaginta continebat serica volumina, panni rasi, damasceni, aliorumque hujuscemodi: efferebantur quoque more solito auri, ut vocant, panes bis mille quingenti, quilibet decem *Toel*, ut ajunt, appendebat, singuli autem *Toel* tredecim regales Hispanicos seu Philippicos æquant pondere, adeoque panis quilibet aureus tredecim plus minus fuit unciarum. Muschi tum congerere soliti libras octingentas: hisce byssum sericumve non laboratum, aurea fila, lapides pretiosos ac gemmas, uniones, multaque alia haud adnumero. Neque Lusitani tantum, sed vel maxime *Siones*, *Camboiani* aliique viciniore hanc urbem frequentant, unde tanta navium illic multitudo est, ut integram materiæ sylvam videre te credas, ex quibus facile est de urbis opulentia formare judicium; atque hæc eadem intelligenda sunt de nobilissima civitate *Hiangxan*, in qua præcipui ac ditissimi habitant mercatores.

Macai
descri-
ptio.

Macaum haud dubie inter nobilissima totius Indiæ emporia jam pridem est numeratum, de quo tacere hic fere præstat, quam

nimis pauca dicere; quia tamen ab aliis hæc fusius deducta sunt, brevibus, quæ hic necessaria, perstringam. Jacet hæc civitas in exigua peninsula insulæ majoris, in ipso promontorio fortissimo ac viribus humanis bene inexpugnabili loco, undique mari cincta, si Borealem terræ quasi linguam excipias; mare circumcirca habet minime altum, unde navibus vix patet accessus, nisi per ipsum portum, ad quem egregium munimentum est: illud naves tantum non raderere coguntur, cum portum ingredi volunt, ubi complura præclara atque insignia sunt majora tormenta, nusquam enim plura aut meliora, quam hoc in loco constari existimo: hic enim funduntur assidue nova ex Japonico ac Sinico cupro, atque hinc totius Indiæ provideri solet. Qua vero terra patet iter, nulla prorsus arbor, nullum impedimentum est, sed omnia oculis atque ictibus pervia; duo tantummodo egregie etiam munita castella sunt in vicinis collibus edificata, quæ non parum roboris ac securitatis ab hostibus ipsi urbi præstant. Ubi nunc urbs est, olim idolum erat *Ama* dictum, & quia optima ibi navium statio est, quam *Sina* *Gao* dicunt, hinc *Amacao* ortum est nomen, cum alias dicendum fuisset *Amagao*; hic itaque hæcenus incultus locus ab Lusitanis excoli & habitari captus est, ipsis concedentibus Sinis, atque ultro annuentibus: unde non ita multo post in celeberrimam hanc ac frequentissimam evasit civitatem, propter multiplex rerum omnium, quæ vel ex Europa, vel ex tota India Lusitanis navibus feruntur, & ex Sina advehuntur commercium: quamvis autem ab emporii celebritate, incolarum ac domorum, præcipueque monasteriorum cum primis visenda sit civitas; maxime tamen illam extollit, quod non tantum in ultimum illum orbem immensa hominum cupiditas negotiatores illos detulerit; verum etiam ne latius paterent Lusitanici Imperii fines, quam illius Christianæ religionis propagandæ ardor, conflueret ad hanc civitatem religiosi viri, sacerdotesque non pauci, qui vel Lusitanorum in rebus divinis curam gerunt, vel externos indigenas ad Christum adducendos suscipere; quinimo hinc fere omnes illæ inclytæ prorsus ac nobilissimæ expeditiones rei Christianæ in *Japoniam*, *Sinam*, *Tungkinum*, *Cochincinam*, *Camboyam*, *Laos* ac cæteræ exortæ sunt, Lusitanorumque mercatorum eleemosynis adjunctæ omnino ac promotæ, quod genus pietatis in hac maxime civitate floruit,

Macaum
urbs mu-
nitissima.

Montes.

Flumina.

Secunda Urbs

X A O C H E V.

floruit, unde haud immerito Lusitaniæ Reges eam urbis titulo ac prærogativa donarunt, ac Sedis Apostolicæ autoritate accedente præfulem illis impetrarunt, quo rerum ibi divinarum ac sacrarum majestas tanto apud exterarum ibi gentes evadat major, administratioque solennior. Quod in hac Provincia rarum, arbor illa est, quam Lusitani ferreum vocant lignum, nec temere, siquidem colore, pondere ac duritie ferrum durissimum æquat, imò nec aquis supernatat, sed subsidit: ex hoc ligno durissima quæque ac maxime durabilia fiunt instrumenta.

Montes.

Habet quoque Societas JESU in hac Quangcheu Metropoli vero Deo templum sacrum. Sunt intra mœnia tres colles amœni, egregiisque ædificiis conspicui, primus Juesien, aler Fan, tertius Gheu dictus: prope Xunte est Lungnien mons crystallino fonte insignis, in eodem rudes quidam lapides reperiuntur miris & exoticis constantes figuris, quos Sinæ ad fictitios efformandos montes adhibent, atque expetunt.

Tahi mons prope Tunguon ad littus maris, ubi ad sex supra triginta parvæ insulæ numerantur.

Huten mons prope Tunguon, in mari altam, magnamque Insulam efficit, quam versus navigant, ac pro Pharo observant quicumque navibus Quangtung Provinciam petunt.

Lofeu mons ingens est, qui à Changching incipiens usque ad Polo civitatem pergit, quæ una ex iis est, quæ subditæ sunt urbi Hoeicheu.

Prope Sinhoei in mari est Taimuen Insula ac mons, ex quo cum ultimus Sunga familiæ Imperator à Tartaris Juena familiæ expulsus, victus, & ad summas angustias redactus esset, sese cum maximo ac amicissimo præfecto desperatis rebus in mare præcipitavit, mutuoque in amplexu aquis ambo fuerunt suffocati.

Talo mons amplius prope Cingyuen, inde ad territorium usq; Hoaicie civitatis in Provinciam Quangsi excurrit, in eo inculta gens adhuc habitat, Sinis minime subjecta.

Flumina.

Ab urbe Notapeliotem versus insula est Pipa dicta, aliaque ad ortum quinquaginta stadiorum Liechi nomine, utraque in mari illo jacet, quod ad Austrum urbem ipsam ingreditur.

Prope Tunguon insula est Xanhu, hoc est, corallii, ita vocitata quod coralli rubri ramum inde quandoque piscator quidam eduxerit.

Prima hujus regionis fit mentio sub finem Cheva familiæ, ac tum quidem Pegao dicitur, fuit postmodo regum Cu, sub Cina familia ad Nanhai terras fuit relata, Hana familia Queyang dixit, hodiernum nomen jam inde habet à familia Tanga. Describit autem hanc urbem paulo fufius, & uti solet, eleganter R. P. Nicolaus Trigautius: Lib. 3. cap. 1. Urbs Xaocheu visitur inter duo flumina navigari solita, quæ hic in unum confluunt, alterum quod Nanhung, ad ortum alluit; alterum quod ex Huquang Provincia profuit, spectatque urbem ad occasum. urbana vero mœnia, & civium ædes, in medio agro, quem flumina relinquunt, exstruuntur, unde fit ut non nimis late pateant, & ad reliquas ædes agrum in altera fluminis ripa utrimque quærant; ex eo vero, quod occidua ripa frequentius habitetur, pons est ex navigiis inter se colligatis. Numerat urbs ad quinque familiarum millia: ferax est imprimis regio, oryza & pomorum, piscium etiam, carniū, atque olerum; verum insalubris est aer, & cœlum inclementius. Et paulo infra addit: Cœnobium reppererunt in insigni planitie, cincta undique collibus amœnis, quos supra naturæ honores ars arboribus frugiferis ita vestierat, ut nihil æque oculis blandiri posse videatur, maxime quod eas cœli clementia ab hyemis nudæ foliis interitu vindicaret, ipsa porro planicies oryzam, aliaque legumina educebat rivuli perennis maxime beneficio, qui mediam planiciem irrigabat, in colle quodam præ cæteris amœno, quem fons aquæ potabilis eximia magnitudine totum rigat, fanum illud, moles prægrandis visebatur, juxta illud cœnobium, in quo mille idolorum sacrificulos hujus agri dominos benefica & impia pietate majorum commorari ferunt: id originem habuit à viro quodam annis retro plus minus octingentis, quem Lusu vocant, hic eum ajunt magna sanctimonie opinione floruisse, quam illi conciliavit asperrima vitæ ratio; hunc etiam narrant æterna catena supra nudam carnem cinctum oryzam cribrare solitum, & de more contere leviter, quantum cœnobitis mille sufficeret in victum quotidianum: ex ea catena caro computruerat usque adeo, ut vermes ex ea scaturirent, è quibus, si aliquis fortasse in terram decideret, ab eo reponeretur dicente, an tibi deest, quod rodas? quod fugere in mentem

Antiqua nomina

Cœnobium magnificum

Lusu asperitas vitæ rara.

mentem venit: in eo igitur loco cadaver illius adservatur, eique colendo celebre illud fanum est erectum, quo ex universo regno à peregrinantibus concurritur, nam ubique ipse, resque ipsius omnes in magna habentur veneratione. Hi dæmonum ministri in duodecim divisi sunt stationes, & unicuique præfectus est designatus præter eum, qui toti cœnobio cum ampla potestate præest.

Mons ille, in quo cœnobium est, *Nanhoa* dicitur. fons vero, qui montem lambit, in eoque originem habet *Çao* nomen habet, jacet autem ab urbe versus Notapeliotem: numerat eadem urbs tria alia nobilia fana, & Societatis *Jesu* templum in hac urbe habuit, quamvis modo eo careat.

Urbis tractus ut plurimum montibus refertus est, vocaturque Borealis *Jue* regni porta. sex illi subsunt civitates: 1 *Xaocheu*, 2 *Lochang*, 3 *Ginhua*, 4 *Juyuen*, 5 *Ungyuen*, 6 *Ingte*.

Montes.

Prope *Lochang* mons est *Chang*, in eo nigra nascuntur arundines, ex quibus Sinæ fistulas suas conficiunt, multaque alia, quæ ex ebano confecta esse videntur.

Lichi mons prope *Ungyuen*, in quo lacus est, qui ab octo oritur rivulis, ejus aqua adeo salubris est ut passim habeatur medica.

Flumina.

Fluvius qui ad Austrum est *Siang* & *Kio* dicitur, oritur ex confluxu *Chin* amnis, & *Vu*, ille ex *Nanhiung*, hic ex *Quangsi* descendit: locus in quo flumina conveniunt, multorum naufragiis dicitur infamis, unde ad ripam fanum est idolorum, quod transitori nautæ frequentant, oblatisque muneribus, ut felicem navigationem obtineant, numen illud scilicet placant.

Prope *Ginhua* est rivus *Kinx*, cujus accolæ arundinibus abundant, easque in fila adeo subtilia scindere norunt, ut ex iis etiam vestes contexant.

Tao rivus, id est pomorum persicorum, prope *Ingte*; ita dictus quod ripas arboribus Persicis confitas habeat.

Tertia Urbs

N A N H I V N G.

Flumen *Chin* ascenditibus hujus urbis, quæ fluvii origini proxima est, aspectus occurrit; ea est hujus Provinciæ maxime borealis, emporium dives ac frequens, undique enim advenientes merces excipit, quæ hic à bajulis per montem diei unius itinere deferuntur, uti in *Puching* civitate Provinciæ *Fokien* supra dixi: habet

propterea hæc urbs telonium, in quo vectigal solvitur, & quia de his sæpe locutus sum, nunc de eorum moderatione dicendum est aliquid, vere enim Europæi ab hac gente, quæ barbara olim credita est, habent quod hac in parte discere possint: nunquam hic è navi exponuntur merces ut inspiciantur, si mercatores cum fide librum exhibeant, in quo quænam eæ, quotque sint notetur: si quis transeat, qui mercator non sit, tametsi quædam ex iis, quæ ab una provincia in alia deducuntur, secum habeat, nihil ab eo petitur: ad vestes autem alicujus corpusve, ut exploret quis, manum porrigere, aut denudare jubere partem corporis, similiaque, quæ quibusdam in locis inepte fiunt, barbarum hic prorsus credunt, inurbanum, atque homine indignum.

Plurimi hic sunt montes, eratque olim medio in itinere, quo ferri onera solebant mons arduus ac præruptus nomine *Mulin*, qui magnas bajulis illis molestias faciebat, is à præfecto quodam suis id sumptibus procurante, tandem sublatus est, atque ita complanatum est hoc iter, sectoque lapide stratum, ut non modo pedites sed & equites, iique qui sellas gestant, commodissime conficiant, pertranseantque ipsum montis verticem: in cujus summitate ad æternam tanti facinoris, beneficiique memoriam erectum fanum est, illique Præfecto dicatum, in quo grata posteritas illi suffitum facit pretiosis accensis pastillis, odoribusque gratissimis excitatis, non tamen idcirco eum ut numen venerantur, sed tantummodo grati animi mnemosymon exhibent: ibidem præclarissima visitur turris novizonia in altissimo montis vertice.

Hæc regio etiam ad *Çu* reges pertinuit, sub *Cina* familia ad *Nanhai* regionem spectavit, sub *Hana* ad *Queiyang*, & hæc urbs *Hiungcheu* dicta est. *Sunga* familia hodiernum dedit nomen. Duas tantummodo urbs hæc regit civitates, 1 *Nanhiung*, 2 *Xibing*. Reperitur in hac regione lapidis genus adeo durum, ut ex illo secures, ac cultellos saxeos conficiant: est & alius lapillus Sinico atramento simillimus, eo, ut nos creta, ad scribendum in tabulis rasis ac candidis utuntur.

Mulin mons ille, qui in planum redactus est, in quo fanum *Junfung* præfecto *Changkieulingo* dicatum, de quo fusius, actum superius.

Tienfung mons altissimus ac amplius ad urbis Borealem partem est: *Sieung* mons prope

Montes.

prope *Xibing*, qui pulchritudine ac amœnitate reliquos omnes hac in regione facile superat.

Flumina. *Chin* flumen hic originem habet, perque illud navigatur usque ad mare: totam enim Provinciam mediam secat, mutato sæpe nomine *Siang* & *Kio* dicitur.

Mekiang amnis, hoc est atramenti, nigerrima enim aqua est, atramentoque similima; non item pisces, qui præstantissimi censentur.

Quarta Urbs

H O E I C H E V.

Soli natura.

H *Oeicheu* urbs territorium optimum hujus Provinciæ habetur, apricum est & amœnum, soloque ac pingui gleba gaudet, aquarum etiam complures obtinet scaturigines. decem in eo numerantur civitates: 1 *Hoeicheu*, 2 *Polo*, 3 *Haifung*, 4 *Hoiien*, 5 *Lungchuen*, 6 *Changlo*, 7 *Hingning*, 8 *Hoping*, 9 *Changning*, 10 *Junggan*. Præcis temporibus ejusdem sortis ac loci cum superiori urbe fuit.

Nomina antiqua.

Leangbus *Leanghoa* dixit, *Suius* *Lungcheu*, *Tanga* familia *Haifung*, *Sunga* nomen indidit, quod etiamnum hodie retinet. Quia mari vicina regio est, piscibus abundat, ostreis, ac astacis, cancrisque sapidissimis: testudines adeo magnas hoc mare nutrit, ut à longe aspectantibus scopuli esse videantur ac saxa; quin sunt qui scribant visas quæ in dorso arbuta, atque herbas natas secum portarent: ex harum domibus atque testis varie scissis & in laminas redactis, cuilibet etiam figuræ aptatis, multa eaque rarissima utensilia conficere norunt Sinæ. Naturæ etiam illud hic prodigium est, quod

Testudines ut scopuli.

Crocens piscis avis.

Hoangcioyü, hoc est croceum piscem, avem vocant, nec enim piscis est, nec avis tantum, sed utrumque: per æstatem scilicet totam avis est crocei coloris, per montes volitans; autumnò fere absoluto mare petit, ac rursum piscis evadit, quem hyberno tantum tempore capiunt, & suavissimi saporis à Sinis esse scribitur.

Numerat hæc urbs inter reliqua nobiliora ædificia tria heroibus dicata fana, pontefque duos nobilissimos: unus quadraginta magnis arcubus constat ad urbis orientalem partem, ubi confluentes sunt duorum fluminum; alter vero ad occasum est, lapideus totus, plurimis fornicibus erectus supra lacum *Fung*; quin & lacus ipse circumquaque aggere lapideo clausus est, ne aqua ef-

fluat, relictis cataractis, quibus tantum aquæ emittunt admittuntque, quantum necessitas, aut usus ad oryzæ campos irrigandos postulat.

Lofeu mons prope *Polo* est, ex decem *Montes.* maximis totius Sinici Imperii unus, fit ex concursu montium *Lo* & *Fen*, ad territorium usque metropoleos extenditur, ejus altitudo ter mille, & sexcentarum perticarum esse dicitur, ambitus trecenta stadia continet, acclives colles habet quindecim, cavernas quadringentas & duas supra triginta: multa alia hic omitto, quæ in eo notant Sinæ montium scrutatores nimii, quia ea parvi apud me momenti sunt, ac brevissime perstringo omnia, ut quam citissime me ab hoc molesto opere expediam. Illud tamen non prætereundum, longissimas in eo produci arundines, easdemque crassissimas, quæ *Arundines maxima.* reliquas fere omnes superant, trunci circumferentia decem subinde aut plures palmos æquat, aut etiam superat.

Ho mons ingens prope *Lungchuen*, in quo trecentos & septuaginta duos colles numerant.

Tung flumen originem habet in *Can-* *Flumina.* *cheu* urbis montibus *Kiangsi* Provinciæ, *Hayuen* transit civitatem, & hanc urbem, inde mare subit.

Fung lacus ad urbis occasum est, decem stadia æquat ejus circuitus. in eo sunt insulæ duæ, in quibus ædificia sunt aliqua ad animi voluptatem exstructa pro incolis, in quibus convivia ac symposia sua celebrant. totus undique lacus aggere lapideo de more munitus est, pons medium dividit, ab Insula ad Insulam & utramque ripam extensus: ripa omnis pulcherrimis arboribus, viridariis ac Musæis confita est ac conspicua.

Quinta Urbs

C H A O C H E V

Hujus urbis regio totius Provinciæ maxime vergit ad ortum, eam magni ac continui montes à *Fokien* separant, quia tamen ut plurimum aquis abundat, solo fertili est, præterquam qua saxis ac rupibus horret: decem regit civitates, 1 *Chaocheu*, 2 *Chaoyang*, 3 *Kieyang*, 4 *Chin-* *Civitates.* *ghiang*, 5 *Jaoping*, 6 *Tapu*, 7 *Hoeilai*, 8 *Cin-* *ghai*, 9 *Puning*, 10 *Pingyven*.

Ingreditur mare ac æstus ad ipsa usque moenia urbis, & ad partem ortivam pontem obtinet sumptuosum, cujus latitudo quinque perticarum est, longitudo centum

M m

&

& octoginta, dicitur *Cichuen* pons, sub quo *Go* fluvius transit: duo etiam in ea sunt fana illustria.

Sub *Cyn* Rege *Ygan* dicta est, *Leangus Ingcheu* dixit: *Suius* hodierni nominis auctor est; *Tanga* familia *Chaoyang*, at *Tai-minga* denuo *Chaocheu* nomen reddidit.

Montes
nubilio-
res.

Sangpu mons prope *Kieyang* ad mare usque pervenit, ad littus altissimo vertice acutum assurgit in collem; flores quidam in eo rari esse dicuntur, avesque, quæ non item alibi reperiantur.

Prope *Kieyang* mons ejusdem nominis est, in duo quasi dividitur brachia seu ramos, quorum alter *Hingning*, alter *Haifung* civitates versus tendit.

Pehoa mons circa *Hoeilai*, à floribus nomen habet, toto enim anno varios fert pro varia anni rempestate.

Circa *Chinghiang* etiam sunt montes ingentes, ac admodum in recessu densi ac profundi veluti specus, nondum perlustrati à Sinis, multos in iis deperditos homines memorant, qui eos ad explorandum fuerant ingressi, quid vero de iis factum, aut quo evaserint, nescitur.

Flumina.

Ad ortum urbis lacus est *Tung*, & ad occasum alter *Si* dictus. quilibet ex iis decem plus minus stadia occupat, suntque sylvis, collibus, ædificiis amoenissimi, ut à spectatoribus pictura potius aliqua arte facta esse dicantur, quam temere à natura efformati montes, tanta eorum est amoenitas vel ex solo aspectu.

Ad ortum urbis *So* amnis est, quem incolunt crocodyli, etiam hic hominibus infesti.

Sexta Urbs

CHAO KING.

Urbis no-
bilitas.

NObilitat hanc urbem magnus ille duarum Provinciarum Prorex, de quo supra diximus; cumque huc undique, tamquam ad urbium caput ac fontem, concursus fiat, ampla sane ac magnifica effecta est urbs, privatis, publicisque ædificiis visenda, cui multa affert commoda ingens fluvius, qui ex *Quangsi* Provincia ingenti aquarum mole auctus, hanc urbem ad Austrum præterlabitur: extra ipsam urbem, ortum versus, in ripa fluminis novizonium superbissimum est ex iis, quæ antiqua gentis superstitio felicitatem regioni suæ portendere finxit: ibidem præstantissimum templum est, in quo Gubernatoris cuius-

dam statua visitur, qui de universa illa regione sexennii regimine optime meritus, so-

Statua
singula-
ris.

lenni gentis ritu, grati animi testem, magnificam hanc statuam atque adjectum opus, ante annos fere sexaginta obtinuit; ad hoc autem templum ab ipsa urbe vicus aut potius suburbium patet, arboribus hortisque amoenissimis confutum. Urbs ipsa undecim regit civitates, quarum 1 *Chaoking*, 2 *Suhoei*, 3 *Sinbing*, 4 *Tangchun*, 5 *Tangkiang*, 6 *Caoming*, 7 *Genping*, 8 *Teking*, 9 *Quangning*, 10 *Fuchuen*, 11 *Caikien*.

In hac regione primum reperiuntur pavones, qui & sequentibus Provinciis communes sunt, tum sylvestres, in montibus videlicet ac sylvis; tum cicures, qui in aliis Provinciis rari sunt, & non nisi ex his allati.

Pavones.

Flumen piscem fert, quem natantem vac-

Piscis bos
aut vac-
ca.

cam vocant *Sinæ*; hic in terram exit, & sæpe cum vaccis domesticis pugnat, ac cornu petit; at si diutius extra aquas perstiterit, cornu mollescit, ac flaccescit, omnemque amittit duritiem, unde in aquas redire coactus, piscis denuo evadit, pristinamque duritiem in aquis recuperat. Multa etiam odorifera ligna producit: Aquilam nimirum; & illud quod *Lusitani Pao de rosa*, seu *rosa-*

Ligna
rara.

ceum vocant, quo ad capsulas, mensas, sedes, similiaque conficienda frequentissime utuntur. quoque vix aliud est præstantius, coloris ex nigro rubricantis, venis quibusdam intercisum, & artificiosa benigne obstetricantis naturæ quasi manu depictum.

Hic tractus ad *Pegao* sub Imperatoria *Cheva* familia pertinet: Sub *Cina* ad *Nanhai*: *Leangus Caoyang* dixit, *Suius* vocavit *Sigan*: *Tanga* familia *Xuicheu*, hodiernum nomen inditum à *Sunga*.

Ad Borealem urbis partem *Ting* mons est, in quo lapis esse scribitur altus perticas ducentas.

Montes.

Mons *Chin* sive castitatis, ita dictus à puella virgine, quæ in eo ad mortem usque caste vixit, ut sponso, cui promissa fuerat, à tigride interempto fidem servaret; ad hunc autem montem confugerat, quod parentes eam cogere vellent ut alteri nuberet: in territorio *Suhoei* civitatis est; in eo duo fana huic virgini dedicata sunt; tanti hæc gens insolitas hæc suspicit, ac æstimat virtutes.

Virginitatis ex-
emplum.

Prope *Singing* mons est *Tienlu* cavernosus, atque horridus aspectu; in eo fontem esse scribunt seu stagnum inaccessum, cui si ex alto vel lapillus injiciatur, boatus ac strepitus auditur ad instar tonitruum, ac quam mox turbidum fit coelum, ac pluvia decidit,

Fons mi-
rabilis.

Nom.
antiq.

Piscis
cum
tuor
lis.

Can-
lapis
scen-

dit, inde draconis stagnum dicitur: simile quiddam esse volunt in Alpibus Rhæticiis.

Hailing mons sive insula, trecentorum stadiorum, dicitur etiam *Lochen*, prope littus *Tangkiang* civitatis est.

Caoleang mons prope *Teking*, ex eo celebris, quod ingentes arbores, quas ferreas, seu lignum ferreum vocant, profert.

Septima Urbs

K A O C H E V.

Nomina
antiqua.

Fuit olim hæc regio *Jue* Regum; *Cina* familia extinctis regibus, *Nanhai* terris adscripsit; *Hana* hanc urbem *Caoking* dixit, hodiernum nomen Rex *Leangus* dedit. Sex regit civitates, quarum territorium à mari, ac à continuis circumquaque montibus ad mœniorum modum sepitur, ac clauditur; sunt autem, 1 *Caochen*, 2 *Tienpe*, 3 *Sing*, 4 *Hoa*, 5 *Vuchuen*, 6 *Xeching*.

Alii hic terræ tractus pavones quamplurimos; præstantes ac generosos ad venationem vultures; lapides illic, seu marmora effodiuntur, quæ in laminas secant, amantque *Sinæ* pro mensis similique supellectile adornanda, notis enim quibusdam, seu venulis variegati coloris, ita sunt à natura depictæ, ut montium, aquarum, regionisque subinde alicujus figuram referant: ex vicino mari uniones hauriunt incolæ, quæ piscatio hic antiquissima est inter hanc Provinciam & *Hainan* insulam: genus etiam quoddam piscis exoticum est, quatuor oculis præditum, ac sex pedibus, hepatis figuram utcumque repræsentans: ab hoc pisce etiam uniones expui volunt *Sinæ*, præter eos quos ex ostreis colligunt; fortasse expuunt, quos ante vorarunt cum ipsis ostreis.

Piscis
cum qua-
tuor ocu-
lis.

Aliud esse animal in hoc mari scribunt, capite volucrem, cauda piscem referens, illudque pretiosos quosdam lapillos continere. quod verissimum est; sunt cancri marini quidam, qui capiuntur vivuntque in aquis inter hanc urbem & *Hainan* insulam; ambulant, formamque habent ut cæteri, nihil admodum à reliquis discrepantes; nisi quod, ubi ex aqua educuntur ac aërem sentiunt, continua, servata tamen antiqua figura ac lineamentis, lapidescant, durissimumque lapidem referant: Lusitani ac *Sinæ* ipsi eos contra calidas febres adhibent, amantque. Illis similes in lacu quodam *Hainan* insulæ sunt, qui etiam extracti lapidescant.

Cancris
lapide-
scentes.

Per *Lien* fluvium æstus maris ad usque ipsam urbem ingreditur, navibusque *Siniciis*

aditum præstat, unde rerum omnium magna undique in hanc urbem advehitur copia.

Fen mons ad ortum urbis tantæ altitudinis, ut hunc solum eluvionis *Sinica* tempore, vertice super aquas eminuisse velint, in eoque homines aliquot salvos perstitisse & incolumes.

Caoleang mons circa *Tienpe*, hujus naturæ esse scribitur, ut numquam nec ab æstate calorem, nec ab hyeme frigus incolæ timeant, adeo ibi ver perpetuum esse volunt.

Prope *Hoa* civitatem pulcher ac aspectu amœnus mons est *Pao*, hoc est pretiosus, ab incolis animi relaxandi gratia plurimum frequentatus.

Octava Urbs

L I E N C H E V.

Regit *Lienchen* urbs civitates quatuor, 1 *Lienchen*, 2 *King*, 3 *Lingxan*, 4 *Xelien*. Est hic terræ tractus hujus Provincie *Quangtung* maxime ad occidentem, ipsi *Tungking* Regno vicinissimus, à quo eum continui montes ac fluvius *King* separant: difficillimum hinc iter est per horridos & inaccessos montes in *Tungking*, unde quasi à natura divisi hi duo videntur terrarum tractus, ac *Tungking* ex hac parte à *Sinis* sat tutum atque à natura munitum est.

Olim *Nangao* fuit regionis. *Cina* familia *Siang* terris adnumeravit, *Hana* hunc locum *Hopu*, *Suius* *Hochen* dixit; hodiernum nomen primum dedit *Tanga* familia, quod *Sunga* mutavit in *Taiping*, sed *Taiminga* iterum *Lienchen* dici voluit.

Antiqua
nomina.

Producit hæc etiam regio pavones, uniones, plurimaque affert arte facta è testudinum exuviis: duo nobiliora fana heroibus habet erecta.

Ad Boream urbis mons est ingens atque abdito recessu, *Uhoang*, de quo hanc apud *Sinenses* scriptores reperio fabulam: fructus in eo monte reperiri, alibi numquam visos, quibus vefci ad saturitatem cuilibet liceat, at non secum inde auferre; id qui tentarint, numquam ex hocce labyrintho sese extricandi reperire viam. an hic & aliqua fortasse *Lotophagorum* regio est? certe fabula non absimilis.

King civitas montem *Heng* habet fossæ vicinum.

Loyang mons circa *Lingxan* tantæ altitudinis, ut duos impendere integros dies oportet.

Montes.

oporteat eum, qui verticem subire velit: à *King* civitate versus occasum per montes difficillimum iter est, in quo *Mayuenus*, cum in *Tungking* arma movit, columnas æneas disposuit, ut reditus viam agnosceret: earum una adhuc extat in *Fuenmao* declivi vertice, ubi limes est inter *Tungking* Regnum & *Sinas*.

Flumina. Mare ad *Notapeliotem* ad ipsam urbem pertingit, ubi pulcherrima navium statio est, *Chung* dicta.

King flumen in *Quangsi* Provinciæ confinibus originem habet, mox ad orientalem partem *King* civitatis, cui nomen dat, præterlabitur, ac per amplissimum ostium mare subit.

Lungmuen flumen in montibus occidentalibus *King* civitatis originem habet, in *Tungking* profluit.

Quinque lacus parvi, *U* dicti, *King* civitatem ambiunt.

Nona Urbs

L V I C H E V.

Situs.

Peramœno ac fertili agro sita est *Lui-chou* urbs, rerum omnium ubertate varietateque facile omnes hujus Provinciæ urbes, quæ ad occidentem vergunt, superat; mari vicina est, illudque ad ortivam urbis partem urbem ipsam attingit: urbi fulmen nomen dedit, quod ex monte amœnum aquæ fontem elicuit, ubi fulminum spiritui seu Deo magnificum ac superstitiosum incolæ ædificaverunt templum: fingunt enim fulminibus spiritum nescio quem præesse, esseque fracti mallei partem, cum decidit, quo malleo ingentia pulsari tympana, indeque fulminis erumpentis strepitum ac murmur esse fingunt. toto autem anni tempore frequentia admodum tonitrua hic audiuntur. Exornat hanc urbem ad occasum lacus *Lohu*, ex quo per canalem intra urbem ductum alius rursus lacus efficitur, habet autem sub se tres civitates, 1 *Luichen*, 2 *Suiki*, 3 *Siuhen*. Priscis temporibus *Gao* regio vocitata est, sub *Hana* familia *Siuhen* dicta, ab *Leango Hochen*, hodiernum nomen à *Taiminga* familia est.

Vacca velox. Abundat regio piscibus, pavonibus, unionibus: animal quoque in ea est, quod velocem vaccam *Sinæ* vocant, hoc in vertice capitis à fronte oblongo ac tereti armatur cornu; tantæ velocitatis esse scribitur, ut trecenta stadia facile uno die superet. Præterea in omnibus hisce terris vimen illud

mirabile nascitur, quod *Sinæ Teng*, Lusitani *rota* vocant; funem à natura contortum esse credas, in maximam enim longitudinem extenditur, ac veluti funis per terram ac montes prorepat; spinis horridum est, foliisque oblongioribus viret, crassitie vix digitum æquat, & tamen sæpe ad integrum stadium diffunditur, tantaque per montes copia, ut inter se intricatæ stirpes etiam cervis iter impervium reddant; lentissimum prorsus vimen est, maximeque fractioni resistit, quamobrem ex eo rudentes, funesque pro navibus confieri solent; imo illud in licia vittulasque tenuissimas minutissime partiri solent, ex iisque corbes, crates, sedilia aliaque similia contexere, maxime vero subtilissimas ac mollissimas illas storeas, in quibus *Sinenses* plerique ad ipsum Regem nudi, dum somnum capiunt, decumbere consueverunt. quæ res & mundissima est, & ætate perfrigida, & *Sinensibus*, tametsi ex storeæ vel nudis asseribus instratæ sint, sat commoda videtur ob longam ita decumbendi assuetudinem: ex iisdem viminibus ipsos lectulos efformant, ac pulvinaria, quæ rebus quibusdam odoratis infarciunt ad delicias.

Kinglui mons ad Austrum urbis est, ubi fons ille ex fulminis ictu emicuit.

Tafunglai mons vicinus est *Suiki*, prope littus in insula maritima, septuaginta in ambitu stadia obtinens: in eo octo pagi sunt incolis frequentes, quorum officium est, uniones ex mari illo piscari.

Mare ad orientalem urbis partem ingreditur; ad occasum lacus est *Lohu*, qui etiam dicitur *Si* lacus.

Decima Urbs

K I V N C H E V.

FRetum maris trajiciendum est, si quis hanc urbem adire velit, est enim in insula *Hainan*, ad orientalem ejus partem in ipso promontorio sita, tota lacubus aquisque undique septa, per quos etiam navibus ad ipsa usque mœnia patet aditus: est hæc urbs hujus insulæ caput, tredecimque in eadem insula sitas regit civitates: 1 *Kiunchen*, 2 *Chingyu*, 3 *Linciao*, 4 *Tingan*, 5 *Venchang*, 6 *Hoeitung*, 7 *Lohoei*, 8 *Chen*, 9 *Changhoa*, 10 *Van*, 11 *Lingxui*, 12 *Tai*, 13 *Cangen*. Tota hæc insula fere montibus obsita est, ac annosis sylvis; ferax rerum omnium, quas vitæ usus postulat: littora ab ipsis *Sinis* reguntur, ac *Sinico*

nico Imperatori parent; in mediterraneis gens est sui juris, quæ Sinarum præfectos non admittit, sed tantum cum Sinis ad littora degentibus, commercia instituit, præcipueque salem ac vestes expetit: in montibus auri, argentique fodinas esse scribunt Sinæ, montani tamen illa effodere aut nolunt, aut negligunt; ex arenis in fluminum ripis hincinde aliquid auri corradunt: uniones nusquam plures, quam circa Borealia insulæ littora sunt: Aquila lignum odoriferum crescit in montibus; uti & Ebenum; lignum Rosæ; & illud quod Brasilum vulgo vocant, quod ad tincturam per totam Synam passim adhibent fullones: crescunt hic ubique nuces Indicæ majores, ac minores; fructusque ille vulgo habitus totius orbis maximus, quem *Jaca* in India vocare solemus, qui ob eximiam magnitudinem non in ramis arborum, quamvis illi quoque ingentes sint, sed ipsi trunco adnascitur, quasi ex metu, ne tantum onus rami ferre detrectent, quantumvis firmi aut robusti fuerint. Fructus cortex adeo durus crassusque est, ut securi aperiendus sit: innumeræ intus domunculæ seu folliculi sunt, in quibus pulpa est flavi coloris, quæ nucem veluti castaneam ambit; illa ubi maturuit, suavissima est; hæc igne tostas castaneas nostrates refert. Vimen etiam seu rotam, de qua supra, tota insula profert; illamque præcipue, quam rotam albam dixere, quæ sane præstantissima est. Abundat insula cervis, avibus variis, ac animantibus plurimis tum domesticis ac cicuratis, tum etiam feris atque sylvestribus: præterea, ad Australem insulæ partem balenas capiunt Sinæ eo plane modo, quo Batavi in mari Baltico haud procul à Groenlandia, ex quibus etiam oleum ad varios usus dein adhibendum excoquant. Demum, ut innumera præteream, admirationi hic est herba, quam *Chifung*, seu ostendentem ventum, nominant: nautæ enim ex illa quo mense, & quot toto anno futuræ sint tempestates, colligere se posse asserunt, idque ex nodulis seu geniculis ipsius; quo enim nodi pauciores sunt, eo pauciores illo anno futuræ sunt tempestates; ex distantia autem nodorum à radice scire, aut colligere posse se autumant, quo mense accidere tempestas debeat.

Aquila
lignum,
ac Bras-
ilum.

Jaca fru-
ctus in-
gens.

Herba
Chifung.

Ajunt Sinæ hanc insulam mille esse stadiorum; in ea Societas *Jesuitarum* Deo dicata habet templa, & plurimos Christi cultores: olim, antequam Sinis subesset, *Gao* terra dicta est; primus, qui hanc insulam occupa-

vit, ex Sinis fuit magnus ille *Hiaovus Hana* familiæ Imperator, & quia quamplurimos ibi reperit uniones, *Chuyai* vocitavit, condita ea in insula ejusdem nominis urbe, atque hæc est, quæ modo *Kiuncheu* dicitur, *Chuyai* autem unionum littus sonat; *Leangus Yarcheu* dixit; hodiernum nomen *Tanga* dedit familia, quod à rubro marmore *Kiun*, quo abundat, desumptum est: insula tota vulgo *Hainan* dicitur, hoc est, ad Austrum maris.

Unionum
ferax.

Versus Notapeliotem urbis mons est *Tao*, ex nominatis in *Taoxu* libris ordine vigesimus quartus; ex eo spiris & mæandris sex supra triginta circumfluit rivus emanat.

Montes.

Ad Australem partem mons est *Kiun*, in quo marmora illa rubra sunt, à quibus urbis nomen adscitum.

Circa *Lincao Pisie* mons est fabulosis Sinarum narratiunculis inclutus: ferunt quippe in eo animal quoddam reperiri astutissimum, ut pene ratione uti credant, canis habet figuram; fuisse olim ex hoc genere quoddam ajunt, quod insulanorum exercitum per ignotos calles duxerit, ut ex *Cochinchina* ingressis hostibus iter intercluderent, ex quo insulanorum ingens consecuta victoria est, atque ipso in loco animalis fanum statutum.

Animal
astutissi-
mum cui
fanum
dicatum.

Prope *Van* civitatem est insula *Tocheu*, centum stadiorum: in ea mons adeo altus est, ut nubes ipsas transcendat. Est & vertex altissimus prope *Tai* civitatem nomine *Hoeifung*, hunc tantæ altitudinis esse volunt, ut quod de Olympo prædicant, nec ventus, nec pluvia illius superiora infestet; ex mari tempestates reprimere, atque infringere videtur, unde illi nomen *Hoeifung* inditum, hoc est, remittens ventum.

De mari, quod *Kiun* civitatem alluit, illud notatu dignum scribunt Sinæ Geographi, quod maris æstum, quod tamen in aliis vicinis locis commune est, non sentiat; sed per dimidiam mensis partem versus ortum, per alteram dimidiam versus occasum fluat.

Flumina.

Tung lacus ad urbis orientalem partem est, ex ruina ingentis oppidi, & terræ hiatu productus. reliqua se habent, uti in mappis.

Munimenta.

Decem omnino numerat munimenta ad Provinciæ & maris custodiam, quorum hæc sunt nomina, 1 *Taching*, 2 *Tung*, 3 *Hanxan*, 4 *Cinghai*, 5 *Kiaçu*, 6 *Kiexe*, 7 *Ciexing*, 8 *Huung*, 9 *Jungching*, 10 *Ciunling*.

Nn

DECI-

DECIMATERTIA PROVINCIA, QUANGSI.



Provincia *Quangsi* cum superioribus nec magnitudine, nec commerciorum frequentia, nec amoenitate ullo modo est comparanda, quamvis rebus ad vitam neces-

sariis utcumque abundet. Undecim habet urbes, iisque superadditam militarem unam: quæ novem & nonaginta sub se civitates continent; quarum numerus, licet ad aliarum Provinciarum numerum accedat, aut excedat etiam quarundam, cedit tamen magnitudine spatii, incolarumque multitudine. Regio tota montibus referta est, si Australiora ad ipsum usque littus exceperis, ubi omnia cultissima sunt, tum ob soli planiciem, tum cœli paulo calidioris vitalem influxum. at Australes partes præcipue Sinico Imperatori non subsunt, sed ex illis quædam sunt, ex quibus *Tungking* regnum constat, quæ partes in mappa punctulis distinguuntur ab iis, quæ Sinarum sunt.

Tota Provincia fluminibus magnis, iisque non paucis irrigua est: quædam ex iis ex aliis Provinciis advenientia excipit, aliorum ipsa in sese scaturiginem continet: cæterum illud omnino notandum, omnia simul, quasi ex condito, ad ortivam Provinciæ partem in unum confluere; tum illa quæ à Borea in Austrum, tum quæ ab occasu in ortum tendunt: tum vero veluti junctis viribus, magno impetu ac mole aquarum in vicinam *Quangtung* Provinciam irrumpunt.

Termini.

Termini *Quangsi* Provinciæ sunt ab ortu & Notapeliote *Quangtung* Provincia, cujus etiam aliqua ad Australes pertingunt partes; à Notolybico *Tungking* sive *Ganan* respicit; occasum *Junnan* Provincia claudit; ad Barrolybicum *Queichen* Provinciæ contermina est, reliqua *Huquang* finit: partes Boreales aliquæ ad Barrolybicum montibus magis horrescunt, minusque cultæ sunt, ibique montes altiores, saltusque frequentes circa prærupta & nemorosa loca sunt: orientalis pars cultior est, & navigabilia flumina, quamvis velocissima, habet; unde à Sinis, Sinicoque Imperatori subdita

gente habitatur, cum contra in occiduis locis monticolæ sint legibus Sinicis minime adstricti. In libro, in quo totius Imperii census collectus est, scribitur hæc Provincia habuisse familias 186,719: viros vero 1054,760. orizæ tributum est saccorum 431359. reliqua ad hanc Provinciam pertinentia in particulari urbium descriptione reperientur.

Numerus
homi-
num.

Ante hoc ultimum Tartaricum bellum, quod nobis inspectantibus tragœdiam illam feralem, Sinam totam misere afflixit, nunquam omnino doctrina aut lex Christiana hanc Provinciam penetrarat; sed quia ultimus Imperator hic Sinicus, aliis in aliis Provinciis à Tartaris sublatis, electus à suis est, nec pauci ex præfectis maximis, qui Christo nomen dederant, illum sunt secuti, inde quoque factum perbelle ac commode, ut Patres Societatis nostræ eadem hac occasione admissi, fidem ibi quoque Catholicam egregie propagarint, de quibus plura post paulo dicenda in ipsa metropoli.

Quam vero commode hæc Provincia tota fluminibus, aquisque irriguis secta sit atque divisa, vel ipso primo aspectu mappas intuentibus patet, adeo ut ægre alibi id reperiatur te credas: Australes partes ab occasu in ortum claudit fluvius ingens *Ly*, mediam secatur *Puon* fluvius dexter, eodem modo ab occasu in ortum descedens, similiter *Tugni* fluvius eundem fluxum sequitur; atque eodem fere modo *So* fluvius, si-ve sinister, progreditur: reliqui à Borea in Austrum serpentes per Provinciam totam flexibilibus mæandris, ac gyris intra ripas suas decurrunt, nihil ut ad amoenitatem commodumve addi posse videatur. ii demum omnes circa *Guchen* urbem in unum confluunt, ac sic uniti in *Quangtung*, uti dixi, Provinciam irrumpunt.

Prima Urbs seu Metropolis

Q V E I L I N.

Præquam Sinico subderentur Imperatori, hæc terræ ad *Pegao* dynastiam spectabant, erantque ultimæ versus Boream illius Imperio parentes, unde & *Su* regni fuere limites: *Cina* familia omnibus

Nomina
antiqua.

umerus
mi-
m.

Nomina
antiqua.



Exc: Ioannes Blaeu,
Cum privilegio Sacrae Caesareae
Majestatis.
& ORD. Belg. Foeder.

Notarum Explicatio.

Metropolis.	Terrifidina.
Vrbs.	Argentis vine fedina.
Civitas major.	A. nans.
Civitas minor.	A. F. fluvius.
Fortalitia.	A. Amois.
Aurifodina.	T. Torrens.
Argentifodina.	L. Lacus.
Stanni fodina.	

Quici
flos.

Situs,
civitate

Sinarum
ultimus
Impera-
tor lun-
glic. ej.
mater,
uxor, a
filius
Christia-
ni.

bus occupatis prima eas vocavit *Queilin*, *Leangus Queichen*, *Tanga* familia *Kienling*, *Sunga Cingkiang*, *Taiminga* denuo *Quein* restituit: maxima ex parte nomen habuit à *Quei* floribus, qui licet per totam reperiantur regionem Sinensem, nullibi tamen copiosiores sunt, quam in hac Provincia, maximeque in hujus urbis territorio. unde urbi *Queilin* nomen inditum, quod *Quei* florum sylvam sonat. Nascitur autem *Quei* flos in procera arbore, quæ folia habet lauri, aut cinnamomi; flos minimus est, ac flavi coloris, in racemulos dispergitur, suavissimi plane odoris; flos apertus in ipsa arbore longo admodum tempore perstat integer, minimeque flaccescit: ubi decidit, interjecto mensis unius spatio denuo arbor, repullulat, novumque florem gignit autumnali tempore; tam fragrantem gratumque exhalat odorem, ut regionem totam cui arbor vicina est, à suavitate recreet atque perfundat. Latinum illius nomen nusquam reperio: is ipse autem flos est, quem Turcæ limonum succo maceratum ad cines equorum tingendos adhibent; ex eodem Sinæ multa bellaria ori ac naribus gratissima adornant.

Quei
flos.

Situs, ac
civitates.

Sita est *Queilin* metropolis *Quei* seu *Ly* flumini vicina, ad ripam ejus quæ ad ortum vergit: flumen hoc per arctissimas valles rapidissime ibi decurrit. parent urbi civitates novem: 1 *Queilin*, 2 *Hinggan*, 3 *Lingchuen*, 4 *Tangso*, 5 *Iungning*, 6 *Iungfo*, 7 *Tning*, 8 *Cinen*, 9 *Quonyang*.

Est autem urbs ipsa sat magna, ac splendore ædificiorum illustris: sedem in ea habet prorex, & regulus ex majoribus è *Taiminga* familia. hisce Tartaricis bellis pars Sinarum nondum subacta hunc Imperatorem elegit *Iunglie* dictum, qui hanc etiamnum Provinciam tenet, Tartaris adhuc utcumque resistens; atque hic ordine sextus est ex iis, qui à suis contra Tartaros in variis Sinarum partibus continuata adhuc successione fuere electi; reliquos devictos Tartari, ut illorum fert mos, interemerunt, hic adhuc pugnat strenue: hujus mater, uxor, ac filius Christianis sacris sunt initiati, nec ipse à lege Christiana ac religione Catholica omnino abhorret, apud se assidue Patres è Societate nostra detinet, multoque ex majoribus præfectis, qui Christo nomen dedere, ut jam pridem constat è pluribus relationibus ac litteris ea de re à Patribus Societatis nostræ editis, Legatoque ad summum Christi in terris Vicarium ab ipsa

Sinarum
ultimus
Impera-
tor Iun-
glie. ejus
mater,
uxor, ac
filius
Christia-
ni.

ejus matre misso. Capiuntur in hac regione aves versicolores pulcherrimæ, quarum plumas, pulchro amœnissimoque ad aspectum colore, pannis sericis intertexunt Sinæ. Eruntur hinc quoque optimi lapides, quibus Sinæ studiosi ac scriptores ad macerandum, temperandumque atramentum suum, quod penicillo, non calamo hauriunt, utuntur, magisque scite ac concinne suos pingunt characteres, quam si calamo scriberent.

Tria obtinet illustria fana heroibus dicata. Puteus est prope *Hingan* naturæ mirabilis: aquam continet media ex parte turbidam, altera pellucens ac crystallinam; quæ partes licet inter se misceantur volvanturque, pristinam tamen divisionem coloremque continuo recuperant.

Quei mons est ad urbis Barrapeliotem, ab arborum *Quei* multitudine sic dictus, unde & urbi nomen: hæ arbores in loco ubi crescunt alias non admittunt, nec crescere in eodem loco sinunt.

Tosien mons urbi vicinus, in quo pulcherrimum Musæum est.

Ly mons ad Notapeliotem, qui figura elephantem refert, in ripa fluminis est.

Xin mons Barrapeliotem versus, in quo tres altissimi sunt vertexes: summitatem unius palatium ornat, quod in purissima aëris regione, supra omnes nubes exstructum esse volunt.

Circa *Hinggan* est mons *Haiyang*, qui usque ad *Lingchuen* extenditur. in eo caverna est aquea, quæ quadrupedes ac cornupetas alit pisces: hosce superstitiosa gentilitas draconis esse delicias ait, unde eos nullo pacto audent occidere.

Hoa mons sive flos, id nomen sua pulchritudine ac amœnitate meritis est, jacet ad ripam *Quei* fluminis prope *Tangso*.

Apud *Jungfo* est mons *Fungcao*, cui Phoenix, quasi in eo nidum struat, nomen dat: *Fungcao* enim phoenixis nidum significat: scribunt sub nido lapidem pretiosissimum, ac valoris inæstimabilis repertum.

Circa *Civen* civitatem *Siang* mons est, in quo magnificum idolorum fanum ac cœnobium visitur.

Ab urbe procedendo Boream versus acclivis per montes collis est, in quo septem colles omnino Ursæ majoris in cœlo figuram referunt: inde *Ciesing*, hoc est, colles septem stellarum nominantur.

Ly flumen sive *Quei* urbem à Borea in Austrum circumdat: ejus origo in *Huquang* Provinciæ finibus est, inde per montes ac valles

Aves
versicolores.

Puteus
miranda
natura.

Montes.

Pisces
cornupetas.

Flumina.

valles præcipiti ac rapido cursu proruens, magno sæpe boatu ac murmure ex alto decidit, atque hinc inde multos ignobilium fluviorum rivos colligit. Si lacus septuaginta terræ jugera occupat, ad urbis occasum est. in eo *In* collis visitur, ad Insulæ modum effectus.

Secunda Urbs

L I E V C H E V.

Lieu cheu civitatis territorium, ut cum Sina nostro auctore loquar, pellucidis aquis; montibusque plenum latissime extenditur; à salicibus nomen urbs habet, quasi dicas Salicum urbs, hoc enim *Lieu cheu* significat; illi subsunt civitates duodecim: 1 *Lieu cheu*, 2 *Coyung*, 3 *Loching*, 4 *Lieu ching*, 5 *Hoaiyuen*, 6 *Tung*, 7 *Laipin*, 8 *Siang*, 9 *Vuciu*, 10 *Pin*, 11 *Cienkiang*, 12 *Xanglin*.

Antiqua nomina.

Præcis temporibus ad *Pegao* pertinet hæc regio, sub *Cina* familia ad *Queilin*, sub *Hana Hyolin*; *Chin* rex *Siang*, *Tanga Lucing* primum, mox deinde *Lieu cheu* nomen dedit, quod ad hæc usque tempora servat, inditum à flumine *Lieu*, cui adjacet, quod quamplurimas in ripis alit salices. Herbas quasdam eximias prorsus ac præstantes pro medicis usibus, adeoque vehementer expetitas producit, interque eas herbam *Pusu* sive immortalem, ut vocant Sina, quia semper virens domi adservatur. Duo nobiliora fana habet heroibus dicata, quorum unum *Lieu cheu* dicitur, ad exilem lacum *Lochi* musæis ædificiisque splendendum, quem incolæ frequentissime adeunt.

Laudatur à Sinis *Vuciu* civitas, quod ingeniorum præstantia & acumine ejus cives præ reliquis eminent, multosque quot examinibus Doctores, ac præfectos Sinis det.

Montes.

Siénye mons ad Australem urbis partem est, in eo plura rara notant Sina, ingentem nimirum cavernam; altissimum verticem, qui veluti paries unus ex uno lapide totus ad perpendicularum exsurgit; domum lapideam, aliaque similia, quæ in montibus desiderant, amantque Sina.

In ripa fluminis ad Notapeliotem est *Hocio* mons, seorsim & ab aliis separatus existens.

Xintang mons prope *Siang* civitatem altissimus ac præruptus est, adeo ut vix pateat ascensus, in vertice tamen amœnissimum

habet lacum eumque piscosum, circumquaque floribus ac arboribus septus est: magno labore hunc ascendunt harum rerum curiosi Sina, ac ob loci amœnitatem ab hominibus illis, quos numquam mori fingunt, & *Xinçien* vocant, multum frequentatum olim fuisse prædicant.

Cin flumen ex *Hoaiyuen* promanat territorio, inde descendens *Loyung* transit, & *Siang* civitatem.

Lieu flumen fluit ad occasum urbis, dicitur etiam *Ço* flumen & *Kung*, originem ducit è *Queicheu* Provincia prope *Cingping* castrum; inde *Tucho* urbe superata, hanc Provinciam ingreditur per territorium urbis sequentis.

Tolo flumen ad occasum *Haiyuen* hanc Provinciam subit, ac versus Austrum pergens, prope urbem cum *Ço* flumine conjungitur: ejus origo est in *Queicheu* Provincia, ad *Liping* urbis territorium, prope *Cheki* munimentum.

Tertia Urbs

K I N G Y U E N.

Ambiunt hujus urbis territorium maxima ex parte horridi ac formidandi montes, estque vicinum agrestibus adhuc, & incultis hominibus monticolis Provincia *Queicheu*, ex qua in hanc Provinciam ingredientia flumina primum excipit, *Tugni* nimirum & *Ço*. subsunt urbi civitates novem, 1 *King yuen*, 2 *Tienho*, 3 *Sugen*, 4 *Hochi*, 5 *Hinching*, 6 *Nanchuen*, 7 *Lypo*, 8 *Tunglan*, 9 *Pangti*.

Auriferam regionem esse scribunt, at incolæ illud tantum ex fluminibus colligunt; ubique fert *Arecam*, nuces Indicas minores, *Lichias*. olim *Pegao* fuit, sub *Hana* familia pars hujus regionis ad *Kiaochi*, alia ad *Genan* dynastias pertinuit: *Tanga* familia *Gaocheu* urbem hanc dixit, hodiernum nomen *Sunga* dedit Imperatoria familia. duo numerat fana præ reliquis conspicua.

T mons solus ob exilitatem & humilem situm notatu dignus est: cum enim ceteri omnes montes altissimi ac vastissimi sint, hic à Sinis tanquam à cæteris multum diversus notatus est, jacet ad Boream urbis, ubi etiam ingens mons *Tienmuen*, sive cæli porta, sic à duobus dictus verticibus.

Ad borealem urbis partem fluit *Lung* fluvius, qui etiam *Cokiang* & *Lieu* dicitur, de quo supra.

Quar-

Quarta Urbs

P I N G L O.

Pinglo urbs Orientalem ripam *Ly* fluminis occupat, quod per hujus urbis territorium inter arctissimas ac profundas valles profluit, sæpe per scopulos & saxa ingenti murmure volvitur, in eo trecenta ac sexaginta numerant aquæ præcipitia, unde vix navium patiens est: regit urbs civitates octo, quas omnes montes densissimi includunt: 1 *Pinglo*, 2 *Cunching*, 3 *Fuchuen*, 4 *Ho*, 5 *Lipu*, 6 *Siengin*, 7 *Junggan*, 8 *Chaoping*. Fuit sub *Cina* familia regionis *Queilin*, *Hana Sangcu*, *Tanga Lochu* vocitavit, hodiernum nomen *Juena* dedit familia.

Hic reperitur cera illa alba ab animalculis illis insectis elaborata, de quibus supra dixi: conficitur hic etiam pannus ex foliis musarum rubrarum: *Lichiarum* fructus magna ubique copia, cujus arbores *Lipu* civitati nomen dederunt.

Montes.

Ad urbis Notolybicum mons est *Cai*, qui usque ad *Lipu* excurrit. *Jung* mons ad ortum ingens ac præruptus; novem in eo colles sunt præcipientes & confragosi. Ad occasum collis est *Monien*, hoc est oculorum vertex, ita dictus, quod in summitate duos habeat ingentes lapideos oculos adeo à natura affabre efformatos, ut artem omnem superare videatur, pupilla clarissime distinguitur, circumstant veluti humores duo, albus ac niger, uti in oculo nostro.

Cin mons prope *Fuchuen* civitatem, in quo ictu fulminis octo adaperatæ cavernæ sunt.

Kiue mons prope *Ho* civitatem, à copia ac præstantia aureorum pomorum sic dictus, id enim *Kiue* significat.

To collis grandiusculus in montibus prope *Siengin*, à parte exteriori inaccessus, ac natura ipsa intra illius viscera scalam cochlidem fecit, per quam ascensus patet.

Flumina.

De fluminibus nihil occurrit, præter duos amoenissimos fontes: quorum unus ad *Boream* urbis, *Caning* dictus; alter *Toxan*, prope *Xo* civitatem.

Quinta Urbs

G V C H E V.

Guchen urbs eo jacet loco, ad quem omnia hujus Provinciæ flumina quasi ex condicto concurrere supra dixi-

mus: prima est ad ortivam partem *Quangtung* Provinciæ vicinissima, emporii frequentia facile cæteris antecellit, quod ei fluminum commoditas maxime tribuit; estque locus magni momenti, qui ea quoque de causa Provinciæ clavis dicitur.

Cinnabaris hic in montibus colligitur, quo hoc territorium abundat; ingentes alit etiam serpentes: scribunt *Sinæ* quosdam ex iis ita longos evadere, ut decem perticas æquent; si res ita se habet, vix crediderim dari in orbe longiores. ibidem & Rhinocerotus sunt; nasciturque arbor *Quanglang* Arbor farinae ferax. vocata, hæc pro medulla mollem pulpam obtinet farinæ simillimam, quin & farinæ usum præstat, saporisque non ingrati est, ad quævis esculenta adhibetur. Sunt hic simiæ canibus similes, lutei coloris, faciem habent humanæ simillimam, vocemque tenuem & acutam edunt, ut mulieres fere solent.

Notolybicum versus à civitate *Pelien* est profunda vallis, ac superatu difficilis, per quam unica tantum via patet, estque iter illud, per quod *Tungking* regnum ingredi possumus ex hac parte; narrant, ob nimias difficultates ac labores per asperrimum illum callem, non paucos iter facientes, priusquam eluctentur, interire; alii *Tienmuen* sive cæli portam vocant, angustam scilicet & arctam viam; alii *Queimuen*, hoc est dæmonum portam, dicunt: habet hæc urbs duo etiam heroibus sacra fana: olim sub *Hana* familia dicta est *Kiaocheu*, sub *Leango Chingcheu*, *Suio Fungcheu*, hodiernum nomen à *Tanga* accepit familia. præest urbs civitatibus decem: 1 *Suchen*, 2 *Teng*, 3 *Tung*, 4 *Cengki*, 5 *Hoacie*, 6 *Tolin*, 7 *Pope*, 8 *Pelien*, 9 *Lochen*, 10 *Hingye*.

Tayun mons ad urbis Barrapeliotem, ab ipsa metropoleos regione incipit. Montes.

Prope *Teng* civitatem mons *Nan* est pulcherrimus & amoenissimus, multa in eo rara observantur à *Sinis*, quæ hic enumerare vix operæ pretium.

Circa *Tung* civitatem incipit mons *Tayung* omnium maximus; in hoc tractu territoria *Pelien*, *Hingye*, *Tolin* civitatum, & urbis *Cin* ingreditur. ibidem *Tukiao* mons, in *Taoxul* libris ordine vigesimus; octo in eo acclives colles, ac cavernas viginti numerant.

Han mons ad *Tolin* est, frigidus dicitur, eo quod propter frigus nimium ab hominibus inhabitari non possit, cum tamen intra Zonam torridam sit. Mons frigidus.

Ad *Pope* est *Fiyun* mons, ex eo memorabilis,

rabilis, quod multa in ejus rupibus hominum quasi impressa videantur vestigia, quorum quædam ad quatuor palmorum accedunt longitudinem: mons ipse totus horridus, obscurisque antris excavatus est.

Kiulien mons in territorio *Pelien* maximus est, multisque constans verticibus, ordine vigesimus secundus in libris *Taoxu*.

Ho mons sive igneus, ita dictus, quod singulis noctibus quædam in eo appareant lumina, veluti candelæ accensæ forent: putant *Sinæ* esse animalcula, quæ carbunculos vocamus seu cicindelas, eaque ex flumine in montem exire, ibique collucere.

Xepao mons magnis arborum, ac arundinum Indicarum sylvis conspicuus, crudelissimas præ reliqua regione alit tigrides.

Ad urbem Austrum *Takiang* flumen est, in quod cætera omnia coeunt, nimirum *Quei*, *Fu*, *Tugni*, *Yeu*, quæ in eo nomen quoque suum amittunt.

Tung fluvius ad occidentalem partem *Tung* civitatis originem habet, inde versus Austrum profluit, mox ad Boream reversus *Tung* civitatem, cui nomen dat, ad occasum relinquit, inde ad *Gucheu* partem occidentalem, in fluvium *Takiang* aquas suas exonerat.

Hi Lung insula in *Takiang* flumine, ad urbem orientalem partem, in qua annosæ arborum plurimarum sylvæ sunt.

Ad urbem ortum est lacus parvus *Go*, in quo olim Rex *Pegao* decem aluit crocodilos, quibus, ut devorarentur, objicere solebat reos ac sceleratos: ab iis innocentes numquam læsos fuisse narrant, adeoque, quos crocodili non occiderent, liberi eo ipso, tamquam vacantes omni culpa, abire jubebantur.

Sexta Urbs

C I N C H E V.

Urbis *Cincheu* territorium *Pegao* dynastiæ fuit, sub *Cina* familia erat regionis *Queilin*, *Leangus* urbem *Queiping* vocavit, *Suius Jungping*, *Tanga* familia primum *Cinkiang*, mox *Cincheu* dixit, quod nomen etiamnum retinet. Jacet urbs ad confluentes duorum ingentium fluminum, estque hoc territorium amœnum satis, nec adeo, ut fere cætera, horridum: in eo magnificum visitur heroibus dicatum fanum: quatuor numerat civitates, 1 *Cincheu*, 2 *Pingnan*, 3 *Quei*, 4 *Vucing*.

Cinamomum profert præstantissimum, à Ceilani *Cinnamomo* in eo tantum differt, quod odoris sit fragrantioris, majorisque mordacitatis, dum linguæ imponitur: ibidem arbor illa ferri est, buxo nostrate multo durior: animal ibi quoque cornutum est, vaccæ non ab simile, cujus cornua candidissima ipsum ebur superant; salis amantissimum animal est, quare venatores saccos illi sale plenos objiciunt, quos ita amat, ut sui quasi immemor ligari se permittat potius, quam salem fassis contentum lambere desinat, atque ita capitur, necaturque. Effoditur hic etiam terra quædam lutei omnino coloris, quæ præsens contra venena omnia præstat antidotum: concinnant etiam hic incolæ ex *Tu* herba pannos, quorum præstantia sericum ipsum superat, majorique, quam istud, in pretio sunt.

Pexe mons ad urbem Austrum est, in *Taoxu* libris ordine vigesimus primus. *Langxe* mons maximus & altissimus, ad Borealem urbem partem, sylvis ac campis amœnus.

Nan mons ingens ad *Quei* civitatem, viginti quatuor colles numerat.

In monte *Pexe* altissimus est vertex *Tocien*, supra ipsas nubes erectus.

Septima Urbs

N A N N I N G.

Longissime extensum territorium ad ripas fluminum *Puon* & *Ly* hæc occupat urbs, at non ita diffusum in latitudinem: in eo sunt civitates sex, 1 *Nanning*, 2 *Lunggan*, 3 *Heng*, 4 *Yunghiang*, 5 *Xangsu*, 6 *Sinning*. Partim planum est, partim in montes collesque assurgit, vix cuiquam cedit in hac Provincia: sita est urbs ad duorum fluminum confluentes, quæ ad partem moeniorum Australem, amisso nomine *Takiang*, flumini miscetur: hujus autem tractus Australis pars à *Tungking* regibus occupata est, cum contra Imperatorem Sinicum insurgerent rebelles. Primus hic locus est, ubi reperiuntur elephantes in hac extrema Asia, eosque ad pugnam ac equitationem incolæ adhibent. Psittaci etiam vocales ac loquacissimi illic sunt, magnitudine ac figura vultures referunt: quod rarius magisque mirum, genus gallinæ illic est gossipium evomentis, seu fila longiora, qualia ex gossipio nendo conficiunt, eaque iterum, nisi colligantur resorbent, uti araneæ: sunt & hystrices majores, quarum spinæ ad

Antiqui
nomina.

Animal
salis a-
mantissi-
mum.

Montes.

Carbun-
culi.

Flumina.

Innocen-
tes à cro-
codilis
innocui.

næ ad cubiti sæpe eriguntur altitudinem, has etiam, contra quos volunt, evibrare norunt corporis adhibita concussione, non absque noxa eorum, quos petunt. Tria habet nobiliora fana heroibus dicata.

Antiqua nomina.

Hæc regio, priusquam Sinico pareret imperio, dynastiæ *Pegao* accensebatur, *Cina* familia sub *Queileu* regione statuit, *Hana Tolin* dixit, *Cyn Rex Xibing*: sub *Suio* primum hic locus civitas fuit dicta *Thoa*, *Tanga* familia *Vute* vocavit, *Sunga* hodiernum indidit nomen.

Montes.

Ad orientalem partem urbis mons est altus *Heng*, ita dictus, quod medio in flumine transversas ingenti impetu impingentes aquas fluminis excipit; in eo ad regionis custodiam, *Sunga* familia castrum extruxit.

Sieulin mons à sylvarum amœnitate dictus florens nemus, hoc enim *Sieulin* significat, est prope *Heng* civitatem.

Prope *Tungkiang* mons est *Suchung*, ex quo ferrum effoditur.

Octava Urbs

T A I P I N G.

ERat hæc regio totius Provinciæ præstantissima, maximeque olim ob agri fertilitatem habitata ac culta, verum quia ultra montes erat Boreales Austrum versus, etiam à Sinico avulsa fuit imperio, & *Tungking* regibus paret: viginti tres civitates numerat, omnes inter se maxime vicinas: earum nomina sunt 1 *Taiping*, 2 *Taiping*, 3 *Ganping*, 4 *Yangli*, 5 *Vanching*, 6 *Go*, 7 *Civenming*, 8 *Suching*, 9 *Chinyuen*, 10 *Sutung*, 11 *Kielun*, 12 *Mingyng*, 13 *Xanghia*, 14 *Kiegan*, 15 *Lunging*, 16 *Tukie*, 17 *Çungxen*, 18 *Junkang*, 19 *Loyang*, 20 *Toling*, 21 *Lung*, 22 *Kiang*, 23 *Lope*. Sunt autem hæc nomina Sinica, lingua communi litteratorum ita explicata: quomodo enim, aut quo nomine à *Tungking* incolis vocentur, ignoro, doleoque non aliquam à nostris illius regni accuratam mappam, chorographiamque confectam, in eaque *Tungkingensis* nomina, illorumque characteres expressos, vel saltem explicatos; sed scio maioribus illos curis, gravioribusque negotiis ad divinam legem promulgandam, cultumque Dei ampliandum distineri, cum quamplurimos eo in regno incolas jam pridem Christianis sacris initiarint, ea propter isthæc eos minora negligere, uti nec mihi hæc

edere umquam venisset in mentem, aut ad operi manum adhibendam otium ullum fuisset, si stationem meam tenere diutius potuisssem; id, cum in Europam redire jussus sum, primum aggredi cœpi, deductis mecum plusquam quinquaginta libris Sinicis, quibus evolvendis fastidiosam maris naveam, longissimæque navigationis tædium utcumque fefelli. Cæterum hujus regionis incolas barbaros vocat Sinicus Geographus, quippe qui cum imperio mores etiam Sinicos magna ex parte mutarint: sparsis enim capillis, nudipedes ambulant, obsequium ac obedientiam parentes inter ac filios negligunt, inter se mutuo sæpe rixantur, levibus de causis iras gerunt, seseque invicem interimunt: characteres Sinicos ac scribendi modum Sinicum servant, licet aliam omnino ac particularem, à Sinica lingua omnino discrepantem linguam loquantur; scripta tamen Sinica intelligunt, ipsique vicissim libros Sinicos legunt, iisque evolvendis multum dant operæ, licet characteres alio prorsus modo pronuntient. quæ res in Sinicis characteribus plane est admiranda, ut à circumjacentibus scilicet regnis omnibus intelligantur, licet alio atque alio ab iis legantur modo: uti fit à *Japonibus*, *Tungkingensibus*, *Cochin Chinesibus*, *Siamensibus*, *Camboyanis*. de quibus vide plura apud R. P. *Alexandrum de Rhodes de Regno Tungking*, non ita pridem Gallice editum.

Sieuling mons altissimus in hoc tractu est prope *Lung* civitatem; reliqui minores potius colles, quam montes sunt: nimirum *Peyun* ad ortum urbis, ibidem *Gomui*; altior non nihil est *Kin* mons, prope *Ço* civitatem.

Nona Urbs

S V M I N G.

HAnc urbem ait Sinicus auctor esse regiam *Tungking*, five *Gannan* regni, quod si ita est, erit ea, quam incolæ *Sinhua* vocant; quamvis, ut sæpius audire me memini, Rex ille duas habeat regias, Borealem unam, Australem alteram. Olim hic tractus *Pegao* dynastiæ fuit, *Hana* familia *Kiaochi* dixit, *Tanga Suming* civitatem prima condidit, at *Taiminga* eam urbis titulo donavit; sed *Ly* præfectis rebellionem molientibus à Sinico imperio avulsa est. numerabant Sinæ in hoc territorio sibi subditas civitates sex, 1 *Suming*, 2 *Suming*, 3 *Xang-*

*Chara-
cterum
Sinen-
sum usus
admiran-
bilis.*

3 *Xangxe*, 4 *Hiaxe*, 5 *Pingciang*, 6 *Chung* o.
Montes. *Pelo* mons pulcherrimus est prope *Hiaxe*,
 totus sylvis annosis vestitus.

Decima Urbs

C H I N G A N.

Totum etiam hujus urbis territorium
 ad *Tungking* regnum pertinet, nul-
 lam tamen sub se aliam civitatem
 continet; olim locum fortemque, quam
 prior, fortita est, tantumque tum oppi-
 dum fuit; at *Taiminga* familia, dilatato
 pomœrio, mœnibusque additis, urbem
 reapse ac titulo fecit. Incolæ à Sinis parum
 discrepant, nigras amant vestes; producit
 terra mel, ac ceram, rebusque ad vitam ne-
 cessariis abundat.

Unicus hic *Jun* mons notatur, altissimus
 atque amœnissimus.

Undecima Urbs

T I E N C H E V.

Hæc etiam regio Sinico Imperio ab-
 repta *Tungkinensi* Regi paret, in
 qua numerantur civitates quinque,
 de quibus præter nomen nihil reperio,
 1 *Tiencheu*, 2 *Xanglin*, 3 *Lung* o, 4 *Quei-*
te o, 5 *Cohoa* o.

Urbs militaris

S U G E N.

Tres hoc territorium civitates inclu-
 dit, in quibus milites olim permixti
 civibus habitabant, modo *Tungking*
 res omnes parent; sunt autem 1 *Sugen*,
 2 *Vuyuen*, 3 *Funghoa*. Olim hæc regio lit-
 teras ignorabat ac studia, moribus erat bar-
 bara, sub initium *Taiminga* familiæ Sinico
 imperio adjecta litteras, libros, ac mores Si-

nicos admisit; at subito, servatis cæteris om-
 nibus, brevi Sinicum jugum excussit.

Tosien mons ad ortum urbis fossæ vici-
 nus est, solus omnino ac mole sua stans.

Prope *Vuyuen* mons est *Kifung*. Ibidem
Moye mons.

Prima civitas major

S U C H I N G.

Hæc sub se aliam civitatem continet
Ching dictam, utraque ad *Tung-*
king pertinet. *Suching* autem civitati
 mons *Lengyun* vicinus est altissimus, ac
 despectu horridus.

Civitates varia.

Sequuntur jam civitates variæ, majores
 aliæ, aliæ minores, quas suis notis di-
 stinxi, 1 *Sucheu* o, 2 *Siping*, 3 *Suling*,
 4 *Fulao*, 5 *Fukang*, 6 *Funy* o, 7 *Li* o,
 8 *Queixun*, 9 *Hiangun*. de quibus reperi
 sequentia.

Prope *Fulao* mons est *Tangping* altissi-
 mus. prope *Tukang* mons *Ciechung*; & *Ly-*
tang circa *Suling*; ibidem *Xipi* mons.

Munimenta.

Dvo erant Munimenta exstructa in
 Provinciæ finibus, ubi cum *Junnan*
 conjungitur, verum & illa modo et-
 iam ad *Tungking* pertinent, sunt autem
 1 *Xanglui*, 2 *Ganlung*, in qua parte hi nu-
 merantur montes, *Loifung*, *Çangling*, &
Çanpa. Hic ut plurimum invaluisse mores
 malos Sinæ scribunt, præcipue quod nudis
 incolæ incedant pedibus, ex stramine pileos
 texant, filii patresque in iisdem non sint æ-
 dibus, aut habitent, exiguum aut nullum
 habeatur discrimen virne sit an fœmina, sed
 inter se permixti vivant, nulla modestiæ le-
 ge aut cautela præscripta.

DECIMAQVARTA PROVINCIA Q U E I C H E U.



H *St Queichen* Provincia inter omnes hujus extremæ Asiæ inculta maxime, ac aspera: montes continuos, ac ut plurimum horridos inaccessosque habet: ad hanc enim quasi inito foedere simul omnes convenire videntur. In iis plurima adhuc inculta gens degit, quæ nec leges Sinarum, nec mores admittit; sui juris est, sub variis tamen hinc inde Dynastis vivit, qui sæpe Sinis, cultiora loca regionis occupantibus, negotium faceffunt suis excursionibus; cum lubet, cum illis modo bellum, modo pacem habent, numquam tamen Sinas ad se admittunt: Sinica enim gens in oppidis, munimentis ac civitatibus habitat, militesque frequentes alit ibi pro præsidio Imperator, quod in omnibus hujus provinciæ locis fere usitatum est. nolui tamen ea in mappis communi munimento exhibere nota, ne aliud nihil in hac provincia esse videatur, quam munimenta; cum revera, uti alias dixi, pene aliud à civitatibus hæc non differant, nisi quod una cum civibus milites enutriet, qui hic maxime adhibentur, ut viam custodiant, per quam rectissimum est in *Junnan* Provinciam iter. ut autem provinciam hanc cultiorem redderent, Imperatores non infrequenter huc deduxere colonias; quin imo non pauci ex præfectis, cum crimen aliquod commisere, in exilium cum tota familia ad hanc provinciam ablegantur.

Hæc olim regio inter Provincias minime fuit adnumerata, sed pars illius una ad *Suchuen*, alia ad *Huquang*, reliquasque circumvicinas provincias pertinebat. *Taiminga* familia in Provinciæ formam redegit, quia prior *Juena* Tartarorum familia multa in ea castra, ac munimenta exstruxerat: per hanc enim, devictis *Mien*, *Junchang*, similibusque Indiæ extra *Gangem* sitis regnis, ingressi illi Tartari sunt, quibuscum *M. Paulus Venetus* venit, indeque per *Suchuen* orientalem partem *Tibet* penetrarunt, ac *Prete Joannis* terras, demum *Tanyn* Regnum ingressi; illo occupato, iterum redeunt per *Xensi* par-

tes occidentales, *Catayum*, hoc est Sinas, ingressi sunt, *Kin* Tartaris bellum moventes, quibus debellatis etiam *Mangin* occuparunt. quæ res ad *Marci Pauli* intellectiorem primaria est, ac prorsus necessaria, ut illius scripta legentibus facile patebit; sed eo jam relicto ad rem & provinciam nostram veniamus.

Octo tantummodo hæc provincia numerat urbes, quas urbeculas potius dixeris; civitates decem; militares urbes quatuor, ac totidem civitates; munimenta vero ac castella quam plurima: quorum majora, quia civitatibus vix cedunt, ut civitates notavi in mappis; minora ut munimenta distinxī, ut supra monui.

Liber census Sinici numerat in hac provincia subjectas Sinis familias 45305: viros vero 231365. oryzæ tributum non excedit faggos 47658, pannos ex cannabe atque herbis textos solvit 5900: quæ omnia ad sola alenda præsidia non sufficiunt, reliqua tamen submittit Imperator, ut provinciam custodiat: nam ea amissa, nullum esset in *Junnan* Provinciam nobilissimam iter. Scribunt Sinæ auro, argento, mercurio similibusque rebus pretiosissimis hic montes scaterere, quæ omnia facile occupare est, domitis subjectisque monticolis; nunc illud tantum inde capiunt emolumentum, quod ipsi pro commutatione salis, aliarumque rerum ipsis necessarium, quasi sponte sua tribuunt.

Provinciæ termini sunt: *Suchuen* Provincia, quam ad Boream respicit, Barrolybicum, ac occasum; Barrapeliotem versus extrema *Huquang* Provinciæ attingit; ad ortum, & Notapeliotem *Quangsi* spectat, reliqua ambit Provincia *Junnan*.

Ab amico Præfecto, qui longo tempore cum patre suo exule, adhuc juvenis in hac vixerat provincia, inaudii, quod intra montes amœnas ac fertiles habeat valles, præcipue ubi magna pertranseunt flumina, ex quibus quamplurima hanc irrigant provinciam ex aliis regionibus huc advenientia, aliaque non minora hinc suam ducunt originem, quæ aliò deinde profluunt. quod si excoli hic terra posset, uberem ac divitem omnino messem promittit; omnia hic etiam suppetunt ad vitæ usus necessaria, vilis-

M. Paulus Venetus qua via Sinas ingressus.

Tributum, ac hominum numerus.

Termini.

fimoque habentur pretio, si vestes sericas ac byssum excipias, quibus caret; abundat autem carne vaccina ac porcina; equos generosos ac totius Sinæ optimos producit, uti & vicina *Suchuen* provincia; argentum vix nullibi quam hic manat copiosius.

Prima Urbs seu Metropolis

Q V E I Y A N G.

Metropolis hujus territorium reliquis utcumque planius est Provinciae partibus, proindeque frequentius habitatum: antiquo tempore *Sinany* regionis hujus populus dictus est, hoc est barbari ad Notolybicum, quia hunc situm habet hæc terra respectu Sinæ antiquæ; pertinebat autem ad *Louquei* antiquissimum regnum. Sub *Hana* familia ab *Hiaourvo* Imperatore subactum est, institutaque dynastia *Ciangco*. *Sunga* familia iterum redegit in Provinciam, magnumque militum præsidium exædificatæ à se civitati imposuit; *Juena* familia, quia facillime hæc terras occupavit, *Sunjuen* dixit, hoc est favens *Juena*; *Taiminga* familia hodiernum nomen & dignitatem urbis dedit, eique munimenta undeviginti loco civitatum subesse voluit, quamvis ex iis plurima civitates aut æquent aut superent magnitudine, 1 *Quei-yang*, 2 *Kinkun*, 3 *Moqua*, 4 *Tahoa*, 5 *Chingfan*, 6 *Gueifan*, 7 *Fangfan*, 8 *Hungfan*, 9 *Golung*, 10 *Kinxu*, 11 *Siaolung*, 12 *Lofan*, 13 *Talung*, 14 *Siaoching*, 15 *Xangua*, 16 *Luxan*, 17 *Lufan*, 18 *Pingfa*, 19 *Mo Chiang*.

Plurimas gentes hic enumerant Sinæ, quæ olim in hisce terris habitabant, quibus varii fuere mores, quos referre nimis longum esset: sub *Taiminga* familia primum studia ac mores Sinicos admiserunt, unde non pauci etiam Doctorum gradum sunt adepti. Tartari *Juena* familiæ extra urbis moenia ad Australem partem templum satis magnificum ædificarunt.

Montes. *Tungen* mons cupreum tympanum dicitur, quia, cum pluvia imminet, in eo auditur tympani pulsus; ad ortum urbis est.

Nanuang mons altissimus, ac in recessu abditus, ad Boream urbis; rari illum audent conscendere, ob nimiam asperitatem.

Venpi mons ad austrum urbis, solus per se stat, trianguli isoscelis figuram acutissimo vertice in altum sublato refert.

Flumina. Nihil admodum de fluminibus occurrit,

præter fontem dulcissimum ac pellucentem ad urbis Notapeliotem, decidit aqua intra fossam sex cubitorum, numquam autem ea crescere notatur, aut minui quantumvis inde hauseris.

Secunda Urbs

S V C H E V.

Cina familia prima fuit, sub qua fit hujus territorii mentio, tumque *Kinchung* dicta est; *Hana Vulin* regioni adnumeravit; *Tanga* primo hunc locum *Suchen* appellavit, deinde *Ningii*; sub *Taiminga* urbis titulo donata est: quatuor sibi subdita regit munimenta, 1 *Suchen*, 2 *Tuso*, 3 *Xiki*, 4 *Hoangtao*.

Abundat hæc regio mercurio, optimo cinnabari, aliisque. hujus regionis monticola plurimum delectantur robore, audaces sunt, litteras nesciunt, contractus tamen suos nescio quibus notis in tabellis ligneis exprimunt, in periculis ac difficultatibus ad fortilegium tegularum frustra adhibent, dæmonibusque sacrificia offerunt, ut mala avertant: ipsos habent capillos, pedibus incedunt nudis, durosque adeo callos induunt, ut nec saxa nec spinas calcare timeant; quia tamen comes sunt ac urbani, aliquo modo Sinicam linguam jam admiserunt, ac tametsi exteros suos mores retineant, non tamen adeo barbari sunt ut reliqui: ita fere eos depingit Sinicus auctor, quibus ego quod addam parum aut nihil habeo.

Montes. *Go* mons fossæ urbis vicinus est ad Australem partem; vix adiri aut lustrari potest, adeo præceps ac præruptus est: ad occasum mons *Tienying* visitur.

Tertia Urbs

S V N A N.

Hæc regio jam ab antiquis retro temporibus præcipue Sinis fuit subdita, accensitaque regno *Cu*: Cina familia extinctis regibus, vocavit *Kinchung*, *Hana Vulin* regioni adscripsit, *Suius Vuchen*, *Tanga* familia *Suchen* civitatem dixit, at *Taiminga* familia *Sunan*, quæ & urbis titulum statuit. Subsunt ei civitates binæ, & quinque munimenta, 1 *Sunan*, 2 *Vuchuen*, 3 *Inkiang*, 4 *Xuite*, 5 *Manii*, 6 *Langki*, 7 *Jeuki*.

Montes. *Vanxing* mons ad Australem urbis partem

Cinis
salis.

Montes.

Q V E I C H E V 151

tem est, unde quaque veluti ad perpendicularum abscissus: unica ea arctissima via ad ascensum patet; belli tempore ad eum confugientes tuti sunt incolæ.

Ad urbis Notolybicum mons est *Lungmuen*.

Prope *Vuchuen* est magnus mons *Tanien*, nihilque fere ab his aliud reperio: plurimi enim hic monticolæ latitant, ne Sinis quidem ipsis noti.

Quarta Urbs

C H I N Y V E N .

UNam hæc urbs sub se habet civitatem, ac quatuor munimenta: 1 *Chinyuen*, 2 *Xikien*, 3 *Kinyung*, 4 *Pienkyao*, 5 *Inxui*, 6 *Taiping*. Hic etiam hujus Provinciae tractus olim *Su* regni erat; hanc autem urbem primum condidit *Juena* familia.

Cinis loco salis.

Producit hæc terra optimos, atque à Sinis plurimum æstimatos flores, poma granata, atque aurea, sylvestres gallinas aliaque similia. in montibus monticolæ adhuc habitant, de quibus ita Sinicus auctor: sunt quidem barbari, sed simplices ac rustice comes; sale carent, cujus loco herbæ *Kme* exustæ cineres adhibent.

Montes.

Xeping mons ipsam urbis fossam attingit, vocatur paries lapideus, quia saxum elevatum planum ad parietis modum continet, cujus altitudo centum perticarum esse scribitur.

Sukiung mons ad urbis Notapeliotem, in eo olim civitas *Suung* fuit, quæ periit. illic & fons amœnissimæ aquæ est ad occasum urbis, *Vi* dictus.

Quinta Urbs

X E C I E N .

INter *Sunan* & *Suchen* medio loco jacet hæc urbs, cui initium *Juena* Tartarorum dedit familia, condito insigni munimento, quod & *Taiminga* familia ampliavit, urbemque esse voluit. tria regit munimenta: 1 *Xecien*, 2 *Miaomin*, 3 *Lungciuen*, 4 *Coihang*. In hac regione montani suos habent proprios characteres, at nullum adhibent ad scribendum atramentum, molles asseres stylo sculpunt ad memoriam; omnes tum viri tum mulieres nudipedes incedunt; cum ægrotant, spiritus non invocant,

sed dæmones, quoad vel moriantur, vel liberentur à morbo.

Producit regio argentum vivum.

Pipa mons ad urbis Australem partem est. ad ortum est mons *Hem*. *Montes.*

Sexta Urbs

T V N G G I N .

T*Unggin* urbs Borealem hujus Provinciae partem, ac maxime Orientalem occupat, *Huquang* Provinciae finitima est, olim *Kiman* regio dicta. *Juena* familia primo munimentum condidit, quod *Taiminga* auxit ac urbis privilegio donavit, illique subjecit munimenta septem: 1 *Tunggin*, 2 *Sengki*, 3 *Tiki*, 4 *Vanxan*, 5 *Ulo*, 6 *Pingten*, 7 *Pingnan*, 8 *Pinchai*.

Abundat regio auro, præcipue circa *Tiki*: cuprum ubique effoditur.

Incolæ montium maxime fuere crudeles ac barbari, superbi, sui que juris tenaces, ac fraudulentum, suos necare soliti seniores; modo tamen ex nostrorum consortio, ut inquit Sinicus auctor, urbanitatem ac justitiam didicerunt.

Ad ortum urbis vicinissimus est mons *Montes.* *Tung*, qui quasi vallo fortissimo urbem munit: ad Austrum est mons *Tungyai*: altissimus omnium est *Venpi* mons versus Notapeliotem, qui nubes superat.

Pechang mons amœnus, ac sylvis operatus, ad occasum est urbis: fons mirabilis occurrit prope *Pingten*, ex quo per unum osculum aqua duplex emanat, clara una ac limpida, altera turbida & obscura; ubi scaturiginem deseruit, veluti una alteram dedignaretur, in contrarias abeunt partes; è clario-
Mirabilis natura fons.

ri aquam adhibent pro potu conficiendo ex oryza præstantissima, vocatur fons *Can-
keng.*

Septima Urbs

L I P I N G .

ESt hujus urbis territorium *Quangsi* Provinciae finitimum, in quo numerat *Liping* sub se civitates quatuor, & munimenta undecim: 1 *Liping*, 2 *Juncung*, 3 *Tanki*, 4 *Pacheu*, 5 *Hung*, 6 *Caotie*, 7 *Cu*, 8 *Sixan*, 9 *Huul*, 10 *Leang sai*, 11 *Geiyang*, 12 *Sinhua*, 13 *Chunglin*, 14 *Cheki*, 15 *Lungli*.

Sub *Hana* familia hæc regio *Tangco* dicebatur,

cebatur, sub *Utai* ad *Sucheu* pertinebat, *Juena* familia castrum *Tanki* condidit, quod *Taiminga* mutavit in urbem *Liping*, monticolæ *Huinnon* dici solent; linguam particularem Sinis prorsus ignotam loquuntur; ægri gallinarum ossa dæmonibus offerunt.

Profert regio radicem Sinæ præstantissimam, quam *Fulin* vocant; pannosque conficiunt incolæ ex cruda cannabe, seu herba cannabi prorsus simili, *Co* Sinæ vocant, ex his vestes pro tempore æstivo eximie plane sunt, ac commodissimæ: fanum unum habet Heroi sacrum.

Rarus ibi pons *Tiensem*, hoc est à cælo factus, nos pontem à natura exstructum diceremus: ex uno constat lapide supra torrentem *Tanki*, cujus latitudo duas perticas, longitudo viginti æquat.

Palung mons ad urbis Notapeliotem.

Kinping mons, quem auro pictum parietem, ob pulchritudinem & amœnitatem, vocant, ad ortum urbis vergit.

Tungquon mons prope *Tanki* altissimus ac maximus, undique præterquam per exiguum callem inaccessus, in vertice insignem habet planiciem.

Taiping mons ad ortum urbis, ubi vertex *Motien* est, & *Tungni* caverna ad urbis Barrapeliotem pulcherrima, ad modum domus excavata, forma quadrati est, cujus unum latus tria stadia complet mediam rivulus, ac si argentea vitta interserta esset, secat.

Octava Urbs

T V C H O.

T *Ucho* urbs ad antecedentis Notolybicum jacet, *Quangsi* Provinciæ vicinissima, cujus etiam dentes ac labia dicitur phrasi Sinica, eo quod montibus suis, ac robore ab ipsa situs natura illi conciliato, quasi dentibus ac labiis eam sepiat, ac muniat: jacet urbs vicina fluvio *Co* ad ejus occiduam ripam, qui inde in *Quangsi* irrupit immensa aquarum mole auctus. Monticolæ in hoc terræ tractu reliquis humaniores sunt, ad pugnam tamen animosi, atque audaces & fortissimi: habet hæc urbs sub se civitates tres, & munimenta novem: 1 *Tucho*, 2 *Toxan*, 3 *Maho*, 4 *Cingping*, 5 *Pangxui*, 6 *Pinglang*, 7 *Pingcheu*, 8 *Lotung*, 9 *Hokiang*, 10 *Loping*, 11 *Pingting*, 12 *Funnging*.

Caiyang mons prope *Pinglang*, in quo

castrum est, maximus est mons atque admodum altus. *Chiny* mons, ad cujus planiciem per unum solum tramitem patet accessus, in quo munimentum est ad custodiam.

Hinglang mons circa *Funnging*, in quem per scalam lapideam longissimam tantum licet ascendere, hanc montis incolæ defendunt, ac tuti ibi habitant. Prope *Pingcheu* est mons *Lotung* adeo magnus, ut unum acclivem habeat verticem ad mille & ducenas perticas extensum; *Hianglu* vertex dicitur, hic prope *Cinping* in cælum exsurgit.

CIVITATES MAJORES.

Prima Civitas major

P V G A N.

Prima civitas est *Pugan*, quæ trium Provinciarum clavis dicitur, nam inter confinia *Queicheu*, *Junnan*, & *Quangsi* sita est: hæc regio reliquis parum cultior est: incolas montium paulo etiam habet urbaniores, at qui Sinis minime fidant; mercaturæ addictissimi sunt, idolorum sectam, doctrinamque de metempsychosi sequuntur, veneranturque idolum *Fe* ejus doctrinæ auctorem.

Hanc civitatem illic condiderunt in ipso aditu, per quem ingressi sunt Tartari *Juena* familiæ ex Provincia *Junnan*, *Pugan* vocarunt, quod extendens quietem significat. Abundat regio argento vivo, Cinnabari; & *Musas*, fructum illum notissimum, profert.

Barrapeliotem versus ingens mons est *Puonkiang*, qui usque ad *Gannan* & *Ganchoang* munimentum extenditur.

Tangpi mons ad Notolybicum est, ex quo argentum vivum, & *Huinghoang* minerale effoditur.

Secunda Civitas

I V N G N I N G.

Hanc etiam *Juena* condidit familia, cui duo parva subjecta sunt munimenta: 1 *Junnging*, 2 *Múyo*, 3 *Tingging*; magnum tamen habet territorium, sed montibus plenum, in quibus quinque diversæ nationes habitant, de quibus nil scribunt aliud, nisi quod sagittis utantur ac arcu, acutissimisque gladiolis; quod non vete, uti Sinæ, sed dorso onera sua portent; præterea quod connubia instituant, inter se con-

se convenientes, ac contrahentes viri ac foeminae, neque hoc parentibus permittant, quod Sinæ putant indecorum.

Montes. *Hungyai* mons prope *Muyo* altissimus, atque adspectu horridus est.

Ibidem collis est *Lungcing*, totus Indiciis virens arundinibus.

Tinging montem habet vicinum *Quanso*, qui centum occupat stadia, in eo castrum est ad itineris custodiam.

Tertia Civitas

CHINNING.

Regit *Chinning* civitas duo munimenta, *Kangco* nimirum, & *Xeul*.

Monticolæ hujus regionis, qui Sinis non parent, auro argentoque abundant, at non, qui illa possidet, ab illis æstimatur dives; sed qui plures habet vaccas, ac boves; nec pro dote aliud ab illis petitur.

Montes. *Magan* mons prope *Xeul*, ab ephippii figura *Magan* dicitur, quæ vox equi ephippium sonat.

Est etiam memorandus fons *Caici*, ad ortivam civitatis partem, cujus aqua frigidissima est, licet circumvicina terra tota ab igne subterraneo incalescat.

Quarta Civitas

GANXVN.

Hvus civitatis, uti & superiorum tractus olim ad dynastiam *Hoangfo* pertinuisse scribitur. *Juena* familia civitatem condidit, & *Junnan* Provinciæ accensuit, *Taiminga* familia huic subjecit provinciæ: tres hic Sinæ recensent pontes; è quibus duos *Juena* condidit familia, primus ad ortum civitatis est, alter ad occasum; tertius *Tienseng*, hoc est naturalis, vocatur, supra mille perticas extenditur, ac civitatis ambit moenia, sub eo aqua defluit, atque ita ab utroque latere excavata via est, ut pontis arcus imitetur. Regit civitas munimenta duo, 1 *Ningco*, 2 *Sipio*.

Montes. Nullum hic reperio præter montem *Niencung*, ad ortum civitatis, qui altissimus est, cum tamen decem tantum stadia occupet.

VRBES MILITARES.

Prima

PVTING.

Puting militaris urbs sola sui juris est, ab *Juena* familia fuit fundata, jacet in ipso itinere, quo itur ad Sinas, ab iisque custoditur: olim hic habitasse volunt gentem *Lotien* dictam: montium incolæ Boream versus inculti hic sunt, nec litterarum, aut legum curam ullam habent, aut æstimationem; quilibet, quod lubet, agit, adeoque moribus sunt agrestibus plane, atque incultis.

Ad Barrolybicum est *Ki* mons altissimus, ac difficillimus. *Montes.*

Ad ortum mons *Magan*.

Est & amœnus fons ad urbis Notapeliotem, cujus aqua ad potum, seu vinum Sinenfe ex oryza conficiendum, suavissima esse dicitur.

Secunda Urbs militaris

SINTIEN.

Habet hæc militaris urbs sub se munimenta quatuor: 1 *Pingfa*, 2 *Paping*, 3 *Cheuping*, 4 *Cheuing*. Montanorum hujus regionis mores ab aliis vix discrepant; illud habent singulare, quod mortuo patre, aut matre valde doleant, ac in signum doloris capillos omnes abscindant.

Ad partem Australem *Sintien* urbis est mons *Pie* altissimus, supra ipsas nubes ascendens, acutissimum unum verticem ad modum pyramidis attollit, inde *Pie* vocatur, quod penicillum sonat quo Sinæ scribunt. *Montes.*

Tang Pao mons ad urbis Borealem partem pulcherrimus esse scribitur, & quia mira colorum varietate præditus est, picturam quodammodo repræsentat. *Saimiao* mons est ad Barrapeliotem, ex quo aqua decedit, quæ ad Solis repercussionem in idem continuam efformat.

Ad Barrapeliotem urbis amœnus aquæ fons est, *Fi* dictus.

Tertia Urbs

PINGYVE.

Hvus urbis territorium sub *Cina* familia in *Kiuchung* dynastia fuit, nunc regit duo munimenta: 1 *Tangy*, 2 *Lo-ping*.

ping. Producit hæc regio flores *Gensum-*
nos, folium *Cha* optimum, poma aurea om-
nis generis; concinnantque incolæ pannos
ex crudo cannabe, à Sinis *Co* dicitur, quam-
quam hæc potius alterius herbæ species,
quam *Cannabis* videatur.

Montes. *Pie* mons altissimus ad Australem urbis
partem est.

Mocing mons prope *Tangy*, faxis horri-
dus ac præruptus, ascensuque difficilis, plu-
ribusque obscurioribus antris hinc inde ex-
cavatus.

Quarta Urbs

L V N G L I.

IAcet hæc urbs ad *Sintien* urbis occasum,
sub se duo habet castra: 1 *Pingfa*, 2 *Ta-*
ping. Monticolæ ex assiduo cum Sinis
commercio aliquid paulatim induerunt ex
Sinicis moribus, adhuc tamen semper ar-
mati incedunt, bellisque delectantur, & ar-
ma magnificiunt. habet urbs ad Notolybi-
cum pontem satis magnificum lapideum,
Quangcy dictum.

Montes. *Jungtao* mons maximus prope *Pingfa*
est: & ad *Taping* est mons *Cobia* inaccessi-
sus, & saxeus totus.

MUNIMENTA.

Sequuntur modo munimenta varia, per
totam Provinciam sparsa ad itinerum
custodiam, ne monticolæ viatores in-
vadant, ac incautos opprimant; quod ta-
men adhuc sæpe faciunt, præcipue quando
offenduntur à Sinis. hæc autem munimen-
ta sunt sequentia: 1 *Picie*, 2 *Gueicing*,
3 *Ganchoang*, 4 *Cingping*, 5 *Pingpa*, 6 *Gan-*
nan, 7 *Ufa*, 8 *Hinglung*, 9 *Chexui*, 10 *Caili*.
De singulis hic, quod notatu dignum repe-
rero, breviter subjiciam.

Pons ex ferreis catenis. Ad *Picie* occidentalem partem supra
profundissimam vallem, per quam torrens
ingenti aquarum in præceps ruentium lapsu,
atque impetu volvitur, ut viam sternerent
Sinæ, crassissimis ferreis catenis annulos ali-
quos ita hamis, uncisque ex utraque mon-
tium parte firmarunt, ut superimpositis as-
feribus pontem efformarint.

Pingpa castrum unicum in hac Provincia
est, quod magnam obtinet planitiem, quan-
tam scilicet capere potest longissime exten-
sa oculorum acies: amœni illic sunt ac fera-

ces oryzæ campi: circa *Uma* etiam pul-
chræ sunt, fœcundæque planities.

Mohi mons ad ortum *Picie* saxosus pror-
sus, atque horridus: in eo unica patet via,
equitis unius capax, ad longissimum spatium
extensa, utrimque latera montis veluti pa-
rietes ad perpendiculum erecti assurgunt.

Lochung mons prope *Cingping* ad Bo-
realem partem, è regione montis *Kocung*, in
his frequentes habitant monticolæ.

Loco mons, hoc est cervi cornua, à præ-
ruptis scilicet, extantibusque hinc inde lapi-
dibus monti nomen inditum.

Vily mons ad *Gannan* Australem par-
tem, cujus vertex continua nube coopertus
esse, observatus est.

Ibidem ad occasum est *Peki* mons, colli-
bus constans non minus altis, quam nemo-
rosus.

In munimento *Picie* fons scaturit aquæ *Flumina.*
amœnissimæ, *Fo* dicitur: ibidem ad ortum
aqua ex monte decedit ingenti fragore.

Ad *Ganchoang* catadupa, seu præceps
fluvii lapsus est, deceditque tota vis aquæ ad
altitudinem duodecim perticarum.

Intra mœnia *Cingping* lacus parvus est,
Cifeng dictus, ex quo incolæ aquam ad usus
necessarios hauriunt, cum ob saxorum in-
tercurrentium molem ac duritiem puteum
nullum ibi effodere illis liceat. *Puon* fluvius
ad ortum *Gannan* fluit: ad Australem mu-
nimenti partem est fons aquæ dulcissimæ,
Pelo dictus.

Sunt & aliqua alia loca minoris notæ,
munita tamen, à Sinis custodita, suoque
quælibet præfecto commissa; qui accura-
tam omnium locorum suæ curæ traditorum,
apud se solet adservare tabulam, quod per
totam Sinam apud omnes præfectos moris
est; unde vix credo accuratiores ulla in re-
gione locorum omnium esse tabulas, &
observationes. Hæc isthic munimenta per
omnia loca sunt, per quæ patet iter, quibus
monticolæ reprimere, imo & subigere ten-
tant Sinæ. nomina præcipuorum locorum
sunt: 1 *Jungning*, 2 *Xuitung*, 3 *Loken*,
4 *Xangtang*, 5 *Vatien*, 6 *Hoanglien*, 7 *Cug-*
ni. reliquorum nomina dabunt mappæ.

Ad Borealem partem *Xuitung* est *Xe-* *Montes.*
tung mons, in quo ingens est caverna; reli-
qua se habent uti exprimuntur in mappis:
multa enim studio relinquo, ne ignotis no-
minibus paginas impleam.

mes.

nina.

s
da-
apud
s,
mu-
mus.

tes.



TIBET

PARS

Notarum Explicatio.

- Metropolis.
Urbs.
Civitas major.
Civitas minor.
Fortificatio.
Signum militare.
Auriferens.
M. mons.
St. T. fluvius.
A. Amnis.
T. Torrens.
L. Lacus.

Tropicus

Cancer.

Exc. Jo: Blaeu
Cum privilegijs
Sac. Cef: Maj.
Ordinum Belgicae
Federatione.

REG-

NVM

MIEN.

YUNNAN
IMPERII SINARVM
PROVINCIA
DECIMAQVINTA.

PARS
PROVINCIAE

QVANG

SI.

TUNG

KING

PARS.

*Situs
prae-
tia.*

Term

Opes.

DECIMA QUINTA PROVINCIA

J U N N A N.



Situs ac
præstan-
tia.

Ultima quidem, lo-
co atque ordine re-
censetur à Sinis
Provincia *Junnan*;
non tamen ultima
habenda, si ejus no-
bilitatem, magnitu-
dinem, rerumque
in ea pretiosarum

copiam spectes; quinimmo est, cur inter pri-
mas ac præcipuas numerari possit, ac debeat.
Ex Australibus totius Sinici Imperii Provin-
ciis maxime vergit ad occidentem, Indiæ
que vicina, tametsi nusquam mare illam al-
luat; à *Peguano* tamen, aut *Bengalensi* sinu
haud ita multum abest, ac proinde Indico
quoque gaudet cœlo, vitalique aëris ac cali-
diori utitur temperie: fluminibus, lacubus-
que tota dissecta est, atque irrigua; multa
quoque præclara flumina inde ortum du-
cunt: montibus haud caret, non tamen
horridi illi sunt, atque prærupti, sed amœ-
nitatem potius, ac commoda multa Provin-
ciæ præstant; cæterum maxima ex parte
plana est.

Termini.

Terminos illi Australes statuunt *Laos* re-
gnum, & *Tungking* sive *Gannan*; ortum &
Notapeliotem claudit *Quangsi* Provincia;
ad Notolybicum fere ad sinum usque *Ben-
galensem* extenditur, ubi *Pegu*, *Aracan* ac
similia regna respicit; ad occasum *Mien* re-
gnum spectat, & *Pey*, ut Sinæ vocant; ad
Barrolybicum regna quæ Sinæ communi
nomine *Sifan* dicunt (*Tibet* esse regnum,
quod huic Provinciæ in hoc tractu finiti-
mum est, nullus dubito;) ad Boream acce-
dit *Suchuen* Provincia; demum Barrapelio-
tem versus extrema *Queichen* Provinciæ
attingit.

opes.

Ditissima omnino Provincia est, vilissi-
moque pretio omnia, quæ ad humanæ vitæ
usus faciunt, emuntur; aurum ex solis ex-
purgatis arenulis collectum, ingens pondus
adæquat: si fodinæ aperiri possent, nus-
quam majorem ejus vim futuram asserunt
Sinæ; hinc vulgare apud illos scommma est,
ac dictærium, cum quempiam splendide ac
laute viventem, bonaque sua decoquentem
vident, rogant enim, num illius parens in
Junnan Provincia regiorum tributorum

præfectum agat? Succinum etiam hæc regio
profert, sed Polonico nonnihil magis rubi-
cundum, flavum enim omnino ibi non re-
peritur: equos, atque elephantes optimos
alit: rubini, sapphiri, gagates, seu quos vul-
go oculos cattorum vocant, multique alii
lapides pretiosi, ac gemmæ ex hac educun-
tur Provincia: muscho, sericis, benjoino,
seu thure illo ex arboribus stillante suavissi-
mo, multisque aliis abundat, quæ omnia
etiam ex *Pegu*, *Laos*, & *Quangnan* Provin-
ciis habemus. reliqua in particularium ur-
bium descriptione illic reperies.

Numerat tota Provincia urbes nobiliores
duodecim; octo alias militares; civitates
quatuor supra octoginta, quædam etiam alia
loca militaria, ac munimenta, de quibus
omnibus suo dicendum est loco; quamvis
aliqua jam pridem ab hac Provincia avulsa
sint, & *Tungking*, sive *Gannan* regno subje-
cta, de quibus paulo infra.

Numerus
urbium
ac reli-
quorum.

Familias in ea numerant Sinæ 132958;
viros vero 1433110. multas autem includit
nationes, de quarum numero non ita con-
stat, cum vix Sinis pareant: sunt & aliqui
Dynastæ sive Duces, *Tuquon* Sinæ vocant,
cum absoluto omnino dominio (quod nus-
quam alibi per totam Sinam in usu esse me-
mini;) ii ita Sinicum Imperatorem agno-
scunt, ut tamen subditis sibi terris absolute
imperent, easque hæreditaria successione
gubernent. *Oryzæ* tributum est saccorum
1400, 568, salis pondera pendit 56965,
præter innumera alia mercium, agrorumque
tributa.

Tribu-
tum.

Hæc Provincia, quia Indiæ proxima est,
aliquid etiam de Indorum moribus partici-
pat: hîc imprimis non observatur, quod
per maximam aliàs Sinæ partem usitatum,
ut mulieres domi clausæ degant, omnem-
que virorum adspæctum ac familiaritatem
fugiant, ac vix, aut ne vix quidem umquam
domo exeant in publicum: hic enim per
plateas passim negotia sua, uti in Belgio ac
Germania, confecturæ occurrunt. adhæc
quam plurimi mortuorum cadavera rogo
imponunt, ac in cinerem redigunt, non sar-
cophagis, quod summa accuratatione præ-
stant Sinæ; quamvis nobiliores ex iis, qui-
que Philosophiæ Sinicæ dant operam, reli-
quos

Mores
exotici.

quos Sinas imitentur, ac sarcophagos adhibeant, nullo tamen modo simul cum demortuis vivos aliquos in rogam conjiciunt, quod facere Indi solent; hoc enim barbarum, atque hominum moribus indignum rentur Sinæ.

Gentis
indoles.

Sunt hujus provinciæ populi viribus, atque animo cæteris Sinis superiores, minusque Pugnae atque armorum metu terrentur, ad pugnam etiam elephantos docent ac adhibent: comes etiam sunt ac faciles, atque imprimis humani, ad Christiana sacra suscipienda multis aptiores: & quamvis propter immensam distantiam, temporumque ac bellorum turbas & injurias, nulli hæcenus ex Patribus nostris hanc provinciam ingressi sint, ut sæpius habuere in votis, ac non semel tentarunt; non paucos tamen ex ea oriundos salutaribus baptismatis aquis lustravimus, eos nimirum, qui vel præfecti, ubi nostri degebant, per reliquas gerebant officium, vel ad gradus litteratorum suscipiendos in regiam subinde adventabant; & sane si qui ex aliis Sinis susceptam fidem bonis probarunt, confirmaruntque moribus, ii fuere *Junnan*, qui magnam omnino nobis concitavere spem fore ut non exigui colligantur fructus, si quandoque illorum terras Euangelii sancta lex & lux, Catholicaque fides penetraret: albæ omnino sunt regiones ad messem, sed operarii nimium pauci, quos faxit Deus, ut mittat aliquando tandem copiosiores in messem suam, & ad latissimos hosce campos melius excolendos.

Quando
subjugati
à Sinis?

Qui primus hæc terras invasit, fuit Imperator *Xius* Cinæ familiæ auctor; sed paulo post iterum deficientes, à felicissimo ac fortissimo *Hana* familiæ capite, *Hiaowoo* debellata, ac subacta sunt; quin & Tartari *Juena* familiæ multis deductis coloniis non parum eas ornarunt: unde quam plurima in hac provincia sunt, quæ *Marcus Paulus Venetus* attingit, hæcenus aut perperam, aut parum ab Europæis intellecta, tum quia ignotis de iis usus est nominibus, tum quod nullo certo servato ordine, sed quasi per saltus ac interrupta res suas describat, vix umquam additis certis signis, ex quibus colligi, de quibus loquatur, possit, multarum rerum Sinensium, linguæque ac characterum ignarus; qua in re aliquid me, tum de rebus Geographicis, (quarum studium, quantum à nostris perfici possit, luculentum satis specimen hoc opere me dedisse puto) tum de Serenissima Venetorum Republica meritum credo; quod nobilissimum illius Patri-

Geogra-
phici stu-
dii speci-
men, ac
M. Pau-
lus Ve-
netus
vindica-
tus.

tium, à falsitatis aliarumque impactarum illi calumniarum notis exemerim, quamvis hi accusatores reprehensione potius digni fuerint, atque etiamnum sint, quod ea, quæ non intelligunt, tam leviter damnent; sed hisce relictis, ad urbes reliquas veniamus.

Prima Urbs five Metropolis

J V N N A N.

Est huic metropoli nomen idem, quod <sup>Nomen
et anti-
quitas.</sup> toti Provinciæ, quod Austrum nubium sonat: prima hujus regionis mentio reperitur sub *Si* regibus, qui partem Borealiorem obtinuerunt, vocabaturque *Tien* regnum, nomine ab ingenti lacu, quem includebat, desumpto. Prima urbis hujus memoria reperitur sub *Hana* familia, ac tum quidem civitas tantum erat, *Techeu* dicta; sed mox illius nomen in *Junnan* mutatum, cum mirabiles quasdam nubes, mira colorum varietate illustres, cum per hæc terras vagaretur, observasset in iis *Hiaowoo* Imperator: *Cynus Nincheu* dixit, *Tanga* familia *Nauning*, mox, quia conservare vix potuit ob nimiam distantiam, in sex dynastias totum territorium divisit, totidem ibi statutis, qui annum tributum penderent, Dynastis; at *Juena* familia omnibus devictis, *Chungking* urbem nominavit, *Taiminga* antiquum *Junnan* nomen restituit. Regit autem civitates omnino tredecim: 1 *Junnan*, 2 *Fumin*, 3 *Yleang*, 4 *Caoming*, 5 *Cynning*, 6 *Queiboa*, 7 *Chingcung*, 8 *Ganning*, 9 *Lofu*, 10 *Lofung*, 11 *Quenyang*, 12 *Sanpao*, 13 *Ymuen*.

Est hujus urbis territorium peramœnum ac fertile, præclaris montibus, ac præstantibus aquis celebre, hinc inde in colliculos asurgens, mox in longam, latamque diffusa planiciem regio: cœli temperie, fontibus, ingeniorumque excellentia, corporum robore, rerum omnium ubertate varietateque commendanda. Urbs ipsa est, quæ cum maximis, ac nobilissimis hujus extremæ Asiæ haud immerito certet; mercimoniis, opibusque florens, splendore ædificiorum, fanorum mole ac pulchritudine superba; immensum complectens vicorum spatium, situm etiam jucundum ad Borealem ripam magni *Tien* lacus, qui urbis mœnia, qua ad occidentem vergunt, lambit; inde deducti in urbem canales navibus iter præbent: intra mœnia etiam mons est idolorum fanis, publicis ac privatis ædificiis, hortis ac sylvis visendus.

In

In eadem urbe præter multa præfecto-
rum palatia, quoddam est, quod summus
Dynasta, *Moquecung* dictus, inhabitat: hanc
dignitatem, ac honoris titulum à *Taiminga*
familia auctore habuit exercitus illius dux,
unus ex familia *Mo*, qui *Hungurvo* præcla-
ram navavit operam in debellandis, ac eji-
ciendis *Juena* familiae Tartaris, à parvis ini-
tiis egregius belli dux evasit, ac propter in-
signia merita hanc hæreditariam dignitatem
obtinuit, quæ Ducali nostræ respondet, cu-
jus filii successores ad hæc usque tempora
eundem honorem obtinent.

Gentis
mores.

Fuere hic olim variae gentes, quarum ple-
raque ignota nomina hic minime recensco:
mores etiam ab invicem fere habuere diver-
sos, sed omnes *Fe* idololatricæ doctrinæ fue-
re addictæ, ejus libris decantandis semper
occupatæ; bella ac arma tractare, agricul-
turæ dare operam præcipuum fuit illorum
studium; virginem nullus in uxorem acci-
piebat, nisi clam prius ab alio (verba aucto-
ris nostri Sinici sunt) vitiatam; alii coloris
erant nigricantis ut Indi, alii candidi; gau-
dent equis substrato tantum tapete, non ac-
commodato ephippio.

Rerum
copia.

Producit regio equos omnino præclaros,
plerumque tamen minores sunt mole cor-
poris, at fortes & audaces; tapetes nullibi
adornantur melius; lapis lazulus, ac viridis
color illic effoditur, multaque eximia mar-
mora; lignum etiam rosæ, ut vocant Lusi-
tani, hic nascitur: fana heroibus dicata duo,
reliquis magis magnifica numerat.

Montes.

Uhoa mons est intra mœnia, in quo ma-
gnificum est idolorum templum, ac coeno-
bium, multaque alia ædificia, ut supra dixi.

Ad occasum lacus ac urbis est mons *King-
ki*, ingens omnino ac vastus, ipsam lacus ri-
pam attingit.

Fons a-
que para-
lyticos sa-
nantis.

Xang mons versus urbis Boream, in quo
fons est aquæ frigidissimæ, quæ tamen pa-
ralyticis mire prodest.

Lo mons ad Boream urbis altissimus, li-
macis figuram refert, hic ad Boream, &
Kinki mons ad occasum ex ipso lacu con-
spiciuntur, eo quod super alios montes al-
tissime emineant.

Toyang mons ad Barrolybicum, in quo
multa sacrificulorum coenobia.

Sieucæo mons prope *Caoming*, tantæ est
altitudinis, ut frigidam aëris subire credatur
regionem.

Prope *Cynning* est mons *Kinna*, auro
gravidus.

Flumina.

Tien lacus Australem urbis partem te-

net, & ad occasum usque ad ipsa urbis dif-
funditur mœnia, ejus ambitus quingento-
rum dicitur stadiorum: ex eo *Kinxa* fluvius
originem habet, ex Australi lacus parte ver-
sus Boream fluens; lacus vero ipse augetur
à *Puon* fluvio, qui ex *Caoming* montibus
in ipsum lacum descendit, vocatur etiam
hic lacus *Quenming*.

Ex lacu *Tien* ingens etiam canalis dedu-
ctus est ad *Ganning*, *Quenyang*, & *Fumin*
civitates, vulgo *Tangcie* dicitur.

Secunda Urbs

T A L I

IAcet etiam hæc urbs alteri magno lacui <sup>Situs ac
magnitudo.</sup>
vicina, occupatque illius occidentalem
ripam, in ipso ultimo lacus angulo, *Sinul*
lacus dicitur, qui multa commoda ac deli-
cias suis præbet accolis: Sinæ mare ob ma-
gnitudinem vocant, quamvis multo longior
sit lacus, quam latior. *Tali* autem urbis ter-
ritorium ex toto Sinico imperio maxime
vergit ad occidentem, apricum est & amœ-
num, soloque gaudet fertili, præterquam
qua saxi ac rupibus horret, multis etiam
aquis irriguum est: ipsa urbs vastissima est,
atque immensum occupat spatium, nam-
que intra ipsa mœnia palatium est relaxan-
dis animis exædificatum, cujus peribolus
quinque complet stadia, tota autem moles
decem perticas exsurgit in altitudinem, ex
quo facile prodigiosa pene urbis magnitu-
do colligi potest: populo frequens est, mul-
taque præclara ædificia tum publica, tum
privata continet: duo etiam nobilissima ha-
bet fana heroibus dicata, ut innumera alia
idolorum templa tacitus præteream.

Olim, cum nondum Sinis pareret regio, <sup>Nomina
& anti-
quitas.</sup>
inhabitata fuit à *Quenni* regni populis, re-
gum tempore eam *Cu* Rex occupavit, cujus
regnum ingens omnino, ac potentissimum
fuit. *Hiaovus Hana* familiae Imperator,
cum totam Indiam extra *Gangem* occupas-
set, primus hujus urbis fundamenta posuit,
Techen indito nomine; *Tanga* familia vo-
cavit *Taochen*, deinde à Sinis defectione
facta *Mung* regnum evasit, ac tum *Nan-
chao* dicta est urbs; primus autem qui eam
urbis titulo ac dignitate donavit, fuit *Juena*
familia Imperator, & *Tali* hodiernum no-
men indidit, illique sex civitates, quas rege-
ret, attribuit: 1 *Tali*, 2 *Chao*, 3 *Junnan*,
4 *Tenchuen*, 5 *Langkiung*, 6 *Pinchuen*.

Ex lapide marmoreo ingenti omnino, ac <sup>Marmor
eximium.</sup>
pulchro

pulchro fatis, Sinæ laminas illic marmoreas conficiunt, quod marmor illic à natura productum ita venulis, omnique colorum varietate adornatum est, ut montes, flumina, arbores, flores aliaque hujuscemodi ita referat, quasi erudita manu, penicilloque pictoris egregii ita isthic essent adumbrata: illo mensas, parietes, similiaque exornant Sinæ, *Tiençang*, à monte ex quo exscinditur, vocant. In hoc etiam terræ tractu ficus nascuntur Europeæ, quos Sinæ *Uhoquo* dicunt, ex eo indito nomine, quod nullo prævio flore ut reliqui fructus solent, crescat; *Uho* enim sine flore significat, *quo* vero fructum. *Cha* etiam folia producit: & optimis piscibus scatet.

Montes.

Tiençang mons supra trecenta stadia occupat, est ad urbis occasum, undeviginti in eo altissimos numerant vertices, & aquæ stagnum tantæ profunditatis, ut nunquam in eo fundus sit repertus.

Strages hominum ingens.

Prope *Chao* civitatem est *Fungy* mons, ubi etiam ex congesta terra ingens collis visitur, sub quo supra ducenta hominum milia Regis *Nanchao* sepulta sunt, quæ in prælio cum Sinis habito fuere occisa duce *Tangsienyuo*, post quam victoriam *Nanchao* regnum ab *Hana* familia subactum est, quod quidquid ad Austrum est ultra *Gangem* complectitur.

Prope *Tengchuen* est mons *Kiço* multis ac magnificis idolorum fanis, ac sacrificulorum cœnobiis famosus, atque ex hoc loco idololatricæ *Fe* doctrinæ notitia prima ad Sinas pervenit: unde simul cum occupato regno devictæ quoque gentis sacra ac ritus sulcepit *Hana* familia; cum antea Sinæ nihil nisi *Xangti* venerarentur, quod supremum sonat Imperatorem; multique valde probabiliter eos hoc nomine Deum explicasse volunt. Multos hic minoris nominis ac notæ montes transeo, sed nequaquam prætereundus vertex *Tingfi* in montibus *Chao* civitatis; hunc supra alios ad mille perticas eminere scribunt; ad radices castrum habet ad iterum custodiam.

Flumina.

Sin lacus primus occurrit, hic in amplam extensus longitudinem, incolas amœnissimo adspectu, ac copia piscium recreat, in eo montes tres sunt, qui tres faciunt insulas: sunt & aliæ quatuor planæ insulæ, atque admodum feraces: totus lacus novem Sinus, seu recessus ad interiora efformat; initium ad urbem *Tali* est, finem *Leangkiung* civitas statuit; ex eo ortum ducit ingens fluvius *Mofale*, qui tota hac Provincia

superata in *Tungking* regnum irrumpit, magnaue ibi aquarum mole auctus, illum alveum efficit, per quem naves ad *Tungking* regiam tendunt.

Tertia Urbs

LINGAN.

Habet *Lingan* urbs sub se civitates decem: 1 *Lingan*, 2 *Kienxui*, 3 *Xeping*, 4 *Omi*, 5 *Ning*, 6 *Sinping*, 7 *Tunghai*, 8 *Hosi*, 9 *Siego*, 10 *Mungcu*: & præterea munimenta novem, 1 *Naleu*, 2 *Kiachoa*, 3 *Vanglung*, 4 *Hiyung*, 5 *Kichu*, 6 *Suto*, 7 *Goneng*, 8 *Locung*, 9 *Gannan*. Hæc munimenta habet hæc urbs sub se præter morem communem, quia *Tungking* regno vicina est, & militaria præsidia non pauca illic alere cogitur Sinicus Imperator, ut *Tungkingensium* conatibus resistat, atque obviam eat. quidquid enim terrarum est ad ortum hujus urbis in hac Provincia, illud à rege *Tungking* occupatum fuit, illique paret.

Priscis temporibus *Kiung* regni hoc fuit territorium; *Hana* familia, ubi illud sibi subjecit, *Ciangho* dynastiam hic fundavit; dein ad *Mung* regnum pertinuit, & hujus urbis locus *Tunghai* dictus est; *Sungo* familia *Sieuxan* vocavit; *Juena* urbem statuit, quæ fortissimè undiq; mœnibus cincta est, nec magnitudine contemnenda: ejus territorium partim diffusum in planitiem, partim collibus, montibusque extuberat: duos etiam magnos lacus includit, fluminibusque intersecatur; civitatibus, munimentis, oppidis, pagisque refertum est; oryza, tritico, melle ac cera abundat; fructus omnes totius Indiæ communes etiam producit. Vnum heroibus dicatum habet fanum, pontemque magnificum ad urbis Borealem partem, quem Tartari *Juena* familiæ construxerunt.

Vchung mons ad civitatem *Omi* est, qui tres attollit vertices, in quorum medio jacet civitas. Prope *Ning* civitatem mons est *Vanlung*, ab annosis pinis dictus. Prope *Tunghai* mons est *Sieu*, in quo fontem esse scribunt, cujus aqua epota sæpius carnem albam reddat, ac ad pinguedinem augendam gracilioribus mire conferat.

Montes.

Fons albedinem inducens, ac pinguedinem.

Prope *Mungcu* altissimus ac maximus mons est, *Moce* dictus, in quo viginti altissimi numerant vertices.

Puonchang mons Australem urbis partem tenet, hunc altissimum esse scribunt.

Prope

Flumina.

Arclad. M.P.V. neti.

Mont.

Flumina. Prope *Xeping* civitatem lacus est *Nlung*,
cujus circuitus centum quinquaginta stadia
superat, in eo tres parvæ jacent insulæ. Est
& alter lacus prope civitatem *Tunghai* ejus-
dem nominis, octoginta quadrata habet
stadia, ejus origo prope *Hosi* est.

Quarta Urbs

S V H I V N G.

VMbilibicum Provinciæ tenet hæc urbs,
cujus territorium quaqua versum pul-
cherrimi ambiunt montes, amœni-
que fluvii scindunt ac rigant, illudque velut
munitissimo vallo cingunt, & ab hostibus
tutantur: ubique seges luxuriat, nec de-
sunt lætissima pecori pascua, ærque salu-
bris prorsus ac temperatus; lapidem lazu-
lum, atque optimum colorem viridem
fert: fuit olim regni *Cu*, mox sub *Hana* fa-
milia *Yechen*; *Cynus* rex vocavit *Gancheu*,
Tanga familia *Gueicu*, *Taiminga* hodie-
rum indidit nomen. regit urbs civitates se-
ptem: 1 *Cubiung*, 2 *Quangtung*, 3 *Tin-*
gyuen, 4 *Tingpien*, 5 *Okia*, 6 *Nangan*,
7 *Chinnan*.

Arclada
M.P.Ve-
neti. Ait auctor Sinicus, ad Borealem hujus
territorii partem fuisse olim, ante Tartaro-
rum *Juena* familiæ adventum, regnum &
gentem quandam, *Kinchi* dictam, quæ vo-
ces aureos dentes significant, atque ita vo-
catam, quod tenuissimis lamellis aureis se-
ptum dentium munire soleret, forte hæc il-
la *M. Pauli Arclada* Provincia, sed de
his infra paulo erit agendum copiosius. Il-
lud hic omnino rarum, quod olim imo et-
iamnum hæc gens facitare consuevit: pro-
pe *Nangan* nimirum civitatem, lapidem
quendam ingentem auro quotannis totum
obtegunt, eumque venerantur, ac supersti-
tiose adorant; est autem lapis supra decem
perticas altus, diciturque *Xinxæ*, quod spiri-
tualem lapidem significat; jam inde à regum
Mung temporibus hæc superstitio tenuit.

Montes. Ad urbis occidentalem partem *Minsung*
mons est, & *Viki*. ex hoc plusquam cen-
tum rivuli scaturiunt, unde totus virefcit,
ac fertilibus campis amœnus est.

Montes. *Kieupnon* mons altus, atque profundif-
simo quasi specu recedens, ad *Quantung*.
Circa *Nangan* mons est *Piaolo*, in quo no-
bilissima argenti fodina est.

Quinta Urbs

C H I N K I A N G.

FVit olim hic terræ tractus *Sinany* re-
gni, regum tempore *Tien* regio dice-
batur. *Hana* familia prima hujus urbis
fundamenta jecit, *Tniuen* civitate exstru-
cta; *Suius Quenchen* dixit, *Mung* reges
Hoyang, hodiernum nomen *Juena* dedit
familia. quinq; illi parent civitates: 1 *Chin-*
kian, 2 *Kiangchuen*, 3 *Sinbing*, 4 *Tang-*
cung, 5 *Lunan*. Non adeo magnum qui-
dem, sed lacubus fluminibusque amœnum
terrarum tractum obtinet hæc urbs. ipsa
magna satis ac conspicua, rebus quidem
aliis fere omnibus, at præcipue piscium co-
pia celebris est: ex iis quoddam piscium ge-
nus est, ex quo Medici contra quamcumq;
scabiem præsens remedium eliciunt. tape-
tes etiam optimos incolæ contexunt ex Byl-
so ac Gossipio: ad urbis Borealem partem
ad hæc usque tempora ingens conspicitur
lapis, ubi *Mung* Rex *Sinulo* alterius Regis le-
gatos excipiens, cum illi minime satisfacere-
rent, extracto gladio lapidem ita percussit,
ut ictus ad tres cubitos penetraret, verbis in-
super minacibus legatos alloquens: ite & re-
gi vestro renuntiæ, quales apud me gladii
sint. hoc autem accidit sub *Hiaoumo Hana*
familiæ auctore, qui *Mung* regnum poten-
tissimum, quod etiam *Nanchao* dicebatur
à Sinis, Sinico imperio adjecit.

Token mons ad urbis Notolybicum in
ripa lacus *Uusien*, sylvosus est, uno con-
stans vertice. *Montes.*

Kinlien mons ad ortum urbis est, inter
montium coronam situs, sole oriente totus
aureus videtur.

Kiangchuen montem si habet ingentem,
ex quo multi rivuli manant. *Puonquen*
mons circa *Kiangchuen* saxi horridus, ac
cavernis pluribus interruptus, inter incultos
lapides cœnobium ac idolorum fanum ex-
ædificatum est sacrificulis frequens.

De fluminibus vix quidquam est præter
ea, quæ ostendunt mappæ. Ad Austrum
autem urbis lacus est magnus *Fusien*, cen-
ties mille jugera occupat. *Flumina.*

Est & *Ming* lacus ad *Tangcung*, in quo
optimi ac præclarissimi sunt pisces, unum
genus est coloris nigricantis, *Cing* Sinæ vo-
cant, hunc piscem multis morbis prodesse
scribunt.

Sexta

Sexta Urbs

M V N G H O A.

ÆDificavit hanc urbem *Mung* Rex Sinulo, eamque *Mungre* vocavit; *Hana* familia eam regioni *Techeu* adscripsit; *Juena* quod habet, dedit nomen. duas tantum sub se continet civitates: 1 *Munghoa*, 2 *Linglung*. maxima ibi muschi copia est, ac nusquam alibi major illius, quam in hac provincia proventus.

Montes.

Gueipao mons est ad urbis Notapeliotem, omnium in hac regione altissimus. *Funghoang* mons Notolybicum versus jacet, nomen à Sinico phoenice habet, quem in hoc monte defunctum vita, cum aliquamdiu suavissime cecinisset, referunt: illud rarum omnino ac singulare est, si modo verum: ajunt quotannis sub finem autumnii aves omnes vicinas congregari in hoc loco, ac mortem phoenicis veluti plangere; incolæ illos dies observant, noctuque accenso igne montem conscendunt, ubi innumeras easque præstantissimas aves capiunt.

Tienul mons ad Boream urbis, cœli auris dicitur, quia in eo tam subtilis ac delicata echo est, ut quantumvis licet summissa loquaris voce, ictum ac repercussionem audias.

Septima Urbs

K I N G T V N G.

Inter altissimos ac densos montes, sola sui juris jacet hæc civitas: cujus incolæ tardissime omnino Sinicas litteras admiserunt, & multi adhuc potius *Mien* regni scribendi modum adhibent, qui non differt ab illo, quo *Begalenses* utuntur, Indique mercatores. Urbis hujus prima fundamenta posuit *Nanchao*, *Mung* regni Rex, vocavitque *Inseng*, hoc est argentum nascens, quia fodinas argenti non paucas vicinum habebat territorium. *Juena* familia *Caiman* dixit, at *Taiminga* dilatato pomoerio, urbem mœnibus octo stadiorum circumdedit. Tota regio feracissima imprimis est oryzæ, ad urbis autem occidentalem partem supra vallem profundissimam pons est, qualem jam supra adnotavi, ex meris ferreis constans catenis: catenæ ejusmodi viginti sunt, duodecim periticarum longitudine singulæ; cum plures simul transeunt, titubat, ac movetur pons non absque transeuntium, ob subjecta præ-

Pons ex catenis ferreis.

cipitia, horrore: hunc pontem *Mingus Hana* familiæ Imperator condidit, circa annum à Christo nato quintum supra sexagesimum.

Munglo mons altissimus trecenta, eaque *Montes.* plura occupat stadia, ad Borealem urbis partem est. ibidem est *Pingtai* mons, in quo castrum ad custodiam.

Octava Urbs

Q V A N G N A N.

Hæc urbs à Sinico etiam imperio avulsa *Tungking* regno paret, cum subjecta alia civitate, nimirum *Fu*, cujus urbis regionem à Sinico Imperatore subjectis terris magni atque alti separant montes, ipsa tamen planissima est, nullaque illius pars inculta jacet, undique colonis ac cultoribus frequens: demum ob præstantiam ac feracitatem aurea vulgo terra dicta, incolæ tamen, ut Sinæ quidem scribunt, barbari sunt; facile sese mutuo occidunt; viri ac foeminæ nudipedes ambulant, curta veste, sparsis capillis incedunt; insecta omnia etiam vermes, serpentes, ac mures vorant, ac pro cibis adhibent.

Incolarum mores.

Lienhoa mons ad ortum urbis, quia repandi floris figuram habet, *Lienhoa*, sive *Lien* flos dicitur. *Montes.*

Prope *Fu* civitatem est *Tocyuen* mons, à pretioso fonte, qui in ejus vertice emicat, dictus, *Tocyuen* enim pretiosum fontem significat. Torrens seu potius rivulus *Nanmo* prope *Fu* civitatem est, cujus aqua semper calida fluit, pro balneis optima censetur, multisque morbis mederi creditur.

Nona Urbs

Q V A N G S I.

Hæc etiam urbs cum subdito sibi territorio *Tungking* Regi paret, quatuorque præest civitatibus: 1 *Quangsi*, 2 *Sucung*, 3 *Mile*, 4 *Vimao*. Olim *Tien* regni fuit, sub *Hana* familia *Techeu* regionis pars, & *Ciangho* hic terræ tractus dictus; sub *Tanga* familia *Kimi*, hodiernum nomen ab *Juena* obtinet familia.

Ad Borealem urbis partem mœnibus vicinus est mons *Faco*: & intra ipsa mœnia mons *Chunsten*, in quo urbis erat Gymnasium. *Siaolung* mons ambit *Mile* civitatem. *Montes.*

Decima

Decima Urbs

C H I N Y V E N.

C *Hinyven* urbs prope meditullium hujus Provinciae occupat, ad australem partem urbis *Kingtung* argentiferæ, sub se castrum habet seu munimentum *Loco*. In hoc territorio montes multi sunt; sylvestres ac domestici pavones: antiqua nomina eadem omnino, ut sub *Kingtung* urbe huic vicinissima reperio, quare nec addo.

Montes. *Polung* mons ad urbis occasum, hic colles ita sensim sese attollentes altius atque altius habet, ut irati maris intumescences undas videre te credas, inde *Polung*, sive undarum gratia vocatur.

Nalo mons ad Barrapeliotem, tigris & leopardis infestus.

Undecima Urbs

I V N G N I N G.

Borealissima hujus provinciae est hæc urbs, regno *Sifan* contermina, quæ ad provinciae custodiam quatuor sibi subdita habet munimenta: 1 *Iungning*, 2 *Lachu*, 3 *Ketien*, 4 *Hianglo*, 5 *Valu*. hæc regio optimis illis vaccis abundat, de quibus agunt qui de regno Tibet scripsere: *Ly* vaccas vulgo vocant: harum cauda pro vexillorum ac galearum ornamentis utuntur *Sinæ*; ex pilis autem tapetes, vestesque concinnant contra pluviam præstantissimas. Olim hæc regio *Talang* nomen habuit. *Juena* familia hodiernum nomen indidit.

Montes. *Carimo* mons ad urbis Notapeliotem, solitarius ac nudus, totusque lapideus in magna existit planitie; *Lopu* mons prope *Volu*; *Pono* mons ad *Hianglo*; *Loni* mons ad *Locuho*.

Lacus. *Lucu* lacus ingens ad ortum urbis, in quo tres Insulæ sunt omnino æquales, quælibet collem habet centum perticas altum.

Duodecima Urbs

X V N N I N G.

DE hujus urbis regione nihil notant *Sinæ* ante *Sungam* familiam, Tartari *Iuena* familiae primum occuparunt, & hoc nomen indiderunt: urbis circuitus duorum tantum est stadiorum. Mon-

ticolæ hic, ut ajunt *Sinæ*, sunt maxime barbari, ac moribus minime cultis: ipsa etiam terra horrida fere, ac magna ex parte sterilis est; inter arctissimas valles unicus patet ingressus: sparsis ac oblongis utuntur capillis, nudis pedibus incedunt, comedunt manibus capientes, bacillos adhibere nolunt, omnia insecta devorant, vestes scindere, aut nere non norunt, panno integro se involvunt, & eodem latera cingunt. ita *Sinæ* noster Geographus. Hunc terræ tractum, quantum quidem ego assequi possum, est cur putem *Iungchang* regni partem olim fuisse, cui adjacet. de quo plura infra.

Loping mons ad Barrolybicum urbis exsurgit, in cujus parte urbs ipsa jacet.

Mengpo mons ad Boream urbis est, in quo inculta gens habitat.

Flumina. *Ganglang* fluvius ad occasum urbem præterfluit, fluvius est ingens, cujus origo in *Sifan* regno, inde descendens Austrum versus, ad *Iungping* hanc provinciam ingreditur, totamque mediam secatur, mox *Tungting* regnum adiens cum *Xale* fluvio sive *Moxale* in mare decurrit. De puteo *Quonin* (quod nomen famosissimi idoli est, forma muliebri, uti ad mappas expressimus) scribunt quendam ibi senem baculo terram percussisse, atque ita illi dedisse originem, cum alias terra aquis careret, quæ res pro prodigio habita, maxime cum senex ille amplius non comparuerit.

URBES MILITARES.

Prima Urbs militaris

K I O C I N G.

IN his urbibus, uti alias dicere me memini, cives militibus permixti habitant. prima hæc urbs territorium *Tungking* regni vicinum habet, at contra omnes hostium conatus probe munitum: nam præterquam quod sex civitates egregio opere exstructas habeat, & quædam castella, fluminibus *Pepuon* & *Naupuum* clauditur, quæ ex hujus urbis territorio ortum ducunt. civitates autem sunt: 1 *Kiociang*, 2 *Teco*, 3 *Chenye*, 4 *Loleang*, 5 *Malungo*, 6 *Lohiung*. Hujus regionis incolæ egregiam, ac sedulam agriculturæ dant operam, sed & litibus student, contenduntque apud Iudices, unde sæpe illa, quæ totius anni sudore ac labore lucrati sunt rustici, in judicium cedunt stipendium ac solutionem: rem raram omnino hic reperiri scribunt *Sinæ*, aviculas nimis

Hirundi-
nes lapi-
dea.

rum quasdam, quæ hirundines referant, à quibus & nomen habent, *Xeyen* enim vocant, hoc est hirundinem lapideam; albis notis majoribus, & minoribus sub ventre notatæ sunt; quæ majores habent notas, mares vocantur à Medicis Sinicis, foeminae, quæ minores: ex his contra morbos oculorum collyrium componunt Medici, quod omnem chelidoniam longe superat.

Montes.

Fukin mons ad occasum urbis est, in eo fontem esse scribit, cujus aqua puerorum ingenium augeat; nisi forte hoc effingant Sinæ, ut quibusdam Europæis locis fieri asolet, ad inducendos tanto facilius pueros, ut vino relicto, aquam bibant, quod similibus argumentis suadere solent, eo quod scilicet flavos capillos, oculosque pulchriores efficiat.

Aqua in-
genia au-
gens.

Circa *Chenye* mons est *Xingung*, sylvis continuus vestitus.

Xemuen mons circa *Loleang*, in quo inter saxa, via decem stadiorum patet, quæ utrimque veluti lapidea silva procul asperantibus apparet.

Tceng mons prope *Teco*, à fonte dictus, nam *T* juxta vulgare hujus terræ idioma, aquam significat, quæ *Xui* à Sinis dicitur.

Malung Quensô habet altissimum verticem, per quem iter est, ubi & castellum ad custodiam.

Flumina.

Pexeflumen ad Boream urbis incipit, at quam mox mutato nomine, *Pepuon* fluvius evadit, qui etiam *Ven* dicitur.

Chungyen lacus ac palus prope *Loleang* ad montium *Kiechiung* radices.

Secunda Urbs

Y A O G A N.

AD Barrolybicum metropoleos jacet urbs militaris *Taogan*, nobilis imprimis à Muschi copia, tribus præest civitatibus: 1 *Taogan*, 2 *Tao*, 3 *Tayao*, quas omnes sylvis ac montibus nobile territorium includit, in quibus feraces valles quam plurimæ: olim erat hæc regio *Tien* regni pars, sub *Hana* familia ad *Techen* pertinuit, quæ hic *Lungtung* civitatem condidit. *Tanga Taocheu* dixit, hodiernum nomen *Juena* instituit familia. Ait Sinicus auctor, hanc gentem ad insaniam esse robustam, quod pacem bello, illius artes armis ac præliis postponent, cum tamen pax sit optima rerum, quas homini Deus, aut natura dedit, quod plane contra prima politices

principia est apud Sinas, pacis, non belli, amantes.

Kiensien mons ad urbis occasum moenibus vicinus est, ex eo rivulus fluit, qui urbis fossam implet, & lacum parvum *Pien. Tung* mons ad ortum, pulcherrimis sylvis nobilis; *Lolo* ad Boream urbis mons est; & *Luki* mons prope *Tayao*.

Montes.

Versus *Barrapeliotem* ab urbe haud ita procul abest ingens puteus, qui aquam salisam continet, hauriturque ad sale candidissimum conficiendum, adhibeturque per totam regionem, vocatur *Peyencing*, hoc est, albi salis puteus: hujus inventionem ovibus adscribunt, quod ibi terram lambere, pedibusque eradere consuecant, ac ungulis exsculpere, donec tandem re sæpius notata, falsam ibi terram, aquamque reperere.

Flumina.

Kinx fluvius, qui ex *Sifan* venit, hujus urbis territorium ad Boream transit, ingreditur hanc Provinciam ad ortum *Linsi*, mox multis collectis aquis in *Suchuen* per *Quei-chen* confinia tendit. *Kinx* dicitur ab aureis arenis, quas volvit.

Tertia Urbs

C I O K I N G:

Sub *Hana* familia hic tractus ad *Lung-chang* pertinuit regnum, *Tanga Ciocheu* dixit, *Juena Cioking*; tres continet civitates, 1 *Cioking*, 2 *Kienchuen*, 3 *Xun*: totusque à fluminibus & montibus clauditur: incolæ fortes sunt, ac animosi, non Sinico stabello, sed arcu ac sagittis armati incedunt. Muschum profert regio, & nuces pineas seu strobilos: insignes illic texuntur tapetes.

Montes.

Kinboa mons prope *Kienchuen* civitatem, ex *Sifan* regno continuus huc usque pertingit: in eo aurum esse scribunt in maxima copia; quidam illius vertex totus aureus apparet.

Montes.

Fauchang mons ad urbis Australem partem maximus.

Ad *Kienchuen* mons est *Xepao*, in quo lapidea columna est & idoli *Fe* statua, elephas, leo, campana ac tympanum visuntur, omnia ex solido lapide; quælibet statua diversi coloris est; à quo posita sint, ignoratur.

Flumina.

Kinx fluvius etiam hunc tractum rigat.

Flumina.

Kien lacus prope *Kienchuen*, ejus ambitus sexaginta stadiorum est: ex eo tres rivuli emanant, qui characterem Sinicum, *Chuen* effor-

Folia in
arvicula
mutan-
tur.

efformant, nimirum ¶ hoc est aquæ, unde civitati nomen inditum.

Ad urbis Notapeliotem datur fons aquæ calidæ, quo Asthmatici, & obstructionis morbis laborantes loti, facile sanantur.

Quarta Urbs

V U T I N G.

Hujus etiam urbis territorium *Tien* regni pars fuit, *Hana* familia terris *Techeu* ad scripsit, *Suius Quencheu*, sub *Tanga* familia *Tacheu* dicta, ab *Juena* familia hodiernum nomen obtinet: quatuor regit civitates, 1 *Vuting*, 2 *Hokio*, 3 *Tuenmeu*, 4 *Lokimen*. Iacet metropoleos regioni vicina, & si quæ alia, amœnum ac fertilem terræ tractum possidet, per quem *Kinxæ* fluvius duplex fluit, multæque eum aliæ aquæ fecundant: militaris est urbs, militumque habet sat amplum præsidium, quia *Queicheu* finitima est, ubi à montanis populis periculum potest imminere: muscho etiam abundat; & quia gratissima ovibus pascua habet, frequentes alit greges.

Montes.

Umong mons maximus ad ortum urbis duodecim attollit vertices.

Hingkieu mons circa *Lokimen*, undique horridus ac præruptus, in vertice tamen planus est: & per arctissimam viam, unius tantum hominis capacem, patet solummodo ascensus, bellorum tempore suis accolis optimum præbet asylum.

Gokieu mons ab *Hokio*, vocatur vulgo continuum ver, quia nullam, aut exiguam sentit tempestatum anni mutationem, perpetuo virescit: ad occasum ejus ingens est caverna velut abyssus, in qua hominis ac animalis cujusdam statua visitur; scribunt, si quis forte statuam spectans altius loquatur, continuo tonitrua ac tempestates insurgere; sed fides sit penes *Sinas*.

Flumina.

Hoeineao lacus ad urbis Barrolybicum quinque stadiorum est, undique arboribus pulchre septus, vocatur reddens aves, quia folia, quæ in eum incidunt, non omnia, sed certæ arboris, in nigras mutantur aviculas, tanta cum admiratione ac stupore accolarum, ut spiritus esse credant; ita inquit *Sinicus* auctor.

Folia in aviculas mutantur.

Hiangxui fons, hoc est aquæ odoriferæ, quia Vere præcipue redolet, quo tempore incolæ ob rei insolentiam sacra fonti faciunt, & aquam vino mixtam, seu liquori ex oryza confecto, ebibunt: hanc aquam multis morbis mederi volunt.

Quinta Urbs

C I N T I E N,

Nihilominus superiore minus pingues, fertilesque campos hæc urbs obtinet, à frequentibus iisque sedulis agricolis cultos, ac à pastoribus frequentatos: non paucos numerat pagos, et sub se civitatem nullam habeat: urbs ipsa *Queicheu* Provincia vicinissima est; olim etiam regni *Tien* fuit hic locus, & *Cintien* dictus, quod nomen etiamnum retinet.

Juecu mons ad urbis Barrapeliotem, quinquaginta stadia occupat. versus occasum *Into* mons est, qui adeo salubri fruitur aëre, ut degentes in eo ægrotudines, quas ventus aut frigidior aër causet, ignorent: æstate commodissima ibi statio est, ad vitandos calores caniculares.

Montes.

Che lacus ingens, qui etiam *Cingxui* mare dicitur, inter montes ad occasum urbis est, in quem ex montibus rivuli omnes influunt.

Flumina.

Sexta Urbs

L I K I A N G.

Hujus regionis incolæ omnes ex priorum *Sinarum* deductis huc illucque coloniis orti sunt, ac licet non omnino *Sinicas* sequantur leges, quia ex aliarum nationum vicinia aliis sæpe moribus fuerunt imbuti, ut plurimum tamen *Sinas* suos imitantur; potui multum sunt dediti, ac largiter se ingurgitant, inde cantionibus ac tripudiis delectantur; equitare ac sagittas emittere dextre norunt: optimam ac pinguem inhabitant regionem, eamque auro gravidam; succinum etiam habent, ac nubes pineas. Urbs ipsa jacet in maxime occidentali hujus provincie parte, ad Boream urbis *Tali*, cujus territorium auriferus *Kinxius* medium secatur, *Lançang* vero fluvius claudit ad occasum. Supra *Kinxæ* pontem habet ex ferreis catenis concinnatum, inter montium intercapedinem interjectum, qualem supra descripsi. quinque urbs regit civitates: 1 *Likiang*, 2 *Paoxan*, 3 *Lan*, 4 *Kincin*, 5 *Lins*. *Hana* familia *Juehi* hunc vocavit locum, *Tanga Hicheu*, hodiernum nomen *Juena* dedit familia.

Sive mons ad urbis Barrolybicum *Tibet* regnum versus, ab assiduis nivibus, quæ num-

Montes.

numquam ibi liquefiunt, nomen habet, *Sine* enim nivem significat.

Prope *Kiucin* est *Kinma* mons, à lapidibus versicoloribus equum referentibus dictus.

Flumina.

Lançang fluvius ad occidentalem partem civitatis *Lan* fluit, ex regno *Tusan* emanat, unde & *Kinx* fluvius, qui & *Li* dicitur; hic in ortum, *Lançang* vero austrum versus profluens, magna aquarum mole auctus tota superata provincia, atque ipso regno *Tungking*, in mare aquas evomit simul cum *Xale* fluvio, ut jam ante dixi.

Ad urbis Notapeliotem *Kinx* fluvius in magnam latitudinem diffunditur, lacumque efficit triginta stadiorum; tanta ejus dicitur profunditas, ut hactenus nondum satis sit explorata.

Septima Urbs

I U E N K I A N G.

Olim hæc terra ad Sinarum pertinuit regionem, sub *Tanga* vero ad *Inseng*, sub *Sunga* familia à *Nungchi* occupata fuit, ac à Sinico Imperio avulsa; *Iuena* familia restituit, & *Iuenkian* dixit; quia vero *Tungking* & *Laos* regno vicina est, munimentum habet ad regionis custodiam, *Lopie* dictum. Abundat bysso, ebano, palmam, ac *Arecam* profert, quam incolæ cum folio *Betel* mastlicant, ut Indi reliqui, *Makinnang* patria voce vocant. Ibidem etiam frequentes pavones sunt.

Montes

Leukia mons ad urbis Barrapeliotem est; *Totai* mons ad ortum maximus, qui viginti quinque numerat vertices, adeo amœnus ac pulcher est, ut pretiosæ turris nomen obtinuerit.

Octava Urbs

I V N G C H A N G.

Potentissimi *Gailao* regni caput olim fuit hæc urbs, & *Pugnei* dicta est. hujus urbis initium *Hiao-vus Hana* familiæ bellicosissimus Imperator posuit; quia vero *Lançang* flumini circumjacentem regionem regebat, *Lançang* nomen adepta est, mox quod defecisset à Sinis & *Iungchang* regno subdita esset, *Iungchang* dicta est. Incolas hujus regionis ita describit Sinicus auctor: varios, inquit, exterorum habent mores, alii aureis lamellis dentes te-

gunt, istique *Kinchi* (hoc est aureorum dentium) dicuntur; alii dentes nigerrimos glutine aliore colore illitos amant; alii faciem variis figuris pingunt (acu nimirum perforando, appositore colore nigro, ut multi alii ex Indis solent.) equitant sine ephippio, solo tapete substrato; auro, cera, melle, marmore, succino, bysso ac sericis abundant. Est *Iungchang* urbs magna ac frequens, olim magni *Kinchi* regni fuit caput, modo Sinis paret; regit autem civitates quatuor, & tria munimenta contra finitimas nationes constructa: 1 *Iungchiang*, 2 *Laye*, 3 *Lukiang*, 4 *Iungping*. Munimenta, 1 *Funki*, 2 *Xitien*, 3 *Lukiang*.

Hanc urbem, & circumjacentem regionem omnino *Marci Pauli Veneti Unchiang* esse mihi persuadeo: inducunt ad hoc nominis affinitas, gentis mores, situsque regionis: namque *Mien* regno adjacet, de quo infra, nec à *Bengala* longe abest; abundat etiam elephantis, quibus contra Tartaros pugnarunt, & ab ipsis feliciter devicti sunt; quæ etiam res hic fuisse *Unchiang* probat: in Borealibus enim partibus nulli sunt elephantis, et per totam Sinam nunquam ad prælia adhibiti sunt, præterquam in hac sola *Iunnan* provincia, & *Kiaochi* seu *Tungking* regno. quod autem *M. Paulus Vn* pro *Iun* scribat, minime mirum: nullus enim character Sinicus est, qui *Vn* sonet, unde à Sinis *Iun* pro *Vn* adhibitum. confirmat hanc opinionem, quod sæpius dixi, Tartaros nimirum *Iuena* familiæ ex australibus partibus Sinas ingressos, ac inde ad totum occupandum Imperium gradum fecisse, debellata prius omni illa regione, quæ cis *Gangem* est, multisque etiam quæ ultra eundem, pro quibus ad *Venetum* curiosum lectorem mitto.

Gailo mons, sive *Ganlo* ad urbis orientalem partem est, in eo puteus profundissimus, ex quo anni fertilis futuri, aut sterilis augurium desumunt incolæ, idque verno tempore, notato illius aquæ adscensu atque altitudine, & descensu seu demissione: in eodem lapis est, qui nasi humani figuram repræsentat, ex naribus fontes bini profluunt, calidus eorum unus est, alter frigidus. *Caoli* mons prope *Layue* magnus atque altus.

Iungping vicinum habet montem *Ponan* horridum omnino, ac difficilem. Circa *Xitien* est *Mocang* mons, cujus vertex quidam cælum ipsum præ altitudine videtur attingere.

Funki

Funki munimentum in monte ejusdem nominis est.

Flumina. *Lu* flumen, quod & *Nu* dicitur, fluit urbi vicinum, ejus origo è regno *Tufan* est.

Chinghoa lacus ad urbis ortum, totus *Lien* floribus confitus est.

Civitates militares.

Absolutis urbibus militaribus duæ superfunt civitates, quæ nulli subsunt urbi; in his, ut in urbibus, milites ac cives simul habitant; prima est *Pexing*, secunda *Sinhoa*; illa Borealem Provinciæ partem occupat, hæc Australem.

Montes. Ad partem Australem *Pexing* mons est *Kieulung* altissimus. *Tung* mons ad ortum, *Utung* mons ad occasum; *Sinhoa* vero civitas Barrolybicum versus *Falung* montem habet, & ad Boream montem *Cheçung*, in quo calidus fons.

Flumina. Ad Australes partes *Pexing* lacus est, *Chin* dictus, hic ex ruina ingentis oppidi effectus est, quod ob incolarum scelera, terræ hiatu absorptum referunt ipsimet *Sinæ*; præcipue ejus habitatores ex familia & affinitate *Chin* fuisse traduntur, indeque lacui nomen factum; atque hic ille lacus est, in quo non nisi puerum unicum, supra ligna vectum, communem evasisse stragem scribunt: ex quo multo magis confirmatur *M. Pauli* genuina intellectio de hoc loco, quem miror in Europæis mappis ad quadragesimum gradum vulgo poni, forte ut errorem errore confirmet, id factum; alias enim *Catayum* ad quinquagesimum statuere non potuissent, *Veneti* minime intellecta mente, ac verbis.

Provincia munimenta.

EX his alia majora, minora sunt alia; alia nulli subiecta alteri, quam suo præfecto, alia aliis præfunt; quæ sola per se stant, hic prius in ordinem redigo, de aliis paulo post acturus: 1 *Chelo*, 2 *Tengheng*, 3 *Cheli*, 4 *Laochua*, 5 *Lungchuen*, 6 *Gueiyuen*, 7 *Vantien*, 8 *Chincang*, 9 *Takeu*, 10 *Nienki*, 11 *Mangxi*.

Cheli aquilæ lignum odoriferum profert. *Laochua* Rhinocerotes alit; *Benjoin*, multa alia suavissimi odoris ligna: *Laos* regno vicina regio est.

Montes. *Munglo* mons prope *Chelo* est, in eo aquæ lethiferæ fons, ex quo si vel tantillum homines, aut animalia hauserint, continuo interire solent.

Prope *Takeu* mons est *Olun* horridus ac præruptus.

Cingxe mons altus ac saxosus, obscuris cavernis cavus, prope *Mangxi*.

Flumina. *Tache* lacus ingens circa *Tengheng*, in ejus medio magnus est mons, qui tamen ob lacus magnitudinem parvus apparet ex ipsa ripa.

LANÇANG munimentum.

Huic munimento subest civitas *Langkin*, quæ etiam militum habet Præfectum: sub *Juena* familia ad *Pexing* pertinuit, at *Taiminga* inde avulsit; *Suchuen* Provinciæ finitimus est hic tractus: in quo magna *Muschi* vis, optimi tapetes, pinorum nuces, cervique plurimi in montibus, quorum maximus *Peco*.

Peco
mons.

MOPANG munimentum.

Maxime Australem ac occidentalem hujus Provinciæ partem occupat hic terræ tractus, ad Austrum *Mien* regni est, *Pegu* ac *Bengala* vicinißimus; cumque vix pareat *Sinis*, non admodum illis notus, de quo tamen habent sequentia: piper profert, optimum stannum, equos alit præclaros, succinum fert; ad *Mien* regnum pertinet, fuitque ejus regia, sed *Juena* familia eam destruxit, magnisque præfidiis instructum munimentum statuit: mares albis plerumque induuntur vestibus, corpus depingunt in eo varias efformantes figuras, ut *Peguani*; barbam vossella radicitus extirpant, supercilia adornant, mystaces oblongos alunt, brachia ac crura annulis aureis, vel eburneis ornant, aures oblongas, perforatas annulosque insertos gerunt: uxores habentur ut mancipia: mercaturæ additi sunt, student agriculturæ, natura faciles ac dociles sunt, sed fallaces: muscho santalique ligno in pulverem redactò corpus linunt, tenuiores lutei cujusdam ligni ramenta, seu tenuissimum pollinem adhibent; ditiores gestantur à bajulis jacentes in lecticis, aut elephanti insidentes iter faciunt: idolum *Fe* colunt, metempsychoseos doctrinæ addicti, sacrificulos suos amant ac venerantur: moenia habent ac civitates. hæc *Sinicus* auctor refert; quibus nihil admodum quod addam habeo, nisi quod hæc non parum faciant ad meliorem eorum, quæ apud *M. Paulum* sunt, pleniotemque perceptionem. in mappa *Sinica* circa *Mopang* hæc depicta sunt loca: 1 *Mopang*, 2 *Mengyang*, 3 *Mengking*, 4 *Menglien*,
T r

lien, 5 Mengli, 6 Mengting, 7 Mengtien, 8 Mengco, 9 Mengchang.

Prope *Mengyang* unum tantummodo montem adnotatum invenio, qui *Queikine* dicitur, adeo ascensu arduus ac cavernosus est, ut à malo spiritu excavatum dicant.

M I E N Munimentum.

DE hac regione ita inquit Sinicus auctor: olim hæc *Sinan* terris fuit adnumerata, qualis in ea gens sit, ignoro; olim contra nos pugnarunt, & quinque urbes occuparunt, at *Juena* familia eos debellavit, regnumq; occupavit: habent urbes ac moenia, domosque ad inhabitandum, elephantes ac equos usibus aptos, naves ac

pontes ad flumina trajicienda: scribendi modum ac literas habent singularem, ditiores auri foliis sua inscribunt, alii papyrum adhibent, alii *Arecæ* folia: gens est colore nigricanti, natura fallax; reliqua eadem omnino sunt quæ dicit supra. Producit regio, quod petroleum vocant, præfens scabiei remedium. Ex quibus colligo hic vicinum *Mien* regnum fuisse, de quo *M. Paulus Venetus* agit; hoc autem munimentum à Sinis exstructum contra irruptiones, aut conatus hostium ex regno *Mien*. Vicina sub se sex alia habet munimenta, quæ sunt 1 *Mien*, 2 *Pape*, 3 *Santihung*, 4 *Sochung*, 5 *Mungyang*, 6 *Mitien*. alia quædam minora loca sunt, quæ satis dilucidè expressa sunt in mappa.

L E A O T V N G R E G I O.



LNgens hic terrarum tractus est inter sinum *Gang* & murum magnum interceptus, *Leaotung* Sinæ vocant; licet autem magnitudine, populique frequentia Provinciæ nomen ac dignitatem jure mereatur, illam tamen *Taiminga* familia concedere noluit, quia abolito fere ubique urbium ac civitatum nomine, munimenta statuit, quæ à militaribus regerentur præfectis; paucis quibusdam relictis, in quibus summi præfecti, Prorex nimirum, ac regni habitaret Visitator, majori cum majestate ac imperio, de quibus infra erit agendi locus. hæc autem idcirco facta sunt, quod Sinicus Imperator per totam illam regionem ingentia cogeretur alere militum præsidia, ob nimiam *Niuhe*, & *Niulhan* Tartarorum viciniam, præcipue postquam sub *Kiacingo* Imperatore murum Tartari armata superassent manu, ingentesque egissent per totam devastatam Provinciam, prædas; ac tametsi bellum illud minime fuerit continuatum, sopitum tamen potius fuit, quam extinctum: nam sub *Vanlieo* iterum illius erupit incendium, nec quievit prius Tartari, quam totum fere occupassent imperium, atque etiamnum acriter pro ejus reliquiis decertant; ut fusius aliquanto docui in meo de bello Tartarico commentariolo.

Termini.

Hujus regionis termini sunt ad partem orientalem *Nao* fluvius, & Sinus maris per quem à *Corea* peninsula separatur, *Coream*

enim ac *Leaotung* fluvius è Tartaria adveniens mediam interfecat; ad hujus autem ripam, qua ad occidentem spectat, celeberrimi illius muri, de quo suo loco dixi, initium est, qui limites ad Boream statuit, nam ab ortu in occasum, à *Caiyuen* nimirum usque ad *Kichin* protensus hæc terras à Tartaria sejungit. ad occasum eam claudit *Pecheli* Provincia, & medius inter utramque profluens *Linohang* fluvius; reliquæ qua ad Austrum magis pertinent, *Gang* Sinus maris alluit, atque defendit.

Præcis temporibus sub *Tui* divisione pars *Leaotung Ki*, pars *Cing* Provinciæ attributa est; sub *Xuno* vero terræ vergentes ad Barrapeliotem regioni *Jeu* fuere accensitæ, illa nimirum pars, ubi nunc *Quangning*; asterismi prædominantes regioni assignati sunt *Ki* & *Vi*. Regum tempore *Ten* vocata est hæc regio; *Cina* familiæ auctor *Xuns* Imperator *Leaosi* dixit; *Hiaouns Hana* familiæ, postquam *Coream* armis domuisset, multis secum deductis è *Corea* advenis, ex illis hic colonias deduxit ac stabilivit, Provinciamque *Caokinli* nomine insignivit. *Tanga* familiæ auctor has iterum terras, ac *Coream* occupavit, duasque magnas in ea urbes condidit, unam *Cai*, alteram *Leão* nomine. *Utai* Reges *Leão* civitatem vocaverunt *Tungking*, *Kina* Tartarorum familia *Leaoyang* dixit, quod nomen paululum inflexum, in hodiernum usque diem retinet. Tota regio duas tantum majores numerat urbes, civitates aliquas, munimenta vero quamplurima, quæ isthic sunt, magnitudine &

Urbium
numerus.

Ingen-
ac munda-
les.

Rerum
ea copia

ne & populi frequentia etiam quasdam primi ordinis civitates superant. Urbes duæ sunt, 1 *Leaoyang*, 2 *Ningyuen*, 3 *Ycheu*, 4 *Caiyuen*, 5 *Quangning*, 6 *Ningyuen*, 7 *Chinyang*, 8 *Kinchen*, 9 *Cai*. Minora sunt, 1 *Hai*, 2 *Tieling*, 3 *Chungcu*, 4 *Puho*, 5 *Kin*, 6 *Fo*, 7 *Luixun*, 8 *Che-kiao*, 9 *Chehai*, 10 *Quangning*, 11 *Tingleao*, 12 *Ganlo*, 13 *Pieyang*, 14 *Sanuan*, 15 *Tanyang*; Minora seu tertii ordinis sunt, 16 *Chungtun*, 17 *So*, 18 *Jeu*, 19 *Heutun*, 20 *Teutun*.

Ex his aliquæ viciniore *Xantung* Provinciae, militum præfecto illius provinciae subsumt, nimirum *Kin*, *Fo*, *Luixun*.

Ingenium
ac indo-
les.

Sunt autem hujus provinciae incolæ ad studia prorsus inepti, maxima ex parte torosi, forma magis quadrata, firmissima membrorum compage, audaces, fortes, ad bella aptiores, laboribusque adfueri: bellis enim continuis ex vicinia Tartarorum arsit regio, ac cum diu pluribus annis Tartarorum excursionibus, deprædationibusque fuisset vexata, tandem sub *Kiacingo* Imperatore orientalem partem Sinæ pœne amiserunt; victoribusque Tartaris ingens præda cessit; haud ita multo post sub *Vanlieo* iterum irrumpentes eam occuparunt; unde ex tanta illorum vicinia, commercio, ultro citroque factis deditiōibus, gens fere tota Tartaricos magna ex parte induit mores, ea præcipue, quæ magis vergit ad orientem, atque illa ipsa dein gens pro ipsis Tartaris contra Sinas stetit; & quia pars orientalis à Tartaris occupata fuerat, pro *Leaoyang* metropoli, quam illi invaserant, *Ningyuen*, aliam metropolim scilicet, substituit Sinicus Imperator; sed & hæc, & tota fere Sina à Tartaris modo subacta est. Producit regio hæc radicem illam præstantissimam, quam *Ginseng* vocant, castorum, martium, zibellinasque pretiosissimas pelles, quibus gens illa Tartarorum more utitur ad frigus arcendum, ac simul eas reliquæ Sinæ suppe-
ditat. nuces avellanas sylvestres illas minores nusquam alibi vidi in hac extrema Asia copiosiores; pinorum etiam strobilos profert majores ac præstantes. abundat frumento ac mylio; at oryza caret: reliqua porro legumina læta profert, atque olerum genera omnia, maxime brassicarum, quas vix in tota alibi Sina reperias. habet uvas, ficus, poma, pyra, aliosque similes Europæ fructus: unde præclara, ac amœna omnino regio di-

Rerum in
ea copia.

cenda est, præcipue cum montibus multis in locis careat, marisque vicinia, adeoque & commodis utatur. Quod si pacis artibus gens hæc magis esset addicta, haud dubium, quin regio hæc facile una ex præcipuis totius Sinici Imperii provinciis evadere possit, natura enim fertilissima est, at cultui agrorum assidua pœne obstant bella. religio illis eadem, quæ Sinis: idolorum cultui, doctrinaeque quæ animarum transmigrationem admittit, adhærent. illud exoticum, à cæteris diversum prorsus ac singulare, quod saltantes habeant sacrificulas, seu fœminas, quales illæ apud Hispanas agyrtæ seu cingaræ sunt, quas Gitanas dicunt, invitatae enim præstigiatrices illæ vel ad ægritudines è domo pellendas, vel ad avertendam sortem infelicem, aut spectra, si quæ forte domi esse putantur, depellenda, diu noctuque tympana ac pelves pulsantes saltant, tripudiantque absque cessatione. Vidi hoc apud Sinas fieri à gente illa, quæ Tartaris militabat, planeque mirabar, quo pacto homines illi tam diu saltantes durare possent, & quomodo ægri tantum tripudiantium fragorem, ac strepitum ferre possent.

Religio.

Saltatrici-
cula.

Funghoang mons ad ortum *Leaoyang*. *Hunglo* mons prope *Chungtun*. *Tatuon* mons circa *Ningyuen*. prope *Quangning* est *Vansung* mons. *Lungxeu* mons prope *Tieling*. *Cu* mons ille est, in quo *Xanghai* munimentum insulam in mari facit. *Lienyun* Insula prope *Cai* civitatem; *Taohoa* Insula in mari ultra *Ningyuen*, à navibus, ob commodam stationem, admodum frequentata. *Changpe* mons ad muri initium in Tartariam usque excurrit, ingens omnino ac altus est: in eo lacus octoginta stadiorum, immensæ profunditatis, ex quo duo magni fluvii ortum ducunt; qui versus austrum fluit dicitur *Talo*, qui ad Boream, indeque in ortum desleat, *Quentung*; de quibus in Tartaria *Niuche* egi.

Leao fluvius, cujus origo in Tartaria extra murum est, ad occasum *Sanuan* munimenti in mare se exonerat, & versus occasum præcipue paludosus est, ac limo profundo admodum ripas habet oppletas; unde scriptum est à Sinis, *Taiçungum Tanga* familiæ Imperatorem volentem in *Coream* exercitum ducere, pontem, seu potius aggerem struere coactum ducentorum stadiorum. *Talo*, de quo sæpe locutus sum.

Flumina.

Corea Peninsula five

CHAOSIEN.

Corea
Peninsula.Fungma
insula.

Termini.

DE *Corea*, insulane sit, an continens, varia est ac dubia apud Europæos fama; at mihi certum omnino est, peninsulam esse, nec circumnavigari ullo modo posse, quamvis aliqui se eam circumnavigasse dixerint, qui error inde ortus est, quod magnam insulam *Fungma*, ad Australem *Coreæ* partem, *Coream* esse putarint. ego Sinicum secutus auctorem (cui meo quidem iudicio major cæteris omnibus habenda fides) continentem cum *Niuiche* Tartaria *Coream*, ac peninsulam facio eo omnino modo, quo à Cosmographis Sinicis pingitur, quamvis ipsi non *Coream*, sed *Chaosien* vocent. illud enim à Japonicis ad nos pervenit nomen, quo vulgo eam appellamus. de ea hæc scribunt Sinæ: ad *Boream* cum *Niuiche* contermina est, ad *Barolybicum Talo* fluvius limitem statuit, reliqua mare ambit. Hæc illa est regio, quam *Uius* Imperator *Cheua* familiæ auctor, *Kicio* ex *Xanga* familia Imperatoris consanguineo, in feudum concessit, circa annum Domini millesimum centesimum vigesimum primum, cum devicta ac extincta fuit *Xanga* familia, demortuo nequissimo illo Imperatore *Kieo*, qui ab *Uuo* superatus, sese cum superbissimo, quod extruxerat, palatio vivum combussit, digna sua libidine, qua infamis vixerat, morte reperta. sub *Cina* familia etiam *Leaotung* nomen habuit. *Hana* familiæ *Hiaouns*, ut iterum feudum admitteret, Regem *Coreæ* coëgit, ac *Chaosien* nomen restituit, circa *Cyna* familiæ finem, devictus ex ea familia Rex *Coream* ingressus est, & concedente *Coreano* Rege in Australi parte Provinciam *Cinenlo* inhabitare permissus est; quod in causa fuit cur *Tanga* familiæ auctor *Coreano* Regi bellum indixerit, ipsamque etiam regiam *Pingjang* occupavit, debellato *Caolien* rege, cui tamen regnum præscripto feudi obsequio restituit. Cum autem *Taminga* familiæ caput *Hunguuo* Tartaros ex Sina felicissime eiecisset, Rex *Coreæ*, qui etiam à Tartaris vexatus oppressusque fuerat, per legatos *Hunguuo* victoriam est gratulatus, atque ultro se tamquam feudatarium subiecit, quæ de causa ab Imperatore aureum accepit sigillum, quod Regibus feudatariis concedere solet Sinicus Imperator. illud autem ea vel

maxime de causa præstitit *Coreæ* Rex, quod animadvertisset à vicinis Japonibus sibi bellum imminere, & auxilia à Sinis speraret, quæ etiam sæpe obtinuit. ac demum etiam *Coreæ* Reges Japonibus tributa solvere sunt coacti, hac tamen lege, ut semper Rege defuncto, alter qui eligeretur vel *Pekinum* ipse ad Imperatorem veniret, vel legatos mitteret, qui clientis fiduciarum obsequia præstaret: ac meo quidem tempore, ipsemet Rex ad Imperatorem *Chungchinum* venit, ac *Pekini* magnam cum Patribus nostris contraxit amicitiam; ex qua occasione aliqui Christiana doctrina prius imbuti *Coreani*, salutaribus etiam baptismatis aquis abluti sunt, inter quos summus fuit Regis *Eunuchus*, qui Patres nostros secum in *Coream* deducere, ipso petente Rege, optabat, siquidem personarum ibi penuria tam piis votis obsecundare nos sivistet.

Dicit autem Sinicus auctor, quod primus ille Rex, qui ab *Hunguuo* in clientem fiduciarum admissus est, nequam esset ac perversæ indolis, moribusque minime regis, ac vilissimus ac plane obscurus, ut phrasin Sinicam exprimam; quamobrem à suis subditis per seditionem est interfectus, ac illius loco regnum occupavit quidam è Præfectis, *Ly* nomine, qui cliens quoque fiduciarum effectus est, & regni *Chaosien* Rex constitutus; nec deinceps hoc umquam est omisum, quod verissime ait Sinicus auctor, cum etiamnum Tartaro Imperatori hoc ipsum præstent *Coreani* Reges, quamvis eo anno, quo in Europam veni, hoc est 1651, quod capillos abradere, ac vestibus more Tartarico indui iussi essent, à Tartaris defecerint, bellumque ingens contra *Coreanos* moveri coëptum sit. Tota peninsula *Corea* in octo

Divisio
ac nomi-
na.

divisa est Provincias; quæ in earum medio est *Kinki* dicitur, in qua nobilissima ac Regum sedes *Pingjang* urbs est. Orientalis Provincia modo *Kiangyuen* dicitur, olim *Gueipe* dicta est; occidentalis *Hoanchai* nomen habet, quæ olim proprie *Chaosien* vocitabatur; Australis Provincia olim *Pienhan*, nunc *Cinenlo* est; quæ ad Notapeliotem olim *Xinhan*, modo *Kingxan*; quæ ad Notolybicum olim *Mahan*, modo *Chungcing*; quæ ad Barrapeliotem modo *Hienking*, olim *Caokuli* nomen obtinuit; ea, quæ ad Barolybicum, *Pingan* est appellata.

Urbium ac civitatum numerum accuratum minime reperio, multæ tamen omnino sunt ac frequentes, nam populi multitudo in ea regione copiosissima est, omnes Si-

Gentis
indoles
ac mores.

nico

isio
mi-

is
les
res.



No
the
con
the
tio.

nico modo exstructæ ac munitæ sunt , rei-publicæ etiam forma , habitus , ac lingua , scribendique ratio eadem omnino , quæ apud Sinas : eadem quoque sacra , sacrorumque habent doctrinam , eam nimirum , quæ metempsychosim docet ; idem apud eos idolum *Fe* est ; philosophiæ dant operam & in studia diligenter incumbunt : defunctos vita non ante tertium à morte annum terræ mandant , sed veluti Sinæ , pulchre adornatis instructisque sarcophagis atque arctissime clausis , domi custodiunt , ac quot diebus honorem eis ac reverentiam exhibent , veluti necdum totis jacentibus aut mortuis , in observantiæ ac gratitudinis signum . Hoc uno fere differunt à Sinis , quod non tanta circumspeditione , neque tam arcte domi fœminæ contineantur , quin subinde etiam in virorum consortio ac cœtibus appareant ; quæ de causa male morati audiunt apud Sinas : quin imo & nuptiarum ac conjugiorum apud eos ratio prorsus à Sinensi discrepat ; quisque , quam vult , eligit in uxorem , sibi-que despondet mutua propensione voluntatum accedente , nulla fere habita parentum ratione ; quod contra fit apud Sinas , ubi per solos parentes contrahuntur stabiliunturque matrimonia inscio filio aut filia , atque illam quisque cogitur accipere in uxorem quam pater determinavit , cui contrarium tenere aut agere inurbanum ac barbarum vulgo credunt Sinæ : hujus rei rationem dant , adolescentulas nimirum adeo modestas ac pudicas esse debere , ut , si forte nubere velint , interrogentur , ex modestia & verecundia dicere teneantur se nolle : ad eò modestiam exterioram amant Sinæ , licet

Nuptiarum ac conjugiorum ratio.

alioquin satis ad omnem impudicitiam proni sint ac liberi , modo clam fiat .

Est regio *Corea* rerum omnium ferax . *Rerum copia.* Tritico abundat maxime & oryza , & quidem duplici , uti Japonia : illa nimirum , quæ in aquis feritur ac crescit ; & illa quæ in campis siccis , ut triticum solet ; quæ quidem huic regno ac Japoniæ propria est ac singularis , estque reliqua præstantior : fruges ac legumina reliqua læta profert , fructusque Europæos varios , pyra nominatim , eximii saporis . *Papyri* , uti & Japonia , varia conficit genera ; optimosque ex luporum pilis penicillos , quibus ad scribendum utuntur *Coreani* ac Sinæ . *Sandaracha* , sive *Gummi* illud *Cie* , aurei coloris , nullibi melius est , quo , veluti apud Japones quoque , omnis generis supellectilem atque utensilia plurima illinire atque adornare solent . *Ginseng* radix hic quoque copiosa est : montes habet non paucos auro , argentoque gravidos ; nullum tamen hæc gens cum exteris habet commercium , si Japones Sinasque excipias : uniones ex mari *Eöo* haurit .

Montes nonnullos in *Corea* notant Sinæ , *Montes.* primus est *Peyo* , quem ad Borealem provinciam *Kingki* partem situm , longissimum atque altissimum esse volunt .

Vatu mons ad regiam *Pingyang* urbis *Barapeliotem* , in quo *Hana* familiæ temporibus *Ing* Rex regiam habuit .

Xincao mons : *Luyang* mons circa *Pingjang* , etiam *Barapeliotem* versus .

Hoang mons in provincia *Chungcing* .

Ly fluvius in *Kingki* provincia regiam *Flumina.* alluit , ad occasum in mare prorumpit .

Tatung fluvius in *Pingan* provincia .

A P P E N D I X

DE REGNO JAPONIÆ.



Romiferam quidem aliquid etiam de Japonia addere ; sed quia alii ante me , ac potissimum Patres Societatis nostræ , accurate satis describere omnia , inter quos *Maffæus* *no-*ster ac *Turfellinus* eminent , adjiciam hic tantum quædam , tamquam appendicis loco , quæ vel ignorata ab aliis , vel incuria aut oblivione sunt prætermissa , quod in toto hoc meo opere maximopere observare

sum conatus : neque enim in eo multa ab aliis scripta iterum proponere volui , ut mutato nonnihil ordine ac stylo commentarium meum augerem , quod à plurimis nunc factitari videmus , qui quidem meo judicio actum agunt , demonstrantque nihil à se scriptum aut dictum , quod non scriptum sit prius .

Mappam imprimis de Japonia apposui satis accuratam , eam enim à probatis accipi auctoribus , cum Japoniam ipse numquam adierim , nec à Sinis eam descriptam

V u

repe-

repererim, licet in mappis Sinicis sit expref-
fa, itaque hic alteri credere neceffum habui.

*Origo Ja-
ponum.*

De Japonia autem, primum fere quod
occurrit, gentis origo est: quam plerique à
Sinis deductam volunt, quibus & ego sub-
scribo; non ita tamen ut credam à solis Sinis
ortos Japones, quin & Tartari in partem
veniant, orientales præfertim, quos Japo-
niam inhabitasse nullus dubito, & quidem
per vicinas *Tedo* terras ingreffos, exiguo,
quod interjacet, superato freto naviculis, aut
forte etiam aquis frigore concretis: constat
enim, hîc ingentia sæpe frigora, acerrimas-
que esse hyemes. Suadent hoc mihi tria:
Primum, quod Japones capillitium Tarta-
rico fere more tondeant, paucosque crines
relinquant, reliquo capite raso ad glabri-
tiem, mentoque volfella depilato, quæ duo
apud Sinas numquam fuere in usu; Secun-
dum, quod inter loquendum Japones subin-
de D & R litteras adhibeant, quod inusi-
tatum apud Sinas, cum utraque littera ca-
reant, R vero vix ac ne vix quidem, ma-
gno etiam adhibito studio ac diligentia, ex-
primere possint; Tercium, quod multum Si-
nicæ linguæ dissimilis sit Japonica, vixque
ulla affinitate cum ea conjuncta.

*Error de
ortu Ja-
ponum.*

Hallucinantur autem, quicumque scri-
bunt, magnates ac rebelles Sinas in Japo-
niam reliquasque insulas emissos, eosque,
ut originem, quam à Sinensibus ducebant,
occultarent, mutationem fere omnium mo-
rum, rituumque assumpfisse; cum Japones
& religionem à Sinis, & litteras acceperint,
sexcentis circiter post Deum natum annis,
ut aperte convinco in mea Sinensium histo-
riarum ab ortu illorum ad hæc nostra usque
tempora epitome; tametsi Japones aliquam
multos mutarint characteres aliosque addi-
derint ad commodiorem usum, faciliorem-
que linguæ suæ explicationem. Nulla enim
exilii hujus, aut expulsionis in historia Si-
nica, quæ tamen minutissima quæque no-
tat, habetur mentio. adde habitum, quo
modo utuntur Japones, prorsus eundem il-
lum esse, quo Sinæ usi sunt ad Hanam us-
que familiam; sub qua reticulum pro colli-
gendis colligandisque capillis adinventum,
tunicæque talaris, oblongis latisque con-
stantes manicis ad instar superpelliciorum,
reliquaque, quæ apud Sinas etiamnum in
usu sunt, adhiberi cœpta: ex quibus facile
demonstratur, tantum abesse ut antiquum
Sinarum habitum mutarint Japones, ut in
hodiernum usque diem servarint, ac tenue-
rint.

Cæterum in Historiis Sinicis, quarum *Verior
opinio.*
Tomos præcipuos omnes, uti & Geogra-
phicos ab ipsis Sinis mecum factos adhuc
tectosque detuli, animadverti, Sinas quam
plurimos sub *Xio* Imperatore Japoniam pe-
tivisse, ibidemque mansisse, quod hac acci-
dit ratione: erat *Xius*, si quis alius Sinen-
sium Imperatorum, rerum gestarum gloria
eximius; hic tota subacta Sina minimè con-
tentus, Tartaros præcipue, vicinasque alias
nationes exterarum aggressus est, classibusque
immissis in vicinas insulas atque in ipsam
Indiam, per præfectos victicia fere ubique
arma circumtulit; tot inter prosperos suc-
cessus magnasque dotes, in eo desipuit,
(quod magnatibus Sinis vitæ melioris igna-
ris per familiare est) quod crederet medica-
mentum aliquod inveniri, aut excogitari
posse, quo vitam fragilem atque caducam
perpetuam redderet, omnisque mortalitatis
expertem; multa diuque pro hac re egit,
tentavit, expendit, ut alibi narro opportu-
nius. Porro horum præliorum victoriarum-
que atque excursionum occasione, quidam
ex Archithalassis, qui in Japoniam pervene-
rat, videratque à paucis iisque rudibus atque
agrestibus hominibus amplissimam hanc
alioquin, atque optimam regionem habi-
tatem, ut sibi in ea regnum pararet, Impera-
toram dolo circumvenit: primum admo-
nuit de nova terra adinventam, in ea dicebat
constantem esse famam, reperiri medica-
mentum illud, quod homines immortales
redderet, verum ad deprehendendum tre-
centos sibi juvenes totidemque puellas nu-
biles esse necessarios, qui ad id reperiendum
divinitus essent destinati. *Xius* nugis istis
faciles præbet aures, omniaque sibi persua-
deri sinit spe mortis declinandæ, quam ut
summum malum metuebat; classem ergo,
quæque optabat alter, omnia concedit:
quare Archithalassus deductis illis secum
sexcentis Japoniam repetiit, multis, quibus
ducem se obtulerat, comitantibus; ibi fer-
tiles illos agros, fundosque colere, gentem-
que ad omnem humanitatem informare
cœpit, atque ita Japonia regnum evasit: cui
rei quantum fidei tribuendum sit, facile om-
nes norunt, quotquot auctoritatem & ac-
curationem historiæ Sinicæ norunt, quam
alibi enarro. Sinæ quoque scribunt, Japo-
nem regem Sinico Imperatori legatos, ac
munera mittere solitum; verum ex quo *Jue-
na* familiæ auctor Tartarus Imperator, tota
subacta Sina, ex eadem missis classibus Ja-
poniam invadere cœpit, hisce legationibus
finis

*Nomen
Japonia.*

finis est impositus : non tantum enim egregie restiterunt Japones , sed & Tartaros è tota illa regione, quotquot deprehensi sunt, expulerunt , adeo ut nunquam eam amplius postmodum tentare sint ausi ; ipsisque Sinis tamquam imbellibus, quod se Tartaris subdidissent , objecerint suam inertiam , ac summopere fuerint indignati ; unde postmodum simultates atque inimicitiae ortæ sunt, bellaque sæpius Japones inter ac Sinas infestis utrimque animis atque armis gesta sunt , qui maritima præcipua loca longe lateque sunt deprædati , & maxime *Coream* igne ferroque vastarunt : de hoc bello à Tartaris *Juena* familiae cum Japonibus gesto, agit *Marcus Paulus Venetus*, qui hujus quoque belli exitum leviter perstringit.

*Nomen
Japoniæ.*

De nomine Japoniæ hoc unum habeo quod addam. Sinæ Japoniam *Gueique*, *Voçu*, & *Gepuen* dicunt : primum nomen inde ortum, quod Archithalassus ille, qui à *Xio* in Japoniam fraudulenter missus est, ex *Guei* Sinica fuerit familia. *Voçu* autem, non regionis sed gentis nomen est, quo tamquam barbaræ linguæ homines Japones afficiunt ; notantque quasi per ludibrium, aut ut minimum, contemptum. Cæterum

proprium nomen *Gepuen* est, quod Solis originem sive primum Solis locum significat ; adeoque ita Japonia haud immerito à Sinis dicta videtur, quia ultima est regionum cognitarum versus ortum, primaque terrarum Solem videtur Sinis excipere, inde enim eum exsurgere vident : neque enim orbem esse putabant reliquum, imo nec Solem circumire, unde eodem modo occasum Sinæ vicinum, seu partes quæ ibi ad occidentem vergunt, *Jenco* vocant, hoc est obscuram vallem, in qua Solem noctu credunt delitescere. Nec ab hoc nomine differt, quo sese appellant ipsi Japones, nisi penes dialectum, cum *Gipuen* pronuntiant ; *M. Paulus Zipangri* dixit, more Tartarico littera R intermixta, quod idem, ac si diceret *Gepueningin* : *Ge* Solem, *Puen* originem, *Gin* hominem significat. Vnde autem Japonia etiam *Chryse* dicta sit, facile assequi nequeo : forte illud Tartaricum nomen est : quo Japoniam vocant, uti Sinam *Catayum*. De quo cum mihi quid certius ab ipsis Tartaris, quos adire animus est, constiterit, faciam ut ne diu etiam in hoc volumine desideretur. Tu, amice Lector, conatibus nostris fave, & longum vale.

Omnia ad majorem DEI gloriam.

F I N I S.



C A T A L O G V S

LONGITVDINVM AC LATITVDINVM

Omniū locorum imperii Sinici, quorum fit in nostris mappis mentio, continetque solum loca fossis ac mœnibus cincta. Primum meridianum per regiam *Peking* ductum statuo, reliqui ad hunc inclinantur;

Loca orientalia o, occidentalia p ostendet.

PRIMA PROVINCIA PEKING.

Nomina.		Longit.		Latit.		Pars.	Nomina.		Longit.		Latit.		Pars.
Urbs I. & regia.		gr.	min.	gr.	min.				gr.	min.	gr.	min.	
X	Untien	0	0	40	0	--	Caoyang	I	15	39	3		P
	Xuny	0	9	40	12	O	Singan	I	8	39	25		P
	Changping	0	9	40	10	P	Pe o	I	30	39	36		P
	Leanghiang	0	19	39	40	P	Laixui	I	16	39	40		P
	Mieyun	0	28	40	5	O	Urbs III.						
	Hoaijo	0	5	40	15	P	H Okien	0	30	38	50		P
	Kugan	0	15	39	30	O	Hien	0	44	38	46		P
	Jungcing	0	9	39	22	O	Heuching	0	49	38	24		P
	Tunggan	0	4	39	33	O	Soning	0	52	39	0		P
	Hiangho	0	22	39	35	O	Ginkieu	0	32	39	6		P
	Tung o	0	8	39	54	O	Kiaoho	0	0	38	20		--
	Sanho	0	19	39	45	O	Cing	0	0	38	42		--
	Vucing	0	25	39	25	O	Hingci	0	5	38	32		O
	Paoti	0	36	39	27	P	Cinghai	0	12	38	55		O
	Cho o	0	38	39	30	P	Ningcin	0	3	38	0		O
	Fangxan	0	33	39	46	P	King o	0	25	38	20		P
	Pa o	0	14	39	20	O	Ukiao	0	18	38	0		P
	Vengan	0	6	39	5	O	Tungquang	0	0	38	10		--
	Taching	0	6	39	0	P	Kuching	0	51	37	56		P
	Paoting	0	0	39	20	--	Çang o	0	16	38	0		O
	Ki o	0	36	40	3	O	Nanpi	0	20	38	20		O
	Iotien	0	43	39	47	O	Ienxan	0	40	38	25		O
	Fungjung	0	57	39	32	O	Kingyun	0	15	38	8		O
	Cunhoa	0	52	39	56	O	Urbs IV.						
	Pingko	0	26	39	55	O	C Hinting	2	36	38	40		P
	Que	0	15	39	40	O	Cingking	3	10	38	28		P
Urbs I L.							Hoelo	3	0	38	42		P
P	Aoting	I	46	39	20	P	Lingxeu	3	6	38	50		P
	Muonching	I	51	39	28	P	Khoching	2	48	38	15		P
	Ganfo	I	26	39	20	P	Loching	2	16	38	36		P
	Tinghing	I	52	39	42	P	Vukie	2	13	38	45		P
	Sinching	0	46	39	20	P	Pingxan	3	24	38	33		P
	Tang	2	25	39	10	P	Heuping	3	40	39	6		P
	Poye	I	42	39	0	P	Ting o	2	26	39	0		P
	Kingtu	2	7	39	10	P	Sinlo	2	23	38	50		P
	Iungching	0	58	39	36	P	Ki o	I	26	38	5		P
	Huon	2	10	39	35	P	Nancung	I	39	37	56		P
	Ly	I	26	39	5	P	Sinho	I	56	38	6		P
	Hiung	0	56	39	10	P	Çaokiang	I	15	38	0		P
	Khi o	2	0	38	57	P	Vuye	I	18	38	20		P
	Xinçe	I	54	38	44	P	Cyn o	2	0	38	30		P
	Tunglo	2	10	38	50	P	Ganping	I	32	38	43		P
	Gan o	I	10	39	12	P	laoyang						

C A T A L O G V S.

X x leching

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.	P		gr.	min.	gr.	min.	P
Ieching	5	40	36	33	P	I. Civitas major.					
Kiöyao	5	45	36	53	P	S In o	4	50	37	40	P
Fuenfi	6	12	37	42	P	Siniven	5	10	37	30	P
P'u	6	40	37	25	P	Vuhiang	4	46	37	52	P
P'u o	7	28	36	27	P	II. Civitas major.					
Lincin	7	11	36	28	P	L Eáo	4	0	37	56	P
Yungho	7	12	36	47	P	Luxe	4	22	37	54	P
Yxi	6	49	36	38	P	Hoxun	3	30	38	10	P
Van Civen	7	0	36	28	P	III. Civitas major.					
Hocia	7	25	36	50	P	C E	4	18	36	33	P
Kiai o	7	5	36	20	P	Caoping	4	17	36	48	P
Ganye	6	40	36	22	P	Iangching	4	48	36	36	P
Hia	6	27	36	27	P	Linchuen	4	8	36	54	P
Venhi	6	16	36	30	P	Sinxui	5	14	36	56	P
Pinglo	6	31	36	10	P	Fortalitia.					
Iuiching	7	11	36	4	P	G Ueiyven	5	0	40	10	P
Kiang o	6	18	36	50	P	Ieuguei	4	53	40	25	P
Ciexan	6	29	36	49	P	Çoguei	4	35	40	22	P
Kiang	6	10	36	35	P	Maye	5	10	40	0	P
Yuenkio	5	32	36	9	P	Vanglin	5	25	40	28	P
Ho o	5	50	37	40	P	Iangho	3	52	40	33	P
Kie o	7	13	37	11	P	Caoxan	4	0	40	10	P
Hiangning	6	56	37	8	P	Tienching	3	32	40	28	P
Cie o	6	44	37	45	P	Chinlu	3	40	40	10	P
Taning	7	22	37	25	P	Cingyven	5	38	40	16	P
Xeleu	7	20	38	3	P	Pinglu	5	50	40	15	P
Yungho	7	20	37	44	P	Chungrun	6	9	40	8	P
Urbs III.						Gentung	6	16	40	0	P
T Aitung	4	10	40	20	P	Tungxing	6	0	39	56	P
Hoaigin	4	15	40	11	P	XENSI III. PROVINCIA.					
Hoenyuen	3	50	40	0	P	Urbs Metropolitana.					
Ing o	4	7	40	0	P	S Igan	8	18	35	50	P
Xanin	4	20	39	52	P	Shienyang	8	26	36	0	P
So o	5	14	39	43	P	Hingping	8	39	36	11	P
Maye	5	0	39	50	P	Linchang	8	5	35	40	P
Guei o	3	0	40	0	P	Kingyang	8	13	35	57	P
Quangling	3	6	39	50	P	Caoling	8	4	36	6	P
Quangchang	3	30	39	57	P	Hu	8	25	35	44	P
Lingkieu	3	28	39	44	P	Lantien	7	53	35	31	P
Urbs IV.						Livo	8	40	35	28	P
L Vgan	4	20	37	13	P	Xang o	7	34	35	10	P
Changçe	4	38	37	8	P	Chingan	8	16	35	8	P
Tunlieu	4	16	37	28	P	Tung o	7	40	36	14	P
Siangheng	4	29	37	20	P	Chaoye	7	34	36	14	P
Luching	4	10	37	13	P	Hoyang	7	34	36	28	P
Huquan	3	59	37	8	P	Ching Ching	7	43	36	30	P
Liching	3	50	37	20	P	Pexui	7	56	36	36	P
Pingxun	3	55	36	56	P	Hanching	7	36	36	41	P
Urbs V.						Hoa o	7	46	35	49	P
F Vencheu	6	0	38	10	P	Hoayn	7	34	35	52	P
Hiäoy	6	11	38	6	P	Gueinan	7	49	35	41	P
Pingjão	5	36	38	10	P	Puching	7	46	36	0	P
Kiaihieu	5	45	38	0	P	Conan	7	29	35	29	P
Ninghiang	6	45	38	10	P	Xanyang	7	30	35	1	P
Lingxe	6	30	38	20	P	Xangnan	7	45	35	0	P
Iungning o	6	30	38	30	P	Yao o	8	5	36	21	P
Lin	6	40	38	35	P						

Sanyven

C A T A L O G V S.

Nomina.				Longit.				Latit.				Pars.			
				gr.	min.	gr.	min.	gr.	min.	gr.	min.				
Sanyven				7	58	36	15	P							
Tungquon				7	59	36	39	P							
FuPing				7	48	36	10	P							
Kien o				8	38	36	27								
Fungciuen				8	29	36	24	P							
Vucung				8	51	36	9	P							
Iungxeu				8	34	36	36	P							
Fuen o				8	34	36	47	P							
Xunhoa				8	10	36	45	P							
Xanxui				8	24	36	42	P							
Changuu				8	23	36	54	P							
Urbs II.															
Fungciang				9	15	36	20	P							
Kixan				9	3	36	28	P							
Paoki				9	28	36	9	P							
Fufung				8	52	36	26	P							
Mui				9	9	35	59	P							
Linyeu				9	10	36	40	P							
Lung o				9	45	36	25	P							
Pingyang				9	29	36	25	P							
Urbs III.															
Hanchung				9	52	34	20	P							
Paoching				10	0	34	30	P							
Chingcu				9	39	34	25	P							
Yang				9	29	34	14	P							
Sihiang				9	12	34	0	P							
Fung				9	43	35	23	P							
Mien				10	6	34	45	P							
Ningkiang o				10	3	35	13	P							
Lioyang				10	6	34	54	P							
Hinggan o				8	16	34	26	P							
Pingli				7	58	33	57	P							
Xeciven				8	21	34	0	P							
Sinyang				7	54	34	5	P							
Hanyu				8	41	34	3	P							
Peho				7	44	33	50	P							
Çuyang				8	0	34	24	P							
Urbs IV.															
Pingleang				9	41	37	12	P							
Çungfin				9	31	37	2	P							
Hoating				9	56	37	4	P							
Chinyven				10	5	37	37	P							
Kuyven o				10	7	37	18	P							
King o				9	10	37	6	P							
Ling'ai				9	3	36	56	P							
Choangleang				10	15	37	0	P							
Lungte				10	13	37	10	P							
Cingning o				10	30	37	11	P							
Urbs V.															
Cungch'ang				11	34	36	51	P							
Ganting				11	21	37	9	P							
Hocining				11	20	37	25	P							
Tungguei				11	20	36	52	P							
Chang				11	36	36	52	P							
Ningyven				10	58	36	38	P							
Nomina.															
				gr.	min.	gr.	min.								
Fokiang				11	0	37	0	P							
Siho				10	30	36	2	P							
Ching				10	30	35	28	P							
Cin o				10	44	36	20	P							
Cingan				10	46	36	32	P							
Cingxui				10	11	36	20	P							
Li				10	12	35	47	P							
Kiai o				12	16	34	55	P							
Ven				12	14	34	40	P							
Hoei o				10	9	35	34	P							
Leangtang				9	51	35	40	P							
Urbs VI.															
Linyao				12	6	36	47	P							
Gueiyven				11	52	36	44	P							
Lan o				12	20	37	4	P							
Kin				11	57	37	24	P							
Ho o				13	4	36	50	P							
Urbs VII.															
Kingyang				9	6	37	27	P							
Hoxi				8	53	37	20	P							
Hoan				9	15	37	40	P							
Ning o				8	54	37	5	P							
Chinning				8	43	37	15	P							
Urbs VIII.															
Iengan				8	20	37	37	P							
Ganfai				8	10	37	32	P							
Canciven				8	16	37	20	P							
Ganting				8	16	38	8	P							
Paogan				8	29	38	2	P							
Ychuen				7	56	37	2	P							
Ienchuen				8	2	37	57	P							
Ienchang				7	42	37	37	P							
Cingkien				7	52	37	52	P							
Feu o				8	15	37	9	P							
Cochuen				8	0	37	13	P							
Chungpu				8	5	36	56	P							
Ykiun				8	0	36	50	P							
Suite o				7	50	38	14	P							
Miche				7	41	38	40	P							
Kia o				7	25	39	0	P							
Upao				7	26	38	38								
Xinmo				6	50	39	20								
Fuco				6	35	39	17								
Civitates militares.															
Socheu o				16	55	38	48	P							
Xacheu o				15	24	38	40	P							
Xancheu o				15	4	38	28	P							
Yaocheu o				12	50	35	48	P							
Mincheu o				12	6	36	0	P							
Leangcheu o				13	30	38	5								
Fortalitia.															
Iungchang o				13	56	38	5	P							
Choanglang				13	0	38	4	P							
Sining				14	6	37	20	P							

Chiny

C A T A L O G V S.

Xeuquang

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.			gr.	min.	gr.	min.	
Xeuquang	2	0	37	4	0	Iangúú	3	16	36	6	P
Changlo	1	44	37	3	0	Iuenúú	3	30	35	58	P
Linkiu	1	43	36	47	0	Fungkieu	2	52	36	6	P
Gankieu	1	48	36	23	0	Iencin	3	30	36	9	P
Chuching	1	59	36	3	0	Laniang	2	32	35	57	P
Mungyn	1	27	36	3	0	Chin o	2	21	34	48	P
Kiu o	1	39	35	54	0	Xangxui	2	39	34	41	P
Yxui	1	40	36	14	0	Sihoa	2	50	34	51	P
Gechao	2	4	35	45	0	Hiangching	2	8	34	30	P
Urbs V.						Xinkieu	2	0	34	16	P
T Engcheu	3	26	37	20	0	Hiu o	3	36	35	6	P
Hoang	4	0	37	3	0	Linyú	3	30	34	52	P
Foxan	4	12	36	56	0	Siangching	3	47	34	53	P
Leuhia	4	7	36	40	0	Ienching	3	17	34	46	P
Chaoyuen	3	32	36	6	0	Changco	3	29	35	19	P
Laiyang	3	40	36	50	0	Iu o	3	55	35	24	P
Ninghai o	4	40	37	4	0	Sinching	3	40	35	26	P
Venteng	4	51	36	57	0	Ching o	3	35	35	46	P
Urbs VI.						Mie	4	4	35	26	P
L Aicheu	3	9	36	57	0	Iungyang	3	43	35	52	P
Pingtu o	2	58	36	26	0	Iungce	3	54	36	0	P
Vi	2	6	36	50	0	Hoin	4	14	35	50	P
Changye	2	30	36	56	0	Súxúí	4	8	35	34	P
Kiao o	3	2	35	46	0	Ifung	2	21	35	56	P
Caomie	2	23	36	27	0	Urbs I I.					
Cieme	3	13	36	21	0	Q Veite	1	32	35	10	P
Fortalitia.						Ningling	1	46	35	11	P
N Ingcing	4	55	36	18	0	Loye	1	44	34	45	P
Cinghai	5	10	36	20	0	Hiaye	0	55	35	17	P
Chingxan	5	21	36	55	0	Iungching	0	46	35	12	P
Gueihai	5	0	37	11	0	Iuching	1	20	35	20	P
Sanxan	3	25	36	6	0	Ciu o	2	7	35	34	P
Kixan	4	27	37	13	0	Hiaoching	2	4	35	51	P
Divenxan	3	8	35	54	0	Xeching	2	4	35	12	P
Mauan	3	14	36	2	0	Urbs III.					
Syaoye	5	20	37	7	0	C Hangte	3	26	37	0	P
Haiçang	2	57	36	57	0	Tanging	3	20	36	52	P
Punglai	3	50	37	10	0	Linchang	3	22	37	18	P
Chin	4	4	37	25	0	Lin	3	40	37	7	P
Xechin	3	45	37	24	0	Çu o	3	25	37	18	P
Haiuon	1	56	37	50	0	Vugan	3	42	37	32	P
Siaoching	1	54	37	35	0	Xe	4	0	37	40	P
HONAN V. PROVINCIA.						Urbs IV.					
Urbs Metropolitana.						G Veihoei	3	20	36	30	P
C Aifung	2	54	35	50	P	Çoching	3	26	36	21	P
Chinlieu	2	40	35	47	P	Sinhiang	3	39	36	26	P
Ki	2	33	35	36	P	Hoekia	3	56	36	27	P
Tunghiu	2	50	35	34	P	Ki	3	17	36	38	P
Taikang	2	22	35	13	P	Hoei	3	38	36	36	P
Gueixi	3	3	35	36	P	Urbs V.					
Gueichuen	3	12	35	14	P	H Oaiking	4	35	36	10	P
Ienling	2	52	35	13	P	Çiyuen	5	8	36	10	P
Fukeu	3	4	35	6	P	Sieüüü	4	6	36	16	P
Chungmeu	3	16	35	42	P	Vuche	4	12	36	8	P
						Meng	4	50	36	4	P
						Ven	23	23	36	7	P

Y y

Urbs

C A T A L O G V S.

Nomina.				Nomina.			
Longit.		Latit.		Longit.		Latit.	
gr.	min.	gr.	min.	gr.	min.	gr.	min.
Urbs IV.				Sinfan			
H Onan	5 . 5	35 . 38	P	Sintu	13 . 2	30 . 55	P
Ienfu	4 . 42	35 . 40	P	Kint'ang	12 . 30	30 . 56	P
Cung	4 . 30	35 . 50	P	Gixeu	12 . 26	30 . 40	P
Mengcin	4 . 50	35 . 50	P	Cingping	12 . 20	31 . 0	P
Yyang	5 . 30	35 . 2	P	Pi	13 . 15	30 . 46	P
Tengfung	4 . 34	35 . 20	P	Çu	12 . 5	30 . 22	P
Iungning	6 . 0	35 . 17	P	Nuikiang	11 . 58	30 . 6	P
Singan	5 . 24	35 . 52	P	Quon	13 . 34	30 . 55	P
Mienchi	5 . 50	35 . 48	P	P'eng	12 . 49	31 . 45	P
Cao	4 . 46	35 . 26	P	Çungning	13 . 23	31 . 41	P
Xen o	6 . 30	35 . 53	P	Gan	13 . 8	31 . 16	P
Lingpao	6 . 50	35 . 53	P	Kien o	12 . 23	30 . 26	P
Xeuhiang	7 . 20	35 . 56	P	Çuyang	12 . 24	30 . 16	P
Luxi	6 . 28	35 . 4	P	Çungking	12 . 58	30 . 27	P
Urbs VII.				Sincin	12 . 35	30 . 24	P
N Anyang	5 . 15	33 . 53	P	Han o	12 . 32	31 . 22	P
Chinp'ing	5 . 25	33 . 50	P	Xefang	12 . 48	31 . 0	P
T'ang	4 . 37	33 . 50	P	Miencho	12 . 55	31 . 13	P
Pieyang	4 . 15	33 . 57	P	Teyang	12 . 48	31 . 30	P
Tungpe	3 . 55	33 . 44	P	Mien o	12 . 5	31 . 40	P
Nanchao	5 . 35	34 . 0	P	Changming	12 . 15	31 . 31	P
Teng o	5 . 42	33 . 40	P	Lokiang	12 . 40	31 . 12	P
Nuihiang	6 . 27	34 . 2	P	Mieu o	13 . 42	31 . 40	P
Sinye	5 . 25	33 . 55	P	Venchuen	13 . 36	31 . 22	P
Chechuen	5 . 54	33 . 35	P	Quei o	13 . 55	31 . 40	P
Yu o	4 . 34	34 . 20	P	Pao	14 . 0	31 . 28	P
Vuyang	3 . 35	34 . 23	P	Urbs I I.			
Ye	4 . 12	34 . 41	P	P Aoning	11 . 0	31 . 53	P
Urbs VIII.				Çangki	11 . 7	32 . 10	P
I Uning	2 . 56	33 . 53	P	Nanpu	11 . 1	31 . 38	P
Xangçai	2 . 59	34 . 13	P	Quangyven	10 . 53	32 . 34	P
Sip'ing	3 . 29	34 . 13	P	Pa o	10 . 25	32 . 0	P
Sinçai	2 . 29	33 . 41	P	Chaohoa	11 . 15	33 . 10	P
Suiping	3 . 16	34 . 3	P	Tungkiang	10 . 0	33 . 0	P
Chinyang	2 . 59	33 . 33	P	Kien o	11 . 24	32 . 42	P
Sinyang o	3 . 22	33 . 20	P	Çutung	10 . 40	32 . 30	P
Loxan	3 . 0	33 . 21	P	Nankiang	11 . 35	31 . 55	P
Kioxan	3 . 17	33 . 40	P	Urbs III.			
Quang o	1 . 50	33 . 20	P	X Vnking	10 . 40	31 . 17	P
Quangxan	2 . 2	33 . 13	P	Sike	11 . 3	31 . 15	P
Cuxi	1 . 20	33 . 24	P	Fung o	10 . 10	31 . 33	P
Sie	2 . 15	33 . 30	P	Iuugxan	10 . 25	31 . 20	P
Xangching	2 . 0	33 . 46	P	Ylung	10 . 26	31 . 40	P
Civitas major.				Quanggan o	10 . 14	31 . 0	P
I U o	4 . 57	35 . 5	P	Kiu	9 . 57	31 . 5	P
Lnxan	5 . 35	34 . 45	P	Tacho	9 . 46	31 . 27	P
Kia	4 . 25	34 . 50	P	Gochi	10 . 29	30 . 48	P
Paofung	4 . 46	34 . 36	P	Linxui	10 . 16	30 . 49	P
Yyang	5 . 6	35 . 13	P	Urbs IV.			
SVCHVEN VI. PROVINCIA.				S Iucheu	12 . 26	29 . 13	P
Urbs Metropolitana.				Kingfu	12 . 32	29 . 3	P
C Hingtu	12 . 38	30 . 47	P	Fuxun	12 . 11	29 . 23	P
Xoanglieu	13 . 7	30 . 34	P	Nanki	11 . 47	29 . 7	P
Venkiang	12 . 55	30 . 45	P	Hinguen	11 . 52	28 . 53	P
				Changning	12 . 3	28 . 36	P

Iunlien

C A T A L O G V S.

Nomina.	Longit.	Latit.	Pars.	Nomina.	Longit.	Latit.	Pars.
gr. min.	gr. min.			gr. min.	gr. min.		
Iunlien	12 . 45	28 . 43	P	II. Civitas major.			
Cung	12 . 42	28 . 30	P	M Vicheu	12 . 42	30 . 18	P
Cao	13 . 5	28 . 33	P	Pengxan	12 . 56	30 . 20	P
Kungchang	12 . 18	28 . 44	P	Tanleng	12 . 44	30 . 0	P
				Cingxin	12 . 40	29 . 45	P
Urbs V.				III. Civitas major.			
C Hungking	10 . 23	30 . 23	P	K Iating	13 . 2	29 . 48	P
Kiangcin	10 . 40	30 . 19	P	Somui	13 . 12	29 . 53	P
Changxeu	9 . 46	30 . 24	P	Hungya	13 . 16	29 . 32	P
Taço	11 . 10	30 . 39	P	Laikiang	13 . 52	30 . 10	P
Iungchuen	11 . 16	30 . 0	P	Kienguei	12 . 51	29 . 29	P
Sankiu	11 . 30	30 . 35	P	Iung	12 . 26	29 . 47	P
Iungchang	11 . 33	29 . 46	P	Gueyven	12 . 38	29 . 38	P
Kikiang	10 . 40	29 . 48	P	IV. Civitas major.			
Nanchuen	9 . 50	30 . 50	P	K Iung	13 . 30	30 . 16	P
Kiuckiang	8 . 37	30 . 17	P	Taye	13 . 36	30 . 32	P
Ho	10 . 56	30 . 50	P	Pukiang	13 . 10	30 . 17	P
Tungleang	11 . 28	30 . 15	P	V. Civitas major.			
Tingyven	11 . 8	31 . 0	P	L Iucheu	11 . 27	29 . 14	P
Piexan	10 . 57	29 . 55	P	Naki	11 . 4	29 . 12	P
Chung	9 . 20	30 . 51	P	Hokiang	11 . 10	29 . 24	P
Fungtu	10 . 0	30 . 34	P	Kiangan	11 . 20	29 . 4	P
Tienkiang	9 . 34	31 . 0	P	VI. Civitas major.			
Feu	10 . 0	29 . 45	P	Y Acheu	14 . 14	30 . 38	P
Vulung	10 . 4	30 . 0	P	Mingxan	13 . 58	30 . 31	P
Pengxui	9 . 30	29 . 57	P	Iungking	14 . 32	30 . 32	P
Urbs VI.				Luxan	14 . 33	30 . 46	P
Q Veicheu	8 . 3	31 . 3	P	Urbes militares quatuor.			
Coxan	7 . 38	31 . 24	P	T Vngchuen	14 . 0	27 . 30	P
Tachang	8 . 3	31 . 42	P	Vmung	13 . 44	27 . 45	P
Taning	8 . 20	31 . 45	P	Vfa	13 . 27	27 . 12	P
Iunyang	9 . 0	30 . 52	P	Chinhiung	13 . 0	26 . 55	P
Van	8 . 42	31 . 0	P	Civitas militaris.			
C'ai	8 . 47	31 . 40	P	Kienchang	15 . 4	28 . 31	P
Ta	9 . 18	31 . 38	P	Fortalitia illi subjecta.			
Sinning	9 . 32	31 . 47	P	C Ienguei	15 . 33	28 . 42	P
Leangxan	9 . 0	31 . 20	P	Ningpo	14 . 42	28 . 50	P
Kienxi	7 . 56	30 . 24	P	Yuesui	14 . 45	29 . 6	P
Tunghiang	9 . 9	32 . 10	P	Iencing	15 . 45	28 . 43	P
T'aping	8 . 20	31 . 3	P	Hoeichuen	14 . 53	27 . 19	P
Urbs VII.				Po	11 . 50	27 . 35	P
L Vnggan	12 . 10	32 . 45	P	Hia	10 . 32	29 . 4	P
Kiangyeu	12 . 10	32 . 20	P	Chin	11 . 4	28 . 44	P
Xeciven	12 . 30	32 . 34	P	Chaoking	9 . 10	29 . 34	P
Urbs VIII.				Fortalitia.			
I. Civitas major.				I Vngning	14 . 50	28 . 21	P
T Angchuen	11 . 57	31 . 13	P	Yeuyang	8 . 30	29 . 24	P
Xehung	11 . 16	31 . 12	P	Xequi	8 . 44	29 . 38	P
Ienting	11 . 39	31 . 21	P	Yemui	10 . 21	29 . 55	P
Chungkiang	12 . 5	30 . 51	P	Tienciven	14 . 19	30 . 50	P
Suining	11 . 26	30 . 50	P	Ly	14 . 15	29 . 45	P
Fungki	11 . 30	31 . 10	P	Pingchai	9 . 36	29 . 16	P
Sango	11 . 45	30 . 30	P				
Lochi	11 . 50	30 . 40	P				

Sungfan

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.			gr.	min.	gr.	min.	
Sungfan	13	25	33	2	P	Hoanggan	3	10	31	26	P
Tieki	13	23	32	15	P	Kixui	2	30	31	10	P
Hoangchuen	14	15	27	8	P	Ki o	2	26	30	55	P
Ielung	14	15	26	40	P	Hoangmui	2	2	31	30	P
Le	14	40	26	43	P	Hoangci	2	3	30	55	P
Hiugin	14	30	26	54	P	Urbs VI.					
Vugan	15	14	27	26	P	K Ingcheu	5	48	30	50	P
Xecie	9	13	30	10	P	Cunggan	5	38	30	43	P
Hieu	14	4	29	13	P	Xexeu	5	30	30	26	P
Tantang	11	21	27	54	P	Kienli	5	6	30	20	P
Hoangping	10	54	28	15	P	Sungki	5	59	30	40	P
Chungco	15	42	29	10	P	Chikiang	6	10	30	50	P
Kiungpu	14	15	29	8	P	Iling o	6	50	31	12	P
Maçu	15	40	27	44	P	Changyang	6	50	31	0	P
Techang	15	18	28	10	P	Itu	6	25	30	50	P
Cinci	15	29	28	0	P	Iuengan	6	26	31	35	P
Sungguei	15	5	27	30	P	Quei o	7	12	31	0	P
Lungyo	15	26	27	24	P	Hingxan	7	0	31	22	P
HVQUANG VII. PROVINCIA.						Patung	7	30	30	59	P
Urbs Metropolitana.						Urbs VII.					
V Uch'ang	3	16	31	0	P	Y Ocheu	4	40	30	5	P
Vuchang	2	41	31	0	P	Linfiang	4	17	30	3	P
Kiayú	3	51	30	30	P	Hoayung	5	26	29	55	P
Puki	3	42	29	50	P	Pingkiang	4	20	29	15	P
Hienning	3	6	29	46	P	Fung o	5	15	30	6	P
Cungyang	3	29	29	45	P	Xemuen	5	56	30	17	P
Tungching	4	10	29	39	P	Çuli	6	17	30	35	P
Hingque o	2	22	30	20	P	Ganhiang	5	46	30	2	P
Taye	2	49	30	45	P	Urbs VIII.					
Tungxan	3	10	30	13	P	C Hangxa	5	6	28	50	P
Urbs II.						Siangt'an	5	3	28	30	P
H Anyang	3	43	30	50	P	Siangyn	5	5	29	13	P
Hanchuen	4	11	31	4	P	Ninghiang	5	22	29	11	P
Urbs III.						Lieuyang	4	31	29	3	P
S iangyang	5	33	32	28	P	Liling	4	40	28	35	P
Iching	5	44	32	30	P	Ieyang	5	40	29	18	P
Nanchang	5	48	32	9	P	Sianghiang	5	19	28	32	P
Çaoyang	5	14	32	12	P	Xeu	4	20	28	38	P
Coching	6	0	32	36	P	Ganhua	6	10	28	58	P
Quanghoa	6	3	32	58	P	Chaling o	4	25	28	0	P
Kiun o	6	30	33	13	P	Urbs IX.					
Urbs IV.						P Aoking	6	5	27	43	P
T Egan	4	10	31	51	P	Sinhua	6	0	28	23	P
Iunmung	3	55	31	40	P	Chingpu	6	36	27	33	P
Hiaocan	3	53	31	22	P	Vuchang o	7	0	27	10	P
Ingching	4	20	31	38	P	Sinning	6	28	27	0	P
Sui o	4	25	32	5	P	Urbs X.					
Ingxan	3	53	32	10	P	H Engcheu	5	13	27	48	P
Urbs V.						Hengxan	4	50	28	3	P
H Oangcheu	2	50	31	23	P	Liuyang	4	47	27	18	P
Lotien	2	25	31	41	P	Changning	5	8	27	20	P
Maching	3	10	31	38	P	Gangin	4	50	27	4	P
Hoangpi	3	26	31	30	P	Ling	4	56	26	52	P
						Queiyang o	4	53	26	27	P

Linuu

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.		Civitates militares.	gr.	min.	gr.	min.	
Linuu	4	50	25	54	P	XI o	8	0	29	38	P
Lanxan	5	14	25	46	P	Iungxun	7	52	29	32	P
Urbs XI.						Paocing	8	8	29	5	P
C Hangte	6	8	29	38	P	Nanguai	7	35	30	10	P
Taoyuen	6	30	29	30	P	Xiyung	7	26	29	45	P
Lungyang	5	52	29	32	P	Xangki	7	10	29	50	P
Iuenkiang	5	50	29	21	P	Lankiang	7	30	29	20	P
Urbs XII.						Sanping	8	27	29	43	P
X Incheu	6	35	29	6	P	Iunting	6	53	30	20	P
Luki	7	40	28	52	P	Tienkia	7	39	30	26	P
Xenki	8	0	28	38	P	Iungmui	6	32	30	10	P
Xopu	6	26	28	45	P	KIANGSI VIII. PROVINCIA.					
Iuen o	8	29	28	0	P	Urbs Metropolitana.					
Kiuyang	8	22	27	50	P	N Anchang	1	36	29	13	P
Mayang	8	18	28	23	P	Fungching	1	45	28	37	P
Urbs XIII.						Cienhien	1	6	29	5	P
I Ungcheu	6	0	26	42	P	Fungfin	2	5	29	15	P
Kiyang	5	43	27	0	P	Cinggan	2	16	29	21	P
Tau o	5	50	26	5	P	Ning o	2	59	29	11	P
Tunggan	6	14	26	35	P	Vuning	2	20	29	43	P
Ningyven	5	30	26	5	P	Urbs II.					
Iungming	6	18	26	3	P	I Aocheu	0	32	29	40	P
Kianghoa	5	48	25	41	P	Yukan	0	30	29	26	P
Urbs XIV.						Loping	0	8	29	33	P
C Hingtien	5	20	31	35	P	Feuleang	0	7	29	44	P
Kingxan	4	46	31	31	P	Tehing	0	10	29	20	O
Cienkiang	5	14	31	10	P	Sangin	0	28	29	0	P
Mienyang o	4	56	30	40	P	Vannien	0	22	29	14	P
Kingling	4	40	30	55	P	Urbs III.					
Kingmuen o	5	48	31	30	P	Q Vangfin	0	21	28	36	O
Tangyang	6	6	31	18	P	Ioxan	0	55	28	40	O
Urbs XV.						Ieyang	0	10	28	49	O
C Hingyang	6	52	33	0	P	Queiki	0	19	28	41	P
Fang	7	13	32	14	P	Ienxan	0	3	28	20	O
Choxan	7	30	31	49	P	Iungfung	0	35	28	25	O
Xangcin	7	9	33	40	P	Hinggan	0	6	28	40	O
Choki	7	34	32	28	P	Urbs IV.					
Chingfi	6	45	33	40	P	N Ankang	1	13	30	2	P
Paokang	6	26	32	36	P	Tuchang	0	54	30	5	P
I. Civitas major.						Kienchang	2	0	29	50	P
C Ingchieu o	7	14	28	0	P	Gany	1	48	29	41	P
Hoeitung	7	46	27	40	P	Urbs V.					
Tungtao	7	16	27	30	P	K Ieukiang	1	34	30	25	P
Suining	7	0	27	35	P	Tegan	1	50	30	2	P
II. Civitas major.						Xuichang	1	56	30	20	P
C Hincheu	4	25	26	30	P	Hukeu	1	8	30	26	P
Iungching	4	35	26	40	P	Pengce	0	54	30	43	P
Ychang	4	30	26	10	P	Urbs VI.					
Hingning	4	20	27	0	P	K Ienchang	0	43	28	12	P
Queiyang	4	6	27	32	P	Sinching	0	20	27	55	P
Queitung	4	5	26	29	P	Nanfong	0	49	27	42	P
						Z z Quang-					

C A T A L O G V S.

Nomina.	Longit.	Latit.	Pars.
	gr. min. gr. min.		
Quanehang	1 . 9	27 . 31	P
Luki	1 . 10	27 . 43	P
Urbs VII.			
V Ucheu	1 . 7	28 . 42	P
Çunggin	1 . 22	28 . 44	P
Kinki	0 . 42	28 . 30	P
Yhoang	1 . 10	28 . 10	P
Logan	1 . 46	28 . 2	P
Tunghiang	0 . 51	28 . 52	P
Urbs VIII.			
L Inkiang	2 . 0	28 . 35	P
Sinkin	2 . 5	28 . 23	P
Sinyu	2 . 22	28 . 30	P
Hiakiang	2 . 30	28 . 11	P
Urbs IX.			
K Iegan	2 . 49	27 . 42	P
Taiho	2 . 42	27 . 28	P
Kiexui	2 . 30	27 . 47	P
Iungfung	2 . 5	27 . 46	P
Ganfo	3 . 10	27 . 55	P
Lungciven	3 . 11	27 . 0	P
Vangan	2 . 48	27 . 8	P
Iungfin	3 . 31	27 . 25	P
Iungning	3 . 55	27 . 12	P
Urbs X.			
X Vicheu	2 . 12	28 . 52	P
Xangcao	2 . 23	28 . 47	P
Sinchang	2 . 40	28 . 49	P
Urbs XI.			
I Vencheu	3 . 12	28 . 25	P
Fueny	2 . 40	28 . 30	P
Pinghiang	3 . 46	28 . 28	P
Vançai	3 . 3	28 . 42	P
Urbs XII.			
C Ancheu	2 . 25	26 . 10	P
Vtu	1 . 50	25 . 50	P
Sinfung	2 . 12	25 . 55	P
Hingque	1 . 55	26 . 41	P
Hoeichang	1 . 35	25 . 30	P
Ganyuen	1 . 55	25 . 12	P
Ningtu	1 . 20	27 . 10	P
Xuikin	1 . 10	26 . 0	P
Lungnan	2 . 18	25 . 8	P
Xeching	1 . 10	25 . 30	P
Changning	2 . 10	25 . 30	P
Tingnan	2 . 30	25 . 20	P
Urbs XIII.			
N Angan	3 . 3	25 . 49	P
Nankang	2 . 49	25 . 56	P
Xangyeu	3 . 0	26 . 15	P
Çungy	3 . 20	26 . 15	P

Nomina.	Longit.	Latit.	Pars.
	gr. min. gr. min.		
KIANGNAN vulgo NANKING,			
IX. PROVINCIA.			
Urbs metropolitana.			
K langning fi- ve Nanking	1 . 26	32 . 40	0
Kiuyung	2 . 0	32 . 32	0
Lieyang	2 . 15	32 . 20	0
Liexui	1 . 54	32 . 12	0
Caoxun	1 . 30	32 . 3	0
Kiangpu	1 . 14	32 . 48	0
Loho	1 . 45	32 . 50	0
Urbs II.			
F Ungyang	0 . 30	33 . 48	0
Linhoai	0 . 10	34 . 7	0
Hoaiyuen	0 . 2	34 . 0	0
Tingyuen	0 . 29	33 . 31	0
Vho	0 . 43	34 . 10	0
Hung	1 . 0	34 . 17	0
Xeu o	0 . 31	33 . 32	P
Hokieu	1 . 0	33 . 27	P
Mungching	0 . 35	34 . 12	P
Su o	1 . 15	34 . 3	0
Hiutai	1 . 38	34 . 0	0
Tienchang	1 . 52	33 . 55	0
So o	0 . 0	34 . 36	-
Lingpi	0 . 24	34 . 45	0
Ing o	1 . 2	34 . 5	P
Taiho	1 . 40	34 . 23	P
Hao o	1 . 28	34 . 34	P
Ingxan	1 . 40	34 . 3	P
Urbs III.			
S Ucheu	3 . 30	31 . 52	0
S Quenxan	3 . 57	32 . 0	0
Changxo	3 . 52	32 . 13	0
Ukiang	3 . 30	31 . 34	0
Kiating	4 . 15	31 . 34	0
Taiçang o	4 . 15	32 . 13	0
Çungming	5 . 24	32 . 20	0
Urbs IV.			
S Ungkiang	4 . 30	31 . 10	0
Xanghai	4 . 49	31 . 32	0
Cingpu	4 . 10	31 . 18	0
Urbs V.			
C Hangcheu	2 . 50	32 . 45	0
Vufie	3 . 5	32 . 30	0
Kiangyn	3 . 16	32 . 39	0
Gnihing	2 . 38	32 . 17	0
Cingkiang	3 . 0	32 . 54	0
Urbs VI.			
C Hinkiang	2 . 28	32 . 49	0
Tanyang	2 . 32	32 . 40	0
Kintan	2 . 26	32 . 30	0

Urbs

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.			gr.	min.	gr.	min.	
Urbs VII.						Urbs XIV.					
Y Angcheu	2	15	33	6	o	Tungling	0	30	31	45	o
Ychin	2	3	32	56	o	Xetai	0	40	31	3	o
Taihing	2	38	33	5	o	Kiente	0	15	30	42	p
Caoyeu o	2	22	33	33	o	Tunglieu	0	32	31	8	p
Hinghoa	2	49	33	53	o	Urbs XIV.					
Paoyng	2	14	38	8	o	H Oeicheu	0	55	30	18	o
Tai o	2	45	33	20	o	Hieuning	0	40	30	15	o
Iucau	3	36	33	12	o	Vuyuen	0	41	29	30	o
Tung	3	38	32	58	o	Kimuen	0	16	30	10	o
Haimuen	4	10	32	48	o	In	0	16	30	30	o
Quache ingens	2	29	32	53	o	Cieki	1	19	30	16	o
Fortalitium.						I. Civitas major.					
Urbs VIII.						Q Vangte o	1	50	31	32	o
H Oaigan	2	12	34	17	o	Kienping	1	56	31	10	o
Cingho	2	2	34	30	o	II. Civitas major.					
Gantung	2	46	34	36	o	H Ocheu o	1	0	32	50	o
Taoyuen	1	30	34	40	o	Hanxan	0	41	32	40	o
Moyang	2	10	34	40	o	III. Civitas major.					
Hoi o	2	31	35	13	o	C Hucheu o	1	26	33	31	o
Çanyu	2	15	35	30	o	Civenciao	1	11	33	15	o
Pi o	0	46	35	6	o	Laigan	1	39	33	20	o
Sociuen	1	6	34	55	o	IV. Civitas major.					
Ciuning	0	48	34	50	o	S lucheu	0	3	35	3	o
Urbs IX.						Siao	0	13	34	51	p
L Vcheu	0	8	33	4	p	Tangxan	0	30	35	6	p
Xuching	0	30	32	35	p	Fung	0	35	35	20	p
Lukiang	0	2	31	58	p	Poi	0	14	35	26	p
Vuguei o	0	28	32	4	o	CHEKIANG X. PROVINCIA.					
Çao	0	12	32	30	p	Urbs Metropolitana.					
Logan o	0	57	32	38	p	H Angcheu	3	10	30	27	o
Ingxan	1	38	32	8	p	Haining	3	45	30	34	o
Hoxan	1	8	32	58	p	Fuyang	3	0	30	10	o
Urbs X.						Iuhang	2	50	30	35	o
G Anking	0	20	31	20	p	Lingan	2	38	30	15	o
Tungching	0	0	31	40	-	Yucien	2	10	30	22	o
Cienxan	1	4	31	44	p	Sinching	2	42	30	2	o
Taihu	1	26	31	36	p	Changhoa	2	0	30	6	o
Sofung	1	17	31	3	p	Urbs I L.					
Vangkiang	1	0	31	15	p	K lahing	4	0	31	15	o
Urbs XI.						Kiixen	4	10	31	8	o
T Aiping	1	10	32	20	o	Haiyen	4	26	30	45	o
Vuhu	0	57	32	16	o	Pinghu	4	20	30	54	o
Fachang	0	59	32	7	o	Çungte	3	39	30	54	o
Urbs XII.						Tunghiang	3	41	31	9	o
N Ingque	1	0	31	40	o	Urbs III.					
Ningue	1	13	31	9	o	H Vcheu	3	3	30	57	o
King	0	54	31	20	o	Changhing	2	45	31	12	o
T'aping	0	28	30	45	o	Gankie o	2	16	31	3	o
Cingte	0	58	30	49	o	Tecing	3	15	30	53	o
Nanling	0	40	31	54	o	Hiaofung	1	50	30	46	o
Urbs XIII.						Vukang	2	37	30	49	o
C Hicheu	0	15	31	36	o	Urbs					
Cingyang	0	40	31	30	o						

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.			gr.	min.	gr.	min.	
Urbs IV.						Urbs XI.					
N iencheu	2	24	29	33	0	V encheu	4	4	27	38	0
Xungan	1	53	29	48	0	Xuigan	3	49	27	20	0
Tungliu	2	35	29	43	0	Locing	4	28	27	49	0
Suigan	1	28	29	28	0	Pingyang	4	4	27	10	0
Xeuchang	1	59	29	28	0	Taixun	3	1	26	59	0
Fuenxui.	2	17	29	56	0	<i>Fortalitia.</i>					
Urbs V.						C hinxan	4	49	30	53	0
K inhoa	2	12	28	57	0	Kinxan	4	38	30	25	0
Lanki.	2	9	29	8	0	Tinghai	5	38	29	56	0
Tungyang	3	12	29	15	0	Quo	6	6	29	30	0
Yú	2	59	29	14	0	Ninghai	5	28	29	10	0
Iungkiang	2	39	28	45	0	Cioki	5	30	28	42	0
Vúy	2	4	28	41	0	Sinho	5	29	28	30	0
Pukiang	2	31	29	20	0	Xetie	5	26	28	14	0
T'angki	2	41	29	8	0	Puontun	5	6	28	10	0
Urbs VI.						Cúmuen	5	5	28	0	0
K ucheu	1	37	28	42	0	Tungchi	4	57	27	56	0
Lungyeu	1	48	28	54	0	Haigan	4	40	27	45	0
Changxan	1	10	28	30	0	Sining	4	30	27	32	0
Kiangxan	1	19	28	23	0	Haifung	4	40	27	15	0
C'aihoa	0	56	29	0	0	Cheuxan Infula	7	0	30	15	0
Urbs VII.						Changque In-					
C hucheu	3	5	28	12	0	fula	6	40	29	15	0
Cingtien	3	16	27	46	0	Nan	4	6	27	20	0
Cinyún	3	7	28	25	0	Iungmuen	4	10	26	0	0
Sungyang	2	30	28	6	0	FOKIEN XI. PROVINCIA.					
Suichang	2	6	27	52	0	<i>Urbs Metropolitana.</i>					
Lungciven	2	19	27	19	0	F ocheu	2	40	25	58	0
Kingyven	2	18	27	0	0	Cutien	1	55	26	22	0
Iunho	2	30	27	40	0	Mincing	1	53	26	2	0
Siuenping	2	41	28	25	0	Changlo	3	10	25	48	0
Kingning	2	59	27	33	0	Lienkiang	2	59	26	11	0
Urbs VIII.						Loyuen	3	16	26	20	0
X aohing	3	30	30	16	0	Iungfo	2	4	25	45	0
Siaoxan.	3	16	30	13	0	Focing	3	13	25	36	0
Chúki	3	19	29	36	0	Urbs II.					
Iuyao	4	30	29	50	0	C ivencheu	2	9	25	0	0
Xangyu	4	12	29	56	0	Nangan	2	29	25	14	0
Xing	3	40	29	22	0	Tehoa	1	5	25	24	0
Sinchang	3	56	29	6	0	Gánki	1	34	25	4	0
Urbs IX.						Tunggan	1	50	24	50	0
N ing'po	4	46	29	40	0	Iungchung	1	29	25	14	0
Cúki	4	52	29	56	0	Urbs III.					
Funghoa	5	3	29	15	0	C hangcheu	1	10	24	42	0
Tinghai	5	18	30	0	0	Changpu	0	53	24	29	0
Siangxan	6	0	29	18	0	Lungnien	0	35	24	52	P
Urbs X.						Nancing	0	34	24	39	0
T aicheu	4	25	28	38	0	Changrai	0	56	24	54	0
Hoangnien	5	0	28	28	0	Changping	0	0	24	55	-
Tientai	4	7	28	55	0	Pingho	0	7	24	37	0
Sienkiu	4	6	28	42	0	Chaogan	0	40	24	0	0
Ninghai	5	18	29	3	0	Haicing	1	16	24	22	0
Taiping	4	30	28	28	0	Ningyang	1	15	24	56	0

Urbs

C A T A L O G V S.

Nomina.	Longit.	Latit.	Pars.	Nomina.	Longit.	Latit.	Pars.
Urbs IV.	gr. min.	gr. min.		QUANGTVNG XII. PROVINCIA.			
K ienning	1 . 0	27 . 00	0	Urbs metropolitana.	gr. min.	gr. min.	
Kienyang	0 . 45	27 . 22	0	Q uangcheu	4 . 2	23 . 15	p
Çunggan	0 . 28	27 . 41	0	Xunte	4 . 16	23 . 12	p
Púching	1 . 12	27 . 47	0	Túnguon	3 . 22	22 . 50	p
Chingho	1 . 59	26 . 47	0	Cengching	3 . 15	23 . 13	p
Sungki	1 . 32	26 . 55	0	Hiangxan	3 . 39	22 . 36	p
Xeuning	2 . 27	26 . 35	0	Sinhoei	4 . 18	22 . 30	p
Urbs V.				Cingyüen	4 . 8	23 . 45	p
I enping	0 . 57	26 . 34	0	Sinning	4 . 39	22 . 18	p
Cianglo	0 . 6	26 . 39	0	Çunghoa	3 . 29	23 . 30	p
Xa	0 . 35	26 . 20	0	Lungmuen	3 . 10	23 . 35	p
Yeuki	1 . 26	25 . 56	0	Sanxui	3 . 56	23 . 33	p
Xunchang	0 . 29	26 . 45	0	Lien o	4 . 48	24 . 55	p
Iunggan	0 . 13	26 . 40	0	Iangxan	4 . 25	25 . 0	p
Tatien	0 . 40	25 . 56	0	Lienxan	4 . 58	24 . 38	p
Urbs VI.				Singan	3 . 49	22 . 40	p
T ingcheu	0 . 55	25 . 40	p	Macao o	3 . 10	22 . 19	p
Ninghoa	0 . 44	26 . 30	p	Urbs I I.			
Xanghang	1 . 2	25 . 8	p	X aocheu	3 . 42	24 . 42	p
Vuping	1 . 35	25 . 10	p	Lochang	4 . 7	25 . 7	p
Cinglieu	0 . 29	26 . 9	p	Ginhua	3 . 49	35 . 7	p
Lienching	0 . 28	25 . 34	p	Iuyuen	4 . 5	24 . 41	p
Queihua	0 . 20	26 . 31	p	Vngyuen	3 . 15	24 . 28	p
Iungting	1 . 0	24 . 32	p	Ingte	3 . 46	24 . 2	p
Urbs VII.				Urbs III.			
H inghoa	2 . 35	25 . 27	0	N angiong	3 . 10	25 . 32	p
Sienlieu	2 . 10	25 . 28	0	Xihing	3 . 23	28 . 8	p
Urbs VIII.				Urbs IV.			
X aoüü	0 . 2	27 . 10	p	H oeicheu	2 . 46	23 . 9	p
Quangçe	0 . 15	27 . 24	p	Polo	2 . 48	23 . 29	p
Taining	0 . 30	26 . 54	p	Haifung	2 . 5	23 . 6	p
Kienning	0 . 44	27 . 13	p	Hoyüen	2 . 25	23 . 20	p
Civitas major.				Lungchuen	2 . 31	23 . 45	p
Foning o	4 . 0	26 . 33	0	Changlo	2 . 25	23 . 33	p
Fogan	3 . 19	26 . 46	0	Hingning	2 . 6	23 . 45	p
Ningte	3 . 34	26 . 32	0	Hoping	2 . 50	23 . 59	p
Fortalitia.				Changning	2 . 29	23 . 0	p
P umuen	4 . 25	27 . 00	0	Iunggan	3 . 6	23 . 4	p
Foning	4 . 8	26 . 15	0	Urbs V.			
Tinghai	3 . 22	26 . 10	0	C haocheu	1 . 0	23 . 30	p
Muihoa	3 . 21	25 . 52	0	Chaoyang	1 . 33	23 . 20	p
Xe	3 . 28	25 . 50	0	Kieyang	1 . 28	23 . 54	p
Haiken	3 . 50	25 . 50	0	Chinghiang	1 . 56	24 . 15	p
Vangan	3 . 34	25 . 29	0	Iaoping	1 . 36	24 . 22	p
Ganhai	2 . 3	24 . 45	0	Tapu	0 . 44	24 . 0	p
Hiamuen	1 . 59	24 . 35	0	Hoeilai	1 . 40	23 . 4	p
Chungxe	1 . 26	24 . 30	0	Chinghai	1 . 0	24 . 10	p
Tungxan	0 . 57	24 . 15	0	Puning	0 . 30	23 . 40	p
Hiuenchung	0 . 46	24 . 0	0	Pingyuen	0 . 30	24 . 20	p
Iungting	1 . 18	24 . 33	p	Urbs VI.			
				C haoking	4 . 45	23 . 30	p
				Suhoei	4 . 40	23 . 45	p
				A a a		Sinhing	

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.			gr.	min.	gr.	min.	
Sinhing	4 . 55		26 . 6		p	QUANGSI XIII. PROVINCIA.					
Yangchun	5 . 3		22 . 50		p	Urbs metropolitana.	gr.	min.	gr.	min.	
Yangkiang	4 . 50		22 . 0		p	Q Veilin	7 . 32		25 . 54		p
Caoming	5 . 30		23 . 8		p	Hinggan	7 . 32		26 . 12		p
Genping	4 . 49		22 . 40		p	Linchuen	7 . 50		26 . 7		p
Teking °	5 . 18		23 . 55		p	Yangfo	7 . 10		25 . 33		p
Quangning	5 . 0		23 . 55		p	Iungning °	7 . 39		25 . 36		p
Fungchuen	5 . 30		23 . 37		p	Iungfo	7 . 48		25 . 43		p
Caikien	5 . 36		24 . 8		p	Yning	8 . 0		26 . 0		p
Urbs VII.						Ciuen °	6 . 51		26 . 8		p
C Aocheu	5 . 40		22 . 33		p	Quonyang	6 . 36		26 . 0		p
Tienpe	5 . 25		22 . 30		p	Urbs II.					
Siny	5 . 41		23 . 13		p	L Ieucheu	8 . 42		25 . 10		p
Hoa °	5 . 56		23 . 10		p	Coyung	8 . 32		25 . 25		p
Vuchuen	5 . 45		21 . 37		p	Loching	9 . 26		25 . 27		p
Xeching	5 . 58		28 . 40		p	Lieuching	9 . 8		25 . 15		p
Urbs VIII.						Hoaiyuen	9 . 5		26 . 0		p
L Iencheu	7 . 12		22 . 0		p	Yung	9 . 16		25 . 45		p
King °	7 . 55		22 . 18		p	Laipin	9 . 53		24 . 54		p
Lingxan	7 . 15		23 . 0		p	Siang °	8 . 21		25 . 2		p
Xilien	6 . 50		22 . 20		p	Vuñuen	8 . 9		24 . 40		p
Urbs IX.						Pin °	9 . 3		24 . 21		p
L Uicheu	6 . 20		28 . 58		p	Cienkiang	8 . 45		24 . 25		p
Suiki	6 . 20		22 . 18		p	Xanglin	9 . 25		24 . 5		p
Siüen	7 . 3		20 . 40		p	Urbs III.					
Urbs X.						K Ingyuen	9 . 46		25 . 2		p
K Iuncheu	6 . 36		19 . 40		p	Tienho	9 . 41		25 . 26		p
Chingyu	7 . 3		19 . 44		p	Sugen	10 . 21		25 . 5		p
Lincao	7 . 10		19 . 48		p	Hochi °	10 . 38		25 . 6		p
Tinggan	6 . 58		19 . 26		p	Hinching	9 . 54		24 . 36		p
Venchang	6 . 20		19 . 20		p	Nanchuen	10 . 47		24 . 33		p
Hoeitung	6 . 49		19 . 20		p	Lypo	10 . 25		24 . 52		p
Lohoei	6 . 23		19 . 10		p	Tunglan °	10 . 58		24 . 5		p
Chen °	8 . 0		19 . 37		p	Pangti °	10 . 14		24 . 17		p
Changhoa	8 . 16		19 . 21		p	Urbs IV.					
Van °	6 . 23		18 . 52		p	P Inglo	7 . 0		25 . 26		p
Lingxui	6 . 52		18 . 24		p	Cungching	6 . 50		25 . 42		p
Yay °	8 . 1		18 . 13		p	Fuchuen	6 . 27		25 . 26		p
Cangen	8 . 39		19 . 2		p	Ho	6 . 8		25 . 11		p
Civitas major.						Liepu	7 . 36		25 . 15		p
L Oting °	5 . 9		23 . 25		p	Sieugin	8 . 1		25 . 12		p
Tunggan	4 . 56		23 . 20		p	Iungan °	7 . 20		25 . 8		p
Sining	5 . 29		23 . 23		p	Chaoping	6 . 43		24 . 47		p
Fortalitia.						Urbs V.					
T Aching	1 . 5		24 . 20		p	G Ucheu	6 . 33		24 . 2		p
Tung °	1 . 22		24 . 17		p	Teng	6 . 51		24 . 7		p
Hanxan	1 . 10		23 . 42		p	Yung	7 . 33		23 . 25		p
Cinghai	1 . 14		23 . 25		p	Cengki	7 . 0		23 . 34		p
Kiaçu	1 . 29		23 . 12		p	Hoacie	6 . 14		24 . 16		p
Kiexe	1 . 49		22 . 50		p	Yolin °	7 . 40		23 . 5		p
Hiung	6 . 30		21 . 30		p	Pope	7 . 56		22 . 53		p
Iungching	5 . 49		23 . 45		p	Pelieu	7 . 40		23 . 35		p
Ciunling	8 . 10		19 . 30		p	Lochuen	7 . 38		22 . 54		p
						Hingye	8 . 1		23 . 19		p

Urbs

C A T A L O G V S.

Nomina.	Longit.	Latit.	Pars.	Nomina.	Longit.	Latit.	Pars.
<i>Urbs VI.</i>							
C Incheu	8 . 0	23 . 55	P	Lung o	11 . 9	24 . 16	P
P'ingnan	7 . 36	24 . 5	P	Queite o	11 . 0	23 . 50	P
Quei	8 . 39	23 . 42	P	Cohoa o	10 . 50	23 . 35	P
Vucing	8 . 21	23 . 33	P				
<i>Urbs VII.</i>				<i>Urbs Militaris.</i>			
N Anning	9 . 30	23 . 40	P	S Vngen	10 . 25	24 . 5	P
Lunggan	10 . 51	23 . 20	P	S Vuyuen	10 . 30	23 . 52	P
Heng o	9 . 6	23 . 40	P	Funghoa	9 . 55	24 . 5	P
Yunghiang	9 . 16	23 . 32	P				
Xangfu o	11 . 30	23 . 3	P	<i>Civitas major.</i>			
Sining o	10 . 13	23 . 30	P	S Vching	12 . 25	24 . 6	P
				Ly o	12 . 27	24 . 17	P
<i>Urbs VIII.</i>				Ching	11 . 50	24 . 18	P
T Aiping	12 . 20	23 . 20	P	<i>Fortalitia.</i>			
Taiping o	12 . 20	23 . 28	P	X Anglin	12 . 47	23 . 57	P
Ganping o	12 . 24	23 . 38	P	Ganlung	12 . 57	24 . 4	P
Yangli o	11 . 53	23 . 30	P				
Vanching o	11 . 44	23 . 25	P	QVEICHEV XIV. PROVINCIA.			
Co o	11 . 35	23 . 48	P	<i>Urbs Metropolitana.</i>			
Ciuenming o	11 . 56	23 . 23	P	Queiyang	11 . 46	26 . 0	P
Suching o	12 . 6	23 . 30	P				
Chinyuen o	11 . 33	23 . 38	P	<i>Fortalitia subiecta Urbi.</i>			
Sutung	11 . 45	23 . 13	P	Kinkun	11 . 52	25 . 51	P
Kielung o	11 . 46	23 . 37	P	Moqua	11 . 45	25 . 37	P
Mingyang o	12 . 35	23 . 26	P	Tahoa	11 . 45	25 . 20	P
Xanghia o	12 . 48	23 . 23	P	Chingfan	11 . 32	25 . 53	P
Kiegan o	11 . 45	23 . 47	P	Gueifan	11 . 32	25 . 53	P
Lungyang o	11 . 56	23 . 42	P	Fangfan	11 . 40	25 . 48	P
Tukie o	12 . 0	23 . 52	P	Hungfan	11 . 31	25 . 42	P
Cungxen	12 . 36	23 . 36	P	Golungfan	11 . 36	25 . 34	P
lungkang	12 . 5	23 . 42	P	Kinxefan	11 . 55	25 . 43	P
Loyang	11 . 35	23 . 16	P	Siaolungfan	11 . 15	25 . 30	P
Toling	11 . 30	23 . 25	P	Lofan	11 . 24	25 . 35	P
Lung	12 . 51	23 . 12	P	Talungfan	11 . 44	25 . 44	P
Kiang o	12 . 26	23 . 13	P	Siaochingfan	11 . 2	25 . 32	P
Lope	12 . 5	23 . 20	P	Xangmakiao	11 . 3	25 . 45	P
				Luxan	11 . 40	25 . 30	P
<i>Urbs IX.</i>				Lufan	11 . 9	25 . 23	P
S Vming	12 . 7	23 . 8	P	Pingfa	11 . 57	26 . 0	P
Suming o	12 . 14	22 . 57	P	Mohiang	11 . 30	25 . 26	P
Xangxe o	12 . 15	22 . 40	P				
Hiaxe	12 . 0	22 . 58	P	<i>Urbs II.</i>			
Pingciang	12 . 17	23 . 6	P	Sucheu	9 . 2	27 . 53	P
Sucheu o	11 . 53	23 . 8	P				
Chung o	11 . 48	23 . 0	P	<i>Fortalitia.</i>			
Siping	12 . 0	22 . 48	P	Tufo	8 . 20	27 . 51	P
Sulin	12 . 5	22 . 30	P	Xiki	8 . 46	27 . 14	P
				Hoangtao	8 . 33	27 . 25	P
<i>Urbs X.</i>							
C Hingan	11 . 55	24 . 0	P	<i>Urbs III.</i>			
Fulao	11 . 20	24 . 0	P	Sunan	10 . 20	27 . 59	P
Tucang	12 . 10	24 . 0	P				
Fungy	11 . 56	24 . 6	P	<i>Fortalitia.</i>			
Queixun	12 . 14	23 . 50	P	Vuchuen	10 . 41	28 . 38	P
Hianguu	11 . 45	23 . 56	P	Inkiang	10 . 9	28 . 5	P
				Xuitekiang	10 . 20	28 . 34	P
<i>Urbs XI.</i>				Many	10 . 40	27 . 50	P
T Iencheu	11 . 30	24 . 11	P	Langki	10 . 10	27 . 55	P
Xanglin	11 . 10	23 . 43	P	Ieuki	10 . 14	28 . 18	P

Urbs

C A T A L O G V S.

Nomina.	Longit.	Latit.	Pars.	Nomina.	Longit.	Latit.	Pars.
Urbs IV.	gr.	min.	gr.	min.	Civitates majores.	gr.	min.
C Hinyuen	9 . 23	27 . 34	P	I. Civitas.	gr.	min.	gr.
Xikien	9 . 35	27 . 50	P	P'ugan ○	13 . 5	25 . 25	P
Fortalitia.				II. Civitas.			
Cinyung	9 . 40	27 . 30	P	Iungning ○	12 . 20	25 . 2	P
P'ienxiao	9 . 30	27 . 20	P	Fortalitia.			
Inxui	9 . 10	27 . 34	P	Múyo	12 . 50	25 . 5	P
Taiping	8 . 58	27 . 40	P	Tinging	12 . 25	24 . 42	P
Urbs V.				III. Civitas.			
Xecien	9 . 42	27 . 55	P	Chinning ○	12 . 5	25 . 0	P
(Fortalitia)				Fortalitia.			
Miaomin	9 . 53	27 . 58	P	Kangco	11 . 50	25 . 7	P
Lungciuen	9 . 55	28 . 25	P	Xeuling	12 . 7	25 . 23	P
Cochang	9 . 55	27 . 42	P	IV. Civitas.			
Urbs VI.				Ganxun ○	12 . 6	25 . 35	P
T Vnggin	8 . 45	28 . 20	P	Fortalitia.			
Sengki	9 . 15	28 . 22	P	Ningco	12 . 16	25 . 25	P
Tiki	9 . 26	28 . 40	P	Sipao	12 . 24	25 . 37	P
Fortalitia.				Urbs Militaris.			
Tauanxan	8 . 49	28 . 31	P	P'uting	12 . 7	26 . 4	P
Ulo	9 . 36	28 . 35	P	Urbs II.			
Pingten	9 . 5	28 . 40	P	Sintien			
Pingnan	9 . 20	28 . 48	P	Fortalitia.			
Pingchai	8 . 58	28 . 23	P	Siaopingfa	10 . 59	26 . 24	P
Urbs VII.				Paping	10 . 46	26 . 23	P
L Iping	8 . 35	26 . 42	P	Cheuping	11 . 6	26 . 13	P
Lungcung	8 . 50	26 . 35	P	Cheuhing	11 . 11	26 . 40	P
Cu ○	9 . 2	27 . 0	P	Urbs III.			
Hung	8 . 15	26 . 27	P	Pingyue	10 . 32	27 . 0	P
Fortalitia.				Fortalitia.			
T'anki	8 . 36	27 . 2	P	Yangy	10 . 12	26 . 46	P
Pacheu	8 . 41	26 . 55	P	Loping	10 . 33	27 . 19	P
Caotie	9 . 15	26 . 44	P	Urbs IV.			
Sixan	8 . 34	26 . 27	P	Lungli	11 . 9	26 . 27	P
Huul	9 . 5	27 . 15	P	Fortalitia.			
Leangfai	8 . 36	27 . 11	P	Pingfa	10 . 59	26 . 0	
Geuyang	8 . 45	27 . 6	P	Tapingfa	11 . 18	26 . 10	
Sinhoa	8 . 56	27 . 18	P	Fortalitia.			
Chunglin	9 . 14	27 . 6	P	Picie	13 . 6	26 . 30	P
Cheki	8 . 19	27 . 13	P	Gueicing	11 . 38	26 . 15	P
Lungli	8 . 56	27 . 9	P	Ganchoang	12 . 23	26 . 2	P
Urbs VIII.				Cingping	10 . 5	27 . 3	P
T Vcho	10 . 3	25 . 55	P	Pingpa	10 . 14	27 . 9	P
Toxan ○	9 . 19	25 . 55	P	Gannan	12 . 45	25 . 41	P
Maho ○	9 . 58	26 . 31	P	Ufa	13 . 50	26 . 35	P
Cingping ○	10 . 0	26 . 53	P	Hinglung	9 . 51	27 . 10	P
Fortalitia.				Chexui	12 . 57	27 . 0	P
Pangxui	10 . 18	26 . 13	P	Caili	12 . 46	27 . 6	P
Pinglang	10 . 30	26 . 13	P	Iungning	12 . 42	27 . 33	P
Pingcheu	10 . 44	26 . 2	P	Xuitung	12 . 37	27 . 20	P
Lotung	10 . 10	26 . 5	P	Lokeu	12 . 50	27 . 20	P
Hokiang	9 . 45	26 . 40	P	Xangtang	13 . 48	26 . 12	P
Loping	10 . 35	26 . 30	P				
Pingting	10 . 20	26 . 26	P				
Fungning	9 . 42	28 . 48	P				

Vatien

C A T A L O G V S.

Nomina.	Longit.		Latit.		Pars.	Nomina.	Longit.		Latit.		Pars.
	gr.	min.	gr.	min.			gr.	min.	gr.	min.	
Vatien	13	36	26	42	p	Urbs V.					
Hoanglien	13	25	26	45	p	C hingkiang	14	4	24	29	p
Cugni	13	13	26	53	p	Kiangchuen	13	53	24	21	p
IUNNAN XV. PROVINCIA.						Yangchung	14	5	24	45	p
Urbs Metropolitana.						Sinhing o	14	17	24	34	p
I unna	14	25	25	0	p	Lunan o	13	49	24	31	p
Fumin	14	38	25	3	p	Urbs VI.					
Yleang	14	20	25	30	p	M inghoa	16	38	25	23	p
Caoming o	14	46	25	10	p	Linglung	17	10	25	24	p
Cynning o	14	12	24	52	p	Urbs VII.					
Queichoa	14	20	25	10	p	Kingtung	16	30	24	52	p
Chingchung	14	20	25	20	p	Urbs VIII.					
Ganningo	14	41	24	45	p	Q uangnan	13	25	24	0	p
Loçu	14	46	24	50	p	Fu o	12	59	23	48	p
Lofung	14	57	24	43	p	Urbs IX.					
Quenyang	14	30	24	38	p	Q uangfi	13	35	24	14	p
Sanpao	14	40	24	25	p	Suung o	13	40	24	0	p
Ymuen	14	50	24	35	p	Mile o	13	46	24	12	p
Urbs I I.						Vimao o	13	25	23	29	p
T ali	16	56	25	27	p	Urbs X.					
Chao o	16	40	25	46	p	Chinyuen	16	26	24	37	p
Iunnan	16	12	25	32	p	Fortalium.					
Tengchuen o	16	55	25	34	p	Loco	15	56	24	37	p
Lancklung	16	56	26	0	p	Urbs XI.					
Pinchuen	17	10	25	43	p	I ungning	15	48	27	33	p
Urbs III.						Lachuho	15	34	27	39	p
L ingan	14	19	24	6	p	Ketien	16	5	27	41	p
Kienxui o	14	19	23	50	p	Hianglo	16	3	27	53	p
Xeping o	14	28	24	0	p	Valu	16	38	27	49	p
Omi o	13	57	24	2	p	Urbs XII.					
Ning o	14	0	24	10	p	Xunning	17	18	24	46	p
Sinping	14	25	23	42	p	Urbes Militares.					
Tunghai	14	10	24	14	p	Urbs I.					
Hofi	14	29	24	10	p	K ioeing	13	48	25	35	p
Siego	14	43	24	15	p	Yeço	13	28	29	19	p
Mungçu	13	56	23	35	p	Chanye o	13	58	25	15	p
Fortalitia.						Loleang o	13	51	25	6	p
Naleu	14	25	23	19	p	Malung o	13	50	25	44	p
Kiaohoa	14	16	23	36	p	Lohiung o	13	36	24	57	p
Vanglung	14	5	23	34	p	Urbs II.					
Hiyung	14	14	23	18	p	Y aogan	15	50	26	3	p
Kichu	15	6	23	33	p	Yao o	15	31	25	55	p
Suto	14	40	23	33	p	Tayao	16	0	26	8	p
Coneng	14	49	23	15	p	Urbs III.					
Locung	14	30	23	28	p	C loking	16	40	26	28	p
Gannan	13	50	23	21	p	Kienchueno	16	59	26	34	p
Urbs IV.						Xen o	16	35	26	48	p
C hiung	15	24	24	56	p	Urbs IV.					
Quangtung	15	19	24	43	p	V uting	14	59	25	27	p
Tingyuen	15	51	25	23	p	Hokio o	15	3	25	16	p
Tingpien	16	9	25	18	p	Yuenmeu	15	6	25	52	p
Okia	15	17	24	24	p	Lokiuen o	14	46	25	39	p
Nangan o	15	12	24	55	p	Urbs V.					
Chinnan	15	36	24	40	p	Cintien	13	52	26	4	p

B b b

Urbs

C A T A L O G V S.

Nomina.	Longit.	Latit.	Pars.	Nomina.	Longit.	Latit.	Pars.
<i>Urbs VI.</i>	<i>gr. min. gr. min.</i>				<i>gr. min. gr. min.</i>		
L ikiang	16 . 58	26 . 54	P	Vantien °	17 . 36	24 . 31	P
L Paoxan °	16 . 45	27 . 9	P	Chingcang °	17 . 19	24 . 17	P
Lan °	17 . 26	27 . 16	P	Taheu	16 . 56	24 . 28	P
Kiucin	17 . 24	27 . 1	P	<i>Fortalitia.</i>			
Linfu	17 . 19	27 . 31	P	Nieuki	16 . 3	23 . 30	P
<i>Urbs VII.</i>				Mangxi	18 . 10	23 . 51	P
Iuénkiang	15 . 33	23 . 54	P	LEAOTUNG Regionis Loca.			
<i>Fortalitia.</i>				<i>Urbs Metropolitana.</i>			
Lopie	15 . 20	23 . 53	P	L eaoyang	5 . 33	39 . 30	O
<i>Urbs VIII.</i>				L ycheu °	3 . 32	40 . 14	O
I ungchang	17 . 42	24 . 58	P	Caiyuen	6 . 15	39 . 46	O
L aye °	18 . 38	25 . 29	P	Quangning	4 . 4	39 . 44	O
Lukiang	17 . 56	24 . 49	P	Ningyuen	2 . 38	40 . 26	O
Iungping	17 . 16	25 . 10	P	Kingcheu	3 . 8	40 . 10	O
Fungki	17 . 27	25 . 10	P	Caicheu	5 . 24	38 . 7	O
Xitien	17 . 46	24 . 37	P	Ningyuen °	2 . 55	40 . 13	O
<i>Fortalitium.</i>				Tuxun	6 . 8	39 . 56	O
Lukiang	18 . 15	25 . 21	P	Kincheu °	4 . 55	38 . 38	O
<i>Civitates majores.</i>				Focheu	4 . 46	39 . 23	O
P exing °	16 . 8	26 . 44	P	Haicheu	5 . 10	38 . 35	O
Sinhua	14 . 55	24 . 5	P	<i>Loca Minora.</i>			
<i>Fortalitia.</i>				T ieling	5 . 48	39 . 12	O
Chelo	16 . 16	24 . 18	P	L iuxun	4 . 37	38 . 30	O
Lançang	16 . 19	27 . 3	P	Chekiao	3 . 17	39 . 43	O
<i>Civitas.</i>				Chehai	2 . 54	39 . 38	O
Lángkiu °	15 . 55	27 . 28	P	Chungcu	4 . 25	39 . 44	O
<i>Fortalitia.</i>				Puho	4 . 5	39 . 48	O
T engheng	17 . 30	25 . 45	P	Quangning	2 . 33	40 . 4	O
Cheli	16 . 59	22 . 42	P	Tingleao	5 . 20	39 . 44	O
Mopang	18 . 21	22 . 51	P	Ganlo	5 . 32	38 . 56	O
<i>Civitates.</i>				Pieyang	5 . 47	38 . 44	O
M engyang °	17 . 55	23 . 6	P	Sanuan	6 . 5	39 . 20	O
Mengking °	17 . 39	23 . 17	P	Tanyang	4 . 50	39 . 50	O
<i>Fortalitia.</i>				<i>Fortalitia Minora.</i>			
Menglien	17 . 25	23 . 16	P	C hungtun	3 . 52	40 . 15	O
Mengli	18 . 5	24 . 3	P	Cientun	4 . 15	40 . 10	O
Mengting °	18 . 5	24 . 29	P	Quangning-			
Mengtien	18 . 48	22 . 8	P	chung	4 . 5	40 . 2	O
Mengco	19 . 6	22 . 0	P	Quangningo	3 . 50	40 . 14	O
Mengchang	16 . 50	23 . 32	P	Qangningyeu	4 . 23	39 . 57	O
Mien	19 . 19	23 . 3	P	Quangningheu-			
Pape	18 . 30	22 . 0	P	tun	3 . 53	39 . 44	O
Santihung	18 . 0	22 . 8	P	Quangningyeu-			
Sochung	18 . 16	21 . 58	P	tun	4 . 33	39 . 40	O
Mungyang	19 . 4	23 . 17	P	COREÆ Regni Provincia Octo, quarum			
Mitien	18 . 42	23 . 17	P	<i>nomina sunt sequentia</i>			
Laochua	16 . 58	22 . 3	P	R egia Kingki	7 . 40	38 . 0	O
Canyai	18 . 38	24 . 31	P	Hienking	8 . 20	39 . 20	O
Nantien	18 . 43	25 . 8	P	Pinggan	6 . 50	39 . 0	O
<i>Civitates.</i>				Kiangyuen	8 . 30	38 . 20	O
L ungchuen °	18 . 28	24 . 16	P	Kingxang	8 . 15	37 . 15	O
Queiyuen °	16 . 55	24 . 20	P	Hanghai	6 . 45	37 . 30	O
				Chungcing	6 . 30	36 . 30	O
				Ciuenlo	7 . 25	36 . 0	O
	F	I	N	I	S.		

I N D E X

R E R V M P R Æ C I P V A R V M

H V I V S A T L A N T I S.

A.

Deps. qui semel accensus extingui
nequit, 61
Æs, quale Corinthiacum, apud Sinas
unde? 28
Aëdones, 73
Aëris qualitas mirabilis, 72
Æstus maris singularis, 113

Aggeres ingentes, 59
Agriculturæ dediti Sinæ, 6
ejusdem certas habent regulas, *ibid.*

Amnis aquæ rubræ, 42
Anachoretæ Sinenses, 88, 127
cur se macerent? *ibid.*

Anatum copia, earumque educatio mira, 133
Animalia longioris vitæ amant Sinæ, cur? 57

Anian fretum, 21
Animal astutissimum, cui fanum dicatum, 141

Annónæ regiæ Prorex, 105

Antiquitatum studiosi Sinæ, ac amantes, 28, 29

Antiquissimæ urbis in orbe rudera, 36

Aqua mirabilis naturæ, 61, 62

Aqua ad Ferramenta acuenda apta, 67

hyeme calida, æstate frigida, 40

ingenia augens, 43, 162

nigra, 90

odorifera, 82

quæ ex vestibus omnes maculas eximit, *ibid.*

viridis, 80

optima ad potum ex oryza conficiendum, *ibid.*

Aquæ clepsydæ antiquissimus usus, 12

Aquila lignum, 141

Arbor farinæ ferax, 145

Arbor ingentis magnitudinis, 67, 117

Architectura Sinica qualis, 6, 31

Arclada M. P. Veneti quæ putetur, 159

Arcus triumphales egregii, 13, 103, 112, & alibi.

Areca, 144

Arena pro vittis, ac gemmis poliendis optima, 34

Argentum vivum ubi? 150

Argentum Chemicæ arte verum, 86

Arma vilipendunt Sinæ, 8

Artifices egregii, 6

Arundines, earumque plurimus usus, 117

Arundines notabiles, 76

maximæ magnitudinis, 137

Asbeston, 22

Asiæ nobilitas, 1

Asiæ extremæ nobilitas, *ibid.*

Astronomia, 6

Atramentum Sinicum quale, 107

Aves versicolores, ac earum usus, 143

Avicula rara & admiranda, 67

Aviculæ ex arborum foliis natæ, 33, 163

Aurum merx, non pecunia, 5

Aurifera regio, 43, 72, 56, 58, 81, & alibi.

colligitur ex arenis fluviorum, 43, 75

B.

B Aiuli optimi sunt Sinæ, 126
Balenæ quo pacto, ac ubi capiantur, 101

Bellum in orbe primum, 36

Bibliotheca insignis, 42, 69

Bombyces quo pacto alantur, 109

Brasilium lignum, 141

Byssi seu serici abundantia, 4, 109, 114, & alibi.

ejus inventio ac usus antiquissimus, 4

à Sinis ad alias pervenit nationes, *ibid.*

Byssus prima, ac secunda qualis? 109

Byssus in arboribus ultro nascens, 53

C.

C Ambalu ubi, 29
Canales magnifici arte excavati, 30, 54, & alibi.

Canceri extra aquam lapidescunt, 139

Canes, equosque vorant Sinæ, 4

Cangingu quid? 23

Caravanæ quæ ad Sinas veniant, 28

Caracatay ubi, 52

Carbo fossilis, 37

Carbunculi, 67, 146

Carnium, ac rerum necessariorum copia, 4

Castaneæ nuces famis tempore adhibetæ, 82

Catadupa notabilis, 105

Catayum quid? & ubi, 1, 3, 28

Cataractæ Sinarum quales, 54

Causidici sagacissimi unde? 118

Cautela, ac modestia mulierum Sinensium, 9, 155

Cedrus notabilis, 80

Cera albißima à vermiculis elaborata, 76

Cha folii descriptio, 107

quid sit, ejus qualitas ac usus, 107, 108

Characterum Sinensium usus admirabilis, 147

Chemica ars Sinis frequens, 7

Chemicæ artis antiquitas, 71, 100

Chartæ luforiæ quales apud Sinas, 54

Chekiang Provinciæ descriptio, 109, 110

Chifung herba mirabilis, 141

Christiana lex olim apud Sinas, 44, 125

restauratur à Societate Iesu, 45

floret, 95, 102, 127, & alibi.

quando primum Quangsi ingressa, 143

Cibos quæ ratione sumant Sinæ, 9

Cie, sive sandaracha gummi Sinicum præclarissimum, 115

Cinis loco salis adhibetur, 151

Cinnabaris, 48, 79, 88

Cinnamomum, 121

Civitas destruitur in qua filius patrem occidit, 128

Civitatum in Sina numerus, 5

Clepsydrarum usus, 12

Climata extremæ Asiæ, 2

Cenobium magnificum, 55, 86, 114, 135, & alibi.

Commercia Fokienensium, 121

Compositio corporis seu modestia Sinarum, 9

Constellationes Sinicæ quales, 17, 18

Continentiam suspiciunt, ac laudant, 8, 106, 138

Corallium inventum apud Sinas, 135

Corea quando habitari cæpta à Sinis, 168

Corea est continens, *ibid.*

Corea Sinis tributaria, *ibid.*

in octo dividitur Provincias, *ibid.*

Cor-

I		N		D		E		X.	
Corporis lineamenta, ac Sinarum habitus,				7		Fons cuius aqua paralyticos sanat,		157	
Cosmographia, ac terrarum mappæ, antiquæ apud Si-				3, 26		Fons albedinem inducens, ac pinguedinem,		158	
naſ,				14, 15		Fons calidus, 34, 35, 41, 64, & alibi.			
Crocci fluminis descriptio,				ibid.		Fons simul frigidus, ac calidus,		34	
cur ita dictus?				137		Fons superstitiosus,		35	
Croceus piscis avis mirabilis naturæ,				146		Fons mirabilis naturæ,	46, 138, 151		
Crocodili fontes ac infontes distinguunt,				16		Fons ex quo simul frigida, & calida manat,		58	
Chronologiæ Sinicæ compendium,				ibid.		Fons marinos æstus exhibens,		67	
Cubitus Sinicus quantus,				116		Fossæ quadrato lapide strata,		110	
Cugui M. P. Veneti, quæ?				13		Fons optimæ aquæ,	77, 104		
Cungfutii philosophi æstimatio quanta apud Sinas,				7		Formosæ insulæ descriptio,		130	
Ejus doctrina breviter explicatur,				56		Fratres Imperatoris qua ratione tractentur,		11	
Ejus patria quæ,				127		Fruges, ac semina unde, & quando ad Sinas allata,		41	
Cungfutii interpres optimus,				4		Fungi Sinici,		112	
Cuprum candidum,						Fungyang fit urbs, ac exornatur, cur?		99	
						Fulmina quid, & unde sint, opinio Sinica planè ridi-		140	
						cula,			
D.									
Divisio varia extremæ Asiæ,				3		G.			
Distinctio inter Urbes ac Civitates,				5		Angis origo ubi,		23	
Divitiæ, ac merces ingentes,				4		Gannan regnum describitur,		25	
Doctores Pauli laus,				10		Gallinæ lanifera,		73	
Domus, ac habitatio Sinarum qualis?				6, 101		Gallinæ gossipium evomentes,		146	
Duellum de flore inter duo sidera, utbi nomen dedit,				115		Gens in Sinis, Sinis non subdita,	69, 79, 81, 84		
				155		Geo regnum,		23	
Dynastæ absoluti dominii in Sinis aliqui.						Geographi libri apud Sinas,	3, 26		
E.									
Elefantes vigiles, & excubitores,				31		Geographici studii specimen,		156	
Emporia nobilissima, 36, 88, 92, 94, 101, 130				17		Ginteng radix summo in pretio,		35	
Epocha Sinici Calendarii quæ?				76		eius descriptio,	ibid.		
Equus aquatilis,				171		Glacies durissima absque magno frigore,		27	
Error de ortu Iaponiæ,				3		eius rei ratio,	ibid.		
Errores de Sinarum regno apud Europæos,				6		certo venit anni tempore,	ibid.		
Ethica philosophia Sinica,				2		Gladius saxum penetrans,	159		
Extrema Asia quid?				ibid.		Gluten Sinicum,	115		
Ejus nomen,						Gossipium apud Sinas quando inceperit,	4, 94		
Termini,						eius textores,	94		
F.									
Fabellæ Sinarum,	47, 50, 62, 77, 82					eiusdem quanta copia,	102		
Falcones,	47					Gradus unus quantus in mensura Sinica,	17		
Fanum notabile, 55, 86, 124, & alibi.				91		Grati animi virtute insignes Sinæ,	136		
Fanum igni dicatum,				119		Gymnasia.	13		
Fanum ex quo somnia petunt,				192, 157		H.			
Fe doctrinæ additi Sinæ,				158		Habitatus corporis qualis,		7	
Vnde ad Sinas allata,				72		Hainan Insulæ descriptio,		140	
Febris certo anni tempore innoxia, reliquo lethalis,				26		Haraczi lapis Bellonii,		57	
Fefe animal homines vorat ridendo,				28		Herba medica,		50	
Feles raræ, ac in deliciis,				132		Herba tempestates præmonstrans,		141	
Ferrum lentum,				5, 66		Herba, quæ albos crines in nigros mutat,		77	
Ferrum fundunt, & effingunt vasa,				73		Herba steriles efficiens,		50	
Ferrei lapides,				104		Hypocausta Sinica qualia,		38	
Ferrea turris ingens,				106, 140		Hirundines lapideæ medicæ,		162	
Ferrea columna,				158		Historiæ Sinenſis antiquitas,		1, 3	
Ficus Europææ,				45, 95, 101, 122		Hoangcio Aviculæ macerata,		114	
Fidei Christianæ propagatio,				103		Hominum numerus, 5, 28, 37, 43, 53, 59, 65, 74, 84,			
Figlina Cha vasa æstimata,				3		& alibi.			
Figura regni Sinarum quadrata,				116		Homines immortales,	34, 144		
Flos suavissimus Mugurin,				51		Homines sylvestres,	92		
Meutan flos,				13		Honan Provinciæ descriptio,	59		
Flumina varia, ac eorum à fluviis distinctio,				91		Huquang Provinciæ descriptio,	74		
Fluminis aqua medica,				4		Huquang incolæ Sinicam olim non loquebantur lin-			
Fluminum copia,				88		guam,	74		
eorum commoditas, ac utilitas,						Horreum Sinarum ubi sit,	74		
Fluvius filius maris describitur,						Hystices majores, spinas vibrantes,	147		
Fodina, 4, 50, & alibi.				4		I.			
cas aperire vetitum cur?				121		Iambo limonia præclara,		132	
Fokien Provinciæ descriptio,				46, 163		Iaca maximus fructus,		141	
Folia in aviculas mutantur,				33, 34		Iaponia cur sic dicta, & à quibus habitata,		171	
Fons medicus,				34		Iapis preciosus apud Sinas,		44	
contra scabiem,						eius usus varius,		44	
						Idolum immortalitatis,		131	
						Idolum			

I

a 2

I N D E X.

Moqueiung Dux unde ortus,	157	aluntur à Sinis ut reliqua animalia,	<i>ibid.</i>
Mores in Sinis exotici,	155	Piscandi modus rarus,	6
Mortem Parentum abscissis capillis doleant qui?	153	Piscis vacca,	138
Mortuos comburunt qui?	20, 155	Piscis contra scabiem utilis,	159
Mortuos cum vivis comburunt Tartari,	20	Piscis delicatus,	38
Muiginli fructus, seu pulchræ mulieris pruna,	123	Piscis miræ qualitatis,	47, 61, 63
Mulieres venales,	104	Pisces præclari in regiam transferuntur magnis sumptibus actilientia,	98, 99
Mulieres parvos amant pedes, in eorum parvitate pulchritudinem ponunt,	7	Pisces cornupetæ,	143
Mulier nihil de manu viri accipit,	9	Piscis cum quatuor oculis uniones evomens,	139
Munimenta à natura Sinici regni,	2	Plaustrum itinerarium rarum,	28
Muri magni Sinarum descriptio,	15	Pluviæ defectum sentit sæpe Xensi,	43
ejus vera longitudo,	<i>ibid.</i>	Poli altitudo qua ratione antiquitus à Sinis observatur,	62
quo anno sit conditus,	<i>ibid.</i>		
Muschus proprie quid sit?	44, 48, 52, 70, 83	Poligamia licita apud Sinas,	9
quomodo adulteretur à Sinis,	44	Politia Sinica ac regimen quale?	11
Mutant sæpe Sinæ civitatum nomina,	29	Poma aurea,	60, 75, 79, 80
		omnium præstantissima,	126
N.		Pontes insignes,	45, 83, 87, 111, 122, 125, 129
Nanking Provinciæ descriptio,	94	Pons per valles admirabilis,	48
Nanking urbis pulchritudo,	96	Pontis insignis notabilis historia,	87
urbis descriptio,	<i>ibid.</i>	Pons supra vallem è ferreis catenis,	154, 160
Naves ad delicias,	113	Pons natans seu ex navibus, 92, 128, & alibi.	
Naves sumptuosæ Præfectorum,	10	Pons omnium maximus describitur,	124
Naves sericis onustæ,	99, 112	Pons rarus, dictus à cælo factus,	152
Navigaciones antiquæ Sinarum,	121	Pons volans,	52
Navigandi per scopulos modus rarus,	124	Populi frequentia,	5
Naviū copia,	5, 36, 88, 94, 121	Porcellana vasa ubi & quo pacto fiant,	85, 86
In navibus Sinæ habitant,	5	eorum terra unde petita, & qualis?	87
Naumachiæ ludicræ,	46, 47, 60	Porcorum usus ac copia,	4, 88
Naumachiæ festum Sinicum unde ortum,	79	Porphyrites marmor,	40
Nix totius anni qualitatem prænotat,	73	Potus Sinarum calidus semper,	9
Nobilitas à solis studiis,	9	Potus ex oryza præclarus,	32, 36, 89
Nominum antiquorum usus apud Sinas,	29	Potus ex hordinis carnibus,	41, 89
Nuptiarum, ac conjugiorum ratio,	9, 153, 157, 169	Potus rarus,	41
O.		Præceptorum observantia insignes Sinæ,	8
Observationes Mathematicæ antiquæ Sinarum,	62	Præceptorum numerus,	12
Oculi in monte naturales,	112	Præceptorum Palatia qualia,	10, 11
Orbis centrum ubi à Sinis ponatur,	59, 62	Primum orbis bellum,	36
Ornamenta urbis Nanking à Tartaris diruta,	94	Privatorum domus quales,	10
Oryzæ culmus juxta aquæ crescit altitudinem,	24	Proregis dignitas,	105, 133
Ostrea sata,	120	Pruna præclara,	123
Ova fumo aut furno excluduntur,	133	Pstiaci,	47
Ova sale condiantur qua arte?	133	cujusdam mirabilis fabula,	68
Oves crassa cauda,	22	Pudicitia rarum exemplum,	106
P.		Pulvis pyrius antiquus apud Sinas,	6
Palatium Imperatoris quale?	31	Pulvis molestus,	30
Palatia Præfectorum,	10, 11	Pulsuum cognoscendorum ratio,	7
Palatium ingens,	96, 157	Pusu sive herba immortalis,	144
Palatium supra nubes,	123	Puteus miræ naturæ,	143
Pannus ex caprinis pilis,	44	Putei salis,	66, 162
Pao de Rosa,	138	Puteus, ex quo qualitas futuri anni præcognoscitur,	164
Papyrus Sinica,	74	Puteus æstus particeps,	129
Paradisus Sinarum,	100	Q.	
Parentum observantia insignes Sinæ,	8	Quangsi Provinciæ descriptio,	142
Pauli Doctores laus,	102	Quangtung Provinciæ descriptio,	132
Pavones,	138	Quei flos describitur,	143
Pecheli sive Peking Provinciæ descriptio,	27	Queicheu Provinciæ descriptio,	149
Peci fructus cuprum frangit,	114	Quenlun montes in quibus multorum fluviorum origo,	14
Pecunia qualis apud Sinas,	5		
Penicilli optimi quibus Sinæ scribunt,	115	R.	
Petroleum,	51	Radix Sinæ describitur,	65
Philosophorum secta qualis?	7	Rarus piscandi modus,	6
Philosophi quanti æstimati apud Sinas,	115	Redditus Imperatoris Sinarum quanti,	12
Phoenix Sinicus,	47	Regimen publicum,	11
de eo fabula,	160	Regium templum describitur,	98
Pictura qualis apud Sinas,	6	Regnum King intra Sinas, Sinis non subditum,	66
Pisciculi aurei,	113	unde ortum habuerit,	<i>ibid.</i>
Piscium copia,	4	Religio triplex Sinarum explicatur,	7
		Remi	

I N D E X.

Remi quales Sinis,	16	Tangu M. P. Veneti ubi?	21
Rheubarbarum unde, & quale sit,	43, 44, 65	Tartari qui occuparunt Sinas,	3, 19
qua via in Europam portetur,	44	Tartaria Orientalis incognita Europæis,	18
Rhinocerotes,	72	Tartariæ antiquitas,	18
Rosa Sinica colores mutans,	133	Tartari Sinarum hostes qui, & quando?	18
Rotæ viminis notabilis descriptio,	140	Tartari Sinas invadunt,	19, 22
S.		Tartari inter se pugn. nt,	19
Accari copia,	123	Tartarorum luena familia quando caperit,	19
cultura,	71	Tartarorum domus, vestes, ac mores,	19, 20, 21
Salices arbores amant Sinæ ac concinne aptant,	39	Tartari tabacco hospites excipiunt,	19
Salina,	104	Tartarorum religio qualis,	20
Salis amantissimum animal,	146	Tartari cadavera mortuorum cum vivis comburunt,	ibid.
Saltatriculæ, seu Agyræ & Cingaræ apud Hispanos Gi-	167	Tartarica lingua, ac character,	ibid.
tanæ dictæ,	23	Tartari Christiani facti,	20, 46
Samahania Tartaria,	90	Tartari Niuche,	20
Scopuli periculosi,	62	Niulhan,	21
Schioterica antiquissima apud Sinas,	6	Yupi,	ibid.
Scientia qualis apud Sinas,	116	Tanyu,	ibid.
Sebum in arboribus nascens describitur,	31	Tartariæ antiquæ nomina,	22
Sepultura R. P. Matthæi Ricci,	12	Teloniorum moderata ratio apud Sinas,	136
Scriptores qui bene de Sina scripserunt,	32, 98	Telonia, 54, 104, 105, & alibi.	
Sepulchra imperialia magnifica,	38	Templa Societatis Iesu, 31, 38, 39, 46, 99, 101, & alibi.	
Sepulchra nobilissima,	109	Templum regium describitur,	98
Serici copia,	99, 109	Templum superstitiosum,	105
Sericis onustæ naves,	63, 77	Templa idolorum in veri Dei mutata,	25
Serpens medicus,	117	Termini Sinarum Imperii,	2
Serpentes innoxii,	145	Terra cerussa præstantior,	46
longissimi,	1	Terra contra venena aptissima,	22
Siderum observationes antiquæ,	23	Testudines ut scopuli.	137
Sifan regnum,	45	Testudines variæ,	77
Sigan urbis magnitudo, ac nobilitas,	113	Textores,	94, 111
Sihû lacus amoenissimus,	25	Tibet regnum,	23
Simias capiendi modus rarus,	25	Tien lacus describitur,	36
earum sanguis ad tincturam adhibetur,	67	Tientai mons famosus in quo metempsychoscicos archi-	
Simiæ quæ mulieres depereunt,	145	mandritæ,	119
Simiæ canibus similes,	2	Tiencin emporium nobilissimum,	36
Sinarum nomen unde,	1	Tigrides innoxie,	117
Sinæ quo pacto regnum suum vocent,	ibid.	Tormenta currulia antiqua apud Sinas,	6
regni nomen sæpe mutant,	ibid.	Tribunalia quæ apud Sinas,	11
varia nomina,	5, 6, 132	Tributum regni, ac Provinciarum quantum, 12, 38, 37,	
Sinarum ingenia acuta,	121	43, 54, 59, 65, 74, 84, 95, 109, 122, 149	
eorum in montibus colendis labor ac industria,	143	Tribulus fructus aquaticus describitur,	34
Sinarum ultimus Imperator Iunglieus, ejus mater, uxor,	45	Tungking regni descriptio,	25
ac filius Christiani,	82, 103, 138	Tungking regni mappa cur desit,	23
Societas Iesu restaurat legem Christianam apud Sinas,	90	Tungkingnensium mores describuntur,	24
Societatis Iesu templa, 31, 39, 46, 99, 101, & alibi.	ibid.	Tungo fanum notabile,	55
Stagnum notabile,	138	Tuonu festum quale? ejusque origo,	79
Stannum,	69	Tungtung lacus descriptio,	78
Statua mirabilis,	82	Turres præclaræ, 12, 45, 56, 57, 123, & alibi.	
Statua quæ tempestates prædocet,	8	Turris antiquissima ac magnifica,	52
Statua singularis,	9	Turris horaria,	12
Statua ex integro monte facta,	64, 155, 164, 165	Turris ingens ferrea,	104
Stirps somnifera,	6, 65	Tympana pulsata in monte tempestates movent,	46
Studia quanti faciant Sinæ,	100	Tympanum superstitiosum,	50
ab illis solis nobilitas,	53	Typographiæ antiquitas,	6
Succinum,	53	V.	
fictitium,	65	Vacca crudelissima,	41
Sucheu urbis origo, ac descriptio,	13, 99	Vaccæ cinnamatis crinibus,	73
Suçu præclarum pomum describitur,	39, 159	Vacca sylvestris sale delectatur, ac capitur,	146
apud solos Sinas reperitur,		Vacca velox,	140
Suchuen Provinciæ descriptio,		Vallis superatu difficillima,	145
Superstitio mira circa montes,		Vasa porcellanica ubi, ac qua arte fiant,	86
Superstitio notabilis,		fracta qua arte confuantur,	87
T.		Vasa imperialia antiquissima submersa,	108
Tai mons altissimus ac insignis,	55	Vascula Cha optima in Gnihing,	103
Talcus, ejusque apud Sinas usus,	79, 80	Venationis amantes Tartari,	20
Tamerlanus numquam Sinis bellum intulit,	23	Vertex montis altissimus, in quo nulla meteora,	117
		Vespertiliones ad esum optimi,	46
		Vestes Sinarum quales?	9
		Via publicæ quales,	10
		Vinum	

I N D E X

Vinum ex oryza,	32, 36, 89	X.	
Viri celebres,	100	Xanghai nobile fortalitium,	36
Virginitatis exemplum,	116, 138	Xangtung Provinciæ descriptio,	53
Visitatores Provinciarum,	10	Xanfi Provinciæ descriptio,	37
Vitrum Sinarum quale?	6	Xaohing urbs pulcherrima,	118
Virtutes amant Sinæ, vitiis non carent,	8	Xenfi Provinciæ descriptio,	43
Vivarium magnificum,	45	Xinnungus agriculturæ auctor,	41
Unionum ferax mare,	141	Xinfiem homines immortales,	67, 124, 144
Urbanitas varique Sinarum ritus.	9	Xuntien urbs regia,	29
Urbes militares quales,	72	ejus longitudo ac altitudo,	ibid.
Urbium numerus,	5	quando ædificata,	ibid.
earum descriptio,	12	ejus descriptio,	29, 30
Uri,	50	Y.	
Urisorum pedes anteriores in pretio apud Sinas,	48	Y Anggukiang fluminis descriptio,	13
Uva & vinum,	37	Yupi Tartari,	21
Vultures,	47, 72	Z.	
Vulturis genus audax,	20	Zarte M. P. Veneti ubi?	125



D E R E G N O
C A T A Y O
A D D I T A M E N T V M.

J A C O B V S G O L I V S
L E C T O R I.



Eniam facile dabis, benigne & curiose Lector, quod impletæ eximii Operis mensuræ hoc, quod vides, corollarium adjiciatur aliena manu: quippe rem ipsam per se minime alienam esse aut vulgarem, neque, ut spero, lectionis tuæ studio indignam cognosces. Nam quamvis novi Atlantis hujus pagina 3 & 28 luculentis indiciis ostenderit Auctor, intelligentissimus Martinius, Catayos sive Cathæos, de quibus diu multumque antehac disceptatum fuit, num alicubi terrarum, atque ubinam existant, & celeberrimos Sinas solo duntaxat nomine, sive ejusdem regni populivæ sedibus differre; unum tamen insuper, quod non levioris sit momenti, exquisitis judiciis desiderari posset argumentum, quo amborum linguam & usitatos maxime ab omni ævo mores etiam convenire perspicuum fiat. Cujus rei simul utriusque exempla evidentia, & indubitata testimonia, ut proferri intelligebat idem Auctor, haud secus ac nuncio quodam optatissimo mirifice lætatus fuit. Atque inter mirabiles, quos varios expertus esset, casus, hoc quoque haud immerito reputare videbatur, quæsitum ad extremos, ubi revera situm erat, Orientis terminos Catayum; in Occidentis parte inde remotissima quasi, non minus certo deprehensum esse fortuito Belgæ congressu, quam susceptis, in eum etiam præcipue finem, peregrinationibus explorari potuisset. Atque hoc ipsum tanti visum fuit, ut omnibus talium rerum studiosis communicandum judicaret: quin si ejus ad ipsum Atlantem accessio fieret, ita illi futurum ornamento, ut & lectori ejusdem peculiari foret usui ac voluptati. Quod cum alienis

potius verbis, ceu testimonio quodam, faciendum videretur, & vix alterius quam meis fieri posset, qui & occasionem & materiam non ita obviam mea sponte præbuissem, simulque ad eam, quam excolendam nactus sim, Spartam pertineret; tum ingenuitas ipsa & humanitas, tum veritatis illustrandæ amor non persuaserunt tantum, sed quodam etiam jure suo flagitarunt, ne bono publico tantillum officii denegarem. præsertim postquam V. Cl. qui hoc benevole etiam expeteret, non potiore modo contulisset partem; sed multa alia quæ scire voluisssem, ex eodem rarissimæ scientiæ penu liberaliter mihi impertiisset. Et quis ei rei oportunior poterat concedi locus, ut in territorium suum asseri & postliminio vindicari possent Cathæi, quam ubi totum illud (alio quanquam nomine, ob quod exclusi videantur,) limitibus suis & comprehensis partibus accuratissime jam descriptum esset? Hoc itaque quicquid est, ingenuorum æquanimirate fretus, desiderati Atlantis in lucem prodituri syrmati subjungendum permitto. Licet autem fimbriæ velut loco futurum, non purpura vel auro fulgeat, neque ullo artificio constet; non dubito tamen, quin tibi, candide Lector, simplicis materiæ suoapte pretio, & vel sola quam ibi spectabis symmetria commendare se & placere possit. Sed rei occasionem ipsam & miri casus historiam paucis prænarrari ante, operæ pretium & forsan non ingratum fuerit.

Cum sub initium proximæ æstatis fama increbuisse, multiplici scientia virum, eaque rara & inaudita, quam inter Sinenses plurium annorum consuetudine acquisivisset, navibus nostris ex India Orientali delatum in hæc venisse oras; equidem videnti ejus & compellandi cupido me haud mediocris incessit, ut rerum Sinicarum expetita dudum cognitione aliqua augeri possem

possem, & aliquem linguæ gustum atque ea principia delibare, ad quæ cumprimis opus esset peritiæ istiusmodi & vivæ vocis præsidio. Ea quoque me impellebat causa, quod librorum Sinensium supellectilem possiderem non ita exiguum; de quibus non aliquid, & vix ipsos apices mihi esse perspectos, sæpenumero dolebam. Quamvis enim cum variis Orientis gentibus, quæ eruditionem & animi cultum in honore habent, in Asia versari atque conferre licuisset; nunquam tamen cujusquam Sinice docti copia mihi data erat. Ut autem ea, quæ nunc daretur, aliquatenus frui possem, expectandum esse putavi operæ finem, quam edendo Atlanti suo Auctor destinasset. Futurum enim sperabam, ut si quid forte otii superesset, partem ejus à levato ac liberiori animo facilius mihi impetrarem. Sed vix dum laboris metam contigerat, cum in Brabantiam reditum pararet, acceleraturus quod porro in Italiam haberet iter. Itaque tota spes mihi reliqua fuit in exigui temporis mora, quam illius per nostram urbem transitus, quem futurum acceperam, permittere forsitan posset. De ea vero opportunitate, jam offerente se, ut certior essem factus, invigilandum equidem putavi, ne ea sine aliquo saltem expectationis meæ fructu dilaberetur. Quamprimum accessi, perhumaniter exceptus, ex paucis dictis & responsis facile perspexi, de insignibus Viri dotibus minime vanam aut fallacem fuisse famam, qua ad indaginis desideratæ & propositæ studium, atque diligentiam excitus essem.

Cum autem in tam præcipiti occasione festinandum viderem, & quæditorum delectu utendum; inter cætera forte aliquid de Cathæis in mentem incidit, de quibus dudum me tenuerat dubitatio, iidemne cum Sinis, an vero diversi recenseri deberent. Quanquam enim in meis ad Alfraganum notis eorum sententiæ subscripsissem, qui Pauli Veneti ætate, & postea, Sinensis imperii partem, in primis Borealem, Catayi nomine appellatam existimarent; tamen investigatione dignum videbatur, an non Cathæi sint gens Scythica quædam, proprium quorum regnum extra Sinarum terminos & magnum murum consistat, lingua sua & moribus ab ipsis Sinis distincti: qui horum occupato regno suum imposuissent nomen, ut ita ejus domini terrarum ubique agnoscerentur. Quod in aliis quoque Orbis partibus factum esse, obviis exemplis demonstrari posset. Recordabar quidem, mi-

hi in Orienti degenti inter Arabes, Persas, & Turcas, sæpe auditas esse hæc voces, *چا خطاي* & *مسك خطاي* *Muscus Cathæicus*, & *Cha Cathæicum*, illud præstantissimi odoramenti, hoc herbæ laudatissimæ genus, Atlantis pag. 107 & 108 descriptum; quæ tamen in Sina provenire, atque inde quoquoersum deportari, ipsa experientia docet: quemadmodum iidem gentibus etiam non raro *صيني* *Sinica* dici solent. Nihilominus fieri posse cogitabam, res illas Sinicas etiamnum propterea Cathæorum nomine insigniri, quia primum ex Sina ad Cathæos, forte Tartaros inde expulsos, atque ab hisce ad alios populos pertingant; vel quia, ut ante dixi, idem Cathæi nomen Sinensi regno olim inditum, etiam hodie pervulgato more attribuitur. Cui dubitantis animi incertitudini feliciter occurrere posse hac data commoditate in animum inducebam: si nempe de Tartaris, qui regnum Sinense recens invasisent, atque olim idem tenuisse perhibentur, quædam paulo diligentius disquiri contingeret, & quæstionibus propositis quæ ad eorundem linguam ritusque spectant, cum similibus rebus Sinensibus conferri.

Huic fini, atque tentando huic consilio, materiam satis amplam & idoneam suppeditabat Persa quidam, nomine Nasirodinus, patria Thusæus, Philosophus & Mathematicus scriptis toto Oriente clarus; ex cujus etiam emendatione, additis scholiis, Euclidis elementa Arabice excusa fuerunt Romæ. Hic cum inter Tartaros illos viveret, qui duce Ulaco Cân Assyriam anno Christi 1255 occupant, plurima scrutando de Cathæorum rebus didicerat: quin una cum Tartaris, qui eosdem sibi tunc temporis subditos habebant, eo usque fuisset profectus videtur. Extabant apud nos inter alia Philosophi illius tabulæ Astronomicæ MSS. à me Constantinopoli allatæ, in quibus Persico idiomate accurate exposita erat tota temporis putandi ratio, qua Cathæi familiariter ac publice utuntur; ubi omnia Cathæicæ linguæ, ut testatur scriptor ille, genuinis vocibus expressa erant. Hinc ad verbum exscripta fuerunt, quæ de eadem re ex Ulug Begi traditione Cl. Iohannes Gravius, Anglus, auditor quondam meus, immatura morte Reip. literariæ nunc ereptus, publicavit abhinc quadriennium, Epocharum celebriorum nomine inscripto. Quem librum etiam allego propterea, ut cuique liceat, si libet, eorum de quibus acturi

acturi sumus, ibidem testimonia videre. Quænam proposito isti meo, de quo dixi, materia comparata magis poterat videri, super qua cum tam eximia cognitione atque industria viro, M. Martinio verba conferrem, perquisiturus num ex Sinensi forte regno, eodemque nunc Tartarico, similia pro curioso studio suo retulisset, per quæ evidentius & certius, quam antehac datum esset, Cathæi per idioma suum & mores dignosci possent? Quippe ut temporum usum vix quicquam est antiquius; ita & quæ primitus imposita iis fuerint nomina, tenacius servari solent.

Primo itaque rem experiri visum fuit in Cathæorum duodecim horis, in quas diem civilem ab illis distribui, Nasirodinus scribit: qui & singulas suo Cathæicæ linguæ nomine insignitas, Persicis sive Arabicis literis repræsentat. Vix tertium protuleram nomen, cum ab attento Viro ut vicissim ego paululum conticescerem rogatus, reliqua tanquam familiarissima ex Sinarum lingua & usu prosequentem ordine & recitantem audiui; omnia prorsus consona & eadem cum iis, quæ Nasirodinus Persa suis literis exarasset. Deinde alterum facturum periculum, quæstionem proposui de viginti quatuor partibus, in quas annum tropicum à Cathæis dividi prodidit author. Ubi eodem plane modo compertum fuit, Cathæorum & Sinarum res, & voces inter se ad amussim quadrare: atque insuper quid pro diversis anni tempestatibus voces illæ, idiomati Cathæo adscriptæ significarent, ex ipsa Sinensium lingua idem Martinus facillime expedivit. Quarum quidem rerum, quas ego ex Persa de Cathæis, ille ex familiari cognitione de Sinis; nihil ibi Tartaricum agnoscens, in medium contuleramus, ille idiomatis Persici, ego Sinici ignarus, æqualis per omnia symphonia utrumque nostrum, & alios, qui forte aderant, magna ac simul jucunda affecit admiratione. Non poterat tamen non molestum accidere utrique nostrum, pleniori harum rerum tractatione ob illam temporis angustiam nos excludi. Nihilominus is visus fuit vel breviculi hujus & interrupti colloquii fructus, qui mereretur ex privato publicus fieri communi literarum bono.

Ego vero apud animum perpendens, quantum lucis mihi, idque temporis momento pene, ab ejus Viri peritia in abdita scientiæ caligine affulsisset, quocunque conatu agendum duxi, ne tam opportuna, ei-

que rarissima, cui par nulla deinceps speranda foret, occasione deessem. Quapropter monitus nec eam votis defuturam aut desideriiis meis, si Antverpiam venire non gravarer, ubi circiter octiduum præstantissimo eidem Viro, quem conventum vellem, subsistendum esset; felicibus auspiciis & velut pernicipibus alis illuc contendi. Ubi non minus, quam ante expertus fueram, literario instituto meo faultrix sese pandit humanitas. Ita quidem, ut quæ pro brevi temporis spatio præcipue investigare optassem, tum habitis sermonibus, tum librorum Sinicorum juvenisque Sinæ, minime illiterati, facta copia, mihi visus sim omnino aut magna ex parte esse consecutus. Ac licet Ipse, cui totum hoc acceptum referri oportet, discessum Antverpia, & se longinquiori itineri adornans, vix otii quid reliquum haberet; non piguit tamen ad ea, quæ de Cathæorum temporibus scripto indicasset, ex similibus Sinarum libris scripto pariter reponere proprias earundem rerum notas, & ex linguæ Sinicæ usu, quæ Mandarinæ Lusitanis dicta totique imperio est communis, spectantes eo cum significatis suis appellationes. Nec etiam sinunt me comites Musarum Gratiæ silere hoc loco, quas pro benevolentia singulari debeo gratias magnifico & nobilissimo viro, D. Jacobo Edelherio, Syndico inclytæ Urbis: qui me nunquam ante visum sibi nec forte cognitum, ad egregiæ domus suæ Sinense musæum, multiplici rerum varietate instructum, ultro & liberaliter invitavit; ubi & raro spectaculo oculos, & docta P. Martini interpretatione animum, pascere atque oblectare possem. Deinde & in suburbanam villam suam, alterum velut Tusculanum, me deduxit; ubi extra interpellationes omnes, in convivali mensa, deambulatione jucunda, totaque amœna via, res nunquam ante perceptas de Sinensi regno uberius exquirere atque intelligere liceret.

Ex Brabantia domum reversus, quæcunque de Sinarum Kalendario inter alia didicissem, cœpi diligentius cum iis conferre, quæ à Mathematico Persa de Cathæorum temporibus prodita fuerunt. Quam exacte autem utrinque respondeant inter sese consentiantque omnia, ex iis, quæ nunc sigillatim recensuri sumus, quam manifestissime liquebit. Ubi primum ob oculos ponentur Sinarum proprii characteres, quibus propositi nobis argumenti res signare solent. Tum proxime sequentur earundem rerum nomina, quæ esse Catayica traduntur;

duntur; prout literis ea Persicis exaravit noster Persa. Deinde comparandæ subjiciuntur ipsæ Sinicæ voces literis Latinis scriptæ; una cum accentibus suis, quos ante LX annos eruditi quidam & solertes ex Europa viri in Sina multo studio excogitarunt, ut elocutionis Sinicæ per quam subtiles differentiæ distinguere possent. Atque ita ab expertissimis linguæ hominibus expressæ eadem voces, simul indicabunt, quomodo & ipsæ Catayicæ quam optime sint enuntiandæ: ut quas tam accurate exprimere ubique nequivit minus peritus Persa; felix tamen & laudandus, quod in re difficili & ambigua quàm proxime attigerit ipsum veri punctum. Quare de tota ista notatione, studiose Lector, paucis ita habe. Primo quidem, nos hic de rebus Sinicis agentes imitari Sinicum scribendi morem; sive pingendi potius, quia non calamis utuntur Sinæ, sed penicillis: ubi si notarum regulæ ordinem debeant esse plures, à summo paginae ad imum singuli descendunt, & à dextra ad sinistram prioribus posteriores succedunt. quo etiam modo notas suas sæpius pingunt Sinæ, ubi duntaxat ordo unus est, solitarius & singularis; quanquam & altera quoque ibi ratio obtineat, quam deorsum ducere diximus. Et ad hæc quidem leges laterculis sequentibus inscribuntur non Sinicæ tantum notæ, sed etiam subjunctæ iis exoticæ voces ipsæ.

Deinde ut parilis utrobique, in Atlante atque hac Appendicula, peregrinorum nominum lectio servaretur, eadem hic consonantes potestate usurpavi, qua illic adhibuit Author, & prout ab ipso pag. 171 monitum fuit. Atque ita hic ubique H effeendum Lusitanico more, sicuti aliis CH, & suum ح Arabibus & Persis sonat; quam

nos extra Sinicas voces fere per C, uti simplex H per notamus. I & Y meras consonantes valent: V quodam modo و Arabum, & W Germanorum consonat, sed non ita crasse ex gutture aut pleno ore. Denique A O diphthongus est, cum Lusitanis ut A U pronuncianda: & ON fere ad sonum AN accedit. Quam autem vim & usum habeant accentus, ipsa quasi indicat forma ac situs. Nam cum signo-vox directe & æquabiliter se protendit; cum fortius deorsum defigitur; & contra cum liberius effert se & assurgit, qualis fere vox est interrogantis. Præterea nota soni est per palatum superius protrahendi & tanquam volvendi; at contraria fere via contrahendi & abrumpendi. Signum ut literis alibi, ita hic quoque accentibus aliis fortem adspirationem addit. Denique si. (sc. punctum) vocali adscriptum occurrat præter morem; cum vocali quidem u & i, indicat sibilum ac velut crispans quid immiscendum esse: tumque simul u vergit ad sonum; & i u contrario ad sonum u. Cum vocali autem o vel e positum punctum, arguit eam ut vel, sed obscure & clauso quasi ore esse extundendam. Atque hæc quidem prout brevi ipse tempore assequi potuerim, dicta sunt.

His præmissis, nunc quidem initium fiat à nycthemeri sive diei civilis duodecim Horis, de quibus primam à me quaestionem propositam fuisse dixi. Earundem characteres Sinici sunt ipsa signa illa, quæ apud Sinas interdum, suo quæque tempore, tabulæ inscripta in turribus publico conspectui exponuntur sesquipedali forma & auro splendida; ita uti in Atlante pag. 12 & 111 rem pluribus descriptam videre licet. Ad hunc vero modum se habent

D U O D E C I M H O R Æ

Catayorum five Sinarum.

XII	XI	X	IX	VIII	VII	VI	V	IV	III	II	I	
亥	戌	酉	申	未	午	巳	辰	卯	寅	丑	子	Characteres Sinici.
حاي	سيو	يوو	شن	وي	وو	صنر	جن	ماو	يم	چيو	ژ	Nomina Catayica.
Haì	Sio	Yeù	Xin	Vi	V	Su	Xin	Maò	Yin	Ch'eu	Çu	Nomina Sinica.
10 & 11,	8 & 9,	6 & 7,	4 & 5,	2 & 3,	12 & 1,	10 & 11,	8 & 9,	6 & 7,	4 & 5,	2 & 3,	12 & 1,	Horæ nostræ. Media nox.

Nomen III Catayicum in fine م habet, quia & ad eum sonum vergit litera n in ipsa voce Sinica Yin. Ita nomen Catayicum VI definit in ر, ad exprimendum sibilum, quem voci Sinicæ Su convenire ar-

guit adscriptum punctum. VII vox و eadem est cum V, quia hæc sonum inter Ou & Voù habet. Vocum autem IX & V, Xin & Xin diversas pronunciationes, literarum & & diveritate idem Persa discrevit.

Estque

D E C A T A Y O.

v

Estque Cathæis alter cyclus, partium & appellant, atque hoc caractere 干 pingunt. nominum decem: quas illi 干 & Sinæ Nomina ipsa nihil hic, nisi pro sequenti quoque Can, id est, Radices five Cardines, compositione, valent. Sunt autem

DECEM CARDINES SEV RADICES:

X	IX	VIII	VII	VI	V	IV	III	II	I	
癸	壬	辛	庚	己	戊	丁	丙	乙	甲	Caractères Sinici.
كوي	ثم	سن	كن	كي	وو	تين	بين	بي	كا	Nomina Catayica.
Quei	Gin	Sin	Ken	Ki	Vu	Ting	Ping	Yi	Kia	Sinica Nomina.

Cum vero cyclum hunc cum præcedenti duodeno componunt, alius inde exurgit annorum cyclus nempe sexagenus: ad quem non dies tantum suos denumerant Cathæi, atque septimanæ vicem explent, Nasirodino teste; sed in quo præcipue, & quidem vulgarissimo atque antiquissimo usu, supputant Solares annos. Ipsosque per illa composita sua nomina, velut propria, distinguunt. Hujusmodi autem totus ille est

ANNORVM SEXAGINTA CYCLVS.

Sinica.	Nomina Catayica.	Nota Num. Sinica. annor.	Sinica.	Nomina Catayica.	Nota Num. Sinica. annor.	Sinica.	Nomina Catayica.	Nota Num. Sinica. annor.
Kia-xin	甲申 干	41	Kia-xin	甲申 干	21	Kia-çù	子甲 干	1
yi-sù	乙巳 干	42	yi-yeù	乙巳 干	22	yi-ch'èu	丑乙 干	2
Ping-v'	丙午 干	43	Ping-siò	丙午 干	23	Ping-yin	寅丙 干	3
Ting-vi	丁未 干	44	Ting-hai	丁未 干	24	Ting-maò	卯丁 干	4
Vu-xin	戊申 干	45	Vu-çù	戊申 干	25	Vu-xin	辰戊 干	5
Ki-yeù	己巳 干	46	Ki-ch'èu	己巳 干	26	Ki-sù	巳己 干	6
Ken-siò	庚戌 干	47	Ken-yin	庚戌 干	27	Ken-v'	午庚 干	7
Sin-hai	辛亥 干	48	Sin-maò	辛亥 干	28	Sin-vi	未辛 干	8
Gin-çù	壬子 干	49	Gin-xin	壬子 干	29	Gin-xin	申壬 干	9
Quei-ch'èu	癸丑 干	50	Quei-sù	癸丑 干	30	Quei-yeù	癸丑 干	10
Kia-yin	甲寅 干	51	Kia-v'	甲寅 干	31	Kia-siò	甲寅 干	11
yi-maò	乙卯 干	52	yi-vi	乙卯 干	32	yi-hai	乙卯 干	12
Ping-xin	丙辰 干	53	Ping-xin	丙辰 干	33	Ping-çù	丙辰 干	13
Ting-sù	丁巳 干	54	Ting-yeù	丁巳 干	34	Ting-ch'èu	丁巳 干	14
Vu-v'	戊午 干	55	Vu-siò	戊午 干	35	Vu-yin	戊午 干	15
Ki-vi	己未 干	56	Ki-hai	己未 干	36	Ki-maò	己未 干	16
Ken-xin	庚申 干	57	Ken-çù	庚申 干	37	Ken-xin	庚申 干	17
Sin-yeù	辛酉 干	58	Sin-ch'èu	辛酉 干	38	Sin-sù	辛酉 干	18
Gin-siò	壬戌 干	59	Gin-yin	壬戌 干	39	Gin-v'	壬戌 干	19
Quei-hai	癸亥 干	60	Quei-maò	癸亥 干	40	Quei-vi	癸亥 干	20

Hexecontaeridos hujus auctor, five in-
venerit ipse, five ab aliis inventam sua au-
toritate sanxerit observandam, fuit rex
Sinarum Hoang Siu; qui 2670 ante Chri-
stum

bb

stum annis vixit. Quod ex Sinensium analibus me doctissimus docuit Martinus.

Et quidem eundem cyclum, quem Cathæi ون, Sinæ Vên vocitant, & ita 文 pingunt, Cathæi ternis nominibus pro triplici ordine distinguunt: scilicet superiorem, medium & imum designant. Primus Cathæis ون شانك, Sinis Xáng Vên 文 F, id est, *Superior compositio*; alter Cathæis ون چونك, Sinis Chóng Vên, 文 中: *Media compositio*; tertius Cathæis ون خا, Sinis Hiá Vên 文 上, *Inferior compositio* dicitur. Atque ita centum & octoginta annis confectis, ad primum computi initium revertuntur.

Cæterum utrique genti, Cathæis & Sinis, in cyclo quovis anni Solares tropici usurpantur, ab ingressu Solis in decimum quintum Aquarii gradum. Atque in hoc anni

cujusque capite simul constituunt illi principium sui veris; ut in decimo quinto gradu Tauri initium æstatis; atque post æqualia intervalla duas anni tempestates reliquas. Sed singulas præterea dividunt in senas æquales partes; ut, naturæ quasi ductum secuti, ibi spectasse videantur principium, medium ac finem, unumquodque iterum bipartientes. Atque ita totus annus distribuitur in viginti quatuor æquales partes sive particulares tempestates, & in coelo Zodiacus iisdem nominibus in totidem signa; nominibus, inquam, desumptis à temporum qualitate atque mutatione: ita ut sit parapegma quoddam. Suntque, ut vides, segmenta numero dupla nostris; & principia illorum mediis nostrorum respondent. Partium illarum signa Sinica, & appellationes Catayicæ & Sinicæ, una cum significatis suis, ex Sinensium lingua petitis, sequenti tabula continentur:

XXIV PARTES ANNI.

Significata.	Nomina Sinica.	Catayica.	Note Sinice.	Num.	Significata.	Nomina Sinica.	Catayica.	Note Sinice.	Num.
Elevatio autumni	Lie-ç'ieū	ليجوو 秋立	13		Elevatio veris	Lie-ch'un	ليجن 春立	1	
Quies caloris	Ch'ü-xù	چيو شو 暑處	14		Pluvia aqua	yü-xuì	وو شي 水雨	2	
Albus ros	Pè-lí	پيلو 露白	15		Motus reptilium	King-che	كينجه 蟄驚	3	
Autumni pars	Ç'ieū-fuén	سيو فن 分秋	16		Veris pars	Ch'un fuén	شون فوند 分春	4	
Frigidus ros	Hán-lú	خلو 露寒	17		Limpida claritas	Çing-ming	شينك مينك 明清	5	
Pruina descensus	Xoàng-kiáng	شونكون 降霜	18		Frugum pluvia	Cò-yù	كو وو 雨穀	6	
Elevatio hyemis	Lie-tung	ليتون 冬立	19		Elevatio æstatis	Lie-hiá	ليجه 夏立	7	
Parva nix	Siaò-fuè	سياء شه 雪小	20		Parva repletio	Siaò muòn	شيو من 消小	8	
Magna nix	Tá-fuè	دایشه 雪大	21		Herbarum semina	Máng-chung	منجن 種莖	9	
Hyemis statio	Tung-chí	دونجي 至冬	22		Æstatis statio	Hiá-chí	خا جي 至夏	10	
Parvum frigus	Siaò-hán	شيوخن 寒小	23		Parvus calor	Siaò-xù	سياء شو 暑小	11	
Magnum frigus	Tá-hán	دایخن 寒大	24		Magnus calor	Tá-xù	دایشو 暑大	12	

Num. 2, in Catayico est Vu, in Sinico Yü: discrimen exiguum, sive à librario, sive à male percepta elatione: tum & ipsis Sinis Vú est *nebula*, pluviae utcunque affinis. Idem habendum est de vocibus Catayicis num. 4 & 10, nempe شون & شا: quas pro چون seu چن, & خا seu خا perperam esse scriptas, ex iis, quæ hisce respondent num. 1 & 7, ipsisque significatis liquido apparet. Ita num. 22. ن irrepsit pro ي, litera non multum dissimilis

figuræ. Tribus locis, num. 12, 21, 24, Catayice Dai scribitur, quod Sinice Ta exprimitur: sed etiam Tai pro Ta, T inclinante ad D, Sinis quàm maxime familiare est; ita ut revera hic debeat nulla censeretur differentia.

Certe huc facere videtur, & commode hinc exponi posse, quod Curtius lib. VII. de Indiæ, scilicet late sumptæ, ut & ipsos sæpe Sinas comprehendit, quibusdam populis scribit: *Menses in quinos denos descripserunt dies. Anni plena spatia servantur.*

Quartum

Quartum etiam, tradente Nasirodino, cum pariter ac primum duodenarium fecerunt. Cujus characteres Sinici, nomina Catayica Sinicaque, & ipsæ eorundem significationes sese habent ad hunc modum:

XII DIES ELECTIONIS.

Significata.	Nomina Sinica.	Note Catayica Sinica Num.	Significata.	Nomina Sinica.	Note Catayica Sinica Num.	Significata.	Nomina Sinica.	Note Catayica Sinica Num.
Perficere	Chíng 成	9	Stabilire	Tíng 定	5	Elevare	Kièn 建	1
Recipere	Xeú 收	10	Servire	Che 執	6	Partiri	Chu 除	2
Aperire	Cái 開	11	Frangere	P'ò 破	7	Replere	Muón 滿	3
Claudere	Pí 閉	12	Periclitari	Ví 危	8	Equare	P'ing 平	4

Ex duodecim diebus illis, eodem auctore teste, quatuor Cathæis 成 He, nempe Nigri sunt, & infausti habentur; quatuor 收 Hoang, hoc est, Flavi, qui boni quid promittunt & fausti: tum & duo 收 Pe, id est, Candidi, & felicissimi sunt; & duo 收 Hoen, Fuscis & obscuri, atque infelicissimi censentur. At certo certius est, easdem hæc voces, non minus quam earundem Characteres, He 黑, Hoang, 黃, Pe 白, & Hoen 混, sua origine prorsus Sinicas esse, quibus isti colores denotantur. De ultima duntaxat, an illa vel quæ alia sit hoc usu recepta, dubitari possit: nam super ea peritissimum Virum consulere, per incuriam supersedi.

In quatuor hisce cyclis, trium generum nomina sese offerunt Cathaïca. Quibusdam additum fuit à Nasirodino, quid lingua Cathæorum notent: aliis verò à P. Martino duntaxat adscriptum est, quid Sinice valeant. Utraque hæc communia sunt nomina, quæ Appellativa nuncupant. Cætera denique velut propria existunt, ad significandas ipsas Horas, & ipsos Annos imposita. Prima ad secundi & quarti cycli explicationem pertinent: illius quidem sunt Ven, Xáng, Chúngh, Híá; hujus autem He, Hoang, Pe, Hoen: quæ Cathæis sonant, inquit Nasirodinus, priori loco *Compositio, Superior, Media, Inferior*; altero *Niger, Flavius, Albus, Fuscus*. At nihil verius est, quam hæc ipsas voces omnes origine & usu prorsus Sinenfes esse. Secundi ordinis sunt nomina illa, quibus in cyclo tertio definiuntur Tempestates anni: quorum significata Nasirodino incognita, aut saltem non memorata, non nisi à Sinis peti posse, evidenter liquet. Tantum de harum vocum tertia King-che monendum existimo, significationem ejus *Motus reptilium*, aut quæ verior sit, à Cl. Mar-

tinio forte omiffam, ex mea hic appositam esse conjectura: quod in Glossario Sinenfi meo repererim, hanc eandem Sinicam notam 毒 vocemque Che designare *Reptilia & infecta*, & vocem King cum sua nota 驚 *Turbare & commoveri*. Ignoscent doctiores, si me conjectura fallat. Ultimi generis nomina in duobus primis cyclis leguntur, omnem citra interpretationem; quia per se ipsis illis temporibus signandis inserviunt peculiari instituto & usu. Denotant quidem eadem voces etiam alia; sed quæ nihil faciant ad rem præsentem. Etenim, quemadmodum & ipse Atlas docet, quò pauciores reperire est in lingua Sinenfi dictiones; eo singularum ferme plura sunt cum Characteribus suis significata.

Sane eidem linguæ hoc contingit singulare prorsus, & tantum non incredibile; quod omnes ejus voces non tantum monosyllabæ sint, nullis generum, numerorum, inflexionum differentiis Grammaticis obnoxia; sed quoque plurimæ adeo inter se affines, ut non nisi tenuissimo, & vix aliis populis perceptibili, elocutionis discrimine distinguantur: Ex. gr. simplex admodum hæc monosyllaba Ko, Sinarum ore pronuntiatur vel decem modis: Kō, Kò, Kó, Kō, Kō, Kō, Kō, Kō, Kō, Kō: non unam importante unoquoque significationem, cui sua fere semper propria sit nota, ab aliis omnibus diversa. Ita ut linguam hanc non tam ex incidentium rerum necessitate natam, quàm præmeditata arte effictam atque institutam quis dixerit.

Omnia hæc igitur attributa Cathaïcæ linguæ vocabula mere esse Sinica, aperte constat, duoque illa nomina esse unius ejusdemque gentis: quod non magis mirum est aut insolens, quàm linguis diversis rem quamcunque diversimode vocitari. Si enim duæ nationes illæ diversæ essent, utique diversis quoque vocibus, nempe vernaculis,

culis, ea, quæ ante memorata sunt, appellas-
sent. Sic rustici Sineses, ut D. Martinus
testatur, & Nomades Turcæ, Scythæve, ut
Nasirodinus & alii, in cyclo duodeno per
Animalium nomina (eorundem quidem, sed
pro utroque idiomate diversa,) computant
diei horas, ipsosque dies, & suos annos. Et

quidem istorum temporum, præsertim an-
norum, cuique suam qualitatem & apote-
lesma adscribunt, juxta dominantis anima-
lis naturam. Sunt autem (ut hoc quoque ad-
jiciam) horarum, dierum, & annorum apud
ambos initia eadem, quæ aliis Sinis sive
Cathæis usurpari diximus. Atque hæc sunt

Nomina Horarum, Dierum, Annorum :

XII	XI	X	IX	VIII	VII	VI	V	IV	III	II	I
<i>Sus</i>	<i>Canis</i>	<i>Gallina</i>	<i>Simia</i>	<i>Ovis</i>	<i>Equus</i>	<i>Serpens</i>	<i>Draco</i>	<i>Lepus</i>	<i>Tigris</i>	<i>Bos</i>	<i>Glis vel Mus</i>
Turcis Orientalibus,											
طونغوز	ایت	داقوک	پیکین	قوی	یوند	بیلان	لوی	طوشقان	پارس	اوط	کستو
<i>Dongûz</i>	<i>It</i>	<i>Dakûk</i>	<i>Pichin</i>	<i>Koui</i>	<i>Yûnd</i>	<i>Yilân</i>	<i>Loui</i>	<i>Tauxkân</i>	<i>Pârs</i>	<i>Oth</i>	<i>Kesegû</i>
Sinesibus,											
Chû	Keû	Kî	Heû	Yam	Mâ	Xê	Lum	T'û	Hû, T'û	Nieû	Xû

Turcicorum populorum quidam, pro
primo سیکتان Sizjkân, pro secundo صغیر
Sagir, pro septimo ات At, nomina alia, at
eorundem animalium, usurpant.

Sinica hæc vocabula petita sunt ex Glof-
sariis, quæ habeo, illius linguæ: ipsas
vero ex iis Sinicas notas adscribere hic su-
pervacaneum duxi. Turcæ autem isti in
Kalendario Turcico, quod ab Æquinoctio
verno anni Hegiræ 1036, id est, Christi
1627, qui ipsis LEPORIS erat, Constanti-
nopoly institutum editumque fuit, vocantur

مغولاجین و حکماء دشت و ترکان تمغاج
Mogolo-Sinæ, Philosophi Solitudinis, &
Turcæ Tamgâzj: sic regem Cathæo-
rum, uti Sinarum australium regem مغول

Fagfûr appellari, quidam tradunt; alii idem
Tamgâzj cognomen Fagfuri esse: forsan à
Taminga vel Tanga, regis Sinarum familiis.
Ita ut hic commode intelligi possint Mogo-
li & Turcæ, qui ipsis Sinis permitti vivant;
sive in colonias deducti, sive aliter recepti.
Quin etiam Mogolo-Sinæ recte dici pos-
sunt Mogoli ipsi, ab imperio illo suo quod
potentissimum tenuerunt: nam hisce Turci-
cum illum annorum cyclum solennem esse
& usu pervulgatum, ex plurimis Mirc'on-
di, qui Mogolicas res Persice conscripsit,
locis manifestum est atque certissimum.
Absoluto autem Solitudinis nomine fere in-
telligi solet, quæ proprio قیچاق Kip-
châk, & Aytono Cumania vocatur; pla-
nities nempe illa, quæ ab extremo ortu in
occasum, supra mare Caspium usque Ponti
fines, se exporrigit longissimo tractu.

Hallucinantur autem plerique omnes, qui
de horis annisque Cathæorum tractarunt,
existimantes horarum Sinesium nomini-

bus, quæ antea adducta fuerunt, hæc ipsa
proprie Animalia significari. Atque in eo
etiam errore videtur fuisse Nasirodinus. Cu-
jus hanc arbitror existisse causam, quod illic
positum primæ horæ Sinicæ sive Cathæicæ
nomen Çû, & quod hic primum est Xû
denotans *Glirem*, tam parum differant enun-
ciatione, ut facile imponere homini pe-
regrino potuerint, & censeretur unum ac idem.
At plurimum inter se dissident characteres
ipsi: nam Çû quidem illud per 子; hoc
verò Xû per 鼠 designatur.

Neque expositi computi utriusque, Si-
nici & Cathæici, duntaxat forma, voces,
& significata conveniunt, ita uti ostensum
fuit; sed etiam utrumque ipso usu con-
gruere, & incidere in idem tempus, æque
certò demonstrari potest. Nam anno 642
Iezdagirdi, ultimi Persarum regis, fluxisse
Cathæis scribit Nasirodinus, cycli sexage-
narii annum decimum کوی یوو Quèi-
yèu dictum. Fuit autem ille Iezdagirdi
annus, Christi 1273; à quo ad annum
nostrum labentem 1654, si abjiciantur
sexagenarii omnes, post eundem annum
cycli decimum supererunt anni 21; hoc est,
à principio cycli erunt anni 31. Itaque hoc
ipso anno Christi 1654, fuit annus Ca-
thæorum tricesimus primus, qui illis dici-
tur کاو Kia-v'. Eidemque rei omni-
no consentaneum est, quod in Tabulis suis
Ulug-Begus, Tamerlanis nepos, inquit;
anno Hegiræ 847, id est, à nato Salvatore
Christo 1443, iniisse Cathæis primum cy-
cli sui sexagenarii annum کاژ Kia-çû
vocatam: prosequentes calculum ad hunc
præsentem usque annum, 1654, compe-
riemus iisdem Cathæis nunc labi کاو
Kia-v',

Kia-v', cycli nempe trigesimum primum. At eundem ipsum hoc nostro tempore inter Sinas computari annum, recenter ab iis re-
dux M. Martinus, & voce & scripto forte casu significaverat mihi, antequam illa duo Cathaici computi exempla apud Persicos scriptores observassem. Quæ quidem demonstratio ceu Mathematica censi potest.

Porro si supra tres cyclos sexagenos, Summum, Medium & Imum, de quibus ante diximus, eorumve systema centum octoginta annorum, major temporis mensura requiratur; Cathæi, inquiunt Nasir-
rodinus & Ulug-Begus, myriade sive decem millibus utuntur, quam وَن Ván appellant. Sed etiam ea ipsa vox plane est Sinicæ linguæ propria, & charactere suo tali pingi solet. Quanquam vero ab imperiis suorum regum, velut particularibus epochis, sua tempora deducant; tamen & antiquissimum exordium usurpant à primo conditu rerum. Atque ita, juxta exempla ab iisdem Scriptoribus producta, hoc nostro labente anno 1654, ab eadem epocha creati Mundi supputant ultra completas وَن Ván sive *Myriades* 8864, labentis 65 myriadis annum 71, qui & cycli sexag-
primi, Xáng Vén dicti, annus est trigesimus primus Kia-v', ut supra. Eumque جُوند Jünd, alii آت At, Eqv nomine insignitum habent Turcæ. Nimirum, quod etiam ante dixi, primus eorum annus كسگُ Kefegû, id est *Gloris*, convenit cum cycli sexagenarii Cathæorum primo Kia-çû. Atque ita hinc, velut à nota epocha, omnes Turcarum anni rursus prorsum cognosci atque computari possunt.

Etenim licet Indorum & Sinarum philosophi complures Mundum esse æternum credant; non pauciores tamen, initium Mundi æque ac æternitatem ejus definire nescientes, id ipsum mythico huic ac prodigioso numero, velut incomprehensibili seu finito & infinito simili, involvisse videntur: vel quas plures contigisse Mundi periodos, Interitus atque Restitutiones, opinabantur, talibus annis magnis metiti esse. Quibus vero gentibus id facere motus sit, Ignatius, Patriarcha Iacobita, ex Mesopotamia Chaldæus, frequenter à magno Scaligero in libris de Emendatione temporum laudatus, diserte recenset in commentariolo suo, quem de Orientalium Chronologia Arabice conscripsit. At ubi auctores alii hac in re maxime celebrant Cathæos, Ignatius eorundem loco substituit Sinenfes: ut eof-

dem esse ambos & ipse statuere videatur.

Etiam si nunc implevisse me putem munus, quod in me recepi; addere tamen visum est, si quid forte desit ibi, supplementum aliquod, vel quo humanitati humanitas magis respondeat, auctarium etiam aliud; ut quæ de Cathæis & Tartaris in ipso Atlante occurrunt, magis illustrentur, atque ipsa rei veritas confirmetur. Principio animadversione non indignum, Cathæorum nomen inde à multa antiquitate notum fuisse & celebratum Græcis; illis præcipue, qui de rebus Alexandri scripserunt. Hunc enim perhibent in Cathæorum usque ditiones protulisse arma: quas quidem non ita Q. Curtius appellat lib. 10, sed Sophitis regnum, quod prorsus cum illis idem esse ex lib. xv Strab. haud dubie apparet; ita dictum nomine regis, ut idem inquit, qui tunc temporis Καθαι, Cathayo imperabat. Id ipsum regnum optimis legibus moribusque fuisse rectum, & gentem præ cæteris sapientia excelluisse, eodem loco Curtius, & Diodorus Siculus lib. xvi tradunt. Quod vero ad situm spectat, eum auctores omnes referunt ad Indiæ fines, atque extrema cogniti eo tempore Orientis. Ptolemæus Geograph. lib. vi. cap. 15 Χαίτας, Chætas Seris proximos Scythas esse scribit; prout hoc Scytharum nomen ad illas usque ultimas Mundi plagas protendi solet. Si verò non ita exacte rem definiverint, ac quidem requiri possit; id nemini mirum videbitur cogitanti, quid eodem libri xv loco Strabo agnoscat: *propter ignorantiam & longinquitatem nihil de illis locis certo & accurate traditum esse, sed inflatus & portentosus omnia*. Ut etiam arguunt collectanea illa, quæ de monstrosis tractuum illorum populis Plinius habet lib. vii, c. 2.

Et quemadmodum apud historicos Græcos & Latinos, qui remotiores illas res literis mandarunt, longe rarior mentio fit Sinarum; ita posteriorum temporum scriptores, Arabes & Persæ, frequentius de Sinis verba fecerunt, quam de Cathæis. Eos nempe intelligo scriptores, qui ante annum Hegiræ 600, sive 1203 Christi, h. e. antequam Tartari Mogolici in Sinenfe regnum incursiones fecissent. Atque hoc ipsum Sinenfe regnum ab auctoribus illis à principio climatis primi vix ultra fines tertii exporrectum fuit: quæ magis Borealia essent, cum vix ullo modo perspecta haberent, gentibus fere Gog & Magog, noti quidem nominis, sed alioquin incognitis, attribuerunt. Qui vero deinde post Tartarici sive Mogolici Imperii initia scripsere, quando

intonuisset Orbi magni Cāni nomen & fama, servatis quidem iisdem Sinarum finibus, succedentium tractuum incolas Cathæorum nomine celebrarunt: Et قاتا Cata seu Catay, qui à Tartaris acceperunt, scribunt; unde alii خطا Catha & Cathay fecerunt. Horum Metropolim Cān Balek (ex quo Paulus Venetus Cambalu fecit) Abulfeda ita subijcit climati quarto, ut si inter discrepantes, quas de longitudine ejus & latitudine traditiones affert, medium teneamus; quā proximè conspirent ambæ in eundem situm, qui urbi Peking ex observationibus adscribitur in hoc Atlante. Neque minor in stupenda magnitudine est consensus, ut de qua narrari scribit Abulfeda, quæ superent omnem fidem. Sonat autem Cān Balek seu Cambalu, inquit P. Venetus lib. 2, c. 10, *Civitas domini* sive *royé-rodus*; scilicet Mogolorum tunc imperantium lingua. Nam Cām sive Cān, illis *Imperator & Princeps* est; Balu vero, id est, Orientalium & vera elatione Balak, ex ejusdem linguae voce بالتصون Balaklūn desumptum, *Civitas* est. Sic in Glossario quadrilingui, cujus mihi est exemplum, Arab. Pers. Turc. & Mogolico, eadem Mogolorum vox per Arabicam بال Beled, hoc est, *Urbs*, redditur. Neque dubium, quin aliud præterea illi nomen fuerit. Nam inde ab antiquis temporibus insignem fuisse, & regalem urbem idem P. Venetus subjungit.

Ex quibus omnibus, quæ jam diximus haud temere quis conjecturam faciat, Cathæorum nomen, uti primū Alexandri tempore auditum fuit inter Orientis Scythicas gentes; ita & ab hisce iisdem una cum ipso Tartarorum nomine iterum introitusse Arabibus, Persis, & aliis; per quos longe lateque nomen utrumque fuerit propagatum. Quod tunc temporis accidit, postquam Mogoli, quorum pars potior proprio nomine تاتار & تتر Tatâr & Tartar (vulgo Tartari) dicebantur, nempe Scythæ extra Imaum montem degentes ortum austrumve versus, reliquas nationes Scythicas, præsertim Orientales, sub jugum misissent, duce Amochtân Cān: qui firmato imperio novum nomen Chingiz (Changius Aytono) & primus cognomen Magni Cāni adeptus fuit, circa annum Christi 1214. Ille leges & jura condidit, quæ Scythice ياسا Yasa, & چنگيز خان, id est, *Constitutiones Chingiz-Canica* dictæ fuerunt. Hasce, velut sacra & divina effata quædam, religiose tutati sunt atque observarunt Successores omnes. Quadringento-

rum millium exercitum equestrem per myriades, chiliades, centurias atque decurias peculiari ordine instruxit: cujus partem alteram in ortum movere iussit; alteram in occasum. Et illic quidem Chinam invasit, Machinam & Catayum; hinc verò haud multo minora gessit, victo fugatoque præpotente Corasmiorum rege, Gelalodino. Inde iterum anno 1224 cum totis viribus expeditionem in Catayum suscepit: at triennio post extremum obiit diem, totque myriadum, quæ sub illo perierant (vix pauciores mille numerantur) cumulo etiam ipse superadditus fuit.

Huic in imperium legibus, armis, victoriis stabilitum, successit filius Okotai Cān, qui Abrahamo Zacutho in Iuhasin absolute rex Cathæorum, ceu maximi regni nomine, inscribitur. Successorem habuit filium Gayung Cān, Is ubi non multo post defunctus fuit, Principum ac summorum ducum consensione Mango Cān, qui Chingiz Cāni ex filio Toli Cān nepos erat, Universi (sic superbe loquuntur) Imperator evasit. Et fratrem suum Ulaco Cān cum exercitu infra Oxum in Assyriam misit anno Christi 1255: ubi regni Muhammedici caput, urbs Bagdadum capra, foedeque direpta, & continuata totos septem dies incolarum cæde, Imperator Mustâsemus pedibus Tartarorum contritus fuit, Califarum, sive Imperatorum, Abbassidarum xxxv, & Bagdadensium omnium ultimus. Quod factum fuit Anno Christi 1258, Febr. iv.

Excidii hujus causa in libro Iuhasin imputatur dicto nobis jam sæpius Nasirodino: quippe qui ad illud Tartaro auctor extitisset, ut contumeliam ulcisceretur, quam, post alias non paucas, ob librum à se conscriptum merita gratia loco retulisset à Califa. Eidem Tartarorum duci, & tunc Assyriæ regi, paulo post adornare cœpit tabulas illas Astronomicas, quarum jam meminimus non semel; summa illius liberalitate adjutus, non ad eas condendas tantum; sed etiam ad siderum peragendas observationes, quibus & quinque alii Mathematici insignes adhibiti fuerunt. Constitutum perficiundo operi totum duodecennium, & pro commodo loco collis quidam, ut inquit Abulfeda, extra Merâgam, celebrem Adjabenæ urbem. Interea Mango Cān moritur, & defuncti Imperatoris locum obtinuit frater ejus minor, Coblai Cān. Inde quadriennio fere post etiam princeps Ulaco Cān vita decessit, & filium Abgai Cān in occidui imperii sive Mediæ &

& Assyriæ partes reliquit successorem. Cujus tempore novis illis & antiquis observationibus superstructæ tabulæ Astronomicæ, quarum suprà facta mentio, ad finem sunt perductæ. Easque nomine *ایلخانی* Ilc'anicas (est autem Ilc'ân *Exercitus summus dux*) eidem Abgai C'ano dedicatas, Nasirodinus in lucem dedit. Ubi ante omnia rationem traditurus, qua ad plurium celebriorum gentium Epochas Tabularum suarum usus aptari posset, à Catayorum computo initium fecit: ut quod maxime illustre tunc Tartarorum imperium esset.

Post enumeratos V magnos C'anos, & summos simul Catayi reges, etiam VI eidem regno dominatus fuit Temûr C'an. Exinde glisciente inter Tartaros Muhammetismi religione, & à tantis fortunis corruptela morum, res eorum retro ferri, & dissolvi; tandemque imperium Catayo exterminatum, & extra in partes divisum fuit. Donec illud anno Christi 1384 alter Temûr C'an, nempe famosus ille Tamerlanes, occupavit; eadem stirpe cum Chingiz C'ân conjunctus. Etenim Buzengir C'ân, qui Mogolorum regum omnium sator fuit, Chingiz C'âni serie 1x, Temûr C'âni xiii pater erat. Hic ad occiduas inde à Mogolis, atque etiam boreales Asiæ partes, maximis potitus victoriis, & majores quoque ad ulteriora Orientis affectans, expeditionem in Catayum instruxit. Eo præsertim, uti videtur, animo & fine, ut augusta Chingiz C'âni gesta adæquare posset, & simul extirpatam à Cathæis ejusdem familiam suam ibi defixa vindicaret, Chingiz-C'ânici nominis per se cultor & observator maximus. At cum in Mogolorum confinibus, loco qui Anzâr vocatur, primarii ad eum duces, cognati, & legiones convenissent, anno Christi 1404, & ipse jam in procinctu esset ut castra moveret, ardentissimo ac fatali morbo correptus, & extinctus fuit.

Ex quibus omnibus manifestum est, non potuisse non Catayorum regnum esse perquam amplum, potens, & opulentum; cuius expugnationem nulli alteri gloria secundam duxerint duo bellicosissimi illi & maximi Imperatores. Et quia Mogolorum regnum, ubi propria velut & ab antiquo eorum sedes fuit, à Sinico regno haud ita procul absit; quinam populi Catayorum nomine indigitari possint præter ipsos Sinenses, prout peculiari hac meridionalium appellatione dici solent incolæ omnes, qui vastissimi imperii, Atlante hoc descripti, limitibus continentur? aut quid Catayum

fuerit aliud, quam ditio sive pars borealior quædam Sinensis regni?

Nunc vero & illa accedant, quæ de Cathæis retulere Ioh. Carpinus, & Guiliel. Rubriquis, aliique Religiosi, qui in Tartariam atque ad ejus reges publica auctoritate missi fuere: ille quidem anno Christi 1246 à Papa Innocentio IV, hic autem anno 1253 à Galliæ rege Ludovico IX. Inter cætera ferme hæc sunt: *Catayos ad Orientis extrema Tartaris conterminos ad ipsum pertingere Oceanum Eoum. Circa hosce fines glacie constrictas aquas subinde viam præbere, qua Tartari cum tota virium inundatione irrumpant: pretiosis opibus eosdem pollere Cathæos, & exquisitæ artis opera conficere; abundare copia oryza, atque ex ea parare vinum.* Denique ut uno caractere rem absolvam ex ejusdem Rubriquis Itinerario, cap. 37; *Illos penicillo scribere pictorum more, & ita quidem ut in una figura plures ducere lineas videantur.*

Duobus illis scriptoribus posterior fuit M. Paulus Venetus, atque hoc ipso longe recentior Aytonus Armenus, qui Tartariam quoque, & præterea Catayum perlustrarunt. Ex horum narrationibus, præter argumenta tum paulo ante, tum in Atlante inde adducta, etiam alia ad idem propositum spectantia facile hauserit studiosus lector. Ut quod P. Venetus in lib. 2. c. 26. edit. Basil. scribit, *Per totam provinciam Cathai ex montibus erui lapides nigros, qui accensi virum ignem retineant, & multis in locis penuriam suppleant lignorum.* & c. 27, *Invenisse se decem milliarium intervallo à Cambalu magnum fluvium in Oceanum se exonerantem, per quem naves multæ cum mercibus commearent, instratum marmoreo ponte pulcherrimo, qui trecentorum longitudine passuum, latitudine octo, arcubus seu fornicibus viginti quatuor inniteretur, sculptis leonibus superiorem marginem ornantibus; quales pontes multi in Atlante describuntur.* Item quod capite sequenti memorat *bivium quoddam, 30 circiter milliariis ab illo fluvio ante dicto: cujus una via ducat per provinciam Cathai; altera vero in regionem Mangi mare versus.* Hæc regio vero est *ماچین* Machin, ad austrum & ortum vergens pars Chinæ proprie dictæ. Namque c. 53. tradit, *Provincia Mangi regem fuisse Facfur nomine, divitem & potentem; quo præter magnum Can in illis regionibus nullus inveniretur major.* At in scriptis suis Arabes, Persæ, Turcæque testantur, hoc ipsum nomen Facfur (*فغفور* Fagfûr) effe-

runt

runt illi) Imperatoribus Sinensibus commune esse: quo fere modo suum Ægyptiis Pharaon fuit, Assyriis Califa, Tartaris suum Càn est. Idem tamen nomen esse exoticum credo, Scythicum aut simile, non Sinicum; quoniam à litera R Sinenses abhorrent. Unde hodieque in Oriente melioris notæ porcellana, hoc est, fictilia Sinarum vasa, *Fagfurina* dicuntur. Adde quæ de tot urbibus, mercatura, arte, ingenio incolarum florentibus, commemorat idem Auctor: quarum & nomina quædam in Fù definere videas. Hæc syllaba autem omnino Sinica vox est, propriè *magnam urbem* notans. Ex qua syllaba aliis subnexa plurimas urbium suarum appellationes conflant Sinæ; uti & Græcis multisque aliis gentibus mos est. Aytonus autem libri sui cap. 1, habet, *Cathai regnum in Orbe maximum esse, divitiis & innumeris thesauris, populique multitudine, industria, sagacitate, atque admirandis operibus nulli prorsus secundum. Homines angustis oculis esse præditos, & naturaliter quasi carere barba. Parvidos esse ac minime audaces: & quidem maripotius victores esse, quam terra.* Et c. 2, *Regiones eorum proferre se ad principium Mundi, ultra quod nulla aliarum habitatio gentium: minus enim tunc Iaponia nota erat. Nec non ditissimam provinciam, quæ vocatur Sim, procul dubio Sin, & Sina, seu pars ejus, habere situm inter regnum India, & regnum Cathai.* Et cap. 1, ac alibi: *Idem hoc regnum à Septentrione terminari deserto & monte Belgian: quem cap. 17 narrat divino velut miraculo superatum fuisse à Chingiz Can.*

Attamen Chingiz-Canicum in Catayo imperium (ut hoc quoque moneam) apud Catayos ipsos tum demum agnosci, ut videtur, & pro Æra usurpari cœpit, cum idem Catayum penitus & omnino subjugatum esset; & magni Cani legibus adeo obnoxium, ut, pretiosi licet metalli copia non deesset, non alia quam papyracea uti liceret moneta; quæ omne pretium haberet à solo Imperatoris impresso sigillo. Qua de re vide sis Aytonum, c. 1; sed imprimis Paulum Venetum l. 2, c. 21. Hoc quidem imperium Chingiz-Canicum, ut Nasirodinus inquit, Cathai ascripserunt anno, post 886; integras à creatione Mundi juxta sententiam suam myriades, labenti 9680; nempe Hexecontaëridos (& quidem tertiæ Hiá Vên vocatæ) anno ultimo Quei-hai: qui tunc concurrebat cum anno Domini 1263.

Hisce quoque subdicere fas sit, quod Con-

stantinopoli anno 1628 agentem me accepisse memini ex ore Astronomi regii, Muhammed Chelebi, viri haud vulgariter eruditi, cum quo tum familiaris verfabar: nimirum in Nasirodini nostri scriptis sibi lectum esse, grandia & affabre facta Astronomica instrumenta apud Cathæos exstare, & (si non fallat memoria) Nasirodino ipsi ibidem conspecta; atque ex eorum numero quædam, qualia hodieque apud Sinas superesse in Atlante legitur.

Denique pro Colophone addantur, quæ in descriptione urbis Cambalec noster habet Abulfedæ codex: nimirum (ipsa ad majorem fidem verba Arabica adducam)

قد جلت مدينة طمغاج وبلاد طمغاج
هي بلاد الخطا ونزعم المسافرون ان
السور دابر على بلادهم وضياعهم وسائر
عمارهم مسيرة ثلثة وعشرين يوما
في الطول من الغرب الي الشرق

Inclita evasit urbs Tamgâzj: sunt autem regiones Tamgâzj eadem qua Catayorum. Existimant qui illuc fecerunt iter, murum cingentem urbes eorum & oppida, reliquasque mansiones, in longum ab occasu in ortum exporrigi viginti trium dierum intervallo. Est itaque Catayum intra magnum illum & celebrem murum Sinensis regni. Idem & præcedentia de Catayo testimonia satis convincent, si quis ea cum Atlante Sinico componere non gravetur.

Illud Arabis testimonium de regno Catayorum, alterum Persæ de eorum rege egregie confirmat. Est ille eruditus & accuratus vir, Kasim Caxanus nomine; qui in suo Vocabulo minus cognitarum Lexico ita habet: *تنكو نام پادشاه خطا وختن* Tencu nomen est Imperatoris Catayorum & Cotenorum. At Sinicum Imperatorem Tiençu, id est, *Cæli filium*, appellari, ex Atlantis pag. 11, col. 2, clarum & certum est. Facileque dixerim, nomen Catayici Imperatoris supra allatum, nempe Tamgâzj sive Temgâzj, si origine Catayicum sit & non Patronymicum, ex hoc ipso nomine Tencu seu Tengu, ab Arabibus vel Persis ita fuisse detortum.

Atque hæc, qualiacunque sint, boni consule, humanissime Lector: & ingeniosæ genti, cæterisque paganis, mecum præcatus salutiferam veri Dei in Iesu Christo cognitionem, allucenti ex Oriente novæ rerum scientiæ fave, ac vale.

D E B E L L O T A R T A R I C O H I S T O R I A;

In quâ, quo pacto Tartari hac nostrâ ætate Sinicum Imperium
invaferint, ac ferè totum occuparint, narratur; eorum-
que mores breviter describuntur.

*Tartari,
antiqui
Sinarum
hostes.*



TARTARI (anti-
quissima in Asiâ
gens, & multa-
rum gentium prin-
cipium, jam à qua-
tuor millibus anno-
rum Sinico Impe-
rio inimica) sæpe
acria bella cum Si-

lus *Venetus*, & *Aytonius* vocant;) idque
ante magni Tamerlani tempora, qui num-
quam Sinas occupavit, ut perperam quidam
scripserunt. Floruit enim ille postquam jam
Tartari è Sina ejecti fuissent, nimirum circa
annum Domini M C C C C V I, quo tem-
pore *Taiçungus*, secundus *Taiminga* Fa-
miliæ Imperator, pacifice toti Sinæ impera-
bat, nimirum Provinciis omnibus, quæ in-
tra murum magnum clauduntur: Sinicum
autem bellum cum Tartaris, quod *Venetus*
tangit, (ut ex Sinica patet Historia ac Chro-
nologia) anno à Christo nato M C C V I,
inceptum fuit, & ipsos L X V I I I annos per-
duravit. His exactis annis tandem victores
omnino Tartari, totum potentissimum Im-
perium, extincta Sunga Imperiali familia,
occuparunt, anno nimirum M C C L X X V I I I,
& ita pacifice satis rexerunt annis L X X, no-
va stabilita familia, quam Ivenam voca-
bant; ex quâ, continua successione, no-
vem omnino fuere in Sinis Tartari Impera-
tores. *Venetus* autem nondum omnino
confecto bello Sinico, cum Tartaris Sinas
ingressus est anno M C C L X X V, ut patet
ex illius scriptis.

*Tamerla-
nus Sinas
non occu-
pavit.*

*Tartari,
qui.*

nis gesserunt, & quamvis aliquoties victi
fuerint, sæpius tamen victores extiterunt.
Tartaros autem voco gentem illam, quæ ad
partes Septentrionales sita est, ultra famo-
sum murum Sinarum, ab Occasu in Ortum
extensum, quo, per trecenta & plura mil-
liaria Germanica continuata quasi serie ex-
tructo, excluderetur, ne Sinicum Imperium
invaderet. Gentem hanc Sinæ ipsi jam ab
antiquis temporibus, ob litteræ R. defectum,
Tata vocant. Ea veterem Tartariam, tum
Orientalem hætenus Europæis ignotam,
tum Occidentalem incolit; ubi *Samahania*,
Tanyu, *Niuhe*, *Niulhan* & similia gentis
Regna, à minore Tartaria & Regno Cascar
nimirum ad mare usque Orientale supra Ia-
poniam; ubi per fretum *Anian* ab Ameri-
cæ *Quevira* separantur, si tamen hoc fretum
est, & non continens. Non est autem ani-
mus, omnia eorum bella cum Sinis habita
hoc loco describere; sed illa tantum, quæ
postremis his annis, nobis præsentibus, per-
acta sunt; reliqua in Epitome mea Sinica-
rum Historiarum reperientur. Ut autem or-
dine procedamus, unde, & quo modo hæc
orta sint, paulo altius petendum est.

*Tartari
etiam o-
lim Sinas
occupa-
runt.*

Sciendum ergo, Tartaros veteris Tarta-
riæ occidentales (de quibus *Marcus Pau-
lus Venetus*, & *Aytonius*) postquam totam
fere Asiam in suam potestatem redegissent,
Sinis etiam bellum intulisse (quorum re-
gionem *Catayum* & *Mangin* *M. Pau-*

Interea Sinicis deliciis fracti, Sinicos in-
duerunt mores, & paulatim fortitudinem
Tartaricam dediscentes, nimia debilitati
pace, Sinæ evaserunt. In eos itaque vilissi-
mus quidam homuncio, *Chu* dictus, insur-
rexit; erat is Idolorum sacrificulorum fa-
mulus. Hic gentis Sinæ sortem miseratus,
& regnandi ambitione tactus, primo latro-
nis egit personam; cui, cum natura genero-
sus, audax, manu ingenioque promptus es-
set, nec animus, nec artes, nec focii, nec
fortuna defuerunt; quibus paulatim excre-
scens, ingentes congregavit exercitus. Reli-
ctis ergo montibus & latronis persona, jam
Dux factus, aperto Marte Tartaros ag-
gredi

*Tartari
in Sina
Impera-
tores.*

*Vilis ac
infima
sortis ho-
mo Tar-
taros è Si-
na ejecit.*

DE BELLO TARTARICO.

gredi est ausus, ac multis confectis bellis, egregias de illis reportavit victorias. Demum ex toto Imperio Sinico eos omnino eiecit, & totum Imperium victoriarum primum habuit, anno Domini MCCC

LXVIII. Hic *Taimingam* Familiam Imperialem instituit, & primus illius Imperator, *Hunguus* dici voluit, quod magnum Belligerum sonat.

Facillime ergo tamquam patriæ Servator ab omnibus Provinciis fuit agnitus, eumque tanquam Sinam civem suum, summi æque ac infimi amplexati sunt. Sinica enim gens non magis externos odio prosequitur ac vilipendit, quam suos amat ac æstimat.

Quare in maxima *Nanking* urbe, ad *Kiang* maximi fluminis ripam (quod Sinæ ob magnitudinem & aquarum molem Filium maris vocant) Regiam sedem posuit; & brevissime stabilitis Imperii rebus, de suis Sinis securus, non contentus Tartarorum ex Sina

eiectione, in ipsam irruit Tartariam, & victoriam prosequitur; variis cladibus eos afficit, terramque foedissime vastat: demum ad tantas angustias Tartaros Orientales redigit, ut depositis armis, promisso tributo, pacem petere coacti sint. Hoc præcipue

Niuiche Tartari fecerunt, ad quorum terras Tartarorum pars ex Sinis profligata confugerat. Hi ergo quotannis per vicinas *Leaotung* terras, Sinas ingrediebantur, ad commercia tamquam subditi vel amici admissi, bellum autem non cogitabant, fere ad egestatem redacti. Adferebant autem Ginsen,

radicem illam à Sinis adeo æstimatam; animalium pelles omnis generis, Castorum, Vulpium, Martium ac Zibellinas pretiosissimas; demum & equorum crines, ex quibus Sinenses reticula sua conficiunt: quibus & mares capillos stringunt capitis, hoc ornamentum genere stolidi læti. Paulatim autem Tartari illi in septem Hordas sive Dynastias creverunt: & demum inter se bellantes, in Regnum unum evaserunt, circa annum Domini MDC, *Niuiche* Regnum vocarunt.

Occidentalioribus autem Tartaris *Tanyu* Regni, pace inita tributum vel dona Imperator Sinicus quotannis trans mittebat, ut ab armis quiescerent. Nec indecorum sibi hoc credunt Sinæ, ut bellum avertant, quod ex Philosophorum suorum doctrina damnant maxime, & solum suscipiendum, cum reliqua omnia ad quietem & conservationem Provinciarum desunt.

Interea meticulosi Sinæ, & antiquis suarum divitiarum hostibus parum fidentes, numquam murum illum magnum absque ingenti præsidio relinquebant, decies centena militum millia seu millionem (ut vocant) ad illius custodiam continuo alentes, qua longe ab Ortu in Occasum extenditur.

Imperium itaque Siuicum sic stabilitum ac firmatum, sub *Taiminga* Familia constanti pace ac quiete fruebatur fere per ducentos quinquaginta annos. Eo autem tempore quo Tartarorum septem Dynastæ inter se pugnabant, felicissimus *Vanlieus* Imperator, ex *Taiminga* Familia decimustertius, toti Imperio jura dabat. Hic Imperium sumpsit anno à partu Virginis MDLXXIII, & usque ad MDCXX, perbelle rexit, magna cum prudentiæ, tum æquitatis ac justitiæ fama. Interea vero *Niuiche* Regni Tartari ita excreverant ex quo in unum coluerant Regnum, ut Sinis indies magis magisque formidabiles essent: quare de illis in officio continendis & vastandis Sinici Præfecti secreta inter se consilia habuerunt. Tanta est autem penes Sinicos Præfectos auctoritas ac potestas, ut quamvis tamquam Regis sui mancipia ad illius nutum vivant; tantum in commissio sibi munere ob bonum publicum peragendo, tamquam absolutissimi domini agant, nisi vel ab Imperatore, vel à majoribus forte impediuntur Præfectis: atque ideo à Lusitanis Præfecti illi nuncupati fuere *Mandarini*, quia *mandare* ipsis ita proprium est, ac si suprema quadam potestate præditi videantur. Interea prætermisso nomine Mandarinarum, Præfectos eos nuncupabo.

Primo itaque Præfecti Tartaros mercatores male in *Leaotung* Provincia, quæ *Niuiche* Regno confinis est, excipiunt, ac bonis subinde privant: mox, cum Rex *Niuiche* Regni, filiam suam alteri Tartaro Regi in uxorem dare vellet, politicis rationibus Status adducti hoc ipsum impediunt: demum *Niuiche* Regem, nihil sibi ab amicis metuentem, fraude capiunt, ac perfide occidunt. Hujus vero filius, has ulturus injurias, collecta valida militum manu, repente murum magnum superat, per frigore concretum fluvium copias inducens, & eodem impetu ingentem Urbem *Caiyuen*, alii *Tuxun* dicunt, Tartariæ vicinissimam invadit ac capit anno MDCXVI.

Ex hac Urbe per Indum idolorum sacrificulum (*Lama* vocant) ad Imperatorem Sinicum epistolam mittit, Tartarico exaratum caractere sed non barbara continentem:

gens ad muri custodiam contra Tartaros.

In Sinis multorum annorum continua pax.

Tartarorum multiplicatio Sinis formidabilis.

Sina de Tartariis vastandis cogitant.

Prima belli Tartarici causa.

Secunda causa.

Tertia causa.

Prima in Sinas Tartarorum irruptio.

Stratagemata contra Tartaros.

Leaoyu metropolis obsidetur.

capitulum.

capitulum.

Origo Taiminga Familiae apud Sinas.

Nanking, regia Urbis.

Tartari victi ac tributarii.

Tartaria merces.

Sinicus Imperator sine infamia nota Tartaris dona dat.

Præsidium in-

Protestatio Tartarorum contra Sinas.

Sinicos quorum præfecti Sinas perbelle Tartarorum cum be-

luntia cendit. Bavarum a superstitio Tartarorum Regis sum.

Leaoyu metropolis obsidetur.

Stratagemata contra Tartaros.

Protesta-
tio Tar-
tarorum
contra
Sinas.

Sinico-
rum quo-
rundam
Præfectorum
superbia
Tartari-
cum bel-
lum ac-
cendit.

Barba-
rum ac
supersti-
tiosum
Tartari
Regis vo-
tum.

Leao-
yang
metropo-
lis obsi-
detur ac
capitur.

Stratage-
ma contra
sclopeta.

tem: in ea verbis plane humilioribus, ac submissione plenis, Imperatorem admonebat, se quidem ob acceptas à Sinicis Præfectis injurias, bellum movisse; Urbem tamen redditurum, ac arma omnino depositurum, si audiretur, & illata per injuriam damna sarcirentur. Accepta hac epistola, *Vanliens* Imperator, licet alioquin magna polleret prudentia, ac insigni esset in rebus agendis experientia præditus, in hoc tamen negotio jam senex minus provide egisse visus est. Nam minoris rem ducens, quam ut in Aula regia tractaretur, summis Præfectis causam commisit. Hi vero pro consueta superbia, nec responso Tartaricum Regem, tamquam Barbarum, dignati, quod inveniretur qui apud suum Imperatorem de injuria expostularet, indignabantur.

Tartarus Rex spretum se videns, nec responso de justissima re, quam petebat, dignatum, ira in rabiem versa, ut patri suo parentaret, ducenta Sinarum millia se occisurum vovet, more gentis. Tartari enim cum nobiliores moriuntur, simul famulos aliquos, mulieres, equos, arcus ac sagittas in rogum injiciunt, ut mortuo etiam post mortem servitia sint; quamvis modo, occupato Sinico Imperio, barbarum hunc morem reliquerint, ab ipsis Sinis correcti. Mox etiam ultricia arma circumfert, & cum quinquaginta equitum millibus *Leaotung* Provinciæ *Leao-
yang* metropolim infesto petit agmine, ac obsidione cingit. Urbem ingens militum numerus custodiebat, qui ut plurimum sclopeta armati erant: Tartari autem solo acinace, arcu ac sagittis, iisque admodum præstantibus incredibili dexteritate utuntur. Cum autem sclopetariorum pilas quam maxime formidarent, ignotum illis armorum genus stratagemate eluserunt. Militibus enim antesignanis crassum asserem pro scuto dedit Rex Tartarus, quo tecti ac constipati equites, ligneum parietem conficiebant; hos sequebantur qui scalas ad moenia scandenda portabant; ultimum agmen fortissimi occupabant equites. Ita ex quatuor partibus Urbem aggressus est: primas sclopetariorum pilas asserum muro excepit; tunc velocissime undique scalæ applicatæ sunt, moenia superata, ac demum Urbs occupata. Ea autem fuit Tartarorum velocitas (qua insignes sunt, cuique præcipuas roboris partes tribuunt) ut Sinis spatium non dederint ad denuo oneranda sclopeta, Nec parum Sinis obfuit sclopetariæ artis imperitia, unde repentino malo attoniti, qua data porta

fugerunt: sed à velocissimis Tartarorum equitibus occupati plurimi occisi sunt. Hac obtenta urbe, non diu cunctatus Rex Tartarus eodem impetu alias minoris nominis in suam redegit potestatem; inter quas etiam nobilissimam *Quangning* occupavit. Inde progressus quam celerrime, *Leaotung* Provincia superata, in vicinam *Peking* penetravit. Sed cum à regia urbe septem tantum aut circiter distaret leucis, ultra, ne intercluderetur, progredi timuit, quod undique Sinarum ingentes confluerent exercitus. Tantus autem regionis, per quam Tartari vagabantur, incolas ac milites invaserat pavor, ut maxima ex parte mœnibus vacuis relictis aufugerent. Tartarus enim resistentes urbes ac civitates non modo diripiebat, sed igne ac ferro omnino vastabat; illas vero, à quibus sine vi admittebatur, spoliata dumtaxat urbe, ac incolis salvis relictis, mitius tractabat. Ita quamplurimis collectis divitiis victor ad *Leaotung* metropolim reversus, novis mœnibus eam cinxit ac munivit, antiquis dirutis, ea infesta esse ab ariolis edoctus. Hic demum se Sinarum Imperatorem vorari jussit: & quamvis nihil ex Sinico Imperio occupasset præter ultimam illam Orientalem appendicem in *Leaotung* Provincia; tamen jam spe totum Imperium devorarat. Dictus est ergo Sinico nomine *Thienmingus*, anno regni sui tertio, qui fuit à Christo Domino MDCXVIII.

Eodem anno, Imperator *Vanliens*, rogatus à quibusdam ut Patres Societatis Jesu, Christianæ fidei propagatores, Regno expelleret; postquam sæpius abnuisset (nam Christianam rem ac Patres amore prosequabatur) tandem importunitate maximi cujusdam Præfecti, *Xinkio* dicti, victus, (qui capitalis Christianæ Religionis hostis pridem fuerat) decretum fecit, ut Patres, qui Christianam rem in Sinis procurabant, ejicerentur omnes. Per varias Provincias Patres sparsi erant; unde aliqui occulte à Christianis Præfectis servati sunt, reliqui caveis clausi, *Macaum* sunt ablegati; quo in itinere incredibilia die noctuque in summis angustiis illis perpeffi sunt; aliqui etiam crudeliter à Præfectis verberibus cæsi, non sine gaudio, quod digni habiti essent pro nomine Jesu aliquid pati. Ad hæc *Vanliens* Christianam Religionem suis interdixit. Hac occasione Sinenses, qui ex idolorum filvis ad Domini pascua accesserant, pulcherrima suæ Fidei ac constantiæ dedere exempla: cujus persecutionis narratio pro-

Varie Ci-
vitates
occupan-
tur.

Tartari
captas
urbes ut
trahant.

Tartarus
Rex, Si-
narum
Impera-
torem se
vocat.

Ob perse-
cutionem
in Chri-
stianos
motam
Deus Si-
nas punit.

prolixior etsi alterius est loci, perstringenda hic tamen fuit, ut Divinam Providentiam admiremur, quæ tunc acre bellum Sinis movit; quando rem pacemque Christianam perturbabant. Eo certè anno effectum est, ut Tartari radices illas in Sinico Imperio figerent, ex quibus tantum postea creverunt, ut *Taimingam* Familiam extirparint, ac Sinicum ferè totum occuparint Imperium, quando aliqui inter Sinas Christianam rem radicitus extirpatum ibant. Sed crevit, uti solent, persecutione Fides eam in magnitudinem, quæ hodie lætatur Ecclesia; & suum Sinæ Imperium, nisi rebus illorum afflictis succurrat Deus, pene amiserunt.

Tartari
in pugna
victores.

Interea tamen Sinenfes de expellendo hoste solliciti, per Præfectos tota Sina deletum habent. Sexcenta selectorum militum millia conscribunt: Rex etiam *Corea* (quæ oblonga peninsula est inter Sinam & Japoniam) duodecim millia Sinico Imperatori in auxilium mittit. Cum hoc ergo potentissimo exercitu circa Martii initium MDCXXIX in Tartaros movent. Tartari audacter obviam procedunt: aperto, & diu dubio Marte pugnatum: tandem Sinarum exercitus fusus, & quinquaginta millia cæsa, & præcipui exercitus Duces. Tartari, ut solent, velocissime victoriam prosequuntur: duas eodem die civitates diripiunt ac comburunt, igne ferroque vastantes omnia. Post hæc, prædantes ad ipsa usque *Peking* Regiæ moenia penetrant; urbis tamen expugnationem tentare non ausi, in qua infinita erat tormentorum copia, & ad octoginta militum millia præsidium. Fatentur Sinæ, tantum pavoris ac confusionis Regiam invasisse, ut jam de deferenda Regia Imperator cogitaret, ac Australiores petere Provincias decerneret: quod re ipsa fecisset, nisi Præfectorum aliqui obstitissent, suggerentes illi, hanc fugam animos Tartaris addituram, & omnino totum turbaturam Imperium; nihil enim aliud esse fugere, quam terras inimicis cedere. Fatentur præterea, quod si Tartari impressionem fecissent, urbem omnino occupaturos fuisset. Verum hi potius prædæ ubique inhaurunt. Longe enim lateque diffusi, urbes, civitates, ac oppida obvia diripuerunt, & ubique ingentem Sinarum vim crudelissime mactarunt; ac demum reliquis locis omnibus relictis sine præsidio, in ultimam *Leäotung* partem regressi sunt, spoliis onustissimi.

Abductis
prædis
rever-
tuntur
Tartari.

Post hæc anno MDCXX moritur Im-

perator *Vanliens*: succedit eodem anno filius *Taichangus*; qui, dum contra Tartaros novas colligit vires, nondum absoluto quarto Imperii mense, & ipse moritur. Succedit *Thienkins*; qui ubi Imperium assumpsit, destinato ad *Corea* Regem Legato, actisque de misso ad avum subsidio gratiis, consolatur eum de suorum clade in Sinico servitio accepta; magnificentissima ac Sinico Monarcha digna munera mittit, ea mente ut majora extorqueret auxilia. *Coreani* enim, ut situ loci, ita fortitudine bellicæ ad Japones accedunt proxime.

Moritur
Vanliens.
Succedit
Taichangus; sed
cito moritur.
Eligitur
Thienkins.

Ut porro solidius imminenti malo obviam iret, ex toto Imperio nova accersit auxilia: ita ingentes exercitus in *Leäotung* transmisit, Tartaris in reliquis Provinciis ulteriorem ingressum prohibiturus; quibus ut facilius provideret, annonam & reliqua submittendo, in *Thiencin* quoque portu ingentem navium classem præparavit. *Thiencin* autem statio est, ad quam quæ mari, qua fluminibus, ex tota Sina facile naves penetrant, ac congregantur incredibili sæpe numero. His igitur compendio itineris mari omnia facile submittebat. *Leäotung* enim Provincia tota fere mari alluitur, & maritimo itinere duorum tantum dierum à *Thiencin* emporio distat; cum terra in multo longiorem se tractum exporrigat.

Coreani
Sinis fortiores.

Nova
contra
Tartaros
præparaciones.

Thiencin
portus
commo-
dissimus.

Inter Duces auxilia adducentes, mulier fuit, quam vere Amazonem Sinensem vel *Penthesileam* alteram vocabimus. Illa ex *Suchuen*, Provincia satis remota, cum tribus millibus adfuit, viriles non modo animos, sed & vestes induta, imo & titulos assumens qui in virum, non feminam convenirent. Hæc non rara contra Tartaros dedit fortitudinis exempla; & postea quamplurima contra rebelles, qui in Sinicum insurrexerant Imperatorem. Venerat autem filioli loco, quem bello ætate non patrem domi reliquerat in proprio Regno. In montibus enim *Suchuen* Provinciæ Regnum quoddam est Sinis non subiectum, sed juris sui: solum quippe honoris causa titulum Regium ab Imperatore accipit Sinico; de reliqui Montani soli suo obediunt Regi, ac tributa solvunt: ac fortitudine bellica cæteris totius Imperii militibus longe præstant.

Amazon
Sina fortissima.

Hac usi occasione, Christiani Doctores (Doctorem autem summa isthic æstimatio atque auctoritas est) præsertim *Paulus* & *Michael*, Imperatori persuaserunt, ut à *Lusitanis*

Pium
Christianorum
inventum.

fitanis majora nonnulla tormenta peritosque eorum libratores deposcat: Erat Christianorum Praefectorum mens, eadem occasione Patres ac rem Christianam apud Sinas restituere. Placuit res Imperatori: Patres, qui haecenus occulte rem Divinam procurabant, adesse jubentur; novi non pauci admissi cum Lusitanis militibus sunt: ita res Christiana, consensu Imperatoris, ad haec usque tempora, fremente daemone ac Christianae Religionis inimicis, perbelle processit, continuoque augetur. Ac Deus quidem Imperatoris in rem Christianam amorem liberalissime remuneratus est. Antequam enim Lusitanica advenirent subsidia, & Tartari omnino ex *Leaotung* ejecti sunt, & incolae nimiam Tartari Regis crudelitatem detestantes, advenientibus Sinis ultro portas aperuere, in praesidia sic insurgentes, ut ipsam etiam metropolim *Leaoyang* recuperarint. Nam Rex Tartarus, aliis bellis in Tartaria occupatus, subvenire in tempore non potuit. Ita partim res Imperii respirarunt, partim Tartari repressi sunt.

Tartari omnino ejiciuntur.

Iterum Tartari bellum movent.

Leaoyang urbs iterum obsidetur ac capitur.

Proditor Sina.

Ceterum quamvis instabilis fortuna Sinis latiore ostenderet vultum, quietam tamen, more suo, non fuit. Nam Rex Tartarus, confectis in Tartaria rebus, iterum in *Leaotung* irrupit, ac praemissis sexaginta equitum millibus imperavit, ut metropolim *Leaoyang* obsidione cingerent; se deinceps priorem exercitum cum majoribus copiis subsequiturum. Quadraginta horarum spatio munitissima urbs iterum in Tartarorum pervenit potestatem, quibus tanta contentione utrimque pugnatum est, ut ex Sinico praesidio triginta millia desiderarentur. Nec Tartaris incruenta victoria fuit: magnam enim & quantam vix antea stragem acceperunt, viginti millibus suorum desideratis: imo urbem non recuperassent, nisi à Sinico Praefecto, ingentibus sponsonibus corrupta, porta, ut Sinæ loquuntur, aperta fuisset. Utur fuerit, Tartari urbem receperunt: Prorex dolore victus suspensio vitam abruptit: Visitator Regius vivus in hostium venit potestatem; numquam tamen Tartaris honorem aut nomen Regium dare voluit, indignum ducens, Barbaro se submittere. Ea constantia ab ipsis hostibus laudata, libertatem obtinuit. Verum qui ab hoste vita donatus est, illo longe crudelior, eam laqueo sibi ipse ademit, quod sciret, more gentis, apud Sinicum Imperatorem mortis se esse reum, quia infeliciter pugnarat. Occupata in hunc mo-

dum urbe, Tartari civibus edicto publico significarunt, neminem se occisuros, si more Tartarico capillos raderent, ac vestes Tartaricas induerent. Tartari enim (ut ex occasione nonnullos eorum describam mores) capillos non alunt; caput continuo radunt; barbam etiam totam eradicant, oblongis relictis mystacibus; in occipite modicos sinunt excrecere capillos, quos pulchre contexunt, & ab humero quasi caudam contemptim demittunt: biretum capiti aequale rotundum gerunt, at humile; hoc pretiosae pellis fascia per circuitum ambit, ad duorum vel trium digitorum latitudinem (ea plerumque castoris vel zibellinarum est;) haec pellis aures, frontem ac tempora à frigore defendit: quantum vero bireti supra pellis fasciam eminet, tantumdem rubra byssus undique sparsa tegit, vel nigri aut purpurei equorum crines, quos pulcherrime tingunt: gestamen plane commodum nec inconcinnum. Vestes illis sunt oblongae, ad talos usque demissae, sed strictis manicis (non latis, ut Sinarum sunt) & parum ab Hungaricis aut Polonicis differunt: manicae in equinae ungulae figuram desinunt: cingulo se stringunt, ex quo à lateribus utrimque strophila pendent, ad faciei manuumque munditiam: cultellus etiam ad usum pendet, & marsupia duo, in quibus tabacum aut similia servant. Sinistro latere ex eodem cingulo acinacem ita suspendunt, ut acumen praecedat, manubrium à tergo elevetur; unde etiam à tergo dextera manu extrahunt cum pugnant, quod una manu fit absque vaginae contactu. Calceis vix utuntur; ocreas sine calcaribus adhibent, ex curato equino corio, aut serico panno factas; soleas saepe ad trium digitorum altitudinem pulchre aequales extollunt: stapedes equitando adhibent; ephippia nostris humiliora sunt, & latiora. Ceterum satis pulchra faciei ac corporis constitutione sunt, albo colore; latam plerumque ut Sinæ faciem habent, nasum non omnes aequè summum, neque oculos tam parvos: parum loquaces, & quasi cogitabundi equitant: mores eorum reliqui, nostris Bosphori Tartaris non absimiles, sed minus barbari. Exteris mire gaudent: morosam Sinarum gravitatem non ferunt; atque hac de causa in primo congressu humaniores apparent.

Edictum Tartarorum.

Tartarorum vestis, ac mores.

Haec de illorum moribus pauca. Ut vero ad urbem ab illis occupatam revertamur; cum in ea ex aliis Provinciis quamplurimi ditissimi adessent mercatores, libe-

Tartaro-
rum per-
fidia.

rum illis discessum cum rebus suis permiserunt, jubentes ut quamprimum urbem defererent. Hi non intellecta Tartarorum perfidia, cum divitias ac merces egressi urbe exportarent, vix tribus millibus passuum ab urbe aberant, quando à Tartaris invaduntur, & ad unum necantur; illi spoliis ditissimi, in urbem timore plenam (nam similem Tartarorum perfidiam formidabant) regressi sunt.

Tartari
quie-
sunt.

Verum, quia Tartaris magno stetit prædictæ urbis expugnatio, suorum clade deterriti, ultra progredi non sunt ausi: nam in reliquis urbibus similia timebant. Sciebant enim omnibus optime provisum à Sinicis fuisse Præfectis. Imperator enim *Thienkius* non modo antiqua loca bene munierat, verum multas in difficilioribus aditu locis munitiones extruxerat; quas inter *Xanghai* maxima ac nobilissima erat in Insula *Cu*, ubi ingentem militum numerum disposuit, quibus Tartaris transitum prohibebat. Sed maxime Tartaros inhibuit fortissimus Dux *Maovenlungus*; qui ingenti classe Insulam *Coreæ* vicinam occupaverat in faucibus *Talo* fluminis. Hic Tartaros à tergo infestavit quàm-maxime, adeoque sæpissime in variis velitationibus fudit: unde totam Tartarorum in se curam converterat. Erat *Maovenlungus* ex *Quangtung* Provincia, ubi ex Lusitanorum commercio multa rei militaris rudimenta didicerat: quamplurima etiam tormenta, quæ naufraga Hollandorum navis in littore deposuerat, consecutus, eorum non nullis moenia *Ningyvensium* instruxit. Hanc enim urbem Sinarum Imperator loco *Leaoyang* Metropolis titulo donaverat, in qua novus Prorex, ac Regius habitabat Visitator, cum exercitus robore.

Nova
Metropo-
lis in
Leao-
tung.

Fidelissi-
mus Sini-
Dux.

Clade af-
ficiuntur
Tartari.

Quieverere itaque Tartari ad annum usque *MDCXXV*, quo demum cum maximis copiis *Ningyven* novam metropolim aggressi sunt, postquam magnis promissis *Maovenlungi* fidem tentassent. Ut ad suas eum partes allicerent, dimidium Sinici Imperii promittunt, si ad illud occupandum cum delecta suorum manu se adfuturum sponderet: at ille non minus fortis quam fidus, spretis Tartarorum promissis, *Ningyven* urbi per suos auxilio fuit: unde Tartari cum clade decem millium reiecti, inter quos & Regis filius. Quamobrem ira frementes, per concretum mare *Thaoyven* Insulam invaserunt; decem millia præsidiorum ad unum occiderunt, & incolas

omnes miserè trucidarunt: atque ita cladem acceptam ult, in Tartariam redierunt, non quiescendi animo, sed vires majores congregandi. Ita rebus ad annum usque *MDCXXVII*, quo *Thienkius* Imperator adhuc juvenis obiit, utcumque quietis, cum eo Sinicum Imperium quodammodo corruit. Sed & Tartarus Rex, eodem anno, qui crudelissime tot occiderat homines, mortuorum numerum auxit. *Thienkio* in Sinico Imperio successit illius frater *Zungchinus*, infelicissimus Imperator ob suorum perfidiam; de quo plura infra. A *Thienmingo* vero Regnum Tartaricum ad *Thienzungum* filium devenit. Hic patris gubernandi modum mutavit: Sinas melius tractare cepit, ac humaniter excipere, salubri quidem consilio, si longior ei vita contigisset; sed & bono eventu, quia filio exemplum reliquit, comitate potius quam armis debellandi Sinas.

Hoc autem anno, cum insolentes *Maovenlungi* milites ab hostibus orium haberent, amicis Coreanis, rapinis ac aliis militariis insolentiis negotium facebant: vicinas terras ubi in præsidio erant, *Hienkien* præcipuè Provinciæ incolas ita vexarunt, ut eorum quamplurimi indignatione moti, ad Regem Tartariæ transferint; cui & suaserunt, ut per milites Coreano indutos habitu, Sinicum invaderent exercitum, nihil sibi ab amicis Coreanis metuentem; & suam insuper ad hoc facinus (Patriæ, Regi, ac Sinico Imperatori perfidi) operam obtulerunt. Placuit Tartaro consilium: Pro-regem ergo cum potentissimo exercitu mittit. Hi itinera monstrantibus Coreanis, nihil tale suspicantem Sinicum exercitum, per agros palabundum invadunt. Ac primum quidem nondum paratum ad vim repellendam, ingenti strage afficiunt; deinde, ubi *Maovenlungus* Tartaros esse animadvertit, quanta potest diligentia ordines instruit, ac egregie Tartarorum vim repellit. Pugnatur utrimque acerrime, donec tandem *Maovenlungi* virtus coacta est cedere. Cum suis itaque ad naves fugit, ac Insulam repetit, relicta manu quæ Tartarorum vim sustineret, dum reliqui naves conscenderent. Tartari, quod eum omnino non debellassent, & *Maovenlungus* evasisset, quem unicum petebant, se à Coreanis deceptos credunt; præsertim cum & cruentam habuissent victoriam. Inde ira frementes, in ipsos perduelles irrupunt, & ad unum necant: id quod & ipse Rex Tartarus postea damnavit. Eodem deinde impetu,

Tartaro-
rum cru-
delitas.

Moritur
Thien-
kius Im-
perator,
& Rex
Tarta-
rus.

Zungchi-
nius in
Sinis eli-
gitur Im-
perator.
Thien-
zungus,
Rex Tar-
tarorum,
huma-
nior.

Militum
insolentia
Coreanos
exaspe-
rant.

Tartari
in Co-
ream in-
troducti.

Maoven-
lungus
invadit.

Corea
vastatur

Trium
exerci-
tuum pu-
gna, ac
strages.

Orienta-
lis Lea-
tung par-
Tartaris
paret.

Lusitani-
ca auxi-
lia ad-
sunt.

Subdolu-
ac perf-
dus Sina-
rum Dux

con-

Corea
vastatur.

Trium
exerci-
tuum pu-
gna, ac
strages.

Orienta-
lis Lea-
tung pars
Tartaris
paret.

Lusitani-
ca auxi-
lia ad-
sunt.

Subdolu-
s ac perf-
idus Sina-
rum Dux.

confines Tartariæ Borealiores quatuor Co-
reæ Provincias depopulantur. Interea Rex
Coreæ exercitum suum colligit, ut Tarta-
ris resistat; & *Maovenlungus* quoque repa-
ratis viribus Coream ingreditur, cladem à
Tartaris acceptam ulturus. Pervenerant
jam Victores Tartari ad fauces montium,
per quos ad Regiam urbem Coreæ iter est,
septem leucis ab ea distantes: has Rex Co-
reæ cum magno occupaverat exercitu,
quem Tartari animose invadunt. Vix præ-
lium inierant, quando magnis itineribus
Maovenlungus adest, & à tergo Tartaros
adoritur. Hi à fronte ac à tergo clausi, ubi
nullum nisi in manu & armis effugium vi-
dent, salute utrimque desperata divisi, duo-
rum exercituum vim egregie sustinent. Pu-
gnantium is ardor fuit, cui parem Sinæ
numquam viderant. Mira dictu res, ex tri-
bus exercitibus nullus victor fuit, deleti pro-
pe omnes: ex Tartarico quinquaginta mil-
lia desiderata sunt; ex Coreano septuaginta
millia; ex Sinico autem rarissimi evase-
runt: quod maxime in eum Tartari, ape-
riendæ sibi fugæ irruissent; qua data, effu-
se Tartariam repetivere. Ita eorum nullus
victoriam obtinuit, aut victoriæ cursum
prosequi potuit: Coreæ tamen Rex, repa-
rato utrimque exercitu, vacuas à Tartaris
Provincias facile recepit suas.

Post hæc sæpe *Leaotung* ingressi Tarta-
ri, Orientalem partem totam in suam rede-
gerunt potestatem; inde in aliam partem
ingressi, prædas egerunt; pedem tamen fi-
gere numquam potuerunt; sæpe cladibus
affecti sunt, ac repressi. Iam enim Lusitani
tormentorum tractandorum periti septem
advenerant, qui tum per se, tum per Sinas
à se edoctos egregiam Imperatori Sinico na-
varunt operam; præcipue ubi summam bel-
li regebat *Sun Ignatius* Pro-rex, Christianis
sacris initiatus; de cuius rebus ac exitu ali-
qua infra dicenda.

Hoc rerum statu, Imperator *Zungchi-*
nus cum ampla potestate, ac novis exerci-
tibus *Yvenum* Ducem misit in *Leaotung*,
eique mandavit ut pacem iniret cum Tarta-
ris, si illam admitterent. Iam enim intra
Sinicum Imperium latrones exorti, illud per-
dituri excreverant, qui magis quam Tartari
Imperatorem anxium habebant. Erat *Yve-*
nus subdolo ac astutissimo ingenio prædi-
tus, sermone simul & calamo eloquentissi-
mus, qui rationibus ex militari peritia de-
ductis, non modo Imperatorem, sed & Re-
giæ summos Præfectos dementarat. In eo

itaque spem totam Sinæ posuerant: nec
spe sua Imperator frustratus fuisset, si ne-
quissimus *Yvenus* bonum publicum ac fi-
dem speratis divitiis prætulisset: nam à Tar-
taris ingentem auri vim accepit; quo cor-
ruptus, primo *Maovenlungum* (quem unum
Tartari timebant) fidissimum ac fortissi-
mum, convivio exceptum, propinato vene-
no necavit: deinde iniquissimis conditioni-
bus pacem cum Tartaris fecit, ad Tartaro-
rum arbitrium, quorum opibus inhiabat.
Eas condiciones, à Pacificatore empto ad-
missas, ubi Imperator vidit, indignatione
motus, rescidit. Quid faciat hoc loco *Yve-*
nus? Ut Imperatorem ad eas admittendas
cogeret, anno MDCXXX Tartaris suadet,
ut alia via, non per regionem quam ipse
cum præsidio habebat, Sinas ingrediantur;
se enim nihil moturum. Tartari cognita il-
lius avaritia, securi consilium admittunt, à
tergo jam nihil metuentes, *Peking* Provin-
ciam ingrediuntur; quamplurima diripiunt
loca; urbes ac civitates vastant; ipsam de-
mum *Peking* Regiam obsident. Iam Præ-
fecti Imperatori suadebant, ut ea relicta Au-
strales peteret Provincias: at ille mortem
sibi potiore ratur, quam è Borealibus par-
tibus fugam; ne ex Regia quidem abeundi
facultatem cuiquam concessit. Interea Tar-
tari impressionem faciunt, & cum clade
suorum sæpius rejiciuntur. Advocatur etiam
Yvenus, cujus nondum innotuerat perfidia,
ut Tartaris resistat. Adest illico, ne videatur
perduellis: ad ipsa usque mœnia Regiæ acce-
dit, cujus vastitas magnum inter duos exer-
citus intervallum erat, unde & Tartaricus
& Sinicus videbatur exercitus. Sed *Yvenus*
nihil magni agit; imo Imperatori persuadere
conatur, ut à se factas Pacis condiciones ad-
mittat. Mens una illi erat, ut quàm ditissimus
domum suam rediret. Nec fefellit *Zung-*
chinium proditoris, quamvis alta simulatio-
ne tecta, cupiditas. Ergo nullo cum Præ-
fecto re communicata, *Yvenum* invitat in
urbem ad militare consilium. Per murum
intromissus est, nulla aperta porta, obten-
dente Imperatore nimiam Tartarorum vi-
cinitatem; revera autem, ne illius ingre-
deretur exercitus. Habebat summos Præ-
fectos fautores aliquos ac amicos *Yve-*
nus, à quibus cum non admoneretur de in-
festo Imperatoris animo, quem & ipsimet
ignorabant, satis securus ingreditur. At
ubi vero ad conspectum Imperatoris venit,
capitur illico, & brevi habita quæstione
trucidatur. Tartari cognita illius mor-
te,

Maoven-
lungus
veneno
occiditur.

Regia Pe-
king obsi-
detur.

Perfidus
Dux mi-
ra arte
capitur
ac occidi-
tur.

Tartari Peking Provincia vastata, excendunt. te, antequam novus daretur Sinico exercitui Praefectus, urbe Regia relicta, circumjacentem Regionem vastant, in *Xantung* usque progressi: demum spoliis onusti in *Leaotung* regrediuntur. Post hæc ad annum usque MDCXXXVI varia fuit belli fortuna; numquam tamen Tartari intra

Moritur Tartarorum Rex; alter succedit.

Zungteus, novus Tartarorum Rex, comis ac prudens.

Comitas potior in occupandis Regnis.

Barbarus Sinarum mos.

Sinas pedem figere potuere, semper eieci. Eodem anno moritur Tartarus Rex *Thien-Zungus*, cui filius successit *Zungteus*, qui, modo Sinicum Imperium gubernantis, pater fuit: de quo hæc sunt memoria tradita.

Jam antequam regnare coepisset, magnam prudentiam præ se tulit *Zungteus*; comitatem in primis ac reliquas Regias virtutes, si quis alius gentis suæ, coluit. A patre missus, adhuc puer, Sinicas indutus vestes, inter Sinas occultus vixit; mores, litteras, doctrinam ac sermonem Sinensium accurate perdidit. Regnum adeptus, Decefforum suorum gubernandi modum in melius mutavit; patrisque exemplum hæc parte secutus feliciter superavit. Nam animadvertens suorum nimiam crudelitatem in tractandis Sinis, ne quid magni efficerent, obstitisse; ut Imperium, cui inhiabat, non minus amore quam armis subigeret, alios mores induit: advenientes Sinas quoscunque amore & benevolentia demerebatur, captivos bene habebat, & ad obsequium suum invitabat, vel liberos dimittebat. Ita, crescente comitatis ejus fama, quamplurimi Duces & Praefecti ad eum confugebant: à quibus deinde adjutus, sicut eorum amorem sibi conciliare noverat, ita & Imperium magna ex parte occupavit. Satis enim constat, plus sæpe in obtinendis ac firmandis Regnis valuisse amorem, quam arma; & nimia in subditos sævitia frequenter amissum, quod armorum potentia fuerat feliciter occupatum. Ubi ergo Sinis innotuit, se apud Tartarum Regem non modo asylum, sed & gratiam habere, plurimi, Sinici Imperatoris iram fugientes, ad Tartarum se recepere. Est enim Sinicæ gubernationis inhuma illa quidem, sed in specie necessaria, ob quorundam perfidiam ac avaritiam consuetudo, ut Duces & Praefecti illi morte mulcentur, in quorum administrationem infelicius quidpiam inciderit: facile enim sibi persuadent, illud non ex inconstantis fortunæ vicissitudine ortum, sed vel ex negligentia, vel perfidia. Si quis adverso Marte pugnam iniit, si commissam sibi Provinciam perdidit, si populi defectione, milites seditione tumultuantur, ea Reip, vulnera,

undecumque provenerint, ad Praefectos transeunt, quorum paucis vita relinquitur. Cum itaque non rari Duces aut Praefecti hinc Tartari humanitatem, inde Imperatoris iram reformidarent, hanc fugientes, illam data occasione amplectebantur.

Quæ res me admonet, ut quid Proregi *Ignatius* ^{fortissimus Dux Christianus, injuste occiditur.} *Ignatio*, Deo ac Regi fidissimo non minus quam fortissimo Duci acciderit, exponam. Hic, tota stupente Sina, Tartarorum asylum, & suorum militum promissas vires vitæ postposuit ac fidelitati; & maluit in ingrata Patria, etiam injusta ex sententia, carifici caput amputandum submittere, quam vel illam relinquere, vel minimum in Imperatorem, etiam iniqua statuentem, crimen committere. Poterat fortasse (ut milites illi *Ignatii* ^{fidelitas.} suadebant sui) & Regnum occupare; sed occumbere maluit, quam infidus, vel Patriæ profugus ac proditor audire. Postquam ergo non raras habuisset victorias, & quamplurimas à Tartaris recepisset urbes, ac omnino eos jam debellandi spes adesset, accidit, ut illius milites, multo tempore solitis stipendiis carentes, per seditionem, amicam urbem invaderent ac diriperent. Sæpius *Ignatius* de suorum militum inopia Imperatorem monuerat, & stipendia per supplices libellos petierat: sed ejus libelli in Regia à Praefectis supprimebantur, quorum avaros animos pecunia aut donis, ut reliqui solent, non emebat. Præterea cum Christianis sacris initiatus esset, ac vere pius, nihil nisi rationi ac justitiæ consentaneum in sua agebat gubernatione. Qua re Expressætorum præcipue in se odium accendit, qui (ut est pluribus solemne) ob accepta à litigantium parte munera, contra aliam partem favorem petebant apud *Ignatium*. Sed *Ignatii* ^{justitia.} frustra erat, si à postulatis abesset justitia. Quam illi repulsam non virtuti, sed superbix tribuentes, seque ab *Ignatio* contemptos rati, cum amicis in Regia Praefectis agebant, ut stipendia differrentur, hac ratione *Ignatium* perdituri. Accedebat & ipsorum in Regia Praefectorum invidia & indignatio, non ferentium hominem sua virtute ad illam pervenisse dignitatem, quam solis Doctoribus debitam crederent: perinde ac si doctiores etiam fortiores essent. Erat enim *Ignatius* secundi litteratorum gradus, & Lauream Licentiati, non Doctoris, obtinuerat. Hoc rerum statu, seditione non contenti milites, ubi proximum amantissimi Ducis periculum ipsorum causa infanti jam incumbens animadvertere, ut Pro-

ut Provinciam sibi occupet, ac regnet, hortantur: imo ut debitum jam pridem tantæ virtuti Imperium invadat, persuadere conantur; operam ad omnia fidelissimam spondent; extirpandos clamant Præfectos, qui privato potius odio explendo, quam Imperatoris sui promovendo obsequio studerent. Sed *Ignatius* prudentibus monitis militem à majori violentia prohibet, imò obsequentem reddit & quietum, ac pro Sinico Imperatore stare jubet, cui fidem jurasset; auctores etiam præcipuos seditionis punit. Merebatur hæc *Ignatii* fidelitas majorem æstimationem ea, quam apud Imperatorem, vel summos in Regia Præfectos invenit. Ea enim contemptui habita, submisso alio Duce ac Prorege, *Ignatius* in Regiam adesse jubetur. Non ignorabat se tunc temporis ad mortem peti; quod & militibus suspicari facile erat: unde ira frementes pro illo arma sumunt: nullo pacto se Ducem suum optimum deserturos conjurant, & denuo *Ignatio* suadent ut ad Regiam non accedat: *Nostrium*, inquiunt, *erit te incolumem conservare; nobis vires sunt, perfidorum emulationi & potentia pares.* Ad hæc surdus *Ignatius* indignantes demulcet, urgetque ut Imperatori suo fidelem semper operam navent. Atque ita maluit ingratum patriæ solum proprio sanguine irrigare, quam inimicorum suorum sanguinem militum viribus propinare, satius ducens in patria subire immeritam necem, quam ad invitantem Tartarum confugere. Non eadem quamplurimis illius exercitus Ducibus ac militibus fides fuit. Ad Regem enim Tartarum defecere, multorum exemplum secuti, quos à Tartaro bene exceptos videbant, non vero *Ignatii* in fide constantiam. Horum jam aliqui Tartarorum sunt summi præfecti in Sinico Imperio; aliqui etiam Regulorum obtinuerunt dignitatem, quia fidelem illi contra Sinas operam navarunt, cuneorum instar, qui in sui generis ligna facillime penetrant.

Ceterum hoc bellum Tartaricum, quamvis Sinis hæcenus magnum fecisset negotium, deinceps tamen quasi sopitum elanguit: ita ut Sinas à majoris damni metu securos redderet. Occidentalis enim *Leão-tung* pars undequaque valide munita erat, & ingens in confiniis contra Tartaros exercitus stabat, qui insulam *Cu* occupans, ulteriorem ingressum intercludebat Tartaris, qui Orientalem occupabant partem. Maximum itaque periculum à perduellibus ac latroni-

bus intra ipsum fuit imperium; à quibus demum destructum est, ac Tartaris traditum. Supra jam horum motus attigi: deinceps fufius de illis agendum, ut, quo pacto Tartari Imperium occuparint, intelligatur.

Primi perduelles insurrexerunt in *Sin-chuen* Provincia, quorum tam prospera fuit fortuna atque audacia, ut post direptas multas civitates; demum & Metropolim ipsam *Chingtu* obsiderent; de qua & actum fuisset, nisi Amazon illa Sinensis supra memorata cum suis subvenisset. Ejus igitur fortitudine inde cum clade expulsi, sed non omnino deleti, montes repetivere; novas perditorum hominum turbas congregantes.

Hos secuti sunt alii in *Queichen* Provincia, qui ob latam injustam sententiam in lite duorum Dynastarum, insurrexerunt, duce usi, qui causa ceciderat, Magnate; ac primo impetu Præfectos injustæ sententiæ auctores occiderunt, & Proregis exercitum fuderunt. Verum reparato mox exercitu, ab eodem superati, sed non extincti sunt.

Sub hæc urgente fame, quæ ingens eo tempore in Boreali Sinarum parte per inauditam locustarum plagam fuit, quamplurima alia latronum capita exorta sunt, præcipue in *Xensi* Provincia ac *Xantung*. Hi primo, numero pauci ac viribus, prædas per pagos & oppida agebant, inde montes petentes in iis latitabant; cumque tam facile negotio sine ullo labore non modo cibos, sed & divitias raperent, quamplurimi continuo aggregabantur. Huic seditioni magnum incrementum addidit Imperatoris *Zungchi-nii* insignis avaritia, qui à populis tributa omnia extorquebat, perinde ut anno felici rebusque florentibus. Hi ergo cum à Præfectis reprimi citò non possent, paulatim numero ac animis aucti, in octo per varias Provincias creverunt justos exercitus. Ab his ut quisque manu audaciaque promptissimus habebatur, in Ducem eligitur; & mox acta jam latronis persona, armis ac divitiis fortes, jam ad ipsum aspirant Imperium. Ac primo quidem, ut quisque alteri præriperet quod ipse optabat, inter se pugnarunt: demum res eo devenit, ut duo tantum Duces præcipui superessent, qui reliquorum milites, post victorias, extinctis eorum Ducibus, ad sua sequenda vexilla ac fortunam invitarunt. Illi verò cum minime dubium expectarent supplicium, si quo casu à Sinicis Præfectis exciperentur, facile victorem sequebantur. Primus inter hos latronum Duces *Licungzus* dictus est, secundus

Potissima
perdendi
Sinici
Imperii
causa La-
trones.

Latrones
varii.

Latrones
reprimuntur,
sed non
deletur.

Fames
Latrones
auget.

Et avari-
tia Impe-
ratoris.

Latrones
Duces
evadunt.
ac ad Im-
perium
aspirant.

Latro-
num præ-
cipua ca-
pita.

Ignatius
ma vult
mori,
quam re-
gnare,
vel Tar-
taro ser-
vire.

atii
itia.

duſ *Changhienbungus*; uterque facinoribus editis & ferocia inſolens; qui, ne alter ab altero tamquam æmulo deleretur, longius invicem diſceſſerunt, fortunam quique ſuam ſecuturi. *Licungzus* Boreales *Xenſi* Provinciæ ac *Honan* partes tenuit; alter *Suchuen*, & *Huquang* divexabat. Verum ne, ſi de utroque mixtim agamus, confundatur narratio, *Licungzo* priorem locum dabimus: qui poſſime in cauſa fuit, cur Tartari Imperium illud occupaverint; quod ipſe jam tenebat, ſi moderationi clementiam adjunxiſſet. Subſequentur deinceps res ab altero geſtæ.

Latrones
Provincias
Xenſi
& Honan
vexant.

Anno itaque M D C X L I, latrones ex Provincia *Xenſi* (ubi quamplurimas civitates ac oppida expilaverant) ingenti numero in amœniſſimam *Honan* Provinciam irrumpunt, & recta nobiliſſimam metropolim, *Caifung* dictam, petunt ac obſident. Illam ingens defendebat præſidium; unde tormentorum curulium ſæviente in eos procella, cum clade obſidionem deferere coacti ſunt. Inde populabundi circumvicinas invadunt civitates ac urbes, & quamplurimas diripiunt. Ita viribus aucti, annona quamplurima, ac perditis hominibus congregatis, iterum metropolitanam petunt; quam cum deſperarent vi aut aſſultibus occupari poſſe, longa obſidione ad deditiorem cogere ſtatuunt, ut ditiffimis opulentiſſimæ urbis ſpoliis augerentur. Vrbs hæc tametſi trium fere leucarum ambitum habet, undequaque tamen cingunt, ut nihil urbem invehi poſſet. Præfecti per duos meſes, quibus alio latrones diverterant, quamplurimam quidem annonam congregaverunt; ſed quod tota Provincia frugum alioquin abundantiffima, earum inopiam à ſterilitate pateretur, non fuit tanta annonæ copia, quanta ſex meſibus infinitæ populi multitudini alendæ ſufficeret. Sex ergo meſes tenuit hæc obſidio pertinaciſſima; & quamvis ad ſummas anguſtias famis præſidiarii præveniſſent, numquam tamen cum hoſte paciſci voluerunt, auxilium ab Imperatoris exercitu ſperantes. Calamitatis magnitudo exceſſit modum, & Ieroſolymitanæ ſimilis, ſi non major, videri potuit. Ori- zæ libra argenti libra vendebatur; corii antiqui putridi libra, decem argenteis: cadaveris humani caro publice tamquam porcina proſtabat: mortuos in plateis exponere, ut illorum eſſent cibi qui mox aliorum futuri erant, pietas putabatur. Reliqua diriffima taceo. Vrbs in planitie ſita eſt ad Auſtra-

Inaudita
fames.

ſtralem partem ingentis ac præcipitis fluminis, quod *Hoang* Sinæ vocant, nos *Croceum* vel luteum dicimus, à colore luteo; quo ſemper turbidum fluit: una fere leuca diſtat hoc flumen ab urbe; cumque ejus aquæ urbis planitie altiores ſint, ejusdem littora aggere longiſſimo ex quadratis lapidibus muniuntur, ne ſuperfundat ſe urbi. Ad hos aggeres tandem Imperatoris exercitus venit, ratus ſine pugna hoſtes omnino deleri poſſe aquis, ſi aggeres diſſolveret. Ac ſuſpicio aberat aquas ad tantam altitudinem perventuras, ut altiſſima urbis mœnia ſuperarent. Forte per id tempus Autumni crebriores ſolito pluvix fuere, quibus ſic flumen intumuit, ut majores volvens undas, ruptis latius quam pro neceſſitate aggeribus, non modo quamplurimos hoſtium ruina involverit, ſed & amicam urbem totam ſubmerſerit, plus quam trecentis hominum millibus aqua hauſtis. Ita nobiliſſima urbs, quæ jam antiquis temporibus Imperatorum ſedes fuerat, non campus, ſed lacus quidam repente fuit, domus omnes undarum vi non modo tectæ, ſed & omnino dirutæ ſunt. Cum illis periit & Templum, & Sacerdos Societatis noſtræ R. P. *Robertus de Figueredo* ibidem ſubmerſus: qui cum mature ſe periculo poſſet ſubducere, maluit animam ſuam pro ovibus ſuis ponere; non raros enim Chriſtianos urbs habebat. Contigit hujus urbis excidium nona Octobris M D C X L I I. Eodem tempore latronum Dux *Licungzus* Regis titulum aſſumpſit, dictus *Xunnuang*, quod proſperum Regem ſonat; & mox iterum *Xenſi* Provinciam invaſit, ac totam occupavit, poſtquam *Honan* fere totam in ſuam redegiſſet poteſtatem. Vbi ad *Xenſi* Provinciæ Metropolim *Sigan* venit, à præſidio quidem aliquantiſper repugnatum eſt: poſt trium tamen dierum obſidionem urbs intercepta eſt: totidem dierum ſpatium militibus ad prædam conceſſum in victoriæ præmium. Intra eandem deinde urbem totius fere Provinciæ annonam collegit, tum ut populos in officio contineret, tum ut Imperatoris militibus vaſtitatem objiceret. De Imperio quoque velut obtinendo jam ſecurus, titulum Imperatoris aſſumpſit, & familiam quam fundare meditabatur, *Thienxunam* dixit. *Thienxun* Cælo obedientem ſonat: quo titulo populis ac militibus ſuis perſuadere conabatur, Cæli eſſe voluntatem ut imperaret, atque à Cælo Imperium ſibi tradi, ut populos ab Imperatoris avaritia liberaret,

Caifung
urbs aquis
mergitur.

Dux latronum
Regis titulum
aſſumit.

Xenſi
Provincia
occupatur.

Latronum
Dux Imperatoris
Sinarum
nomen
aſſumit.

raret, & Præfectos sui studiosos, populoque graves extirparet. Speciosus titulus, cui Sinæ facile arrident: à Cælo namque dari Imperia credunt; nec humanis artibus aut vi occupari debere existimant. Post hæc, ut factis præ se ferret quod titulo ostentabat, plebem perbelle tractare coepit, nullam suis violentiam permittere: Præfectos solos, quotquot assequi poterat, neci tradere; Expræfectos pro modo divitiarum, quas collegerant, pecunia mulctare; subjugatis populis tributa remittere, novos Præfectos urbibus ac civitatibus occupatis assignare; denique ut subditos comiter ac magna tractent æquitate severe præcipere. Ita facillimo negotio occupatas regiones subditas habuit, novum regiminis modum omnibus laudantibus atque amantibus: alias enim parva est fidelitatis cura, ubi extorta obsequia tyrannis imperat. Duo Patres nostri versabantur hac in urbe, R. P. *Ignatius d'Acoſta*, & R. P. *Petrus Fabri*, quos initio quidem, cum milites Metropolim diriperent, perstrinxit communis clades: demum pro exteris cogniti, tamquam hospites bene sunt habiti.

Alia per-
dendi Si-
nici Im-
perii cau-
sa, Præ-
fectorum
discordia.

Interea in Regia tertia ac potissima perdendi Imperii causa excrevit, cujus initia jam tum Imperatore *Thienkio* pullularunt, Præfectorum dissidia, factiones, ac æmulatione ob nimiam Eunuchis concessam potentiam; quem non modo ad summos honores exexerat *Thienkio*, Imperii universo plenoque regimine illi concesso; sed & Patris titulo honorabat. Hic ergo gratia abutens, summos etiam Præfectos levissima de causa vel necabat, vel in ordinem redigebat; præcipue illos, qui vel scriptis, vel verbis, vel minori exhibito honore Eunuchis non adulabantur, vilissimo homini subesse dedignantes. Et quamvis alioquin satis bene Rempublicam administrasset, multos tamen exasperavit; atque inter eos, etiam Principem, qui post *Thienkium* sine sobole extinctum Imperator fuit, *Zungchinus*; cui in adeundo Imperio Eunuchus quidem obstitit, sed irritò & infelici conatu. Hinc Præfecti in binas (ut ipsi vocant) Academias divisi, paulatim se extulere, rei propriæ magis quam publicæ intenti. Cæterum dum quælibet ex partibus aliam opprimere ac extirpare conatur, utraque bonum Imperii publicum prætendens, illud ipsum negligebat; partiatos tantum suos extollere, aut rebus præficere, invida æmulatione tentabat: & cum huic potentissimo malo mederi vel-

let *Zungchinus* ipse Imperator, non paucos ex præcipuis Præfectis ac Eunuchis exasperavit. Vbi enim Imperium assumpsit, supra modum in Eunuchi fautores sævit, & Eunuchum tandem ipsum cum pluribus aliis eidem factioni illigatis de medio sustulit, mirabili plane tragœdia; cujus hæc est catastrophæ. *Zungchinus*, ut Eunuchum pessumdaret, atque ab Imperii gubernaculis amoveret, dedit illi mandatum, in speciem honorificum, ut magnifica Imperatorum ac parentum suorum sepulchra viseret, inspecturus num aliquid operis ornamento deesset. Non potuit Eunuchus tam splendidum Imperium detrectare: sed brevi didicit, quo consilio ad sepulchra visitanda mitteretur. Cum enim aliquousque progressus esset in itinere, oblata est ei capsula inaurata, funem byssinum continens, quo seipsum, mandato Imperatoris, suspendere debuit; quod genus mortis apud Sinas maxime censetur gloriosum. Inde factum est, ut ex utraque factione plurimi Imperatorem prodiderint, qui cum latronibus secreta habebant consilia. Hinc vel nulli mittebantur exercitus, vel nihil magni efficiebant, ab æmulis turbati ac impediti: imo sæpe, cum possent rem bene gerere, occasionem dimittebant, ne Magistratibus, quorum Duces æmuli erant, meritum aut gratiam apud Imperatorem victoriis conciliarent, quasi eorum ductu & consilio hostes vicissent. Quæ dissensiones tam opportune acciderunt latronibus, ut ad ipsam Regiam accedentibus, idem fuerit venisse, vidisse, ac vicisse: quod jam narrare aggredior.

Cum hæc agerentur in Regia, *Licungzus* latronum ductor, stabilitis in *Xensi* Provincia rebus, Ortum petit. *Croceum* fluvium nullo defendente tam facile superat, quam facile à parva manu impediri transitus potuisset: fuit enim ille magna aquarum mole ac violentia, medius inter *Xensi* & *Xansi* Provincias, illam ad Occasum, hanc ad Ortum habens; sed cum nemo obsisteret, superato fluvio, facile quoque primam civitatem ditissimam *Kiangcheu* occupavit, quæ in Australiori jacet Provinciæ parte, *Croceo* vicina. Est etiamnum illa in urbe superstes R. P. *Michaël Trigantius* è Societate Iesu, viri illius Apostolici P. *Nicolai Trigantii* nepos. Exinde eodem fortunæ cursu civitates reliquæ ultro se *Licungzi* potestati dederunt, vel ut se à majoribus molestiis liberarent, vel novum regimen incon-

Latrones
Xansi
Provin-
ciam oc-
cupant.

sultè

sultè amplexantes. Sæpe enim in nostram perniciem novitatibus ac mutationibus gaudemus, & veteribus meliora sperantes, deteriora invenimus. Sola Metropolitana urbs *Taiyuen* aliquot diebus vim experiri voluit: sed ipsa quoque occupata, ingentes moræ poenas dedit. Præfecti omnes necati, ac novi à latronibus substituti sunt. *Zungchinus* Imperator, ubi audivit latrones jam Croceum superasse, & *Xansi* Provinciæ, Regiæ confini, imminere, ingentem per Colaum, summum scilicet Præfectum, exercitum misit, qui latronem detineret saltem, si debellare non posset. Nihil tantus egit exercitus, & maxima quoque militum pars ad latrones defecit: Præfectus ipse, qui Colaui Lius dicebatur, rebus desperatis sibi ipsi laqueo vitam ademit. His auditis, cogitabat Imperator Borealem *Peking* Regiam relinquere, & *Nanking* Australem petere: sed ut maneret, tum à fidis, tum à perfidis persuasum est: ab his quidem ut facilius, antequam eorum paterent prodiones, latroni Imperatorem traderent; ab illis, bono ut putabant consilio: nam fugere, erat Imperium magis turbare: sperabant enim Regiam, ingenti præsidio munitam, defendi posse; & ob Imperatoris præsentiam reliquas omnes Provincias ad defensionem advolaturas non dubitabant. Bonum videri poterat horum consilium, si Regia proditoribus caruisset.

Imperator Sinitur.

Interea latronum Ductor (quia non minus ingenio, quam manu promptus erat) vulpinam pellem leoninæ assuens, ex suis militibus quamplurimos mutato habitu in Regiam paulatim intromittit, data pecunia ut mercaturam in ea latitantes exercerent; conductisque tabernis, caupones, aut minorum rerum mercatores esse jubet, donec ad mœnia cum toto exercitu adveniret: tunc vero ut intra urbem tumultus excitent imperat. Mirum fuit horum silentium, quodque inter perditissimos infimæ sortis homines sperari vix potuisset. Huic velut cuniculo intra Regiam parato, alium superaddit, secretum videlicet commercium cum summo Militaris Tribunalis Præfecto; qui cum Imperatoris rem perditam esse animadvertet, ut rebus suis caveret, cum latrone de urbe tradenda convenisse dicitur. Vt ut fuit, latrones celeri itinere Regiam *Peking* petunt. Ingens præsidium urbem defendebat, & curulium tormentorum magna vis pro mœnibus stabat disposita: verum illa parte, qua à perduellibus admoniti

latrones impetum faciebant, solo pulvere, nullo globo imposito, explodebantur. Unde hac parte securi, mense Aprili *MDCXLV*, antequam lucefceret, per apertam ultro à consciis portam ingrediuntur. A fidis quoque non diu pugnatum præsidariis. Nam intra mœnia hætenus latitantes latronis milites, ac confœderati perduelles, tumultus excitarunt ex condito. Hinc ingens orta confusio, cum nemo sciret cum quo rem haberet; & non minor undique confusa strages. Inde *Licungzus* per confusam illam Babylonem victor transiens, recta palatium Imperatoris petit, ac nequicquam fidioribus Eunuchis vim repellentibus, ipsum occupat. Iam hostes, quod mirum, primum palatii murum tenebant, & Imperator omnium adhuc periculorum inscius vivebat. Perduelles enim Eunuchi, qui majoris erant auctoritatis, data opera admonere differebant, ne forte effugeret formidantes: at ubi fugæ spem nullam vident, tunc Imperator admonetur de urbe ac palatio jam occupato. Qui sic admonitus, interrogavit primò, num hostium manus evadere fuga posset: verum intellecto omnia itinera esse interclusa, epistolam proprio, ut ferunt, sanguine scripsit, in qua Præfectos de perduellione, sed sero cognita, increpabat; subditos innoxios proclamabat; à *Licungzo* petebat, ut, quandoquidem coelo dante Imperium occupasset, pro se de illis ultionem acciperet. Postea arrepto gladio filiam nubilem obtruncat, ne latroni in ludibrium cederet: mox pomarium ingressus, de arbore pruno, ex vitta qua caligas alligabat laqueo facto se suspendit infelicissimus Imperator, qui & ultimus censetur *Taiminga* Familiæ. Nam licet alii deinde electi sint (ut infra sum narraturus) quia tamen partem tantum Imperii habebant, inter Imperatores non numerantur: atque ita Familia, quæ à latrone iuchoata fuit; à latrone extincta est. Tam velis arbor, & vilissimus laqueus, tanti Imperii, tot deliciis & divitiis cumulati, ac vitæ ipsius regalis fragile filum abruptit. Ad ejus exemplum summus Præfectus, qui Colaui dicitur, ibidem resti cervicem implicuit: idem Reginæ, idem aliquorum præterea ex fidelissimis Eunuchorum exitus fuit. Ita arbores illæ amœnæ, sub quibus sæpissime genio ac deliciis indulserant, velut in funestissimas cupressos mutatae sunt. Sed non minus in urbe ipsa, quam intra palatium quamplurimi in seipso sæviverunt; alii in lacus insilientes, alii laqueo volun-

Capitur Regia Peking.

Imperator obtruncata filia, seipsum suspendit.

voluntariam sibi mortem inferentes, gentis more: nam cum Imperatore suo mori, ne alteri inimico subesse cogantur, vel ab illo occidantur, summum credunt fidelitatis decus. Quid autem jam magnum, quid stabile mortalibus videbitur, quando tantis opibus viribusque exaggerata felicitas tristi momento in nihilum recidit, nullo alio quam inspectantium aut audientium lacrymis relicto vestigio?

Licungzus interim victor palatium ingreditur, & Imperiale solium occupat, inque eo confidet. Memorant prima sessione cum inquietissime se habuisse, ac plane titubasse. Omnino videbatur solium ipsum non diu duraturam tyranni felicitatem prænuntiare, & tamquam indignum excutere velle. Altera die Imperatoris cadaver in minutissimas partes concidi jubet, adjecto probro, quod in subditos pessime juxta ac crudelissime consulisset; perinde quasi ipse, nefarius latro ac perduellis, tot jam contrucidatis mortalibus, tot regionibus foedissime vastatis, nulla noxa contactus esset. Ita plerumque in aliis damnat improbitas, quod ipsa committit, & aliorum mala, etiam minima, amplificans, cæcutit in suis. Susceperat Imperator *Zungchinus* tres mares filios: unus ætate major numquam inventus est, licet à latrone diligenter ac diu conquisitus. Hunc alii fuga elapsum, alii intra lacum voluntaria morte periisse scribunt. Minores duo, adhuc pueruli, in latronis manus vivi pervenere, quos tertia exinde die extra urbis mœnia abreptos immani crudelitate capitibus plecti jubet. Sed innoxio sanguine fatiari hæc bellua non potest; ac mox in apertum erupit atrox indoles, cui hætenus ad dementandos clementiæ simulatione populos speciem benignitatis obduxerat. In urbe itaque omnes Præfectos conqueri jubet, ingentem numerum exquisitis tormentis enecat, alios maxima pecuniæ vi mulctat: palatium Imperatoris sibi servat: urbem nobilissimam ac ditissimam militibus ad prædam concredit, ubi nullum sævitæ, nullum violentiæ genus à latronibus prætermisum: quæ ut referre longum, ita recordari molestum fuerit. Atque hac tam barbara immanitate Imperium, quod felicissime occuparat, ac comitate servare potuisset, merito perdidit.

Inter alios quos cepit Præfectos, senex fuit, *Us* dictus, cujus filius *Usanguicus* contra Tartaros in confinibus *Leaotung* excubabat, totius exercitus Sinici summam ex-

ercens Præfecturam. Huic ergo crudelissimam mortem minitatur *Licungzus*, nisi filium in suum obsequium cum toto exercitu jurare vi paternæ obedientiæ cogat; ea apud Sinas sacrosancta habetur: deinde omnia magna patri ac filio promittit. Bonus ergo senex hanc ad filium epistolam dedit: *Solum, Calum, ac fatum, has quas videmus afferre possunt mutationes. Scias fili, Zungchinum Imperatorem, ac Imperium perisse Taiminga Familia: Licungzo illud Calum dedit. Tempori cedendum est, & necessitas in virtutem mutanda, ut ejus tyrannidem evitemus, ac crudelissimam mortem; liberalitatem vero experiamur. Regalem tibi promittit Dignitatem, si cum tuis eum agnoscas Imperatorem. Ex tua responsione vita mea pendet: quid illi debeas, qui tibi vitam dedit, considera.*

Usanguicus filius brevissimis verbis tale dedit responsum: *Qui Imperatori suo fidus non est, mihi quoque non erit, mi pater: & si tu ipse debitam Imperatori tuo fidelitatem oblitus es, me nemo reprehendet, si debitam tali patri obedientiam obliviscar. Mori malo, quam latroni servire.* Missa hac epistola statim ad Tartarum Regem Legatum mittit: rogat ut sibi auxilio sit contra Sinici Imperii latronem; byssi, sericorum pannorum, auri, argenti ingentem vim, & certum puellarum numerum promittit, quas præcipue Tartari expetunt, quod illis careant, maribus vero abundant. Rex Tartarus hanc bene rem suam agendi non negligit occasionem: eodem die cum octoginta millibus, quæ in præidiis *Leaotung* expedita erant, adest, & *Usanguicum* ita affatur: *Ut nostra certa sit victoria, suadeo, ut tuos milites Tartarica veste ac pileo, scissisque capillis uti jubeas; ita fiet ut latro nos omnes Tartaros credat: majora enim auxilia ex Regno meo advocare tam cito non possum.* *Usanguicus* nihil non admittit vindictæ cupidus, ignorans, ut Sinæ dicunt, se tygrides intra Imperium admittere, ut canes ejiceret. *Licungzus* Tartaros advenisse audiens cum *Usanguico*, & resistere non audens, ut facile Regiam occupavit, ita velocissime deseruit. Palatii ergo divitias compilat, ac *Xensi* Provinciam petit, ubi Regiam sedem fixit in nobilissima *Sigan* urbe, quæ olim sæpe Imperatorum fuit sedes. Narrat fama, octo ipsos dies per quatuor palatii portas, currus, equos, camelos ac bajulos continuo exivisse, nihil nisi pretio eximium exportantes, plurimis per festinationem in eo relictis.

Latronis
sevitia,
ac crudelitas.

Tartari
contra
latrones
invitati.

Latro
Tartaros
fugit.

Palatii
divitias
auferuntur.

Etis. Ita ingentes auri, argenti ac pretiosarum rerum thesauri, per ducentos octoginta annos, à *Taiminga* Familiæ Imperatoribus sexdecim, ac per otium congregatæ, brevissimo tempore dispersæ sunt. Verum quamvis magna recederet velocitate latro, Tartarorum equos vix ipse effugit; qui ingentem gazam, ac impedimenta, necnon & ultimum illius agmen infecuti per multos dies tandem occupant. Croceum porro fluvium superare vel noluerunt, vel neglexerunt, ut sic paventes ac confusas *Peking* terras facilius occuparent. Revertuntur ergo Tartari victores ac divites, & *Peking* urbem ingrediuntur, à Sinis admissi; quæ res una universum illis Imperium dedit. Ubi notandum illud rarum in Tartara gente, quod nec Rege suo ad primum in Sinas ingressum extincto, hujus belli expeditionem reliquerit. *Zungteus* enim Tartarorum Rex, dum ex *Leaotung* Sinas ingreditur, fato functus est; & Imperium, cui tantopere inhiabat, non obtinuit quidem; quamquam suis viam ac modum illud obtinendi aperuit. Moriens sexennem filium successorem declaravit, fratribus imperans, ut pro illo rem strenue gererent; tutelam majori natu commendavit: quæ ultima imperia summa fide servarunt, ac stupenda, in ambitiosa gente, concordia, quam vix sperare in alia possis.

Rex
Zungteus
moriuntur.

His ita gestis, *Usangucius*, expulso latrone, jam cogitabat è *Taiminga* Familia proximum Regulum invitare, ac in Sinicum eligere Imperatorem. Promissorum itaque memor, Tartaris gratias ingentes habet; laudatque eorum fortitudine, ac fideli pro Sinico Imperio navata opera; liberaliter promissa præmia offert, & simul rogat, ut illis acceptis in Tartariam redire, ac continuam in posterum cum Sinis pacem habere velint, antiquas oblii injurias, quas jam satis superque ulti fuissent. Huic orationi responsum jam à multo tempore præparaverant Tartari, longe aliud quam *Usangucius* expectabat machinantes. Itaque sic *Usangucium* affantur: Nondum te ac Imperium Sinicum deferendi tempus idoneum esse arbitramur, nisi tibi aliud videatur. Latrones supersunt plurimi; pauci ex illis periere: jam in *Sigan Xensi* Provincia metropoli Imperialem sedem *Licungzus* fixit. Cogita ditissimas ac populosissimas Provincias sub illius adhuc esse potestate. Nobis discedentibus, pejora Sinis timenda manent. Nos Tartaros timuit, quos ubi abiisse didi-

Tartari,
intra Si-
nas ad-
missi, exi-
re nolunt.

cerit, auctis mox viribus adierit, ac Imperio majores quam antea turbas inferet: & nobis fortasse commodum non erit missis denuo auxiliis fortuna tua labanti succurrere. Quandoquidem hic præsto sumus, nostrum erit latrones omnino extinguere, ut pacatum Regi tuo Imperium tradas. De promissis præmiis sollicitus ne sis; cum ea sive in nostra, sive in tua potestate fuerint, æque nobis tuta ac secunda sint. Quod reliquum est suademus, ut tu cum tuorum parte, ac Tartaricis aliquot legionibus, in *Licungzum* moveas; nos cum reliquis copiis *Xantung* latrones opprimemus: ita Imperium ex omni parte pacatum respirabit. *Usangucius* vel stratagema non intellexit, vel, quod à potentiore ei opus erat decipi, dissentire non est ausus.

Eorum
astutia ac
dolus.

Antequam autem Tartari invitati Sinas ingrederentur, in patriam ac vicina Regna miserant, qui quotquot possent milites ad Sinicum occupandum Imperium evocarent. Quæ copiae cum nondum advenissent, oratione ad benevolentiam speciem blande composita, à vi tantisper abstinebant. Sed cum hæc agerentur, non modo ex *Ninche*, & *Niulhan* Regnis, sed & ex veteri Occidentali Tartaria, ac ex *Tupi* Orientali ingens Tartarorum numerus adfuit. Hi postremi ad mare Orientale supra Japoniæ insulas accolunt; *Tupi* vero dicuntur à loricis ex piscium pellibus factis, quibus in bello utuntur: quinimo & ex *Volga* non raros in Sinis vidi, quos Tartari *Alga-Tartaros* vocabant; & apud illos *Moscoviæ* ac *Poloniæ* notitiam reperi. Hi Orientaliores Tartaros barbarie superant. Hæc auxilia ubi advenere, minimum etiam demortui Regis sui filium sexennem adduxerunt. Tum enimvero diserte ac palam Imperium suum esse, illoque se potiri velle ostenderunt. Sexennem itaque puerum Imperatorem Sinarum proclamant, qui *Xunchi* dictus est: nova quoque familia Imperialis *Taicing* appellata. Sexennis puer, magna gravitate ac majestate antiquum gentis suæ solium ascendit, ex quo non puerilem, sed præclaram ad suos habuit concionem in hunc modum: Non mea virtus aut felicitas, sed vestra, charissimi fortissimique Patrii, ac reliqui Duces mei, quam videtis mihi constantiam dedit. Hæc firmitas, qua hoc solum occupo, ita nobis bonum erit ac rebus nostris omen, ut titubatio latroni *Licungzo* presagium sinistrum fuit. Initia videtis occupati Imperii: at fortitudinem virtutemque vestram

Magne
Tartaro-
rum co-
pia Sinas
ingre-
diuntur.

Tartari
Sinicum
Impe-
rium oc-
cupant.

Xunchi
coronatur
primus
Impera-
tor Tar-
tarus.

Amav-
gus P.
trius
tutor
perato-
fidelis-
mus.

Usang-
ius T.
taris
esse c-
tus.

Qui-
Lic-
actur
ignot-
tur.

vestram tantam esse intelligo, ut me jam totam possidere Sinam credam, imo Orbis Imperium, non inchoatum modo, sed firmum ac stabile. Imperii divitia, Regales dignitates, premium licet impar tanta virtuti debitum erunt. Modo fortiter agite. Hæc à sexenni puero dicta admiratio Regiæ totius excepit: à Cælo fatoque electum omnes uno ore & applausu conclamant. Eadem die Patrum natu maximum, tutorem suum, tamquam Patrem veneratus est; unde *Amarhan* Tartara voce dictus est; quæ Patrem Regem significat; Sinæ *Amarvang* vocant.

Amarvangus Patruus & tutor Imperatoris fidelissimus.

Illi ergo totum bellum regendum commisit; & huic proprie Tartari Imperium debent: nam non minus consilio & prudentia, quam fortitudine ac fidelitate insignis fuit: unde rationibus ac consiliis prudentissimos quosque inter Sinas in admirationem rapiebat; comitate vero ac iustitia eos dementabat. Plurimum etiam ad hæc omnia contulerunt Sinenses illi Præfecti, qui, ut ante diximus, iræ Imperatoris se subducentes, ad Tartaros confugerant, & patriæ infidi, modo cives suos verbis ac exemplo sollicitabant, modo egregia Tartaris consilia suggerebant; unde ad summas à Tartaris Præfecturas admissi sunt.

Eadem quoque die ad *Usanguem* aliquæ Tartarorum Legiones missæ sunt cum diplomatibus, quibus *Usanguem* à novo Imperatore *Pingsi* Rex creabatur; tributarius tamen (*Pingsi* autem, Pacificans Occasum sonat;) *Xensi* Metropolim pro regia illi sede assignando. Quid hic faceret fidelissimus hætenus *Usanguem*? Majora præmia à Sinico Imperatore sperare non poterat; Tartari autem jam tanto numero aderant, ut viribus longe inferior esset. Admisit ergo novam dignitatem, & Tartarum Imperatorem agnovit: ac ita, qui modo pro Sinis contra latrones ibat, contra Sinas, ut Tartaris Provincias subigeret, ire coactus est. Ut autem erat egregius Dux, latronem facile ex *Xensi* expulit, à Tartaris adjutus; ac in *Sigan* Metropoli regnavit hætenus. Ita honoribus auctum, à militia removerunt, quem armatum timere potuissent Tartari.

Quid de Licungzo latrone actum sit, ignoratur hætenus. Tantæ illius vires repente obrutæ conciderunt. Ab Usanguemio occisus in pugna creditur; quamvis nec vivus, nec mortuus à quoquam mortalium agnitus aut repertus sit. Reliqua Tartarorum pars, eadem facilitate Peking & Xan-

tung Provincias occupavit, ubi Sinicis militibus ac Ducibus per suas copias distributis, in immensum suos statim auxerunt exercitus. Universos enim non in fidem solum, sed etiam in militiam ad sequenda Tartarica signa recepere; ne devictos quidem aspernati, dummodo Tartarorum more capillos ac vestes adhiberent. Quin etiam, ut occupatæ gentes universim hoc facerent, edixerunt sub perduellionis pœna; quod res Tartarorum sæpius turbavit, plus pro capillis dolentibus ac pugnantibus Sinis, quam pro Regione vel Imperatore; ita ut non raro potius mori, ac capite plecti elegerint, quam in hac re Tartaris obedire: & quamplurima hujus rei exempla proferrem, nisi brevitatatis memor essem. Minori itaque quam anni spatio, quatuor ingentes Boreales Provincias in suam redegerunt potestatem, *Peking* nimirum, *Xansi*, *Xensi*, ac *Xantung* (*Leaotung* non adnumerando) in quibus stylum Politices Sinicæ modumque gubernationis omnino non mutarunt; imo Sinicis Philosophis, ut antea, regendas urbes ac Provincias concesserunt; examina Litteratorum, ut antea, reliquerunt, sagaci consilio: nam ita propriis, ac à se inauguratis hominibus regimen, quasi suis creaturis, concedentes, id effecerunt, ut fidelitate omni pro Tartaris starent: solas autem militares Præfecturas, ac Militiæ regimen sibi refervarunt; quamvis ad hujus etiam Præfecturas fideliores Sinas admiserint, & in ipsa quoque urbe Regia eosdem Præfectorum ordines, ac sex summa Tribunalia, prout sub Sinico erant Imperatore, retinuerint; ita tamen, ut partim Tartaris, partim Sinis constent.

Tartari varias occupant Provincias.

Sinicas leges non mutant.

Interea Australium Provinciarum Præfecti, de periculo Imperatoris admoniti, quam maximas potuerant ex omnibus copias convocarant, & jam *Peking* versus tendebant, quando de Imperatoris morte, ac Urbe *Peking* occupata, moestissimum habuerunt nuntium. Statim ergo milites ab itinere coëpto revocant, & simul naves omnes, quibus annis singulis annona ac reliqua necessaria in Regiam transvehuntur. Paulo post de Tartarorum invasione & occupato per ipsos Imperio tristiora audiunt. Tum temporis ego ipse in urbe *Nanking* eram, ubi ingentem Sinarum confusionem ac metum vidi; donec tandem resumptis animis omnes Præfecti ex *Taiminga* Familia Regem unum in Imperatorem elegerunt, quem *Hungquangum* vocarunt. Hic ex

Pro-

*Hung-
quangus
in Nan-
king Si-
narum
Impera-
tor coro-
natur.*

*Tartari
pacem
nolunt.*

*Zungchi-
nii filius
Nanking
compa-
ret;*

*Res Sina-
rum tur-
bat.*

*Sinarum
fuga.*

*Yangchen
urbs vim
Tartaro-*

Provincia *Honan* advenerat, latrones fu-
giens; erat *Vanliei* Imperatoris nepos,
Zungchinii consobrinus; quem magna co-
ronarunt pompa ac ostentatione, sub eo
meliora sperantes. Hic quamprimum ele-
ctus est, ad Tartaros Legatum misit, pa-
cem postulans magis quam petens, & oc-
cupatas cunctas Boreales Provincias ultro
illis offerens. Sed Tartaros non latuit Au-
stralium Præfectorum animus: volebant
bellum differre, donec res ac vires resume-
rent: unde responderunt, se ab alio non
accipere, quod armis jam acquisivissent; &
quandoquidem Præfecti Imperatorem ele-
gerant, illum porro defenderent; se vero
aut totum Imperium, aut nihil haberi velle.
Hac infecta Legatione, dum arma paran-
tur utrimque, adest interea *Nanking* ado-
lescens, qui se *Zungchinii* majorem filium
dicebat: nec parva hujus rei vera dabat si-
gna; quinimo à multis Eunuchis agnosce-
batur. At *Hungquangus*, regnandi ambi-
tione tactus, numquam eum agnoscere vel
admittere voluit, ne cederet Imperio: quin-
imo in carcerem detruxit, occidendum tam-
quam impostorem, multis Præfectis ex ad-
verso frementibus. Res ad seditionem spe-
ctabat; & eo tandem deducta est contro-
versia, ut Tartaris occasionem præbuerit
intercipiendi Provinciam & urbem *Nan-
king*, aliquibus Præfectis non impediendi-
bus, ne dicam instigantibus. Adfuit ergo
Tartari in territorio urbis *Hoigan*; Orien-
tale *Crocei* fluminis litus occupant, mox
navibus flumen trajiciunt. Ex alia parte
tantus stabat militum Sinarum numerus, ut
si vel calceos abjecissent, aggerem fecissent,
quem Tartarorum equi vix superassent. Sed
nimirum animus in prælio valet, non nu-
merus. Vix Tartari naves conscenderant,
quando, velut oves visis lupis, nudo relicto
latissimi ac velocissimi fluminis littore, au-
fugiant Sinæ. Tartari fluvio superato, nul-
lo viso hoste, *Nanking* Provinciam nobilif-
simam ingrediuntur, ac quidquid illius ad
Boream *Kiang* fluminis, Maris filii, jacet,
occupant velocissime. Ubi observandum
illud in Tartarica militia rarum, quod ante-
quam ad Provinciam aliquam ingrediantur
occupandam, præcipuarum urbium ac lo-
corum magis opportunarum Præfectos
cum debitis præfidiis assignatos habeant:
unde sine mora, quasi fulmina, vix ingre-
diuntur quin occupatam, & jam munitam
possideant. Una urbs ditissima ac nobilissi-
ma *Yangchen* vim experta est, ac egregie

cum Tartaris pugnavit aliquoties; ubi & *rum su-
Reguli Tartari filius occisus est. Zuns Co-
lans*, *Hungquango* Imperatori fidelissimus, *stinet; sed
captia de-
letur.*
illam defendebat cum ingenti militum præ-
sidio; sed tandem Tartaris cedere coacta
est: in qua milites omnes ac cives interne-
cioni deleti sunt, domus omnes spoliatae;
mox ne foetida cadavera tabem ac pestem
corrupto aëre ingenerarent, omnia supra
domos posita cum tota urbe ac suburbis
combusta sunt.

Hic Tartarus copias suas auxit, Præfe-
ctis reliquarum urbium ac copiarum se sub-
jicientibus; quorum plurimi easdem sub
Tartaro obtinuerunt Præfecturas ac urbes
custodiendas, quas sub Sinico habebant
Imperatore; alii etiam ad majora evecti
sunt. Hac vero comitate, qua deficientes
ad se amplectebatur Tartarus, ac crudelita-
te, quam vim expectantibus urbibus infere-
bat, illud obtinuit, ut fere omnes illam po-
tius, quam hanc experiri vellent. Ita facile
quidquid ultra Maris filium est, Boream
versus, pronum ad deditionem Tartari ha-
buere. Hic fluvius ultra milliare Germani-
cum latus, per mediam fere Sinam ab Oc-
casu in Ortum fluens, in Borealem ac Au-
stralem eam dividit; imo & *Nanking* Pro-
vinciam mediam secat, quamvis *Nanking*
Metropolis ac Regia in Australi sit littore.
Ut ergo illam occuparent, fluvius superan-
dus erat. Quamplurimas itaque naves col-
ligunt, ut novam *Nanking* Regiam, ac no-
vum petant Imperatorem. Sinica ingens
classis in alio littore stabat, sub fortissimo
ac fidelissimo Duce *Hoangchoango*: pu-
gnatum hic utrimque acerrime; & *Hoang-
choangus* jam Tartaros à Sinis vinci posse
ostendebat, quando à proprio Duce sagitta
transfixus est, qui à Tartaris corruptus fue-
rat ingentibus promissis (*Thienus* diceba-
tur, ex *Leaotung* terris oriundus) cujus sa-
gitta rotam fortunæ Sinicæ fixit, ac Impe-
rium perdidit. Nec his perduellis conten-
tus, cum suis in fugam se dedit, & fugiendi
militibus reliquis exemplar fuit; atque ita
ad *Nanking* urbem transiit, & quasi fidelif-
simus, Imperatori *Hungquango* ex eadem
urbe fugienti comitem se adjunxit. Tarta-
ri, superato fluvio, ubi Imperatorem effu-
gisse audiunt, velocissime insequuntur;
quos *Thienus* adesse videns, *Hungquan-
gum* capit, ac Tartaris tradit, mense Junii
M DC XLV, quem *Peking* mittentes, ibi
pro moenibus arcus chorda strangulant
(quod mortis genus nobile æstimant Tar-
tari)

*Tartari
varia lo-
ca occu-
pant.*

*Pugna
inter Si-
nas ac
Tartaros.*

*Proditor-
rem Sini-
cam per-
dit.*

*Hung-
quangus
Tartaris
traditur
ac occidi-
tur.*

tari) cum nondum integro anno imperasset. Eadem poena affectus est juvenis ille, verusne fuerit an fictus *Zungchinii* filius, quem in carcere Tartari repperunt. Sed non hi solum ex Imperiali Familia *Taiminga* occisi à Tartaris sunt; verum omnes quotquot ad manum habere potuerunt, undique diligenter conquisiti: atque hic tyrannicus mos est totius Asiae, ubi, occupato Regno, omnes Regum consanguinei ab inimicis radicitus extirpantur. Post hæc *Nanking* ingrediuntur, ac reliquas omnes nobilissimæ Provinciæ urbes pronas ad deditiorem inveniunt. Inde velocissimo cursu usque ad urbem *Hangchen*, nobilissimam ac ingentem *Chekiang* Provinciæ Metropolim, victores transeunt; diviso tamen exercitu, cujus una pars per *Kiang* fluvium missa est, ut mediterranea occuparet, *Kiangsi*, *Huquang* & *Quangtung* nimirum, vastissimas Provincias. Præcipui autem Sinarum fugitivi milites, Duces ac Præfecti, ad *Hangchen* convenerant; ubi novum è *Taiminga* Familia Imperatorem eligere volebant *Louangum* Regem, qui Imperialem dignitatem non admisit, solo Regis titulo contentus; forte ut minus ex alto caderet, ac minus mortem sentiret: illam vero se admissurum dixit, quando milites expulsis Tartaris Regiam unam occupassent; proinde ut fortius, quam hactenus, agerent. Nondum triduum regnaverat (minori tempore, quam sæpe ii, qui in Sinicis comædiis Regum personas agere solent) quando Tartari adsunt. Post eorum adventum, milites, qui sub variis Ducibus ad hanc urbem confugerant, pugnare promittunt, si prius debita persolverentur stipendia: volebant scilicet eo tempore, quo maxime videbantur necessarii, tum à Regulo, tum à civibus argentum extorquere, nihil deinceps acturi. Hic vero *Louangus*, qui natura verè comis ac pius erat, tantæ urbis ruinam non ferens, & populorum sortem miseratus, quantum subditos amaret ostendit; ac tale dedit exemplum, quale Europa numquam audivit. Urbis moenia scandit; inde Tartarorum Ducem flexis genibus alloquitur; rogat ut urbi ac civibus parcat: *De me*, inquit, *quod vultis statuere; pro meis subditis vobis victima ero*. Hæc dicens, ad Tartaros ipse tendit, ac capitur. Fuit hoc illustre maximi erga subditos amoris testimonium: & talis virtus fructu suo non caruisset, si vel Alexandrum aliquem, vel Cæsarem reperisset. Tum Tartari, ut urbis moenia clau-

Tartari
Hang-
chen ur-
bem pe-
tunt.

Inaudi-
tus Lou-
angi Re-
guli erga
subditos
amor.

dantur à civibus, jubent; ne vel proprii, vel Sineses milites eam ingrederentur: hos vero milites extra urbem positos undique insectantur, ac necant; sed multo plures aquæ hauserunt, quam sagittæ Tartarorum aut acinaces: ad Australem enim urbis portam ingens labitur fluvius ultra leucam latus, cui nomen *Cienthang*; hunc fugitivi milites superare, omnes confusione ac timore pleni, contendunt: naves plus æquo onerant, dum debito plures conscendunt, ac ita merguntur; alii ab aliis in flumen projiciuntur: multa sic millia periit. Expulsis in hunc modum, aut necatis militibus, cum naves Tartari non haberent ut fluvium superarent, in urbem regrediuntur, nulla illa vi aut violentia. Ita nobilissima hæc urbs conservata est, cujus pulchritudinem, divitias ac magnitudinem alibi fusè describam, non ut auritus, sed oculatus testis; ex hac enim in Europam transivi, ac in ea tres ipsos annos jam vixeram antea.

Mult
milites
hauriun-
tur.

Hang-
chen ca-
pitur.

Habet eadem urbs *Hangchen* ad Boream navigabilem canalem arte factum, per quem ad Boreales partes patet navigatio: hic solo aggere separatur ab Australi fluvio. Ex hoc igitur canali Tartari celerime quamplurimas naves per terram aggeris tractas, deducunt ad fluvium *Cienthang*, quibus, nullo obstante, eundem transmittunt, ac totius Sinæ pulcherriam urbem *Xaoking* facilem ad deditiorem reperiunt. Hæc urbs magnitudine quidem multis cedit; sed nitore ac munditia omnes facile superat: in aqua dulci jacet, ac tota extra ac intra moenia navigio lustrari potest: plateas habet latissimas, quadratis lapidibus candidis utrimque stratas, in quarum medio navigabiles fossæ aut canales omnes in utroque littore quadrato lapide vestiuntur: pontes quamplurimos numerat ex eodem lapide, & arcus triumphales non paucos: domus etiam (quod nullibi alibi in Sinis) ex quadrato sunt lapide: nihil denique hac urbe nitidius tota Sina videt. Obtinuerant ergo illam Tartari sine ulla vi: & reliquas *Chekiang* Provinciæ Australes facile quoque ad ultraneam deditiorem pronas habuissent; verum ubi edixerunt, ut omnes Tartarico more crines abraderent, tunc enim vero milites ac cives arma in Tartaros exacerunt, pro capillis magis, quam pro Regione sua solliciti; pugnaruntque egregie, ac Tartaros non modo ex urbe ejecerunt, sed ad *Cienthang* fluvium usque repule-

Xaoking
urbs capi-
tur.

Sina ca-
pillis suos
defen-
dunt.

runt: imo eos ad transitum fluvii coëgerunt, quamplurimis eorum occisis. Plane si fluvium superassent, Metropolim ac reliqua recuperassent: sed utcumque contenti servatis capillis, victoriam non ultra promoverunt, in littore tantum Australi resistentes, ac sese undique munientes. Ita integro anno Tartarorum victricia arma repressa sunt. Ut autem Sinæ caput haberent, *Lu* Regulum ex *Taiminga* Familia in Imperatorem eligere volebant; qui id non admisit, sed solum Restauratoris Imperii nomen assumpsit. Interea Tartari novas ex *Peking* copias advocarunt, quibus aucti omnem adhibere conatum, ut fluvium *Cienthang* superarent; sed omnia frustra. Respirabant ergo lassæ Sinarum res; imo congregatis viribus majores victorias promittebant: sed regnandi libido ac æmulatio omnem hanc spem præscidit. Nam ex *Fokien* Provincia milites ac Præfecti è *Chekiang* aufugientes, secum ex *Taiminga* Familia Regulum *Thangum* abduxerant. Hunc ergo in *Fokien* Provincia, quæ *Chekiang* confinis est, in Imperatorem elegerunt. Hic volebat, ut *Lu* Regulus Imperio cederet, eo prætextu, quod paucas obtinuisset urbes, & sanguinis propinquitate remotior esset ab Imperatoribus quam ipse. Contra vero, *Lu* Regulus se primum proclamatum à subditis prætendebat, & victoriæ fructum ostendebat. Ita Tartari, inter duos litigantes tertii, gavisi sunt, vel (ut Sinæ dicunt) volucre ac concha pugnantibus piscator, qui utramque cepit, lucrum habuit. Numquam hi duo Reguli arma conjungere, aut alter alteri cedere voluerunt, ut communibus armis Tartaros reprimerent. Cum itaque *Lu* Regulus solas octo urbes regeret, stipendia tot militibus necessaria habere non poterat: unde soli defensionis intentus, numquam est ausus fluvium trajicere. Tartari interea, quo pacto fluvium transmitterent, inquirebant: navibus non audebant; quia *Lu* Regulus quamplurimas, etiam ex mari advectas, cum tormentis majoribus in promptu habebat: sed anni istius felicitas iis viam aperuit. Forte æstas solito siccior fuit, & fluvius in Australi parte, prope civitatem *Tung-lien*, ubi per montes fluit, nec maris æstu augetur, multum profunditatis amiserat: hic Tartari equites transitum reppererunt. Nondum viginti fluvium superaverant, nullo obstante (nam ab hac parte, ob montium asperitates, nulli Sinarum milites stabant) quando à rusticis fugientibus admoniti mi-

lites Sinæ, omnes aufugerunt. Ipse *Lu* Regulus *Xaoking* urbem deseruit; ac terræ non fidens, naves conscendit, Insulamque *Cheuxan*, è Regione *Nimpo* urbis petiit; ubi hætenus tutus mansit, ac regnat. Quæ Insula, cum vix habitaretur nisi à rusticis & piscatoribus, modo in potentissimum evasit Regnum, quamplurimis Sinis ad *Lu* Regulum confugientibus, quasi ad suorum capillorum asylum. Hic jam septuaginta duæ numerantur civitas: classetes multas habet, quibus hætenus omnem Tartarorum vim elusit, & bene agendi ex ipso Sinarum continenti aliquam expectat occasionem. Ita Tartari facile *Chekiang* Provinciæ reliquas omnes urbes ac civitates in suam rede gere potestatem. Vna *Kinhoa* urbs, in quam summus Præfectus mihi amicissimus domum ac sedem habuit, ejusque urbis erat civis, vim Tartarorum aliquot mensibus sustinuit, ipso Præfecto Duce. Vnde Tartari, ne una urbs aliarum victoriam retardaret, in tres partes copias diviserunt; una pars per *Khiuchen* urbem ac montes, alia per *Venchen* ac littora maris, *Fokien* Provinciam petebat; reliqua, *Kinhoa* pertinaciter obsidebat.

Quo tempore ego ab Imperatore *Lung-wo* missus, *Venxui* civitatem, urbi *Venchen* subjectam, ingressus sum. Adfuere quam mox Tartari, ac urbem quidem *Venchen* primo facile impetu occuparunt, neque multo difficilius illi subditas civitates. Ego domum quamdam ampliore *Venxui* civitatis, quæ tota tumultu ac plurium timore, tum fuga fervebat incolebam. Ut Tartaros adventare inaudii, supra majorem domus portam longæ latæque rubræ papyro hæc inscripta verba exposui: *Hic habitat ex magno Occidente divina legis Doctor*. Similes inscriptiones Præfecti, dum iter faciunt, domibus, ad quas divertere consueverunt, affigere sunt soliti, ut qui qualesque sint omnibus innotescat. Deinde ad domus atrium in aula majori Europæos libros, interque eos majora quædam ac splendide compacta volumina exposui, instrumenta quoque Mathematica quædam, tubos opticos, specula cautica, aliaque similia adjeci: demum Dei Servatoris imaginem in altari ad hoc erecto felici plane eventu colloca- vi. Tantum enim abest, ut ullam à militibus Tartaris passus sim injuriam aut molestiam, ut potius ipsemet Tartarorum Regulus invitatum me liberalissime exceperit, rogaveritque, num capillitium ac vestes Sinicas

Insula
Cheuxan
in Re-
gnum
evadit.

Kinhoa
urbs capi-
tur ac
vastatur.

Tartari
Fokien
Provin-
ciam oc-
cupant
facillime

Lung-
wo
Impera-
tor occi-
ditur.

Duo si-
mul Re-
ges rem
Sinicam
perdunt
discordia.

Tartari
fluvium
superant,
& Xao-
king re-
cuperant.

nicas æquo ac lubenti animo essem mutaturus. Annuentem me, coram se tonderi iussit; cumque significarem ego, rasum huiusmodi caput Sinicis vestibus haud admodum congruere, suas ipsemet extraxit ocreas, meque induere voluit, pileolum quoque suum Tartaricum capiti meo imposuit, epulo excepit, datisque patentibus literis ad antiquam meam stationem, templumque nostrum ac domum nobilissimæ urbis *Hangcheu* abire permisit. Plurimas ad *Kinboa* acceperunt à fortissimo Præfecto clades Tartari, quia majoribus tormentis assidue in illos sæviebat: unde eos castra longius figere coëgit. Demum & illi ex Metropoli majora tormenta adduxere, quibus moenia disjicientes, urbem tandem occuparunt, totamque ferro ac igne misere vastarunt. Ipse Præfectus, ne in Tartarorum manus perveniret, cum tota familia seipsum combussit, dolio tormentarii pulveris admovens ignem intra palatium in quo habitabat.

Tartari
Fokien
Provin-
ciam oc-
cupant
facillime.

Lungus
Impera-
tor occi-
ditur.

Fokien Provincia à tribus Provinciis, *Quangtung* nimirum, *Kiangsi*, ac *Chekiang*, continuis separatur montibus; per quos ut ingrediaris, trium dierum iter est asperissimum; altissimi undique colles, ac profundissimæ valles, horridique calles, famosis Græcorum Thermopylis sive Tauri jugis aut difficiliores, aut æquales fortasse. Erat facilis defensio, si vel pauci rustici asperiora occupassent loca, aut vias rescissionibus aliquibus impedivissent: sed Tartarorum metus adeo Sinarum animos occupaverat, ut vel equorum aspectum non ferrent. Nudos ergo à præsidio montes fugientes relinquunt Sinæ, quos vel ita vacuos ac non custoditos summa superarunt difficultate Tartari, multis curribus ac impedimentis relictis, & pluribus equis præcipitio amissis. Demum facilius totam Provinciam *Fokien* occuparunt, quam alii potuissent prohibere: vix enim tantum temporis in ea occupanda insumpserunt, quantum necessarium est ad eam facile perambulandam. Ipse Imperator, cui nomen *Lungus* (quod Draconem Beligerum sonat) ovi se quam Draconi similem magis præstitit, aufugiens cum valida militum manu, si numerum spectes. Sed nec sic Tartaros effugit: nam pernicibus equis eum insecuti, sagittis hos fugientes velut ovium greges mactarunt; ipseque Imperator derelictus à suis, inter occisos creditur mansisse: numquam enim amplius de eo quidquam auditum est.

Quia ergo tota Provincia ultro sese dedit, & facilius quam ulla alia occupata fuit, nullibi vim repellentibus Sinis, parum passa est à Tartaris; quinimo pluribus ex ea militibus assumptis, & aucto exercitu, eodem deinceps victoriæ cursu in *Quangtung* irruerunt. Illud rarum, pari felicitate ac velocitate usum fuisse alterum Tartarorum Ducem, cui ut mediterranea subigeret, mandatum erat. Nam eodem tempore, per *Huquang* & *Kiangsi* victor transiens, in *Quangtung* pervenerat; & primam illius urbem *Nan-hiung*, vim experiri volentem, igne ferroque delevit. Ita à duplici exercitu facile subacta est Provincia *Quangtung*. Inde vero unus exercitus ad *Peking*, dives spoliis, ac victoriis nobilis, revocatus est; relicto tamen in singulis urbibus præsidio, & designatis Imperatoris Tartari nomine Magistratibus, tam Togatis, quam Militaribus.

Quang-
tung Pro-
vincia
invadi-
tur.

Prudentiores, hujus facilitatis causam in occupanda *Fokien* Provincia aliunde conjiciunt, quibus & ego subscribo: Erat tum temporis in ea famosissimus pyrata, *Chinchilungus* nomine, hic ex *Fokien* oriundus, ac vili loco natus, Lusitanis primum *Macai*, mox Hollandis in Formosa (ita Insulam vocant) ut famulus servivit (*Iquon* exteri omnes vocabant) omnibus notissimus, Hispanis, ac Hollandis: non ita multo post pyrata evasit; ubi vero ex parvis initiis ingentes congregavit classes, ingenio ac manu promptus, ad tantas demum divitias ac vires pervenit, ut Sinicum Imperatorem vel æquaret, vel superaret: nam totius Indiæ mercimonia solus obtinebat, cum Lusitanis *Macai*, cum Hispanis in Philippinis, cum Hollandis in Formosa ac nova Batavia, cum Japonibus, nec non reliquis Regnis, ac Insulis hujus Oceani Indici ditissima habebat commercia. Sinicas merces solus per suos educebat; Indicas autem & Europæas, ac argentum reducere solitus. Cum enim ab Imperatore Sinico criminum veniam extorsisset potius quam obtinuisset, ita viribus auctus est, ut jam classes ter mille navium instrueret. His non contentus, occulte Imperio inhiabat: verum quia probe noverat, nihil se efficere posse, dum Imperialis *Taiminga* Familia superesset (numquam enim populus aut Præfecti illum admisissent, quinimo, ut perduelli restitissent potius) hac Tartarorum occasione sperabat illam extinguendam: tum contra Tartaros, tamquam Sinarum hostes, arma pia pro Sina, ac ab omnibus passim arripienda sumere

Famosus
pyrata
apud Si-
nas.

sumere cogitabat. Nec dubium quin eo prætectu, tamquam Servator ab omnibus adjutus ac susceptus fuisset; itaque cum Tartaris secreta habebat consilia, illis favens, ut sibi prodesset. Hoc autem tempore, quando in *Fokien* irrumpebant, totius belli Dux à *Lunguwo* declaratus fuerat; omnes exercituum Duces illius erant vel fratres, vel affines; milites omnes illius obsequio addicti. Ab hoc ergo admissi sunt Tartari: unde non mirum, si Provinciam *Fokien* ingressi, illum Regis titulo donarint, *Pingnan* Regem constituentes (quod Pacificans Austrum sonat) ac multis aliis honoribus ornantes, ut facilius deciperent: fortassis enim illius mens eos non latuit, vel ex magna, qua pollebat, potentia suspicabantur quod erat; illum videlicet aspirare ad summa: vim tamen contra illum adhibere ausi non sunt; quinimo toto tempore, quo in *Fokien* Tartarorum Regulus militum Dux mansit, honorifice eum habuit, munera saepe transmittens, ac splendidis excipiens conviviiis, eidem insuper *Fokien* & *Quangtung* Provincias regendas promittens. Jam ergo se Australium Provinciarum regimen solidum ac stabile obtenturum cogitabat; sed longe aliud accidit. Cum enim Regulus Tartarus ad *Peking* redire vellet, Sinarumque Præfecti (ut mos est) omnes illum convenirent ad valedicendum, ac per aliquod itineris spatium comitarentur ac deducerent, hoc ultimum urbanitatis officium *Iquon* sive *Chinchilungus*, sui omnisque adeo periculi securus, etiam præstitit: ita cum paucis, classe in portu *Fochen* Metropolitanæ relicta, Regulum Tartarorum adiit, ac comitatus est: sed cum valediceret, & jam abeundi peteret facultatem, à Regulo invitatus est ut secum ad Imperatorem in *Peking* iret, ubi majores honores splendidis verbis promittebantur. Multis hoc iter excusavit: sed ire tandem coactus fuit; & hac arte captus est, qui aliis armis vix capi potuisset. Etiamnum in *Peking* arcta detinetur custodia: quia illius filius ac fratres, cum captum audirent, classes repetivere, quibus mare Sinicum infestant hætenus. De quibus infra aliqua dicenda occurrent.

Vincuntur Tartari in *Quangsi*.
 Alter interea exercitus, qui per mediterranea in *Quangtung* pervenerat, inde *Quangsi* Provinciam invasit. Sed hic arma, quorum vel nomen Siniis timendum fuit, egregie retusa sunt; & unde minime cogitabant Tartari, victoriæ obicem reppererunt.

Erat forte *Quangsi* Provinciæ Prorex *Khin Thomas*, Christianis sacris initiatus, & summam militum hujus Provinciæ Præfecturam *Ching Lucas* obtinebat, cujus familia, jam à quinta progenie, non minus Imperatori Sinico strenue, quam Christo militabat. Hi ergo quamplurimis militibus ac Ducibus congregatis, qui ex aliis Provinciis in *Quangsi* confugerant, communibus armis Tartaros vinci posse ostenderunt. Nam postquam jam Tartari aliqua hujus Provinciæ loca occupassent, illos magna strage affectos vicerunt: imo *Quangtung* vicinam Provinciam ingressi, Occidentalem illius partem recuperarunt. Post hæc, ut caput haberent pro quo pugnarent, ac cujus auspiciis regerentur, reliquosque Sinas promptiores & alacriores ad communem patriæ defensionem allicerent, Regulum ex *Taiminga* Familia, *Vanliei* Nepotem, qui in *Queilin*, *Quangsi* Provinciæ Metropoli sedem habuit, in Imperatorem elegerunt, qui *Jungliens* dictus est. Hic in *Quangtung* Provinciæ nobilissima *Chatking* urbe Imperialem fixit sedem, & hætenus utcumque feliciter contra Tartaros pugnavit. Apud hunc maximus Eunuchus, *Pang Achilles* dictus, Christianis est sacris initiatus, à multo tempore ita Christo serviens, ut nomine ac re semper hætenus se verum Christi cultorem ostenderit; quod ut melius ageret, apud se Patres è nostra Societate habuit: inter quos est R. P. *Andras Xavier* (cujus agnomen proprium est *Coffler*), Austriacus, & R. P. *Michaël Boym* Polonus; quorum opera frequentissimi hic ad Christi ovile accesserunt; inter quos, ipsa Imperatoris Mater, Vxor, ac filius, totius Imperii heres; qui *Constantinus* dictus est, & cui à bonis omnibus adpræcandum, ut (favente Deo) alter sit Sinarum *Constantinus*. Ipsemet Imperator à Fide Christiana non abhorret; sed hætenus Baptismum distulit: permisit tamen ut Regina patrem *Michaëlem Boym* è nostra Societate Legatum, ad præstandam Summo Pontifici obedientiam, ablegaret, ut Europa jam pridem inauduit. Deus Opt. Max. eam illi concedat felicitatem, quæ longe lateque in omnes redundet Sinas, ad majorem Dei gloriam.

Non tantum in *Quangsi*, sed etiam in *Fokien*, visi sunt Sinæ animos resumere. Cum enim Tartarorum exercitus ex ea Provincia ad *Peking* revocatus esset, vix eo pervenerat, quando ex montibus *Fokien* Provinciam tur-
 bat.
 Provin-

Tartari
 mira arte
 pyratam
 decipiunt,
 ac capiunt.

Jungliens
 fit Sinarum
 Imperator.

Imperii
 heres
 Christianis
 sacris
 initiatus.

Latrones
 Fokien
 Provinciam
 turbant.

Provinciae *Vangus* quidam idolorum sacrificulus (qui olim militum Dux fuerat) cum multis seditionem excitavit, ac nobilem urbem *Kienning*, aliasque civitates occupavit, occisis Tartarorum praefidiis. Alii quoque hujus exemplum secuti, ex montibus ubi latitabant eruperunt, & varia loca receperunt. Quinetiam eodem tempore capti *Iquon* affines ac fratres maria infestabant: unde in terram egressi, partem Provinciae circa *Sivencheu* & *Changcheu* suis armis ac milite habuerunt infestam. Erat tum temporis in *Chekiang* Provincia summus Tartarorum Praefectus, duarum Provinciarum Pro-rex, qui auditis his motibus, eadem nocte, maxima celeritate cum omnibus copiis in *Fokien* contendit. Timebat non immerito ne montium fauces, ac difficiliora itinera Sinae occuparent: quod si fecissent, plane de illa actum fuisset Provincia. Sed ubi ad montes pervenit *Changus* (nomen id Pro-regi fuit) & à praefidiis vacuos montes invenit, tum se victorem, ac rebelles perditos proclamavit. Ingressus est ergo, nemine reluctante; & *Kienning* urbem, in quam se receperat *Vangus*, obledit. Tenuit aliquot menses haec obsidio: numquam tamen eam urbem vi intercipere potuit; quin potius plurimis suorum amissis, judicavit sibi temperandum esse ab assultibus, & urbem eminus obsidendam: obtinuit tamen per id tempus, ne reliqui Sinarum Duces cum *Vango* conjungerentur, unde vires sufficientes habere non potuit *Vangus*, quibus extra moenia bellum committeret.

Changus
Tartaro-
rum Dux
frustra
urbem
Kienning
obsidet.

Capitur
tandem,
ac dele-
tur.

Tartari vero qui erant in *Peking*, ubi hos audivere motus, novum exercitum statim submiserunt, ad hanc Provinciam pacandam. Novorum ergo militum auxilio, post aliquot mensium spatium quo urbem obsederant, tandem magnis allatis tormentis (quae bajuli per asperissimos montes raro portabant artificio, onera etiam maxima longis vectibus suspensa humeris ferre soliti) moenia disiecta sunt, & omnes intra urbem tum milites, tum cives, ipsique infantes ad internecionem occisi; trecenta hominum millia ibi caesa fuisse Patres nostri mihi scripsere. Deinde urbs tota flammis est tradita. Eo incendio nostrum hic etiam templum pulcherrimum conflagravit. Duo autem Patres à nostra Societate ex ipsa urbe paulo ante mira Dei providentia emissi fuerant, R. P. *Simon de Cunha* Lusitanus, & R. P. *Ioannes Nicolaus Smogoleski* Polo-

nus, servati tamquam Loth ex Sodoma, quod nomen, ob nefandam libidinem, huic urbi maxime convenit. Intercepta porro & deleta hac urbe, totam hanc Provinciam facile iterum subegerunt Tartari: ex Sinis autem, alii montes repetiverunt, alii maria: atque ita denuo ad *Peking* novus hic exercitus revocatus est. Observandum enim hoc quoque in Tartarica militia rarum, quod victores exercitus revocent, ac novos submittant ex sua gente, quae tota omnino belli studiis addicta est; qua in re duo potissimum spectant: Primum quidem, ut ultro citroque militibus per Provincias assidue transeuntibus, Sinas timore in officio contineant: Secundum, ut magis egentibus Tartaris militibus provideant: victores enim multis spoliis ditatos revocant, ut se recreent; quorum exemplo ad fortiter pugnandum magis egentes invitantur, similem fortunam expectantes, opimamque praedam sibi quoque minime defuturam rati.

Ceterum his peractis, res Tartarorum ad maximum pervenerunt discrimen, occasione cujusdam prodicionis. Quamvis enim omnem moveant lapidem, ut nullus detur rebellionis locus; quamplurimas tamen experti sunt. Cum enim vastum & ingens sit hoc Sinarum Imperium; ut praefidia debito loco atque ordine collocentur, necesse est Sinas ipsos ad haec etiam adhibere: soli enim Tartari non sufficerent. Et quamvis hoc diligenter observent, ut numquam ex eadem Provincia Duces vel milites in ea relinquant; quamplurimos tamen habuere perduelles. Ita autem praefidia distribuunt, ut in qualibet Metropoli sedem figat summus militum Dux, cui omnes reliqui pareant. Hic justum alit exercitum; ac ubi majores motus audit, opportune subvenire debet. Quaelibet deinde urbs suum habet Ducem cum sufficiente militum numero. In Metropoli maxima ex parte Tartari sunt milites; in aliis urbibus Sinae fere omnes. Sed cum nullum adeo egregium consilium, aut regimen providum sit, quod proditio evertere non possit, nec sui Tartaris defuere proditores. Inter hos, primus à Tartaris defecit summus Dux *Kinus*, qui Provinciam *Kiangsi* regebat. Erat ille ex *Leaotung* oriundus. Hujus autem regionis incolis, utpote Tartariae vicinissimis, maxime fidunt Tartari. Accidit autem (nescio quo casu) ut illi cum totius Provinciae Visitatore, ob hujus avaritiam, suborirentur aliqua con-

praefidia
Tartaro-
rum qua-
lia.

Dux Ki-
nus à
Tartaris
defecit.

Inter
duos Tar-
tarorum
Præfectos
odium
Kiangsi
Provin-
ciam tur-
bat.

troverſiæ & contentiones, quæ paulatim in ſecreta odia tranſierunt: & quamvis uterque, more Sinarum, miro artificio odium diſſimularet ac tegetet; demum tamen in apertam totius Provinciæ perniciem erupit. Cum enim eandem regerent Provin- ciam, ille Militaris, hic Togatus Præfectus, ſæpe ſimul convenire debebant, imo & convivia ſimul celebrabant. Forte protra- cto diutius convivio (ut moris ibi eſt) Co- mœdiam ſpectabant, in qua perſonæ Sini- cis, non Tartaricis veſtibus, tamquam pul- chrioribus utebantur: tum *Kinus* ad Viſi- torem converſus, *An non hic habitus no- ſtro*, inquit, *eſt gravior ac melior?* Fuere hæc verba ejuſmodi, ut de iis Viſitator per libellum Imperatorem admonendum judi- caret, in quo æmulum *Kinum* accuſabat, quod edictum Tartarorum de mutandis ve- ſtibus contemneret, magiſque propenſum erga Sinicas veſtes animum oſtenderet.

Multa lo-
ca à Tar-
taris de-
ficiunt.

Habebat *Kinus* apud Viſitorem mu- neribus largitionibuſque à ſe corruptum quemdam, qui alteri erat à ſecretis: is eum de ſingulis dictis vel ſcriptis admonebat. Vbi vero hunc libellum miſſum audiit, per ſuos ſtatim curſorem intercipit, ac libello lecto, quamprimum Viſitatoris palatium armatus invadit, ac ipſum trucidat. Dein- de cum tota Provincia, applaudentibus Si- nis, à Tartaris deficit, ac *Junglieum* Impe- ratorem agnoſcit. Una urbs *Cancheu*, quæ à fideliffimo Tartaris Duce regebatur, non paruit *Kino*; imo, ut videbimus, ſola in cauſa fuit, cur Tartari denuo *Kiangſi* ac *Quangtung* Provincias recuperarent. Nam & in *Quangtung* Provincia ſummus mili- tum Dux *Lihuzus* eodem tempore à Tar- taris defecerat, ac eam Provinciam *Jun- glieo* ſubjecerat; & in *Huquang* Auſtra- liores partes *Junglieum* quoque admiferant Imperatorem. *Lihuzi* autem mens ac conſi- lium erat, cum *Kino* vires conjungere, & unitis viribus Tartaros ejicere ex Imperio. Nec forte victoria conſilio defuiſſet; ſed Præfectus urbis *Cancheu* (quæ quatuor Provinciarum clavis eſt) dolo ac arte ſpem omnem præcidit. Is ubi *Lihuzum* etiam à Tartaris defeciſſe, & cum exercitu adve- nire inaudiit, hanc ad eum epiſtolam dedit:

Cancheu
urbis
Præfecti
dolos.

Haſtenus Kino non parui, quod illius vires Tartaris pares non crederem: ſed quando- quidem, fortiſſime Dux, etiam in Tartaros moves, quod amplius ab his ſperem non ha- beo. Tuus ſum, & tuarum partium ſecta- tor: ubi vel ipſe, vel per tuos aderis, hanc

urbem tibi tradam. Interea ex vicina Pro- vincia *Fokien* quanta poteſt à Præfectis Tartaricis auxilia poſcit, quæ quam poteſt occulte in urbem intromittit. Adeſt ergo *Lihuzus*, & urbis portas apertas reperit: ſed dum quaſi de tota re ſecurus cœpit in- gredi, ab undique inſurgentibus Tartaris invaditur, ac magna vi repellitur. Inopina- tus iſte caſus perculit ejus milites; magna- que affecti ſunt ſtrage: ipſe quoque extin- ctus dicitur; nam de eo nil amplius auditu- m eſt.

Hæc res maxime *Jungliei* Imperatoris negotia ac ſpes turbavit. Sed *Kinus* interea non paucas de Tartaris victorias obtinet. Cum enim ſummus Auſtraliſium Provincia- rum Præfectus, qui in *Nanking* urbe ſedem habebat, quantas potuit copias repente col- legiſſet, ut *Kinum* opprimeret; caſus ta- men ac fugatus eſt aliquoties. Et ſiquidem hic *Kinus* victoriarum curſum promovere potuiſſet, ad ipſam uſque *Nanking* urbem victor penetraſſet; ſed propter urbem *Can- cheu* merito ſollicitus, regredi coactus eſt: quia à tergo hoſtem relinquere tutum illi non erat, cum nec annonam, nec reliqua neceſſaria à *Junglieo* habere poſſet, niſi per urbem *Cancheu*, prono flumine. Quare ubi de *Lihuzi* caſu inaudit, cum omnibus ſuis copiis ad *Cancheu* urbem ſe contulit, eam- que obſedit. Verum dum hæc obſidio mo- ras trahit, ex Regia *Peking* novus adſuit Tartarorum exercitus, cui mandatum erat, ut *Kiangſi* Provinciam recuperaret. Vnde *Kinus*, relicta obſidione, ad Borealia Pro- vinciaſ conſinia cuſtodienda ſe recepit, Tar- taris ingreſſum prohibitus. Et primo qui- dem ſatis feliciter ac fortiter pugnavit: in- gentem enim habebat exercitum Tartari- cis armis aſſuetum ac pugnis: ſed irruen- tium impetum ſuſtinere diutius non valens, coactus eſt tandem retrocedere, ac Metro- polim *Nanchang* ingredi ad ſecuritatem: quam tamen urbem Tartari violento mar- te invadere non auſi, longa obſidione ad deditionem cogere ſtatuunt. Convocatis ergo undique ruſticis Sinis, & ad opus ada- ctis, tantum effecit, ut latiffimam foſſam per ingens ſpatium circa urbem ducerent quacumque per terram patebat iter; in flu- minibus vero claſſes diſpoſuerunt, omnem ſic urbi annonam intercluſuri. Eſt urbs *Nanchang* ampla, & incolis frequentiffi- ma, quam ingens tum temporis militum multitudo propugnabat: unde, licet quan- tam potuit *Kinus* annonam collegiſſet, poſt aliquot

Kinus
urbe
erump

Nan-
chang
urbs
ſtatur

Kinus à
Tartaris
obſide-
tur.

Tr
gul
ant
cun
den
ere
con

aliquot tamen obsidionis menses ad summas angustias redactus est. Quamplurimi jam fame moriebantur, & tamen deditio- nem differebant, à *Junglieo* auxilia speran- tes. Sed & *Canchen* urbs, numquam à *Quangtung* militibus subigi potuit. In quo rerum articulo, summa victus inopia pres- sus *Kinus*, sic suos est allocutus: *Nulla no- bis, commilitones, spes restat, nisi in manu es animis. Vi nobis per Tartaros aperienda est via: fortiter agite, meum secuti exemplum.*

Kinus ex urbe erumpit.

His dictis, & rebus bene ordinatis, dere- pente erupit; summamque in fossæ tran- situ difficultatem expertus, demum eam, nequicquam pugnantibus Tartaris, cum suis superavit, ac pugnando fugæ locum in- venit, quamplurimis occisis Tartaris. *Ki- num* vivum evasisse, constans est fama, ac latitare in montibus cum non contemnen- dis copiis, & novas bene agendi ibi expe- ctare occasiones.

Nan- chang urbs va- statur.

Vbi ergo evasit, Tartari urbem ingressi eam diripiunt; deinde cives omnes inter- necione delent. Est enim hoc Tartaris so- lemne, ut urbibus sese tradentibus nil mali inferant; resistentibus autem priusquam in eorum potestatem veniant, duriores sint; sed rebellantibus nullo modo parcant, si vi recipiantur. In hac etiam cæde duo ex no- stris Patribus, R. P. *Tranquillus Grassetti* Italus, & R. P. *Iosephus de Almeida* Lusi- tanus, ac frater Coadjutor *Emanuel Go- mez* Macaensis periire, non quidem intra urbem, sed in pago à prædantibus militibus occisi; antiquum quoque ac pulchrum templum nostrum conflagravit intra ur- bem. Post hæc, Tartari totam Provinciam pronam ad deditioem nacti, ea omnino pacata, & relictis novis præfidiis, reversus est ad *Peking* victor exercitus. Interea *Pe- king* alii tres novi parabantur exercitus, ad *Quangtung*, ac reliquas Provincias, *Jun- glieo* Sinarum Imperatori adhuc subjectas, denuo subigendas, ac melius conservandas. Cum enim tutor Imperatoris Tartari, ac reliqui Magnates, tot viderent motus & defe- ctiones Australium Provinciarum; ut sibi subditos in officio continerent, decre- verunt eas concedere Tartaris Regulis, tri- butariis tamen, à quibus regerentur. Anno itaque, quo hæc agebantur, MDCXLIV tres Reguli missi sunt cum tribus justis ex- ercibus, qui partim Tartaris, partim Sinis militibus constabant. Vnus ex illis Provin- ciæ *Fokien* Regulus, alius *Quangtung*, ter- tius *Quangsi* constitutus est, ea conditione,

Tres Re- guli cre- antur, ac cum toti- dem ex- ercibus contra

ut primum unitis viribus ac armis *Quang- tung* recuperarent, ac *Junglieum* profliga- rent. Sed de his infra: nunc ad præcipuas Borealiū Provinciarum à Tartaris defe- ctiones veniamus.

Non minus ad Boream, quam ad Au- strum, libertatis amantes Sinæ se sic inte- rim probarunt: ubi Duces quidem à Tar- tavis victi, sed non capti, secreta de eji- ciendis Tartaris agitantes consilia, & hi Provinciarum tutiora ac secretiora loca in- colentes, quotquot poterant milites con- gregarunt. Tres ex illis in *Xensi* Provin- ciæ densissimis montibus vagabantur: pri- mus, *Hous* dicebatur. Hic jam viribus pollens, reliquos invitavit ut sibi auxilio essent, ac conjunctis viribus patriam libe- rarent. Vnus illis consensit; alter non ad- fuit, duo tamen militum millia ad *Houm* in suppetias misit. Itaque cum viginti-

Jungli- cum mit- untur.

quinque millibus progreditur *Hous*; non contemnendæ copiæ, si milites animo ac fortitudine fuissent pari. Præmisit diplo- ma, quo Tartaros audacter provocabat, ac omnia illis extrema minitabatur; Sinis vero libertatem, incolumitatem, atque omnia bonorum genera promittebat. Ne- que paucas urbes ac civitates ad deditio- nem faciles invenit, Sinis ultro portas ape- rientibus, & excipientibus: *Sigan* Me- tropolitana urbs sola præsidium ad vim repellendam idoneum habebat. Tria erant ea in urbe Tartarorum millia, ac selecto- rum Sinarum duo millia ex his, qui sub Tartaro Imperatore merebant. Eorum Dux, ubi *Hoi* motus audivit, undique quas potuit collegit vires, ac reliqua ad feren- dam obsidionem necessaria, donec nova Tartarorum auxilia advenirent. Vbi autem rescivit, Sinas ultro urbes ac civitates tra- dere, ut hoc in Metropolitana ne fieret, ci- ves omnes ipse trucidare crudelissime con- stituit: nec ullis umquam precibus ab im- mani hac sententia dimoveri potuit; donec tandem totius Provinciæ Prorege rogante, ac suadente, promissa civium fideli opera, tyrannicum consilium mutavit. Interim edixit, ut omnes denuo capillos, & omni- no more Tartarico raderent, indicta per- duellionis poena; ut eo discrimine cives à reliquis, si qui forte ingrederentur, digno- sceret: hætenus enim Sinæ, capillorum suorum amantissimi, non totos crines ab- radebant, sed parvam dumtaxat eorum par- tem temporibus hærentem. Edixit præter- ea, ut ubicumque intra mœnia plures quam

Hous in Tartaros insurgit.

Crudele consilium Ducis Tartar.

bini

bini colloquerentur, id morte luerent: ventuit, ne quis moenia conscenderet; ne quis noctu per urbem obambulet, ignemve aut candelam noctu domi accenderet: iussit ut omnia armorum genera traderentur; qui secus facerent, omnes cum tota familia rei mortis essent.

Metropo-
lita Si-
gan obse-
datur.

Post hæc, ut hostium vires exploraret, aliquos equites emisit, qui partim cæsi, partim fugientes in urbem regressi sunt. Quintetiam ut fortitudinis Tartarus Dux ac securitatis ostentatione deterreret hostem, portas urbis apertas esse voluit; imo nec mobiles fossarum pontes attolli permisit. Adest tamen *Hous*, & ingentem hanc urbem circumquaque à longe obsidet, extra tormentorum curulium ictum. Trium leucarum est ambitus urbis: ut autem majores quam revera habebat *Hous* vires ostentaret, ignavum vulgus rusticorum suis adjunxit, cum quibus trecenta hominum millia effecit. Tantam ubi Dux Tartarus vidit multitudinem, omnes esse milites credidit; unde de civibus omnibus delendis iterum cogitat: sed meditata tam immania spes prosperi successus discussit. Gavisus enim plurimum fuit, quando ex moenibus prospectans, milites Sinas, quos habebat sub signis, magnis animis cum *Hoji* copiis dimicare vidit. Hoc enim viso clamabat, *Hoo Manzu*, quod bonos barbaros sonat: ita nimirum à Tartaris Sinæ vocantur, ut fere subactæ gentes subigentibus ludibrio sunt. Cumulabat vero hoc scomma his verbis, *Manzuxa Manzu*, hoc est, barbari barbaros necant: quos tamen, ubi à pugna redibant, non solum collaudabat, sed argento etiam donabat, quod in moenibus, ad præmia eorum qui promptissime dimicassent, exponi jusserat. Itaque *Hous*, cum nullos intra urbem motus esse civium, prout sperabat, intelligeret, conatus suos in irritum cecidisse videt. Sed & Tartarorum exercitus suppetias venit: de quo ubi per exploratores admonitus fuit *Hous*, aufugit illico; neque sic tamen Tartarorum manus omnino evasit. Tartarus enim Dux equites in fugientem ex urbe emisit, qui ultimum ejus agmen occuparunt, & occisione deleverunt, quamplurimis ablatis spoliis; quæ Dux ita distribuit, ut vulneratis plus daret, quam ceteris. Quid post hæc de *Hoo* actum, hætenus ignotum est, & nihil de eo auditum. Nihil ergo hi motus Borealium Sinarum contra Tartaros magis effecerunt, quam Australium Provinciarum turbæ; nisi vastitatem incolarum

Urbs Si-
gan libe-
ratur.

ac regionum, quas Tartari denuo occupantes, utrimque misere vastarunt, ac spoliarunt.

Hoc periculo defuncti Tartari, in aliud <sup>Tartaro-
rum insolentia res
eorum ad
magnum
discrimen
perducit.</sup> maximum, ab eorum insolentia ortum, incurserunt. Anno enim MDCXLIX Tartarus Imperator, jam adolescens, uxorem Tartariæ, nimirum *Tanyu* Regni; ut vel sic hunc Regem, cujus vires formidabat, amicum conservaret. Ad eum ergo Legatum misit Patruum suum Regem *Parvang*. Huic per fortissimam urbem *Taitung*, quæ *Xansi* Provinciæ Borealissima est, iter erat. Dicitur autem hæc urbs clavis *Xansi* Provinciæ, estque magni momenti contra Occidentales Tartaros: multis enim munitis præest, ac ingentem militum numerum alit, ad montium & itineris custodiam: ibi enim trans murum illum fama inclytum ingentes planities sese explicant, Tartarorum excursionibus aptissimæ. Sunt in hac urbe (ut vulgo creditur) totius Sinæ pulcherrimæ mulieres: harum aliquas Tartari, qui comitabantur *Parvang*, rapuerunt, ac inter ceteras, nobilem puellam, cum ad sponsi domum duceretur, inauditum hætenus Sinis crimen. Gubernabat pro Tartaris has terras *Kiangus* Præfectus militum: apud hunc populi de Tartarorum insolentis conquesti sunt. Ille rei indignitate motus, mittit statim qui Regulum *Parvang* admoneat, ac roget, ut sponsam restitui jubeat, ac suorum immoderationem compe-scat. Regulus hæc furda excepit aure. Quamobrem ipsemet Dux *Kiangus* Regulum adit: à quo non modo non admissus est ad colloquium, verum etiam injuria affectus ex palatio ejicitur. Ira itaque fremens, Tartarorum sanguine acceptam injuriam ulcisci statuit: suos milites convocat, ac repente Tartaros invadit ac trucidat. Ipse Regulus per murum dimissus vix vivus evasit, pernicis equi celeritate. Tum *Kiangus* vexillum erigit, quo se *Han* Regni, hoc est, Sinici Imperatoris subditum declarat, nullo tamen Imperatoris nomine sigillatim expresso; forte quia ob maximum itineris intervallum de *Iunglieo* nihil audierat. Itaque <sup>Kiangus
in Tartar-
os insur-
git.</sup> Sinas omnes ad patriæ defensionem, ac Tartarorum expulsionem invitat. Nec pauci fuere milites ac Duces, qui ad eum concurrere. <sup>Kiangus
magnas
congre-
gat vi-
res.</sup> *Quin* & ab Occidentalibus Tartaris (contra quos ipse cum suo milite hætenus steterat) magnis promissis auxilia poscit, ac obtinet. Hæc res mirum quan-

quantum Regiam turbavit, ac Tartaros Præfectos: nam Occidentales Tartaros Imperio inhiare, ac sibi invidere, non dubitabant: sciebant eorum vires, ac copias firmiores ac plures esse, quam Orientalium Tartarorum. Augebat metum quod nullos deinceps sibi equos fore animadverterent, quibus ut abundat Occidentalis Tartaria, ita Orientales non aliunde eos emere poterant. Quare quanta possunt velocitate, antequam *Kiangus* majores congregaret vires, justum exercitum Tartarorum contra eum ex Regia *Peking* mittunt. *Kiangus* vero, qui non minus fortitudine, quam arte promptus erat, & Tartarorum ingenia probe perspecta habebat, à multo tempore cum illis degens, fugam primo cum suis simulat; sed in ultimo agmine currus quamplurimos ire jubet, operosè contentos, quasi ditissima quæque continerent; qui tamen reipsa non merces, verum tormenta majora ac minora quamplurima inverso ore vehabant. Tartari veram eam fugam rati, incomposito agmine ad prædam advolant: verum tormentis inopinato explosis maxima eorum pars occumbit; quin & *Kiangus* acie obversa, confusos invadit, ac non parva edita strage fugat. Paulo post quoque, non minus stratagemate quam fortitudine insignem se *Kiangus* ostendit: cum novo ac reparato Tartarorum exercitu aperto confligit marte, ac nobilem reportat victoriam, qua Regiam *Peking* confusione ac metu implevit. Iam enim victor *Kiangus* ingentem ex concurrentibus undique Sinis contraxerat exercitum, ita ut centum quadraginta millia equitum, & quadraginta millia peditum numerasse dicatur. Ut enim victorem sequuntur omnia, felici jam Duci militare universi contra patriæ hostes contendebant. Vnde *Amavangus*, Imperatoris tutor, nulli alteri tanti momenti negotium committere volens, ipsemet in *Kiangum* movit, ultimum periculum de Tartarorum fortuna facturus. Tota igitur octo vexilla ad hoc bellum eduxit; hoc est, cunctas Tartarorum vires, quæ in *Peking* reperiebantur. Constat autem, sub octo vexillis omnes milites Tartaros ac Sinas, tum qui in *Peking*, tum qui per totam Sinam sunt sparsi, distributos esse. Primum, album est, quod Imperiale dicitur; secundum, rubrum; tertium, nigrum; quartum, croceum: his tribus ultimis Patruī Imperatoris præsunt; primum autem ipse Imperator regit. Ex his

quatuor, permixto colore alia quatuor conficiunt; unde quilibet miles sub quo vexillo sit, & ad quæ castra, vel ad quam urbis partem devertere debeat, cognoscit; ubi semper paratis equis ac armis ad bellum prompti habitant. Cum autem exercitus vel cohors aliqua emittenda est, intra semihoram expediri possunt omnia. Inflatur enim pro tuba marinum cornu, illis simile quæ nos Tritonibus appingimus: ex loco autem, ac modo soni, qui & quo numero milites ac Duces procedere debeant, intelligunt; unde sine mora parati adsunt, ac vexillum sequentes (quod à tergo ligatum eques portat) exeunt, licet sæpe præter Ducem ac Signiferum, nemo, quorsum & cujus rei causa dicatur, intelligat. Quando pugnandum est, tum primum quo destinentur, cognoscunt. Secretum hoc in Tartarica militia Sinas omnes semper suspensos ac attonitos tenuit. Cum enim putarent Tartaros hanc aut illam regionem petere, sæpe aliam derepente petivere. Illud etiam in Tartarica militia rarum, quod nulla secum ducant impedimenta, nec de annona sint solliciti: cibus quem occupant, satiat: carne ut plurimum vescuntur, nec à semicocta vel semiaffa abhorrent: ubi alia deest, occisos equos ac camelos vorant: per otium venantur, ac sæpe integros campos vel montes circumdant; deinde paulatim coeuntes feras in medio claudunt, ex quibus quot & quascumque volunt, interimunt: venaticos etiam ad hæc canes præstantissimos alunt, ac vultures. Cubile illis est solum, tapete, quo ephippium contegunt, substrato: à domiciliis incolendis abhorrent; tentoria pulcherrima habent, quæ tanta velocitate ac arte erigunt, vel deponunt, ut festinantem exercitum non detineant: si domos inhabitare necessitas cogat, parietes omnes perrumpunt, relictis columnis, ac tectis: eundem locum cum equis pro cubili habent. Ita militiæ soli vivunt, seque indurant.

Ex omnibus ergo vexillis, *Amavangus* optimos quosque ac frequentissimos eduxit. Præterea à tribus Regulis, quos in Austrum ablegabat, partem militum sibi adjunxit; mandans ut per Provincias, per quas transibant, ex præsidiariis certum acciperent numerum, quo defectum supplerent. Sed ingentem licet exercitum duceret *Amavangus*, numquam tamen pugnare cum *Kiangus* voluit; ne nondum bene fundati Tartarorum Imperii fortunam everteret,

Kiangus
stratagemate
Tartaros
vicit.

Tartaros
iterum
vicit.

Amavangus
ipse in
Kiangum
movet.

Tartarorum
vexilla.

Secretum
magnifaciant
in militia
Tartari.

Tartari
venatione
delectantur.

teret, aut unius pugnae periculo exponeret. Itaque, licet *Kiangus* saepius pugnam parato exercitu obtulisset, semper *Amarangus* detrectavit, donec quid Occidentales Tartari responderent cognosceret; ad quorum Regem Legatum cum magnis misit muneribus; filiam ejus pro Sinici Imperii domino in uxorem petens, ac affinitatem; rogans insuper, ut *Kiangus* auxilia non submitteret. Obtinere ditissima auri, sericorum, argenti ac mulierum munera, quod volebat. Vnde *Kiangus* à Tartaris desertus, ut rebus suis melius provideret, ad *Taitung* urbem regressus est; cuius rei cito illum, sed frustra poenituit. *Amarangus* enim, convocatis innumeris undique rusticis, ingenti fossa (quæ decem leucas ambitu continebat) incredibili trium dierum velocitate, & erectis undique castellis, subitaneo opere urbem clausit. Tum enimvero *Kiangus* errorem suum agnovit, ac sibi suisque fame pereundum non dubitavit, quod ad fossam ducendam spatium concessisset. Itaque ira fremens, ut erat egregius miles, ad suos conversus, *Mori*, inquit, *volo, non fame, sed ferro, si moriendum est.* His dictis, cum toto exercitu ad fossam tendit. Pugnatum hic magna utrumque contentione; ab istis, ut fossam transirent; ab illis, ut defenderent: varia fuit fortuna, ac incerta victoria, donec *Kiangus* fortiter pugnando sagitta transfixus corruit, & cum eo spes tota Sinarum. Milites, eo mortuo, depositis armis partim aufugerunt, partim se Tartaris tradiderunt; à quibus libenter ac humaniter excipiebantur, satis utique gaudentibus, quod tantum amittendi Imperii periculum evassissent, ac tantum hostem debellassent. Post hæc *Taitung* urbem spoliaverunt, & præcipue *Puchen* civitatem, quam etiam igne cremarunt; ita templum ibi nostrum perit, ubi paucos ante annos, *Licungzi* latronis tempore, & patrem *Michaëlem Valtæ* Austriacum amiseramus. Reliqua ultro se submiserunt. Inde vero Tartari victores, ac spoliis onusti, *Peking* redierunt; ubi tum temporis eram, & ditissimos plerosque redeuntē vidi. *Amarangus* autem deinceps Occidentalem Tartariam ingressus est, ubi *Xunchius* Imperatoris matrimonium stabilivit, & quamplurimos equos à Regni *Tanyu* Tartaris accepit.

Kiangi
error.

Kiangus
occiditur.

Xunchius
Imperator uxorem ducit.

Interea tres Reguli, de quibus supra, Austrum petebant, ut inquietas illas Provincias in officio continerent. Per *Xantung*

iter habebant prono flumine *Guei* navigantes: cumque transirent per eam regionem, quam Imperator, occisis ob perduellionem Sinis, inhabitandam & colendam Tartaris distribuerat, horum quamplurimi, cum magis bello ac armis gauderent quam aratro aut ligonibus, agriculturæ ignari, ut Regulos comitari possent rogarunt. Duo ex Regulis hos admittere noluerunt inconsulto Imperatore; tertius, *Kengus* dictus, admisit: itaque læti rustica instrumenta in bellica permutarunt. Imperator, ubi hæc rescivit, *Kengo* mandat, ut eos remittat: at ille varia prætendens, obedire detrectat. Quare Australium Provinciarum summus Gubernatori, qui *Nanking* residebat, Imperator rursus mandat, ut *Kengum* vel vivum capiat, vel occidat. Facit ille Imperatoris mandatum secretissime. Regulos *Nanking* advenientes alacriter excipit, paratis conviviis, ac comediis exhibitis, quasi nullum ab Imperatore mandatum haberet. Cumque adesset dies, quo iter suum Reguli per magnum *Kiang* fluvium continuare volebant, prædictus Gubernator eos iterum convenit, ac in ipso flumine convivio excipit, quasi valedicturus: (habet autem Sina ad hunc usum pulcherrimas ac ingentes naves, quæ quædam palatia inaurata crederes.) Regulos igitur in hujusmodi navi convivantes hilariter detinet, donec milites omnes longius præcessissent: tum vero Imperatoris mandatum *Kengo* exponit. Ille promptam obedientiam simulans, se in ejus potestate futurum, & *Nanking* reverfurum promittit, si prius concederet, ut ad navim, quæ ipsum expectabat, se conferret, & de rebus suis disponderet. Concessum est; & navem ingressus, laqueo se suspendit, ac mortem, quam effugere non potuisset, sibi ipsi intulit. Summus autem Gubernator, Imperatoris nomine, ejus filio eandem quam pater habuerat Præfecturam concessit; atque ita tres Reguli, superata *Nanking* ac *Kiangsi* Provincia, ingressi sunt tandem Provinciam *Quangtung*, Iunglieo Imperatori bellum illaturi. Et primum quidem nullo negotio plurimas urbes ac civitates ad voluntariam deditionem pronas habuerunt, trium videlicet exercituum potentiam formidantes; sed *Quangcheu* Metropolis vim experiri voluit.

Est *Quangcheu* urbs ditissima, ac amplissima, undique magnis ac latissimis aquis cincta, unica Borealis porta in continenti est

Kengus
Regulus
se ipsum
suspendit.

Iung
fugit

Quangcheu
urbs
obsidetur.

ti est; alibi tantum naviculis in urbem patet iter. Aderat ibi cum ingenti classe capti *Iquon* filius: numerosæ præterea militum copiae illam defendebant, inter quas & *Macaënses* fugitivi non pauci, qui ob opima stipendia Iunglieo militabant. Vnde non mirum si integro fere anno obsidionem tulit: fame enim domari non poterat; quia mari facile omnia ac libere advehebantur; Tartaris interim classe carentibus, & navigationis ignaris. Quibus addendum insuper, Tartaros plurimos in ea obsidione occisos, & ter impressionem facientes, fortiter rejectos fuisse. Attamen xxiv Novembris MDCI. postquam magnis tormentis mœnia Tartari dejecissent, eam coeperunt; prodente etiam, ut fertur, Præfecto quodam Sinico; cui eandem Tartari Præfecturam, quam habebat, reliquere; unde prodicionis suspicio. Altera vero die urbem spoliare coeperunt, & ad quintam usque Decembris deprædatio tenuit, in qua infantes, mulieres, ac obvii omnes necabantur crudelissime; unaque audiebatur vox, *Occide, Occide hos rebelles barbaros*. Artificibus tantum aliquibus vita permessa est, ad conservandas artes, & iis quos ad spolia portanda milites Tartari robustiores videbant. Sexta demum die Decembris Regulus diploma publicavit, quo sæviri ultra vetuit, postquam supra centum millia hominum occisa sunt, præter eos, qui obsidionis tempore vario mortis genere præcepti fuerant. Post hæc, circumvicinæ civitates omnes Legatos suos miserunt, per quos Tartaris se ultro dedebant, misericordiam implorantes, quam magnis missis muneribus obtinuerunt. Deinde Regulus in *Chaoking* copias duxit, ubi *Iungliei* erat Regia; ex qua cum tota Familia impar viribus Rex aufugit, & urbem Tartaris cedere est coactus. Quoniam autem Rex iste cum suis devenerit, hæcenus ignotum est mihi, (*Quangsi* Provinciam ingressum non dubito.) Hoc enim tempore ex Provincia *Fokien* Sinica navi vectus, Philippinas petiit, in Europam ab iis missus, à quorum nutu discedere mihi nefas.

Iunglieus fugit.

In Metropolitana *Quangcheu* templum magnificum habebamus, ubi Pater *Alvarus Semedo* Christianam rem procurabat, qui etiam à Tartaris captus ligatusque fuit, sæpe mortem minitantibus, nisi argentum, quod bonus Pater non habebat, proferret: demum postquam multa passus esset, ob venerandam canitiem, & libertatem & vi-

tam mirabiliter obtinuit, à Regulo agnitus ac dimissus: quinimo ab eodem Breviarium Romanum, Sacra Biblia, ac bonam argenti summam eleëmofynæ nomine accepit, & domum insuper, ex qua templum construeret. Quod mirum videri non debet; namque hic Regulus & Patres in reliqua Sina noverat, & Religionem Christianam perspectam habebat, quando sub *Sun Ignatio* militabat, sub quo ad Tartaros confugerat. Nec solus hic Tartarus rebus nostris favet; ceteri fere omnes Europæos Patres amant, æstimant ac venerantur. Et non pauci ex illis jam Fidem admiserunt nostram; majoresque multo fructus speramus, si à sociis adjuti, ipsam ingrediamur Tartariam, ut meditamur; ubi nostros Deo Optimo Maximo egregiam operam navaturos confidimus. Et fortasse benignus Deus Sinam Tartaris aperuit, ut Religioni Christianæ in ultimam Tartariam pandat iter, hæcenus ignotam nobis ac inaccessam.

Tartari Templum offerunt Patribus

Tartari Fidem amplectuntur.

Eodem tempore quo hæc agebantur, contra Coreanos etiam motum est bellum. Erant illi ab aliquot annis Tartaris tributarii, ea conditione, ut vestes ac capillos non mutarent: sed Tartari, tot victoriis inflati, jam cogebant ut Tartarico more incederent: quare totum illud Regnum à Tartaris defecit. Sed quid deinceps actum, nondum ad me perlatum est.

Corea à Tartaris deficit.

Ceterum inter tantas Tartarorum victorias, initio anni MDCI. mors *Amarangi* luctuosa incidit. Vir fuit, cui Tartari occupatum Imperium debent, prudentia, justitia, bellica arte & comitate insignis; ob quas virtutes non modo Tartaris, sed ipsis Sinis amori simul ac terrori fuit. Hujus mors Regiam turbavit: alter enim Rex Tartarus, hujus frater, nomine Quintus, *Xunchii* junioris Imperatoris tutelam per vim arripere volebat, Tartaris ac Sinis invitis, qui *Xunchium* jam annorum sexdecim, posse ac debere regimen suscipere contendebant. Quintus autem Rex contra, *Xunchii* ætatem tantis rebus adhuc imparem prætendebat, ac sibi debitam tutelam. Quare Præfecti omnes, eo tempore in Regia versantes, palatium ingressi, Præfecturæ insignia deposuerunt; negantes illa ab alio, quam à *Xunchio* se recepturos. Hac visa constantia, Quintus ipse Rex, ne magis exacerbarer animos, & majores turbas excitaret, tandem quievit.

Amarangus moritur.

Ceterum, *Amarangi* mortem, Tartarorum res turbaturam, ac ad magna discrimina per-

per-

perduſturam non dubito. Ægre enim juvenis Imperator illi ſimilem fortitudine ac gubernandi peritia inveniet, quem Reges ac Præfecti omnes venerentur ſimul, ac timeant: ſed tempus futura evolvet. Nunc ad *Changhienchungum* ſecundum latronem veniamus, de quo me acturum promiſi: ut quo pacto Tartari non modo Orientaliora, ac Mediterranea, ſed etiam Occidentaliffima Sinæ occuparint, ediſſeram.

Changhienchungus immanis tyrannus.

Pudet equidem ac tædet de hujus latronis rebus agere; tum quia ejus facinora vix fidem invenient, tum quia ſunt ejuſmodi, ut de iis ne cogitare quidem deceat ſine horrore. De eo longam habeo narrationem, à duobus noſtris Patribus ſcriptam, qui in *Suchuen* provincia, ubi latro erat, rem divinam procurabant, nempe R. P. *Ludovico Bullio* Siculo & R. P. *Gabriele de Magellanes* Luſitano: quorum integritati quia debetur fides, ideo adducar ut credam, mortalem hominem ad tantam nequitiam ac ſævitiā pervenire potuiſſe. Ex ea igitur narratione hæc breviter deſumpſi, quæ nihil fere aliud continent, quam diræ crudelitatis exempla, & adeo exquisitæ, ut vix dubitari poſſit, quin Lector, quantumvis humanus, ejus auctorem, non hominem, ſed feram, aut carne humana indutum dæmonem appellare debeat, & ſi quod eſt aliud dirius nomen illi imponere.

In varias Provincias penetravit hic latro, quas omnes rapinis, cædibus, incendiis, omnibuſque miſeriis impletas cœdavit. Erat illi animus omnes vaſtare, ne hoſtes haberet, vel in vivis relinqueret qui à ſe deficere poſſent; ſolis ſuis contentis militibus: ſed nec horum quamplurimis pepercit. Verum Provincia *Suchuen*, ingens ac populoliſſima, in qua per vim Regium aſſumpſit nomen, crudelitatis ſummæ theatrum fuit. Poſtquam enim *Huquang* ac *Honan*, & partem *Nanking* ac *Kiangſi* vexaſſet, pervenit ad eam anno MDCXLIV, & in ejus Metropoli *Chingtu*, vi capta, primo furoris æſtu Regulum ex *Taiminga* Familia, qui in hac urbe ſedem fixerat, occidit; uti jam ſeptem alios ex majoribus crudeliſſime maſtaverat. Hæc fuere præludia tragicorum actuum, quorum ſcenas breviter exhibebo, ut videant Europæi, quam horrenda ſit effræniſ & armata ferocitas in mediis infidelitatis tenebris furibunda.

Varios Regulos occidit.

Habebat latro crudelitatis impetus repentinos, ac principia ex duriffima orta indole. Nam vel leviter ab aliquo offenſus,

vel ſola offenſionis ſuſpicionem tactus, repente maſtari jubebat. Nihil ei in ore niſi vocabula mortis. Sæpe unius ob crimen totam familiam necabat, nec infantibus nec prægnantibus parcens: quinimo sæpe totam plateam delebat, ubi ille, à quo offenſus fuerat, habitabat, ſontem cum inſontibus involvens. Aliquando curſorem in *Xenſi* vicinam Provinciam miſit: ille regredi ad tyrannum noluit, lætatus plurimum quod ejus manus evaſiſſet: ob id totam regionem urbis, in qua habitabat, delevit; & magnam quoque feritati vim intulit, quod cives omnes non eadem poena affecerit. Ubi carnifex, quem forte ob crudelitatem præ reliquis amabat, morbo extinctus fuit, tum de Medico, à quo medicinam ſumpſerat, inquit: quo interempto non contentus, centum ejus artis homines carnificis manibus immolavit.

Ob unum ſontem inſontes plurimos necabat.

Erat quidem in ſpeciem comis ac ſuavis erga milites; cum illis ludebat, epulabatur, ac tamquam gregarius colloquebatur: sæpe ob bene exhibita militaria exercitia, ipſe ſuis manibus eos ſericis ac argento donabat. non erat hoc illi inutile, nec probroſum: verum & facili de cauſa crudeliſſime coram ſe aliquos ex illis trucidari jubebat; præcipue milites ex *Suchuen* Provincia; cujus populum miro perſequebatur odio, quod ſuſpicaretur eum Regia ejus poteſtate non gaudere, ut vix quidquam agebat in publico, quin id ex comœdia in triſtiſſimam cataſtrophem ac tragoediam deſineret: ſi enim vel male veſtitum, vel parum generoſè ambulantem militem forte videret, morte quamprimum afficiebat. Aliquando militi ſericum dono dedit, qui de ejus vilitate apud commilitones conqueſtus eſt: Id forte audivit explorator, (quorum quamplurimos meticuloſus tyrannus ubique habebat, qui facta & dicta omnium referebant) à quo admonitus, ipſe totam illam legionem, ſub cujus vexillo querulus ille miles arma gerebat, coram ſe trucidari crudeliſſime juſſit. Erat ea legio, ut ferunt, duorum millium.

Odium tyranni in Suchuen populos.

Habebat in Regia urbe Præfectos *Togatos* ſexcentos, publicis officiis præpoſitos: ex his poſt trium annorum ſpatium vix viginti ſuperfuerunt; omnes leviffimis de cauſis vario mortis genere affecit. Summo militaris Tribunalis Præfecto, quem *Pingpu* Sinæ dicunt, vivo pellem detraxi juſſit, quod abſque peculiari mandato Philoſopho Sinico ad domum ſuam e Metropoli eundi poteſtatem conceſſiſſet.

Legionem militum delet ob unius criminem.

Præfectos varios necat.

Eunu-

Eunuchos.

Eunuchorum quinque millia, quos ex *Taiminga* Familiæ Regulis à se occisis ad proprium admiserat obsequium, trucidari immaniter iussit; quod eorum uni semel accidit, ut non Regis titulo, sed antiquo latronis *Changhienchung* nomine eum compellaret; perinde quasi jam latro non esset.

Nec idolorum pepercit sacrificulis. Hi, antequam latro *Suchuen* occupasset, ingentem tumultum, fictis armati criminibus, in Patres, qui incolis Christum annuntiabant, moverunt; quæ demum in maiorem Dei gloriam redundavit; ita ut Patribus libere divinam rem agere permissum sit. Postquam autem latro *Suchuen* occupavit, sacrificulus magni nominis, qui turbarum caput ac auctor fuerat, ob quædam verba quæ de tyranno protulit, captus est, ac in Patrum conspectu, qui forte tyranno adstant, capite truncatus. Didicerant Patres à Christo inimicis benefacere, sed pro illo intercedere non potuerunt, quod latronis insanam iram noverant, quæ intercedentes eadem poena, cum eo, pro quo intercedebant, affecisset. Amabat quidem dirissimus

Tyrannus
Patres
modo
amat, modo
necare
vult.

latro Patres, tamquam doctos ac hospites, ac sæpe cum illis colloquebatur, in palatium sæpe invitabat; Patres tamen toties ad mortem se vocatos credebant, quam ob præcipitem tyranni iram merito formidabant. Ter morti destinati, ex quarto demum periculo divina quadam manu, ut suo loco videbimus, erepti sunt. Non quievit autem tyrannus unius sacrificuli morte: undique ad viginti millia conquistos vario mortis genere ad orcum, cui servierant, misit. Laudabat se ipse coram Patribus, tamquam rem bellam egisset: *Hi* (dicebat) *vobis vitam eripere volebant; sed Tienchu* (ita Deum nominant, quod Cæli Dominum significat) *me misit, ut pro vobis de his hostibus meritis repõcerem pœnas.* Sæpe etiam cum Patribus de Christiana Religione loquebatur, & tam apposite, ut Christianus videri potuerit. Laudabat ac extollebat Christianam doctrinam, de qua tum à Patribus ore tenus multa audierat, tum ex libris, Sinico idiomate à nostris impressis, legerat. Promittebat, ubi Imperium occupasset, extructurum se Deo templum, sua dignum munificentia: eratque in operibus externis vere splendidus ac magnificus: nihil enim nisi omnino egregium extruxit; sed omnia operatiorum sanguine fœdabat, quos ubi vel levissimum errorem commi-

ob unius
sacrificuli
20 millia
occidit.

fisse deprehendebat, ipso in opere crudeliter necari jubebat.

Ad Boream *Suchuen* Provinciæ, ubi cum *Xensi* concurrat, jacet urbs fortissima *Hanchung*, quæ ad *Xensi* pertinet: utriusque Provinciæ clavis dicitur, ob loci præstantiam ac fortitudinem: hanc tyrannus occupare contendit, ut facilius ad reliquas penetraret. Ingentem ergo exercitum anno *MDCLV* præmisit, in quo, præter reliquos, milites erant ad centum & octoginta millia ex *Suchuen* oriundi. Cum diu urbem frustra obsidione cinxissent, obsessis fortiter ac strenue resistentibus, quadraginta millia ex *Suchuen* ad urbis Præfectos defecerunt: ita tantus exercitus demum ad tyrannum re infecta redire coactus est. Sed tyrannus ira fremens, ceteros in fide perstantes ex *Suchuen* milites (centum erant & quadraginta millia) tamquam rebelles, horribili ferocitate à reliquo exercitu occidi iussit. Quatuor integros dies tenuit hæc carnificina: quamplurimis vivis adhuc spirantibus pellis detracta, & relicto annexo capite stramine repleta, atque ita ad civitates vel urbes, ex quibus oriundi erant, transmissa, ut civibus terrorem incuteret: atque hinc in totam Provinciæ, tamquam à se Rege alienam, illud odium concepit, quod vix eadem omnino deleta extinctum est. Plurimi quidem, ob inauditam ejus tyrannidem, contra ipsum arma capiebant; qui cum milites non essent, sed solum ex confusa populi turba collecti, sine peritis Ducibus, facile à latrone superabantur: plurimi, lique prudentiores, urbibus relictis, secretiora montium occupabant: hi ex tota fere Provinciæ soli crudeles tyranni manus evaserunt.

Hanchung
urbem
occupare
tentat.

Centum
quadra-
ginta
millia
militum
crudeliter
sine ne-
cat.

Post hæc omnes totius Provinciæ studiosos ad Litterarium examen vocat, Præfecturas doctioribus promittit. Has adeo cæca ambitione prosequuntur Sinæ, ut tyranni stratagema ac perfidiam ne intellexerint quidem. Adsunt ergo ad decem & octo plus minus millia; quos omnes (ut moris est) in Gymnasium urbis, tamquam ad examen introduxit; ubi captos, à militibus necari crudelissime iussit, asserens eos esse, qui suis sophismatis populum perturbarent, & ad rebellionem provocarent.

Studiosos
omnes oc-
cidit.

Horresco referens tot funera, & novis tamen obruior. Necdum enim recensui quot ubique passim infantes, pueros, puellas ac matronas, etiam prægnantes interemerit. Quot Præfectorum uxores, vivis adhuc ma-

Infantes
necat, ac
matronas
exponit.

ritis, sed morti destinatis, prius publico exposuerit ludibrio turpissimus æque ac crudelissimus tyrannus, quam morti victimas immolaret: unde quamplurimæ violentas sibi potius manus inferebant, quam ut paterentur honestatis suæ publicum hoc & infame detrimentum. Execranda quamplurima hujus generis exempla relinquo, ne castis oculis ac mentibus infanda & tacenda subjiciam.

Anno deinceps MDCXLVI in Tartaros, quos *Xensi* Provinciam ingressos audierat, movere coactus est. Quare, ut securior procederet, reliquos omnes *Suchuen* Provinciæ incolas delere decrevit, iis exceptis, qui ad Barrapeliotem vergunt, ne exercitibus alimenta deessent: nam per eas terras procedere debebat; ea de causa illorum mortem in aliud tempus distulit. Primum itaque omnes omnis generis ac conditionis in *Chingtu* Metropolitana urbe civitates, ab intronata exercitus parte vinculis constringi voluit; (sexcenta hominum millia fuisse scribunt) mox ipse per hosce viatos obequitans transivit, quem lamentabili ejulatu & lacrymis, quibus vel lapidem movissent, Regem ac Dominum compellabant, flexis genibus rogantes, ut innocentem populo suo parceret. Stetit ipse tantillum, natura humana diris visceribus ac crudelitati vim aliquam inferente: mox tamen ad ingenium rediens, *Occidite*, inquit, *Occidite hos rebelles*. Quare omnes eodem die extra urbis mœnia, spectante ac vidente sanguinolento latrone, trucidati sunt. Patres nostri per id tempus, ut famulis suis subvenirent, tyrannum cum evidenti suo adierunt periculo; à quo tamen, stupentibus omnibus, famulorum vitam obtinuerunt. Jam ligati cum reliquis educebantur: unde divisi Patres, alter una, alius alia urbis porta egressus est, per quas miserabilis populus educebatur veluti ad macellum; atque ita famulos liberarunt: ubi etiam Deo ac Religionis præclaram navarunt operam, infantes innumeros, militibus concedentibus, sacra Baptismatis aqua abluentes, qui ex carnificum manibus in Cælum evoluturi erant; atque ita immanis tyranni crudelitas parvulis illis profuit, ut Herodis Innocentibus: magnum plane Divinæ prædestinationis testimonium.

Scribunt, tantum sanguinis hic fusum, ut magni *Kiang* fluminis (quod urbem præterfluit) aquas auxerit: imo ipsa corpora in flumen projecta sunt; à quo abrepta, reli-

quis urbibus ac civitatibus, ne meliora à tyranno sperarent, nuntiabant. Nec diu dilata res est: nam tyrannus, eodem modo undique dimissis exercitibus, reliquarum urbium ac civitatum incolas, quoscumque assequi potuit, occidit: ita totam pene populosissimam *Suchuen* Provinciam incredibili vastitate corrumpit.

His peractis, milites omnes congregavit in campo, quem pro militaribus exercitiis quælibet urbs in Sinis habet (*Kioochang* vocant) ubi eos ita est allocutus: *Orbis Imperium, expulsis Tartaris, vestra virtute me consecuturum spero: sed expeditiores ac promptiores vos volo, quam modo sitis. Ego ipse, ut vobis notum est, sexaginta naves argento plenissimas Kiang fluvio merfi, quod, ubi Imperium occupavero, facile extraham, ut vobis de me bene meritis distribuam* (verum dixit de merfo argento; sed ut locus lateret, nautas omnes mactaverat:) *majus restat itineris nostri impedimentum; mulieres nimirum, quibus vestrum quilibet gravatur. Agite fortiter, Imperio occupato exquisitissima alia non deerunt. Exemplo præibo, quamvis, ut Imperator, legi communi minime obnoxius.* His dictis, ex trecentis puellis (quas pulcherri-
mas ad voluptatem ac servitium sibi elegerat) solas viginti ad trium Reginarum obsequium servat; reliquas omnes ibidem necari jubet. Sequuntur deinceps milites crudelissimi Ducis Imperium ac exemplum, & innumeras innocentes mulieres, tamquam oves, & perinde ac si hostes essent, obtruncant.

Ubi vero homines ex *Suchuen* Provincia, quos mactaret, non habuit, iram ac odium in urbes ac domos evomuit. Palatium superbissimum, quod sibi extruxerat, incendit: quo incendio & pulcherrimam ac amplissimam *Chingtu* Metropolim etiam vastavit. Arborea omnes, ne cui prodesse, dejecit. Ita (ut dicebat) purgato exercitu tandem processit, & ubicumque transibat, relictos hætenus mortales inter-
necione debebat; omnes nimirum quos ad manus habere poterat. Neque his contentus, quamplurimos etiam ex militibus, quia præcedebant alios, vel tardius sequebantur, levissimas demum ob causas, trucidabat: ægrotos omnes ac debiles etiam ad orcum demittebat, ne (ut joco ludebat) in mala ac destructa regione miseri remanerent. Crudelissima alia taceo, & ad catastrophem propero.

Vix *Xensi* Provinciam ingressus erat, quando.

Sexcenta
civium
millia
Chingtu
urbis ma-
ctat.

Innocen-
tes bapti-
zantur.

Milium
mulieres
omnes ne-
cari ju-
bet.

Palatium
ac *Ching-
tu* urbem
comburit.

Tyrannus
occidit.

Suchuen
Provincia
Tartaris
incenditur.

quando Tartarorum Dux, Imperatoris patruus, cum quinque Tartarorum millibus adfuit, reliquis copiis subsequenter. More Tartarico quinque equites præcedebant: Tartari enim semper aliquos præmittunt; qui si bene excipiantur, pro signo submissionis ac pacis habent; si vis aliqua illis inferatur, futuræ pugnae signum inde accipiunt. Hos equites prodromos latronis exploratores viderant, & statim adesse denuntiant. Ridet ille exploratores, & num advolarint Tartari, interrogat. Tum temporis homines quamplurimos ante se ligatos habebat, ut occideret; inter quos & duo nostri Patres erant morti destinati, quia in *Suchuen* redeundi copiam petierant; hujus enim Provinciae ad Christum convertendæ curam susceperant: sed inopinata mors latronis eos à præsentis periculo exemit: eodem enim tempore à Ducibus admonetur, Tartaros vere ac pro certo adesse. Quo audito, ipse confestim è tentorio erumpens, ut erat animosus, sine lorica & galea, arrepta lancea, paucis comitatus exit extra castra, ut Tartarorum exploraret adventum. Adfunt reipsa quinque illi Tartari, ac tyrannum invadunt velocissime. Prima sagitta quam emisit, felicissima Tartaris & pluribus aliis fuit, quæ latronis dirum cor transfixit, ac illum extinxit, qui omnes necaturus videbatur, & ex vilissima latronis sorte Regis interim titulum violenter assumebat: ita crudelitatis monstrum corruit. Quo prostrato, reliqui simul adfunt Tartari, & facile totum ejus exercitum sine Duce fundunt. Milites quamplurimi ad Tartaros deficiunt, alii occiduntur, alii aufugiunt: & mox in *Suchuen* Provinciae miseræ hominum reliquæ, tamquam servatores suos, accipiunt Tartaros: atque ita hæc etiam Provincia Tartaris paruit, quæ in Occidente ultima Sinarum est, Tibetano Regno vicina.

Stabilitis exinde rebus, ac relictis præfidiis in hac Provincia, ad *Peking* Regiam reditum parabat Tartarorum Dux; quando Patres nostri, jam liberi, facultatem ab ipso petierunt remanendi in *Suchuen*. Hanc

vero concedere noluit; sed tantos hospites *Peking* secum ad Imperatorem transire debere dixit; in qua urbe ego ipse eos reliqui anno MDC L.

Ceterum ante commemoratus Dux, post tantam victoriam, ab *Amarvango* fratre male est exceptus; & ubi triumphum sperabat, mortem invenit. Cum enim longissimo plurium mensium itinere, laborum assidua perpeffione, ac continuis molestiis, plures quam pugnando Tartaros amisisset; de regiminis negligentia accusatus, cum laudem se meritum crederet, iram domare non potuit; sed arreptum Tartaricum pileolum in terram (quod summum est indignationis signum) projecit. Quare destinatus fuit carceri, in quem includi solebant ab Imperatoribus Sinicis quicumque ex Imperiali sanguine delictum aliquod commiserant; vocaturque hic carcer *Caociang*. Hoc vero probrum ne primus ex Tartaris pateretur, in proprio palatio laqueo prius vitam finivit; meliori dignus fortuna Princeps, quam generosus illius animus ac præclare gesta facinora merebantur. Non defuere qui hoc ex *Amarvangi* æmulatione ortum affirmant; sed credo *Amarvangu* ad hæc adductum, quod rebus Tartaricis non parum timeret ab hoc fortissimo, sed præcipitis ingenii fratre.

Atque hic esto narrationis meæ finis, qua Bellum Tartaricum breviter descripsi, ad initium usque anni MDC LI, quo tempore ex Sinarum Regno in Europam à Superioribus meis missus discessi. Ex hac porro, si nihil aliud, illud certe mirum & omni observatione dignum apparet, quemadmodum brevi septem annorum spatio Tartari plus terrarum occuparint, quam exercitus integer in longum & latum perambulare possit: duodecim nimirum Imperii Sinarum Provincias, & *Coream*, ac *Leaotung* ingentes terrarum tractus. Quid vero post hæc actum sit, cum in charam mihi Sinam rediero, Deo bene favente, vel cum à Sociis admonitus per litteras fuero, faciam quoque ut Europa hujus Belli finem non diu desideret.

Patruus Imperatoris non bene excipitur:

Seipsum suspendit.

Tyrannus occiditur.

Suchuen Provincia Tartaris subicitur.

A P P E N D I X.

Postquam typis vulgata prodiit nostra de Tartarico bello Historia, cum Amstelodamo (ubi Atlantem Sinicum quanta potui celeritate ad editionem perduxim) Bruxellas reversus essem, ibi à Romanis nostris ad me transmissas postremas Sinensium litteras, quarum summo tenebar desiderio, accepi. Ex his aliqua in civitate Xanghai Provincia Nanking XIV Novembris anno MDC LI, à R. P. Francisco Brancato Siculo exarata erant. Quod autem existimem Europæis non ingratum me facturum, si privatum nuntium in publicum emitterem; narratiunculam, uti eam excerpti è litteris, subtexo.

De quo
supra
fol. 15.
Amavangus
suspectus,
post
mortem
punitus.

Vide su-
pra fol.
14.

Sinarum
religio
erga de-
mumos.

Tartari
Impera-
toris nu-



AD saniozem jam statum Imperium Sinense perductum est, postquam *Amavangus*, adolescentuli Regis patruus ac tutor, è vivis excessit; cuius in occupando alieno Imperio velocitati, in retinendo vigilantie fortunam tam felicem Tartari debent. Extincti tamen existimatio longe diversa ab auctoritate viventis fuit. Cum enim regnandi potestas omnis ejus morte ad nepotem recidisset, is nomine *Xunchi*, ætate pæne puer, consilio ac prudentia senex, magna omnium Ordinum approbatione imperare coepit. Vix inauguratus erat, quando judicii sui maturitatem cum justitie severitate conjunxit: deprehensus enim, quæ adhuc latuerant, nefariis Patruis consiliis, occultorumque flagitiorum vestigiis, eorum gravitate sic commotus est, ut demortui *Amavangi* sepulchrum, superbissimo ornatu cultu, effodi jussit. Eo supplicii genere nulla apud Sinas capitalior est poena; ab infixa enim animis religione summam venerationem monumentis defunctorum adhibent. Extractum inde cadaver, primum fustibus, tum virgis everberatum, tandem præciso capite, extremis reorum probis objectum est. Ita splendor tumuli in pulverem abiit, & fortuna, quod vivo debuerat, mortuo solvit. In Præfectos quoque *Amavango* amicos aut conscios supplicii actum est: pars interempti, pars dignitatibus exuti. Hos inter varia *Colai Fung* fortuna fuit, qui summus Tartarici Imperii Præfectus, licet Christianæ Religionis exors, Societatis tamen nostræ amicus ac fautor in paucis, mihi probe cognitus fuit: cum, innocentia comperta, pristino loco restituit.

Interæa novus Imperator *Xunchius*, primo adolescentiæ flore pubescens, de fasti-

gii tanti propagatione sollicitus, cogitatas ^{ptia, &} jam nuptias absolvit, & filiam Occident- ^{earum} ^{ritus.} lis Tartariæ Imperatoris sibi connubio adjungit: in quo Europæorum more agunt Tartari, sponsa è summi generis virginibus ducta: at Sinarum Imperatores, posthabito natalium splendore, ex maximo formosarum numero eminentem forma conjugem legunt, & ne plebeiam quidem respiciunt. Postremo certe Sinarum Imperatori uxor fuit, cujus pater stramineis calceis consuendis quæstum fecit. Sic olim Assuerus ex captiva Reginam habuit: quem morem credibile est vel à Sinis ad Persas, vel ab ipsis Persis ad Sinas olim derivatum. Sed ut ad rem nostram redeam, *Xunchii* nuptiæ pompa tanto Imperio digna celebratæ sunt. Nec Sponsæ adventanti fastus defuit Nationis ingenio congruens, immensæ militum copiarum, equorum greges, qui numerari vix poterant: opulentia liquidem Tartarica non tam luxui opportuna, quam bello. Neque supra fidem videtur innumerus equorum modus; equidem apud Sinas agens novi octoginta equorum millia ex Tartaria Occidentali uno comœatu ad Sinas dono deducta. Quæ Tartarorum potentia, ut nullis limitibus cohiberi se patitur, ita modo totam *Quangtung* Provinciam vi subegit: ex qua in *Quangsi* quoque fluminis more inundantes Tartari eam conditioni suæ adjunxere. Igitur ex ea profugus cum Eunuchorum principe *Pang Achilleo* Christiano *Junglieus* Sinarum Rex, ad confinia *Tungking* substitit, totoque fere regno exclusus dicitur. R. P. *Simon de Cunha* Lusitanus ex *Fokien* Provincia in suis scribit, *Junglieum* Regem, continenti omnino relicto, ne in Tartarorum manus incideret, mare petivisse. De Patre nostro *Andrea Xaverio Koffler*, qui Regem *Junglieum* sequebatur, ejusque filium,

lium, uxorem, matrem aliosque plurimos Baptismo sacro abluerat, nulla haecenus mentio; adeoque quid de eo actum sit, prorsus ignoratur.

Ceterum dum *Quangsi* Provinciam *Cung* Tartarorum Regulus domat, *Colaus*, qui summam Praefecturam gerebat, & Christianus erat, in potestatem hostium venit. Tartarus victor, triduo ab omni in eum crudelitate abstinuit, ratus egregii Philosophi animum dignitatibus praemiisque propositis ad obsequium flecti posse. Verum ille fidem olim Regi suo datam vitae praefrens, capite plexus est. Venerationi tamen ac laudi virtus fuit; corpus ab hostibus magnifico tumultu illatum: tametsi enim ad defectionem Sinas invitant Tartari; perseverantes tamen in fide praconio ac benevolentia prosequuntur. Haec sane etiam ipse viri praestantis amicitiae ac virtutibus debeo, quas & coram in eo veneratus sum, & Sinenfis Ecclesia totos viginti annos cum admiratione suspexit. Nomen ei *Kin Thomas*, memoria sempiterna dignissimum. Ex *Nanking* Provinciae civitate *Changcho* oriundus fuit. Inter haec ex *Suchuen* provincia, quam saevitiae ac plurimorum scelestorum infamia notus, latro *Changhienchungus* evastaverat, nuntiatur variis eam bellorum motibus concuti; & quamvis perdomita videretur, novas tamen res turbasque moliri.

Iam & *Fokien* provincia laborare coepit. Ex ejus urbe *Changchen*, jam obfessa xxx Martii anno MDC LII, R. P. *Petrus Canavari* Genuensis scribit, *Quesingum* relictis navibus exscensione in continentem facta, omnem late regionem invadere, villas ac civitates nonnullas occupasse, terrorem circumferre; Tartarorum Praefectos praefidiis & munitionibus se continere, certamen detrectare: brevi tamen ex *Peking* regia sede ingentes copias expectari, iisque facile debellatum iri. Est autem *Quesingus* hic Provinciae *Fokien* infestus, natus patre *Iquon*, seu *Chingchilungo*, magnae famae pirata, quem insigni Tartarorum dolo captum fuisse supra narratum est. Ut vero pertexam ea quae de homine illo audiavi postrema nova, cum Europam petiturus apud

Hollandos in Batavia nova (ad quam ab illorum epibatis ac militibus quibusdam tamquam captivus deductus fueram) aliquot mensibus versarer; & quae ex quibusdam Sinis ad eandem Insulam navigio Sinico delatis anno MDC LIII Ianuario mense percepi; nempe ad compescendum *Quesingum* exercitus Tartarorum numerosos advenisse. Horum Dux calliditate utendum ratus, exiguum suorum manum adversus *Quesingum* praemittit; mandata addit, ut pugnae sese committant, ac simulata mox fuga ad tutiora festinent. Maxima interim Tartarorum equitum vis profundam vallem à tergo montis interjecti insidet. Tartari, qui pugnam inchoaverant, mox fugam arripiunt; quos dum progressi Sinæ sequuntur ac premunt, & paulatim ardore vincendi longius à littore *Chang* fluminis, ubi classis stabat, recedunt, repente Tartarorum equitatus cernitur; fit maxima caedes, reditu Sinis ad naves pracluso, ex quibus ad octoginta millia deleta affirmabant, *Quesingo* suorum interitum ex navi spectante; quem & dixisse ajunt, se adhuc semel fortunam contra Tartaros probaturum; quam si iterum novercam experiatur, tum demum se capillos Tartarorum more abscisurum.

Denique ut ea quae ad Religionem spectant, atque postremis è Sina litteris acceptum in Belgio Bruxellæ adhuc agerem, mense Junio MDC LIV quam paucissimis attingam; referebant illæ, Patres Societatis IESV, à Tartaris benigne ut antea, & melius quoque haberi; liberrimum toto Regno exercitium Christianæ Catholicæ Religionis ab iis permitti, & præter vetera templa, novis quoque condendis non tantum fieri potestatem, verum & rei non parum in eorum fabricam quibusdam in locis ab iis esse collatum. Adeo quæ aliis damno sunt, divina bonitas suis vertit in lucrum. Verum hæc & similia fusius enarranda ampliori volumini reservantur, quod ea quæ ab anno MDC X (quo suum de Christiana expeditione apud Sinas suscepta ab Societate IESV librum concludit R. P. *Nicolaus Trigautius*) gesta sunt usque ad hæc tempora, complectetur.

Egregia
Praefecti
fides in
Regem.

Vide supra.

Littera

Quesingus
pirata.

Vide supra.

Quesingus
vinctur.

Religio
Christiana.

INDEX HISTORIÆ BELLII TARTARICI.



Artari, antiqui Sinarum ho-	Proditur Sina,	<i>ibid.</i>
stes,	1 Edictum Tartarorum,	<i>ibid.</i>
Tartari, qui?	Eorum vestis ac mores,	<i>ibid.</i>
etiam olim Sinas occu-	Tartarorum perfidia,	6
parunt,	Tartari quiescunt,	<i>ibid.</i>
Tamerlanus Sinas non occu-	Regis Sinarum fortissimus Dux,	<i>ibid.</i>
pavit,	Nova Metropolis in Leaotung,	<i>ibid.</i>
Tartari in Sina Imperatores,	Fidelissimus Sinis Dux,	<i>ibid.</i>
Vilis ac infimæ fortis homo Tartaros è Sina	Clade afficiuntur Tartari,	<i>ibid.</i>
ejicit,	Tartarorum crudelitas,	<i>ibid.</i>
Origo Taimingæ Familiæ apud Sinas,	2 Moritur Thienkius Imperator, & Rex Tarta-	<i>ibid.</i>
Nanking regia urbs,	rus,	<i>ibid.</i>
Tartari victi ac tributarii,	Zungchini in Sinis eligitur Imperator,	<i>ibid.</i>
Tartariæ merces,	Thienzungus, Rex Tartarorum, humanior,	<i>ibid.</i>
Sinicus Imperator sine infamiæ nota Tartaris	Militum insolentiæ Coreanos exasperant,	<i>ibid.</i>
dona dat,	Tartari in Coream introducti,	<i>ibid.</i>
Præsidium ingens ad muri custodiam contra	Maovenlungus invaditur,	<i>ibid.</i>
Tartaros,	Corea vastatur,	7
In Sinis multorum annorum continua pax,	Trium exercituum pugna, ac strages,	<i>ibid.</i>
Tartarorum multiplicatio Sinis formidabilis,	Orientalis Leaotung pars Tartaris paret,	<i>ibid.</i>
Sinæ de Tartaris vastandis cogitant,	Lusitanica auxilia adfunt,	<i>ibid.</i>
Belli Tartarici causæ,	Subdolus ac perfidus Sinarum Dux,	<i>ibid.</i>
Prima in Sinas Tartarorum irruptio,	Maovenlungus veneno occiditur,	<i>ibid.</i>
Eorum protestatio contra Sinas,	Regia Peking obsidetur,	<i>ibid.</i>
Sinicornum quorundam Præfectorum superbia	Perfidus Dux mira arte capitur ac occiditur,	<i>ibid.</i>
Tartaricum bellum accendit,	Tartari Peking Provincia vastata, excedunt,	8
Barbarum ac superstitiosum Tartari Regis vo-	Moritur Tartarorum Rex; alter succedit,	<i>ibid.</i>
tum,	Zungteus, novus Tartarorum Rex, comis ac	<i>ibid.</i>
Leaoyang metropolis obsidetur ac capitur,	prudens,	<i>ibid.</i>
Stratagema contra sclopeta,	Comitas potior in occupandis Regnis,	<i>ibid.</i>
Varia civitates occupantur,	Barbarus Sinarum mos,	<i>ibid.</i>
Tartari captas urbes ut tractent,	Ignatius fortissimus Dux Christianus, injuste	<i>ibid.</i>
Tartarus Rex, Sinarum Imperatorem se vo-	occiditur,	<i>ibid.</i>
cat,	Ignatii fidelitas, & justitia,	<i>ibid.</i>
Ob persecutionem in Christianos motam Deus	Ignatius mavult mori, quam regnare, vel Tar-	<i>ibid.</i>
Sinas punit,	taro servire,	9
Tartari in pugna victores,	Potissima perdendi Sinici Imperii causa latro-	<i>ibid.</i>
In regia Peking pavor ac confusio,	nes,	<i>ibid.</i>
Abductis prædis revertuntur Tartari,	Latrones varii,	<i>ibid.</i>
Moritur Vanlieus,	Latrones reprimuntur, sed non delentur,	<i>ibid.</i>
Succedit Taichangus; sed cito moritur,	Fames latrones auget, & avaritia Imperato-	<i>ibid.</i>
Eligitur Thienkius,	ris,	<i>ibid.</i>
Coreani Sinis fortiores,	Latrones Duces evadunt, ac ad Imperium	<i>ibid.</i>
Novæ contra Tartaros præparationes,	aspirant,	<i>ibid.</i>
Thiencin portus commodissimus,	Latronum præcipua capita,	<i>ibid.</i>
Amazon Sina fortissima,	Latrones Provincias Xensi & Honan vexant,	<i>ibid.</i>
Pium Christianorum inventum,	10	
Tartari omnino ejiciuntur,	Caifung nobilissima urbs obsidetur,	<i>ibid.</i>
Iterum bellum movent,	Inaudita fames,	<i>ibid.</i>
Leaoyang urbs iterum obsidetur ac capitur,	Caifung urbs aquis mergitur,	<i>ibid.</i>
	Dux latronum regis titulum assumit,	<i>ibid.</i>
	Xensi	

I N D E X.

Xenfi Provincia occupatur,	10	Quangtung Provincia invaditur,	<i>ibid.</i>
Latronum Dux Imperatoris Sinarum nomen assumit,	<i>ibid.</i>	Famofus pyrata apud Sinas,	<i>ibid.</i>
Bonum latronis regimen,	11	Tartari mira arte pyratam decipiunt, ac capiunt,	20
Alia perdendi Sinici Imperii causa, Praefectorum discordia,	<i>ibid.</i>	Vincuntur Tartari in Quangfi,	<i>ibid.</i>
Latrones Xenfi Provinciam occupant,	<i>ibid.</i>	Junglieus fit Sinarum Imperator,	<i>ibid.</i>
Imperator Sinicus turbatur,	12	Imperii heres Christianis sacris initiatus,	<i>ibid.</i>
Latronum stratagema,	<i>ibid.</i>	Latrones Fokien Provinciam turbant,	<i>ibid.</i>
Capitur Regia Peking,	<i>ibid.</i>	Changus Tartarorum Dux frustra urbem Kianning obsidet,	21
Imperator obtruncata filia, seipsum suspendit,	<i>ibid.</i>	Capitur tandem, ac deletur,	<i>ibid.</i>
Latronis favitia, ac crudelitas,	13	Praefidia Tartarorum qualia,	<i>ibid.</i>
Tartari contra latrones invitati,	<i>ibid.</i>	Dux Kinus à Tartaris deficit,	<i>ibid.</i>
Latro Tartaros fugit,	<i>ibid.</i>	Inter duos Tartarorum Praefectos odium Kiangfi Provinciam turbat,	22
Palatii divitiæ auferuntur,	<i>ibid.</i>	Multa loca à Tartaris deficiunt,	<i>ibid.</i>
Rex Zungteus moritur,	14	Cancheu urbis Praefecti dolus,	<i>ibid.</i>
Tartari intra Sinas admissi, exire nolunt,	<i>ibid.</i>	Kinus Tartaros vicit,	<i>ibid.</i>
Eorum astutia ac dolus,	<i>ibid.</i>	à Tartaris obsidetur,	<i>ibid.</i>
Magnæ Tartarorum copiae Sinas ingrediuntur,	<i>ibid.</i>	ex urbe erumpit,	23
Tartari Sinicum imperium occupant,	<i>ibid.</i>	Nanchang urbs vastatur,	<i>ibid.</i>
Xunchi coronatur primus Imperator Tartarus,	<i>ibid.</i>	Tres Reguli creantur, ac cum totidem exercitibus contra Junglieum mittuntur,	<i>ibid.</i>
Amavangus Patruus & tutor Imperatoris fidelissimus,	15	Hous in Tartaros insurgit,	<i>ibid.</i>
Ufanguetus Tartaris subesse coactus,	<i>ibid.</i>	Crudele consilium Ducis Tartari,	<i>ibid.</i>
Quid de Licungzo actum, ignoratur,	<i>ibid.</i>	Metropolitana Sigan obsidetur,	24
Tartari varias occupant Provincias,	<i>ibid.</i>	& liberatur,	<i>ibid.</i>
Sinicas leges non mutant,	<i>ibid.</i>	Tartarorum insolentia res eorum ad magnum discrimen perducit,	<i>ibid.</i>
Hungquangus Nanking Sinarum Imperator coronatur,	16	Kiangus in Tartaros insurgit,	<i>ibid.</i>
Tartari pacem nolunt,	<i>ibid.</i>	magnas congregat vires,	<i>ibid.</i>
Zungchinii filius Nanking comparet,	<i>ibid.</i>	stratagemate Tartaros vicit,	25
Res Sinarum turbat,	<i>ibid.</i>	Tartaros iterum cædit,	<i>ibid.</i>
Sinarum fuga,	<i>ibid.</i>	Amavangus ipse in Kiangum movet,	<i>ibid.</i>
Yangcheu Urbs vim Tartarorum sustinet, sed capta deletur,	<i>ibid.</i>	Tartarorum vexilla,	<i>ibid.</i>
Tartari varia loca occupant,	<i>ibid.</i>	Secretum magnificiunt in militia Tartari,	<i>ibid.</i>
Pugna inter Sinas ac Tartaros,	<i>ibid.</i>	Tartari venatione delectantur,	<i>ibid.</i>
Proditor rem Sinicam perdit,	<i>ibid.</i>	Kiangi error,	26
Hungquangus Tartaris traditur ac occiditur,	<i>ibid.</i>	Kiangus occiditur,	<i>ibid.</i>
Tartari Hangcheu urbem petunt,	17	Xunchius Imperator uxorem ducit,	<i>ibid.</i>
Inauditus Louangi Reguli erga subditos amor,	<i>ibid.</i>	Kengus Regulus seipsum suspendit,	<i>ibid.</i>
Multi milites hauriuntur,	<i>ibid.</i>	Quangcheu urbs obsidetur,	<i>ibid.</i>
Hancheu capitur,	<i>ibid.</i>	tandem capitur, ac vastatur,	27
Xaoking urbs capitur,	<i>ibid.</i>	Junglieus fugit,	<i>ibid.</i>
Sinæ capillos suos defendunt,	<i>ibid.</i>	Tartari Templum offerunt Patribus,	<i>ibid.</i>
Duo simul Reges rem Sinicam perdunt discordia,	18	fidem amplectuntur,	<i>ibid.</i>
Tartari fluvium superant & Xaoking recuperant,	<i>ibid.</i>	Corea à Tartaris deficit,	<i>ibid.</i>
Insula Cheuxan in Regnum evadit,	<i>ibid.</i>	Amavangus moritur,	<i>ibid.</i>
Kinhua urbs capitur ac vastatur,	<i>ibid.</i>	Changhienchungus immanis tyrannus,	28
Tartari Fokien Provinciam occupant facillime,	19	varios Regulos occidit,	<i>ibid.</i>
Lunguus Imperator occiditur,	<i>ibid.</i>	ob unum fontem infontes plurimos necabat,	<i>ibid.</i>
		odium tyranni in Suchuen populos,	<i>ibid.</i>
		legionem militum delet ob unius crimen,	<i>ibid.</i>
		praefectos varios necat,	<i>ibid.</i>
		& Eunuchos,	29
		tyrannus Patres modo amat, modo necare vult,	<i>ibid.</i>
		Ob	

I N D E X.

Ob unius sacrificuli crimen 20 millia occidit,	Palatium ac Chingtu urbem comburit,	<i>ibid.</i>
<i>ibid.</i>	Tyrannus occiditur,	3 ¹
Hanchung urbem occupare tentat,	Suchuen Provincia Tartaris subijcitur,	<i>ibid.</i>
Centum quadraginta millia militum crudelif-	Patruus Imperatoris non bene excipitur,	<i>ibid.</i>
sime necat,	Seipsum suspendit,	<i>ibid.</i>
Studiosos omnes occidit,	Amavangus suspectus, post mortem punitus,	3 ²
Infantes necat, ac matronas exponit,	<i>ibid.</i>	<i>ibid.</i>
Sexcenta civium millia Chingtu urbis ma-	Sinarum religio erga demortuos,	<i>ibid.</i>
cat,	30 Tartari Imperatoris nuptiæ, & earum ritus,	<i>ibid.</i>
Innocentes baptizantur,	<i>ibid.</i>	<i>ibid.</i>
Militum mulieres omnes necari jubet,	<i>ibid.</i>	<i>ibid.</i>

A P P R O B A T I O C E N S O R I S.

HISTORIA hæc De Bello Tartarico, à R. P. Martinio, Societatis Iesu, aptè concinnata, & in nullo Fidei Catholica aut bonis moribus dissona, luce publicâ dignissima est. Actum VI Martii, M D C L I V.

Guilielmus Bolognino S. T. L. Can.
& Libr. Cenfor Antverpiæ.




INDEX & ORDO

TABVLARVM

VOLVMINIS DECIMI.

A S I A.



Sia.
Turcicum Imperium.
Natolia, five Asia mi-
nor.
Cyprus Insula.
Terra Sancta, five Pa-
læstina.
Arabia.
Persia.
Magni Mogolis Imperium.
India.
Insulæ Moluccæ.
Tartaria, five magni Chami Impe-
rium.

1 Imperium Sinarum.
3 Pecheli, five Peking, Prov. I.
Xanfi, Provincia II.
13 Xenfi, Prov. III.
25 Xantung, Prov. IV.
Honan, Prov. V.
29 Suchuen, Prov. VI.
45 Huquang, Prov. VII.
53 Kiangfi, Prov. VIII.
65 Nangking, five Kiangnan, Provin-
85 cia IX.
89 Chekiang, Provincia X.
Fokien, Provinc. XI.
93 Quangtung, Prov. XII.
Quangfi, Prov. XIII.
Queicheu, Prov. XIV.
Iunnan, Prov. XV.
Iaponia.

1
27
37
43
53
59
65
74
84
94
109
121
132
142
149
155
169

S I N A.


I N D E X

A L P H A B E T I C V S

T A B V L A R V M

V O L V M I N I S D E C I M I.

A S I A.



Rabia.
Asia.
Cyprus Insula.
India.
Insulæ Moluccæ.
Magni Mogolis Imperium.
Natolia, five Asia minor.
Persia.
Tartaria, five magni Chami Imperium.
Terra Sancta, five Palæstina.
Turcicum Imperium.

S I N A.

CHekiang, Provincia X.
Fokien, Provinc. XI.

Honan, Prov. V. 59
Huquang, Prov. VII. 74
Iaponia. 169
Imperium Sinarum. 1
Iunnan, Prov. XV. 155
Kiangsi, Prov. VIII. 84
Nangking, five Kiangnan, Provin-
cia IX. 94
Pecheli, five Peking, Prov. I. 27
Quangsi, Prov. XIII. 142
Quangtung, Prov. XII. 132
Queicheu, Prov. XIV. 149
Suchuen, Prov. VI. 65
Xanfi, Provincia II. 37
Xantung, Prov. IV. 53
Xenfi, Prov. III. 43

45

1

25

85

89

65

13

53

93

29

3

109

121

